




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.158





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.158



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.158



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.158


2. 3. 158

2M.3

XXXIV

4

LAVR



OPUSCULA OCTO
DE ORATIONE
CHRISTIANA,
EIVSQUE SPECIEBVS,

In Tyronum orantium gratiam edita ab eorum amantissimo

FR. LAVRENTIO
BRANCATO

TIT. BASILICÆ SS. XII. APOSTOLORVM
S. R. E. PRESBYTERO BIBLIOTHECARIO
CARDINALI DE LAVRÆA.

EDITIO SECUNDA

EIDEM EMINENTISSIMO PRINCIPI

Suo Domino Colendissimo

Per Ad. Reu. Patrem S. T. Magistrum

P. BARTHOLOMÆVM COMANDI

A Castronovo Ord. Min. Conu.

Prouinciæ Siciliæ Definitorum Perpetuum & in Basilica
SS. Apost. de Vrbe, ex decreto Clementis X.

Parochum Perpetuum;

Atque in eadem Basilica publicum Sacrorum Canonum lectorem.

D I C A T A.



VENETIIS , M. DC. LXXXVII.

Typis Ioannis Baptistæ Tramontini.
SUPERIORVM PERMISSV.

EMINENTISSIME PRINCEPS



Ysticis hisce Eminen-
tię tuę de Christiana
oratione monumen-
tis : quippè quæ in
odorem suauitatis
ROSEO concinnata
stylo: Christiadum
corda fortiter, & suauiter post cæ-
lestis sponsi trahi vestigia, nemo est,



2

tàn

tàm in litteraria, quàm in spiritali
Palæstra ex versatis, quìn summo iu-
re testetur. Quapropter: cùm vix
subtracta prælo primæ editionis
exempla, ita breui temporis interca-
pedine sacratoribus impluteis fue-
rint reposita, piorum terenda mani-
nibus, vt nullum nunc apud Bibliopo-
las reperiatur: Ne eorumdem piorum
vota diù fatigari paterer, eadem pu-
blicum in aspectum statui reuocare.
Cui verò opus animabus tantopere
salutare, atque adeò necessarium, ni-
si TIBI vndequa; meritissimo nun-
cuparem? nam & si multiplici quidem
iure ad huiusmodi obsequij attesta-
tionem compellor: duo tamen in-
ter cætera me summopere coegisse fa-
teor: quia videlicet tuum TIBI omni-
nò sistendum: alterum, quia ipse tuus
cùm sim, non alij, quàm TIBI, id mu-
neris præstare sum ausus. Quòd au-
tem tuum TIBI dicetur, hoc non in-
solens, quin maximè consentaneum
quis existimet: quando DEO optimo
Maximo, præterquam suum, nil

ultrà offerre possumus. Neque verò
deest mihi copiosa argumentorum
seges, cur TE numinis bonitati non
absimilem dicam: duo præsertim se
se hic perfunctoriè mihi tangenda.
TVA nempè animarū saluti indefes-
sa cooperatio: beneficentia animo di-
gna Regio. Ecquis in TE ex hisce duo-
bus prius, Diuinorum Diuinissimum,
apertis, vt aiunt, TIBI is non cōmen-
det? Ex orchestra primum dicendi
Cælesti perfusa nectare suada, ex Ca-
thedra abigendis ignorantiaē tenebris
liquidissima quadam sacraē doctrinaē
luce: eruditissimis equè, ac spississimis
calami voluminibus sic animarū pro-
curandæ saluti iugiter insudasti, vt
communi omnium sententia ad labo-
rem tantummodò natus existimeris.
At nullus annus summe TVÆ benefi-
centiæ (quæ homines quodammodò
Diuinitatis participes efficit) enarran-
dæ sufficeret, quam sanè TVI animi
magnitudini non imparem experi-
mur. Hæc enim uerò etsi in omnes se
longè, latèque diffundat: in Christita-

S. Dionis.
Areop.

Ex sen-
3. De ben.

m. n

mē pauperes, quos in filios adsciscisti,
in Seraphicam nostram Matrem Re-
ligionem, quæ TE Domino genuit, in
sponsam XII. Apostolorū Basilicam,
cui spiritualiter nupsisti, cuiusuis pie-
tatis metas altiùs trascēdere videtur.
Porrò in hac, nequaquam carnis, spi-
ritus verò cognatione: quemadmo-
dum præcipua TVI amoris vertatur
cura: sic vera inuenis cordis delicia.
Duo igitur isthuiusmodi, per quæ te
ad Diuinæ bonitatis proximè accede-
re similitudinem dixi, duplex mihi vi-
detur Gladius, quo eiusdem Domini,
nedum hominum, cordibus amoris
vulnera infigere, eorumque studia
Tibi mirum in modum vindicare fa-
tagis. Duplici hoc gladio iam indè me
fortiter vulneratum agnoui: vbi tui fa-
mulitij tessera me quàm benignissimè
dignatus, ita per octo deindè propè
lustra omni summæ tuæ beneuolentiæ
significatione semper es prosequutus,
vt me famulum innumeris deuin-
ctum nominibus iure possideas. Eo
tua erga me processit charitas, ac per

exigui mei meriti æstimatio, vt Pa-
rochiam Curam, huic annexam
Basilicę, amplo à f. v. Clem. X. ob-
tento diplomate, in brachio extento,
vt in maximi momenti rebus affoles,
mihi perpetuò firmandam curaueris.
Id quod, sicut super omnia beneficia,
abs te mihi seruorum tuorum collata
infimo, supremum existimo: sic per-
petuam, supremamque gignit obli-
gationem. Quid ni igitur TE mihi im-
merito faultissimum dicam Come-
tem? Quamobrem, cum eximia TVA
bonitas Diuinę bonitatis (vt annue-
bam) similitudinem præseferat, nul-
la mihi dubitandi ratio, quin bona
mea erga TE voluntas pro facto ha-
beatur, vt solitus semper fuisti.

Cæterum & eiusdem meę bonę
voluntatis rationem habeas, dum ip-
se tuus, Sacram deosculans fimbriam
quod tuum est, tibi tota cordis hilari-
tate humillimè sisto. Interim indu-
bia me spes incescit, ex hac altera edi-
tione, opus verè sacrum, verè Diui-
num, crescentibus nempè exemplis,

fo

fore, vt maiora fiant virtutum incre-
menta, Animarumque compendia :
quò magis, magisque Dei augeatur
gloria. Huic, sicuti omne tuę subli-
mis mentis consilium, ac flammef-
cens TVÆ voluntatis desiderium; sic
egregia gestorum facinora, vitæ inte-
gerrimę exempla, nec non sacra pro-
fundæ tuæ eruditionis volumina ge-
stiunt collimare. Altissimum hunc fi-
nem, quò fausto semper sortiaris
numine, eundem omnium bonorum
largitorem etiam, atque etiam ora-
tum habeo, nec non Ecclesiæ bono
quam diutissimè valeas,

EIDEM

E I D E M
EMINENTISSIMO

Vbi sacra fuit purpura decoratus P. F. L.
venerabundus, gratulabundus, &
proprio, & Patriæ nomine la-
conicam scripsit allusionem.

L A V R E N T I V S
D E
L A V R Æ A.

Non tam proprij, & Patrij nominis.
Quàm rei litterariæ, virtutis omnimodæ
Duplici semper viridi redemitus LAVRO.
Ad Urbis, Orbisque stuporem effulget.

Hinc

Philomusos, virtute præditos;
In spem, vt erigit, sic tutatur sub umbra.

Ni dicas:

Hæreseos propulsando fulmini,
Fidelium moribus instituendis,
Lauream exhibet doctrinam, virtutem auream.
Quin vtrique tuendo iuri visibilis Ecclesiæ Capitis,
Principis ac Pontificis potestate pollentis:
Miraberis, pietatis prodigio
Duplicem in GLADIUM vtramque versam Laurum.



Præ-

Præstantissimæ huic Prouinciæ
In BRACHIO extento diutiùs insudauit.
Adeò vt iam pridem Purpuræ ROSA dignus.
Ad omnem pietatem, pulcritudinem, & splendorem
Post duodecim Apostolorum Basilicam auitam,
Nedùm subleuatam iugi miseratione pauperiem.
Deportato scilicet in cælestes Thesauros LAVRENTIVS
auro.

In Ecclesiæ tandem Cælo
Flammescens purpura, faustissimus fulget COMETES
Sacro sed suffultus Seraphici Patris cinere.

Sub quo,
Dum Charitatis ignem abscondit.
Non est, qui se abscondat à calore eius.



AP.

APPROBATIO OPERIS.
BARTHOLOMÆVS
CARRENO
 SOCIETATIS IESV

*In Collegio Romano Sacrae Theologiae
 Publicus Professor.*



PVSCVLA de Oratione Christiana
 eiusq; speciebus, statim ac legi con-
 scripta ab Eminentiss. Domino D.
 LAVRENTIO CARD. BRANCA
 TO DE LAVRÆA, appingendum
 fronti Operis censui Elogium, quo
 Orationem ipsam Greg. Nissenus co-
 honestat: *Sacrum, & Divinum Opus.*
 Neq; enim vel argumenti religio, vel
 celeberrimi nomen Auctoris minus
 aliquid portendebat. Hæc mea ani-

Lib. de
 Oratione
 in princi-
 pio.

mi reuerentis sententia altius inhæsit intropicienti pulcher-
 rimam Operis Oeconomiam, non multa mole complectentem
 doctrinæ huius vniuersam ferè amplitudinem: & perspicua
 quidem profunditate referentem mare illud vitreum simile
 Crystallo, ostensum æstato Evangelistæ, in quod Diuini Num-
 minis lux immensa incurrens, radijs inde reflexis, æternatu-
 rum charitatis incendium excitat mentibus meditatiuis, & con-
 templatiuis, Exactâ itaque, & ordinata methodo sublimitas,
 ingenii AVCTORIS naturam Orationis Christianæ exponit;
 expositam distribuit, distributam exornat; ijs notis qui-
 bus per triplicem cælestis itineris Viam, & Orans purgetur, &
 Cogitans illuminetur, & Contemplans uniatur accensus, atque
 ignescat. Addit præterea opportunè monita discriminantia
 lucem à tenebris; hoc est veram Contemplationem acquisitam,
 & Mysticam à phantastica illa, quam sapè affectat spurius a-

Apoc. 4.

✠ ✠ 2 mor

De Script.
Eccles.

mor sui : cū tamen Pars optima Marię Magdalenę concessa,
nulli ingenij, aut proprię industrię viribus acquisita, præ-
stetur à Deo legitimis suis amatoribus, qui ad supremam ipsius
Voluntatem humilitate, & pietate se totos eximie conformant.
Hoc, & plures utilitatis honestissimos fructus colliget sapiens
Lector ex his Opusc. pietatis, atque doctrinę feracibus: quorum
propterea encomiis non immoror. Sed neque temerario, &
superuacaneo ausu commendationem Eminentissimi Auctoris
prosequi fas est; Cuius nisi præsentis modestissimum superci-
lium timerem, illud Hyeronimi de Cypriano vsurpassẽm, *Hu-
ius ingenij superfluum est indicem texere, cū sole clariora
sint eius opera.* Ea quidem pluribus Tomis distincta, publicę
utilitati prospiciens, dedit Orbi: neque enim priuatis literis
consignandę erant speculationes, quas in Arena Theologica
solemni plausu exceperat olim, & probauerat Roma. Acce-
dant igitur typis mandata, præcedentibus Operibus præsentia
Opuscula, vt Cardinalis Eminentissimus non purpura magis
quàm doctrina, Dei gloriam, & Ecclesię honorem in Sac. My-
sticę Theologię parte promoueat animi religione; quem ad-
modum in Speculatiua, ingenij acumine, arque in Morali, &
Canonica, iudicij soliditate prouexit. Ex Collegio Romano
25. Ianuarij 1685.



PRÆ-

PRÆMONITIO AD LECTOREM.

O Portet semper orare, & numquam deficere: Lucæ
18. 1. Orationi insistite: & sine intermissione orate.
Thesal. 5. 17.

Priora Verba Saluatoris quidem sunt; posteriora autem sunt Doctoris Gentium Ecclesiam instruētis. At si iuxta rigorem literæ dicta ista intelligantur, impossibile iugum important: In quo sensu intelligentes Eucharistia, seu Messalini, in eum errorem lapsi sunt, quod continuò tenetur homo orationi vacare.

At Sancti Doctores considerantes aliud Saluatoris dictum, iugum meum suauē est, & onus meum leue, Matt. 11. 30. & quod mandata eius grauiā non sunt, ex 1. Ioan. 5. 2. benignè verba illa explicarunt. Aliqui dixerunt iuberi frequentiam orandi; Alij perseverantiā. Gl. ord. in locū Lucæ dicit, semper canonicis horis quotidie secundum morem Ecclesiæ: vel quia iustus secundum Deum omnia gerit: vel semper orat, qui semper agit bene, nec desinit orare, nisi dum desinit iustus esse.

S. Hieronimus in locum ad Thesal. Sine intermissione orate, dicit, Si iugiter non potes lingua, saltem corde, sicut Moyse tacenti dicitur, Quid clamas ad me? Exodi 14.

S. August. lib. de orando Deum cap. 9. exponit de vitæ æternæ desiderio, In ipsa ergo Fide, Spe, & Charitate continuo desiderio semper oramus; sed ideo per certa intervalla horarum, & temporum rogamus Deum, ut illis rerum signis nos ipsos admoneamus; quantumq; in hoc desiderio profecerimus, nobis ipsis innotescamus, & ad hoc agendum nos ipsos acius excitemus: Unde Apostolus, sine intermissione orate: quid est aliud, quam beatam æternam vitam ab illo, qui eam solus dare potest, sine intermissione desiderare. Hanc semper desideremus, & semper oremus. Et in psal. 37. super illud, Domine ante te omne desiderium meum, ait. Ipsum desiderium tuum, oratio tua est, & continuum desiderium contemplatiua oratio. Non enim dicit frustra Apostolus, sine intermissione orate. Numquid sine intermissione gemitum fleximus; aut manum lenamus? Orare hoc pacto, sine intermissione, non possumus

S. Hieron.

S. Aug.

facere. Est alia interior oratio sine intermissione. Oratio, quę est desiderium. Si desideras illud sabbatum, non intermittis orare. Si non vis intermittere orare, noli intermittere desiderare. Continuum desiderium tuum continua vox est. Tacebis, si amare desistas. Flagrantia charitatis, clamor cordis est. Si semper manet charitas, semper clamas. Si semper clamas, semper desideras. Sic Sanctus Augustinus.

S. Bonau.

S. Bonau. in regul. Nouitiorum cap. 30. dicit, semper orat, qui, vel orat, vel legit, vel meditatur, vel in proximorum, seruitijs occupatur.

Quous ergo modo loca illa benignè intelligantur, necessitatem aliquam orandi pro aliquo saltem tempore, innuunt. Quamobrem ab amicis saepe rogatus, vt de sancto hoc exercitio, de speciebus Orationis, & de modis orandi, ac de subiectis capacibus, instructionem aliquam ederem, libenter annui: & octo breuia Opuscula, rudi quidem, (mihi consueti stylo) de sancto omnis generis Orationis exercitio, ex Sacre Scripturę, & Mysticorum regulis, ad Dei gloriam, & fidelium tyronum beneficium conscripsi. Deo gratias. Gratanter excipe Opuscula hæc, amice Lector; & si quid boni in ijs legeris, Deum lauda, à quo omne bonum. Si quid autem minus gratum: ignosce; feci quod potui. Vale, & meliora fac, & doce me, ut tibi, & Deo gratias agam.



NOI

NOI REFFORMATORI

Dello studio di Padoua .

HAuendo veduto per attestato del Segretario Nostro nel libro intitolato, *Opuscula octo de Oratione Christiana, eiusque speciebus Auctore F. LAVRENTIO BRANCATO S. R. E. Presbitero Bibliothecario Cardinali de LAVRAEA*, stampato in Roma l'anno 1685. concediamo licenza à Gio: Battista Tramontin di poterlo ristampare, offeruando gli ordini in materia di stampe, e presentando le solite copie alle publiche librerie di Venetia, e di Padoua.

Dat. li 22. Nouembre 1686.

(Girolamo Basad. Pr. Reff.
(Girolamo Ascan. Iustin. Reff.
(

Gio: Battista Nicolosi Segret.

Adi 22. Maggio 1687.

Registrata nel Magistrato Ecc. de gli Esecut. contro la Bestemmia.

Antonio Canal Notaro.

INDEX

INDEX CAPITVM

OPVSCVLVM PRIMVM.

DE ORATIONE CHRITIANA.

Cap. 1.	Q uid, & quotuplex sit oratio.	pag. 1
Cap. 2.	De necessitate orandi.	3
Cap. 3.	De loco, modo orandi.	5
Cap. 4.	De alijs corporis gestibus in oratione permisis.	11
Cap. 5.	De preparatione ad orationem.	16
Cap. 6.	De Oratione vocali.	19
Cap. 7.	An vocalis Oratio cadat sub praecepto.	20
Cap. 8.	Quae nam sint formulae orandi.	22
Cap. 9.	De Orationis Dominica praestantia.	24
Cap. 10.	Quinam sint orandi.	28
Cap. 11.	An Angeli sint orandi.	35
Cap. 12.	De ijs, qui possunt orare.	39
Cap. 13.	Quid orandum sit, & Quomodo.	43
Cap. 14.	De orationibus iaculatorijs.	47

OPVSCVLVM SECVNDVM.

DE ORATIONE MENTALI.

Cap. 1.	Q uid, & quotuplex sit oratio mentalis.	pag. 53
Cap. 2.	De praestantia orationis mentalis.	56
Cap. 3.	An, quomodo, & quibus sit necessaria oratio mentalis.	60
Cap. 4.	De erroribus, & abusibus fagiendis circa orationem mentalem.	65
Cap. 5.	Quid sit meditatio, & in quo consistat.	71
Cap. 6.	An meditatio differat à contemplatione, & per quid.	75
Cap. 7.	Quae nam sint meditationis obiecta.	79
Cap. 8.	De affectiva parte in meditatione requisita.	82
Cap. 9.	An omnes homines sint capaces meditationis.	85
Cap. 10.	An per meditationem acquiratur unio cum Deo.	90
Cap.		

- Cap. 11. *An meditatio fieri possit cum aspectu imaginum.* 94
 Cap. 12. *An, & quantum durare debeat meditatio.* 98
 Cap. 13. *De distractione, debilitate, ac ariditate occurrentibus in meditatione, & de remedijs contra eas.* 101

OPVSCVLVM TERTIVM

DE ORATIONE CONTEMPLATIVA, SEV DE CONTEMPLATIONE.

- Cap. 1. **A**N detur oratio dicta contemplatio. pag. 106
 Cap. 2. **Q**uid sit, & in quo consistat contemplatio religio-
 sa. 110
 Cap. 3. *An contemplatio consistat in solo actu intellectus, vel
 etiam in actu aliquo voluntatis.* 115
 Cap. 4. *An, & per quid contemplatio differat à meditatione.* 118
 Cap. 5. *An, & per quid contemplatio differat à speculatione.* 122
 Cap. 6. *An contemplatio differat à Cogitatione, & Visione.* 125
 Cap. 7. *An contemplatio differat ab actibus fidei.* 131
 Cap. 8. *De contemplationis præstantia, & dignitate.* 134
 Cap. 9. *An contemplatio in uno vel pluribus actibus consistat.* 138
 Cap. 10. *An contemplatio distinguatur in acquisitam, & infu-
 sam.* 141
 Cap. 11. *Quæ differentia sit inter contemplationem acquisitam
 & infusam.* 149
 Cap. 12. *An actus contemplandi necessario prærequirat medi-
 tationem.* 154
 Cap. 13. *Quodnam sit contemplationis acquisitæ obiectum.* 160
 Cap. 14. *An in contemplandis eiusdem obiectis servandus sit
 aliquis ordo.* 167
 Cap. 15. *Sub quo conceptu apprehendi debet Deus in contem-
 platione acquisita.* 173
 Cap. 16. *In quo medio contemplatio intuetur obiecta.* 180
 Cap. 17. *An omnes homines sint capaces contemplationis.* 185

OPVSCVLVM QVARTVM.

DE VITA ACTIVA, ET CONTEMPLATIVA.

- Cap. 1. **I**N quo consistant, & in quo differant actiua, & contemplatiua Vita. 192
- Cap. 2. De vita mixta ex actiua, & contemplatiua. 201
- Cap. 3. An contemplatiua vita sit melior actiua; an e contra; vel mixta ex utraq; 207
- Cap. 4. De gradibus Vita contemplatiue acquisita. 217
- Cap. 5. An inter gradus contemplationis detur aliquis dictus oratio quietis, & in quo consistat. 226
- Cap. 6. An in contemplatiua acquisita detur gradus dictus oratio quietis inferior iam dicto, & in quo consistat. 234
- Cap. 7. Quomodo ex Piorum dictis oratio quietis sit facienda, ut bona sit. 247
- Cap. 8. Qui sint capaces orationis quietis. 265
- Cap. 9. De nominibus, quibus vocari solet oratio quietis. 271

OPVSCVLVM QVINTVM.

DE CAUSIS, EFFECTIBVS, AC PROPRIETATIBVS CONTEMPLATIONIS ACQUISITÆ.

- Cap. 1. **Q**uæ Potentiæ concurrunt ad actum contemplationis pag. 276
- Cap. 2. An ex parte animæ ad contemplationem requirantur comprincipia; & quæ. 280
- Cap. 3. De proprietatibus contemplationis acquisitæ. 288
- Cap. 4. De effectibus contemplationis acquisitæ. 292
- Cap. 5. An in Contemplatione acquisita obtineatur clarior cognitio, & delectabilior dilectio diuinarum rerum. 296
- Cap. 6. An Extases, & Raptus sint effectus contemplationis acquisitæ. 302
- Cap. 7. Quomodo cognoscatur Extases esse naturales, diuinas vel demoniacas. 312
- Cap. 8. An in Extasi habeatur aliqua visio, vel reuelatio noua priuata, & quomodo. 319

OPVS

OPVSCVLVM SEXTVM.

DE DISPOSITIONIBVS REQUISITIS AD VITAM CONTEMPLATIVAM INCIPIENDAM, ET PRO- SEQVENDAM.

- Cap. 1. **D**E vocatione ad vitam contemplatiuam. 331
 Cap. 2. **D**An ad vitam contemplatiuam acquirendam pre-
 requiratur purgatio vitæ, & in quo consistat. 335
 Cap. 3. De alijs dispositionibus, & purgationibus ad vitam
 contemplatiuam necessarijs. 342
 Cap. 4. De interioris hominis purgatione, ac mortificatione. 351
 Cap. 5. De purgatione, seu mortificatione passiuæ partis sensi-
 tiuæ. 357
 Cap. 6. De passiuæ purgatione, seu mortificatione partis intelle-
 ctuæ. 363
 Cap. 7. De purgatione passiuæ partis intellectuæ per auditu-
 tem. 368
 Cap. 8. An purgationes istæ solis incipientibus sint necessariae,
 an etiam proficientibus, & perfectis. 372
 Cap. 9. Breuis instructio pro incipientibus, & proficientibus
 ex pramissis octo Capitulis excerpta. 380
 Cap. 10. De duratione Contemplationis. 387
 Cap. 11. An honestum, & religiosum sit procurare, & petere
 à Deo contemplationem. 392
 Cap. 12. Pro Seruis Dei Contemplatiuis, ceterisque spiritua-
 libus, qui à mundanis irridentur, consolatio. 395

OPVSCVLVM SEPTIMVM.

DE CONTEMPLATIONE INFUSA, AC SUPERNATVRALI.

- Cap. 1. **A**N detur species contemplationis dicta infusa, ac su-
 pernaturalis. pag. 403
 Cap. 2. Quibus nominibus describatur infusa contemplatio. 409
 Cap. 3. Quomodo definiri possit infusa, ac supernaturalis con-
 templatio. 412
 Cap. 4. In quibus conueniant contemplatio infusa, & acquisita. 415
 Cap. 5. In quibus differant contemplatio infusa, & acquisita. 417
 Cap. 6. De obiecto Contemplationis infusæ. 421
 Cap. 7.


Cap. 7. De causis contemplationis infusæ.	424
Cap. 8. De donis intellectus, & sapientiæ concurrentibus ad contemplationem infusam.	427
Cap. 9. De Propriet. & effectibus infusæ contemplationis.	432
Cap. 10. An optari possit infusa contemplatio, & quibus medijs obtineri valeat.	435
Cap. 11. An infusa contemplatio esse possit diuturna.	439
Cap. 12. Quibus personis concedatur infusa contemplatio.	444
Cap. 13. In quibus medijs cognoscantur obiecta per infusam contemplationem.	446
Cap. 14. An in contemplatione infusa interdum videatur essentia Dei, ut est in se.	452
Cap. 15. Quomodo Sancti, & Prophetæ viderint Deum.	455
Cap. 16. De Gradibus contemplationis infusæ.	460
Cap. 17. De mirabilibus, quæ in infusa contemplatione experiri se dicunt Contemplativi.	475
Cap. 18. An detur Contemplatio dicta in Caligine, & quæ sit.	476

OPVSCVLVM OCTAVVM.

AD VNIONE MYSTICA ANIMÆ CONTEMPLATIVÆ CVM DEO.

Cap. 1. A N, & quotuplex unio dari possit inter animam, & Deum.	487
Cap. 2. De Gradibus unionis cum Deo per amorem, seu Charitatem.	496
Cap. 3. An in perfectis Contemplativis detur unio specialis cum Deo, quæ Mystica dicitur.	502
Cap. 4. In quo consistat Mystica hæc unio; & quænam sint illius immediatæ causæ.	507
Cap. 5. Quinam sit terminus resultans ex hac unione animæ cum Deo, qui dicitur unus spiritus.	516
Cap. 6. De proprietatibus & effectibus præcipuis Mysticæ unionis.	520
Cap. 7. An hæc unio mystica admittat gradus, seu magis, ac minus.	538
Cap. 8. De statu, & Vita perfectè unitorum transacta actu illi unione cum Deo.	549
Cap. 9. An licitum sit hanc mysticam unionem desiderare, & procurare.	557
Cap. 10. Quib. medijs obtineri possit hæc perfecta unio cū Deo.	560
Cap. 11. De modo viuendi hominis uniti Deo.	566

DE





*Scribis digna legi, facis et dignissima scribi
Doctum hinc illa probant; acta sedista probum*



DE ORATIONE CHRISTIANA

OPVSCVLVM PRIMVM.

C A P. I.

Quid, & Quotuplex sit Oratio.



ORATIO ex S. Augustino, seu
Authore *lib. de Spir. & Anima*
c. 50. & ex Damasc. *lib. 3. de*
Orth. fide, cap. 24. quos omnes
Myſtici ſequuntur, eſt *aſcenſio*
mentis ad Deum, id eſt, *elevation*
quædam intellectus ad Deum:
ex S. Baſilio, *eſt colloquio cum*
Deo: Omnis etenim fidelis ho-
mo orans, vel gratias agit Deo de beneficijs, vel ali-
quid petit ab illo, etiam ſi vocaliter, humano modo,
id facit, coniungens mentem cum ore; alioquin, vt
pſitacus, loqueretur cum Deo; hos autem ſic ſine in-
tentione, & attentione orantes, improbat Deus per
Prophetam, *populus hic labijs me honorat, cor autem eo-*
rum longe eſt à me.

De mentali verò euidens eſt, quòd ſit elevation
mentis ad Deum, vt mox dicetur.

A

Et

Iſaie 29.
Matth. 15.

2 DE ORATIONE CHRISTIANA

Et quamuis ad Sāctos quoque, Angelos, & B. Virginem sepiſſimē dirigamus orationes mentis; ad Deū tamen terminatiuē, quia eos oramus, tanquam Deo caros, amicos, vt ab eo pro nobis intercedant quod poscimus. Primariō autem orationes ad Deum diriguntur ex Christi oraculo, *cū oratis, dicite, Pater noster, qui es in Cælis, sanctificetur &c.* Et ideō hanc orationem, quę Dominicalis dicitur, Parentes tenentur docere filios in ea lingua, qua possunt; & consulti-
tur à Concilijs.

Ex Conc.
Mogunt.
I. Can. 45.
Concil.
Tol. 4. c.
10 & Mo-
gunt. su-
pra.

Oratio prima sui diuisione diuiditur in Vocalem, & Mentalem, & quælibet earum in suos gradus.

2. Mentalis in meditatiuam, & contemplatiuam, & quælibet istarum in suas partes, seu gradus.

3. Diuiditur in publicam, & priuatam. Prima est, quæ fit à ministris Ecclesiæ, nomine Ecclesię. Secunda quæ fit à qualibet persona priuata, siue pro se, siue pro alijs.

Hęc autem omnibus nota sunt, & probatione, aut declaratione non indigent.

4. Diuiditur oratio, tam vocalis, quàm mentalis, tam publica, quàm priuata, in tres alias species, scilicet, laudis, gratiarum actionis, ac petitionis: Et ad omnes istas nos hortatur vtriusque Testamenti scriptura. De prima leguntur cantica aliqua, & plures psalmi laudatorij, & alij inuitantes ad laudandum Deum; *Confitebor tibi Domine. Benedictus Dominus Deus Israel, quia visitauit, &c. Benedictus Dominus meus, qui docet manus meas ad prælum.*

De secundis plura pariter sunt exempla. *Laudate pueri Dominum. Laudate Dominum de Cælis: Laudate Dominū omnes gētes: Confitemini Domino, quoniam bonus &c.*

Oratio gratiarum actionis nobilissima est, quia ex virtute gratitudinis procedit: ideō Deus instituit

sa

sacrificium offerendum pro gratiarum actione, & Saluator, cum aliquod grande miraculum patrabat, semper Deo gratias agebat; vt cum resuscitauit Lazarum: cum Sacramentum Eucharistiæ instituit; & sic de alijs: & Paulus docet, nos debere Deo gratias agere, & sæpè id replicat.

Oratio petitionis, cui maximè competit nomen hoc, sæpissimè in Sacro textu reperitur, & facta, & consulta. Legatur S. Scriptura; Nam SS. Patres continuè orabant Deum in suis necessitatibus, petentes sibi necessaria, vt Abraham, Isaac, Iacob Prophetæ, &c. Et Christus petendum à Deo præcipit. *Petite, & accipientis; quærite, & inuenietis; pulsate, & aperietur vobis. Pater Cælestis dabit bona petentibus se.*

Et in oratione Dominica docuit nos, vt septem petamus à Patre Cælesti, & idè, tam Ecclesia pro omnibus, quàm singuli homines pro se, & pro alijs petunt à Deo spiritualia, ac temporalia bona.

Et omnes has tres orationis species, seu partes, Sancta Mater Ecclesia continuè in vfu habet, & in hymno, *Gloria in Excelsis*, simul vnitæ sunt. Laudatur enim Deus, Gratia ei aguntur, & beneficia ab eodem petuntur.

CAP. II.

De necessitate orandi.

O Randum esse Deum Sacræ litteræ docent. Ne impediatis orare semper, id est quotidie. Saluator ait: *Sic ergo Patrem orabitis, Pater noster &c.* Item, *Oportet semper orare, & non deficere. Orantes omni tempore:* Et adeo necessarium esse ad salutem putarunt Eucharistia, seu Messaliani, vt errantes dixerint solam orationem

A 2 suf

Leuit. c.
7 & c. 13.Ioan. 11.
Matt. 15
& 26.
2. Cor. c. 1
c. 4. Eph
c. 5. Col
cap. 1. &
seqq.

Matt. 7.

Eccl. 18.
Mat. 6.
Luc. 8.
& c. 21.
Ephes. 6

Theodor.

4 DE ORATIONE CHRISTIANA

sufficere ad salutem: sic refert Theodoretus *lib. 4. hist. cap. 10.* e contra Pelagius dixit, nullo modo esse necessarium ad salutem orare, sed solas vires naturales sufficere ad salutem, ex S. Augustino *li. Heresum her. 88.*

August.

Chrysost.

De necessitate orandi innumeri loquuntur; at ego Chrysostomum Doctorem eximium in *lib. 1. de orando Deum*, sic dicentem lego; *Quisquis non orat Deum, nec diuino colloquio cupit assidue frui, is mortuus est, & vita carens, expersque sana mentis.* Et post multa digna subdit. *Arbitror cunctis esse manifestum, quod simpliciter impossibile sit, absque preceationis presidio, cum virtute degere, & huius vite cursum peragere:* Et in *lib. 2.* ait. *Iam vero, si quis dicat anima nervos esse deprecationem, mea quidem sententia, verum dixerit. Quemadmodum enim corpus nervis cohaeret, currit, vivit, stat, & compactum est; adeo ut si nervos incideris, universam corporis harmoniam dissolueris; itidem anima per sanctas preces sibi constant, & compinguntur, ac pietatis cursum facile peragunt. Quod si te ipsum destitueris preceatione, perinde feteris, ac si piscem ex aqua extraxeris.*

Concil.
Vienn.

Cone. To
let. 4. c. 10

Concil. Vienn. Gener. decrevit, orationem semper esse necessariam cuilibet homini, etiam perfectissimo; & Concil. Tolet. 4. c. 10. statuit, orationem Dominicam qualibet die esse recitandam; negligentes vero ieiunijs plectendos.

Ser. 36. de
Verbo
Dei.

Cum autem praeceptum orandi sit affirmativum, & sic obliget semper, sed non ad semper; oritur dubium, quando obliget: maximè cum Saluator dicat, *oportet semper orare*, quod quidem ut Glossæ omnes ibi explicant, non intelligitur de continuatione orationis, quia hoc esset impossibile; sed intelligitur de frequentia orandi, vel ut ait S. Augustinus, intelligitur *de Perseuerantia orandi, ut obtineamus à Deo quod petimus.* Tempora autem determinata orandi ex Dei praecepto, nemo assignavit; sed omnes de oratione tractan-

Stantes, dicunt, esse tempus grauis necessitatis spiritualis, vt mortis, tentationis, susceptionis Sacramentorum: at omnium primum esse tempus, in quo quis incipit pollere vsu rationis; tunc enim incipit se ordinare ad finem, & per consequens ad media, sine quibus finis haberi nequit, quorum vnum praeceptum est oratio.

An verò praeceptum orandi sit de vocali, aut mentali oratione, dicendum, quòd excepto Ecclesiae praecepto, quae publicam orationem, ac priuatam aliquam ob fidelium communionem (vt postea dicā) fieri praecipit; liberum cuique est orare vocaliter, aut mentaliter ex Dei praecepto; & sic quisque orandi praecepto diuino satisfaciet, tam oratione laudis, & gratiarum actionis, quam petitionis, si voce menti vnita, vel sola mente sine voce id faciat.

Verum aduerto Lectorem, quòd ego in hoc Opusculo non loquor ex professo de oratione praecepti, sed de oratione supererogationis, & consilij; licet incidenter aliquod verbum dixerò de oratione an cadat sub praecepto, & necessitate simpliciter; quia meus scopus est, vt Tyrones alliciam ad profectum, perfectionem, & vnionem cum Deo; de quibus non praeceptum, sed consilium Dei est, *estote perfecti, sicut Pater vester, &c.*

CAP. III.

De loco, & modo orandi.

Loquor hic de orante priuato, non publico; & de modo, non orationis, sed orantis quoad situm, & habitum corporis, id est, an geniflexus semper, an stans, vel cubans, aut sedens, vel ambulans, possit quis orare.

De

6 DE ORATIONE CHRISTIANA

De loco
orandi.

De loco, ratio dubitandi est, quia Saluator aliquando de templo dicit, *Domus mea, Domus orationis est.* Aliquando dicit, *Tu autem cum oraueris intra in cubiculum tuum, & clauso ostio ora Patrem tuum.*

De situ
orantis.

De situ autem corporis, ratio dubitandi est; quia nusquam præscribitur situs, seu positio corporis ad orandum necessaria. Et legimus, Salvatorem, modò stantem, modò genibus flexis orasse. Ad situm autem reduciuntur omnes gestus, & actus, qui fieri possunt in oratione: De quibus omnibus summarie pro Tyronum simplici notitia loquar.

Pro ora-
tione pri-
uata non
est deter-
minatus
locus.
Christi
exempla.

Dico I. Pro oratione priuata, seu priuatae personae, non est determinatus locus orandi, licet Ecclesia sit locus apprimè aptus.

S. Io: Bap-
tistæ ex-
empla.

Prob. prima pars, primò ex dicto Christi, qui & templum, & cubiculum dicit ad orandum apta. 2. Saluator ipse in diuersis locis orauit, in templo, in monte in deserto Bethsaidæ, & Etrem, in deserto, Quarantena, dicto, in Bethaniæ solo, & campo cum Lazarum resuscitauit, in Coenaculo cum Sacramentum Eucharistiæ instituit, in Horto, & in Cruce. S. Ioannes Baptista in deserto per annos ferè 24. orauit, & postea in cāpo, & ipse, & discipuli propè Iordanem, ubi cum ipso met Christo orauit, & vidit Columbam de Cælo descendentem, & super Christo manentem, & Patrem diuinum dicentem audiuit, *Hic est filius meus dilectus.*

Veteris
test. Patrū
exempla.

3. Patres veteris testamenti templa non habebāt pro toto tempore legis naturæ, & in campis erigebāt sibi altaria, orabant, ac sacrificabant, ut legitur de Abel, & Cain, de Noè, Abrahamo, Isaaco, Iacobo, & Moyse, usque dum factum fuit tabernaculum in deserto Sin. In nouo testamento (quousque Apostoli, & Sancti alij potuerunt aliquas domos in oratoria deputare, & postea in 4. sæculo Ecclesias publi-

blieè addificare) in Criptis, & campis orabant; & tot myriades Anachoretarum in desertis orabant. Patet ergo, locum omnem esse orationi aptum. Ratio autē S. Augustini ser. 130. qui est de Cence, ac Latrone, cur omnis locus aptus sit, est, quia Iudeorum tempore tota terra Gentilitatis errore polluta erat, ideò in templo sacrificia offerenda, & vota reddenda, & non alibi; Deus precipit; at post Christi aduentum, per eum vniuersa terra expiata est; ideò locus omnis orationi aptus est.

Ad obiectum autem, quòd in cubiculo sit orandum, clara est responsio ex eodem Euangelij loco, vbi Christus damnat Phariseos, qui in Plateis orabant, vt viderentur ab hominibus, & gloriam vanam acquirerent; & ob hanc causam in publico orandum non est, sed in cubiculo, & qui gloriam humanam fugiūt, in abditis orant. At ea cessante vbilibet orari potest; ideò fideles in Coetu Ecclesiarum, & oratoriorum publicorum orare consueuerunt, etiam Apostolorum tempore, vt ex Act. Apost. habetur.

Prob. 2. pars. Primò, quia, vt dixi, Saluator dicit speciali loquendi modo, *templum esse orationis locum*. Ipse met tēplum frequentauit; & Apostoli post Ascensionem non cessarunt frequentare templum ad orandum, nam Petrus, & Ioannes ascendebant in templum ad horam orationis nonam.

S. Ioannes Chrysost. hom. 3. de incomprehensibilitate Dei, commendat, quòd fideles in templo orent hac oratione, quòd ibi clamor salici societate ex cibus ad Deū immortalem refertur. Est enim ibi concordia fidelium, conspiratio, copula amoris, & Charitatis. Presunt Sacerdotes, vt infirmiores populi orationes complectantur suis ualidioribus, & simul in Cælum euehantur.

Aliud motiuum suadens, vt in Ecclesia oretur, est; quia ibi imagines Christi, B. Virginis, & Angelorum,

ac

Apostol.
exempla.S. Augu-
stini do-
cumentumCur Chri-
stus dixit
orandum
in cubi-
culo.In tem-
plis oran-
tum.
Exemplo
Christi
Act 13.

Et Apost.

Cur in
templo
orandum.

8 DE ORATIONE CHRISTIANA

ac Sanctorum, & SS. Eucharistiæ præsentia excitant ad mentis eleuationem, ac deuotionem.

Ad Con-
sult. Bul-
garorum
cap. 74.

Nihilominus in locis omnibus extra Ecclesiam possunt Fideles orare, vt scripsit Nicolaus Primus ad Bulgaros; & maior Fidelium pars, excepta auditione Missæ, quæ in Ecclesia facienda est, in proprijs cubiculis orant, ne ab hominibus videantur.

Situs cor-
poris in
orando.

De situ corporis orantis, dico, quod genuflexus, vel stans, vel sedens, vel cubans pro suo posse quis orare potest.

Christi
exempla.
Genufle-
xo oran-
dum Lucæ
22. 41.

Prob. quia nemo hucusque situm aliquem particularem dixit necessarium ad orandum. Secundò exemplo Christi, qui modò genuflexus, modò erectus orabat, nam in Horto *positis genibus orauit*, aliàs verò erectus, vt in Monte, & dum suscitauit Lazarum, & quando petijt à Patre, *Pater clarifica nomen tuum &c.* in his enim orationibus non legitur, quod genua flexerit.

9. 20. 21.

Matt. 17.
& 27.
Marci 10
& 15.
Lucæ 5. &
12.
2. Maccab
c. 10.
1. Reg. 8.
2. Paral. 6

Apostoli interdum genuflexi orabant patet de Petro, Paulo &c. vt in Act. & hic mos erat etiam inter Iudeos, quia pntes à Christo aliquam gratiam sanctitatis *genuflectebant ei*. Maccabei ad crepidinem altario prouoluti orarunt. Salomon completa ædificatione templi, *utroque genu in terram defixo, manus expandens ad Cælum orauit*.

Ephes. 3.
Stando e-
tiā ora-
ri potest.

De Iacobo fratre Domini legitur, quod *aded. assiduus erat in orando flexis genibus, ut Camelorum pellis durities in eius genibus orta esset, & ideo communior situs corporis in orando est cum genuum flexione; de Paulo Ephes. 3. id habetur.*

Sed etiam stando orari potest; de Publicano Saluator dicit, *stans à longe nolebat nec oculos ad Cælum leuare, sed percutiebat pectus suum dicens, Deus propitius esto mihi peccatori.* De Sanctis Patribus Abrahamo, Isaa

co,

co, Iacobo, Moyse, & Prophetis legimus, quòd orauerint, sacrificia obtulerint, & alia deuota opera fecerint; at non legimus, quòd genibus flexis id fecerint; ideòque ad minus stando ea fecisse oportuit.

De quibusdam sanctis Monachis legimus stantes orare consueuisse, & hoc eo studio, vt facilius somnum excuterent, qui in alio corporis habitu solet aduenire. De Abbate Mose, Abbate Ioanne, & Abbatris Elpidij discipulo Sisinio scribit Marulus, stantes orare consueuisse.

De orantibus sedendo, pauca quidem exempla inuenio sed duo tantum, eaque celebria. Vnum Moyse, alterum Christi Domini.

De Moyse habemus in Exodo, quod cum in deserto Raphidim Iosue, & populus pugnaret cum Amalecitis, Moyse in vertice collis stans orabat, & dum manus leuabat, vincebat Iosue; dum eas remittebat, superabat Amalech. Quod cernentes Aaron, & Hur, qui ei assisteabant, tulerunt lapidem, & posuerunt subter eum, in quo sedit, & sustentabant manus eius ex utraque parte, ne laxarentur, & sic obtenta fuit victoria, sedente, & orante Moyse.

Et ideò Deuteron. 6. 7. sic docet Populum de legis obseruantia. *Erunt uerba hæc, quæ ego præcipio tibi hodie in corde tuo; & narrabis ea filiis tuis; & meditaberis in eis sedens in domo tua, & ambulans in itinere, dormiens atque consurgens. Quasi dicat in omni situ corporis, & in omni loco potest homo meditari legem Dei, & magnalia eius, eumque laudare, ac precari, vt ipsemet fecerat per annos 40. in deserto, stans, vel sedens, vel ambulans, prout vrgebat necessitas.*

De Saluatore autem habemus, quod in vltima Cæna instituens Sacramentum Eucharistiæ orauit, quia eleuans oculos in Cælum gratias agens, benedixit, de-

B

dit-

Lucæ. 18.

De multis legitur.

Mar. lib. 2. c. 1.

Sedendo etiam orari potest.

Exodi 17. 12.

Moyse sic orauit.

Deuter. 6.

In omni situ orari potest.

Christi exemplum.

10 DE ORATIONE CHRISTIANA

Mat. c. 26.
Luc. c. 22
Sedens in
stituit Eu
charistiā,
& sacrifici
cauit.
Ioann. 13.

Melius est
ut flexis
genibus
oretur.

Daniel. 6.
Michæ 6.
1. Reg. c. 19

Isa.

Ecclesiā
diuerso si
tu utitur
in oratio
ne.

In terra
strati plu
res ora
runt.
Iust. post.
ora. ad An
tonium.

ditque, &c. Sed discumbebat cum discipulis, inquit
Matthæus, & Lucas, idèdque sedens id fecit, quod
inde confirmatur, quia cum dixisset, *vnus vestrum me
traditurus est*, & Ioannes rogatu Petri interrogare vel
let Dominum; *quis est qui tradet te?* recubuit super pectus
Iesu, & prius dicit textus, *erat recumbens vnus ex discipu
lis eius in sinu Iesu, quem diligebat Iesus.* Sedebat ergo,
cum hæc fecit. Et in eodem situ hymnum dixit, cum
post coenam, sicut moris erat, gratias egit.

Et si autem omnis habitus, seu situs corporis ad
orandum sufficiat, nihilominus decentior est, si cum
genibus flexis oretur à priuatis.

Et sic in vsu fuisse legimus in lege Moyfi. Daniel
ex cap. 6. per diem *genua flectens Deum adorabat.* Mi
chæ 6. dicitur, *curuabo genu Deo excelso.* Et ex 1. Reg.
cap. 19. Deus commendat eos, qui genu non flexerāt
ante Baal: *derelinquam mihi in Israel septem millia uiro
rum, qui non curuauerunt genu ante Baal, quia genuflexio
est summæ adorationis signum.* Vnde Isaias prædi
cans futuram gentium conuersionem præ cæteris in
quit: *Mihi curuabitur omne genu, & constitebitur omnis lin
gua.* Quod quidem in lege Euangelica verificatum
videmus, Irenæus, & Tertul. ex Apostolorum tempo
re id cæpisse dicunt.

Verum tamen est, quod Ecclesiā in omnibus di
uinis Officijs Missæ, horarum Canoniarum, roga
tionum &c. statione, sessione, genuflexione, & deam
bulatione, ut in processionibus, orando utitur, ob
peculiaria mysteria, & in Paschate presertim statio
nem ob mysterium Resurrectionis.

Aliquando stratos in terra ob humilitatē legi
mus plures orasse. Nobile exemplum habemus de
legione tota Christiana, que sub Marco Aurelio sic
orans victoriam obtinuit.

Tan.

Tandem de situ corporis in oratione seruando, dignum est vt S. Augustinum audiamus. Is enim in lib. 2. de diuersis questionibus ad Simplicianum, quest. 4. dicit. Ad orandum quomodo corpus constituatur exemplis admonemur non esse scriptum, dummodò animus Deo præsens peragat intentionem suam. Nam, & stantes oramus sicut scriptum est, Publicanus de longinquo stabat, & flexis genibus; sicut in Actibus Apostolorum legimus, & sedentes, sicut Dauid, & Elias. Nisi autem iacentes oraremus non scriptum esset in psalmis, lacrimis lauabo per singulas noctes lectum meum. Et sic in omni constitutione corporis, dum Deus vocat, orari potest, dummodò mens sit ad Deum eleuata. Et quadam vice vidi quendam Dei seruum supra lecti tabulam sedentem, & parieti innixum extaticum, à quo postea audiui, Deo in omni situ vocanti obediendum esse.

C A P. IV.

De alijs Corporis Gestibus in oratione permixtis.

Alij plures pietatis, ac deuotionis actus in oratione fieri solent, de quibus aliqua dicere non erit incongruum; ne quis eos cernens miretur, aut scandalum patiatur.

Primus actus est iunctis simul manibus orare. In usu Ecclesiae est, vt patet de duplici oratione, quæ dicitur *Memento*, quæ sit pro viuis ante consecrationem, & pro defunctis post eam: *De Introitu*, tam in ingressu ante altare, quàm in altari: *De Gloria*, *Euangelio*, *Credo*, &c. Et consuetum quidem pluribus est sic orare. At nullum est peccatum, vt Græci quidam putabant, si non eo ritu oretur. Sic enim Nicolaus primus ad Consul. Bulgar. scribit, *Dicitis, quòd Græci fateantur,*

B 2 quòd

S. Augustini sententia de situ corporis in oratione.

Digna Aug. documenta.

Eriam iacendo orari potest.

Iunctis manibus interdum oratur.

12 DE ORATIONE CHRISTIANA

Nicol. 1.
ad Conf.
Bulgar.
Si nō ore.
tur sic, nō
est pecca-
tum, vt
Græci di-
cebant, &
malè.

Sed lauda-
bile est si
fiat.

Nic. idem

Ere&is
manibus
interdum
oratur.
Tim. r. c. 2.
De Orat.
c. 11.
Cur. sic.

Apo. c. 30.
Tertul.
commen-
dat hoc.

Pectoris
tunfione
interdum

quod in Ecclesia, qui non constrictis ad pectum manibus non
steterit maximum habeat peccatum. Hoc vt fieret, nusquam
præceptum inuenitur: ac per hoc, nisi fiat, peccatum non est;
nam quidam faciunt hoc, quidam aliud genus humilitatis; nec
illud est peccatum, nisi fortè quis pertinaciter recusauerit fa-
cere, quod omnes viderit facientes. Verùm, & hoc cum fit,
non nisi humilitatis gratia fit, vt reuera scriptum est, oratio
humiliantis se nubes penetrat. Proinde, siue hoc, siue aliud
quid humilitatis excogitare potest homo, non est reprehenden-
dus.

Et laudat postea iunctis manibus orare hac ratio-
ne. Quia in Euangelio, qui reprobantur, ligati manus, & pedes
reperiuntur. Quid aliud illi agunt, qui manus suas coram Do-
mino ligant, nisi quodam modo Domino dicunt, Domine ma-
nus meas ligari præcipias, vt mittas me in tenebras exte-
riores, quoniam ecce ego iam eas ligavi, & ecce iam in flagella
paratus sum. Sic Nicolaus.

Alij manibus erectis Cælum versus aliquando o-
rant, & hic ritus ex Apostolica traditione habetur.
Nam Paulus 1. Tim. 2. ait, Volo viros orare in omni loco
leuantes puras manus. Et Tertul. inquit: Nos verò non at-
tollimus tantum manus, sed etiam expandimus, & dominica
passione modulantes, & orantes consistemur Christo. Et po-
stea inferius. At qui cum modestia, & humilitate adoran-
tes magis commendamus preces nostras, ne ipsis quidem ma-
nibus iubilemus elatis, sed moderatè, & probè elatis, ne vul-
tu quidem in audaciam erecto &c. Idem Tertul. in Apol.
inquit. Hinc in Cælum suspicientes Christiani manibus ex-
pansis; quia innocuis: capite nudo, quia non erubescimus &c.
Vtroque ergo modo, & iunctis, & expansis manibus
orari potest. Sic S. Dominicum, & S. Franciscum oras-
se legimus.

Alius in orando, isque frequens ritus, est tunfio
pectoris, quæ & in Missa ad Confiteor, ad Agnus Dei, &
ad

ad Domine non sum dignus, exercetur; & in priuatis pariter orationibus in usu est. Qui quidem ritus pariter ex traditione Apostolica habetur, estque signum displicentiæ, doloris, ac pœnitentiæ alicuius mali. Ex Euangelio videmus commendatum factum Publicani; qui pectus suum percutiebat dicens, Deus propitius esto mihi peccatori. Et post Christi crucifixionem Iudæi quidam dolentes de excessu illo, reuertebantur percutientes pectora sua. Quem ritum S. Ciprianus valdè commendat. Et Nicolaus ait, pectus percutimus significantes videlicet, quod nequiter gessimus displicere nobis; & ideo antequàm Dominus feriat, & antequàm ultio extrema veniat, commissum penitentia digna punire debemus.

Alius orandi ritus, sed paucis datus, est lacrimarum effusio. Sic enim orasse multos legimus in Sacro textu. Ad sic orandum Iudith hortabatur populum in obsidione Betuliæ, Dicamus flentes Domino, ut secundum voluntatem suam sic faciat nobiscum misericordiam, &c. lacrimans orabat Dauid, lacrimis stratum meum rigabo. Percipe lacrimas meas. Posuisti lacrimas meas in conspectu tuo: Et aliàs pluries, Ezechias in grandi illa obsidione Ierusalem per Sennacherib cum exercitu 185. milium militum, cilicio indutus orans cum lacrimis exauditus est, quia Dei virtute nocte vna milites omnes suffocati periere. Et plura alia suppetunt veteris testamenti loca de oratione lacrimis coniuncta. In nouo adest exemplum Magdalene. De Sanctis multa extant in eorum historiis exempla: S. Pater Franciscus ita assiduus fuit in orando cum lacrimis, ut sicut narrat. S. Bonau. In illius vita, eius oculi iam caligauerant, non senectute, sed lacrimis.

An verò velato, vel nudato capite in Ecclesijs orandum sit, discutiendum est. Vtroque modo vitur Ecclesia in publicis orationibus iuxta Cæremonialis

oratur.

Ex tradi-
tione ha-
betur.
Lucæ 18.Lib. de
Orat. ad
Consul.
Bulg.
Laudatur
hic ritus.Lacriman-
do aliqui
orant.Psal. 6. 38
55.S. Script.
exempla.4. Re. c. 20
Lucæ 7.S. Francis-
cus assiduè lacri-
mando
orabat.An capite
nudato o-
randum.

14 DE ORATIONE CHRISTIANA

Aliquan-
do aperto
capite ma-
nifesti Ec-
clesiæ o-
rant.

Sanctius
est vt pri-
uati nuda-
to capite
orent.

cap. 4. c. 7
cap. 9.
cap. 4.
cap. 1.
c. 3. & 4.
c. 13.

Cur mu-
lieres ve-
lato, Viri
verò nuda-
to, capite
orant ex
Apostolo.

Cur pro-
pter An-
gelos mu-
lieres in
Ecclesia
velant ca-
put.

Multæ ra-
tiones.
Ex multis
Sanctis de
sumptæ.

regulas, vt in horis canonicis, processionibus &c. Sed opertorium capitis non est prophanum, quo Clerici vtuntur in foro, & in domibus, sed peculiare, & Ecclesiasticum biretum, vel paruum pileolum ad capitis defensionem; quo etiam Laici vti possunt orando, & Missæ, alijsque diuinis Officijs assistendo priuati ho- mines.

Humilius autem, ac sanctius est, si salus permittat, vt nudato penitus capite oretur: Sic enim orasse legimus multos, qui capite consperso cinere orabant ex lib. Iudith. ex lib. Ester. Tren. 1. Maccabeorum, 4. Reg. cap. 10.

De hoc orandi ritu latè loquitur Paulus in epist. 1. ad Corin. vbi de viris, & mulieribus in Ecclesia orā- tibus sic loquitur. *Omnis vir orans, aut prophetans (id est psallens) velato capite deturpat caput suum. Omnis autem mulier orans, aut prophetans non velato capite deturpat ca- put suum: & infra. Vir quidem non debet velare caput suum; quoniam imago, & gloria Dei est: mulier autem gloria est vi- ri; & inferius. Debet mulier habere potestatem (id est vela- men) supra caput propter Angelos.* Variè explicatur hic locus propter Angelos, non quidem, ne Angeli moueā- tur ad libidinem, vt senserunt Tert. Clemens, & alij, quia hic est error; sed, vel quia Angeli sunt testes pu- dicitæ mulierum, & ipsi in Ecclesiæ custodia sunt; & ita Chrysost., & Theodoretus; vel quia hoc in loco Angelorum nomine intelliguntur viri probi, ac de- uoti, ita Clemens lib. 2. hypotipos. Vel quia Angelo- rum nomine intelliguntur Sacerdotes, & Episcopi, qui Apoc. 2. vocantur Angeli, ita S. Ansel. & S. Tho. ante quos mulieres velatæ incedere debent, ne illi moueantur ad libidinem. Quomodo cunque intelli- gatur, in Ecclesia mulieres debēt comparere, ac ma- nere velato capite, & sic orare: Viri verò nudato ca- pite.

capite. Non loquor hic de Monialibus, quæ ob humilitatem, & sui abiectiōem deturpant ob Deum caput, illud tondendo, & nihilominus illud velant ob honestatem: quod antiquum est in Ecclesia, ut notat Tertul. in lib. de Velandis Virginibus. Immo in cap. 17. refert Arabicas feminas, nedum capite, sed & tota facie velatas incedere. Utinam, & inter omnes Christianos mos iste vigeret.

Tertul. ad
oratio.

De oratibus ergo in Ecclesia, dico, nisi detecto capite, vel ad summum, si necessitas urget, aliquo pileolo vtentes orare debent; feminae velatæ. At in priuatis domibus, vel alibi, si possint, idem seruare deberent; sin minus, vt possunt.

De oranti
bus in Ec-
clesia est
sermo.

Et quia de externis gestibus corporis ad orationem necessarijs loquor, dicam hic, quod in capite de preparatione foret dicendum. Oraturus ergo, omnium primò saluifico Crucis signo, inuocans Santissimam Trinitatem, munire se debet à fronte ad pectus, & brachiorum summitatem, inquit, *In nomine Patris, & Filij, & Spiritus Sancti Amen.*

In ora. fa-
ciendum si-
gnum Cru-
cis.

Antiquus
mos est.

Mos iste signandi se, antiquus est in Ecclesia, & cum ea post Christum in Cruce passum incæpit. Immo Tertul. de corona milit. & S. Hieronimus ad Eustachium referunt, Christianos ad omnem actum consueuisse Crucis signum adhibere. Et Eusebius inquit, Christianos in castris Gentilium Imperatorum detectos fuisse tales; eo quod ad cibum, & potum Crucis signum adhibebant. Et ideo Ecclesia non solum Sacramenta omnia Crucis signo perficienda statuit, vt ex Can. Numquid de Consecr. dist. 5. sed & missam, & canonicas horas sic incipere consuevit; Vexillum enim Religionis Christianæ est, in quo nos gloriari oportet, & illum, qui in eo pepedit, præ oculis semper habere, illum inuocare, & in eo confidere. Hinc est, quod viuificum hoc signum, nedum

Tertul.

S. Hieron.

Eusebius.

De Con-
secr.

In Sacra-
mentis per-
ficiendis,
& in diui-
nis officijs
Ecclesia
vtitur si-
gno Cru-
cis.

in

16 DE ORATIONE CHRISTIANA

Quare
hoc, & al.
liquè.

Deuter.
Cur omnes
tenet Cru-
cem cum
Christo in
ea penden-
te.

in omni sacro loco, & in quolibet altari ad orandum
exponitur; sed & in omni priuata Christianorum do-
mo pendens conspicitur, vt beneficiorum à pendente
in eo acceptorum continuò recordemur, gratias ei
agamus, eumque offendere timeamus, & ad hoc
factum innuendum puto dictum in Deuter. cap. 28.
66. *Et erit, vita tua quasi pendens ante te, timebis nocte, &
die, Hoc ergo salutari signo ante omnia munire se
debet oraturus, & humili corde Sanctissimam Tri-
nitatem inuocare.*

C A P. V.

De Preparatione ad orationem.

Motiva
orandi duo.

Satisfac-
toria oratio
fieri po-
test in quo-
cumque
statu ani-
mæ.

Fructuo-
sa, & meri-
toria faci-
da in statu
gratiæ.
præpara-
tio ad hanc
secun-
dam, quæ
debet esse.

Aduertendum diligenter est, quòd vel sermo est
de oratione satisfactoria tantum, vel de fru-
ctuosa, ac meritoria, Deoq; grata. Prima est illa, quæ
vel fit à Clericis, vel alijs ratione ordinis, beneficii,
&c. vel imposita à Confessario, vel obligata ex ele-
mosina. Hæc oratio purè satisfactoria, si orans non
curat de fructu, & merito de condigno (quod nul-
lus fidelis deberet facere) sufficienter fit, si attente, ac
deuotè fiat cum affectu in Deum, in quocumq; statu
reperiatur orans; & de hoc nequam non curo loqui:
non curauit facere in gratia.

Si verò sit sermo de fructuosa, ac Deo grata ora-
tione, & meritoria, duplex requiritur ad eam præ-
paratio: remota vna, proxima altera. Prima est be-
nè morigerata vita à vitijs capitalibus remota, ac
deuotio, quæ aliud non est nisi *humilis voluntas pla-*
cendi Deo, eique parendi in omnibus præceptis diuinis, &
Ecclesiasticis. Proxima verò dispositio plura requirit:
primò inuocationem Dei, vt illuminet, vt adiuuet ad

fa-

faciendam orationem ipsi gratam, & cum spirituali fructu: de hac loquitur Apostolus, *quid oremus, sicut oportet, nescimus, sed ipse Spiritus Sanctus postulat pro nobis gemitibus innenarrabilibus.*

Gl. postulat, dicit, facit nos postulare, & propterea pro recitâtibz officium diuinum Urbanus Octauus præscripsit oratiunculam illam ante initium officij dicendam, *Aperi Domine os meum ad benedicendum nomen sanctum tuum. Munda quoque cor meum ab omnibus vanis peruersis, & alienis cogitationibus. Intellectum illustra, & affectum inflamma, ut officium hoc attentè, ac deuotè recitare valeam, & exaudiri merear ante conspectum diuinæ Maiestatis tuæ. Amen.*

Secunda cōditio præparationis proximæ pro oratione meritoria est examen diligens conscientia, cum dolore peccatorum, quæ adsunt, & proposito firmo non peccandi de cætero cum auxilio diuinæ gratiæ. Si enim mortale adsit, confessio cum attritione, & contritio cum voto cōfitendi præmittenda est. Nam in Prou. habetur, *orationes iustorum exaudies.* Isaia sic loquitur Deus, *Cum multiplicaueritis orationem vestram non exaudiam, manus enim vestre sanguine plene sunt.* Deinde monet quid agere debeant ante orationem ut fructum ex ea suscipiant, & exaudiantur. *Lauamini, mundi estote, auferte malum cogitationum vestrarum ab oculis meis, quiescite agere peruersè, discite benefacere &c. Venite, & arguite me, si fuerint peccata vestra ut coccinum, quasi nix de albabuntur, &c.* Munditia igitur de peccato debet orationem præire. Vnde Iacobus Apostolus ait, *multum valet deprecatio iusti assidua, & in c. 4. dicit petitis, & non accipitis, eo quod malè petatis, & insumitis in concupiscentijs vestris.*

Tertium requisitum in præparatione pro oratione meritoria sunt aliqui actus fidei, spei, & affectus, seu

Proxima dispositio ad orandum meritorie.
Rom. 8. 26

Conditio. nes præparationis proximæ.

Præcatio facienda ante recitationem Officij.

Examen Conscientiæ.

Prou. 15. 1.

Iniusti à Deo non exaudiantur. Ideo iniustitia deponenda.

Cap. 5.

18 DE ORATIONE CHRISTIANA

Actus fi-
dei spei,
& aliqua-
lis dile-
ctionis
Dei præ
requiri-
tur.

Hebr. xi.

Matth. 21.

Pia affe-
ctio in o-
ratione
necessaria
& quare.

Præpara-
tio ad re-
sistendum
tentatio-
nibus.
Eccle. 18.
v. 13.
Lyra.

dilectionis erga Deum, Oraturus credere debet im-
plicitè saltem, Deum sibi esse præsentem, quia cum
eo locuturus est, ad ipsum enim suam orationem di-
recturus est; igitur apprehendere illum, & credere
saltem implicitè debet sibi præsentem esse. Sperare
debet se fore exaudiendum, si petit, & gratum se fo-
re, si Deum laudat, vel gratias ei agit; alioquin fru-
stra operaretur. Debet pium aliquem affectum erga
Deum elicere; quæ omnia ex Sacro textu habemus.
Oportet enim accedentem ad Deum credere quid est. Et Sal-
uator Matt. de spe, ait, *Omnia quaecunque petieritis in
oratione credentes accipietis.* Pia autem in Deum affe-
ctio, aut deuotio orationi essentialis est. Orans enim,
cum Deo intendit, & cupit vniri, eiusque beneuo-
lentiam, & dilectionem acquirere; igitur cum humi-
li affectu debet ad Deum accedere. In humanis enim
id experimur, cum Principis alicuius, vel cuiusvis
Maioris nostri amicitiam, beneuolentiam, aut fauo-
rem opramus adipisci, tunc ad eos accedere conamur
humiles, benè affecti, ac deuoti.

Quartum requisitum in præparatione ad orandum
præscribitur Ecclesiast. 18. *Ante orationem prepara-
animam tuam, & noli esse vt homo qui tentat Deum.* Lyra.
ait, quod hæc preparatio animæ consistit in hoc, vt
orans faciat totum sibi possibile, vt Deo in oratione
placeat: Id est præter ea, quæ dicta sunt, cauere debet
à distractione voluntaria, à cogitationibus extraneis,
& attendere quantum potest ad ea, quæ dicit, si vo-
caliter orat, vel mentaliter meditatur, aut contem-
plat, de quibus loquar infra.

Hanc autem præparationem ad orationem, qui
benè facere, ac fructuosè vult, exequatur, & ideo ad
speciem orationis accedamus.

CAP.

C A P. VI.

De Oratione Vocali.

O Ratio vocalis est *Ascensio, seu elevatio mentis ad Deum sensibilibus vocibus excitata.*

De vocali oratione sæpè fit mentio in Sacro textu. *Voce mea ad Dominum clamaui: voce mea ad Dominum deprecatus sum.* Saluator noster ea usus est. Apostoli quoque sic orarunt, vt ex 1. Cor. & sic orare Ecclesiam docuerunt. Propterea omnia diuina officia, horæ canonicæ, Missa, Litanie, & omnia Sacramenta vocaliter perficiuntur; & fideles omnes sic orare palam est.

Triplici autem ex motiuo oratio vocaliter fit; cum tamen posset sola mente fieri, quia Deus intuetur cor, & cogitationes hominum absque hominum vocibus cognoscit.

Primum ergo motiuum, cur oratio fit vocaliter, est, quia anima Dei spiritu inflammata prorumpit in corpus, cui connexa est; dicitur enim, *letatum est cor meum, & exultauit lingua mea, & ex abundantia cordis os loquitur.* Quisque enim in se experitur, quod in casum magnæ lætitiæ nequit secretum cordis comprimere, sed in voces, cantationesque prorumpit.

Secundum motiuum orandi vocaliter, est, quia homo ex anima, & corpore constat; ideoque cum vtraque parte debet obsequi Deo.

Tertium motiuum orandi vocaliter, est, vt mens orantis facilius, & aliquando suauius excitetur ad deuotionem, & affectum erga Deum, si priuatè orat; Si autem publicè oret, & presertim si vt minister Ecclesiæ, vocaliter oret, id facit, vt audientes excitet

Psal. 3. 5. 8.
13. & plures.
Matt. 24.
1. Cor. 14.

Cur necessaria oratio vocalis.

Psal. 91. & 138.

Psal. 15.

Matt. 12.

Plura motiua cur orandum vocaliter.

20 DE ORATIONE CHRISTIANA

ad deuotionem, & ad collaudandum Deum. Et hac de causa inquit Chrysostomus conueniunt in Ecclesia ad orandum Christiani, vt Sacerdotum, aliorumque ministrorum cantantium verbis, ad Dei cognitionem, recordationem, & dilectionem excitentur: Concil. Trident. docet in *Missa sacrificio multa recitari elatiori voce, quia exterioribus adminiculis susciuntur mentes ad diuinarum rerum meditationem.*

Hom. 3. de
Incompre
hensibili
tate Dei.

Sess. 22. c.
5. Campa
na, & or
gana cur
pulsantur
Per exter
na sensibi
lia excita
tur homo
ad oratio
nem.

Quod pater etiam ex Campanarum, & Organorum sono, quo fideles ad deuotionem, pietatem, & affectum in Deum, vt experientia docet, excitantur S. Banau. id docuit in *Breuiquoio parte 5. cap. 10. Dominus voluit non tantum orare mentaliter, sed vocaliter, ad nostri affectus excitationem per verba, & ad recollectionem cogitationum per sensum verborum.*

Digna, atque salubris, humanæque infirmitati idonea est vocalis oratio, & qui eam despiciunt despiciendi sunt, & à Catholicorum, immò & omnium Christianorum cætu ablegandi, vt Christianarum traditionum, ac rituum inimici.

C A P. VII.

An Vocalis oratio cadat sub præcepto.

Ratio du
bitandi,
quæ.

1. Cor. c.
14.

Dubitandi ratio est; quia licet, vt supra dixi, detur præceptum diuinum orandi, nusquam tamen hoc præceptum explicitè videtur determinatū ad orandum vocaliter (præscindendo nunc à præcepto Ecclesiæ directo ad Clericos circa diuina officia) quia præceptum Christi de orando impleri potest cum oratione mentali, quæ sicut difficilior, ita & perfectior, vt dicitur infra cum Apostolo. Nihilominus existimo ex traditione Ecclesiæ præceptum hoc

hoc orandi vocaliter cuilibet Christiano capaci impositum esse: *Omnis enim Christi actio nostra instructio est*: Christus autem pluries orauit vocaliter, & rogatus ab Apostolis, *Doce nos orare*, respondit, *cum, oratis dicit Pater noster, qui es in Caelis, &c.* Dicere autem propriè, vocalis actio est. Non nego, quòd mentaliter quoque recitari potest *Pater noster*; tamen non videtur, Christum de hoc modo recitandi tunc fuisse locutū, sed de vocali recitatione, quia apud Mattheum, dicit Saluator; *cum oratis, nolite multum loqui, sicut Ethnici faciunt, sed sic orabitis, Pater noster, qui es in Caelis &c.* & breuem formulam locutione promèdam composuit. Loqui autem est vocaliter fari. Dicto ergo, & facto Christi, sicut colligitur præceptum orandi, sic & modus, nempe vocalis, non quidem hunc solum præscribens; quia ipse spiritu etiam, seu mente sola crebrius orauit; sed docens fideles modum hunc facilem orandi, omnibus, etiam simplicibus, proportionatum.

Ex praxi Vniuersalis Ecclesiæ, quæ non solum in publicis, sed etiam in priuatis officijs, ac spiritualibus exercitijs vocaliter orare ab initio consuevit, hodieque in omni loco prosequitur, colligitur, Domini præceptum esse, vt hoc etiam modo oretur, quod docuit etiam Senon. Concil. & Mogunt. 4. Sic orabat Publicanus à Domino multum laudatus apud Lucā, dicens, *Deus propitius esto mihi peccatori*. Sic orauit Petrus cum alijs Apostolis Act. 1. in electione duodecimi Apostoli post casum Iudæ, *Domine, qui corda nostri omnium, ostende quem elegeris &c.*

Hinc est, quòd parentes, ac Magistri, nec non & Parochi, inuigilant, vt pueri statim ac ad vsum rationis peruenerunt, discant, ac sæpè recitent orationes vocales plures, primūque omnium Dominicam, &

An-

Præceptū
orandi vo-
caliter ex
traditio-
ne Eccle-
siæ.
Lucæ 11.
Christi e-
xemplo.

Cap. 6.

De vocali
aliquan-
do locu-
tus est
Christus.

Ex praxi
Ecclesiæ.

Concil.
Senon. c. 7
Mogunt. c.
43. Et in
lib. de o-
rando
Deum.
Lucæ 18.
Act. Ap.
c. 1.
Parentes
sic docent
parulos
orare.

22 DE ORATIONE CHRISTIANA

Nullus
homo re-
peri tur
qui voca-
liter non
oret.

Ex Ethi-
mologia
orationis.

Angelicam, nec non & Apostolorum Symbolum, &c. Nec puto Christianum aliquem, immò, nec Mahometanum reperiri, qui aliquoties vocaliter non oret Deum, vel laudando, vel gratias ei agendo, vel bonū aliquod ab eo petendo: quod quidem dictamen à Deo, immò à natura à Deo condita, cū commune sit, provenire existimo.

Tandem quia oratio suam ethimologiam ab oratione, vt multi volunt desumit; oratio enim est quasi oris ratio. Ideòque omnis homo cuiuscumque Sectæ ore Deum laudat, eique gratias agit, & bona ab eo petit, & hoc nedum ex traditione, sed lumine naturali facere quisque experitur.

C A P. VIII.

Quanam sint formula orandi.

Triplex o-
ratio, lau-
dis, peti-
tionis: &
gratiarū
actionis.

Oratio,
vel publi-
ca, vel
priuata.

Pro Eccle-
siasticis
statutæ
formula
orandi.

Supponendum semper est, quòd ab initio diximus, quòd oratio siue vocalis, siue mentalis (de qua postea) vel est laudis, vel gratiarum actionis, vel petitionis. Querimus autem hic, an dentur aliquæ formulæ præscriptæ, siue ad laudandum Deum, aut Sanctos, siue ad gratias ei agendum, siue ad beneficia petendum.

Supponendum secundò, quòd, vt sæpè dictum est, oratio quælibet ex his tribus, vel est publica, idest faciendā à Ministro Ecclesiæ, vel priuata, idest à quolibet priuata persona faciendā; & posita hac distinctione facilis est solutio.

Dicendum ergo, quòd pro oratione publica à Ministris Ecclesiæ faciendā, iam statutæ sunt formulæ orandi, tam pro laudibus, & gratiarum actionibus, quàm pro petitionibus.

Pa-

OPVSCVLVM PRIMVM.

23

Patent omnes ex Breuiario Romano, Missali, & Rituali, & pro eis regulandis præscriptum est Cere-
moniale, & Pontificale; pro modulando verò cantu
Antiphonarium, & Graduale. His ergo orandi publi-
cè formulis respectiue vti debent Ecclesiastici.

Quòd si in regione aliqua, vel religione ritus ali-
quis varius existit, dummodò ab Ecclesia Romana
toleretur, parum refert, quia in substantialibus sup-
ponitur cum ea conuenire. Verum quidem est, quòd
Romana Ecclesia consuetudines aliarum Ecclesiarum,
quæ fidei, & bonis moribus contrariæ non sunt, tole-
rat, ex *canone Quemadmodum*; inelius tamen esset, si om-
nes Ecclesiæ consuetudinem Romanæ matris seque-
rentur, vt ex *can. quis nesciat* docet Innocentius pri-
mus: *Ritus enim Ecclesiæ Romanæ ab omnibus seruandi sunt*,
ex Gelasio 1. *epist. 9.* At cum Ecclesia, vel permittat,
vel toleret, tolerari possunt.

Dicendum 2. quòd licet pro priuatè orantibus
aliquæ formulæ orandi, tam pro laudibus, & gra-
tiarum actionibus, quàm pro petitionibus præfor-
matæ sint, multumque idoneæ: tamen quilibet sic
priuatè oràs potest alias formulas pro libito suo sibi
formare, eisque vti, si sanæ doctrinæ consonæ sint.

Prima pars patet. Nam pro laudando Deo multæ
adsunt formulæ, vel à Sanctis Prophetis, vel ab Ec-
clesia conceptæ. Multi enim psalmi, & multa in Sa-
cro textu pro hac functione adsunt, vt *Laudate Domi-
num de Cælis; Lauda anima mea Dominum; Confite mini Do-
mino quoniam bonus*, & alij multi similes psalmi: item &
cantica, *Benedicite omnia opera Domini Domino: Benedi-
ctus Dominus Deus Israel, &c.* pro commodo, & deuo-
tione laudantis apta.

Sic etiam pro actione gratiarum sunt alij psalmi,
& cantica, nedum præfata, sed alia, quibus laudatur
De-

Ex Missali
ac Breuiario,
ac Rituali ha-
bentur.

Dist. 2.
Ritus Ro-
manæ Ec-
clesiæ te-
nendi.
Dist.

Formulæ
orandi
pro pri-
uatis va-
riæ.

Formulæ
laudandi
Deum.

Formula
agendi
gratias.

Oratio-
nes peti-
tionis.
multæ no-
biles in
Scriptis.

Pro tripli-
ci oratio-
num spe-
cie, multæ
formulae.

Priuatorum
variarum
formulae.

Ratio cur
variarum.

Cur ora-
tio Domi-
nica præ-
stantissi-
ma.

Deus, & gratiæ ei aguntur; & unusquisque ex psal-
mis potest pro suo libito psalmos huius tenoris seli-
gere: Sed *Te Deum laudamus* aptius omnibus est.

Tandem pro oratione petitionis nobilissimæ, &
efficaces adsunt in Sacro textu; & omnium facilior,
& nobilior substantia beneficia petenda continens,
est oratio Dominica. Adsunt psalmi plures, *Misere-
re mei Deus secundum magnam*, & alij eodem verbo in-
cipientes; item, *De profundis: Deus misereatur nostri &c.*

Item pro triplici hac orationum specie multæ for-
mulae ab Ecclesia sunt conceptæ graues, & faciles, &
breues, ut sunt, *Te Deum laudamus: Deus cuius miseri-
cordia non est numerus &c.* Plures, quibus Deus simul
laudatur, & pro beneficiis semper, ut videre est, etiam
rogatur, eique gratiæ aguntur, ut est hymnus, *Gloria
in excelsis Deo.*

Prob. modò secunda pars, quòd nempe orans, &
præfatis, & alijs orandi formulis uti potest pro suo li-
bito, & prout Deusei inspirauerit; cum præsertim
omnes priuatè orantes, vulgari, & materno idioma-
te orare soleant; & sic alijs loquendi phrasibus, ac
modulis utantur, tam in laudando, quàm in gratias
agendo, & petendo. Et quò simplicius, eò melius fa-
ciunt: Simpliciter enim cordis Deus respicit.

C A P. IX.

De Orationis Dominica Præstantia.

O Ratio hæc præstantissima censenda est; tū quia
à sapientissimo Magistro Dei filio composita,
nobisque commendata, cum *Matth. 6. 6.* dicit: *sic ora-
bitis, Pater noster, qui es in Cælis &c.* tum etiam quia
per eam, & Deum confitemur nostrum Patrem, eum
lau-

laudamus, & potissima nobis necessaria concisè, ac cōpendiosè ab eo postulamus; quæ omnia breuissimè explicabo.

Cū dicimus *Pater noster*; fatemur illum nostrum Creatorem, & spiritualementem parentem, qui per gratiam nos adoptiuos filios in Spiritu facit: & eodem tempore eius misericordiæ viscera, quibus nos, & corporaliter, & spiritualiter genuit, ad nos exaudiendum commouere conamur.

Dicimus, *qui es in Cælis*, & confitemur, quòd licet per immensitatem sit in toto mundo, vt per Ier. 23. & 24. dicit, *Cælum, & terram ego impleo*; tamen, vt obiectum beatificum in Cælo Empireo, quod super omnes est Cælos, Angelis, & alijs Beatis, quos glorificat, euidenter apparet, & videtur. Nam legimus in Propheta, *Cælum mihi sedes est*, & in psal. *Dominus in Cælo parauit sedem suam*.

Dicimus, *Sanctificetur nomen tuum*. Per hoc petimus, vt Deus dona sua spiritualia, & merita, ac perseuerantiam in eis nobis concedat, per quæ sanctum suū nomen, nempe *Potentia, Sapientia, & Bonitas, ac Misericordia, &c.* sancta, & gloriosa sint confitenda, ac maxima declaranda.

Dicimus, *Adueniat Regnum tuum*. Per quod duo petimus, & quòd Deus in nobis regnet per gratiam; quia Saluator dicit, *Regnum Dei intra vos est*; & quòd concedat nobis beatitudinem, quæ regnum Dei dicitur, quia Matth. iustis in die Iudicij Saluator dicet, *Venite benedicti Patris mei, possidete regnum vobis paratum à constitutione Mundi*. Hæc dico regna, vnum in præsentī sæculo alterum in futuro petimus, dicentes, *adueniat regnum tuum*.

Dicimus, *fiat voluntas tua*. Per quod petimus, quòd in omni nostra actione, non nostra inordinata vo-

Cur Deus
Pater no
ster.

Cur qui es
in Cælis.

Isa. 66.
Psal. 102.

Cur sancti-
ficetur.

Cur adue-
niat Re-
gnum tuū.
Lucæ 17.

Matt. 25.
Regnum
tuum qua-
le est.

Cur fiat
voluntas
tua.

26 DE ORATIONE CHRISTIANA

luntas, sed voluntas Dei impleatur; idest, vt faciamus, quæ Deus præcipit, non quæ nos vellemus, ex nostra fragilitate, & praua concupiscentia.

Cur sicut
in Cælo, &
in Terra.

Multiplex
sensus hu-
ius petiti-
onis. Ter-
tul. &
S. Augu-
st. Cypria-
nus.

Lyrani.

Cur par-
e nostrum
quotidia-
num peti-
mus. Multi
sensus de
panis quo-
tidiano. Ali-
qui dicunt,
vt etiam.

Alij me-
dia ad sa-
lutem.

Dicimus, *sicut in Cælo, & in Terra*. Pluribus modis exponitur: primò pro Cælo intelligitur spiritus, & pro terra caro, sensus scilicet; & sic petimus, vt Deus faciat nos exequi suam voluntatem, tam in actibus purè spiritualibus, quàm in sensitiuis, & portionis inferioris: ita Tertul. & S. Aug. vel per Cælum intelliguntur iusti, & per terram peccatores, & sic petimus vt Deus faciat, quòd omnes tam iusti, quàm peccatores exequantur Dei voluntatem: ita Ciprianus. 3. per Cælum, seu in Cælo intelliguntur Angeli, ac Beati; & per Terram, seu in Terra omnes viatores; & sic oramus, quòd Deus concedat nobis gratiam, vt sicut Beati, ne minimum quidem deuiant à voluntate Dei, sed in omnibus sunt ei conformes, sic faciamus & nos. Ita Lyrani. Quæ quidem petitionis explicationes omnes ingeniosæ sunt, sed magis placet tertia.

Dicimus, *panem nostrum supersubstantialem*: alij legunt cum Matth. & Ecclesia tenet *quotidianum da nobis hodie*. Plura de hac petitione dicenda sunt. Primò, quòd nomine *panis* aliqui intelligunt totum id, quod necessarium est ad victum, & vestitum, & òne aliud pro sustentatione vitæ; quæ quidem quotidie necessaria nobis sunt, & ex Dei misericordia obtinemus.

Alij dicunt nos petere panem supersubstantialem, qui est supra corporalem, idest omnia media supernaturalia perducentia ad vitam æternam, inter quæ sunt Sacramenta. Hæc enim bona, & media supernaturalia sunt eibus, quò spiritualiter anima nutritur, & perducitur ad æternam vitam.

Alij,

Alij, inter quos S. Ambrosius, per hunc panem substantialiorem intelligunt Sacramentum Eucharistiae, in quo continetur Christus, qui ut ipsemet docuit, est panis vitae. Qui ergo recitat Pater noster, intendat hunc triplicem panem à Deo petere.

Dicimus, *dimitte nobis debita nostra, sicut & nos dimittimus debitoribus nostris.* Et S. Lucas dicit, *dimitte nobis peccata nostra*, quod idem significat. Per hoc magna petimus, scilicet, quod nostras culpas mortales, & veniales condonet, inducet nos ad earum dolorem, atque confessionem, dum acciderit ex fragilitate eas committere. Et præterea petimus, ut dimittat nobis poenas temporales, quæ remanent soluendæ post remissionem culparum mortalium, pro quarum poenarum remissione indulgentias lucrari studemus; petimus ergo à Deo, ut nobis inspiret, & nos adiuuet ad facienda ea opera, quæ pro earum etiam temporalium poenarum remissione sunt necessaria.

Sed orans aduertere debet, quod petit sibi remitti offensas Deo illatas, sicut ipse remittit offensas sibi illatas ab hominibus. Debet ergo, & ipse dimittere, & condonare illas offensoribus; alioquin contra se orat, quod scilicet, si & ipse non dimittit, nec Deus dimittat sibi. Et ideo Saluator ait apud Matthæum, *Si offeris munus tuum ad altare, & ibi recordatus fueris, quod frater tuus habet aliquid aduersum te; relinque ibi munus tuum ante altare, & vade prius reconciliari fratri tuo, & tunc veniens offeres munus tuum.* Offensæ ergo nobis factæ remittendæ sunt, si cupimus, quod Deus dimittat eas, quas Maiestati suæ intulimus.

Dicimus, *& ne nos inducas in tentationem.* Per quod quod maxime nostræ miseriæ necessariam rem petimus, cum enim mundi, carnis, & Dæmonis tentationibus continuò sumus obnoxij, petimus à Deo, ne

Alij Eucharistiæ am. S. Ambros.

Luc 11.

Cur dimittite nobis debita nostra.

Multa, & magna petuntur.

Notandum quid facere debet hæc petens.

Matth. 5. 24. Debet dimittere aliis.

Cur dicimus ne nos inducas in tentationem

28 DE ORATIONE CHRISTIANA

Ut libere-
mur à con-
sensu ten-
tationum.

S. August.
Epist. 121.

Petrus
Chrysolo-
gus Ser.

44.
Cur sed li-
bera nos à
malo.

S. Cypriā.
de orat.
Domini-
ca.

permittat nos induci in tentationem, idest à tenta-
tione vinci, & iuxta eam peccare consentientes ten-
tationi, decepti, aut cedamus illi; quod accidit, cum
Dei auditorio deserti sumus; ideo continuò, vel fre-
quenter, sic orandum ex S. August. *Et qui ad oratio-
nem non vadit, ad tentationem vadit*, ait S. Petrus Chri-
sologus.

Dicimus, *sed libera nos à malo*, Per quod petimus li-
berari ab omni malo, tam animæ, quam corporis;
sed primùm principalius petimus, quod saluti ani-
mæ, & æternæ vitæ asscutioni nocet, & reddit nos
gehennæ filios, Vnde S. Cyprianus ait, *Quando dici-
mus libera nos à malo, nihil remanet, quod adhuc debeat po-
stulari, quando semel protectionem Dei aduersus malum pe-
tamus; qua impetrata, contra omnia, quæ Diabolus, & mun-
dus operantur, securi sumus, & tuti.*

Ecce quanta est huius orationis præstantia, qua
Deum laudamus, & omnia nobis salutaria ab eo po-
stulamus.

C A P. X.

Quinam sint orandi.

Non erit nostris Tyronibus inutilis rei istius no-
titia; vt sciant, ad quos, & quomodo orationes
fidelium dirigendæ sint.

Aduerto ergo, & recolo pluries dicta (quia vtilia
& necessaria sunt) quòd quamuis verbum hoc, *oro*,
pro principali significet idem, *ac, peto*, seu *rogo*, *ac po-
stulo*; tamen significat etiam loqui, siue vocaliter,
siue mentaliter tantum, laudando, vel gratias agen-
do, aut petendo. De triplici hac oratione nunc quæ-
rimus, cui dirigenda est; num Deo soli, num Angelis,
San-

Oratio
quid signi-
ficet.

Sanctis, num Beatæ Virgini, & alijs Beatis; an etiam animabus Purgantibus, in Purgatorio existentibus.

Aduerto 2. quòd sicut in humana politia, & gubernio duplicis generis sunt personæ, quas oramus: quædam principales, à quibus emanant gratiæ, tamquam à fonte, & Domino, vt sunt Principes, siue Reges, siue alij Domini Prouinciarum, & locorum. Quædam verò personæ sunt mediatores, quas oramus, vt pro nobis intercedant aliquid à Principibus: At interdum, & sepè, ipsos Principes immediate rogamus, sic in supernaturali politia, ac regimine discurrendum, & faciendum est. Adest enim summus, & supremus, isque solus Monarcha, Deus Optimus Maximus, omnia regens omniaque creata disponens; adsunt mediatores, inter quos primarius Christus Dominus, vt homo, Beata Virgo, Angeli, & animæ Sanctorum. Videbimus ergo, an, & quomodo omnes præfati orandi sint, tam petendo, quam laudando, & gratias agendo.

Dico primò: Deus, idest, Sanctissima Trinitas, primò, & principaliter orandus est, tamquam Sanctissimus, & omnium supremus Dominus, omniumque donorum temporalium, ac spiritualium, & eternæ vitæ largitor, & præmiorum, ac suppliciorum distributor.

Hæc assertio facillimè probatur. Primò lumine naturæ notum est, Deum primam omnis creaturæ causam, & Dominum esse, vt ex Rom. epist. *inuisibilia Dei à creatura mundi, per ea quæ facta sunt intellecta conspiciuntur, sempiterna quoque eius virtus, & diuinitas.* Igitur lumen naturæ dictat ad eum recurrendum, tamquam creatorem omnium, & conseruatorem. Sic faciebant Philosophi Ethinci, licet nescirent, quis sit iste Deus.

Se-

Sēsus quæ
siti.Modus
orandi in
ter homi-
nes.Duarum
Persona-
rum gene-
ra in Poli-
tia huma-
na.
Interdum
ministros
interdum,
Principes
oramus.Deus idest
Sanctissi-
ma Trini-
ta orādus.Rom. Ep.
c. 1.Lumē na-
turæ hoc
dictat.

30 DE ORATIONE CHRISTIANA

Ex lumine
fidei.

Ex S. Scr.
ad Deum
leguntur
directæ
omnes ora
tione.

Ex praxi
Ecclesiæ.

Cur sic o-
ratur.

Epist. 1. c. 1

Act. c. 17.

Quia
Deus Do-
minus est,
primum
principiū,
prima &
vniuer-
lis causa.

Secundò ex lumine fidei, Reuelatum siquidem est, ad Deum recurrendum, laudando, gratias agen- do, & beneficia petendo. Legi potest tota Sacra- Scriptura, Pentateuchum; liber Iosue, libri Iudi- cum, libri Regum, Psalterium, & ceteri omnes, in quibus ad Deum directæ omnes orationes leguntur, tam laudis, quam petitionis, & gratiarum actionis. In nouo testamento idem comprobatur ex Euange- lio, ex Act. Apost. ex Epist. Pauli, & ex alijs cano- nicis, & ex Apocal.

Tandem ex Ecclesiæ praxi, quæ licet Sanctos ve- nerandos, & inuocandos doceat, eosque inuocet, atque oret, vt mox patebit, dum tamen orationes, seu collectas Ad Deum dirigit, vt videre est in Bre- uiario, ac Missali, ad Patrem dirigit, nam oratio- nes concludit sic, Per D. N. Iesum Christum filium tuum, qui tecum viuit, & regnat in vnitae Spiritus Sancti Deus: & dum aliquando in litanijis, & ver- siculis Sanctos inuocat, præcatur, vt Deum pro no- bis orent.

Ratio autem huiusmodi praxis perpetuò, & à mundi initio ceptæ, est hæc, quam tradit S. Iacobus, quia omne datum optimum, & omne donum perfectum de sursum est, descendens à Patre luminum. Et Act. dicitur, Deus non longè est ab vnoquoque nostrum, In eo enim, & vi- uimus, & mouemur, & sumus.

Igitur cum Deus sit primum principium, prima causa productiua, & conseruatiua omnium creatu- rarum spiritualium, & corporalium; omniumq; habi- tum spiritualium, supernaturalium, ac omnium il- lustrationum, & inspirationū, seu gratiarum actua- lium conducentium ad salutem, sitque remissor pec- catorum, remunerator præmiorum, ac largitor gloriæ: item salutis, & vitæ temporalis, bonorum- que

que, etiam spiritualium, dator; ad ipsum pro ijs
obtinendis debemus oratione recurrere, & pro ac-
ceptis gratias agere, eumque semper laudare.

Dico 2. Christus Dominus orari potest, & oran-
dus est simpliciter, & vt Deus homo, & vt homo
Deus. Primo modo tamquam causa principalis: Se-
cundo modo, vt aduocatus, intercessor, ac media-
tor.

Prima pars prob. Ecclesia, & fideles priuati Chri-
stum orant petendo ab eo quæ petit aliàs à Deo:
ab hoc enim petit remissionem peccatorum, quæ per
gratiam fit; hanc petit à Christo in hymno, *Gloria in
excelsis Deo*, inquit, *qui tollis peccata mundi suscipe de-
precationem nostram: qui sedes ad dexteram Patris miserere
nobis*. In versiculis Primæ dicimus, *Christe fili Dei viui
miserere nobis*. *Exurge Christe, adiuua nos, & libera nos
propter nomen tuum*. In lect. 2. nocturni dicimus,
Christus perpetuæ det nobis gaudia vitæ. Ex Missali multæ
collectæ ad Christum diriguntur, v. g. in Domini-
ca prima Aduentus, *excita Domine potentiam tuam, &
veni, &c.* & magna nobis virtute succurre &c. Alia simi-
lis est in quarta Dominica; in festo corporis Christi,
*Deus qui nobis sub sacramento mirabili passionis tuæ memo-
riam reliquisti, &c.* in Cathedra S. Petri, *Deus, qui
Beato Petro Apostolo tuo ligandi, atque soluendi Pontifi-
cium tradidisti, & similes multæ alię orationes, qui-
bus ad Christum, vt Deum recurrimus*. Et in lita-
nijs dicimus, *Christe audi nos, Christe exaudi nos*.

Prob. 2. pars, quod interdum oratur Christus, vt
homo Deus, cum scilicet eum inuocamus per ea
quæ, vt homo fecit, aut passus est, v. g. in litanijs,
*Per Natiuitatem tuam: Per Baptismum, & Sanctum ieiu-
nium tuum. Per crucem, & passionem tuam: per mortem,
& sepulturam tuam. Per sanctam resurrectionem tuam; & per
ad.*

Dator om-
niū bono-
rum spiri-
tualium, æ
ernorum,
& tempo-
ralium.

Christus
Dominus
orandus: &
quomodo.
Christus
dupliciter
orari po-
test.

Christus
oratur vt
peccata re-
mittat.
Multę col-
lectę ostē-
dunt quod
oratur, vt
Deus.

Vt Deus.

Oratur e-
tiā, vt ho-
mo Deus.

In Litanijs

Alia for-
mule o-
randi id
demon-
strant.

admirabilem ascensionem tuam.

His ergo loquendi formulis præcantes, Christum hominem Deum oramus. Et in hymno, *Te Deum laudamus*, dicimus, *Iudex crederis esse venturus, te ergo quasi-*

Ioa. Epif.

1. c. 2.

Non ora-
tur Chri-
stus ut in-
tercedat,
licet sit ad-
uocatus
noster.

Et quamuis Christus, ut homo, sit aduocatus no-
ster apud Patrem, id est apud SS. Trinitatem, & con-
sequenter apud seipsum, ut Deum, ut ait Ioannes.
Fili, si quis peccauerit, Aduocatum habemus apud Pa-
trē Iesum Christum iustum; ipse est propitiatio pro peccatis
nostris &c. tamen non solet Ecclesia orare Christum,
ut intercedat, & aduocet pro nobis, sed oramus
eum, tamquam Dominum, Principem, ac iudicem,
qui immediatè potest conferre beneficia, quæ pe-
timus.

Christus
nunc etiam
pro nobis
orat.

Christus
nunc quo-
que media-
tor est,
Rom. c. 8

Hæb. c. 11.

Cōc. Trid.
sess. 22. c. 2

Pro nobis
offert Pa-
tri.

Quod autem ex summa pietate Christus, qui me-
diator fuit redimendo per humilem, & pauperem,
ac meritis plenam vitam, & per sanguinis effusio-
nem, cruciatus, & ingnomiosam mortem, nunc
quoque pro nobis mediator sit, offerendo Patri sua
merita, ac mortem, de fide est, tum ex modò di-
ctis, tum etiam ex Roman: *Christus, qui est ad dex-*
teram Dei, qui etiam interpellat pro nobis; & ad Hebr.
Christus semper viuens ad interpellandum, pro nobis. Et
Coneil. Trident. docet, *Sacrificium Missæ, quod à Sa-*
cerdotibus nunc fit, à Christo offerri Patri sic, Vna enim, &
eadem est hostia, idemque nunc offerens Sacerdotum mini-
sterio, qui seipsum tunc in cruce obtulit.

Et si ergo posset quis Christum inuocare, & ora-
re, ut pro se apud Patrem intercedat; tamen nec fie-
ri congruum est; quia præcisio facienda esset consi-
derando illum, ut hominem, qui deberet se orare,
ut Deum, quod absolum esset. Ideò absolutè, ut
Dominus orandus est.

Ve.

Verum tamen est, quòd possumus orare Deum, idest SS. Trinitatem; hæc enim semper intelligitur nomine Dei: possumus, inquam, Deum orare, vt per Christum, idest propter eius merita, nos exaudiat; & ideò Ecclesia omnes orationes concludit sic, *Per Christum Dominum nostrum*. Nam ipse fuit causa meritoria omnium donorum, ac mediorum, quæ nobis sunt necessaria ad benè, ac meritoriè operandum, & ad vitam æternam, ex Trident. & ex Concil. Ephes. *Christus in Cælo offert Patri fideles, vt sacrificium.*

Dico 3. Oratio dirigi potest, nedum ad SS. Trinitatem vnitim, vt fit quando dirigitur ad Deum simpliciter non explicando Personas, sed potest etiam dirigi ad singulas Personas, distinctè eas apprehendendo, vel etiam nominando, siuè Patrem, siuè Filium, siuè Spiritum Sanctum.

Prob. & declaratur prima pars de Trinitate; fides enim docet, quòd vna est Natura diuina, vna Sapientia, vnus intellectus, vna Voluntas, vna Potentia, vna Sanctitas, vnum supremum Dominium; & sic de alijs perfectionibus in omniibus Personis ratione vnitatis Naturæ diuinæ, quæ in concreto Deus est. *Et cum opera Trinitatis ad extra sint indiuisa*, quia ab vna, & eadem potentia procedunt, Creaturæ orantes ad Trinitatem dirigere debent orationem, si aliquid petunt, eique gratias agere debent, si accipiunt, eam demque laudare. Hoc autem sufficienter adimplent, cum Deum concipiunt, eumque orant; quia supponitur, quòd in Trinitate Personarum credunt vnum esse Deum Creatorem Cæli, & Terræ, &c. & omnium bonorum datorem, conseruatorem, iustificatorem, ac remuneratorem, & credunt Trinitatis Personas esse vnum Deum, cum Concilio Cart. 2. & Pelagio Papa 1.

In vsu nō est quòd oratur Christus vt intercedat pro nobis.

Dei nomine intelligimus se per SS. Trinitatem.

Oramus Deum vt Propter Christum nos exaudiat.

Trident. sess. 6. c. 7. & 16.

Epist. Ciriilli ad Rog.

Personæ Trinitatis singulatim orari possunt.

Quando oratur Trinitas vnitim.

Trinitas oratur, cū Deus oratur.

34 DE ORATIONE CHRISTIANA

Car. 2 c. 2
Pelag. 1.
Ep. 1.
SS. Trini-
tas, vel
Deus ora-
tur, cum
oratur Do-
minus, &
idem est.

Personæ
singilla-
tim orari
possunt.

Multa exē-
pla oran-
di Perso-
nas. Diui-
nas.
Diuissim,
& vni. im

Personæ
singilla-
tim oran-
tur.

Vnde Ecclesia, licet aliquando oret, laudando ex-
plicitè Trinitatem, gratias ei agendo, vel ab ea be-
neficia petendo, vt in Missa, & Vesperis Trinitatis,
Benedicta sit Sancta Trinitas, Gratia tibi Trinitas, &c. plu-
ries, & in Litanis, *Sancta Trinitas vnus Deus miserere*
nobis, &c. tamen in aliis Dominicis, & Festis explici-
tè in orationibus eam non nominat, sed Deum, im-
plicitè intelligens tres Personas in vno Deo. Omnes
liquidem orationes, siue petitionis, siue laudis, siue
gratiarum actionis sic incipiunt, *Deus, qui: Omnipotens*
sempiternus Deus, &c.

Prob. secunda pars de Personis singillatim. Pri-
mò in litanis sic inuocantur. *Pater de Cælis Deus, Filius*
Redemptor mundi Deus, Spiritus Sancte Deus. Deinde
Sancta Trinitas vnus Deus. Secundò de Tribus Personis
singillatim sūt tres articuli fidei distincti. 3. in hymno.
Te Deum, distinctim singulæ Personæ laudantur. Can-
ticum, *Benedicite omnia opera Domino*, sic concluditur,
Benedicamus Patrem, & Filium, cum Sancto Spiritu, qui
versus in officio Trinitatis pluries replicatur. Ad
Deum sub nomine Patris oratio Dominica dirigitur.
Ad Deum sub nomine Filii dirigitur in hymno *Gloria*
in excelsis Deo, petitio, *Domine fili vnigenite Iesu Christe.*
In Missa defunctorum offertorium dirigitur ad eum-
dem, *Domine Iesu Christe Rex gloriæ libera animas &c.* Et
sic aliæ orationes, vt in secunda conclusione, Ad Spi-
ritum Sanctum diriguntur hymnus. *Veni creator Spi-*
ritus, qui totus ad illum terminatur: ad illum pariter
sequentia Penthecostes, *Veni Sancte Spiritus, & emitte*
calitus lucis tuæ radium, &c. Insuper multæ Piorum
orationes sunt compositæ, dicendæ ante, vel post
missam, vna directæ ad Patrem, altera ad Filium; ter-
tia ad Spiritum Sanctum, possunt ergo, distinctim quo-
que laudari, inuocari, & gratiarum actionibus san-
ctificari.

Ra

Ratio autem, cur sic, cum omnes sint vnus Deus, vna sanctitas, vna causa, idem produciens ad extra, est, quia cuilibet Personæ attribuitur specialiter aliqua ex diuinis perfectionibus ex modo essendi earum, licet sit omnibus communis; & sub illa inuocatur, oratur, & laudatur Patri enim, qui est à se, tribuitur Potentia: Filio, qui produciatur per actum intellectus, cuius proprium est scire, & sapere, tribuitur Sapientia: Spiritui Sancto, qui produciatur per voluntatem, cui competit amare, & donare, tribuitur Amor, & Donum; & sic quasi cum distinctis priuilegiis (licet omnibus sint communia) distinctim inuocantur.

CAP. XL

An Angeli, & Sancti sint orandi.

Suppono, vt in præcedenti, quòd sermo hic est de oratione terminata ad Angelos, & Sanctos, eum Deo in Cælo regnantes, qui possunt pro nobis intercedere, vt fides docet.

Suppono 2. quòd diuerso modo orandi sunt Sancti, ac Deus, loquendo de oratione petitionis, quia Deus oratur, vt Dominus potens ex se gratias, & beneficia conferre; Sancti autem, & Angeli orantur, vt Deum pro nobis orent, & sic vt mediatores ad obtinendum à Deo id quod petimus. At non sic est de oratione laudis, & gratiarum actionis; quia istæ orationes congruè possunt dirigi, & terminari ad Angelos, & Sanctos, quibus gratiæ agi possunt de beneficiis per eos à Deo obtentis; & eorum virtutes, martiria, pænitentia, &c. laudantur, vt ex concionibus, & sermonibus Doctorum constat.

E 2 Di

Ratio cur
sic orari
possint, di-
uisim.

Attributio
quarundam
perfectionum,
licet commu-
nium tri-
bus.

Sesus que-
rit.

Diuerso
modo o-
rantur San-
cti, ac
Deus.

Angeli
quomodo
orari pos-
sunt.
Sic, & San-
cti.

36 DE ORATIONE CHRISTIANA

Sancti, &
Angeli o-
randi.

Non ut cō-
cedant
sed ut in-
tercedant

Tobie 12.

Angeli of-
ferunt ora-
tiones no-
stras Deo.

Sancti ora-
ri possunt.

Ecclesia
orat San-
ctos.

Ex Scri-
ptura.
2. Maccab.
c. 15.

Ex Conci-
lijs.

Dico 1. Angeli Sancti orari possunt, ut pro nobis intercedant. Hæc assertio clarè pater ex Litanijis, in quibus inuocamus, *S. Michael, S. Gabriel, S. Raphael, omnes Sancti Angeli, & Archangeli*, orate pro nobis, non quidem ut præstent nobis beneficia, quæ postulamus, sed quòd orent pro nobis Deum, ut ea concedat. 2. ex pia fidelium praxi, qui Angelis suis custodibus se quotidie solent commendare, dicentes, *Angeli Dei, qui custos es mei*. Ipsi enim offerunt orationes nostras Deo, ut habetur in libro *Tobie*, dicit enim Angelus, *cum sepeliebas mortuos, & quando orabas cum lachrymis, obtuli orationem tuam Domino*. *Zaccariæ* 2. Angelus precabatur pro populo Iudaico, *Domine exercituum usquequo tu non misereberis Ierusalem, & Præbium Iuda, quibus iratus es, &c.* Igitur orari possunt Angeli, ut pro nobis orent Dominum.

Dico 2. Sancti omnes orari possunt, ut pro nobis intercedant à Deo, quod petimus.

Patet hoc ex Ecclesiæ praxi. In Litanijis enim, omnes inuocantur; omnium primò, *Beata semper Virgo*, deinde *Patriarchæ, & Prophetæ*; hinc *Apostoli* nominatim, postea *Martires, Pontifices, Doctores, Confessores, & Virgines, &c.* Et in festo Omnium Sanctorum in Antiphona ad *magnificat* inuocantur primò Angeli, deinde omnis ordinis Spiritus; postea omnis ordinis Sancti, & orantur, ut pro nobis intercedant.

Quòd omnes ipsi Sancti orent pro nobis, ex Sacro textu, & ex Concilijs habemus. Nam 2. Maccab. Onias Summus Sacerdos iam pridem defunctus apparuit Iudæ Maccabæo reuelans, se orare pro populo, & ostendit eidem Ieremiam pariter mortuum orantem pro populo, inquiens, *Hic est fratrum amator, & populi Israel; hic est, qui multum orat pro populo, & vniuersa ciuitate Ieremias Propheta Dei*: & nihilominus isti adhuc Beati non erant.

Ra-

Ratio autem, cur Hebræi Sanctos Patres non orabant, nec Deus iusserit eis aliquando, aut permiserit, ut eos orarent, fuit, quia adhuc Beati non erant, & ideo nec Dulciæ adoratione capaces. Postquam verò cum Christo ad Cœlum ascenderunt, eos Ecclesia adorat, & orat.

Neque dogma hoc est nouum in Ecclesia, & à Tridentino adinuentum, quòd Sancti orandi sunt, & quòd ipsi pro nobis orent, sicut blaterant hæretici, quia S. Petrus in 2. Epist. promittit, se post mortem oraturum pro fidelibus. Et Apoc. 5. *Vigintiquatuor seniores ceciderunt ante Tronum coram Agno habentes phialas aureas plenas odoramentorum, quæ sunt orationes sanctorum, & cantabant canticum nouum &c.* & in c. 5. *Martyrum anime orabāt: vindica Domine sanguinem nostrum, &c.*

De quo argumento scripsit primus omnium Origenes, *hom. 5. in Cant. S. Hieronymus contra Vigilantium cap. 3. inquit. Si Apostoli, & Martyres adhuc in corpore constituti possunt orare pro cæteris, quando pro se adhuc debent esse solliciti, quanto magis post victorias, coronas, & triumphos.*

Vnus Moyses sexcentis millibus armatorum impetrat à Deo veniam; & Stephanus imitator Domini sui, & primus Martyr Christi pro persecutoribus veniam deprecatur: Et postquam cum Christo esse cœperunt, minus valebunt? Paulus Apostolus ducentes septuaginta sex sibi dicit in naui animas condonatas; & postquam resolutus esse cœperit cum Christo, tunc ora clausurus est pro ijs, qui in toto orbe ad suum Euangelium crediderunt, & mutire poterit?

S. Augustinus in psal. 83. ait, *Domine noster Iesus Christus adhuc interpellat pro nobis; omnes Martyres, qui cum illo sunt, interpellant pro nobis. Non transeunt interpellationes ipsorum, nisi cum transierit gemitus noster.*

Ad-

Cur Hebræi non orabant Sanctos Patres, & Prophetas Quia non erant beati.

Antiquum dogma de orandis Sanctis. Ep. 1. c. 1. Apoc. 5.

Origen. S. Hieron.

Validum argumentum.

Act. 27. 35

S. August. psalm. 83.

38 DE ORATIONE CHRISTIANA

Ex praxi
Ecclesie
eligentis
Patronos.

De anima
bus purga
torij quid
dicendum.
Animę Par
gatorii no
intercedūt
pro nobis.

Eadem est
oratio, quę
olim de Pa
tribus in
Limbo.

Ipsę a no
bis petunt
vt pro eis

Obiecta
hæretico
rum diluta

Adde quod frustra in Ecclesia per totum mundum Christianum eligerentur Patroni, & Protectores Regnorum, Prouinciarum, omniumq; Ciuitatum, quibus fideles se commendant, nisi possent eos ad sui patrocinium inuocare, & illi apud Deum intercedere.

De animabus in Purgatorio existentibus, an orationes ad eas dirigi possint, ipsęque pro nobis orare queant, dubium est. At existimo non posse, nec eas pro nobis orare, nec consequenter nos ad eas pro intercessione recurrere. Ratio eadem adduci potest, quę de Patribus olim in Limbo existentibus allata est; & licet ipsorum aliqui, vt Onias, & Ieremias, Deo volente orarent pro populo Hebraico, vt supra diximus, at ipsi non orabantur: quia scilicet Beati adhuc non erant, esto non essent in pœnis sensus, sed in sola, licet temporali, pœna damni.

Quanto minus orari possunt animę purgantes, quę in pœnis, & damni, & sensus, esto temporalibus, sunt? Immò, & ipsę indigentes intercessione nostra apud Deum, clamant, *Miseremini mei, Miseremini mei, saltem vos amici mei.* Et pro eis oramus, & suffragijs sacrificiorum, elemosinarum, ieiuniorum, aliarumque mortificationum actibus eas adiuuare conamur. Adde quod cum Beatę non sint orationes nostras non viderent, nec scirent; hic enim fauor Beatis Deum videntibus, eoque fruētibus conceditur.

Nec deterreat Tyronem quod dicunt hæretici, non posse nos orare Sanctos, nec eos posse pro nobis Deum orare, quia præiudicaretur merito Christi mediatoris omnium: Siquidem in maximam cedit Christi gloriam, quod fideles a se redempti, & suo merito etiam glorificati, & Deo cari, & pro quibus illud quoque meritum obrinuit, vt possent pro alijs intercedere,

dere, id exequantur, & Deus pro sua benignitate ipsos exaudiat.

Nec 2. deterreat, quòd Sancti à nobis distantes, nequeant nos audire, aut videre. Etenim duplici modo potest Deus facere, vt audiant, aut videant, vel reuelando eis orationes nostras earum species eis infundendo; vel in sua diuina essentia illas eminenter continente ostendere. Ita ex Magistro Sententiæ docet Alexander de Ales, *Orationes nostræ tribus modis inotescunt Sanctis*, scilicet reuelatione, denunciatione Angelorum, inspectione, & intuitione in speculo Trinitatis. Idem docet S. Thomas, & ante eos docuerant S. Gregorius Magnus, & Beda in Lucæ cap. 16. vbi de Lazaro, & Abrahamo, ac Epulone. Alij omnes vtuntur exemplo Prophetarum, qui ex reuelatione vident absentia.

C A P. XII.

De ijs, qui possunt orare.

Dico quòd omnis rationalis creatura potest orare si habet vsum rationis.

Prob. 1. lumine nature notu, est, quòd omnes vtriusque sexus homines, siue fideles, siue infideles necessitatibus aliquibus, siue corporalibus, siue spiritualibus premi se cognouerunt, & cognoscunt; & ad Numen aliquod pro Deo habitum, recurrisse, ac recurrere scimus; licet in electione Numinis, seu Dei, errauerint infideles. Item scimus eosdem eidem Numini gratias egisse sacrificijs, honorasse, laudasse, & beneficia ab eo petijisse. Igitur certum est, omnes ratione vtentes orare posse.

2. Prob. ex praxi fidelium, tam veteris, quàm noui

Oratio ad Sanctos
directa nõ
minuit
gloriam
Christi.

Licet à nobis distant Sancti audiunt nos, quia Deus eis reuelat.

Alex. p. 4.
q. 26. m. 3
ar. 1.

4. Sæt. dist.
45. q. 8.

L. Dia. 41.
33.

Omnes ratione vtentes orare possunt.

Ex lumine nature etiam infideles orant.

40 DE ORATIONE CHRISTIANA

ui Testamenti, qui orationi vacarunt, & vacant.

Ex praxi fi
delium.
Lucæ 18.
Ex Christi
præcepto.

3. Ex Christi præcepto Luc. 18. *oportet semper orare, & numquam deficere*: neminem excludit.

Ex necessi
tatibus.

4. Omnes viatores indigent aliquibus bonis, immò omnium, etiam quæ possident, conseruatione, vt vitæ salutis, tam corporalis, quàm spiritualis, & auxiliorum ad benè operandum: & S. Io: Chrysost. ait, *Omnes, Dei mendicij sumus: ac misericordia illius fores assidue pulsare nos conuenit, vt gratiam obtineamus in tempore opportuno*. Igitur nemo excluditur ab exercitio orandi.

Sancti etiam ora
re possunt.
Sancti in
vita orant.

Dico 2. Sancti, tam in vita, quàm post mortem orare possunt. Prima pars eiudens est, immò isti plus omnibus orare consueuerunt. Patet de Sanctis veteris Testamenti, Abraham, Isaac, Iacob, Moyses, Dauid, Prophetis, ac Ioanne Baptista.

Ex S. Scrip
tura viri
usq; Testa
menti.

De Sanctis noui Testamenti patet ex toto *Act. Apostol. libro*; in quo frequentissimæ orationes Apostolorum leguntur.

Sancti post
mortem
orant.
Tob. c. 12

Comprobatur ex vitis Sanctorum Monachorum, aliorumque Confessorum, ac mulierum, quæ vitæ sanctitate floruerunt. Omnes enim nedum vocali, sed mentali meditatiue, & alij etiam contemplatiue sedulam nauarunt operam, & nauant.

Angeli o
rant.

Quòd Sancti orent post mortem in Coelo, iam in præcedenti capite ostensum est.

Dico 3. Angeli in Coelo possunt orare pro nobis, & orant. Prob. ex *Tobia libro*, alias allato loco. Angelus Raphael ait, *Dicam vobis veritate, & non abscondam occultum sermone. Quando orabas cum lacrimis, & sepeliebas mortuos &c. ego obtuli orationem tuam Domino*: igitur orant.

Ex Sacr.
Script.

Item, *Zaccharia 1. habetur, Angelus Domini dixit Domine exercituum usquequò non misereberis Ierusalem*,

& *Vrbium Iuda*, quibus iratus es, iste est iam septuagesimus annus? Et respondit Dominus Angelo, qui loquebatur in me verba bona, & verba consolatoria.

Ex Apocal. habetur, & vidi septem Angelos stantes in conspectu Dei, & data sunt illis septem tubæ, & aliū Angelus venit, & stetit ante Altare; & data sunt ei incensa multa, vt daret de orationibus Sanctorum omnium super altare quod est ante Thronum Dei. Et ascendit fumus incensorum de orationibus Sanctorum de manu Angeli coram Deo. Idem docuerunt omnes Patres Græci, ac Latini, quod videlicet Angeli pro nobis orant Deum. Origenes in *Lamento Chrysost.* homil. 3. contra Arianos, Theodor. in cap. 1. *Zaccharie*: Ambrosius in lib. de *Viduis*, & Aug. *Conc.* 2. in *Iob.* c. 27. *Miseremini mei*, ait, Angelos videtur postulare, vt pro eo deprecantur; aut certè Sanctos, vt pro peccante orent; & in lib. *meditat.* cap. 4. deprecatur Angelos, Michaellem, Gabriellem, Raphaellem, & omnes Choros Angelorum, vt pro se orent: idem omnes Doctores docuerunt.

Tandem ex Ecclesiæ praxi, quæ in Litanij post Beatam Virginem inuocat Sanctos Angelos, vt pro nobis orent: & quilibet probus, immò & improbus Christianus quotidie suo Angelo Custodi se commendat, vt Deum pro proprijs indigentijs subleuandis oret.

Dico tandem, Quod Christus vt homo pro nobis orat, & licet aliqua de hoc argumento supradiximus de ijs, qui orandi sunt, alia plura dicemus nunc cum loquemur de ijs, qui orare possunt, & orant.

Prob. ergo nostra thesis, saluator ipse, qui toto vitæ tempore pro nobis orauit, discessurus ex hoc mundo ad Cælum, Ioannis 14. dicit, ego rogabo pro vobis Patrem, & alium Paraclitum dabit vobis. Et Paulus

Zaccar.

Apoca. 8.

Ex SS. Patribus.

Ex Ecclesiæ praxi precanti Angelos vt orent

Christus pro nobis orat.

Io. 14.

F

ad

42 DE ORATIONE CHRISTIANA

Rom. 8.

Hebr. 8.

Ioan. epi. 1.
c. 2.

Theodor.

Patres e-
tiam hoc
docent.

Hieron.

A pari,
quia ora-
bat pro
nobis cū
esset Via-
tor.

ad Roman. ait, *Christus Iesus, qui est ad dexteram Patris, qui etiam interpellat pro nobis, & in Epist. ad Hebr. dicit, Christus Pontifex &c. semper viuens ad interpellandum pro nobis. Et in epist. prima Ioannis habetur. Si quis peccauerit, aduocatum habemus apud Patrem Iesum Christum iustum: & ipse est propitiatio pro peccatis nostris; non pro nostris, autem tantum, sed etiam pro totius mundi, &c.*

Theodoretus in Epist. ad Rom. V. qui etiam interpellat pro nobis, ait. *Quas à nobis accepit primitias Patri ostendens, & eas ab omni reprehensione auersas Patri demonstrans per illas nobis salutem petit. Et hoc quidem quantum ad humanitatem poscit: ut Deus enim non petit, sed suppeditat.*

S. Hieron. in eundem locum ad Rom. inquit, interpellat pro nobis, *ut cum ipso simus, ubi ipse est. Dicunt Ariani, quod qui interpellatur, interpellante sit maior. Quibus respondendum est, Deum obliuionem non pati, ut pro ipsis commoneatur semper, quos ipse elegit; sed in hoc interpellare, cum dicitur, dum semper Patri hominem, quem suscepit, quasi nostrum pignus ostendit, & offert, ut verus Pontifex, & æternus.*

Confirmari potest à pari. Christus dum esset Viator, & erat Deus, & erat Beatus quo ad animam, & tamen continuè orabat pro nobis, ergo idem facere nunc regnantem, ut hominem, non repugnat.



CAP.

C A P. XIII.

Quid orandum sit, & Quomodo.

NOtandum est, quòd licet sit in libera potestate hominis poscere à Deo, quod sibi placet: non tamen semper ordinatè, & conuenienter petit: & idèd inquit in sua epist. Iacobus, *Petitis, & non accipitis, eo quod malè petatis.* Videndum ergo, quæ possunt licitè, & bene peti.

Not. 2. quod plerique ignari mysteriorum diuinarum conqueruntur, quod non obtinent omnia, quæ à Deo petunt, vel immediatè, vel mediatè per Sanctos, quod esse videtur contra promissionem Christi apud Matthæum, & Lucam, *petite, & accipietis, querite, & inuenietis, pulsate, & aperietur vobis: cum tamen instantè petentes non obtinent, idèd.*

Dico, orando petendum est à Deo, quod redundat in gloriam Dei, & in salutem animæ, atque corporis; non verò quod confert ad explendum inordinatas concupiscentias.

Prima pars prob. 1. ex dictis de oratione Dominica; Christus enim docet nos per eam petere, quæ conferunt in Dei gloriam, & animæ salutem, ergo hæc petenda sunt.

2. Idem Saluator *Math. 6. & Lucæ 12.* docet verum ordinem orandi. *Nolite solliciti esse dicentes, quid manducabimus, aut quid bibemus, aut quo induemur: scit enim Pater vester, quia his omnibus indigetis. Querite ergo primùm Regnum Dei, & iustitiam eius & hæc omnia adiicientur vobis.* hic explicant Patres, *querite vitam æternam, seu beatitudinem, Dei gratiam, Virtutes, & bona opera, hæc enim omnia ad eam conducunt.*

Iacobi ep.
c. 4.Multi con-
queruntur,
quòd non
obtinent
ea quæ pe-
tunt.
Matt. 7.
Lucæ 11.Petendū à
Deo, quod
redundat
in gloriā
eius, & sa-
lutē animæ
& corpo-
ris, nō ob-
cupiscenti-
as malasMatt. 6.
Lucæ 12.Christus
id docet.

F 2 3. Idem

44 DE ORATIONE CHRISTIANA

3. Idem Saluator Ioan. 14. inquit, Si quid petieritis Patrem in nomine meo dabit vobis, S. Gregorius Magnus, Horn. 27. in Euang. ait. Nomen filij Iesus est. Iesus autem Saluator, seu salutaris dicitur, ille ergo in nomine Salvatoris petit, qui illud petit, quod ad veram salutem pertinet. Pensate ergo petitiones vestras, si in nomine Iesu petitis id est si gaudia salutis eterna postulatis. In domo Iesu, Iesum non quaritis, si in eternitatis templo pro temporalibus postulatis. Ecce alius in oratione quarit uxorem, alius petit villam, alius postulat vestem, alius deprecatur sibi dari alimentum. Et quidem, cum hac defunt, ab omnipotenti Deo petenda sunt; sed meminisse debemus, quod ex mandato eiusdem Redemptoris accepimus, querite primum Regnum Dei.

2. Pars prob. Iacobus in citato cap. 4. refert causam, cur orantes petunt, & non accipiunt, quia ait, petitis, ut in concupiscentijs vestris insumatis. Hæc ergo nequeunt à Deo peti. Vnde S. Gregorius ubi supra dicit, malè istos petere, quia, ait, quisquis sic orat (id est prohibita petens) suis precibus contra Deum pugnat; unde, & sub Iude specie dicitur, fiat oratio eius in peccatum. Oratio autem in peccatum est illa petere, qua prohibet ipse qui petitur.

Beda in eum Iacobi locum, dicit, malè petit à Deo qui iussa Domini contemnens à Domino beneficia superna desiderat, & qui ammissa amore supernorum infima tantum querit bona percipere, & hæc non ad sustentationem humana fragilitatis, sed ad redundantiam libera voluptatis, quod est velle insumere in concupiscentijs.

Cassianus in Collat. docet à Deo non petendas opes delicias, honores, robur, potentiam, & similia, sed spiritualia, ac æterna, & etiam temporalia necessaria, sed prius illa, sic. Deus nihil caducum, nihil vile, nihil temporale vult à se æternorum conditore postulari. Ita

que

Ioan. 14.

Sepe docet Christus qui petendum sit.

Necessaria ad salutem primò petenda sunt. S. Gregorius explicat Christi verba de istis que petenda sunt à Deo.

Quæ non sunt petenda.

Beda.

Qui male petunt.

Cass. c. 23. Spiritualia petenda sunt primò.

que magnificentia, & munificentia eius maximam irrogabit iniuriam, quisquis sempiternis petitionibus pratermissis, transitorium aliquod, & caducum ab eo matuerit postulare, & offensam potius, quam propitiationem iudicis sui utilitate orationis incurret.

S. Basilius

S. Basilius in *Constit. Monast.* dicit, Munificentissimus, & augustissimus Rex voster est, & indignè fert quodcumque quis exiguum à se petit; multo magis si ea petimus, quæ minime conueniunt.

S. Augustinus.

S. Augustinus tract. 73. in Ioannem ait, *Aduersus utilitatem salutis non petimus in nomine Saluatoris, & in epist. 121.* dicit, Non petimus in nomine Magistri quid quid petimus præter regulam ipsius Magisterij, id est præter formam, qua nos docuit orare: & tract. 102. in Ioannem, dicit, Saluator inquit, si quid petieritis Patrem, & illud solum intelligit, quod ad salutem, & vitam æternam pertinet; cuius comparatione reliqua nihil sunt: & loquens de oratione Dominica ad Probam epist. 121. inquit. Si per omnia sanctarum precationum verba discurras, quantum existimo nihil inuenies, quod non ista contineat, & concludat oratio; non tamen omnia disertè continet, sed ea, quæ potissimum ob oculos sunt habenda.

Quando petitur, vel non petitur in nomine Christi.

Dico 3. Orantes petere possumus à Deo etiam temporalia nobis necessaria ad bonum finem, & utilitatem nostram, vel proximorum honestatem.

Etiam temporalia necessaria peti possunt.

Prob. exemplis Sanctorum, aliqui enim vnum, alij aliud eiusmodi bonum à Deo petierunt orando. Salomon petiit à Deo sapientiam, ut posset populum Iudaicum rectè gubernare 3. Reg. Dabis seruo tuo cor docile, ut populum tuum iudicare possit, & discernere inter bonum, & malum; quæ petitio Deo placuit, & affluenter concessit quod petebat. Ideo Iacobus in sua epist. ait, Si quis indiget sapientia postulet à Deo, qui dat omnibus affluenter, & non impropert, & dabitur ei.

3. Reg. c. 3 & Sap.

Iacobus ep. 1.

Peti

46 DE ORATIONE CHRISTIANA

Tempora-
lia ob bo-
num finē
peti pos-
sunt.

Petipote-
st victoria
de oppres-
soribus.
Exodi. 17.

Omnia
bona, etia
tempora-
lia peti
possunt ob
finē bonū
redunda-
ntem in Dei
gloriam.

Quomodo
petendum
a Deo.

Humiliter
petendum.

Peti potest ob bonum finem liberatio à morbis. Sic fecit Ezechias Rex, vt incumberet destructioni idolatrię totaliter. Peti potest prorogatio vitę ob bonum finem. Sic fecit Ionas in ventre piscis, vt iret ad prædicandum in Ninivem: & alia innumera exempla Sacrę Scripturę Veteris, ac Novi Testamenti adduci possunt de his petitionibus, de liberatione morborum periculi mortis, & resuscitationis, quę acceptę Deo fuerunt, & effectus suos obtinuerunt.

Peti potest victoria de iniustis oppressoribus, & alijs inimicis, non quidem in vindictam, sed ob bonum proprium liberationis, à molestia, à malis corporis, ac fortunę, & ob bonum pacis: sic oravit Moyses contra Amalecitas Exodi 17. sic Iosue, Gedeon, David, Ezechias, Maccabæi, & alij innu-meri.

Vno verbo dicam, omnia bona, & cōmoda, etiam temporalia ad victum, vestitum, salutem, honorem, ac dignitatem, cæteraque similia, vel necessaria, vel etiā cōmoda possunt à Deo immediatē, vel mediantibus Sanctis peti ob finem bonum redundantē in Dei honorem, & proprium, aut proximorum honestum bonum. Propterea, vt orans liberet se a scrupulo, an licitē petat, nec ne etiam si sibi videantur honesta ea, quę petit, cū à propria passione possit decipi, sic potest petere; *hoc oro Domine, dummodò sit in gloriam tuam, & salutem animę meę, vel proximi: alioquin supplica ne concedas.*

Debet orans in petendō, humiliter se diuinę voluntati conformare, vt scilicet faciat Deus quod sibi placet, concedendo, vel non cōcedendo, exemplo Christi Domini, qui in Horto, *proci dens in faciem suam* ter, toties oravit, vt transiret calix passionis, at to-
ti.

tidem vicibus addidit, *Verumtamen non mea, sed tua voluntas fiat.* Ad nostram instructionem id ferme Sancti Patres docent, vt pluries pro aliquo obtinendo Deum oremus, & vt eius voluntati conformemur, in obtinendo, vel non obtinendo.

Debet pariter orans in petendo cauere, ne indiscreto zelo aliquid petat, vt fecerunt Iacobus, & Ioannes apud Lucam videntes, quod Samaritani non receperunt Christum inde transeuntem: indignati dixerunt, *Domine vis dicamus, vt descendat ignis de Celo, & consumat illos:* at Christus dixit, *nescitis cuius spiritus estis.*

Neque orans petere aliquid debet ex ambitione, vt iidem duo fratres, mediante matre, petierunt *sedere vnus ad dexteram, alter ad sinistram in regno Christi,* quibus responsum est, *nescitis quid petatis.*

Quidquid autem pro nobis à Deo orantes petimus, possumus pro proximis petere, siue spectet ad salutem animæ, siue sint temporalia, honesta, tamen, & statui personarum decentia, & pro Dei gloria.

CAP. XIV.

De Orationibus Iaculatorijs, & quæ sint.

DE orationibus istis, quæ Iaculatoriæ à Sanctis Patribus appellantur, vt potè omni personarum statui valdè comodis, quia breues, & neruosæ, breuiter aliqua dicam; ore enim, & mente fieri possunt.

Oratio Iaculatoria sic dicitur, quia est velut quoddam iaculum à corde hominis emissum erga Deum, quasi volans, & citò transiens, v. g. hæc, *Deus in adi-*

Cōformatio ad Dei voluntatē necessaria oranti.

Discrete petendum

Luc 9 55

Discretio necessaria

Non petēdū ex ambitione.

Quæ pro nobis petimus, possumus etiam pro proximis petere.

Quid sit hæc oratio iaculatoria.

48 DE ORATIONE CHRISTIANA

adiutorium meum intende, vel, Deus adiuua me; vel,
Parce mihi Domine, vel, Illumina me Domine.

S. August. epist. 121. de orando Deo ad Probam cap.
August. c. 10. commendas has orationes inquit. Dicuntur fra-

tres in Aegypto crebras quidem habere orationes: sed eas
tamen breuissimas, & raptim quodammodo iaculatas; ne
illa vigilanter reiecta, quæ oranti plurimum necessaria est,
per productiores moras euanescat, atque hebetetur intentio.

S. Ioannes Chrisost. homil. 4. de fide Annæ ait. Si per in-
terualla crebris præcationibus te ipsum accendis, non dabis
Iaculato-
riæ oratio-
nes com-
mendantur
occasionem Diabolo, nec ullum ad cogitationes tuas aditum.
Ingemisce amarè, reuoca ad memoriam peccata tua, suspice
in Cælum, dic in mente, Miserere mei Deus, & absoluiſti
præcationem.

Harum breuium orationum exempla omnibus
comoda in Sacra Scriptura, præsertim in Psalterio,
Exempla. habemus, quibus comodè uti possunt fideles. v. g.
ista. Miserere mei Domine, quoniam infirmus sum.

Domine ne in furore tuo arguas me.

In te Domine speraui non confundar in æternum; in Iu-
stitia tua libera me.

Inclina Domine aurem tuam ad me, accelera, ut eruas
me, esto mihi Domine in Deum Protectorem, ut saluum
me facias.

Multa exē
pla iacula-
toriarum
orationū.
Illumina Domine oculos meos, ne vnquam obdormiam
in nocte.

Conserua me Domine quoniam speraui in te.

Perfice Domine gressus meos in semitis tuis, ut non mo-
ueantur vestigia mea.

Sub vmbra alarum tuarum Domine protege me.

Domine adiutor meus, & Redemptor meus respice in me.

Domine ne elongaueris auxilium tuum à me.

De vëtre Matris meę Deus meus es tu, ne discesseris à me.

Ad te Domine leuaui animam meam; Deus meus in

te

te confido non erubescam.

Vias tuas Domine demonstra mihi, & semitas tuas edoce me.

Respice me Domine, & miserere mei; quia vnicus, & pauper sum ego.

Vide humilitatem meam Domine, & dimitte omnia delicta mea.

Fiat misericordia tua Domine super nos, quemadmodum sperauimus in te.

Domine ante te omne desiderium meum, & gemitus meus a te non est absconditus.

Ne derelinquas me Domine Deus meus, ne discesseris a me.

Intende in adiutorium meum Domine Deus salutis meae.

Adiutor meus, & Protector meus es Domine, ne tardaueris.

Domine miserere mei; sana animam meam, quia peccauit tibi.

Exurge Domine, adiuua me, & libera me propter nomen tuum.

Miserere mei Deus secundum magnam misericordiam tuam.

Secundum multitudinem miserationum tuarum dele iniquitatem meam.

Auerte faciem tuam a peccatis meis Domine, & omnes iniquitates meas dele.

Cor mundum crea in me Deus, & spiritum rectum in noua in visceribus meis.

Ne proicias me a facie tua, & Spiritum Sanctum tuum ne auferas a me.

Redde mihi letitiam salutaris tui, & spiritu principali confirma me.

Domine labia mea aperies, & os meum annuntiabit laudem tuam.

G

Deus

Aliae plu-
res formu-
lae de ora-
tionibus
iaculato-
ris.

Ex S. Scri-
ptura.

50 DE ORATIONE CHRISTIANA

Deus in nomine tuo saluum me fac.

Deus exaudi orationem meam, auribus percipe verba oris mei

Miserere mei Deus, miserere mei, quoniam in te confidit animam mea.

Eripe de inimicis meis Deus meus, & ab insurgentibus in me libera me

Plura de
Ioculariis
exempla

Exurge in in occursum meum Domine, & adiuua me.

Deus meus adiutor meus, & misericordia tua salua me.

Exaudi Deus orationem meam, intende deprecationi mea.

Deus misereatur nostri, & benedicat nobis, illuminet vultum suum super nos, & misereatur nostri.

Exaudi me Domine; quoniam benigna est misericordia tua.

Domine ne auertas faciem tuam a puero tuo.

Domine intende anima mea, & libera eam.

Ego sum pauper, & dolens, Deus adiuua me.

Deus in adiutorium meum intende, Domine ad adiuuandum me festina.

Ego autem egenus sum, & pauper, Deus adiuua me. In te Domine speravi, non confundar in aeternum.

Inclina Domine ad me aurem tuam, & salua me.

Esto mihi in Deum Protectorem, & in domum refugii, ut saluum me facias.

Deus ne elongeris a me, Deus meus in auxilium meum respice.

Firmamentum meum, & refugium meum es tu, Domine.

Domine in te sperabo, & adiuciam super omnem laudem tuam.

Usque in senectam, & senium Deus ne derelinquas me.

Sit nomen Domini benedictum in saecula.

Ex-

Excita Domine potentiam tuam, vt saluum facias me.

Ne memineris iniquitatum mearum antiquarum, citò me anticipent misericordie tue, quia pauper factus sum nimis.

Adiuua me Deus salutaris meus, & propter gloriam nominis tui libera me.

Deus conuerte nos, & ostende faciem tuam, & salui erimus.

Protektor noster aspice Deus, & respice in faciem Christi tui.

Conuerte nos Deus salutaris noster, & auerte iram tuam à nobis.

Ostende nobis Domine misericordiam tuam, & salutare tuum da nobis.

Deus tu conuersus viuificabis nos, & plebs tua latabitur in te.

Inclina Domine aurem tuam, & exaudi me, quoniam inops, & pauper sum ego.

Latifica Domine animam serui tui, quoniam ad te animam meam leuaui.

Domine suauis es, & mitis, & multae misericordiae omnibus inuocantibus te.

Domine magna misericordia tua super me, & eruisti animam meam ex inferno inferiori.

Fac Domine mecum signum in bonum, vt videant qui oderunt me, & confundantur.

Benedictus Dominus in aeternum, fiat fiat.

Domine tu es spes mea; altissimum posuisti refugium tuum.

Domine exaudi orationem meam, & clamor meus ad te veniat.

Reuela oculos meos Domine, & considerabo mirabilia de lege tua.

52 DE ORATIONE CHRISTIANA

*Da mihi Domine intellectum; & scrutabor legem tuam,
& custodiam illam in toto corde meo.*

*Deaue me Domine in semitam mandatorum tuo-
rum.*

*Ista, & alia similes inferuire possunt pro iaculato-
rijs orationibus.*



OPV.



OPVSCVLVM SECVNDVM

DE ORATIONE MENTALI.

C A P. I.

Quid sit, & quotuplex.



RATIO Mentalis, est *ascensio*, seu *elevatio mentis ad Deum* siue *sensibili voce*. Quilibet potest in semetipso experiri, quod omnia, quæ vocaliter dicit, potest internè sine vocali prolatione dicere, siue laudando Deum, siue ei gratias agendo, siue beneficia ab illo petendo. Quidquid autem internè, & mente reuoluitur apprehensione, assensu, vel discursu, nihil externè exprimendo, mentale dicitur. Alio vocabulo dicitur intentionale, & dicimus regulariter dari actus bonos, aut malos in intentione tantum, alios verò etiam in executione. De hac ergo oratione loquimur, quæ mente tantum fit.

Duplex autem est mentalis oratio; quædam *confitensiu collocutione*; quædam in *cogitatione*, seu *consideratione*. Prima est omnis interna locutio, quam facit anima cum Deo, vel Santis, siue laudando eum, vt recitans psalmos laudis, *Te Deum*, Sym-

bo.

Oratio
mentalis
quid sit.

Quænam
dicuntur
mentalia.

Duplex
mentalis
oratio.

Mētalīs
collocuti-
ua.

bolūm, aut efficiendo actus fidei, assentiendo obie-
ctis fidei: siue agendo gratias Deo, & Sanctis; siue
petendo à Deo, & à Sanctis gratias: hæc oratio ap-
pellatur collocutiua mentalis, quia per eam quis
cum Deo, vel Sancto colloquitur.

Mentālis
cogitāti-
ua seu me-
ditatiua.

Secūda verò mentalis oratio dicitur cogitatiua
tantum, seu consideratiua, vel meditatiua; qua
mens, seu intellectus nō loquitur cum Deo, aut cum
Angelo Custode, aut cū alijs Angelis, vel Sāctis; sed
apprehenso aliquo obiecto diuino, seu creato reue-
lato, illud considerat secundum sua prædicata, pas-
siones, accidentia, circumstantias &c. vt infra, &
circa illud elicit aliquem affectus actum: & de hac
mentali oratione hic loquor.

Mentalis
cogitāti-
ua duplex.

Hæc præterea *consideratiua*, seu *cogitatiua* interna,
seu mentalis oratio vlteriùs distinguitur in puram
meditatiuam, & in contemplatiuam: de earum na-
tura debemus in hoc tractatu distinctè, & clarè lo-
qui; nam plerique eas non declarantes, fidelium
mentes confundunt.

Datur ora-
tio men-
tis.

Dico ergo. Datur inter fideles oratio mentalis,
seu supiritalis, quæ sine voce, sola mente pera-
gitur. Non est, qui eam neget; sed de modò eam
faciendi, & de partibus, seu gradibus eius, & de
speciebus illius adsunt variæ difficultates à nobis
gradatim explicandæ.

Ex exem-
plo Salua-
toris.
Sæpe ora-
bat men-
taliter.

Probari tamen potest primò, quia Saluator con-
tinuè orabat, & tamen rarò legitur vocaliter; ad in-
formandam Ecclesiā, vt utroq; modo oraret. De vo-
cali Christi oratione diximus supra. De mentali pro-
bo, nā, & absentibus, & præsentibus Apostolis, & cū
non audientibus, legimus illum sæpissimè orasse. Lu-
cæ. 6. *Exiit in montem orare, & erat pernoctans in oratio-
ne Dei:* et cap. 9. *Et factum est cū solus esset orans. erant*

Lucæ 6.
c. 9.

cum

OPUSCULVM SECVNDVM. 55

cum illo, & discipuli; & tamen non audiebant quid diceret; & ex eodem. Ascendit in montem, vt oraret, & facta est cum oraret species vultus eius altera. Hoc accidit in Monte Thabor; & tamen tres Apostoli praesentes nihil audiuerunt. Lucæ 11. Cum esset in quodam loco erans; vt cessasset, dixit vnus ex discipulis eius ad eum, Domine doce nos orare; igitur non audierant, quomodo orasset. Et Lucæ 21. notatur, quod in diebus docebat in templo, in noctibus vero morabatur in Monte Oliueti, ibique orabat. At cur in hoc immoror; Christus enim continuò pro humano genere orabat offerens Deo omnes suos labores, itinera, ieiunia, passionemque, & hoc ab initio suæ conceptionis, vt de fide supponimus. At erat beatus continuò videns Deum, ideoque non egebat vocibus, vt Deum in se existentem oraret.

Tandem Matt. 7. dicit, Tu autem cum oraueris, intra in cubiculum tuum, & clauso ostio ora Patrem tuum in abscondito. Glos. ord. dicit, Magis videtur percipi, vt inclusa pectoris cogitatione, labijsque compressis oret Deum. Cubiculum autem est cordis secretum, ostium carnis sensus, per quem hæc externa improbè se ingerunt, & turbæ phantasmatum orantibus obstrepunt.

Idem dicit S. Ambros. de Cain, & Abel, quod cor est cubiculum, in quo orandum est, addens, hoc orationis cubiculum ubique tecum est, & ubique secretum est, cuius arbiter nullus est, nisi solus Deus. & S. P. Franciscus dicebat, Corpus est cella, & anima est Eremita, quæ moratur in cella; ubicunque sint, etiam inter homines ad orandum Dominum, & meditandum de ipso apta est.

2. Paulus 1. Corint. 14. ait, orabo spiritu, orabo & mente. Psallam spiritu, psallam & mente. Et ad Eph. 6. inquit, Per omnem orationem, & obsecrationem orantes

Lucæ 11.

Lucæ 12.
Christus
continuò
orat.

Matt. 7.
Christus
consulit
sic oran-
dum.

S. Ambr.

S. Franci.
sci senten-
tia.

Ex S. Scri-
ptura ora-
tio mentalis.

56 DE ORATIONE MENTALI.

tes cum tempore in spiritu, & in ipso vigilantes in omni instantia, & obsecratione pro omnibus Sanctis.

Apostolus sic orabat.

Sancti Monachi sic orabant. Sancti plurimi in Oratione Mentali exercitati.

3. Sancti Monachi, & Anachoritæ in hac Oratione Mentali maximè exercebatur, ut perspicuè in eorum vitis legitur: In hac omnes Religiosi versantur. In ea fidelium Congregationes aliquantulum vacant.

4. Plurimi Sancti Confessores, sanctæque Virgines, ac viduæ in hac oratione excelluerunt; alij quidem in meditatione; alij in contemplatione, & meditatione, per quam perueniunt ad contemplationem; ut de Sancto Benedicto, Basilio, Romualdo, Dominico, Francisco, Bonaventura, Antonio Abbate, & Patauino; & de modernis Theresia, Ioanne de Cruce, Petro de Alcantara certum est. Hi autem, & sic orarunt, & regulas sic orandi posteris tradiderunt, ut alios taceam, qui libros multos de Oratione Mentali, & eius speciebus, scilicet meditatione, & contemplatione ediderunt.

C A P II.

De Prestantia Orationis Mentalis.

De Oratione Mentali genericè nemo ferè loquitur. Sed de speciebus eius innuunt.

NOtandum est, quòd de Orationi Mentali genericè accepta, nemo ferè loquitur; sed de speciebus eius omnes loquuntur, nempe de meditatione, & contemplatione, quas quidem Sancti Patres, & Mystici, atque Ascetici, ut par est, exaltant, ut nos in suis locis ostendemus. Nihilominus placet aliquid de ea dicere in genere, ut gradum postea faciliorem faciamus ad præfatas species, ad meditationem scilicet, ac contemplationem; earumque gradus, seu species.

Dico

Dico ergo. Magnis, ac dignis laudibus à sanctis
pijsque viris extollitur mentalis oratio pro animæ
salute, ac perfectione, modò sub titulo meditationis
modò sub titulo contemplationis.

Prob. David hanc petebat à Deo. *Da mihi intelle
ctum, & scrutabor legem tuam, & custodiam illa in toto
corde meo. Reuela oculos meos, & considerabo mirabilia de
lege tua. In matutinis meditabor in te. Meditabor in operi
bus tuis. Meditabor in iustificationibus tuis.* Et in toto
psalterio per 27. vices id replicat, petens donum hoc
meditationis, quæ mentalis oratio est.

2. Saluator de Magdalena contemplante dicit,
Maria optimam partem elegit. Quia, inquiunt Interpre
tes, *Melior est vita contemplatiua, quàm actiua.* Causa
intrinseca de uotionis nostræ, oportet, vt sit medita
tio, vel contemplatio ait S. Tho. vtraque autem ora
tio mentalis est.

3. De mentaliter orantibus, & contemplantibus
dicit S. Bernardus; *in hoc arcanum, & in hoc Sanctua
rium Dei, si quem fortè vestrum aliqua hora sic capi, & sic
abscondi contigerit, vt minimè eum auocet, aut perturbet,
vel sensus egens, vel cura pungens, vel culpa mordens, vel
ea certe, quæ difficilius amouentur, irruentia imaginum cor
porum phantasmata, poterit quidem hic cum ad vos re
dierit gloriari, & dicere, introduxit me Rex in cubiculum
suum.*

4. Hoc est quod Ecclesiastici 39. consulitur fide
libus. *Cor suum tradet ad vigilandum diluculo ad Domi
num qui fecit illum, & in conspectu Altissimi deprecabitur.
Aperiet os suum in oratione, & pro delictis suis deprecabitur,
si enim Dominus magnus voluerit, spiritu intelligentiæ re
plebit illum.*

5. Ideò David. 2. Reg. dicebat, *inuenit seruus tuus
cor suum, vt oraret te.* Et Christus mentalem oratio

Mentalis
Oratio cõ
mẽdata à
Sanctis.

Psal. 118

Sancti hãc
petierunt.

Illam Sal
uator cõ
mendat.

Serm. 23
in Cant.

S. Bernard
Mẽtalem
Orationẽ
commen
dat, & val
dè exaltat

Eccl. 39.

2. Reg. c. 7

H nem

58 DE ORATIONE MENTALI

nem non obscure commendasse visus est, dum Ioan. 4. Samaritanæ de oratione loquenti, dixit, Spiritus est Deus, & eos, qui adorant eum in spiritu, & veritate oportet adorare, nam, & Pater tales querit, qui adorent eum.

S. August.
lib. 1. c. 27

6. S. August. in lib. 1. medit. ad orationem spirituales, seu mentales, sic inuitat. Transcat ab his exterioribus animus, & transcendat omne, quod creatum est, curvat, & ascendat; volitet, & pertranscat, & in eum, qui creauit omnia, oculos fidei dirigat. Hæc autem sola mente fieri possunt, & non aliter.

S. Bonau.
eâ laud.
par. 2. a. 3

7. S. Bonau. De stimulo amoris inquit, qui vult cum actiua vitam contemplatiuam habere ut suum Dominum in omnibus contempletur; videtur mihi, quod via sit brevis. & bona videlicet, ut se totum recolligens, intret in cor suum & intima cordis ingrediens se resoluat in Deum, ut nihil ne videat, nec sentiat, nisi Deum. Hæc autem sola mente fieri possunt.

S. Dionis.
Areop.

De Myst.
Theol.

Magni fi
cat oratio
nem, me
ntalem. S.
Dionisius

8. S. Dionisius Areop. scribens ad Timot. dicit, Tu autem Timothee carissime pro maxima mysticorum spectaculorum exercitatione, qua vales, præmitte sensus &c. alia lectio dicit, Circa mysticas speculationes corroborato itinere, sensus desere. Intentissimo circa mystica spectacula studio linque sensus. Circa mysticas visiones forti contritione sensus derelinque. Intentissima intuentis spectaculis mysticis exercitatione sensus linque. Ex quibus apparet quanta cura mentalem orationem ei iniungat S. Dionisius Mysticæ Theologiæ Antesignanus.

S. Bernard.

9. S. Bernardus sic orationi mentali contemplatiuæ addictus erat, quod ut de eo dicit Ecclesia, Vix sensibus, nisi ad officia pietatis, vteretur.

Dicitur
sacrificiū

10. S. Dionisius Areop. de Coelesti Hyerarch. loquens de mentali oratione contemplatiua, dicit, esse sacrificium Deo acceptissimum. Quem secutus S. Thom.

Thom. ait. *Quandò homo animam suam, vel alterius propinquius Deo coniungit; tantò sacrificium Deo magis acceptum offert. Vnde magis acceptum est Deo, quòd aliquis animam suam, vel aliorum applicet contemplationi, quàm actio- ni.* Sic S. Tho.

11. Conf. nam finis, ac fructus orationis mentalis est unio cum Deo per cognitionem perfectam, quæ de eo haberi potest in via, & per charitatem, seu amorem, ac dilectionem perfectam: Finis autem operationis eam specificat.

12. Conf. 2. Plurimi Sancti Confessores, Sanctæque mulieres, qui martyrij ardore flagrabant, cum ex Dei incomprehensibili iudicio non fuerint voti compotes, orationi mentali, vt meditationi, & contemplationi, tanquam sublimi post martirium exercitio, se applicarunt, in eoque præcèl- lentes, vt fulgentissima lumina, toti Ecclesiæ perfulserunt: vt Sanctus Franciscus Assisias, S. Antonius Paradisus, Sancta Theresia, Sancta Catharina Senensis, B. Ioannes de Cruce, S. Petrus de Alcantara, & alij similes, quorum memoria in benedictione in æternum erit. Præstantissimum ergo dicen- dum est orationis Mentalis studium, ac exercitium. At non relinquenda Vocalis ab Ecclesiâ instituta.

Hinc est, quòd Regiones omnes, & omnia primò Sancti Anachoritæ, & Monachi huic studio vacarunt, hodieque vacant, vt quò perfectiori hos sunt modo, Deo uniantur in via, vt possint eidem perfectissimè vniri in Patria. At non propterea re- linquunt, aut paruipendunt Vocalem, immò ma- ximi eam faciunt.

S. Th. 2. 2.
q. 182. ar.
n. ad 3.

Arg. ex
fructu ora-
tionis me-
ntalis.

Multi san-
cti, qui
martirij
nō potue-
runt con-
sequi, ora-
tionem men-
talem se ad-
dixerunt.

Præstantia
orationis
vnde pro-
cedat.

Modò Re-
gulares, &
primò An-
achoritæ
mentalem o-
rationem va-
cabant.

C A P. III.

An, quomodo, & quibus sit necessaria Oratio Mentalis.

Necessarium duxi hoc dubium proponere propter quorundam indiscretum zelum, seu errorem; qui cuilibet homini vtrisque sexus dicunt orationem mentalem esse ad salutem necessariam, absolute, & simpliciter.

Motium
Authoris

Aduerto, quod vt aliàs dixi, mentalis oratio dupliciter sumitur; primò pro attentione mentis, quādo oratur vocaliter. Secundò pro mentali, seu intellectuali actione, qua quis sine voce, aut precatione considerat diuinas, seu reuelatas res, illas meditando, vel contemplando. De hac loquimur.

Necessarium
dupliciter
sumitur.

Adu. 2. quod, vt in scholis notum est, necessarium sumitur dupliciter, primo *absolute, & simpliciter*, & est id, sine quo effectus aliquis nequit obtineri, vt in naturalibus cibis ad viuendum, & in moralibus baptismus ad salutem consequendam.

2. Aliquid est necessarium *secundum quid*, seu ad melius, & facilius obtinendum effectum, vt in naturalibus cibis melior, & in moralibus consiliorum executio. Ita de oratione mentali discurrendum.

Vnus error
Illuminatorum,

Adu. 3. quod inter errores Illuminatorum hereticorum hic erat vnus, quod oratio mentalis est sub præcepto diuino; ac sine ea neminem saluari posse, immò esse quoddam Sacramentum, per quod omnia diuina præcepta adimplentur; & qui orationi mentali vacat, esse exemptum ab obedientia superiorum: & alia plura insana, ac erronea, orationi mentali coniugebant. At errores illorum omnes,

Falsa, &
erronea
doctrina

de

de quibus oportune fiet mentio, cum suis authoribus vix exorti damnati fuere anno 1623. in quo nati sunt.

Dico 1. Oratio Mentalis sumpta pro meditatione, vel contemplatione non est simpliciter, & absolute necessaria ad salutem consequendam.

Prob. Nihil dici potest sic necessarium, nisi a Deo fuerit, ut tale statutum, præceptum, ac reuelatum humano generi. Nuspiam autem in lege, al qua, siue naturæ, siue Mosaica, siue Euangelica, fuit talis oratio sic præcepta; ergo non est simpliciter ad salutem necessaria. Maior est manifesta; quia, tam salutis collatio, quam media ad eam necessaria, a Deo, Gloriæ Domino, decreta sunt. Min. prob. de statu legis naturæ ante scriptam, quænam scilicet in ea fiebant, & quæ non, non pauca quidem scimus; et inter illa non legimus hoc præceptum, vel traditionem. Legimus quidem Abraham, Isaac, Iacob, Moysen, & alios orasse: de Iacob scimus ex Genes. 24. & de alijs putamus mentaliter utique meditados & contemplatos fuisse Dei magnalia in creatione, & conseruatione mundi, in beneficiorum largitione, in bonorum remuneratione, & malorum punitione &c. nec non ipsiusmet Dei perfectiones, infinitatem, æternitatem, immensitatem, omnipotentiam, charitatem, misericordiam, scientiam, & similia. quia horum notitiam habebant, & quia viri perfecti erant, at nec eis, nec alijs hoc præceptum fuisse scimus, ut necessarium ad salutem. Item inter Gentiles legimus Iob meditatum, & contemplatum certè fuisse magnalia illa, quæ de diuinis, ac reuelatis in suo libro scripsit; at neque Gentilibus id fuisse præceptum legitur.

Mentalis oratio non est absolute necessaria ad salutem.

In nulla lege oratio mentalis præcipitur, ut necessaria simpliciter ad salutem.

Pauca de lege naturæ facta sciuntur.

Probabile est quod Sancti Patres Abraham, Isaac, Iacob, Moyses, &c. oratione mentali etiam vacauerint. Sed non legitur fuisse eis præcepta.

2. Quia

A par
arg. quod
non fit ab
soluē ne
cessaria.

Nec in le
ge Moy
legitur
fuisse prae
ceptum.

Neque in
lege Euan
gelica legi
tur praece
pta.
Mandato
rum obser
uantia ad
salutē ne
cessaria.
Ex Christi
dictis quae
sunt neces
saria ad sa
lutem.

Sinecessa
ria, Eccle
sia decla
rasset, ali
quin erra
ret.

2. Quia si fuisset necessarium pro lege naturae, nunc etiam duraret hac necessitas; quia lex naturae, quoad sua principia, nunc durat; & tamen homines non experiuntur in se hoc dictamen de meditando, vel contemplando, ergo non est praeceptum naturae.

Quod non sit praeceptum legis Mosaicæ, ut ad salutem necessarium, prob. percurrendo totum Pentateuchum, in quo decalogus tantum legitur à Deo datus Moyfi, intimandus populo, ut ad salutem simpliciter necessarius: nec vnquam fit mentio de oratione hac mentali meditatiua, vel contemplatiua, cum regulis quibus fit seu fieri debet, ut infra.

Quod tandem neque in lege Evangelica praecepta sit oratio mentalis, ut simpliciter ad salutem necessaria, prob. In Euangelio non legitur: Immo interrogatus Saluator à quodam, *Quid faciendo vitam aeternam possidebo?* Respondit, *serua mandata.* Et illo replicante, *Quae?* respondit Dominus narrando praecepta secundae tabulae tantum, quia loquebatur cum Iudaeo credente in vnum Deum, sanctificante Sabbatum, &c. & alia vice interrogatus à legis perito, *quod est mandatum magnum in lege,* dixit, *diliges Dominum Deum tuum ex toto corde tuo, &c.* & alterum simile huic, *Diliges proximum tuum sicut te ipsum;* In his duobus praeceptis tota lex pendet, ac Propheta. Immo iterum interrogante illo, *haec seruavi ab adolescentia mea, quid adhuc restat?* Respondit, *si vis perfectus esse vende omnia, quae habes, & da pauperibus.* Nuspiam ergo Saluator praeceptum istud orationis mentalis meditationis, aut contemplationis imposuit.

2. Quia si esset necessaria simpliciter ad salutem, magno errore laboraret Ecclesia, quae vel
ne-

nesciret tale præceptum, vel nunquam fidelibus pro-
posuisset seruandum, cum salutis iactura.

3. Maior hominum fidelium pars damnaretur,
quia præceptum hoc non seruant, neque sciunt in
quo consistat.

Dico 2. Oratio mentalis sub consilio tantum dici
potest necessaria, si non explicitè, saltem implicitè,
vt ad perfectionem ordinata.

Prima pars, quod sit sub consilio, prob. quia om-
ne opus pietatis, & quodlibet aliud honestum, si non
præcipitur, sub consilio tantum est; talia autem sunt
omnia supererogationis opera, vt voluntaria pau-
pertas, castitas, obedientia, ieiunia, itinera, aliæque
macerationes non præceptæ.

Quod autem explicitè non consulatur patet, quia
vt supra diximus, licet oratio consulatur, immò &
præcipiatur, non tamen explicatur mentalis medita-
tiua, vel contemplatiua.

Prob. 2. pars de consilio implicito. Datur enim
consilium de perfectione acquirenda: *estote perfecti*,
dicit Christus, *sicut Pater vester cælestis perfectus est*, &
Paulus, *amulamini Charismata meliora*. Et Apocal. 20.
*qui iustus est iustificetur adhuc, & qui sanctus est sanctifice-
tur adhuc*. Hæc autem mentalis oratio, & ipsamet per-
fectio est, & orantem ad perfectionem, & vnionem
cum Deo disponit, vt de fructu illius dicemus. Igitur
sub consilio illo perfectionis acquirendæ, implicitè,
& virtualiter comprehenditur etiam oratio men-
talis.

Conf. Christus Dominus Lucæ 18. inquit, *oportet
semper orare, & nunquam deficere*: id autem consilium
est, vt suppono, quia non orans semper, non peccat.
At sub hoc consilio compræhenditur quælibet ora-
tionis species, & maxime perfectior, vt est mentalis

ex

Sub consi-
lio capir-
oratio mē-
talis sal-
tem impli-
citè.

Quæ sub
consilio
sunt, non
Explicitè
non vide-
ur sub cō-
silio Evan-
gelico.

Sub consi-
lio impli-
cito cadit
oratio mē-
talis.

Quomo-
do est sub
consilio
implicitè

Christi cō-
siliū.

64 DE ORATIONE CHRISTIANA

ex nuper dictis. Præterea nobis consuluit suo exemplo, ut eum imitemur, *exemplum meum dedi vobis, ut quemadmodum ego feci, ita & vos faciatis*. Ipse autem quasi semper, & semper mentaliter orabat, etiam dum vocaliter id faciebat. Ergo in eo consilio orandi includitur mentalis oratio.

Dico 3. Si pro oratione mentali intelligantur actus interni fidei, spei, charitatis, poenitentiae, seu doloris peccatorum, propositi non peccandi de cætero (licet isti non sint propriè orationes mentales) sunt simpliciter ad salutem necessarij.

Quod præfati actus, quamvis mentales sint, non dicantur orationes mentales, nemo dubitat, quia mentalis oratio ex sententia omnium Mysticorum diuiditur in meditationem, & contemplationem, ac in gradus alios eis annexos, nempe laudationem, gratiarum actionem, ac petitionem, quia per eiusmodi actus rationalis creatura loquitur cum Deo, & de eiusmodi actibus orandi diffusè Mystici tractant.

De actibus autem fidei, & aliis ut supra antecederet, & præsuppositiuè, tamquam de principalibus fundamentis orantium, ut cum fructu orent, meditentur, & contemplantur, & ut saluentur, palam est.

Dico 4. si pro oratione mentali intelligatur attentio mentis, quando homo orat, & tenetur ex præcepto orare, necessaria est simpliciter illa attentio, ut præcepto satisfiat.

Prob. exs. August. lib. de Cognit. veræ vitæ c. 39. oratio cordis non oris tantum ascendit ad Deum; & in lib. de spir. & Anima c. 50. ait, oratio est mentis ad Deum peripium, & humilem affectum. Affectus autem est spontanea quadam, ac dulcis ipsius animæ ad Deum inclinatio; nihil enim ita Deum inclinat ad pietatem, ac misericordiam quemadmodum mentis affectus.

Di.

Suo exemplo
placuit etiam
Christus
Actus fidei
&c. an
sint orationes
mentales. Ne
cessarij
sunt ad salutem.

Non tamen
sunt orationes
mentales

Actus fidei
ab orationibus
supponuntur.

Attentio
mentis est
necessaria
in oratione.
S. August.

Quos obligat
sub præcepto
attentio.

Dixi de iis, qui tenentur orare, quia si isti mente non applicant, non solum non merentur, sed neque satisfaciunt. Ceteri verò, qui non tenentur, si non applicant mente, in vanum laborant. Attentio autem humano modo possibilis sufficit.

At neque de ista mentali oratione hic loquor; sed præcisè de meditatione, & contemplatione, an necessaria sit simpliciter ad salutem.

C A P. IV.

De erroribus, & abusibus fugiendis circa Orationem Mentalem.

ANtequam ad species orationis mentalis, nempe meditationis, & contemplationis, descendamus, earumque praxim, & exercitium insinuemus, operæ pretium est, aliqua historicè, & dogmaticè advertere, ne fideles cum salutari medicamento sanctæ Orationis, venum deglutiant, & non solum orationis fructu priuentur, sed æternæ damnationis reatum incurrant.

Adu. igitur, quod humani generis hostis, & zizaniorum factor Diabolus, ab initio Ecclesiæ, & in progressu, in quolibet campo sanctæ doctrinæ fludit miscere zizania errorum; & ita prorsus in hac materia per suos sequaces operatus est. Eos ergo referam, ut fideles eos caueant. Primi ergo, qui circa orationem mentalem errant, ex Demetrio Cydonio libro contra Palamam fuerunt *Euchitæ*, qui docebant orationem mentalem faciendam capite versus umbilicum deflexo, & eo modo diuinam quamdam lucem se videre, ardoremque Sancti Spiritus concipere, & per nares efflare deberent: brutalis qui-

I

dem

Qui tenentur orare, illi obligantur ad attentionem.

Mens Auctoris.

Demon se per orationis mentalis persecutor.

Fugiendi error es Euchitarum.

Primi errantes circa eam fuerunt Euchitæ.

66 DE ORATIONE MENTALI

dem stultitia omninò exhibilanda.

Beguardi,
& Beguini
errant.

Alij, vt Beguardi, ac Beguini, in Concilio Viennensi damnati, inter alios errores docuerunt, hominem contemplatiuum ita finalem beatitudinem cum omni perfectionis gradu posse in hac vita acquirere, sicut obtinebit in Patria.

Eugiendi
errores eorum.

2. Posse per contemplationem ad talem gradum perfectionis ascendere, vt readatur impeccabilis, & qui ad eum gradum peruenerat, non tenebatur vlla bona opera facere.

3. Quod qui ad talem gradum perfectionis peruenerat, spiritum libertatis acquirere, & sic nulli humana obedientia obligatus erat.

Nebulonũ
infantia.

4. Quod contemplatiuus ad eam perfectionem perueniens, nec etiam ad elevationem Sanctissimæ Eucharistiæ deberet reuerentiam exhibere eo quod aiebant, imperfectione esse; quod altitudo contemplationis pro indigno ducebat ad mysterium humanitatis Christi descendere. Alios eorum errores non refero, quia ad rem non faciunt, omnes tamen exhibilandi.

Alii aliorum erro-

Alij, vt refertur in Chronicis Fratrum Minorum par. 2. lib. 7. cap. 16. reprehensi à Sancto Viro Fratre Vgone Pansiera, docebant, orationem mentalem, seu contemplationem hoc modo faciendam. Homo, quò ad intellectum alienus debet esse ab omni cogitatione rerum corporalium, & spiritualium, & sperare, ac expectare debet cogitationes illas, quas Deus ei imprimet, ac infundet, quamuis demonstrari, aut sciri nequeat quomodo hoc fiat. Quo verò ad corpus, debet homo rectus stare strictis labijs retinens quantum potest respirationem; & statim incipet sentire mutationem aliquam in corpore; & interdum non sentiet angustiam; interdum verò prorumpet in magnas voces, at non semper eodem modo; interdum cadet in terram retrorsum; interdum in faciem; interdum tandem in actus irracionales prorumpet: & quòd quando corpus tale aliquod patiebatur, signum erat,

Optime reprehendi,
& exhibilari,
vt brutales.

quòd.

quod homo ille incipiebat contemplari. Interrogatus Frater Vgo, an hic modus orandi bonus esset? Respondit, doctrinam hanc irrationabilem, ac bestialem esse, & quatuor assignauit rationes. Prima est, quod homo vacans perfectioni, non debet se alienare ab omni cogitatione, & operatione corporali, & spirituali; quia indiget Sacramentis, quæ corporalia sunt, & actibus virtutum, quæ spirituales sunt. Secunda ratio, & redit in idem, quia in via perfectionis sunt necessaria opera virtutum corporalium, ut v. g. opera misericordiae corporalis, susceptio Sacramentorum, & actus fidei, spei, & charitatis. 3. Ratio quia si homo detinet intellectum suspensum ab omni operatione se exponit illusioni Dæmonis, qui sine ulla resistentia immittere in eo poterit peruersas cogitationes; ac propterea anima quærens Deum per contemplationem, debet semper cogitationem aliquam spiritualement habere; & valde periculosum est aliter facere: alias operationes corporeas strictioris retentionis habitus, &c. esse vanas, improprias, orationi mentali indecentes, & diabolicis insidijs adinuentas. 4. ratio Fratris Vgonis, eaque obseruanda, est, quia, inquit, impossibile est, quod anima ita se suspendat, ut nihil cogitet. Ideo consulit, ut saltem de humilitate Christi, vel alia re diuina cogitet: dicit tandem, valde cœcum esse, qui putat suo labore, ac industria peruenire posse, ad statum raptus, vel eleuationem corporis, aut animæ, ad reuelationes, vel prophetias, vel perfectam altitudinem spiritus; hæc, & alia diffusius Fr. Vgo.

Alii, & similes primis, & alios plures circa orationem mentalem errores docuerunt; & de anno 1623. Hispali in Hispania detecti sunt, dicti *Illuminati*, sed

Fr. Vgo
sicit hæc
esse irra-
tionabi-
lia, & be-
stialem.

Quatuor
rationes
assignauit.

Intelle-
ctus tene-
ri non debet
suspensus
ab omni
operatio-
ne.

Varii, &
improprii
modi oran-
ti.
Rationes
notandæ.

Illumina-
ti oratio-
nes.

68 DE ORATIONE MENTALI.

verius caci. Primus eorum error est, quod oratio mentalis diuino praecepto iniuncta sit, tali pacto, quod per eam solam omnia diuina, & humana praecepta adimpleantur. 2. quod oratio est Sacramentum quoddam sub accidentibus, videlicet, mentalis hac virtute pollens; vocalis verò exigui sit momenti. 3. quod homines huic orationi dediti, non sunt ad laborem manuum, nec ad alia corporalia exercitia adstringendi. 4. quod nulli Superiori sit obediendum, nec Prelato, nec Patri, nec marito quoties præcipiunt aliquid orationem mentalem impediens. 5. quod nullus absolute loquendo consequi poterat virtutis secretum, nisi illis magistris, ut discipulus se subiceret. 6. quod nemo poterat saluari nisi orationem faceret, eo modo, quo ipsi magistri faciebant. 7. quod perfecti non egent operari virtutum opera. 8. Cum ad gradum illum perfectionis peruenerint, nec debent conciones audire, nec imagines aspicere, nec de diuinis loqui. 9. quod oratio mentalis, & abstinencia nequeunt diu simul consistere, neque miraculose; eo quod oratio, & amor Dei multam extenuant, ideo lautis cibis utendum erat, ut quis ad orationem aptior esset. 10. quod orans ita se colligere in Dei praesentia teneatur, ut nec discurrat, nec meditetur, nec in Iesu Christi passione, & multo minus in eius sanctae humanitatis cognitione immoretur. 11. quod nullo modo umquam utendum sit imaginibus, ut quis se ad orandum colligat, cum ipsa tantum blandimenta, & illecebra censeantur. 12. Posse hominem ad talem gradum perfectionis ascendere, ut Sanctorum intercessione non egeat; ideo nec inuocare eos debeat. 13. quod a quouis ex eorum Illuminatorum numero semper, ac singulis horis videri possit id, quod ab ipso iam semel in oratione visum fuit. Hæc sunt, quæ phanatice heretici illi dixerunt conspurcantes sanctum mentalis orationis exercitium: Sed merito luerunt poenas; alii enim comparentes ad Tribunal Sancti Officii, publice abiurarunt; alii contumaces, & postea capti; pertinaces;

Indigna
isti do cue
runt.

impiamul
a.

Phanatici
homines
deceati sunt

Punitio eo
rum ex-
plaris.

ces, obstinati, ac impenitentes capitis poena plexi sunt.

Nouissime de anno 1656. nefarii quidam prodierunt, qui sanctum mentalis orationis exercitium maculare tentarunt, multos ex præfatis erroribus, ac hæresibus ab Orco reuocantes, aliosque errores, aliasque hæreses proprio Marte præfatis addentes; quorum præcipui anthores cum abiuratione præuia diuersis poenis multati sunt; & nouæ sectæ finem imponere diligentissime curatum est. Vt autem omnes ab iis caueant; aliquas eorum propositiones hic referre decreui, quæ ad rem pertinent, alias omittendo.

1. Orationem mentalem ita esse cuiuslibet homini necessariam, ut sine ea nemo saluari possit.

2. Quod oratio vocalis respectu mentalis est parui momenti, & velut fursus respectu farine, & sicut palea respectu tritici.

3. Quod oratio mentalis, si uniatur cum vocali perdit vim suam, sicut si vinum misceatur cum aqua.

4. Quod si ab Episcopo, vel alio Superiore prohibeatur alicui oratio mentalis, non est eis obediendum, neque si sub excommunicatione iubeat.

5. Quod quo tempore facienda est oratio mentalis, vxor non tenetur obedire viro aliqua præcipienti, quod orationem impediatur.

6. Si Superiores vellent eos reformare; parendum non est, quia non sunt capaces suorum principiorum, ipsi autem Phanatici reguntur à Spiritu Sancto.

7. Quod in missa, dum eleuatur Sanctissimum, non debent in illud aspicere, sed inclinare caput versus terram, quia digni non erant aspicere.

8. Quod illi, qui exequi nesciunt orationem mentalem, non sunt in statu saluationis.

9. Prohibebant vsum imaginum sanctarum.

10. Quod

Aliorum
errores.

Maculare
tentarunt
orationem
mentalem

Cauendæ
eorum do-
ctrinæ per-
uersæ hic
relatæ.

Indigna
prorsus de-
gnata.

10. Quod orationi mentali vacantes, vel peccare non possunt, vel difficilimum est, quod peccent:

Alia plura
indigna
docebant.

Alia plura effutierunt de potestate, & dignitate directorum huius exercitij orationis mentalis ab eis maculatæ, & tot insanijs conspurcatæ, quæ nunc referre opus non est, & damnati fuere authores, ac doctrinæ præfatae.

Monitio
pro oran-
tibus.

Errores
isti relati
sunt, ut fi-
deles ab
eis caueã

Qui ergo à Deo vocatur ad exercitium orationis mentalis, siue meditationis, siue contemplationis, hæc omnia, & similia phanatica, & inepta, à Dæmone prorsus adinuenta fugere debet; & simplicibus regulis ex sacra Scriptura, & ex Sanctis Patribus decerptis, & à Dei seruis in usu hucusque positis inherere; ideò ante tractatus de meditatione, & contemplatione, quæ solæ sunt species orationis mentalis, impietates istæ positæ sunt, ut sciant fideles, quid vitare debeant in sancto orationis exercitio: dicitur enim in ps. 59. *dedisti metuentibus te significationem, ut fugiant à facie arcus, & liberentur dilecti tui.*

Alia vitanda
in pro-
gressu di-
centur.

Alia verò mala leuiora vitanda, quæ occurrere possunt in sancto hoc exercitio, in progressu tractatum insinuabuntur, ut sacrificium hoc laudis, quod in psal. 49. David iubet Deo immolandum; purum, immaculatum, & Deo placens immoletur. Ideò ad species orationis mentalis explicandas Deo duce, descendimus, & primò de meditatione, quæ faciliior, notior, & communior est, agemus; unde sit prima quæstio.



CAP.

CAP. V.

Quid sit meditatio, & in quo consistat.

ADu. quòd meditatio generaliter sumpta vt Philosophis, Teologis, ac etiam Rethoricis communis, sic definitur, *est attenta, & sedula rei alicuius in mente reuolutio, & agitatio*: Et sic quilibet apprehendens rem aliquam, & mente considerans eam secundum eius partes, naturam, passionem, & cætera accidentia, & circumstantias, siue Theologus, siue Philosophus, Architectus, Rethor, & quicquid alius considerans sua negotia, dicitur meditari; & sic meditans non sistit in vno cogitationis actu, sed per plura circa rem apprehensam discurret, vt quilibet in semetipso experiri potest; quod est valdè notandum. At de hac generica meditatione hinc non loquimur, sed de *Religiosa meditatione rerum caelestium, seu diuinarum, ac reuelatarum*; quæ conuenit cum generica in aliquibus; & differt in obiecto, & annexis multis.

Dico I. *Religiosa meditatio est attenta, & sedula alicuius rei reuelatæ cogitatio, circa rem illam, & eius accidentia, & circumstantias se extendens, cum amoroso affectu circa rem ipsam, atque Deum rei illius Authorem.*

Declaratur, & probatur euidenter ex consensu omnium, qui & meditationi vacarunt, & libros de ea ediderunt, vt sunt S. Bernardus, Riccardus, & Vgo de S. Victore, S. Bonauentura in toto libro de Meditatione Vitæ Christi, S. Theresia, B. Ioannes de Cruce, S. Petrus de Alcantara, Gerson, &c. omnes isti docent, *Meditationem esse cogitationem seu considerationem attentam, alicuius Mysterij fidei, vel*

Definitio
Meditationis.
Meditatio
multiplex.

Quid sit.

Religiosa
eiusdem.

Definitio
meditationis.

Particulæ
definitionis
decla-
ratur.
Quid me-
ditatione
scripserit
sic expli-
cant.

cu-

Exemplū
meditationis.

Modus me-
dicandi.
Discursi-
uus est.

Affectus
circa rem
medita-
tam.

Plures a-
ffectus in me-
ditatione
interce-
dunt.

Differ-
per hoc à
contem-
platione.

Differ à
meditati-
one Philo-
sophica.

Differ et-
iam à cæ-
teris spæ-
culationi-
bus etiam
theologi-
cis.

S. Bon. to-
tam theo-
logiam or-
dinavit ad
affectum
Cant. 2. 4.

cuiuslibet rei reuelatæ, discursiuam tamen, seu proceden-
tem de vna re in aliam. V. g. meditatur quis Natiui-
tatem Christi, mente cogitat, *Qui est*, qui nascitur, &
considerat, quod sit Deus, qui homo factus est, & de
hoc miratur. Considerat *locum*, quod sit in stabulo,
loco fatido, & miratur. Considerat *tempus*, quod
in medio hyemis, & miratur. Considerat *pauper-*
tatem quod vilibus pannis inuolutus iacet in præse-
pio, & miratur. Considerat eum *sine virginitatis mater-*
ne præiudicio, & *sine dolore eiusdem ex utero prodijisse*, &
miratur. Considerat *Deum sic pro humano genere humi-*
liatum; atque alia, quæ in illius Natiuitate accide-
runt, & tandem ex horum consideratione affectus
amoroſi actum, prout Deus inspirat, in Christum
natum, & in Deum hæc patrantem elicit: hæc est
verè, & propriè meditatio, cum pluritate actuum
circa plura obiecta annexa principali obiecto: &
per hoc differt, vt dicemus, à contemplatione, quæ
non est discursiua, sed in vno simplici, & fixo intui-
tu rei meditatæ, seu sine meditatione apprehensæ,
consistit, vt dicam postea: et differt ab omni alio
Philosophicæ, ac artificiosæ meditationis genere;
quia istę sunt cogitationes, & considerationes rerum
prophanarum, nostra autem Religiosa meditatio est
de rebus reuelatis, & creditis per fidem.

Differt etiam à Theologicis speculatiuis medita-
tionibus, quia licet sint de reuelatis, & creditis rebus,
sunt tamen sine amoroso affectu illis annexo, ad quẽ
tendit meditatio, qua de causa Seraphicus S. Bona-
uentura totam Theologiam suam ad affectiuam or-
dinavit, vt compertum est, vt semper in ea medita-
retur. Vnde sponsa Cant. 2. ait, *Introduxit me in*
cellam vinariam; ordinavit in me *Charitatem*; quia di-
cit Apostolus *Finis legis Charitas*, vt de Affectiua di-
cam in suo loco.

Dico

Dico. 2. Semper in Ecclesia fidelium vtriusque testame-
ti viguit in multis meditatio, seu meditatiua oratio.

Probatur ex lectione Sacri Textus Gen. 24 de
Isaac adueniente Eliezar de Mesopotamia cum Re-
becca illius futura sponsa, dicitur, *Meditabor in agro.*
Isaac enim, ex quo fuerat in victimam destinatus,
assidue orationi vacabat, Deuter. 6. Moyses ex Dei
mandato precepit Iosue, *ut saepe meditaretur precepta*
legis siue sedens in domo, siue existens in itinere. Iosue 1.
Deus ipse illi precipit, *ut saepe meditaretur volumen legis.*
David Psal. 1. ait, *Beatus vir qui in lege Domini medi-*
tatur; & in toto psalterio per viginti septem vices lo-
quitur de meditatione operum, & mandatorum Dei.
in Prouerbijs quater fit mentio de meditatione di-
uinarum rerum. Paulus 1. Timot. 4. postquam mul-
ta consilia, & precepta imposuit Thimoteo, dicit,
Hac meditare, & in his esto, ut profectus tuus manifestus sit
omnibus. Et ipse Paulus 1. Corint. 14. inquit, *Orabo*
spiritu, orabo & mente; Psallam spiritu, psallam & mente.
Et Apostoli omnes, qui a Christo tot precepta, &
consilia audierant, tot virtutes, ac miracula ab eo
fieri viderant, & tot iniurias, cruciatus passionem,
ac mortem perpeti, & post resurrectionem tot glo-
riosa gesta exequi usque ad Ascensionem in Coelum,
& missionem Spiritu Sancti, quomodo poterant non
meditari continuò tot magnalia, & in Christi, ac
Sanctissime Trinitatis, quam ab eo didicerant, amo-
rem non diffundere inuerisimile, immo impium est op-
positum opinari.

Præterea de oratione meditatiua sub vocabulo
Considerationis fit mentio in Sacra Scriptura Iob. 17.
Considera mirabilia Dei. Et certe inuerisimile est, quod
primi Parentes, ceterique amici Dei, tam pro lege
naturæ, quam pro Mosaica, cum Dei, & operam eius

Sæper in
Ecclesia
viguit me-
ditatio.
Ge. 25. 61.

Deut. 6. 7.

Iosue 1.

Sæpe in
ps. fit me-
tio de me-
ditatione.
1. Timo. 4.

17.
1. Cor. 14.
14.

In Aposto-
lis medica-
tio.

Sub voce
considera-
tionis fit
sæpe men-
tio de me-
ditatione.

In veteri
Testam.

Ab initio
Ecclesie
praxis me-
ditandi.
Ex Mona-
chorum
praxi me-
ditatio.

Corolla-
rium de
natura me-
ditationis

Libri mul-
ti de ea
tractantes.

Norandū.

Meditatio
& præpa-
ratio du-
plex.

distinctam habuerint cognitionem, ea non fuerint meditati per sæpe, & suum amorosum affectum in eum non direxerint, & tenerrime dilexerint.

Deinde ex praxi Apostolicorum discipulorum, iam inde ab initio Ecclesie, vt Dionisij, Timothei, Gierothei, & postea Monachorum, Basilij, Antoni, Benedicti, ac sociorum, nec non Anachoretarum, & Religionum omnium, & Collegiorum, tam Regularium, quàm Sæcularium, euident est meditatiua orationem in Ecclesia viguisse, ac vigere in multis.

Hinc ergo breuiter collige, quod meditatio religiosa, seu spiritualis, aliud non est, quàm actus mentis, seu intellectus, quo attentè cogitatur, seu consideratur aliquod obiectum reuelatum discurrendo per partes, & accidentia eius cum aliquo affectu circa tale obiectum, vel Deum, si obiectum sit aliquid creatum. Exempla talium considerationum innumera in Sanctorum libris inuenies; vt in duobus meditationum S. Augustini, in lib. S. Bonau. de Meditat. Vitæ Christi, & alijs ferè innumeris.

Quæ autem præparatio ad eam requiratur, qualis attentio, qualis affectus, & qui sunt gradus eius, vt quis in ea proficiat, dicentur postea. Maxime autem aduertendum est, quòd sicut dicam dari duos gradus, seu ordines orandi, & orantium mentaliter, siue meditando, siue contemplando, vnum vulgarem, seu communem omnibus hominibus, alium specialem, & proprium eorum, qui perfectionis viam calcant; vt postea ostendam, ita duo præparationum ad meditationem, & contemplationem dantur genera. Pro primis sufficit præparatio, quam dixi in primo Opusc. cap. 4. requiri ad omnem fructuosam orationem. Pro secundis ostendam requiri multo maiorem, & difficiliorem.

CAP.

CAP. VI.

An Meditatio differat à Contemplatione, & per quid.

HVius dubij solutio omnino necessaria est; quia video aliquos, necignaros, immò insignes viros in hac re hallucinatos, dixisse, non differe meditationem à contemplatione.

Adu. quod si contemplatio sumatur philosophicè, aut gramaticaliter, quælibet interna, seu mentalis cogitatio alicuius rei, vel negotij dicitur contemplatio, & meditatio, vt notat S. Bernard. homil. de duobus discipulis dicens, *Meditationem quandoque cogitationem, quandoque contemplationem solemus, quasi proprio nomine nuncupare.* At si theologicè, & mysticè sumatur contemplatio, vt sumunt spirituales, & mystici, maxima differentia est inter eam, & meditationem, immò regulariter incipientes à meditatione incipiunt spiritualem vitam; & si cum Dei auxilio persenerant, & proficiunt, à meditatione transeunt ad contemplationem. Sed de his postea. Differentia autem pro tyronibus clara assignanda est, vt sciant meditari, & contemplari.

Adu. 2. quod vt fusius in suo loco dicetur, Contemplatio theologica duplex est, quædam acquisita, & naturalis dicta, non quia solis naturæ viribus acquiratur, & exerceatur; sed quia licet semper cum gratia Dei; hæc tamen gratia interdum communis est etiam meditanteam petenti. Quædam dicitur infusa seu supernaturalis, quæ ex specialissima Dei gratia paucis, immò paucissimis à Deo conceditur: de hac non loquor nunc, quia nulla dari potest facilis de illa instructio; sed de prima, pro qua exercen

Solutio dubij necessaria.

Aliqui confundunt meditationem cum contemplatione.

In vno sensu idè sunt contemplatio & meditatio.

In sensu Theologico differunt.

Incipientes spirituales à meditatione incipiunt. Contemplatio duplex, a quilibet, & infusa.

Quæ nam infusa.

da, & acquirenda Sancti in ea etiam periti, vt postea dicam, regulas plures pro eius adeptione tradiderunt.

Differentia magna inter eas.

Differentia inter meditationem, & contemplationem.

Riccard.

de S. Viç. assignat convenientiam, & differentiam inter eas.

Multa notanda.

S. Bernardus assignat differentiam.

Dico ergo. Inter meditationem, & contemplationem, etiam acquisitam, theologicè sumptas, magna, & lata est differentia.

Prob. ex supradictis cum Riccardo de S. Victore lib. 1. de Contempl. c. 3. dicente. *Vnam eandemque materiam aliter per cogitationem intuemur; aliter per meditationem rimamur; longè aliter per contemplationem miramur. Multum inter se inuicem hæc tria in modo differunt, quamuis quandoque in materia conueniant. De vno si quidem, eademque materia aliter cogitatio; aliter meditatio, longè aliter agit contemplatio. Cogitatio per deuiam quæque lento pede sine respectu præuentionis passim huc, illucque vagatur. Meditatio per ardua sæpè, & aspera ad directionis finem cum magna animi industria nititur. Contemplatio libero volatu quocumque eam fert impetus mira agilitate circumfertur. Cogitatio serpit; Meditatio incedit, & multum currit. Contemplatio autem omnia circumuolat, & cum voluerit in summis se librat. Cogitatio est sine labore, & fructu, Meditatio cum labore, & fructu, Contemplatio permanet sine labore cum fructu. In Cogitatione euagatio, in Meditatione inuestigatio, in Contemplatione admiratio. Sic Riccardus: igitur maxima est inter eas. differentia.*

S. Bernardus, seu alius pro eo, tract. de Scala Cæli, ait, *Meditatio est studiosa mentis actio, & occulta veritatis notitia, ductu propriæ rationis, inuestigatio. Oratio est deuota cordis intentio in Deum pro malis amouendis, & bonis adipiscendis. Contemplatio est mentis in Deum suspensa eleuatio æternæ dulcedinis gaudia degustans: & dans exemplum de Meditatione dicit v. g. postquam quis legit hunc versum Beati, mundo corde, inuestigat, cur non dicit mundo corpore, & quid sit cor mundum, quomodo sit mundum, & c.*

& quod mundum cor habentes saluantur, quia ait, Beati mundo corde, quoniam ipsi Deum videbunt: Et quod his fratribus anima inflammata colligit, quam suauē esset habere cordis munditiam, & aestuat desiderio habendi: & cætera plura. Postea loquitur de Oratione, seu petitione, qua petitur à Deo munditia cordis, ut ad Dei visionem perueniatur, non ob propria merita, sed pro Dei misericordia. Tandem de Contemplatione sic loquitur. His, & huiusmodi ignitis eloquijs suum inflammat desiderium, sic ostendit suum affectum. His incantationibus aduocat sponsum: Dominus autem, cuius oculi super iustos, & aures eius ad preces eorum, &c. animam fatigatam recreat, esurientem reficit, aridam impinguat, & facit eam terrenorum obliuisci, memoria sui eam mirabiliter fortificando, viuificando, inebriando, ac sobriam reddendo. Et exemplificat de homine carnali, qui ita vincitur concupiscentia, quod usum rationis amittit; ita in hac superna Contemplatione consumuntur, & absorbentur carnales motus ab anima, ut in nullo caro spiritui contradicat, & fiat homo quasi totus spiritualis. Hæc Bernardus. Igitur apertissima est differentia inter meditationem, & contemplationem.

S. Bona. in Pharetra lib. 4. c. 26. multa præclara de meditatione ex S. Gregorio dicit, & postea, Meditatio est occulta veritatis studiosa inuestigatio: Contemplatio est perspicua veritatis iucunda admiratio. Illam diuina reuelatio illuminat, ut veritatem cognoscat. Istam diuina inspiratio inflamat, ut eam diligat: Et ait sic definiri ab Authore lib. de Spiritu, & Anima, vel S. Augu-

stino. Probari potest à posteriori: facile pii fideles incumbunt meditationi, sed pauci, & difficile contemplationi; immò hæc ut res ardua, & impossibilis apprehenditur. Quidquid autem nunc sit de

qua-

S. Bernar.
dus de Me
ditatione
dicit mul
ta.

Postea lo
quitur de
cōtempla
tione.

Exemplū
de carnali
amante.

S. Bon. as
signat diffe
rentiam in
ter medita
tionem, &
cōtempla
tionem.

Ratiō diffe
rētis à po
steriori.

78 DE ORATIONE MENTALI

Ratione
probatur
pluribus
modis.

qualitate, & arduitate contemplationis, de quibus in suo loco dicam, sufficit nunc scire, quod illa esse potest sine ista, & sic differunt inter se.

Exemplū
meditationis.

Probari potest 2. ex eo, quod meditatio est discursiva circa principale obiectum, transiens de vna in aliam qualitatem, vel circumstantiam illius obiecti. Contemplatio autē est simplex obiecti, firmusque cum admiratione intuitus: e. g. Meditans Christi flagellationem supposita eius fide considerat filium Dei pati illa flagella non ob sua demerita, sed ob nostra; considerat miseriam eius in columna ligati; contusionem artuum; lacerationem corporis; dolorem; erubescenciam; patientiam; silentium, & applicationem pro nobis; saevitiam ministrorum flagellantium; Domini contemptum, & vilipensionem à servis perpeffam; iste verē, & propriē meditatatur. At contemplans hunc casum, vel post præfatam meditationem, ut accidit in incipientibus ac proficientibus regulariter; vel absque meditatione, sed sola ipsa flagellatione concepta, ut in perfectis, sine vllō discursu, figit in ea mentis firmum intuitum, cum admiratione, compunctione, & affectu, ut in suo loco dicam, iste propriē contemplatur.

Cōtemplationis
exemplum.

Plurima
exempla
meditandi
leguntur
apud Sanctos
de ea
scribentes

Exempla plurima formæ modi meditandi discursivē per plura transeundo, legi possunt in libro de *Meditatione Vitæ Christi* apud S. Bonau. in Opusculis, & multo plura in duobus libris meditationum S. Augustini, quælibet siquidem meditatio prolixum continet discursum: inferior iterum occurrēt de hoc argumento discursus, cum inferius de contemplatione loquemur.

CAP.

CAP. VII.

Quenam sint Meditationis obiecta.

ADu, quòd quidam putarunt, meditationem versari quidem circa reuelata, at non spiritualia, vt circa Deum, diuinasque perfectiones, & attributa: sed circa corporalia, quæ per imagines sensibiles possunt representari: At existimo eos falli; idè

Dico, Omnia reuelata, siue corporalia, siue spiritualia, siue purè diuina, siue creata, sunt obiecta proportionata meditationi.

Probat. Omnia ista sunt obiecta Fidei, & intellectus credentis per fidem, ergo, & meditationis: Hec enim est actus intellectus considerantis reuelata, & inuestigantis eorum qualitates, ac circumstantias.

Prob. 2. Omnes Theologi mystici docent maxime insistendum in meditatione vitæ Christi. At de Christo meditari possunt, nedum corporalia, & sensibilia sed etiam diuina, & alia spiritualia, quibusque enim meditari potest diuinitatem, humanitatem unitam, eius dona supernaturalia, summam gratiam, summum lumen gloriæ, summam scientiam, omnes habitus virtutum, dona Spiritus Sancti, gratias gratis datas, &c. Immo quoties aliquis dignè, & vt oportet, meditari vult aliquam actionem, aut passionem, seu cruciatum, aut mortificationem Christi, debet semper illum, etiam vt Deum, considerare, vt dignitatem, ac valorem operis, nec non humilitatem, & charitatem erga nos apprehendere valeat, cumque feruentius diligere.

Prob.

Quorūda
opinio nō
tenenda,
circa me-
ditationis
obiecta.

Omnia re-
uelata sūt
meditationi
obiecta.

Ex senten-
tia Mysti-
corum.

Clara exē-
pla.

Ex Riccar-
do.

80 DE ORATIONE MENTALI

Prob. 3. ex dictis cum Riccardo de S. Viçt. *lib. 1. de Contempl. c. 3.* eadem res potest esse materia meditationis, & contemplationis. Sed spiritualia, ac diuina esse possunt, & sunt materia contemplationis: Ergo & meditationis.

Ex S. Augustino.

Etiam spiritualia diuina meditatione dicitur S. Augustinus.

Ex alijs ss.

Ex praxi Ecclesiarum

Proponuntur meditatione etiam spiritualia.

Exemplo Theologorum qui meditantur etiam spiritualia.

Prob. 4. ex S. Augustino in *libris Meditationum*: in primo etenim libro in omnibus ferè 45. capitibus inter res meditandas, Deum, eius perfectiones, præcipuè charitatem, misericordiam, & iustitiam, interponit, Personas diuinas diuim, & coniuictim, Verbi Incarnationem, virtutes, gloriam &c. In alio libro per 18. capita pariter inter meditanda, Deum, eius beneficentiam, & dilectionem circa nos interserit, nec non fruitionem Dei; Dei circa nos sollicitudinem, futuram nostram felicitatem &c.

Idem probari potest ex S. S. Dionisio, Bernardo, Thoma, Bonauentura, & alijs omnibus, qui de Meditationibus scripserunt. Omnia enim diuina, & spiritualia meditationibus etiam subdiderunt.

Prob. tandem ex praxi Religionum, & Congregationum vacantium meditationi. In eis enim indiscriminatim proponuntur meditanda tam corporalia, & creata, quam spiritualia, & diuina; Quid enim impedit, quin fideles capaces meditentur Deum vnum in essentia, & trinum in Personis, inuestigando quo modo hæc se habent, supposito prius actu fidei, quòd ita sit? Quid pariter impedit, quin fideles capaces, supposito actu fidei, quòd Verbum sit incarnatum, inquirent, quomodo id fieri potuit?

Conf. euidenter. Omnis Theologus est mediator Dei, & prædicatorum eius essentialium, & notionalium, & in ea consideratione consistit tota theologia; ideoque si parti huic speculatiuæ medi-

ditionis adiungerent affectiuam amoris, ac dilectionis, essent veri, ac religiosi meditatiui. Puto autem maiorem Theologorum partem talem esse, cum in studiosa, & attenta diuinarum perfectionum meditatione cognoscant summè amabile; & lapideum certè cor haberet, qui illum cognoscens non diligeret. Certè sic in magnis Ecclesiæ Theologis accidisse conspicimus, tam antiquis, quàm modernis, qui cum de Deo mirè scripserint, mire eum dilexerunt, vt fuere Gregorius Nazianzenus, Basilus, Ambrosius, Hieronymus, Augustinus, Magnus, Gregorius, Athanasius, Dionisius &c. veteres sanctissimi viri; Bernardus, Thomas Angelicus, Bonauentura Seraficus, Albertus Magnus, Alexander Aletensis, Scotus, & alij innumeri, qui Deum, ac diuina optime meditati, Deum optime dilexerunt. O vtinam omnes Theologi eos imitarentur! Diuina ergo etiam respicit meditatio.

Ex his collige, quòd omnia facta, & dicta, quæ in tota Sacra Scriptura Veteris, & Noui Testamenti referuntur, sunt obiecta, seu materia meditationis. Circumferuntur multi libelli meditationum in quibus multa, & præcipua Sacræ Scripturæ, aut vitæ, ac mortis Christi capita referuntur. Alij, in quibus de beneficiis à Deo collatis humano generi agitur; alij, in quibus de Virtutibus, earumque actibus, de vita spirituali, & de modo proficiendi in ea discutitur; & alij similes. Hi omnes apti sunt, vt ex eis punctum aliquod ad meditandum eruat; sed omnium aptissimus, & ad fructum efficacissimus ait S. Bon. est Liber meditationum, articulorum fidei, vitæ, & mortis Christi; Et idem S. Bon. de stim. Amoris, c. 3. ait, *Quicumque ad contemplationis quietem, & dulcedinem, nisi per Christi lateris ostium voluerit introire, furem se reputet, & latronem,*

L

CAP.

Euidēs ra-
tio nam
ōnis Theo-
logus est
meditator

Teologi
Sancti, &
Doctores
Ecclesiæ
sic fecerūt

Omnia fa-
cta, & di-
cta in Sa-
cra Scri-
ptura sunt
obiectum,
seu mate-
ria medi-
tationis.

Obiecta
omnia me-
ditationis.
Et libri
eas conti-
nentes le-
gendi pro
meditatio-
ne.

CAP. VIII.

De affectiua parte in Meditatione requisita.

Potētia co-
gnosciti-
ua, & affe-
ctiua in
homine.

Affectiua
duplex; na-
turalis, &
libera.

Quid sit
affectus in
Deum ex
S. Augu-
stino.
Experien-
tia de affe-
ctibus.

Sēsus quæ-
siti.

A Duerto, vt communiter docent Theologi, ac Philosophi, & quisque in se experitur, quod in anima etiam secundum rationalem partem, portionemque superiorem duæ adsunt potētiæ, vna, cognoscitiua, seu intellectiua; alia affectiua, seu volitiua. Affectiua autem, vt S. Bonauentura inter alios docet in *Breuiiloquio cap. 9.* diuiditur in naturalem, & liberam. Prima dicitur ipsa voluntas intrinsecē, & naturaliter inclinata ad omne bonum, etiam summum; & quoties sibi ab intellectu aliquod ostenditur, præcipuē magnū, honestum, ac delectabile, statim ad illud inclinatur, & ad illud est propensa, eiusq; affectu trahitur. Libera autē tūc est, quando actu positiuo cū indifferentia dilectionis illius prosequitur.

Adu. 2. quod affectus in actu, siue naturalis, siue liber ex S. Augustino *libr. de Spir. & Anima c. 50.* sic definitur, *Affectus autem est spontanea quædam, & dulcis ipsius animæ ad Deum inclinatio, subdens, Nihil autem ita Deum inclinatur ad pietatem, & misericordiam quemadmodum mentis affectus.* Quilibet autem in semetipso experitur, se circa aliquod obiectum, vel amicum, affectum, seu inclinationem habere, quæ animi passio est, & prodir statim obiecto honesto, vel delectabili cognito. At præter affectum, seu inclinationem, sæpē, immō semper, circa tale obiectum elicitur actus liber dilectionis, sicut vnusquisque hominum in semetipso experitur. Hic ergo quærimus, An meditatio religiosa, vt talis, præter obiecti considerationem, debeat annexum habere affectum, tam natu-

ra-

ralem, quàm liberum circa tale obiectum considera-
rum, vel saltem circa Deum, si obiectum sit aliquid
creatum incapax passivi affectus, ac dilectionis, vt si
v. g. consideretur creatio Celi, & Terræ, vel Solis, ac
Lunæ, animalium, arborum &c.

Dico. Meditatio vt sit religiosa debet habere an-
nexum affectum circa rem meditatam, si diuina sit
vel si non, circa Deum autorem illius rei.

Meditatio
debet affe-
ctum etiam
includere.

Prob. ex S. Augustino lib. de Spiritu, & Anima c. 50.
*Oratio est mentis deuotio, id est conuersio in Deum per pi-
um, & humilem affectum. Affectus autem est spontanea quadam
&c. vt supra. Sed meditatio est oratio. Ergo.*

Conf. Ex psalm. 11. cap. 47. habetur, & meditabar
in mandatis tuis, quæ dilexi. S. August. in huius psalmi
locum dicit, *Mandata ergo Dei dilexit. Dilexit autem co-
gitando, & operando. Nam quod ad cogitationem pertinet,
ait, & meditabar in mandatis tuis. Quod autem ad operatio-
nem, & leuauit manus meas ad mandata tua, quæ dilexi, si-
nis enim præcepti est charitas de corde puro. Isto fine, id est
huius rei contemplatione, fit mandatum Dei, & tunc verè est
opus bonum: & in psalm. 38. dicitur, in meditatione mea
exardescit ignis, id est charitatis. Affectio igitur, ac dile-
ctio coniungi debet religiosæ, ac fructuosæ medita-
tioni diuinorum. Tyrones autem in his omnibus à di-
rectore dirigendi sunt, ne errent.*

Ex S. Au-
gustino.

Ex Psalte-
rio.

S. Augusti-
ni expli-
catio.

S. Bernard. de consideratione lib. 5. c. vlt. ait, *San-
ctum facit affectio sancta, & ipsa duplex, timor Dei, & a-
mor, & ser. 5. in Cant. inquit, hæc affectio est, quæ gustat,
& sapit, quàm suauis est Dominus. Et hoc ex psalm. 33.
acceptum est, gustate, & videte quoniam suauis est Do-
minus. Qui ergo meditatur Deum, vel aliquid diui-
num, aliaue reuelata facta, & dicta Dei, affectum, &
dilectionem erga eum debet meditationi, tamquam
eius complementum, adiungere.*

Ex S. Ber-
nardo.
semper
meditatio
includit
affectum
in Deum.

84 DE ORATIONE MENTALI.

A paritate
beatæ vi-
tæ .

Prob. 2. In hac vita omnia opera nostra ad Deū, tamquam finem vltimum dirigenda sunt, siue actua- liter, siue virtualiter, vt religiosa, & fructuosa sint : & sicut in Patria beatitudo completur per contem- plationem, & dilectionem Dei, sic in via opus bo- num, ac religiosum in fide fundatum (cui ex Aug. succedit visio) in cognitione, & dilectione Dei con- sistere debet.

Arg. Ex rei
natur a.

Experien-
tia id do-
cet.

Ex gratitu-
dine pro
magnis
Dei in nos
beneficijs
impossibi-
evidetur,
quod i me-
ditans Dei
beneficia
non mo-
ueatur af-
fectu in-
eum.

Prob. 3. Ex rei ipsius conditione, ac natura. Con- siderans enim rem aliquam bonitate aliqua prædi- tam, & præsertim delectabilem, aut vtilem experit- tur, se in eam propensum, illius amantem, & quo de- lectabiliorem, ac vtiliorem illam existimat magis in eam se conspicit inflammari. Item si amicum, aut Principem aliquem sibi experitur beneuolum, ac beneficium in dies sibi beneficia conferentem, & cer- tō ex veraci eius promissione speret, se maiora, & maxima consecuturum, dum hæc mente reuoluit, se in eum affectu, & dilectione trahi sentit. Cū er- go aliquis meditatur Dei excellentiam, maiestatem, Sanctitatem, & cætera eius prædicata, ac perfectio- nes, vel beneficia toti humano generi collata, vt ele- uationem ad supernaturalem ordinem, ordinationē ad æternam vitam, vel beneficia creationis, confer- uationis, redemptionis, iustificationis &c. vel medi- tatur beneficium Incarnationis, & quæ in ea conti- gerunt, vel aliquam, aut plures de Christi Domini actionibus, aut passionibus, nisi cor lapideum habeat, statim sentiet, se in Dei, & Christi Domini affectum, ac amorem excitari, accendi, & inflammari : Ideo- que ex rei ipsius, idest meditationis, natura, oritur affectus ille, & deinde dilectio.

Dixi etiam si meditatio sit de obiectis creatis re- uelatis, nam ista quoque possunt esse meditationis obie-

obiecta, seu materia, cum reuelata sint: Et Sacra Scriptura tota quanta est, his rebus, & factis scatet: et ex libris duobus meditat. S. Augustini luculenter patet. In vtroque enim libro tutus est in considerandis eiusmodi factis, ac motibus. Tunc autem ex earum rerum consideratione excitatur affectus in Deum illarum authorem: Et sic videtur in ijs libris exequi Sanctus Augustinus; necnon, quod plus est, versatur in affectu erga Dei bonitatem meditatione, & gratiarum actione. Quis enim considerans se vilem, abiectam creaturam ad bona opera sine Dei auxilio inutilem, tot malis corporis, & animae obnoxiam, & tamen à summo primo, & vnico rerum omnium, & ipsiusmet meditantis creatore ita diligi, vt eleuatus sit ad supernaturalem ordinem, & vitae aeternae capacitatem, & ad filiationis Dei adoptionem, tot Sacramentis munitum, tot donis supernaturalibus fidei, spei, & charitatis ornatum, tot auxilijs illuminationis, & inspirationis ad bona opera confortatum, & in hac luce editum conservari, in feruente affectus in benignissimum, & amantissimum Dominum non prorumper? saxeus certè hic, & non carneus homo esset.

CAP. IX.

An omnes homines sint capaces meditationis,

AD. quod aliud est loqui de meditatione incipientium, & communi, quæ regulariter fit: Aliud verò de meditatione proficientium, & perfectorum. De prima nunc loquor: de alijs postea.

Dico ergo. 1. Omnes homines vtriusque sexus rationis compotes, & instructi meditationis communis,

Etiamsi meditatio sit de creatis reuelatis.
Ex s. August. evidens probatio.

Ex natura rei oritur affectus in meditatione diuinorum.

Duplex personarum genus & duplex meditatio.

nis, & incipientium sunt capaces.

Omnes
capaces
meditatio-
nis, si in-
struantur.

Prob. Hæc actio est operatio intellectus, & voluntatis, quæ potentia sunt omni homini communes. Ergo omnes usum rationis habentes, si instruantur quid sit meditatio, sunt capaces, ut eam faciant.

A priori
ratio.

Conf. Omnis homo, etiam indoctus, rudis, & rusticus, est capax cogitandi, & considerandi aliquod suum negotium graue, siue commodum, siue incommodum, & sistendi in eo, ut possit illud consequi si commodum, & vitare si incommodum: ergo poterit etiam cogitare, & considerare nouissima, si ea sibi explicentur, ut malum fugiat, & bonum sequatur: si ei declaretur quid sit iudicium vniuersale, quàm terribile, & tremendum; quid sit infernus, & quàm horribiles in eo sint penæ; quid sit Paradisus, & quàm magna felicità in illo, eaque æterna, quilibet etiam idiota, & rusticus poterit ea considerare; & ita dicendum de alijs fidei mysterijs præsertim de vita, & passione, ac morte Christi, quæ facile capiuntur, ut experientia constat. Ergo sunt capaces meditando, illa, si de eis instruantur.

Euidens
ratio.

Prob. 2. Quilibet capax rationis, etiam rusticus, & idiota tenetur facere examen conscientie, & dolorem habere de peccatis, & propositum non committendi de cetero, quæ præmittuntur ad orationem mentalem, seu meditationem. Item est capax audiendi punctum illud, quod à lectore legitur, vel prædicatur, & proponitur ad considerandum: v. g. Iudicium vniuersale, penæ inferni, mors Christi pro nobis &c. certè quilibet etiam rudis potest pro suo modulo hæc cogitare, & considerare, sicut posset considerare quod suus amicus, aut dominus aliquod magnum beneficium sibi præstitit, vel pro se

A paritate
de exami-
ne Conscien-
tiæ.

Alia ratio
euidens.

Alia ratio
euidens.

ma.

magnum detrimentum passus sit; vel si aliquod bonum grande sit sibi conferendum, vel magnum aliquod malum sibi imminet: Pater ergo omnes homines vtriusque sexus, si instruantur, esse capaces meditationis.

Præterea notorium est, quod homo quilibet est aptus ad eliciendum aliquam effectum; seu dilectionis actum, circa suum benefactorem, & circa res bonas, & valde amabiles; ideoque si rudibus, & idiotis explicetur magna bonitas, & amabilitas rei propositæ considerandæ, & infinita bonitas Dei, quæ eam fecit, aut si ipsemet Deus, aut eius perfectiones proponeretur considerandæ, nemo dicet, quod homo, cui hæc proposita sunt, ea non diligat. In his autem duobus consistit meditatio, ergo omnes sunt capaces illius.

Conf. ex facto. Nulla est Ciuitas, nullum Oppidum, nullusque vicus, in quo non adsit aliqua Societas, seu Congregatio fidelium, quæ per aliquod etiam paruum temporis spatium orationi mentali, non vacet, & in qua nõ legatur aliquod punctum, quod à confratribus consideratur, seu meditatatur; & tamen in eis Societatibus non omnes sunt docti, nec in illis mysterijs periti; at punctum propositum meditantur. Et in aliquibus laudabilis quedam praxis est, vt Restores earum interrogent aliquos, quam illuminationem, aut inspirationem habuerint in meditatione puncti propositi; vel quem fructum sibi utilem ex ea retraxerint. Ergo omnes apti sunt ad meditandum, si de meditatione instruantur.

Conf. 2. ex alio communi ferè & notorio facto. Fideles inumeri vacant deuotioni recitandi Rosarium; & pro quolibet mysterio recitant vnum Pater,

Efficax ratio à pari.

Quilibet amat sibi bonum.

Ex praxi ratio.

In omnibus locis adsunt sodalitates, quæ meditantur aliquid.

Ex alia praxi recitandi Rosarii.

88 DE ORATIONE MENTALI

ter, & decem Ave Maria; & aliquantisper considerant successivè mysteria illa pro quibus recitant Pater, & Ave: alioquin frustra fieret divisio illa, de tot Pater, & Ave. Omnes ergo, vel meditantur ea mysteria, vel debent meditari, cum ea de causa, vel Prefectus (si in Congregatione recitetur) ea proponat, vel si privatè recitetur, ea recolat recitans.

Non omnes sunt capaces proximè ad proficiendum.

Dico 2. nō omnes sunt proximè capaces, & apti ad proficiendū in exercitio meditationis, vel ad perueniendum vsq; ad finem, seu perfectionē meditationis.

Notanter dixi *proximè* quia remotè omnes sunt capaces, si ex Dei adiutorio se disponant ad vitam spiritualem per viam purgatiuam, relinquendo mundi illecebras, & abijciendo opera tenebrarum, cum obseruantia diuinorum, & Ecclesię præceptorum, & cum continuo virtutum exercitio, vt dicam infra de Vita contemplatiua, de Vnione, & Mystica Theologia. At quia non omnes meditationi vacantes, vt palam est, ad hæc dispositi sunt; ideò nec proficiunt, nec perfecti euadunt.

Arg. ab experientia.

Prob. ergo experientia. Innumeri vacant meditationi, at pauci proficiunt; & paucissimi euadunt perfecti: sicut in omni professione artium, & scientiarum, innumeri incipiunt studere, pauci proficiunt, & paucissimi euadunt perfecti Ratio est, quia non adhibent, quæ ad proficietiam, & perfectionem requiruntur. Vt studens proficiat, plura debet facere, a pluribus abstinere, vnde dixit Doctus

Non omnes alicui proficiunt, aut perfecti euadunt.

Multa tulit fecitque puer, sudauit, & alfit;

Abstinnit Venere; & vino

Ideo dictum est à Philosopho quodam

Virtutem posuere Dijs sudore parandam.

Arduus est ad eam, longusque per ardua callis;

Asper & est primum, sed vbi alta cacumina tanges

Fit

Fit facilis, quæ dura prius, atque inclita virtus.

Omnis ergo scientia, omnisque ars, labore, sudore, patientia; & abstinencia à multis acquiritur.

At Crapulæ, Vino, somno, delicijs, cæterisque illecebris deditus; raro, vel nunquam, artem, vel scientiam, cui dat operam, acquirit, ut palam fit de scholaribus in quacunque scientia, vel arte. mille incipiunt Philosophiæ, vel Theologiæ studere; vix triginta prosequuntur, aut proficiunt; ex his autem vix quatuor, aut quinque perfecti euadunt.

Hæc autem orationis mentalis meditatiuæ professio, ut semper innui, & abundantius dicam de dispositione requisita ad profectum contemplationis, (quæ ad idem sunt, nam per meditationem fit transitus ad contemplationem) requirit hominem spirituales, Spiritualis autem est, qui carnis opera exuit, mundo vale dixit, peccata mortalia abhorret; & à venialibus etiam quantum potest se abstinet; Virtutum Theologalium, & Cardinalium operibus sedulo incumbit; Deo in omni suo actu verbo, gestu, & cogitatione placere studens, ita ut, dicebat Apostolus, *sit in carne præter carnem*; sitque quasi spiritus. Iste proximè capax, & aptus est ad proficiendum, & Deo dante ad euadendum profectum in meditatione, & in contemplatione ad eam sequente; & ad vnionem cum Deo, ac Mysticam Theologiam, de quibus dicam in suo loco.

Mirum ergo non est, si videmus tot hominum vtriusque sexus, omnisque status, & conditionis vacare orationi mentali, ac meditationi, paucos tamen perfectos; quia vel non prosequuntur in ea; vel si prosequuntur, spirituales non sunt, veterem hominem non spoliant, & nouum non induunt.

Quæ nam re trahunt à studio meditationis.

Spiritualis quis est

Requisita ad proficiendum, & perfectionem.

Quare ex vacatibus meditationi, pauci proficiunt.

CAP. X.

An per meditationem acquiratur unio cum Deo.

ADu. quòd loquimur de unione non physica, sed morali, & per affectum. Duplex autem excogitari potest unio cum Deo; quædam imperfecta, & quædam perfecta, sicut inter homines duplex esse potest amicitia, & affectus etiam concupiscentiæ carnalis, quidam perfectus in suo genere, idest maximus, et si malus; quidam verò imperfectus, idest parvus. Tunc autem unio est perfecta, cū Deo (vt fusè dicam de termino perfectæ contemplationis) quando homo ad eum perfectionis statum peruenit, vt semper ferè in omni actu suo liberè de Deo cogitet, tenero affectu in eum tendat, sibi sedulo cauens, ne in minimo quidem ei displiceat; & Deus illum multis donis cumulat, de qua unione ex instructione perfectorum mira referam in suo loco, de qua loquebatur Paulus, *Unio ego iam non ego, viuit verò in me Christus. Et mihi vivere Christus est.* Imperfecta verò unio est, dum quis aliquoties cogitat de Deo, & erga eum toties affectu, & dilectione tendit, at non se frequenter, neque continuè cauet, ne Deo displiceat, sed cauet tantum à mortalibus; & spiritualis esse non curat. Et hæc non est illa unio de qua Mystici agunt, vt in proprio opusculo dicam.

Dico ergo. Per meditationem acquiri potest aliqua unio cum Deo, proportionata tamen conditioni, & qualitati meditantis.

Prob. & declaratur hæc conclusio. Meditatio incipiens, quoties meditat, quamuis non semper di-

Unio cum Deo duplex.

Quando unio cum Deo est perfecta.

Multa signa illius

Imperfecta unio cum Deo quæ.

Aliqua unio cum Deo acquiri potest per meditationem.

diuina Dei prædicata, sed creata obiecta reuelata, vt infernum, iudicium, & mortem; sæpè tamen diuina; & dum meditatur creata, semper ordinem habet ad Deum, & ad finem vltimum, & ita cogitat de Deo, & affectu in eum tendit, vterque autem actus, moralis, seu affectualis vnio est: Sicut cum quis aliquem amicum habet, de illo cogitat, cogitando diligit, ei affectualiter vnitus dicitur. Si autem frequentius exerceatur in meditando; sæpius de eo cogitat, sæpiusque diligit, & prosequendo acquireret habitum meditando, de Deo cogitandi, eumque diligendi. Si autem diuina adiuuante gratia, non solum prosequitur, seque frequenter exercet in meditatione, sed etiam spiritualis effectus fit, (de qua spiritualitate postea dicam) nedum habitum vnionis sue cum Deo acquireret, vt facile, ac promptè continuò de Deo cogitet, eumque diligat, vt testatur sponsa Cantic. 3. *tenui eum, nec dimittam*; sed acquireret vnionem Dei secum: & reciproca tunc erit vnio, de qua loquitur Saluator Io. 14. *Si quis diligit me, sermonem meum seruabit, & Pater meus diliget eum: ad eum veniemus, & mansionem apud eum faciemus* quia Deus continuè eos fouet secretis illuminationibus, ac inspirationibus, suauitate ac dulcedine quadam ineffabili, quas experti tantum eas dicere possunt, modò possint. In his ergo ex continua Dei assistentia, illuminatione, inspiratione ad spirituum contemplationem, videtur viuere speciali modo Christus. Vnde Apostolus, *Vno ego iam non ego, viuit verò in me Christus*. Idèd qui ad eiusmodi vnionem perueniunt, apparent semper abstracti, & quasi extra se positi; & interdum quibus Deus concedit, alienati à sensibus, & extatici, vt si pungantur, trahantur, valido clamore vocentur, nil penitus

Exemplū
alicuius
vnioniscū
Deo.

Quomo-
do acqui-
ritur vnio
cum Deo.

Cantic. 3.

Io. 14.

sentiani. Hæc tamen etsi perfecta sit, adhuc non est perfectior illa unio, quæ obtineri potest à meditationibus, & contemplationibus spiritualibus in hac vita; nam de ea fusiùs loquar in suo loco; sublimior enim est, & inexplicabilis.

Quæ uni
obtinetur
in medio
tione.

Signa ali-
cuius unio-
nis cū Deo
quæ fiat.

Unionem
perfectam
paucissi-
mi acqui-
runt.

Tres unio-
nis gradu-
ex S. Ber-
nardo.

Quomo-
do acqui-
runtur.

Ex quibus colligitur, quòd vacantes orationi, & meditationi, quæ communiter fit siue in oratorijs collegialiter, siue priuatè, licet unionem, & adhesionem aliquam cum Deo acquirant, quia de eo sepe cogitant, & cogitando diligunt, & aliquas illuminationes, & inspirationes ad bona opera facienda à Deo obtineant, quam unionem, & quos fauores non habent, qui de Deo non cogitant, nec eum diligunt: tamen, quia adhuc non sunt effecti spirituales, non obtinent unionem perfectam Dei secum, de qua supra, ut ipsimet experiuntur: paucissimi enim eam assequuntur, & qui Spirituales sunt.

S. Bernardus tract. de *Varijs Sermonibus*, Ser. 52. tres uniones, quas appellat oscula inter Deum & fideles assignat. Primum appellat *Propitiatorium*, quod habetur *per remissionem peccatorum*. Secundum, osculum appellat *remuneratorium*, quod habetur *per dona virtutum*. Tertium dicitur *contemplatiuum*, quod habetur *per contemplationem Cælestium*. Itaque orationi mentali meditationis vacantes, si, ut debent, mundo corde, idest sine læthali culpa ad Deum accedunt, & meditantur aliquod reuelatum obiectum, fide creditum, iam unionem, & osculum propitiatorium obtinuerunt. Si in ea oratione perseverant, & habituantur, obtinent dona virtutum, quia in actibus virtutum, tam Cardinalium, quam Theologalium, Deo illuminante, inspirante, & adiuuante exercentur: et sic obtinent *osculum remuneratorium*. Si tandem ex meditatione (ut regulariter fieri dicam,

tran-

transeunt ad contemplandum, obtinent donum, seu osculum contemplatiuum; quod alia duo etiam supponit. Et sic patet, quod in oratione meditatiua, etiam ante contemplatiuam, habetur aliqua vnio cum Deo.

Confirmari potest totum hoc ex famoso Pauli dicto 1. Corin. 6. 17. nescitis, quoniam, qui adhæret meretrici vnum corpus efficitur; erunt inquit duo in carne vna. Qui autem adhæret Deo est vnus spiritus. Super hoc loco 1. Basil. de vera Relig. ait, anima, quæ Christo copulata est, tanquam sapientiæ Verbi Dei sponsa, sapiens, ac prudens sit necesse est, stultitiæ, & insipientiæ nota explosa, iugi diuinarum rerum meditatione, sapientiæ, cui coniuncta est, ornetur pulchritudine, donec æternam sapientiam sibi penitus iungat, vnumque cum eo, cui inhaesit effecta, ex corruptibili fiat incorruptibilis, ex imperita prudens, ac sapientissima, tamquam Verbi, cui adhæsit costa, atque ex homine mortali immortalis Deus, sic, vt ille, cui coniuncta est, omnibus manifestetur.

S. Bernard. serm. 7. in Cant. de hac adhæsiōe, & vnione loquens dicit, Anima, quæ diligit Deum, sponsa vocatur, hæc enim duo nomina sponsa, & sponsus maximè indicant internos affectus; his enim omnia communia sunt, hereditas vna, domus vna, vna mensa, vnus cibus, vna caro. Et paulò post. Sponsa itaque dicitur illa, quæ amat; & cætera plura.

Idem S. Bern. de Vita solit. ait, Vnitas spiritus cum Deo hominis cor sursum habentis, proficientis in Deum, voluntatis est perfectio. Cum iam non solùm vult, quæ Deus vult, sed sic est non tantùm in affectu, sed etiam in effectu perfectus, & cætera multa: cum ergo meditatiuus mundo corde adhæreat Deo, illum meditetur, illumque diligat, vnionem aliquam, sicut sponsa ad sponsum cum Deo habet.

CAP.

Maximū
arg. ex A-
postolo
pro vnio-
ne cum
Deo.

Ex Basilio
quomodo
homo fit
vnus Spiri-
tus cum
Deo.

Ex S. Bern.
Multa de
adhæsiōe,
& vnio-
ne cum
Deo.

Ex eodem
Bern. alia
de vnione
cum Deo.

CAP. XI.

An meditatio fieri possit cum aspectu Imaginum.

De quibus
imagini-
bus est ser-
mo.

De exter-
nis est ser-
mo.

Illumina-
torū error,
quod non
sit utendū
imagini-
bus Sancto-
rum.

Prodest a-
spectus i-
maginum
meditan-
ti.

Fortius
mouet ob-
iectum
præsens,
quàm ab-
sens.

Aduerto hic fieri sermonem de imaginibus, seu figuris externis, per quas repræsentantur, vel Christus, B. Virgo, alijque Sancti; vel mysteria nostræ fidei, quæ picturis, vel sculpturis repræsentari solent. De imaginibus autem internis, seu phantasmatis, quæ repræsentant sensibilia in imaginatione, seu phantasia, & de speciebus intelligibilibus, quæ repræsentant spirituali modo, & dicuntur ipsæ quoq; imagines spirituales, loquar postea.

Adu. 2. quod de usu externarum imaginum potest esse duplex quæstio; prima, an in principio meditationis adhiberi possint; secunda est, an meditatio prosequenda sit in aspectu imaginum.

Adu. 3. hunc alium errorem præ cæteris inter hereticos Illuminatos (seu veriùs excecatos) præualuisse, quod nempe, in oratione mentali nullo vnquam modo utendum sit imaginibus, ne quis se ad adorandum colligat, cum ipsæ tantum, ut blandimenta, & illecebræ censeantur. Hoc Illuminati in vndecimo ex erroribus damnatis.

Dico 1. Multum proderit meditati, si ante meditationem, & initio eius perspiciatur aliqua imago repræsentans rem, quæ assumitur meditanda.

Prob. 1. ratione, quia imago illa fortius mouet, sensum excitando ad producendam speciem imaginariam, viuacius, & expressius repræsentantem rem meditandam ut si v. g. meditandum sit mysterium Natiuitatis, vel Flagellationis, vel Crucifixionis
Chri-

Christi, vel aliud simile, imago, seu pictura illud representans, fortius mouebat potentiam imaginatiuam, seu phantasmam ad producendum phantasma fortius, & viuacius representans Natiuitatem, vel Crucifixionem, &c. & ex illa specie intellectus agens viuaciorem, & expressiorem speciem intelligibilem producet, quam si ex simplici lectione, aut auditione talis rei meditandæ phantasma illud, & ex eo species intelligibilis produceretur.

Conf. ex dicto S. Bonau. licet ad aliud propositum, in tract. de septem donis cap. 2. & in Pharetra cap. 12. dicentis, Idcirco Pictura in Ecclesijs adhibetur, ut hi qui litteras nesciunt, saltem in parietibus videndo legant, quæ legere in codicibus non valent.

S. Bernardus in proluxa illa epistola de Vita solitaria ad fratres de Monte Dei, longè post medium loquens de tyronibus, & incipientibus, & alijs meditantibus, dicit, huiusmodi homini oranti, vel meditati, melius, at tutius, sicut dictum est, proponitur imago Dominicæ Natiuitatis, Passionis, & Resurrectionis, ut infirmus animus, qui non nouit cogitare, nisi corpora, & corporalia, habeat aliquid, cui se afficiat, cui iuxta modum suum pietatis intuitu inhereat. Et quilibet in se ipso potest experiri, quod si orare velit, ac meditari aliquod mysterium fidei, facilius, promptius, & alacrius, ac cum maiori feruore, & pietate illud meditatur, si præ oculis mysterium illud in aliqua imagine videat, quam si solum audiat aliquem illud proponentem, vel de ipso aliàs considerato recordetur. Hinc est, quod præclaros quosdam, & orationi deditos Sanctos videmus pingi genullexos ante imaginem Saluatoris, vel nati, vel flagellati, vel crucifixi: Et hoc est signum, quod sæpè hoc modo, & ex eius aspectu incitabantur ad meditandum, & contemplandum. Itaque Imaginum aspe-

Ex S. Bon.
Cur pictu-
ræ in Ec-
clesijs po-
nuntur.

S. Bernar-
dus multa
dicit de
hoc.

Experien-
tiæ com-
probatur.

aspectus in principio meditationis, non solum non debet prohiberi à directoribus orantium, sed debet eis enixe suaderi.

Quando non debet aspici imagines.

Dico 2. Postquam meditans ex imaginis espectu mysterium iam concepit, & experitur se plenè illud percepisse, & ad pietatem se incitatum, debet ab aspectu imaginis externæ diuertere, & mysterium illud solo corde, seu mente considerare.

S. Bernardus expressè probat conclusionem.

Prob. ex D. Bernardo totidem ferè verbis in supracitato loco id docente, sic *Docendus est etiam in oratione sua sursum cor leuare, spiritualiter orare, à corporalibus, vel corporum imaginibus, cum Deum cogitat, quantum potest recedere. Admonendus est, quanta potest pietate cordis intendere in eum cui sacrificium orationis suæ offert, seipsum attendere, qui offert, & intelligere quod offert. Quantum enim intelligit eum, cui offert, tantum ei in affectu est, quantumque ei ipse in affectu est, tantum sapit ei hoc ipsum, si dignum Deo est, quod offert, & in eo sibi bene est.*

Documentum istius motuum. Eiusdem ratio.

Praxis bona meditationum, ne distrahantur.

Ratio autem documenti istius, clara est, quia si meditans postquam ex imaginis aspectu excitatus est ad pietatem, & considerationem mysterij, prosequitur in aspectu imaginis, distrahitur ad considerandum, vel colores, vel lineamenta, vel peritiam artificis, vel similitudinem illius cum alijs pulchrioribus, vel deterioribus, & sic euanscens in ijs cogitationibus non considerat mysterium, nec eleuatur ad Dei meditationem: Et hac de causa prouidè, ac prudenter consultum puto Religionibus, & Congregationibus, quæ meditationi vacant, ut in pluribus, & vidi, & audiui fieri, quòd tempore meditationis postquam lector legit punctum meditandum; nedum fenestras clauduntur, sed candela extinguatur, ne oculi alia videant obiecta, à quibus distrahi possint; & consequenter cordè tantum, seu mente laborent orantes,

tes, id est considerent solùm, quod lectum est, ipsumque Deum, quem mysterium illud patrasse credunt, ut & circa illum afficiantur.

Confirmari potest totum hoc ex S. Dion. Arcop. de myst. Theol. ad Timoth. ubi ait, *Tu autem, à amice Tbimothee; & sensus relinque, & sensibilia exercitia, & omnia sensibilia, forti conatu mentis hac supprime.* Et inde clarius comprobatur; quia, ut dicam de contemplatione, præsertim infusa, cum Deus eam concedit alicui, abstrahit, & alienat eum à sensibus, ut pro tunc nihil sciat per ullum sensum externum, aut etiam internum.

Et hoc voluit docere Ioannes Rusbroch de vera contempl. c. 7. ubi loquens de contemplatio ait, *oportet introversum esse in otium sanctum, quod nullas admittat, sed omnes relinquat imagines.*

Immo adeò tenaciter authores multi (ut dicam de cōtemplatione) tenent non utendum imaginibus in contemplatione, ac meditatione, ut dicant abijciendas etiam internas imagines, nempe phantasmata, & in solis speciebus intelligibilibus esse intueudum. Sed de hoc puncto ibi loquar.

Nunc ergo dico, quòd meditans licet in principio aliquantum adiuvetur ab aspectu externæ imaginis repræsentantis mysterium meditandum; cum tamē fuerit ad id incitatus abstinere debet ab eius aspectu, ut corde, seu mente consideret veritatem mysterij, & non distrahatur. Hinc est, quòd orantes mentaliter, frequentissimè oculos claudunt, & in solitarijs locis recedunt, ne aliquid sensibile sentiant; non ex alio capite, nisi ne in actu illo turbentur, & distrahantur: immò ex alio capite in progressu orationis à sensibili imagine, à qua incitati sunt, abstineant; quia ad Deum ascendere debent; quod per mentem, non per oculos facere debent.

S. Dionis.
videtur ex
plicitè
hoc doce
re.

Rusbroch

Consilium
necessariū
oranti mē
taliter.

An, & quantum durare debeat meditatio.

Duplex
quæſiti ſen-
ſus.

Authoris
mens, cur
quædam
omittit.

Sensus qui
inquiritur

ADuerto duplicem esse huius quæſiti ſenſū. Pri-
mus, an poſt hāc vitā durare debeat in alia vita
meditatio, ſicut durabit (vt in ſuo loco dicam) con-
templatio, quæ ex S. Gregorio *hic inchoatur, & ibi
perficitur*: et de duratione meditationis in hoc ſen-
ſu hic non loquor. Nam quid quid ſit, an in Patria
Beati diſcurrere poſſint de ijs, quæ vident in Deo,
& Deus eis reuelat, cognoscentes cauſam, & effe-
ctum ab ea pendentem; tamen quia hoc fieret vno
& eodem actu, & ſic potiùs eſſet virtualis diſcurſus,
non autem formalis, qui requirit plures actus ſuc-
ceſſiuos vnum poſt alium: & quia hoc dubium eſt
merè Theologicum, parum iuuans, immò multum
diſtrahens meditates, ommitto diſcuſſionem eius.

Alter ſenſus eſt, an ſit præfixum aliquod tempo-
ris ſpatium, per quod meditando durare debeat in
meditatione; & hoc eſt, quod hic inquirimus: idè

Adu. 2. quòd vt in ſuperioribus diximus, cū
ad orationem mentalem meditatiuam concurrant
plures partes, nempe examen conſcientiæ, deteſta-
tio peccatorum, ſi adſint, & propoſitum emenda-
tionis, & confeſſionis, vt meditatio, ſeu etiam con-
templatio ſit fructuoſa; inſuper lectio, vel auditio,
aut recordatio puncti meditandi, petitio auxiliij di-
uini ad fructuoſè, & attentè meditandum; medi-
tatio ipſa; gratiarum actio, & poſtulatatio, quæ om-
nia ad veram, & propriam meditationem ſunt neces-
ſaria; dum quæritur, quantum durare debeat medita-
tio, eſſe poteſt ſermo, vel de ea ſecundum omnes has
partes, vel de ea ſolitariè accepta.

Di-

Dico igitur, Dari non potest certa regula de duratione meditationis quoad omnes partes: sed verus meditativus posset sibi quo ad eas præfigere, saltem mediam horam; nisi aliter Deus illum dirigat protrahendo; vel aliter ipse meditans sit dispositus, vel indispositus.

Probantur, & explicantur singulæ partes. Prima scilicet, quod dari non possit certa regula, patet ex diuersa hominum naturali constitutione, & ex diuersa deuotione, ac Dei fauore: Multi enim sunt veloces in operando, vt biliosi, & hi citius se expediunt ab omnibus ijs partibus; alij sunt pituosi, seu flegmatici, & hi tardius. Item aliqui sunt magis deuoti, vt potè magis alieni à curis, etiam domesticis, & hi facilius ad eas partes obeundas se applicant; alij implicati in curis illis, etiam honestis, & hi tardius, ac difficilius. Tertiò tandem aliqui ex speciali Dei fouore, nedum attentius, sed suauius in eis perficiendis maiorem trahunt moram: et sic regula certa nequit assignari pro meditationis, quo ad omnes partes, mora.

Verum tamen est, quod in Monasterijs, Collegijs, & Congregationibus, in quibus adest meditationis exercitium oportet se conformare consuetudini illius Coetus, & distribuere tēpus, quod fuerit assignatum pro meditatione, ea ratione, vt media pars talis temporis inseruiat pro functione meditationis: alia verò medietas pro cæteris partibus. Ideò in ijs locis pro recta exercitij huius directione deberet assignari determinatum tempus pro tota actione, vt Religiosi, vel confratres possint tempus distribuere, & integrum exercitium peragere: et nisi ita fiat, & pro arbitrio directoris, modò plus, modò minus concedatur tempus, sine deuotione, ac sine fructu, &

N 2 cum

Dari nequit certa durationis regula pro meditatione.

Spatium mediæ horæ potest iustificare.

Certa regula dari nequit, & quare.

Consilium circa temporis distributionem.

cum turbatione teretur tempus Aduertant quæso ad hoc directores.

Media hora poterit de cerni.

Secunda pars, quòd vacans meditationi potest mediam horam in tota illa functione insumere, nec se urgere ad prolixius tempus, probatur: Tum quia in eo spatio, nisi distractionem multam patiatur, omnes eas partes perficere potest: tum etiam, quia si ulterius se extenderet, defatigaretur; *corpus enim, quod corrumpitur, aggrauat animam, & semper ad corporalia, & sensibilia trahit, vt experiuntur meditatiui, & contemplatiui.*

S. Greg. ratio cur ulterius nō protrahitur regulariter.

Impedimenta, ne multum duret.

Et hæc reuera est ratio S. Greg. lib. 3. moral. c. 12. cur contemplatio breuis esse soleat (eadem autem est ratio de meditatione) sic autem dicit, *debet esse silentium mediæ horæ, nam corpus, quod corrumpitur aggrauat animam; quia cū ad contemplanda cælestia animus ducitur, obiectis actionis illicitæ imaginis reuerberatur; nam carnis repente hunc stimulus sauciat, quem extra carnem contemplatio sancta rapiebat. Cælum ergo, & infernus simul coarctantur, cū vnā, eandemque mentem, & subleuatio contemplationis illuminat, & importunitas tentationis obscurat, vt videat intendendo, quod appetat, & succumbendo in cogitatione toleret, quod erabescat, quia Deus ad maius meritum id permittit.*

Haimo, & Ansbertus declarantes locum Apocal. 8. cū aperuisset sigillum septimum factum est silentium in Cælo, quasi mediæ horæ, dicunt, per silentium mediæ horæ significatur breuitas quietis in contemplatione rerum Cælestium, quam Deus sanctis in hac vita concedit, vt futuram felicitatem prælibent, & prægustent. Et Cornelius à Lapide, qui in eo capite id refert, subdit Dico, breuitas, nam mox post eam ingerunt se, & obtrudunt animo. varij cogitationum tumultus.

Ex quibus clare patet, et experientia confirmat, quòd

quodd mentalis oratio, siue meditatio sit, siue etiã cõ-
tẽplatiua acquisita, diu durare nõ potest, ob miseras,
et indigentias corporales, et ob tentationes diabo-
licas. Præterea pro tota functione sufficiens videtur
mediæ horæ spatium ad meditationem peragendam.

Dixi nisi aliter meditans sit dispositus, vel indispo-
situs; quia si dolore aliquo, vel debilitate correptus
sit, non poterit tanto tempore durare, & aliquando
vix incipere. Vnum enim ex ijs, quæ mentalem ora-
tionem impediunt ex D. Bernardo, *est sensus egens*; id-
est corpus indispositum.

Aliquando verò meditans, vel ex speciali Dei fa-
uore, vel quia à curis mundi solutus nulla vrgetur
molestia, potest interdum vterius progredi in medi-
tatione, ad quam quietem Deus specialiter concur-
rit impediens perturbationes, vt habetur Cantic. 8.
4. vbi sponsus inquit. *Laeva eius sub capite meo, & dex-*
tera illius amplexabitur me; adiuro vos filia Ierusalem, ne
suscitatis, neque euigilare faciatis dilectam, donec ipsa velit.
Interl. *suscitatis, ait, tumultu carnalium perturbationum,*
à quiete placidissimæ deuotionis, qua conspectibus sui condi-
toris astare deliciatur.

CAP. XIII.

*De distractione, debilitate, ac ariditate occurrentibus
in meditatione, & de remedijs contra eas.*

ORanti quouis genere, siue vocaliter, siue men-
taliter, meditando, aut contemplando, plura
solent occurrere, quæ orationem impediunt, & o-
rantem grauiter affligunt, & præsertim ista quatuor,
nempè distractio, debilitas, ariditas, & tentatio, quæ
quidem Deus ad agonem permittit, ad probandum
oran-

Corolla-
rium pro
duratione

Ex diuersa
dispositio-
ne medi-
tantis.

Aliqui
multum
durant ex
Dei fauo-
re.
Ex Cant.

Monitio-
nes, & re-
medijs pro
distractio-
nibus, &
ariditati-
bus,

102 DE ORATIONE MENTALI

Impedi-
menta o-
rantium.

orantis patientiam, & constantiam; de duabus pri-
mis nunc loquor; postea de tertia in tract. de con-
templatione.

Distractio
quid sit.

Adu. igitur, quod distractio aliud non est, quam
elongatio, seu alienatio mentis à principali obiecto,
quod quis considerare ab initio proposuit. Accide-
re autem potest naturaliter, seu casualiter, & liberè,
seu cum consilio, & cum deliberatione: de hac se-
cunda non loquor, quia fatuus esset orans, & Deum

Duplex est
cum deli-
beratione
& sine ea.

tentans, vt dicitur *Ecclesiastici* 18. 23. quia positus
ante Deum, vt cum eo loquatur, laudet, & gratias
agat, & petat beneficia, in eo actu voluntariè diuer-
teret se ab eo; esset enim contemptus magnus. Dei;

Deauali
distractio-
ne est ser-
mo.

sed loquor de distractione naturali casuali, & Dia-
bolica; utroque enim modo accidere potest: vel e-
nim, insurgunt phantasmata curarum naturalium, &
præsertim earum, quæ præcesserunt immediate, vel

Vnde acci-
dit.

paulò ante meditationem, vel Dæmon ipse ea susci-
tat ad diuersionem, & ad impediendam orationem

Distractio-
nes cru-
ciant oran-
tem.

(quæ quidem distractiones mirum in modum cru-
ciant orantem, siue meditantem, siue contemplan-
tem) proinde remedium aliquod contra morbum

hunc est oranti exhibendum, ne turbatus animum
despondens, ac desperans se posse proficere, ab exer-
cizio orandi desistat.

Ariditas
grauis cor-
mentum
orantium.

Adu. 2. quod aliud idq; non minùs graue tormen-
tum meditatorum, & contemplatorum est ari-
ditas spiritus, seu deuotionis, quæ aliud non est, ni-
si deficientia quædam, & accedia quædam sensus, &
quasi repugnantia ad consueta spiritualia exercitia,
& deuotionis carentia; quæ sanctos, ac perfectos e-
tiam homines, & multò magis proficientes, maximè
verò incipientes torquere solet, quia dum in ea tribu-
latione sunt, putant, se à Deo derelictos, suaq; exercitia

Deo.

Deo non placere, nec progredi posse; & turbati cogitare solent de retrogressionem; qui quidem cruciatus in eis terribilis est. Propterea remedio aliquo est eis subueniendum. Sed de hoc plenius loquar in opusculo de contempl. cum de purgatione passiva.

Dico 1. in casu distractionis, dum meditans, vel contemplans aduerit; debet denuo mysterij considerationem reassumere; quod si non possit se recolligere, quia adhuc distractione retrahitur, vel fatigatus est, oret Deum, ut ipsum adiuuet, & non debet otiosus ullo modo manere; sed vel punctum, quod considerat, in libro relegat, vel aliud nouum ex libro excipiat, & in eius lectione moretur, donec tempus consuetum prætereat, vel vocaliter oret, siue iaculatorijs dictis, siue psalmorum recitatione, siue alijs orandi formulis sibi consuetis, & de inuoluntaria illa, molesta, ac pertinaci distractione, ac reuocatione ad alias curas minimè turbetur; Deus enim non iubet impossibilia fragilitati naturæ: sed, ut ait S. Augustinus, *iubendo monet facere, quod possis, petere, quod non possis, & adiuuat ut possis*. Distractiones inuoluntariæ ex defectu naturæ corruptæ oriuntur, & ideo imputabiles non sunt, quia naturales, & inenitabiles; Sufficit enim oranti bona voluntas attendendi, dum ad orationem accedit, & prosequitur; quamuis postea inuoluntariè distrahatur; & intendat eam distractionem fugare, licet non possit. Refert enim Blos. in *monili spiritali cap. 3. §. 3.* Deum sic reuelasse B. Geltrude, *Vellem electis meis persuasum esse, quod eorum bona opera, & exercitia mihi omnino placeant quando ipsi seruiunt expensis suis: illi autem expensis suis mihi seruitium præstant, qui licet saporem deuotionis minimè sentiant, fideliter ut possunt orationes, & alia pia exercitia sua peragunt confidentes de pietate mea, quod ego illa libenter, & grate*

Quid agendum in distractione

Multa iuuare possunt in casu distractionis. Nō desperandū de diuino auxilio in eo casu.

Cōsolatio pro orantibus. Ex Geltrudis exemplis.

No tabile
documen-
tum.

gratè suscipiam. Plerique sunt, quibus si sapor, & consolatio interna concederetur, eis non prodesset ad salutem, & meritum ipsorum valde minueretur.

De corporis verò debilitate, cùm omnibns nota sit, nihil dico, sed S. Bon. consilium pro debilitatis orantibus adducam.

Pro debili-
tatis confi-
lium S. Bo-
nav.

Quid fa-
ciendum
in casu de-
bilitatis.

Vtile con-
siliū.

In aridita-
te quid fa-
ciendum.

S. Bon. de processu 7. Religionis cap. 21. in casu, quòd ex debilitate capitis deficiat deuotio, & consequenter adsit distractio, consulit sic. Ad hoc, saluo meliori iudicio, videtur consulendum nimis debilibus, quod interdum possunt se vtiliter subtrahere à studio deuotionis, & conatu proprio non adhuc instare, ne quasi extorquendo exprimant deuotionis affectum, quia tales violenti conatus debilitant etiam validiores: si autem suo laborioso conatu offert se gratia, & ingerit se illis non quesita, nec abijciant eam ex toto, nec se totos immergant ei, maximè si vehementer ex hoc debilitari se sentiant; sed temperatè, & in quadam spiritus libertate superficialiter inhæreant iuxta illud Prou. 25. Mel inuenisti, comede quod sufficit tibi; quod satis est iuxta virium tuarum mensuram. Et infra de debilibus corpore dicit, Isti quòd magis volunt contra debilitatem conari eo minùs possunt; & idèò consultiùs videtur consolationes diuinas moderatiùs querere, cùm debilitas corporis obstat, vt diuturnius eis frui possint, & auctas tolerare, quàm ad breue tempus ita eis indiscretè delectari, vt ea postea fugere oporteat, & sine spe recuperandi propter virium defectionem &c.

Dico 2. In casu ariditatis, seu deficientiæ deuotionis, luminum, ac inspirationum diuinarum, quæ crebrò meditatiuis, & contemplatiuis contingere solent, ad remedia orationum iaculatoriarum, lectionis librorum Sacræ Scripturæ, aliorum spiritualium, & vitarum Sanctorum, nec non ad examen, & purgationem conscientie est recurrendum.

Prob.

Prob. & declaratur in hoc loco obiter, quia in Opusculo de contemplatione, cum de purgatione passiva loquemur, de ariditate erit prolixius agendum.

Cum ergo Personis spiritualibus contingit ariditas, idest deficientia deuotionis, & diuinarum illustrationum, examinare debent conscientiam, an causam dederint, aliquo peccato grani, vel leui deliberatè; & debent emendare per Sacramentum poenitentiae, & sic auferre obicem: si verò causam nesciant inuenire, putent ex aliquo motiuo adeos purgandos, & probandos, Deum eos mortificare: & S. Bonau. loco supra citato, quatuor assignat causas, vt dicam in loco de contemplatione; at præcipua est humiliatio ad patientiam, & meriti augmentum: ideo non desperent, quasi Deus eos despiciat, aut parum, vel nihil eorum existimet opera. Recordentur, quòd Sancti innumeri pro aliquo tempore sic relictì sunt, & quòd Saluator ipse in exemplum suorum seruorum in Cruce clamauerit, *Deus meus, Deus meus, ve qui dereliquisti me?* Sperent ergo in eum, cõmendent se illi iaculatorijs orationibus; humiliantur reputantes se indignos diuinis fauoribus, legant Sacram Scripturam, quia *verbum Domini non reuertetur vacuum Isa. 35.* legant alios spirituales libros, vel Sanctorum vitas, in quibus similia legent; & expectent. Bonum est enim præstolari cum silentio salutare Dei, *Tren. 3. 16.*

Alibi fusi de ariditate, & causis eius agitur.

Quid agendum in casu ariditatis.

Plures causae ariditatis.

Ob bonum orantium Deus permittit ariditatem.





OPVSCVLVM TERTIVM.

DE ORATIONE CONTEMPLATIVA

S E V

DE CONTEMPLATIONE.

C A P. I.

An detur Oratio dicta Contemplatio.



Aduerto i. quòd inter actiones intellectuales, datur vna, quæ dicitur Contemplatio, quæ ut postea dicam, est quidã simplex, & fixus intuitus intellectus sine discursu circa rem aliquam, seu veritatem aliquam præconceptã talem: & sicut diximus de Meditatio-

Contēplatio est intellectua-
lis actio.
Duplex ge-
nus contē-
plationis
philoso-
phica, &
religiosa
contem-
platio.

ne, Contēplatio duplex est, quẽdã purẽ philosophica, quæ habet pro obiecto res merẽ naturales, vt cùm quis Philosophus, aut Mathematicus peruenit per vnum, aut plures discursus ad notitiam veram alicuius propositionis, illam simplici, ac fixo incuitu cum admiratione intellectualiter cernit. Quãdam verò est contemplatio religiosa, qua intellectus percepta aliqua veritate, seu obiecto reuelato, & per actum

actum fidei credito, figit in obiecto illo intuitum simplicem, non discurrrens circa illud, & durat in eo intuitu quandiu vult, vt per quadrantem, aut semi-quadrantem, vel magis, aut minus, vt dicetur postea, dum assignabuntur eius natura, proprietates, & accidentia, seu circumstantie.

Adu. 2. quod sub genere orationis mentalis ponuntur, tamquam species, contemplatio, & meditatio, cum reuera neutra proprie sit oratio, quia neutra est petitio, aut laudatio, aut gratiarum actio: puto, quod ea sola ratione dicitur vtraque oratio, eo quod in vtraque adest *elevatio*, seu *ascensio mentis in Deum*, quæ ex S. Aug. & S. Ioanne Damasceno est definitio orationis genericæ sumptæ. Et ideo omnes Mystici vtramque sub titulo, seu genere orationis collocant; & præ ceteris S. Bernardus in *tract. de Scala claustrali*, seu *modo orandi* ubi loquitur de his operationibus Orantis, scilicet *de cogitatione, meditatione, contemplatione, & oratione*, seu petitione; At quidquid sit de nomine, rem contemplationis religiosæ inquirimus.

Adu. 3. & seriò moneo tyrones, & ceteros fideles spiritualium cogitationum, & orationis inexpertos, ne terreantur, cum contemplationem audiunt, quasi res quædam sit dura, difficilis, immò moraliter impossibilis, & ex singularissimo Dei dono solis Anachoretis concessa: nam vt in suo loco dicam, non est ita, loquendo de communi, seu acquisita, & vt communiter dicitur, naturali contemplatione, quia, vt dicam de subiecto capaci contemplationis, S. Greg. Mag. *hom. 17. in Ezechielem* ait, Personas omnis generis, & sexus, & cuiusvis conditionis esse capaces contemplationis, si instruantur: Immò S. S. Bernardus, & Bonau. vt infra di-

Species orationis mentalis est.

Cur contemplatio vocetur oratio.

Quia est ascensio mentis ad Deum.

S. Bernardi sententia

Monitio necessaria fidelibus a ne abhorreant contemplationem. Non est adeo difficilis vt quidam putant. Est facilis si bene capiatur.

Simpliciores ad eam
acquistam apti sunt.
Infusa contemplatio
non omnibus conceditur.

A meditatione fit
transitus ad contemplationem.

Ex pluribus actibus
fit habitus contemplandi.

Etiā peccatores
vācantur ad contemplationem.

cam, inquiunt, Idiotas, & simpliciores esse ad eam aptissimos. *De infusa verò, seu supernaturali contemplatione*, verum quidem est, quòd non est omnibus cuiuscumque status, & ordinis communis, sed paucissimis in spiritali vita perfectis, aut proficientibus, ex specialissimo Dei favore, ut in proprio loco dicetur. Sicut autem omnes fideles, si instruantur, sunt capaces meditationis rerum reuelatarum; ita si instruantur, sunt capaces communis, & acquisite contemplationis; quia a meditatione regulariter transitur ad contemplationem; Sed de his postea: sufficit tunc prælibare facilitatem communis, & acquisite contemplationis, & horrore eius fugare.

Adu. 4. pro facili inrelligentia dicendorum in toto hoc opusculo, quòd non statim ac aliquis instructus incipit aliquos actus contemplandi exercere, euadit habituarus contemplatiuus; sicut experimur in cæteris artibus, ac scientijs, quòd studentes ijs per paucos actus non statim euadunt artifices, aut scientifici, immò innumeri incipiunt, pauci proficiunt, & paucissimi euadunt in arte, vel scientia perfecti: Sic in contemplatiuis, immò & meditatiuis, accidit idèd mirum non est, si pauci proficiunt; quia non perseverant.

Adu. 5. quòd contemplatio, seu oratio contemplatiua ex sui natura non facit hominem sanctum, sicut neque meditatio, seu meditatiua oratio; aliunde enim oritur Sanctitas, ut dicam de via purgatiua in suo loco. Idèd mirum non est, si homines cuiuscumque conditionis, etiam peccatores. Congregationes frequentant, in quibus exercetur meditatio, vel contemplatio. Quamuis enim in peccatoribus actus illi fructuosi, seu meritorii non sint, tamen non propterea cessant boni esse: Sicut actus fidei,

dei, vel spei, aut misericordiæ &c. in peccatore, et si meritorij non sint; tamen mali non sunt, sed boni ex natura sua, et satisfactorij, si adsit obligatio eos exercendi: Et in ijs hominibus meditatio, et contemplatio sunt puræ, et meræ speculationes, seu considerationes theologicæ, rerum reuelatarum circa quas sunt. His ergo pro nunc prælibatis.

Dico. Inter actus intellectuales Pietatis, ac Religionis, datur hic qui dicitur *contemplatio*.

Prob. 1. datur hic actus contemplandi purè naturalis, id est cum attentione cogitandi circa obiecta purè naturalia; ergo admitti etiam debet circa obiecta reuelata, & per fidem credita. Antecedens de naturali cogitatione prob. *Gen. 24. 21.* Eliezar Procurator Abrahæ, potatus à Rebecca propè puteum Haram, *contemplabatur eam tacitus, &c. Leuit. 13 6. & 20.* ad discernendum qualitates lepræ dicitur, *Sacerdos die septimo contemplabitur, si obscurior fuerit lepra.* Num. 14. 36. Miserat Moyles viros ad *contemplandum terram promissionis*, & alibi pluries fit mentio de hoc vocabulo, & actu intellectuali contemplationis naturalis, seu philosophicæ circa obiecta naturalia, tendentis. Consequ. primi argumenti prob. Obiecta reuelata percepta, & credita ab homine, non sunt minus cognoscibilia, obscurè tamen, & confusè, & distinctè, quàm sint naturalia, & sicut homo illa credit, & meditat, ita potest illa contemplari.

Prob. 2. ex Sacra Scriptura, dari hanc contemplationem religiosam, *Ecclesiastis cap. 16.* ubi Salomon considerans statum suum, & quanta dona à Deo acceperat, sapientiam, scientiam, prudentiam, iustitiam, cor docile &c. dicit *Mens mea multa contemplata est sapienter, & didici, & dedi cor meum, vt scirem prudentiam &c. in cap. 2. 12.* ait, *transiui ad contemplandam*
sa

In peccatore actus cōtēplādi non sunt fructuosi, ac meritorij sed sunt boni.

A paritate aliorum actuum virtutum. Datur inter homines cōtēplatio.

A paritate philosophicæ contemplationis.

Exempla multa. Obiecta reuelata sunt contemplatiua.

Facile probatur.

Ex S. Scriptura.

110 DE ORATIONE CONTEMPLATIVA

Salomon
obiecta re
uelata con
templaba
tur.

sapientiam, erroresque & stultitiam, &c. in cap. 44. dicit
Rursus contemplatus sum labores hominum, & iniustitias
&c. Ex Cor. cap. 4. 16. dicitur, leue tribulationis nostrae
aeternum gloriae pondus operatur in nobis, non contemplanti
bus nobis, quae videntur, sed quae non videntur, quae enim
videntur temporalia sunt, quae autem non videntur aeterna
sunt.

Est com
munis Pa
trum senten
tia.

Prob. 3. ex communi Patrum sententia; quia de
nobilissimo hoc intellectus actu contemplandi, di
cto, facto, & scripto tractarunt, quorum authorita
tibus in hoc opusculo sepe utemur, ut sunt S. Dioni
sius Areop. & alter Cartus. S. August. S. Basilius, S.
Hieron. S. Greg. Mag. S. Thom. S. Bona. S. Bernar.
Riccard. à S. Victore, & alij innumeri, qui de con
templatione egerunt.

C A P. II.

Quid sit, seu in quo consistat Contemplatio religiosa.

Plures con
templatio
nis defini
tiones idē
significan
tes.

A Duerto, quod diuersis loquendi modis, idem
tamen in re significantibus, à Sanctis Patribus
definitur contemplatio: ideòque aliquorum præci
puorum definitiones adducam pro nunc, & in se
quentibus eius proprietates, conditiones, & acciden
tia referam, ut omnibus clare pateat, quàm facile sit
contemplationis exercitium, quod à multis putatur
dignum.

S. Aug.

S. Aug. lib. de Spir. & Anima cap. 32. ait, Contempla
tio est perspicua veritatis iucunda admiratio.

S. Bernar.

S. Bernard. de Considerat. li. 2. c. 3. dicit. Contempla
tio est verus, certusque intuitus animae de quacumque re, &
apprehensio rei non dubia.

S. Thom.

S. Th. in 2. 2. q. 180. art. 1. & 3. dicit, Contemplatio
est

est simplex divina veritatis intuitus, cessante discursu.

S. Bona. de 7. itineribus eternitatis par. 3. dist. 3. ex Riccardo de S. Victore dicit, Contemplatio est libera-
mentis perspicacia in sapientia spectacula cum admiratione
suspensa.

Et infra explicans hanc Riccardi, quem sequitur, definitionem, addit etiam saporem, & amorem dicens, accipit contemplationem, non ut est actus intellectus præcisè, sed etiam ut saporosam dilectionem includit, nam Sapientia à sapore dicitur: Et post multa concludit, Actus igitur contemplationis duo includit, scilicet cognitionem, & saporosam dilectionem; & dilectio adiuvat cognitionem &c. Sed de hac saporosa dilectione, quæ est affectiva pars, dicam postea; nunc enim de cogno-
scitiua parte contemplationis loquor.

Ex his ergo definitionibus, & maxime ex ea S. Thomæ clare patet, quod contemplatio, est ille actus, quo intellectus apprehenso aliquo revelato, & assensu fidei circa illud elicitò, figit intuitum simplicem, & firmum in ipsum, non amplius de eo discurrens, sed firmus in illo intuens manet intellectus.

Exemplificatur, & clariùs explicatur: legit aliquis, vel audit legentem aliquem articulum fidei, v. g. *Filius Dei est incarnatus*, apprehendit hanc propositionem, & Dei gratia adiutus credit esse veram; discurret regulariter circa rem, & modum, supposito illo actu credendi, & tunc meditatur; deinde determinato discursu circa obiectum illud verum, scilicet *filium Dei incarnatum*, non amplius discurret, sed considerat veritatem illam figens aciem mentis in ea, intiendo ipsam simplici actu; tunc vere, & proprie contemplatur; & ita dicendum de alijs omnibus factis, & dictis revelatis, quæ hoc modo homo potest contemplari.

Exem.

S. Bona.

Idem s. Bona. ex Riccardo.

Cōtempla-
tio est amo-
rosa.

Adæquate
contempla-
tio confi-
dit in du-
plici actu,
intellectus
intuentis,
& volun-
tatis amā-
tis.

Actus con-
templandi
quis sit.

Clara ex-
plicatio
cōtempla-
tionis,
quid sit.

Declara-
tur melius

112 DE ORATIONE CONTEMPLATIVA

Exemplū
cōtempla
tionis.

A confide
ratione pi
cturæ pari
tas.

Applica
tio exēpli

Quid facit
cōtempla
tius.

Meditatio
discursiva
præcedit
sequitur
cōtempla
tio.

Aliud exē
plum phi
losophicæ
cōtempla
tionis.

Aliud exē
plū specu
lationis
theologi
cæ.

Exemplificatur 2. paritate periti pictoris, vel scul
ptoris, hic enim, vel ille videns aliquam statuam, aut
picturam, considerat omnia, quæ in ea sunt, scilicet
partium proportionem, ordinem, colores, linea
menta &c. Hæc consideratio, atque discursus circa
tales partes, est velut meditatio; & postea per sim
plicem intuitum, absque ulteriori discursu, cum ad
miratione, quasi extra se actus, intuetur illius pictu
ræ, seu sculpturæ excellentiam. Sic prorsus in con
templationem accidit. Legit quis vel legentem, au
dit, vel sine lectione, aut auditione reflectens ad ea,
quæ aliàs legit, vel audiuit, recordatur de aliquo
mysterio fidei, v. g. flagellationis Domini Saluato
ris; si vult illam meditari, & contemplari, credens
eam extitisse, considerat nuditatem Domini, liga
men ad columnam, sæuitiam carnificum acumina
tis flagellis sanctissimum corpus cædentium; Christi
erubescitiam, mansuetudinem, patientiam, humi
litem, seu vilitatem illam, & eum dolorem pro
nobis sufferentem; tunc discurrens per hæc
omnia meditatur; deinde completo discursu isto ad
mirans spectaculum illud, & quasi extra se positus
simplici intuitu, non amplius discurrens firmus in
tuetur; & in hoc actu consistit contemplatio. Et ita
dicendum de omnibus alijs actibus contemplandi
quodcumque aliud obiectum reuelatum.

Conf. exemplo philosophicæ, seu naturalis con
templationis rerum pure naturalium. Cicero enim
primo Acade. inquit, *Contemplatio est animi considera
tio, & intuitus rerum abditarum.* Cum etenim aliquis
inuestigat alicuius rei naturam, & veritatem ab
sconditam, dum ad eam peruenerit, cum admiratio
ne aciem mentis in ea figit, seu intuetur, non am
plius inquirens, & discurrens, sed videns.

Conf.

Conf. 2. exemplo Theologi speculantis aliquod fidei mysterium v. g. Deum vnum in essentia, & trinum in personis. Omnium primò credit hoc mysterium; postea rimatur, seu inuestigat, quomodo hoc sit possibile, vt vna indiuidua natura, indistincta realiter à personis, reperiat in illis tribus realiter inter se distinctis; & perpenſis pluribus exemplis, non inuenit similitudinem. Tandem considerans infinitatem Dei, & reflectens ad reuelationem Dei, qui nec fallere, nec falli potest; sistit intuendo per speculum in enigmate cum admiratione, veritatem illam vnitatis essentiae in Trinitate personarum. Sic facit contemplans aliquod reuelatum.

Theologi
contem-
plantis ap-
tum exem-
plum.

Aliud ex-
plum de
contem-
platione
Beatorum

Conf. 3. exemplo contemplationis Beatorum, qui simplici intuitu Deū vident sine formali discursu, & in Deo quoque vident illa obiecta creata, quæ vult Deuseis ostendere; licet multiplex sit differentia inter hanc nostram in via, & illam Beatorum in Patria contemplationem, quia Beati non obscure, & per fidem, sed clarè, & euidenter Deum, & diuina contemplantur: Nos verò in via per fidem obscure, & abstractiue in speciebus phantasticis, ac intelligibilibus diuinis, seu reuelatas res cognoscimus: immò isti fidei nostræ de diuinis ait S. August. *succedit eorum visio in Patria* Paritatem verò dicimus esse solum in modo cognoscendi, seu intuendi sine discursu: & ex S. Gregorio *contemplatio inchoatur in via, sed perficitur in Patria.*

In quo dif-
fert con-
templatio
viæ ab il-
la Patriæ.

Que nunc
credimus
& contem-
plamur, vi-
debimus
in Patria.

Et quibus omnibus statuitur, quòd contempla-
tio ex parte cognitionis, vt differt à meditatione
ex infra dicendis, est actus ille, quo intellectus sup-
posito actu credendi aliquid reuelatum, & discursu
facto circa illius partes, naturam, & alia, sistit in

Corolla-
riū quòd
contem-
platio est
ex parte
intellect.

P sim.

114 DE ORATIONE CONTEMPLATIVA

simplici intuitu, seu cognitione veritatis illius cum admiratione, & sapore amoroso, ac iucunditate illus, ut postea patebit.

Nec moueat, aut turbet lectorem, quod dicam cum allatis initio Patribus contemplationem esse intuitum fixum circa obiectum reuelatum, cum tamen contemplatio cognoscat obiectum illud non in se, sed in specie imaginaria, vel intelligibili, & sic sit abstractiua, non intuitiua cognitio: Non inquam turbet hoc, quia utique dicemus, tam contemplationem, quam meditationem fieri circa obiecta repræsentata per species; & per consequens, utramque cognitionem esse abstractiuam: quia tamen contemplatio non est discursus, ut meditatio, & est simplex cognitio, & caremus vocabulo illam exprimente, eam vocamus simplicem intuitum. Et sequimur phrasim S. Scripturæ, quæ Prophetas appellat *Videntes*, & cognitiones rerum, quas prophetabant, appellat *visiones*, cum tamen res illas non in se ipsis viderent, sed in earum speciebus. 1. Reg. cap. 9. pluries fit mentio de *vidente*, & v. 9. dicitur, *Qui enim Propheta dicitur hodie, vocabatur olim videns*: De Visionibus Prophetarum legi possunt eorum libri, & inuenietur, *Visio Isaiæ Prophetæ* sic & aliorum. Immo in praxi Ecclesiæ cognitiones rerum absentium, vel futurarum, vel Beatorum, vel animarum purgantium, quas Deus aliquando concedit viatoribus, appellantur visiones; cum tamen non in propria natura, & existentia cognoscantur, sed in speciebus, siue imaginarijs, si corporeæ res sunt, siue intelligibilibus; & Apost. ipse de cognitione Dei per Fidem 1. Cor. c. 13. dicit, *Videmus nunc per speculum in enigmate: tunc autem facie ad faciem*, id est in Patria; Sic dicimus cum Sanctis illis de contemplatione, quod

Quare dicitur intuitus.

Notanda animaduersio.

Cur dicitur intuitus cum sit abstractiua cognitio.

Prophetæ videntes dicti, & eorum cognitiones visiones.

Quare contemplatio dicitur intuitus, & visio.

quòd ille intuitus, idest cognitio simplex sine discursu, abstractiua quidem est, quia in specie cognoscit obiectum; simplex tamen est; & hæc pro nunc de natura eius.

CAP. III.

An contemplatio consistat in solo actu intellectus, vel etiam in actu aliquo voluntatis.

ADu. quòd hic non loquor de dispositionibus prærequisitis ad actum contemplandi, & ad vitam contemplatiuam, nam de his dicam postea; sed loquor de ipsomet actu contemplandi, qui, vt dixi, est simplex intuitus veritatis; & quero, an requirat annexum actum aliquem voluntatis, scilicet affectum, dilectionem, seu amorem in Deum.

Sensus
quisiti.

De acqui-
sita est ser-
mo.

Adu. 2. quòd loquor de contemplatione acquisita incipientium: non verò de contemplatione proficientium, aut perfectorum in ea; neque de contemplatione infusa ducentium vitam contemplatiuam; de his enim in proprio loco agemus.

Contem-
platio re-
quirit affe-
ctum.

Dico ergo, contemplatio religiosa, vt sit vera, perfecta, & fructuosa præter actum intellectus, quores reuelata cognoscitur, exigit actum voluntatis, seu affectus, & dilectionis circa rem illam si sit capax; sin minus circa Deum, & Iesum Christum.

Non om-
nia con-
templata
sunt capa-
cia amo-
ris.

Dixi, si sit capax amoris; quia non omnia, quæ contemplamur, sunt capacia, v. g. si contemplamur infernum, Angelos rebelles, creationem mundi, Coelorum, & omnium creaturarum, quæ non sunt capaces talis affectus, & saporosi amoris, & tunc earum author saporosè amatur.

In contem-
pl. requi-
ritur affe-
ctus.

Prob. nunc conclusio, quòd cum contemplatio-

116 DE ORATIONE CONTEMPLATIVA

S. Bonau.
affectum
respicit
in contem-
platione.

Sapientia
à sapore,
& gustu
dicta.

Idem S.
Bon. totū
hoc con-
firmat.

Tertio
idem re-
plicat Se-
raphicus
Doctor.

S. Thom.

Arg. vali-
dum.

ne coniungi debet affectus, seu saporosus amor; vt dicit S. Bonau. qui vt in precedenti dictum est, Riccardi definitionem contemplationis amplectens in tract. de 7. itineribus eternitatis parte 3. dist. 2. ait, Oculi contemplationis in spectacula sapientiae aeternae est directus, quia contemplatio non est actus intellectus praecise, sed etiam saporosam dilectionem includit, nam sapientia à sapore dicitur, vt dicit Bernardus, & obiectum sapientiae primum, & principale est ipse Deus sub ratione qua veram excitatiuum voluntatis ad eius saporosam dilectionem; & actus sapientiae est contemplari Deū, non quoquo modo, sed cum dilectione, cum quadam experimentalī suauitate in affectu. Igitur spectacula sapientiae sunt cognitio veri, seu sapor boni.

Idem Seraphicus Doctor in tract. de Medit. Vitae Christi cap. 50. in fine ex S. Bernard. dicit, Cum duo sint beatae contemplationis excessus, in intellectu vnus, alter in affectu; vnus in lumine, alter in feruore, vnus in agnitione, alter in deuotione, pius sanè affectus, & pectus amore calens, & sanctae deuotionis infusio, etiam, & vehemens spiritus repletus zelo, non planè aliunde, quam ex cella vinaria reportantur.

Idem de duplici hoc actu intellectus, & voluntatis in contemplatione requisitis replicat in sequenti cap. 51. in quo agit de contemplatione humanitatis Christi, in qua cognitionem cum affectione, seu dilectione coniungendam demonstrat.

S. Thomas 2. 2. q. 180. ar. 1. ad primum arg. quo contendebatur, contemplationem esse totaliter actū intellectus, sic respondet, ex hoc ipso, quod veritas est finis contemplationis, habet rationem boni appetibilis, & amabilis, & delectantis; & secundum hoc pertinet ad vim appetitiuam.

Ex quo colligitur argumentum à priori validum.
Omnis

Omnis veritas reuelata est bonum supernaturale amabile, ac delectabile. Igitur, cum contemplatio respiciat bonum istud, voluntas illud amare tenetur, vt rectum rationis dictamen sequatur.

Argu. à
paritate
Beatorum

Prob. 2. Contemplatio Beatorum est coniuncta cum amore proportionato habitui consummatæ charitatis eorum; ergo cum contemplatio viæ sit de eodem obiecto principali, de quo est contemplatio Beatorum, & de alijs secundarijs de quibus est illa, debet habere annexum dilectionis actum, circa suum verum supernaturale, & amabile obiectum.

S. Bernar-
di senten-
tia.

Exemplū
de carna-
li obiecto
amato.

Conf. ex S. Bernardo, qui tractatu de Scala Claustri, seu de modo orandi in capite de Officio Contemplationis coniunctionem cognitionis cum amore sic explicat. Sicut in quibusdam carnalibus anima sic vincitur carnali concupiscentia, quod omnem usum rationis amittit, & fit homo quasi totus carnalis, ita in hac superna contemplatione ita consumuntur, & absorbentur carnales motus, vt fiat homo totus quasi spiritualis. Id autem per frequentatos actus charitatis in perfectis contemplatiuis accidit; igitur, vt fiat hic habitus debent actus charitatis, seu dilectionis in actibus contemplationis frequenter exerceri.

Angeli-
cus Doct.

Cum S.
Greg. Ma-
gno.

S. Thom. in 2.2.q.180.art. 1. plura de hoc argumento dicit: primò cum S. Greg. Mag. homil. 14. in Ezechiel. *Contemplatiua vita est Charitatem Dei, & proximi retinere tota mente, & soli desiderio conditoris inhaerere*: & de suo subdit. *Sed desiderium, & amor ad vitam affectiuam, siue appetitiuam pertinet*: ergo vita contemplatiua habet aliquid in affectiuam, siue appetitiuam. Deinde subtili discursu id confirmat, quia contemplatiuus intendit principaliter contemplationem veritatis, intentio autem est actus voluntatis, quia est de fine, qui est voluntatis obiectum, & ideo vita contemplatiua, quantum ad ipsam essentiam actio-

Multa do-
cet S. Tho.
de affectu
requisito
ad con-
templatio-
nem.

nis

118 DE ORATIONE CONTEMPLATIVA

Ex S. Greg.
S. Thomas
id confir-
mat.

nis pertinet ad intellectum, quantum autem ad id, quod mo-
ueat ad exercendum talem operationem pertinet ad volunta-
tem: ideo dicitur Matt. 6. ubi est thesaurus tuus ibi est & cor-
tuum, propter amorem ipsius cognitionis, quamvis ex in-
spectuone consequitur. Eo propterea Greg. hom. 14. in Eze-
chiel. constituit vitam contemplatiuam in amore Dei, in quan-
tum aliquis ex dilectione Dei inardescit ad eius pulchritudi-
nem conspiciendam; & concludit, ideo vita contemplatiua
terminatur ad delectationem, quæ est in affectu, ex qua amor
intenditur.

C A P. IV.

An, & per quid contemplatio differat à meditatione.

Aliàs alla-
ta differen-
tia.

Aduerto, quòd licet, cum de Oratione mentali
in cap. 2. de meditatione loquebar, differen-
tiam inter has duas Orationum species sufficienter
adduxerim; tamen ad maiorem contemplationis de-
clarationem, hic aliqua ex ibi dictis repetam, &
alia plura addam in confirmationem, vt deuotus
homo orans clarè dignoscat an meditetur, vel con-
templetur.

Magis cla-
rè affertur

De acqui-
sita inci-
pientium
est sermo

Contem-
platio in
quibusdā
conuenit
cum me-
ditatione.

At essen-
tialiter
differt.

Adu. 2. & iterum dico, quòd in hoc loco loquor
de contemplatione acquisita, non verò de infusa; immò
neque de acquisita in tota sua latitudine, quæ scili-
cet reperitur in perfectis, vel proficientibus: sed de
contemplatione incipientium, & communi, quæ, vt
de subiecto contemplationis dicam, in omnibus ho-
minibus cuiuscunque status reperiri potest: & de ea-
rum differentia in suo loco fusè dicam.

Dico ergo. Contemplatio in aliquibus conuenit
cum meditatione; tamen essentialiter ab ea differt.

Prima pars prob. Vtraque est ascensio mentis ad
Deum;

Deum; utraque, ut de obiecto contemplationis dicam, respicit eadem obiecta reuelata, & circa eadem versatur, licet diuerso modo; utraque intendit in eundem finem scilicet unionis cum Deo; utraque habet annexum affectum ad Deum; utraque est actus religionis &c. igitur in multis conueniunt.

Quare essentialiter differat.

Prob. secunda pars: primò à priori. Meditatio est discursiua intellectus operatio, qua meditans multa considerat de obiecto meditato, videlicet naturam, proprietates, & accidentia eius, & transit à consideratione vnus istorum ad considerationem alterius, v.g. meditando Crucifixionem Christi, considerat multas circumstantias, ut possit mouere voluntatem ad compatiendum, & amandum Christum passum: considerat enim circumstantias, *Quis, quid, propter quid, quomodo &c.* idest quis est, qui patitur; quòd est filius Dei, & homo Deus. *Quid patitur;* quòd ignominiosam, & atrocem passionem. *Propter quid;* quia propter nos. *Quomodo* quia cum tanto contemptu, & opprobrio, vilificatione &c. Et sic de aliis meditationibus dicendum: semper enim modo isto discursiuo fiunt.

Meditatio est discursiua exemplum de illa.

Clara exemplum discursus meditationis.

At non sic contemplatio, quæ supposita cognitione veritatis per meditationem regulariter, cum assensu fidei circa illam, sistit in eius intuitu fixe, non amplius discurrens, & intellectus in illo intuitu remanet suspensus ab omni alio actu, & admiratiuus. Ergo cum discursiua actio includens plures actus mentaliter differat ab actu cognitionis simplici, contemplatio differt à meditatione, sicut actus simplex à composito.

Contemplatio non discurret, sed est simplex intuitus obiecti.

Contemplatio regulariter sequitur ad meditationem.

Confirm. Contemplatio regulariter, & præsertim in incipientibus sequitur ad meditationem, si meditans vult etiam contemplari: Idem autem non sequi.

S. Bernard

120 DE ORATIONE CONTEMPLATIVA

quitur ad se ipsum. Anteced. patet ex Patribus contemplationis probatis magistris.

Docet meditationem in discursu consistere.

Ordo procedendi ad contemplativam

S. Bernardus gradus orandi docet.

Actus orandi distribuantur.

Concluditur ex his differentiis a contemplatione.

Riccardus. Claris verbis assignatur differentia contemplationis a meditatione.

Multa, & clara dicit Riccardus de earum differentia.

S. Bernardus tract. de Scala Claustali, seu de modo orandi, docet, hanc esse orandi Scalam, nempe lectionem, meditationem, orationem, & contemplationem, & sic explicat. Saluator dicit, querite, & inuenietis, pulsate, & aperietur vobis. querite legendo, & inuenietis meditando, pulsate orando, & aperietur vobis contemplando. Lectio quasi solidum cibum ori apponit, Meditatio masticat, Oratio saporem acquirit, Contemplatio est ipsa dulcedo, quae incundat, & reficit. Lectio in cortice, Meditatio in adipe, Oratio in desiderij postulatione, Contemplatio in adeptae dulcedinis delectatione. Igitur non solum contemplatio sequitur meditationem; sed toto coelo differt ab illa.

S. Bernardus ibid. sic praefatas operationes describit. Lectio est sedula scripturarum cum animi intentione inspectio. Meditatio est studiosa mentis actio occulta veritatis notitia ductu propriae rationis inuestigans. Oratio est deuota mentis intentio in Deum pro malis amouendis, & bonis acquirendis. Contemplatio est mentis in Deum suspensa eleuatio aeternae dulcedinis gaudia degustans. Igitur multum differt contemplatio a meditatione, & eam sequitur.

Riccardus de S. Victore, ut de meditatione dixi, in l. 4. de contemplatione c. 3. tria in orante distinguit, cogitationem, meditationem, & contemplationem, inquit. Vnam, eademque materiam aliter per cogitationem intuemur; aliter per meditationem rimamur, atque aliter per contemplationem miramur: multum inter se inuicem haec tria differunt in modo, quamuis quandoque in materia conueniant. Deinde earum naturas, & proprietates hoc modo explicat. Meditatio per ardua saepe, & aspera ad dilectionis finem cum magna animi industria nititur, Contemplatio libero volatu quocumque eam fert impetus mira-

agi.

agilitate circumfertur. Meditatio est cum labore, & fructu: Contemplatio est sine labore, & permanet cum fructu. In meditatione inuestigatio; in contemplatione admiratio: ex ratione meditatio, & ex ea intelligentia; ergo inter se sunt multum diuersæ.

S. Bona. de 7. itiner. Aeternitatis p. 3. dist. 1. ex eodem Riccardo ait, meditatio est quedam inuestigatio, & inquisitio cum animi industria veritatis aeternorum: & post aliqua, Spiritus hominis per meditationem in aeternis non figitur, nec quietatur, donec per contemplationem ei ostendatur, quod per meditationem querebatur, sed quam citò inuenitur, & spiritus illi, quasi acquiescendo cum admiratione inherere ceperit, tam citò meditatio esse desinit & in contemplationem transit: & post alia subdit. Proprium est contemplationi iucunditatis suæ spectaculo cum admiratione inherere: Meditationi verò proprium est cum promotione semper in altiora tendere. Et tandem Seraphicus Doctor ex his sic infert, motus, & inuestigatio meditationis imperfectus, & minus utilis permanet sine termino, & quiete contemplationis, nam meditatio conuertitur, & transit in contemplationem, tamquam illud quod perfectum est.

Ex quibus euidenter infertur, quòd contemplatio essentialiter differt à meditatione; & miror, quòd aliquis (fortè neutri vacans) dixerit non differre, sed eandem esse meditationem, & contemplationem cum toto cœlo differant.

Infertur, 2. vno tantum gradu distare contemplationem à meditatione quamuis adeò ab ea differens sit, (loquor de acquisita) ita, vt si meditatiuus velit Deo duce, ad contemplationem transire, facile possit, immò, vt ex S. Bonau. patuit, transire deberet, vt eius meditandi motus tamquam imperfectus ad quietem tamquam terminum perueniret,

Q quòd

S. Bonau.
litam dif-
ferentiam
inter eas
ponit.

Plura ad
idem do-
cet S. Bo-
nau.

In contem-
plationem
transit me-
ditatio.

Corollaria
notanda.
Toto cœlo
Contem-
platio dif-
fert à me-
ditatione.

Licet mul-
tum diffe-
rant, tamē
vno gradu
sit transitus
à medit. ad
contempl.

quod faciet, si meditato mysterio reuelato, & peractō circa illud discursu per partes, qualitates eius, sifteret intuendo illud, tamquam verum iam quæsitum, & tandem inuentum figendo in eo aciem mentis, tunc planè contemplaretur.

C A P. V.

An, & per quid Contemplatio differat à Speculatione :

Contem-
plor, & spe-
culor su-
mi solent
pro eo.
dem.

Sed apud
Mysticos
differunt.

S. Bernar-
dus tres
Dei confi-
derationes
assignat.

Quomodo
se habeant
speculatio
& contem-
platio.

Aduerto, quòd licet hæc verba *contemplor*, & *speculor* apud Gramaticos, ac Philosophos, immò & apud Theologos speculatiuos dicantur ad conuertentiam, & promiscuè sumantur, apud Mysticos tamen Theologos non sic se habent; ideo videndum per quid apud eos differant; alioquin omnis professor Theologus esset contemplatiuus, & mysticos; quia speculatur, & considerat eadem obiecta reuelata, quæ considerat mysticus Theologus. Quare

Adu 2. quòd S. Bernard. de *Consideratione ad Eng. lib. 5. c. 2.* tres assignat considerationis Dei species, dispensatiuam, æstimatiuam, & speculatiuam, dicens. *Dispensatiua est consideratio, sensibilibus rebus ordinatiuè, & socialiter vtens ad promerendum Deum. Aestimatiua est consideratio prudent, ac diligenter quæque scrutans, & ponderans ad vestigandum Deum. Speculatiua est consideratio se, & in se colligens & quantum diuinitus adiunatur rebus humanis eximens ad contemplandum Deum, licèt videatur in hoc loco cōfundere speculationem cum contemplatione, quia subdit, Prior quidem absque intuitu humanus multo ferit sed nihil metit: Sequens verò, nisi ad istam se dirgat, vadit sed non euadit: Ergo, quod prima optat, secunda adorat, tertia gustat: Et sic speculationem vocat ipsam contemplationem.*

Adu.

Adu. 3. quòd speculatio ex communi Philo-
 phorum, & Theologorum sententia est intellectu-
 alis actio, qua homo considerat, & inuestigat naturas,
 & proprietates rerum, siue humanarum, & creaturarum
 siue diuinarum, & increatarum sistendo in tali con-
 sideratione; & ideo distinguunt scientiam speculati-
 uam à practica, quia illa sistit in cognitione sola re-
 rum; hæc verò ordinator ad praxim, idest ad diri-
 gendas humanas operationes; & ideo Philosophi di-
 cunt, Metaphisicam, Phisicam, & Mathematicam,
 esse speculatiuas scientias, Ethicam verò practicam:
 Theologi verò Theologiam, quæ respicit tam Deum
 in se, quam ad extra operantem, dicunt speculati-
 uam, Moralem verò practicam; licet Scotus dicat, &
 bene, totam Theologiam nostram esse practicam;
 quia tota quanta est ordinatur ad praxim, scilicet ad
 colendum, & amandum Deum in se, & in sui operi-
 bus. At quidquid sit de hoc, cum contemplatio sit a-
 ctus intellectus circa Deum, & alia dicta, & facta ab
 eo, & speculetur Deum, videndum est, an, & per quid
 differat à speculatione. Ideo.

Dico, Quamuis contemplatio speculetur Deum
 differt tamen à speculatione pura, quia hæc est sine
 affectu, & dilectione Dei, illa verò cum dilectione;
 item quia speculatio procedit opinando, non sic con-
 templatio.

Prob. ex S. Bonau. qui in *traff. de 7. itineribus eter-
 nitatis par. 3. diff. 3.* ponit differentiam inter cogita-
 tionem, meditationem, speculationem, & contempla-
 tionem, & postquam de duabus primis locus est, ait,
*Speculatio differt à contemplatione quia licet sit circa spi-
 ritualia; tamen non est cum saporosa dilectione, vt est
 contemplatio; & non sistit in intuitu simplici veritatis
 sed quærit eam opinando; non sic contemplatio;*

Q 2 Ver-

Specula-
 tio in quo
 consistit.

Scientia
 speculati-
 ua, & pra-
 ctica.

Scientia
 speculati-
 ua à pra-
 ctica per
 quod dif-
 fert.

Theol. ex
 Scoto tota
 practica.

Contem-
 platio spe-
 culatur
 Deum, sed
 non est
 speculatio.

Propter
 duo à spe-
 culatione
 differt cō-
 templatio

Speculat.
 opinando
 procedit,
 & sine af-
 fectu.

124 DE ORATIONE CONTEMPLATIVA

S. Bonau.
ratio.

S. Bonau.
doctrina
de specu-
latione, &
contem-
platione.

Multa de
hoc S. Bo-
nau.

Corolla
ria ex do-
ctrina
S. Bonau.

In quo cō-
sistit Theo-
logia scho-
lastica.

Quomo-
do proce-
dit Theo-
logus scho-
lasticus.

Verba autem D. Bonau. hæc sunt. Tertiò sciendum, quòd contemplatio differt à speculatione, quia in descriptione contemplationis, ponitur quòd fertur in sapientia spectaculo, de quo nota, quod S. August. l. 15. de Trin. ait, Speculatio dicitur, cùm aliquod non in se, sed per imaginationem in enigmate, idest obscure, consideratur, & Riccardus l. 5. de arca mystica dicit, quamvis contemplatio, & speculatio pro inuicem soleant poni, & in hoc saepe scriptura sententiæ proprietatem obnubilent, & inuoluant: apertius tamen, & expressius speculationem dicimus, quando per speculum cernimus; contemplationem verò, quando veritatem, sine aliquo inuolucro, umbrarumque velamine in sua puritate videmus, ex quo apparet, quòd contemplatio in speculationem sapientiæ duriores aspectum habet, quàm speculatio, & gustatio saporosiores. Hæc S. Bonau.

Ex quibus habes primò, quòd contemplatio est veritatis consideratio cum sapore, & gustu, ac delectatione: non sic se habet speculatio. 2. habes, quod speculatio inquirat veritatem per inquisitiones, & inuestigationes argumentorum, vt patet de Theologis scholasticis, qui suppositis fidei principiis, vel inquirunt quomodo res illa, quam credunt veram, sit possibilis; vel ex ea iam credita deducunt alias propositiones probabiles, ac disputabiles, & in hoc consistit Theol. scholastica, vt notum est: v. g. Theol. credit unitatem Dei cum Trinitate Personarum: at inquit per varia media, & argumenta quomodo possit hoc esse; quia nullum videt in creatis de hac re exemplum; & sic verè speculatur, vt modum illum verum inueniat.

Item supposita eiusdem articuli fide, Theologus idem multas quæstiones mouet de Trinitate, v. g. An constitutiua personarum sint absoluta, vel relatiua; an dicant perfectionem; quomodo sint æquales, si vna caret personalitatibus aliarum; quomodo secun-
da,

da, & tertia non dependeant à prima, cum sint ab illa; & similes sunt quæstiones innumeræ, quæ disputantur à Theologis speculatiuis: & sic patet, quod exceptis principiis fidei, in omnibus alijs materijs inquirunt, & non cognoscunt certò veritates. Non sic se habet contemplatio; quæ non inquit veritates, sed eas supponit, vt veras, & certas, vtpote reuelatas, vt dicam infra de obiecto contemplationis.

Habes 2. quòd Theologus speculatiuis circa principia fidei, idest circa res reuelatas, si eas intuetur, seu considerat, vt sunt, tunc contemplatur, & si affectum seu saporè, ac dilectionem adiungat, erit verus contemplator; non verò si affectum, seu dilectionem non adhibeat: vel dicendum, quòd illa erit philosophica, & non religiosa contemplatio. Cùm autem non versatur circa veritates reuelatas, sed vel quærit quomodo illæ sint possibiles, vel ex illis deducit alias propositiones non necessariò, aut euidenter connexas cum illis principiis; tunc nullatenus contemplatur, sed mere speculatur. Oh quam sapienter, & vtiliter, ac meritorie facerent Theologi; si in reuelatis principiis aliquantulum sisterent, ea fixe considerando, & ad Dei amorem se excitando; & deinde ad controuersias ad maiorem Dei gloriam descenderent!

C A P. VI.

An Contemplatio differat à Cogitatione, & Visione.

ADu. 1. quòd inter actus intellectus, datur Cogitatio, vt ex Sacro textu sæpissime habetur, sed non eodem modo ab omnibus explicatur. Cùm enim sit actio intellectualis respiciens omnia obiecta cognoscibilia, promiscue sumitur à multis, & præfer-

Aper-
ta
differentia
contempla-
tionis . a
speculatio-
ne . Theo-
logica.

heologus
quomodo
contem-
platur .

Vtile con-
siliū pro
Theologis

Cogitatio
plura si-
gnificat .

Quomo-
do sumi-
tur à My-
sticis.

Visio quid
sit.

Triplex
est visio.

Cogitatio
interna fit
per speci-
es rerum.

fertur à Augustino, interdum pro meditatione, interdum pro speculatione; interdum pro contemplatione, seu spirituali visione, nam S. August. de Trinit. l. 15. c. 9. dicit, *cogitatio est quadam animi visio, & quilibet aliquo modo videt suam cogitationem oculo mentis, & aliquo modo non videt: & in cap. 10. ait, cogitationes nostrae sunt locationes nostris cordis. At Mystici omnes, ut patebit, distinguunt semper cogitationem à meditatione, & contemplatione ac visione, docentes, quod cogitatio est mentis agitatio de qualibet re, non sistens in aliqua, sed excurrent, & volitans.*

Adu. 2. quod visio est vocabulum cognitiue potentiae competens; cognitiua autem triplex est; quaedam sensitiua externa, ut est oculus, immò omnis sensus externus est cognitiuus. Secunda est imaginatiua, seu phantastica, qua cognoscimus obiecta corporalia per sensus externos cognita, quae species sensibiles sui producant in imaginatiua; & istae sunt illarum imagines, & dicuntur phantasmata, seu idola rerum corporalium. Tertia est intellectiua, quae & spiritualia cognoscere potest, si non impediatur, & sibi dimittatur, ac etiam corporalia, sed per species eorum intelligibiles productas virtute intellectus agentis ex phantasmatibus, ut supponimus ex libris de anima: De his autem occurret sermo infra, cum agam de obiecto contemplationis, & medio cognoscendi eiusdem.

Adu. 3. quod licet cognitio, tam intellectualis, quam imaginaria fiat per species rerum, siue absentium praeteritarum, aut futurarum, siue etiam praesentium; & consequenter sit abstractiua, quia facta in specie, seu speculo, ut ait Apostolus, *videmus nunc per speculum in enigmate*: nihilominus, ut supra monui, istae cognitiones imaginariae, & intellectuales factae

per

per species obiectorum appellantur visiones, nam cogitationes Prophetarum, quibus cognoscebant futura, immò & præterita, ac existentia, sed distantia, fiebant per species, vt dixi in tract. de Prophetia, & tamen dicebantur visiones, & Prophetæ ipsi dicebantur videntes, & ideò dicitur, Visio Isaia Prophetæ, visio Amos, &c. Immo Ieremiæ 1. 12. Deus dicit, *quid vides Ieremiæ?* hic respondit, *virgam vigilantem ego video.* Iterum dicit, *Quid vides Ieremiæ?* respondit, *ollam succensam ego video:* et sic de alijs. Et quando ex Dei voluntate aliquibus, siue bonis, siue malis apparent quædam, siue in somno, siue in vigilia, non in sua natura, sed in specie imaginaria, vel intelligibili, cognitiones talium rerum dicuntur *Visiones* Gen. 28. 12. *Iacob in somno vidit scalam stantem super terram, & cacumen illius tangens Cælum, Angelos quoque ascendentes, & descendentes per eam, & Dominum innixum seale, quæ visio fuit in specie.* Et cap. 30. Ioseph narrat fratribus duo somnia, & dicit, *vidi &c.* in cap. 41. Pharaon in duobus somnijs, quæ postea declarauit Ioseph, dicit *se vidisse septem boves pingues, & septem extenuatos, atque hos deuorasse illos; item & septem spicas plenas, ac septem vacuas, & has deuorasse illas; & sic de alijs; & tota scriptura Veteris test. plena est de his cognitionibus in specie habitis, quæ tamen appellantur visiones: His prænotatis*

Dico 1. Si nomine *cogitationis*, intelligitur cognitio simplex, & fixa seu intuitus rei reuelatæ mente conceptæ, contemplatio dici potest *cogitatio*, Si vero nomine *cogitationis* intelligatur cognitio aliqua non firma rei reuelatæ, sed vaga, & inquirens, ac transiens de vna re ad aliam, contemplatio non potest dici, nec esse *cogitatio*.

Prima pars sic prob. nihil deest tali cognitioni, quin

Cognitio-
num inter
narum
exempla.

Cognitio-
nes in spe-
ci-bus di-
cuntur vi-
siones.

Ex S. Scri-
ptura.

Plura ex-
empla visio-
num per
species.

In quo sen-
su contem-
platio est
cogitatio,
& in quo
non.

128 DE ORATIONE CONTEMPLATIVA

Apriori
ratio quod
contem-
platio in
vno sensu
est cogita-
tio.

Quod sic
sumatur S.
Scripturæ
exempla.

Ex S. Scri-
ptura arg.

Cogitatio
sūpta pro
intuitu sim-
plici.

Cogitatio
sumpta
pro iudi-
cio, non
est contem-
platio.

Ex S. Scri-
ptura.

Multa scri-
pturæ exē-
pla.

quin sit, & dicatur contemplatio; est enim actus intellectus circa obiectum reuelatum, & simplex intuitus, non excurrrens de vna re in aliam, sed fixus, & firmus circa vnam. Istæ autem ex supra dictis sunt conditiones contemplationis: ergo.

Quod verò cogitatio interdum sic sumatur, scilicet pro simplici intuitu rei alicuius, habetur ex Sacro textu, Isaia 55. 8. *Non sunt cogitationes meæ cogitationes vestræ, dicit Dominus. Deus autem non cognoscit discurrendo, sed simplici intuitu. Item, psal. 39. David dicit ad Deum, multa fecisti &c. & cogitationibus tuis non est qui similis sit tibi. Psal. 91. dicit iterum ad Deum, nimis profunda facta sunt cogitationes tuæ. Micheæ. 4. 12. Non cognouerunt cogitationes Domini, &c. & si hoc modo sumatur cogitatio, dici potest, quod cogitatio sit contemplatio.*

Prob. secunda pars: regulariter, & apud omnes Philosophos, & Theologos præsertim Mysticos, cogitatio sumitur pro iudicio bono, vel malo, aut sumitur pro actu, quo intellectus inquit rei alienæ veritatem, & vagatur pluribus actibus per plura obiecta, donec eam inueniat; & hoc modo sumpta cogitatio nullatenus competit contemplationi, quæ est vnus simplex actus non vagans, nec inquirens, sed firmus, & fixus intuens veritatem iam inuentam.

Exempla cogitationis sumptæ pro iudicio bono, vel malo, habentur in maximo numero in Sacro textu, Gen. 6. 5. *Videns Deus, quod cuncta cogitatio cordis hominis prona esset ad malum omni tempore, &c. Nabuch dixit, cogitationem suam in eo esse, vt omnem terram suo subiugaret imperio: psalm. 95. Dominus scit cogitationes hominum, quoniam vanæ sunt. Sapien. 1. 3. Peruersæ cogitationes separant à Deo. cap. 6. 4. Altissimus interrogabit opera nostra, & cogitationes scrutabitur. Isaia*

1. 16.

1. 16. auferte malum cogitationum, vestrarum. Ieremiæ 4. 4. propter malas cogitationes, & cetera loca innumera, in quibus cogitatio sumitur pro iudicio.

Ex Nouo Testam. alia multa exempla huius acceptionis habemus; Matt. 12. 15. *Sciens Iesus cogitationes eorum.* cap. 15. 20. *de Corde exeunt cogitationes mala, &c.*

Quodd verò cogitatio sumatur, pro actu intellectus inquirente, & vagante, & ideò non sit contemplatio, docet Riccardus de S. Viç. l. 1. de contemplatione c. 3. *cogitatio per denia quaque lento pede sine respectu prauentionis passim huc, illucque vagatur: meditatio per ardua sepe &c. contemplatio libero volatu quòcumque eam fert impetus mira agilitate circumfertur; cogitatio serpit, meditatio incedit, & vt multum currit. Contemplatio autem omnia circumuolat, & cum voluerit se in summis liberat. Cogitatio est sine labore, & fructu; meditatio cum labore, & fructu. Contemplatio permanet sine labore, & cum fructu. In cogitatione euagatio, in meditatione inuestigatio; in contemplatione admiratio: hæc & alia plura Riccardus, quem sequitur S. Bonau. & vterque accepit à S. Bernardo tract. de Scala Claustali, seu de modo orandi, vbi cogitationem à meditatione, & contemplatione distinguit; igitur contemplatio non est cogitatio hoc modo sumpta.*

Dico 2. Si Visio sumitur pro cognitione intellectuali simplici, & fixa circa aliquam rem reuelatam repræsentatam in specie, siue imaginaria, siue intelligibili, siue in vtraque; contemplatio dici potest, & debet visio intellectualis, sed cum admiratione, & suspensione.

Prob. & explicatur. Sepè dictum est, & infra dicetur (cum de subiecto contemplationis, & modo apparendi illius loquar) quòd in hoc consistit actus

R con-

Ex nouo
Testam.

Cogitatio
vtest actus
vagens nò
est contem-
platio.

Ex Ric-
cardo, Bo-
nau. & Ber-
nardo.

Contem-
platio est
visio, &
quomodo

130 DE ORATIONE CONTEMPLATIVA

Ex modo
apparendi
obiecti cō-
templatio-
nis.

contemplandi, cū representato intellectui aliquo obiecto reuelato, & per meditationem, aut sine ea, vt in habituatis cognito, intellectus figit in eo intuitum cum admiratione, & suspensione actuum aliarum inferiorum potentiarum; hic autem intuitus est *visio intellectualis*, vt in notabili diximus. Intellectus enim videt, iudicat, & discurret; omnes autem isti actus cognitiones, & visiones intellectuales sunt, & tales dicuntur.

Contem-
platio est
visio in
speciebus
repre-
sentantibus
obiecta.

Dixi quod sit facta in specie; quia contemplans rem aliquam reuelatam, eam non habet præsentem in sua natura, sed in specie illam representante, v. g. meditatatur prius, & postea contemplatur Deum, vel aliquam ex diuinis Personis, vel ipsam Trinitatem; has non videt in sua essentia, vt Beati, sed in speciebus, eo modo, quo fieri potest in via obscure, & confuse, vt postea dicam, representantibus. Idem dicendum de omnibus prædicatis diuinis; de contemplatione Angelorum; habituum supernaturalium, & omnium operum Dei relatorum in Veteri testamento: hæc enim omnia sunt nobis præsentia non in sua natura, sed in speciebus. Sic de mysterio Incarnationis, & de omnibus Christi operibus dicendum, & de ipsa Incarnatione, Natiuitate, Vita, Passione, Morte Christi, Descensu ad Lymbum, Resurrectione & Ascensione, &c. hæc enim omnia per species eas representantes intuemur. Sic gloriam, æternamque beatitudinem, quam, vt ait Apostolus, *videmus nunc per speculum in enigmate, tunc autem, idest in Patria, videbimus facie ad faciem*: immo omnis cognitio intellectualis in via per species a sensibus exernis, & internis fit, vt cum omni schola supponimus, etiam in obiectorum præsentia; in absentia autem per solas species in intellectu relictas.

Exempla
clara visio-
num, &
contem-
plationum
in specie-
bus.

Dixi

Dixi *in specie, siue imaginatiua*, quia de corporali-
bus rebus per sensus cognitis remanent in phantasia,
seu, vt dicitur, imaginatiua, species sensibiles, seu
phantasmata, res illas representantia: & dicam infra,
quod incipientes contemplari, in istis speciebus in-
tuemur illas; & aliquando in solis speciebus intelli-
gibilibus, vt quando contemplantur spiritualia, &
aliquando in vtrisque, vt quando praesertim Chri-
stum homine, ac Deum, opera eius theandrica quis
contemplatur; sed de hoc modo contemplandi lo-
quar infra.

Dixi *cum admiratione, & suspensione animi* quia vt
docet S. Bon. de 7. itineribus eternitatis p. 3. dist. 3.
Contemplatio differt à visione, eo quod contempla-
tio in hac vita est intuitus, seu cognitio obiecti cum
admiratione, eo quod res illa cognita sit supra spem,
& existimationē; ex qua admiratione oritur suspen-
sio animi, & aliquando extasis vel raptus, vt postea
dicam: Visio verò est cognitio placida, & quieta si-
ne admiratione, & suspensione.

CAP. VII.

An, & per quid Contemplatio differat ab actibus fidei.

ADu. quod, vt suppono, dantur actus apprehen-
dendi res; assentiendi, discurrendi, & sim-
pliciter intuendi res apprehensas, iudicatas, & con-
clusas; & quod actus fidei est actus assentiendi rei
reuelatae, & communi vocabulo actus credendi di-
citur. Quaero ergo per quid differat contemplatio ab
actu fidei: Hoc autem fit, vt clarè, & distinctè per-
cipiatur quid sit contemplatio.

Adu. 2. quod, licet Philosophus, immo Theolo-

R 2 gus

In specie
imagina-
ria viden-
tur corpo-
rea.

Cum ad-
miracione
& suspen-
sione ani-
mi fit con-
templatio.

Differen-
tia contem-
plati visio-
ne.

Actus fi-
dei est as-
sensus rei
reuelatae.

132 DE ORATIONE CONTEMPLATIVA

Philoso-
phi pos-
sunt sine
fructu con-
templari
obiectum
reuelatum

Contem-
platio dif-
fert ab
actu fidei,
sed suppo-
nit illum.

Contem-
platio sup-
ponit. si
dem.

Principa-
le obie-
ctum con-
templatio-
nis, est
Deus.

Contem-
platio in-
tuetur re-
creditam
per fidem.

gus posset sine actu fidei merè speculatiuè, & sine fructu contemplari aliquod obiectum reuelatum, considerans naturam eius, circumstantias per actum discursus, & meditationis, vt fieri solet in speculationibus; deinde simplici intuitu inspicere veritatem, seu conclusionem, quam ex discursu intulit, vt olim primi Philosophi de prima causa, nempe de Deo, & de intelligentijs, alijsque rebus creatis faciebant, at hæc non erat, nec si modò fieret esset religiosa, de qua nunc loquimur, contemplatio: hæc enim est de obiectis reuelatis, creditis fide diuina, idest, vt à Deo reuelatis. His positis

Dico. Contemplatio religiosa quamuis prærequirat fidei actum, differt tamen ab actu fidei.

Prob. prima pars. Omne opus bonum fructuosum, seu meritorium dependet à directione fidei, nam ex Rom. 14. *quod non est ex fide peccatum est*, & ex Augustino, *tract. 25. in Euang. Ioan. sine fide non valet opus bonum*; lib. 13. de Trinit. c. 20. *sine fide esse non possunt veræ virtutes*. In Enchiridion ad Laurentium cap. 31. *A fide bona opera incipiunt, quam gratia tribuit*, ergo cum contemplatio sit opus bonum, & si fiat in gratia, & auxilio actualis gratiæ, sit meritorium, debet à fide incipere, credendo scilicet obiectum, quod assumitur contemplandum.

Conf. Obiecta omnia contemplationis, vt in suo loco dicam, sunt res reuelatæ, & primum, ac principale est Deus ipse, seu Sanctissima Trinitas, omniaque essentialia, & personalia prædicata, deinde Christus homo Deus &c. hæc autem omnia considerari religiosè non possunt, nisi credantur esse: imò (quod valdè notandum est) contemplatio intuetur, seu simplici consideratione videt cum admiratione veritatem rei reuelatæ iam inuentam, & fir-

ma-

matam per meditationem: at non potest aliò modo firmari veritas rei absentis, & non cadentis sub sensu, aut sub ratione, vel discursu naturali, nisi per actum fidei credentis rem ita esse, quia Deus revelavit. Vt ergo quis intueatur simplici, & fixo intuitu cum admiratione rem illam reuelatam, debet prius illam, vel actualiter credere, vel saltem virtualiter, supponendo scilicet aliàs, vel alijs vicibus eam creditam. Accedit, quòd idem dicendum est de meditatione: supponitur enim saltem virtualiter creditum id, quod actu quis meditatur. Et sic de omni alia oratione, quæ ad Deum dirigitur, siue sit laudis, siue petitionis, siue gratiarum actionis: semper enim, vel actu creditur, Deum esse, ad quem diriguntur istæ orationes, vel virtualiter, & habitualiter; quia sæpè sapius factus fuit actus ille circa Dei existentiam, sanctitatem, supremum Dominium, potentiam, &c. Sic ergo contemplatio supponit actum credendi actuale, vel virtuale circa rem, quæ contemplanda, vt reuelata, assumitur consideranda, & inspicenda.

Prob. 2. pars, quòd scilicet contemplatio differt ab actu fidei sic. Actus fidei est assensus circa obiectum reuelatum, & sic est actus compositus, quo intellectus dicit, *Credo esse verum, quia Deus revelavit*. Actus verò contemplandi est simplex intuitus obiecti illius iam crediti, ergo differunt.

Conf. omnes fideles exercent actus multos fidei, assentientes frequenter obiectis fidei reuelatis, & ab Ecclesia sibi propositis ad credendum; & tamen non omnes contemplantur: immò nesciunt, quid sit contemplatio, Et ipsimet contemplatiui sæpè numero actus fidei faciunt recitando attentè Symbolum, aut Evangelia, vel legendo aliquem Bibliorum

Quomodo
per fidem
ne con.
emplatio

Semper actus fidei
supponitur ante
contemplationem,
vel actualiter, vel
virtualiter.

Differt ab
actu fidei.

Quare, &
quomodo
differt.

Evidens
ratio differentiæ.

Omnes
credunt,
sed non
omnes contemplantur

134 DE ORATIONE CONTEMPLATIVA

Experien-
tia clara
de hoc.

rum librum; & illa non contemplantur, nempe non
sistunt in simplici eorum intuitu, immò neque sem-
per ea meditantur, discurrendo scilicet super mate-
rijs, aut super circumstantijs earum. Differt ergo
contemplatio ab actu credendi, & hic supponitur,
ut dixi, ad eam.

C A P. VIII.

De Contemplationis præstantia, ac dignitate.

Multa con-
templatio-
nis laudes

ADu. quod multa sunt elogia, quæ à Sanctis, &
Patribus spiritualibus in laudem huius piæ, ac
deuotæ operationis intellectualis fiunt; at breuitati
studens aliqua tantùm hic referam, ut Deo auspi-
cante, & adiuuante lectores in eius amorem accen-
dantur.

Contem-
platiua vi-
ta perfe-
ctior est,
quàm a-
ctiua.

Exempla
de Martha
& Magda-
lena: illa
actiua, hæc
contem-
platiua,
sed hæc
magis lau-
datur.

Omnium primò supponendum est, Patres om-
nes, tam Scripturæ Sacræ interpretes, quam cete-
ros docere, quòd vita contemplatiua perfectior sit,
quàm actiua, à Christi oraculo edocti, qui *Luca 10.*
de Maria Magdalena, & Martha eius sorore loquens
dicit, *Maria optimam partem elegit:* in his duabus so-
roribus omnes, nemine excepto, cum S. Augustino
docent expressas fuisse duas vitas, quas boni fideles
eligere, & ducere possunt, actiuam scilicet in Mar-
tha, quæ sollicita erat in actibus hospitalitatis, pa-
rando necessaria ad cibandum Christum hospitem;
& contemplatiuam in Magdalena, *quæ sedens secus*
pedes Domini, audiensque verbum illius attentè con-
templabatur quod Christus dicebat. Et sic quam-
uis vita actiua bona, & meritoria sit, nempe quæ va-
cet operibus virtutum moralium, & præsertim ope-
ribus misericordiæ spiritualis, & corporalis, docen-
do,

do, prædicando, consulendo, &c. item pascendo esurientes, potando sitientes, visitando infirmos, &c. de quibus reddenda est ratio in die iudicii, vt dicit Saluator; nihilominus ipsemet vbi supra, dixit contemplatiuam esse optimam. At notandum, vt dicam postea, quod contemplatiui quoque in necessitate tenentur ad actiue actus, maxime iubente Superiore.

S. Bonau. de Perfectione Relig. lib. 1. cap. 1. dicit, Perfectionis in hac vita est per mentis excessum super se rapi, non per ænigmatica corporearum similitudinum; nec per ratiocinationum argumenta; sed purissima mentis intelligentia Deum in contemplatione videre; & in lib. 2. c. 72. ait, Hac est hominis sublimior in hac vita perfectio, ita ad habere Deo, vt tota anima cum omnibus potentijs suis, & viribus in Deum collecta, vnus fiat spiritus cum eo, vt nil meminerit, nisi Deum, nil sentiat, vel intelligat, nisi Deum, & omnes affectus in amoris gaudio vniti, in sola conditoris fruitione suauiter conquiescant.

Et de contemplatione intusa postea loquitur altius, & pleniori stylo in tract. de 7. gradibus contemplationis. quia hæc perfectio solet à Deo concedi.

S. Thom. in 2. 2. q. 108. art. 2. ad 3. inquit, magis acceptum est Deo, quod aliquis animam suam, & alterius applicet contemplationi, quam actioni.

Ioannes Rusbrochius tract. de vita contempl. c. 51. dicit, Si altissimum, ac celsissimum viuendi modum, qui in hac vita obtineri possit, sentire, ac viuendo exercere velimus; spiritus noster ab anima diuidatur oportet, seseque supra rationem, supra imagines, supra virtutum exercitationem erigat, nudo aspectu in diuino lumine, intusque sursum aspiciat, ac nudo amore cohereat; quod quidem per contemplationem tantum fieri manifestum est.

Sanctus Bernardus tract. de modo bene viuendi.

S. Bonau.
uenturæ
elogium
de Con-
templatio
ne.

S. Tho.
elogium.

Rusbroch
elogium.

136 DE ORATIONE CONTEMPLATIVA

S. Bernar-
di elogiū.

53. de Martha, & Maria loquens dicit, *audisti vitam actiuam, audisti contemplatiuam. Bona est vita actiua; sed multo melior contemplatiua: qui prius in actiua proficit, ad contemplatiuam bene contendit. Et de interiori domo serm. 70. dicit, Veritatis contemplatio in hac vita inchoatur; in futura iugi perpetuitate celebratur. Per veritatis contemplationem homo eruditur ad iustitiam, consumatur ad gloriam. Qui contemplationi vacat, arrham perpetue contemplationis in gloria accipit: Et iterum ibidem de vtilitate contemplationis inquit, Nil iucundus, nil vtilius contemplatione; quanto amplius enim celestium contemplatione delectaris, tanto dulcius commoraris, profundiusque illuminaris; semper inuenies quid mireris, delecteris, &c.*

S. Greg.
Mag. elo-
gium.

S. Hieron.
mi elo-
gium.

S. Greg.
Naz.

S. Thom.
de effecti-
bus con-
templatio-
nis.

S. Greg. Mag. homil. 14. in Ezechiel. inquit, *Vita contemplatiua amabilis valde dulcedo est: & homil. 23. in eundem, ait, Vita contemplatiua exclusis curis omnibus ad videndum faciem sui creatoris inardescit, in hac vita incipit, & in alia perficitur.*

S. Hieron. in lib. de Virginitate inquit sibi in contemplatione mira accidisse, nempe visiones, illustrationes, reuelationes, suauitatem, & iucunditatem.

S. Greg. Naz. vt ex Apost. 1. refert, *se quietem, ac felicitatem in contemplatione reperisse.*

De multis effectibus contemplationis loquitur Sanctus Thomas in 2. 2. q. 180. art. 7. sic; *contemplatio dulcedinem habet. Sap. 8. Non habet amaritudinem conuersatio illius; nec tedium conuictus eius, sed letitiam, & gaudium; nam Greg. hom. 14. in Ezechiel. ait, contemplatiua vita amabilis valde dulcedo est: & ex duplici capite est talis, quia cum potentia suum proprium actum elicit in eo delectatur, maxime quando habet habitum scientiae, & sapientiae. Secunda ratio est ratione obiecti: est amabilis; ita in casu, quia Deus amabilis est ex psal. 33. Gustate, & videte, quoniam*

niam

niam suavis est Dominus, & Greg. hom. 2. in Ezech. dicit, cum quis, quem amat, viderit, in amorem ipsius amplius ignescit; & ab amore, & charitate in Deum incitatur homo ad contemplandum, & sic principium, & terminus eius amabilia sunt

Multa encomia contemplationis.

Et post aliqua inquit, Cum ad contemplationem veritatis pertingit homo, eam ardentius amat; & odit suam fragilitatem, & defectum, nam Greg. hom. 14. in Ezechiel, ait, cum Deus iam per desiderium, & intellectum cognoscitur, omnem voluptatem carnis arefacit. Et post alia ex eodem Greg. dicit, Contemplatio super seipsam animam rapit; celestia aperit; spiritualia mentis oculis patefacit: & alibi cum S. Greg. ait, Contemplatio in hac vita incipit, & in alia perficitur; et cum omni ratione id dicit; nam Beatorum visio in Deum terminata dicitur contemplatio clara, & euidens: at in hac vita est obscura, & incui-dens, sicut est fides, super quam fundatur; omne enim, quod quis contemplatur reuelatum est, & per fidem cognitum.

Cur dignissima sit contemplatio.

Maximè ergo digna dicenda est hæc intellectua-lis operatio, tum ratione obiecti, ut supra diximus; tum ratione connexionis cum virtutibus Theologi-cis Fide, Spe, & Charitate quibus colitur Deus ex Aug. in Enchir. cap. 3. quia contemplatio à Charita-te in Deum habet originem, & ad charitatem in Deum terminatur: fundatur in fidei actu; nam res, quæ cadunt sub obiecto contemplationis sunt res reuelatæ, & per fidem creditæ: habet annexam spem beati-tudinis, quam per actus adeo perfectos, Deoque gratos homo inquirat, & discit in hac vita contem-plari Deum obscure, & in speculo, ut possit contem-plari euidenter, & facie ad faciem, ut ait Apostolus.

Ex rara concessione contemplationis dignoscitur eius perfectio.

Præstantia tandem contemplationis dignoscitur ex raritate concessionis huius doni, quod Sanctis quibusdam, & non omnibus, quod sciamus, fuerit

S

con-

138 DE ORATIONE CONTEMPLATIVA

concessum, quamuis in eis fuerit etiam contempla-
tio infusa; at ad eam vt dicam, peruenerunt pauci,
& per acquisitam, idest frequens exercitium eius,
que donum quoque Dei est, non omnibus etiam
Religiosis, vt notorium est, fuit concessum. Ad hoc er-
go aspiremus; ad hoc anhelemus, & pluribus suis
præcibus à Deo petamus, vt ad illud perueniamus.

C A P. IX.

An contemplatio in vno, vel pluribus actibus consistat.

ADu. 1. quòd licet in cap. 1. dixerimus contem-
plationem actualem consistere in duplici actu,
intellectus nempe, voluntatis; quia tamen plures
alij actus prærequiruntur, videndum est, an illi quo-
que sint de essentia contemplationis.

Adu. 2. quòd tractantes de contemplatione di-
uersos actus ad eam prærequiri docent, licet alij plu-
res, alij pauciores. Riccard. de S. Viſt. lib. 1. de con-
templatione c. 2. dicit prærequiri cogitationem, & medi-
tationem; Eum sequuntur S. Thom. & S. Bonau. At
S. Bernardus de Scala Claustrali, seu de modo orandi, hæc
prærequiri dicit, lectionem, meditationem, & orationem,
& ad has sequi contemplationem: Quia, inquit, Beata
vita dulcedinem lectio inquit, meditatio inuenit, oratio
postulat, contemplatio degustat. Vnde dicit Dominus, qua-
rite, & inuenietis; pulsate, & aperietur vobis. Querite
legendo, & inuenietis meditando. Pulsate orando, & ape-
rietur vobis contemplando. Lectio, quasi solidum cibum ori-
apponit; meditatio masticat, & frangit; oratio saporem
acquirat, contemplatio est ipsa dulcedo, quæ iucundat, & re-
ficit. Et quamuis plures actus videatur ponere Ber-
nardus, nil officit, quia Riccardus, & alij ponunt
cogitationem pro lectione, nam hoc duplici modo

po-

Multa
ctus præ-
requisiti
ad contem-
plationem
actualem.

Multa præ-
requirit S.
Bernardus

Quare nec
semper
prærequi-
ritur le-
ctio.

potest quis apprehendere rem meditandam, scilicet legendo in libro, aut audiendo legentem, vel reflectendo ad rem aliàs à se lectam reminiscendo illius, & sic cogitatione percipit, & cum utroque modo rem percipere possit, quocumque ex illis perceptam potest quis eam meditari. Quo verò ad orationem, Riccardus, S. Thom. & S. Bonau. supponunt eam fieri antecedenter ad petendum diuinum auxilium ad benè meditandum, & contemplandum (de hac enim hic est sermo, non de petitione aliorum beneficiorum) quia precedere debet inuocatio Sanctissime Trinitatis, *Actiones nostras quasumus Domine, &c.* vel *Benedicta sis sancta, ac individua Trinitas &c.* cum sua oratione, vel *Veni Sancte Spiritus, &c.* cum sua oratione. At S. Bernardus post meditationem quoque orandum consulit, vt contemplatio perfecta Deo placens, & fructuosa obtineatur. His ergo positis.

Dico 1. Actus illi cogitandi, siue legendi, orandi, & meditandi, necessarij quidem sunt, & pre-requisiti regulariter ante contemplationem, sed non sunt ipsa contemplatio, neque pars illius.

Prob. & explicatur prima pars: Non potest intellectus de re aliqua discurre, neque naturam eius inuestigare, vel ei assentiri nisi eam apprehendat; quod fit legendo, vel audiendo illam, vel aliàs auditam, aut lectam memorando: igitur requiritur hic actus. 2. non potest intellectus rei illius veritati assentiri per fidem, nisi eam inuestigando, & conditiones eius inquirendo, quod fit meditando. 3. non potest intellectus assensum supernaturalem Deo placentem, & fructuosum elicere circa rem illam discursam, ac inuestigatam, & pio affectu eam prosequi, nisi obtineatur Dei auxilium, quia *sine eo nihil possumus facere*, quod obtinetur per orationem; quia inquit Sal-

S 2 uator

Inuocatio
Dei debet
precedere.

Actus ali.
qui prae-
quiruntur
At ipsi nō
sunt con-
templatio
Apprehen-
tio obiecti
prius re-
quiritur.
Deinde as-
sensu si
dei.
Oratio re-
quiritur.
Ordo ta-
lum a-
ctuum.
Inuitus se-
quitur, &
affectus.

140 DE ORATIONE CONTEMPLATIVA

Quare regulariter sic fit.

Aliquando non feruatur ille ordo, ex peculiari Dei favore

Illi actus non sunt de essentia contemplationis.

A paritate conclusionis illarum à præmissis arg.

Ex S. Bernard. arg.

uator, *quidquid orantes petitis, accipietis*: igitur, ut intellectus firmum intuitum fidei in re illa meditata figat, & circa eam amoroso affectu effundatur, quod fit per contemplationem, actus illi prærequiruntur.

Dixi *regulariter*: quia hoc, & non alio modo incipientes, & proficientes, & ipsimet perfecti, interdum contemplantur: & hic ordo docendus, ac tenendus est à contemplatiuis, ut docent præfati DD. Si autem ex peculiari Dei favore aliquis percepta per lectionem, vel auditum re aliqua, vel per illuminationem illa sibi ostendatur, & sine meditatione, vel oratione, statim à Deo rapiatur ad contemplationem, id est simplicem, & fixum intuitum veritatis rei illius, casus iste non cadit sub regula; quia loquimur de ijs, qui via ordinaria, cum Dei tamen auxilio, vacant contemplationi.

Prob. secunda pars, quòd præfati actus non sunt de essentia contemplationis, nec pars illius. Nam contemplatio ex definitionibus supra allatis est simplex, & firmus intuitus certæ, & reuelatæ veritatis cū animi suspensione, & admiratione: igitur licet prærequirat, non tamen essentialiter includit præfatos actus: sic enim non esset simplex intuitus, immò neque vnus actus, sed aggregatio plurium actuum: sicut à pari, licet conclusio in aliquo argumento prærequirat actus primæ, & secundæ operationis intellectus; tamen essentialiter eas non includit; & ita dicendum de actu fidei, qui licet prærequirat apprehensionem rei credendæ; essentialiter tamen eam non includit: immò ut proprius ad rem accedamus meditatio prærequirit lectionem, vel auditionem, & cogitationem rei meditandæ; & tamen actus illi non sunt, nec essentia meditationis, nec eius pars.

Ideò S. Bernardus in *Floribus* c. 55. inquit, *contemplatio*

platio est mentis in Deum suspensio æternæ dulcedinis gaudia degustans. Deinde subdit altam definitionem. *Contemplatio est verus, certusque intuitus animi de quacunque re, &c.* Igitur alij præfati actus ad eam, præui non constituunt illam, nec sunt illius pars.

CAP. X.

An Contemplatio distinguatur in acquisitam, & infusam.

ADu. 1. de hac duplici specie contemplationis inter antiquos contemplatiuos, & mysticos theologos nullam esse quæstionē; vtramque enim adnuntiant, vt patebit. Sed cum aliquibus modernis est quæstio, qui putant, nullam aliam dari contemplationem præter infusam; & sic nullum esse contemplatiuum, qui communiter cum hominibus viuat, & qui non sit totus spiritualis, perfectus, extra se sæpissimè raptus, & extaticus, continuò cum Deo alloquens, visiones, & reuelationes participans diuinas.

Adu. 2. quòd contemplatio, quæ dicitur acquisita, & potest esse in omnis status hominibus, vt postea patebit, dicitur etiam *naturalis*, non quia solis naturæ viribus, sine speciali Dei auxilio exerceri possit; sed dicitur talis, quia naturali, & proprio etiam studio, potest cum Dei auxilio haberi, ad differentiam infusæ, ac supernaturalis, quæ, vt in suo loco dicitur, est totaliter à Deo trahente, specialissimè illuminante, & veritates supernaturales demonstrante, extra se hominem rapiente, omnium potentiarum inferiorum actus suspendente, multaque contemplanti reuelante; & hæc propriè est mystica theologia, vt in suo tractatu dicam.

Dico igitur. Præter contemplationem infusam
(de

Olim nulla fuit controversia de duplici hac specie Motuum contro-
uersiæ.

Acquisita dicitur etiam naturalis, & quare.

Contemplatio autem infusa quæ sit, & quæ eius proprietates.

142 DE ORATIONE CONTEMPLATIVA

(de qua postea) admitti debet contemplatio acquisita, communis dicta, ac naturalis.

Prob. S. Bern. in *Floribus* c. 55. inquit, *debemus assuescere in contemplatione*: assuefactio autem fit per actum frequentationem: Hæc verò est acquisitio: ergo.

In S. Bern. Oper. Abbas Gilbertus Ser. 11. in Cant. dicit *Contemplatio non excidet in futuro saculo*; idèd homo tibi partem elige in presenti, sicut Maria, quæ optimam partem elegit, quæ non auferetur ab ea in æternum. Et Bernardus ipse serm. 5. de Assumpt. Mariæ. ait, *Quisquis ad intelligentiam pervenire desiderat, necesse est, ut per omnia bona se diligenter exerceat*; quia dicitur, *fili concupiscens sapientiam, conserva iustitiam*, & Deus præbebit illam tibi; & alibi fide præparans corda eorum, qua fide, quæ per dilectionem operatur. Maria habet speciem contemplantis, dum sedet, dum tacet, & interpellata non respondet; sed toto intenta studio Dei verbum audit.

Idem Bernard. in tract. de octo Punctis, puncto 1. docens media ad contemplandum, præ alijs dicit, *Verum tamen est, quòd nullus mortalium potest huic contemplationi iugiter inharere*; sed idèd dictum est, *ubi scias, ubi mentis intentionem debeas habere fixam*; & ad quam destinationem semper anima tua reuoces initium; quam si poterit obtinere mens gaudeat; & à qua abstractam se doleat, atque suspiret quotiescumque ab illo intuitu se deprehenderit separatam querulosa voce mihi obuiare volueris, te diu in eodem statu manere non posse. Noscere debes, quòd diuina virtus plus potest facere, quàm homo cogitare, & quòd frequentia actus similem sibi habitum generare consuevit. Vnde sapiens contingit, quòd ad illud, ad quod fortassis homo se à principio adstrinxit cum quadam violentia, & difficultate, postea faciliter operabitur; & tandem cum magna delectatione; dum modo non desistat.

Patet ergo, quòd homo, cum studio, ac diligentia iux.

Dari debet acquisita contemplatio
Ex S. Bernardo.

Sæpe de ea loquitur S. Bernardus.

Docet faciendam.

Multa argumenta ex Bernardus.

Euidens conclusio

iuxta S. Bernardi doctrinam, Dei adiutus auxilio potest contemplationi vacare; & cum actuum frequentia ad habitum contemplandi peruenire.

Plura de hac re ex eodem Bernardo adducam infra, cum de initio contemplandi, & ad illud prærequiritis, & de remediis contra impedimenta contemplationis loquar: omnia enim ad idem sunt.

Riccardus de S. Victore l. 5. c. 1. inter alia multa de contemplatione, dicit, *Aliud est contemplationis gratiam diuinitus percipere; atque aliud est de huiusmodi domini Dei quidem cooperatione proprio exercitio comparare.* In cap. 2. ait, *Hos igitur contemplationis modos experiuntur, qui ad summam usque eiusmodi gratiæ arcem subleuari merentur. Primus surgit ex industria humana. Tertius ex sola gratia diuina; medius autem ex utriusque permixtione, humana videlicet industriæ, & gratiæ diuinæ.*

S. Bonau. de luminaribus Ecclesiæ serm. 2. inquit, *contemplatio fit per gratiam; tamen ad hoc iuuat industria, ut separetur homo ab omni eo, quod Deus non est, & etiam à seipso.*

Idem Sanctus de 7. itiner. æternit. dist. 4. art. 1. dicit, *Gradus ad contemplationem disponentes sunt illi, qui adiuuant intellectum, & affectum ad contemplandum, & sunt velut scala, per quam ascenditur ad contemplationem, quia nemo inquit Greg. infima deserens, repente fit summus, & hoc fit transcendendo de virtute in virtutem, psal. 63. donec videatur Deus Deorum in Sion. Sicut oculus infirmus prius suscipit lumen obscurum; deinde magis confortatus, melius videt, postea totaliter perfectè. Sic oculus intellectualis exercendus prius in grossioribus, postea in subtilioribus crescente lumine diuino donec tandem in ipsum Deum figat obtutum: & sic practicè paulatim oportet ascendere. Et secundum Hugonem Contemplator prius purgari oportet, postea illuminari, deinde perfici per contemplationem.*

Sequitur, *debet prius ordinari affectus circa exteriora,*

quod detur acquiritur contemplatio.

Ex Riccardo.

S. Bonau. pluries.

Clara ratio S. Bonau.

Prosequitur S. Bonau.

144 DE ORATIONE CONTEMPLATIVA

ut obiecta sincerè apprehendantur, bona appetantur, & mala fugiantur. Deinde liberè quantum est in se intellectus, & affectus ordinant mentem ad petendum, & querendum summum bonum, & ad repellendum obstacula. Hæc autem omnia humano studio, ac diligentia, cum Dei auxilio fieri possunt: Ergo acquisita est talis contemplatio, non verò infusa.

Ordo S.
Bonau. ad
contem-
pladum.

Idem in ar. 3. de ordine ascendendi ad Deum dicit, ex sensibilibus ad spiritualium cognitionem ascenditur. Primo per sensus externos concipiuntur sensibilia, secundò per imaginationem, per quam rerum similitudines concipiuntur. 3. per rationem, per quam concipiuntur rerum natura, 4. per intellectum, per quem percipiuntur spiritus creati. 5. Per intelligentiam, per quam percipitur spiritus increatus. 6. per sapientiam, per quam aperitur spiritualis gustus: & sequitur, sensus percipit, imaginatio repræsentat, ratio intelligit, intellectus iudicat, memoria seruat; intelligentia comprehendit, & ad contemplationem adducit; sed sapientia gustare potest, & sic ab inferioribus ad superiora fit ascensus, quia sensus externus percipit res corporeas, imaginatio est vis animæ, quæ rerum illarum similitudines recipit, & intellectui ministrat; Ratio est vis animæ, quæ rerum corporearum naturas, & formas modo incorporeo percipit abstrahens à corporeis, non actione, sed consideratione; & hæc ratio vera a falsis distinguit. Et hoc modo anima Deum cognoscere potest; illum meditatur, & meditando contemplatur, & sic eum amat. Intellectus est vis animæ, quæ inuisibilia percipit, sicut Angelus, & illa ad contemplationem cooperatur. Intellectus aliquando accipitur pro dono, & habitu primorum principiorum, & per istum veritates infallibiles cognoscuntur. Intelligentia est quædam vis clarior, qua Deus, quantum in via fieri potest, immediatè cognoscitur, & hic est quintus gradus ascendendi ad æterna. Sextu gradus est sapientia, idest sapor, & gustus visorum per intelligentiam, & sicut in illa visione est

Actus omnium potentiarum animæ.

Donum intellectus quid facit
Intelligentia quid facit.

est donum intellectus ; ita in eo gustu , & delectatione donum sapientie : Hæc S. Bonau. & sic patet , quod proprio exercitio , studio ac industria potest homo in contemplatione se exercere , & Deo dante ad perfectionem eius per præfatos gradus peruenire .

Idem S. Bonau. in contemplationis doctrina magister , non dedignatur aliorum Doctorum authoritatibus comprobare , quæ de ea docet . De 7. itiner. ætern. art. 4. ait , Per Origenem gradus ascendendi ad contemplationem plures sunt . Primus vita actiua , quia ex Greg. 1. 6. moral. qui arcem contemplationis ascendere desiderant , prius necesse est , vt in opere actionis perfectè se exerceant . 2. sensuum exteriorum retractio ad interiora , & collectio eorum in vnum , quia ex August. de vera Religione à temporalibus ad æterna regressio , est veteris hominis in nouum reformatio . 3. elongatio à phantasmatibus imaginatiuis ad spiritualia . 4. tollere impedimenta retardantia animam ad obiecta superiora tendentem , & ad diuinæ naturæ cognitionem ; quod licet sit præter rationem , non est tamen super eam . 5. Verus contemplator est , si sit super omnia intelligibilia in caligine ignorantie , & vnitur secundum Dionysium de mystica Theologia c. 1. incomprehensibilitati Dei , & excedit omnes cognitiones , & quasi à seipso segregatur , & per vniorem affectiua , & dilectionis vnitur Deo intellectualiter ignoto , cognitione multo maiori , quam sit intellectualis in eo quod intellectualem derelinquit , & super intellectum , & mentem Deum cognoscit . Hic vltimus gradus , vt in suo loco patebit , est contemplatio infusa , cæteri verò spectant ad acquisitam .

Origenes ex S. Bonau. loco cit. sic de gradibus loquitur . Contemplatorem verum ; & certum te iudico , si prius te perficiat actio ; si sensum ab exterioribus renoces ; si imaginabilia sælici motu pertranseas , si rationalia celeri motu curras ; si intelligibilia sælici , & illuminatiua fide

Gradus
in contem-
platione .

Aliud S.
Bon. arg.

Ex Orige-
ne , & S.
August.

Contem-
platio in-
fusa innui-
tur .

146 DE ORATIONE CONTEMPLATIVA

Origenis
discursus.

cognoscas, si in primo, vero, & summo bono intelligentiam, & voluntatem tuam ponas, sugens unde teneritudinem tuam nutrias, bibas unde gaudeas, haurias unde nunquam deficias. Hæc autem omnia hominis contemplantis viribus cum Dei auxilio, sicut cætera meritoria opera fieri possunt.

S. Thomæ
discursus

S. Tho. 2. 2. q. 189. art. 2. ad 3. dicit, magis acceptum est Deo, quod aliquis animam suam, & aliorum applicet contemplationi, quam actioni: & in resp. ad 1. dicit, signum expressionis charitatis in Christum est, quod aliquis prætermisiss omnibus, quæ ad hanc vitam (id est ætternam) pertinent soli diuinæ contemplationi vacare delectetur. Humana ergo ratione, cum Dei auxilio exercetur contemplatio, & non solum per infusionem supernaturalem, qua Deus abstrahit hominem à sensibilibus, & species intelligibiles diuinarum rerum speciali lumine infundit animæ, & detinet eam fixam in earum intuitu: hæc enim, ut mox dicam, est infusa contemplatio: At allati Doctores de hac hic non loquuntur; sed de ea, quæ fit, sicut cæteræ orationes.

Multa ex
S. Thomæ.

Discursus
à paritate
meditationis
acquisitæ.

Probari potest etiam à paritate; Meditatio acquisita dari potest, & de facto datur, ergo & contemplatio acquisita: antecedens à nemine negatur, omnes enim Religiosi; & Congregationes secularium meditationi vacant: conseq. prob. Quia, ut infra dicam, regulariter, & maximè in incipientibus actus contemplandi sequitur ad actum meditandi; ea ergo virtute, eoque spiritu, cum Dei auxilio fit vterque actus. v. g. quis legit punctum de Incarnatione filii Dei, meditatür illud, credens primò siue actualiter, siue virtualiter factum; discurret super illud, considerans, quis sit iste, qui incarnatus est: & ex eo quod sit Persona diuina considerat humilitatem eius charitatem in genus humanum, & finem propter quem.

quem facta est incarnatio, & alias circumstantias: hucusque meditatus est. Si tunc in veritate illa incarnationis iam meditata figit oculum mentis intuendo illam, cum suspensione omnis alterius actus, & cum admiratione magnitudinis facti illius veri, tunc contemplatur. Quis neget hoc fieri posse a meditante? & sic de alijs actibus contemplandi alia obiecta reuelata: ergo est acquisita.

Exemplū
clari m.
contem-
plandi.

Confir. ex singulari documento, & monitione Ioannis Gersonis inuitantis omnes, & præsertim Ecclesiasticos ad contemplationem. Is in tract. de contempl. c. 18. dicit. Non est dicendum, quod tendens ad finem contemplationis, hoc est amandum Deum summè ex toto corde, talis tendat nimis in altum, aut presumptuosè agat: Immo specialiter Ecclesiastici, & Religiosi, quorum vita ad hoc ordinata est, omninò se dare debent ad vitam hanc, quam ad aliam. Similiter, & Clerici, præcipuèque Theologi; aut certò eorum scientia non iam eis auxiliabitur, sed iam inde instabuntur, efficiunturque vani, vacui, & superbi. Ergo contemplatio aliqua est virtus acquisibilis, alioquin frustra ad eam hortaretur Gerson.

Arg. Ger-
sonis.

Omnes in-
uitantur.
ad contē-
plandum.

Validum
argum.

Præterea ex modo introducendi, & exercendi se in contemplatione, quem docet S. Bonau. in stim. diuini amoris par. 2. cap. 7. clarè patet dari contemplationem acquisitam, quæ scilicet humano modo, studio, ac diligentia, sicut cætera opera bona, & virtutum, cum Dei auxilio fieri potest, & sic ait. Qui vult cum actiua contemplatiuam vitam habere, ut suum Dominum in omnibus contempletur, videtur mihi, quod via sit brevis, & bona, videlicet, ut se totum recolligens intret ad cor suum, & intima cordis ingrediens se resoluat in Deum, ut nihil nec videat, nec sentiat nisi Deum &c.

Ex docu-
mento ac-
quirendi
eam per
S. Bonau.

Possent alijs pluribus exemplis comprobari, quod præter contemplationem infusam pure supernatura-

148 DE ORATIONE CONTEMPLATIVA

Acquisita
contem-
platio eui-
denter cō-
cluditur.

A paritate
Philoso-
phorum.

Argum. ex
Philoso-
phis sum-
ptum.

A parita-
te fidei,
spei, cha-
ritatis.

Dionis.
Cartus. ac-
quisita m-
fatetur.

lem, vt postea dicam, detur etiam acquisita, vulgò dicta naturalis, si sedulò consideretur, quid sit, & quòd non est aliquid supra vires humanas, Dei auxilio adiutas. Philosophi per vires purè naturales ab effectu peruenerunt ad cognitionem primæ causæ, quæ Deus est, eumque, & eius prædicata, quantum potuerunt conicere, contemplati sunt, idest sine vltiori discursu aciem mentis cum aliorum actuum suspensione, & admiratione in eis fixerunt; Quare non poterit Christianus Catholicus sciens, & credens per fidem ipsum Deum, eiusque mirabilia, prædicata, & attributa figere in eis aciem mentis intuendo illa cum suspensione aliorum actuum, & admiratione, atque affectu in ea? hæc autem est vera, & acquisita contemplatio.

2. Potest Catholicus Dei auxilio credere omnia reuelata, & in actibus credendi se exercere; potest actus Charitatis, & Spei Theologicæ elicere, & eos frequentare; qui tamen difficiliore sunt, quia inuisa sunt obiecta, & supra naturæ vires: quare iis obiectis cognitis, creditis, dilectis, & speratis, vt veris, & bonis, non poterit intellectus in eorum consideratione admirando sistere? certè non video cur hoc sit negandum.

Adde, quòd Dionisius Cart. de fonte Lucis c. 8. ait, *contemplationi acquisitæ in animabus purgatis regulariter ex Dei fauore succedit infusa, in qua consistit sælicitas, quæ in hac vita haberi potest de cognitione Dei.*

Tandem concluditur dari contemplationem acquisitam, & communem omnibus ex duplici praxi, prima est, quia multi in actibus contemplationis se exercent, qui sunt de communi hominum genere, non solitarij, non silentiarij, non purgati à passionibus, nec remoti a sæculi negotijs, nec cætera habent, quæ

quę dicemus requiri à contemplatione infusa. Secunda praxis est, quod sancti, & docti tradunt regulas (vt infra) de acquirenda, & exercenda contemplatione proprio studio, & labore, quę regulę non dantur pro infusa, quę à solo Deo pendet; sed narrantur tantum ea, quę tales contemplatiui dicunt, se obtinere, ac pati.

CAP. XI.

Que differentia sit inter contemplationem acquisitam, & infusam.

ADuerto, quod de contemplatione infusa erit speciale opusculum, in quo quantum ex Authoribus practicis colligere potui, distincte loquar. Nunc autem aliqua tantum obiter de ea dicam, vt magis innotescant, quę in præcedenti de acquisita dicta sunt: ideò earum convenientias, & in quibus, ac earum differentias, & in quibus sint, adducam.

Dico 1. conueniunt in hoc, quod vtrique est simplex intuitus intellectus sine discursu, adeò vt vtrique cum suspensione actuum aliarum potentiarum sit fixa, cum stupore, & admiratione cognitio; licet cum maiori distractione, & alienatione à sensibus infusa.

Dico 2. Conueniunt in eisdem obiectis; vtrique enim tendit in Deum, ac diuina principaliter, & in omnia alia à Deo reuelata minus principaliter, cum ordine tamen ad Deum, vt infra de obiecto acquisitę dicam.

Dico 3. Conueniunt in medijs, quia vtrique per species intelligibiles, & sepe etiam per imaginabiles cognoscit, seu intuetur ea, quę in eis representantur; quia

Ex facto,
& praxi
concludi-
tur dari ac-
quisitam
contem-
plationem

De infusa
erit specia-
le opuscu-
lum.

Inter ac-
quisitam,
& infusam
prima cõ-
uenientia
sine dis-
cursu.

Conueniẽ-
tia secun-
da de eis-
dem obie-
ctis.

150 DE ORATIONE CONTEMPLATIVA

3. In me-
diis con-
ueniunt.

4. In qui-
busdam
principiis
conueni-
tur.

Differen-
tiæ inter
eas multæ
sunt.

Prima ex
parte su-
biecti, seu
dispositio-
num.

Plures pro
infusa.

quia potest quis contemplari etiam corporalia per species vtriusque generis.

Dico 4. Conueniunt in aliquibus principiis, vt in intellectu intuen- te; & voluntate affecta, seu aman- te; in auxilijs supernaturalibus, sine quibus nullum opus bonum fieri potest, quod sit fructuosum, & meritorium; licet maiora requirantur in infusa, & supernaturali.

Differentiæ autem, quæ inter istas contemplatio- nes assignantur, multæ sunt, vt patebit, cùm de infusa loquar; aliquas tamen pro nunc afferam.

Prima differentia est ex parte subiecti, seu dispo- sitionum eius; quia pro acquisita, & communi con- templatione fructuosa, sufficiunt illæ mer dispositio- nes, quæ requiruntur pro meditatione fructuosa, sci- licet, vt sit homo capax, instructus de natura, & qualitatibus contemplationis, & sit in statu gratiæ, idest, quod examinata conscientia cognoscat se non habere mortale peccatum. At pro infusa hæc dispo- sitio non sufficit; sed requiritur regulariter, vt per viâ purgatiuam per multum tempus transferit, per vir- tutes morales refrenauerit passionem, secularia ne- gotia deseruerit, concupiscentias omnes carnalium, seu corporalium, nec non etiam spiritualium ambi- tionis, honoris, famæ, & gloriæ omnino abiecerit, & cætera plura, vt in proprio loco de via purgatiua dicam, expleuerit; & silentio, ac solitudini se dederit.

Secunda differentia est, quod contemplatio com- munis, & acquisita regulariter post meditationem fit, & rarò sine illa exceptis exercitatis in ea, qui appre- henso obiecto reuelato, & supposita fide actuali, vel saltem virtuali de illo, possunt actum contemplatio- nis elicere. At non sic infusa; quamuis enim ali- quando habeatur cum meditatione præuia, regula- riter

riter sine illa accidit, apprehenso nempe revelato obiecto intellectus statim figit in eo aciem mentis, illud cum admiratione, & aliorum actuum suspensio-
ne intuendo.

Tertia differentia est, quia in acquisita, & communi, contemplaturus est diuino adiutus auxilio; sicut in meditatione, & alijs bonis operibus, proprio labore distrahit se ab exteriorum cogitatione, & à speciebus; seu phantasmatibus aliarum rerum, & figit mentem in obiecto, quod meditatus est, vel tunc, vel aliàs, vt dixi de exercitatis: Non sic in supernaturali, ac infusa contemplatione, quia statim ac contemplaturus vult se ad contemplationem applicare, apprehenso obiecto aliquo revelato, Deus eum abstrahit ab omnium exteriorum, & interiorum consideratione, subtrahens concursum inferioribus potentijs, ne perturbent; & adiuuat intellectum, vt intuitum figat, et firmet in cognitione illius veri reuelati, et eo detinetur, et non perturbatur ab aliquo creato.

Quarta differentia, quia in acquisita, et communi lumen supernaturale fidei cum auxilio actuali sicut in actu fidei, et meditatione sufficit. At in supernaturali, et infusa lumen maius Deus infundit, et ira magnum, vt excedat vim intellectus, et quasi obfuscet illum, et ideo à mysticis vocatur *caligo*, & *tenebra*.

Quinta differentia est, quòd in acquisita, et communi, lumen fidei, vt dixi, et auxilium diuinum requiritur; at nullum donum Spiritus Sancti regulariter infunditur, quia tales contemplatiui non perfectè purgati, non sunt effecti spirituales: idest à terrenis totaliter alieni. At cum infusa Deus antecederet concedit contemplatiuo duo dona Spiritus San-

1. Quia sine
meditatione
potest haberi

2. quia à
Deo fit di-
tractio immedia-
te.

4. ob ma-
iora auxi-
lia diuina
& lumen
maius,

5. ob dona
Spiritus
Sancti.

152 DE ORATIONE CONTEMPLATIVA

Sancti, scilicet donum intellectus ipsi intellectui, per quod clarè, et distinctè cognoscit obiecta, quæ contemplatur, et donum sapientiæ, idest saporis, ac dulcedinis voluntati, quo illa obiecta, et Deum in illis saporosè, ac dulciter amat.

6. quia statim, & fortior est intuitus.

Sexta differentia est, quia per acquisitam lentè, et cum aliquo labore per meditationem peruenitur ad intuitum veritatis; per infusam vero fortiter, et statim intellectus eam intuetur.

7. Alienatio ascensibus.

Septima differentia, quia per acquisitam incipientes non alienantur à sensibus, patientes extasim, seu raptum, et proficientes aliquando; at per infusam sæpè.

8. Ob plura obiecta

Octava differentia; quia per acquisitam non videntur, aut cognoscuntur aliæ veritates, nisi illæ, quæ assumuntur ad meditandum, et contemplandum. At per infusam videntur aliæ, vel circa obiecta assumpta, tamquam eis annexæ, vel etiam diuersæ de alijs obiectis, quas Deus contemplantibus, demonstrat.

9. quia proxima vnioni cū Deo.

Nona differentia est, quia acquisita valdè remota est ab vnione, seu osculo Dei, in quo consistit perfecta foelicitas, quæ potest in hac vita mortali communicari hominibus à Deo. At infusa est valdè proxima ad eam, & qui dono infusæ contemplationis potiuntur regulariter donum obtinent vnionis. Nam, vt dicam in proprio loco, ad montem perfectionis in hac vita per hos gradus, & per hæc itinera peruenitur, per viam scilicet purgatiuam, per illuminatiuam, idest contemplatiuam, & per vnitiuam; & hîc datur status: de his omnibus loquar in suo loco.

Decima differentia, quia per acquisitam, vt experiuntur incipientes, immò & proficientes, non statim

tim

tim sentitur dulcedo, sapor, ac suauitas, sed potius molestia, & amaritudo, ac repugnantia sensus, eo quia in eis adhuc non sunt frenatę passionēs. At in infusa sentitur sapor de Deo, dulcedo, & suauitas statim.

Vndecima differentia; quia acquisitā multi possunt adipisci, si de ea instruantur, licet pauci proficiant; At infusa paucissimis, ac raris, & perfectissimis hominibus à Deo conceditur.

Duodecima differentia est; quia in acquisita, & communi contemplans non ita supra se, & extra se sit, vt non cognoscat se, & reflectat in id, quod facit. At in infusa (vt ipsi contemplatiui testantur) contemplans ita est extra se, & supra se actus, vt nec se, nec aliud cognoscat, sed in solum obiectum, quod contemplatur firmiter, & fixè intendat.

Decimatertia differentia est, quia post contemplationem acquisitam, contemplans potest distinctè, & absque difficultate narrare, & quod intuitus est, & modum, omnesque circumstantias rei cognitare, & modi cognoscendi, sicut potest etiam meditantis. At infusa non sic; quia vt testantur, & in suo loco referentur, B. Angela de Fulginio, Sancta Theresia, S. Petrus de Alcantara, & B. Ioannes de Cruce, postquam quis ab actu contemplandi redit ad se, non potest clarè, ac distinctè referre, nec quæ intuitus est, nec modum intuendi, in quo, & per quid; sed dicit se nescire explicare quid actum sit; & referunt eorum verba, quibus difficultatem, & stuporem explicant, & aliquid in confuso referunt; quia reuera dicunt ineffabilia esse, & imperceptibilia.

Alias plurimas differentias (& maximè effectuum) contemplationis infusæ ab acquisita nunc omitto, quia oporteret totum tractatum de ea hic inserere,

X. Quia dulcedinem, & suauitatem cau sat.

XI. Quia rari obtrinent ob excellentiam.

XII. Quia eleuat hominem supra se, vt se non cognoscat.

XIII. Quia cognita vix narrari possunt.

Sic referunt tales contemplatiui.

Alie plures addentur differentie in suo loco.

154 DE ORATIONE CONTEMPLATIVA
& ostendere plurima, & innumera bona infusæ con-
templationis: Sed differentiæ allatæ pro nunc suffi-
ciant, vt firmetur, valdè diuersas esse inter se harum
contemplationum species.

C A P. XII.

*An Actus contemplandi necessariò præquirat
meditationem.*

Sensus que-
riti duplex

Aduerte quæsitum hoc habere duplicem sensum
Primus est, an omnis homo, qui vult vacare
contemplationi; & vitam, vt dicunt, contemplatiuam
ducere, debeat prius se in meditatione exercere. Se-
cundus sensus est, an quoties quis vult actum con-
templationis exercere, debeat prius meditari illud
obiectum, quod vult contemplari.

Quando
est inci-
piendum
à medita-
tione.

Adu. 2. quod vel sermo est de incipientibus vitam
contemplatiuam, vel de proficientibus, aut perfectis
in contemplatiua acquisita, id est habitatis in ea. Et
de his diuersimodè est loquendum.

Incipienti-
bus est ne-
cessaria
meditatio

Dico 1. Pro incipientibus vitam contemplatiuam
regulariter est necessarium exercitium meditationis.

Sic docet
S. Bernard

Prob. S. Bernardus de Scala Claustali, siue modo oran-
di assignat quatuor gradus, per quos peruenitur ad
dulcedinem gaudiorum in hac vita, scilicet, *lecturam,*
meditationem, orationem, & contemplationem: deinde de-
clarat omnium harum operationum munera: Igitur
à meditatione transeundum est ad contemplatio-
nem. Et in §. Officia circa medium inquit. *Hi autem gra-*
di ita concatenati sunt, & vicaria ope sibi inuicem deser-
uiunt, quod præcedentes sine sequentibus, aut parum, aut ni-
hil possunt; sequentes verò sine præcedentibus, aut raro, aut
nunquam haberi possunt.

S. Bo-

S. Bonau. in titulo *Paruum bonum particula 3.* inquit, *Per meditationem ascenditur ad contemplationem* : idem dicit in *Stimulo amoris par. 2. c. 7.* & ideo semper ad meditationem hortabatur, & composuit integrum, & copiosum librum *de medit. vite Christi*, ut meditatores ad contemplationem, ac dilectionem Dei, & ad unionem cum eo disponeretur.

Idem S. Doctor in tract. *de 7. itiner. eternitatis* sæpius sine de hoc transitu meditationis in contemplationem loquitur, & præcipue in 2. itinere dist. 6. in fine, ubi ex Riccardo, atque Hugone ait, ecce iam studiosa meditatio in tantum se excreuit, & perfecit, quod in contemplationem transiit. Et post aliqua, ex Riccardo ait, *Veritatem diu quasitam, & inuentam tandem, mens solet cum aniditate suspicere, mirarique cum exultatione, eiusdem quoque admirationi diutius inhaerere, & hoc est, iam meditando meditationem excedere, & per meditationem in contemplationem transire* : & post ait S. B. ex his apparere potest, quomodo spiritus humanus per meditationem eternorum à temporalibus recedit, & eternis inhaeret, ut dicat cū Apostolo, *nostra conuersatio in Cælis est*.

In sequenti 7. distine. dicit, *Videndum est, qualiter spiritus humanus ad veniendum per iter studiosæ meditationis ad intrinsecum, & æternum Domini Iesu secretum ab ipso dulciter inuitatur, dicens sponsa, surge, propera amica mea, columba mea, formosa mea, & veni.* Et infra ait, *Meditationis enim sedula exercitatio circa æterna, mentem purificat à temporalibus abstrahendo, eam pulchrificat, & formosam facit ad æterna extendendo.* Et post multa dicit, *aqua Sapientia salutis aduenit, quæ iter nostræ meditationis ab æternis non impedit; sed promouet, dirigit, & proficit, ideo dicit veni: Nam aqua estualis, id est sapientia spiritum tuum in meditationibus ad veniendum ad meam æternitatem sursum erigit, ad meam æternitatem salire facit, ad meam æternitatem introducit.*

Idem dicit
S. Bonau.

Expressa
eius, & a
liorum D.
D. mens,
quod à me
ditatione
incipitur.

Sæpè id re
plicat S.
Bonau.

Meditatio
nem exal
tat S. Bon.

156 DE ORATIONE CONTEMPLATIVA

Meditatio
disponit
ad contem-
plationē.

Ratio S.
Bon. cur
meditatio
debet præ-
cedere cō-
templatio-
nem.

Meditatio
termina-
tur, & trā-
sit in con-
templatio-
nem.

Quod verò meditationis præfatum exercitium disponat ad contemplationem, idem Seraphicus Doctor immediate confirmat in sequenti tertio aternitatis itinere dicens, *Tertium iter aternitatis, per quod spiritus humanus venit ad intrinsecum, & æternum manerium Iesu, est æternorum limpida contemplatio.* Et statim inquit quæ sit contemplationis necessitas, & quare hoc iter sequatur immediate meditationem; & hanc assignat rationem, sic. *Cum meditatio æternorum sit quadam inuestigatio, & inquisitio cum magna animi industria veritatis æternorum, nec ab inquisitione desistat, donec inuenit, & quod querit quantum potest; planum est, quod spiritus humanus per ipsam meditationem in æternis non figitur, nec quietatur, donec per contemplationem ei ostendatur, quod per meditationem quærebatur, sed quam citò quæsitum inuenitur, & spiritus illi quasi acquiescendo cum admiratione inherere cæperit, tam citò meditatio esse desinit, & in contemplationem transiit; & postquam Riccardi sententiam conformem retulit, sic subdit. Ex his igitur patere potest istius itineris necessitas, quia motus, & inuestigatio meditationis imperfectus, & minus utilis permaneret sine termino, & quiete contemplationis, cum meditatio terminetur, & transeat in contemplationem, tamquam in illud, quod perfectius est. Ex his etiam patet ordo istius itineris contemplationis ad iter meditationis, ex quo studio meditationis spiritus humanus surgit ad iter contemplationis, & per veritatis contemplationem homo conuertitur ad iustitiam, & confirmatur ad gloriam; hæc S. Bonau.*

Riccard. à S. Victore relatus ibi à S. Bonau. sic ait in lib. 1. de arca mystica c. 4. *Per meditationem, diu quæsitam veritatem, tandemque inuentam mens solet cum auditate suscipere, mirari cum exultatione, eiusdem quoque admiratione diuinis inherere. Et hoc est meditationem meditando excedere, & per meditationem in contemplationem transire.*

re. Proprium est enim contemplationi iucunditatis suae spectaculo cum admiratione inherere. Meditationi verò proprium est sua promotione semper in ulteriora tendere.

Riccardi
sententia
circa hoc.

Ex modernis, qui factō, & scripto de contemplatione multa docuit P. Philippus de SS. Trinitate Carmelita Discalceatus de myst. Theol. tract. 1. disc. 4. art. 9. postquam complura beneficia diuina meditatio retulit, in calce dicit; Prædictis harum omnium meditationum notitijs debet occupari memoria saltem in principio conuersionis, ut alijs nociuis, & inutilibus superius expressis euacuata, ac penitus liberata, soli Deo vacare possit, & ad contemplationem hac purgatione memoria valeat disponi: hæc ille.

P. Philippus
de SS.
Trinit.

Dico secundò, In perfectis meditatiuis, & proficientibus contemplatiuis, aut infusa contemplatione pollentibus, non in omni actu contemplandi requiritur antecedens meditatio; sed sola veri reuelati obiecti reminiscētia dici poterit meditationis actus.

In perfectis
non
semper
meditatio
prærequiritur.

Declaratur, & prob. prima pars. Perfectus meditatiuis id est ex frequentatione meditandi, in meditatione habituatus, & aliquantulum in contemplatione post meditationem exercitatus, dum ex lectione etiam accidentaria alicuius libri, vel auditione alterius legentis, concionantis, vel familiariter loquentis, audit rem aliquam, vel dictum, quod aliàs meditatus est, & contemplatus: poterit sine aliquo discursu, seu meditatione in re illa mentis oculum figere, & cum admiratione verum illud intueri. In omni enim professione exercitatus hoc accidit, ut de rebus aliàs discursus recordentur, & sine alio circa eas discursu in earum consideratione ab omni alia cogitatione distracti, sistant.

Quando
non est
necesse
eam
præmittere.

Ita in casu v. g. quis est assuetus meditati mysterium Trinitatis, vel Incarnationis, vel aliquid aliud
simi-

158 DE ORATIONE CONTEMPLATIVA

Exemplificatur.

Quomodo sine actuali meditatione quis possit contemplari.

Qui infusa pollent contemplatione facilius sine meditatione contemplantur.

Contemplatiuis incipientibus necessaria meditatio

Proficientibus etiam, & perfectis in acquisita.

simile, & contemplari illa; post longum exercitium in eiusmodi actibus, interdum ex casu legens aliquem librum, vel audiens aliquem de aliquo ex ijs mysterijs loquentem, vel de eo reminiscens, fieri potest, vt sine vlllo discursu, aut meditatione circa illud, hoc fiat sibi ita præsens, manifestum, ac si tunc fuisset meditatus ipsum; & sic in intuitu eius cum admiratione sistat, & de eo delectetur, atque in ipsum amore afficiatur. Hęc meo videri, clara & facilia, sunt; & ita sine meditatione in habituatīs accidere potest contemplatio.

De ijs tandem, qui dono infusæ contemplationis potiuntur, facilius probatur, quod sine præuia meditatione, accidere potest contemplatio; quia cum se exponunt ad orandum, & meditandum præuia lectione alicuius puncti, vel recordatione illius, Deus sepè illos rapit à lectione, vel recordatione, & per speciem à se infusam, vel alio modo, vt in suo loco dicam, facit, vt intellectus illorum sistat in intuitu obiecti per eam speciem representati cum suspensione actuum sensuum, & cum admiratione, delectatione, & amore.

At existimo in incipientibus semper esse necessariam meditationem, cum quis contemplari vult, ex rationibus allatis S. Bernardi, ac S. Bonni.

Existimo pariter etiam proficientibus, & perfectis in contemplatione acquisita, necessariam esse meditationem regulariter, vt considerato obiecto meditando, eoque discusso, & credito, transiri possit ad contemplationem illius: ratio est; quia intellectus, aliæque potentie inferiores ab externis sensibilibus, & humanis necessitatibus continuò occupatę, non facile obtinent hoc, vt ipsis vel in phantasia per speciem sensibilem, ac imaginariam, vel in

in-

intellectu per speciem intelligibilem, vel in vtriusque appareat obiectum aliquod aliàs meditaturn, creditum, & contemplatum cum tanta distinctione, claritate, & energia, seu efficacia, cum quanta apparuit in meditationibus, & contemplationibus illius, aliàs de eo habitis, vt potest quisque in se experiri de alijs rebus aliàs frequenter, & cum magna applicatione cogitatis. Ideò necesse est, vt volens contemplari aliquod mysterium, se internè recolligat, illud meditetur discurrendo super omnes eius partes, & circumstantias; deinde aeiem mentis in illo figat, cum aliarum potentiarum suspensione ac admiratione, affectu, & dilectione.

Et sic via ordinaria in acquisita contemplatione procedendum est, nisi Deus aliter de contemplante disponat, vt supra dixi, eum praeueniendo.

Immò de pollente infusa contemplatione idem dicerem, vt scilicet accingens se contemplationi, sicut de more facere solet statutis horis, praeuia consueta inuocatione Spiritus Sancti, &c. legat punctum, & meditetur, vt transire possit ad contemplationem; ne videatur tentare Deum, expectans, vt ipsum abstraat, rapiat, supernaturali modo rem contemplandam ostendat, ipso nihil agente. Nam aliquando, & pluries, Deus contemplantes non rapit, nec distrahit, aut alienat à sensibus, sicut saepe facit, sed permittit, vt suo labore, studio, & industria id faciant; & propterea debent se disponere ad contemplationem, meditando, vt si nolit Deus distrahere, rapere, ac modo supernaturali non procedere tunc cum illis; vacui non remanent, et praesumptuosi iudicentur, expectantes raptum, & supernaturalem Dei motum, quasi esset ei debitus.

CAP.

Ratio eu-
iens cur
er iam pro
ficientibus
lic necessa-
ria medi-
tatio.

Regulariter per me-
ditationem
transitur
ad contem-
plationem

Contem-
plationis
habens in-
fusam à
meditatio-
ne quoque
incipiat

Ne tene-
tur Deus.

CAP XIII.

*Quodnam sit Contemplationis acquisita obiectum.*Sensus
quæritur.Quid
nomi-
ne obiecti
venit.Omnia di-
vina sunt
primariū
obiectum
contem-
plationis.Omnes ita
docent, &
quare.

S. Bernard

s. Greg
Mag.

ADu. quòd nomine obiecti contemplationis intelligitur materia, seu id, quod contemplandum est. Et nota, quòd aliud est loqui de eo, quod contemplandum est, aliud verò de medio, in quo representatur, seu apparet, atque cognoscitur id, quod quis contemplatur. De hoc secundo postea loquar, nunc verò de primo; & sensus est, an solus Deus idest Sanctissima Trinitas, Personæ, prædicata, & attributa diuina sint obiecta, seu materia contemplationis; an etiam aliæ res, & quæ, num etiam corporales.

Dico 1. Deus, idest Sanctissima Trinitas, omnes Personæ diuinæ, & omnia essentialia Dei prædicata seu perfectiones, sunt primarium obiectum contemplationis, etiam acquisitæ.

Omnes Mystici, nemine excepto in hoc conueniunt; tum quia omnium operationum sanctarum finis, est Sanctissima Trinitas cum suis perfectionibus; tum etiam, quia contemplatio Beatorum in Patria, quæ succedit contemplationi viæ, & vt ait Greg. *hic inchoatur, ibi perficitur*, habet pro obiecto primario Sanctissimam Trinitatem cum suis prædicatis, & perfectionibus, ergo etiam contemplatio viæ.

S. Bernardus *homil. infra oct. Epiph.* dicit obiecta contemplanda, esse Deum, Dei essentiam, Potentiam, Sapientiam, Bonitatem, Iustitiam, Misericordiam, &c.

S. Greg. *lib. 6 Moral. c. 8.* ait in contemplatione principium, quod est Deus, quæritur.

S. Thom. 2.2 q. 180. art. 4. idem prorsus docet, &

cx

ex Augustino in lib. 1. de Trin. cap. 8. comprobatur, eo quod in Patria hoc est obiectum principale, ac primarium illius æternæ, ac lætissimæ contempl.

S. Bonau. sepissimè id docet, de 7. itiner. ætern. de paruo bono, de stimulo diuini amoris, &c. neque de hoc est difficultas, quia Deus est vltimus finis, & vltimus terminus orationis, quæ essentialiter est ascensio mentis ad Deum, seu, vt dicit S. Basilius, est collocutio hominis cum Deo, & ascensio mentis ad eum.

Dico 2. Primum obiectum post Sanctissimam Trinitatem, quod contemplari potest, ac debet, est Christus vt homo Deus, eius vita, operationes, passio, & mors.

Prob. S. Bernardus de Vita solitaria enixè hortatur fideles ad meditationem, & contemplationem Christi, ac vitæ, & mortis eius. Sittibi semper Iesus in corde; & numquam imago Crucifixi ab animo tuo recedat. Hic tibi sit cibus, & potus, dulcedo, & consolatio mel tui, & desiderium tuum, lectio, tua, & meditatio tua; oratio tua, & contemplatio tua; mors, vita, & resurrectio tua.

S. Thom. 2. 2. q. 82. art. 3. ad 2. ait, ea quæ sunt diuinitatis, sunt secundum se maximè excitantia dilectionem, & per consequens deuotionem, quia Deus est super omnia diligendus: sed ex debilitate mentis humanæ est, quod sicut indiget manu ductione ad cognitionem diuinorum, ita ad dilectionem per aliqua sensibilia nobis nota, inter quæ præcipuum est humanitas Christi, secundum quod in præfatione dicitur, vt dum visibiliter Deum cognoscimus, per hunc in inuisibilem amorem rapiamur. Et ideo ea quæ pertinent ad Christi humanitatem per modum cuiusdam manu ductionis, maximè deuotionem excitant, cum tamen deuotio principaliter circa ea, quæ sunt diuinitatis, consistat.

S. Bon. in tract. de medit. Vitæ Christi cap. 50. quod prætitulat de tribus generibus contemplationis, ait, scire

S. Tho.

S. Bonau.

Christus, & eius opera sunt obiectum contemplationis.

S. Bernard

S. Thom.

Optima S. Thom. ratio.

162 DE ORATIONE CONTEMPLATIVA

S. Bonau.
sententia

Diuerſa o-
biecta di-
uerſis con-
templan-
tium gra-
dibus affi-
gnat San-
Bonau.

Pluries id
docet de
Chriſto
Domino.

S. Bonau.

Iterum S.
Bonau.

3. S. Bonau

Creatu-
ra
quomodo
ſunt obie-
ctum con-
templa-
tionis.

debes contemplationis tria eſſe genera, duo principalia pro-
pter perfectos, tertium additur pro imperfectis. Duo perfe-
ctorum ſunt contemplatio Maieſtatis Dei, & curiæ celeſtis.
Tertium pro incipientibus, & imperfectis eſt contemplatio
humanitatis Chriſti. Et ideò ab hac tibi incipiendum eſt, ſi
vis aſcendere ad maiora, aliàs non tam aſcendere, quàm re-
uertì poſſes. Numquam enim ad ſublimia Dei mente eleuare
te poſſe conſidas, niſi in hac te diligenter, & longo tempore
exerceas: & diffuſè diſcurrit de duobus primis generi-
bus; & in cap. 51. quod eſt de contemplatione humani-
tatis Chriſti, prolixe de ea diſcurrit. in cap. 52. de con-
templatione celeſtis curiæ, in c. 5. de Contempl. Maieſtatis
Dei. Omnia ergo ad Chriſtum ſpectantia ſunt con-
templationis obiecta.

Idem S. Bonau. in ſtimulo amoris cap. 1. inquit, ò ce-
citas filiorum Dei, per vulnera Chriſti neſciunt ad Deum
introire. Si benè paſſionem Domini fueris meditatus, & mul-
tùm intraueris latus eius, citò peruenies ad cor eius. Qui
cumque enim ad contemplationis quietem, niſi per illud o-
ſtium intrare voluerit, furem ſe reputet, ac latronem.

Idem in Theol. myſt. cap. 3. ait, latus ſuum ſanctiſſimum
ferro lanceæ aperiri voluit, vt non niſi per plagas mens proſi-
cientis in intimis diuinitatis radicetur.

In tit. Paruum bonum particula tertia inquit, Vita, &
paſſio Chriſti ſunt contemplanda.

Dico 3. Omnes creaturæ, vt important reſpectum
ad Deum, poſſunt eſſe obiectum contemplationis
religioſæ.

Declaratur, & probatur; omnis oratio eſt aſcen-
ſio mentis ad Deum, vt ſepe diximus, ſeu collo-
cutione cum Deo, vt ait S. Baſilius, ergo cum contem-
platio ſit perfectiſſima oratio, & collocutio cum
Deo, ſi aliquid intuetur, eatenus eſt contemplatio,
quatenus aliquo modo reſpicit Deum: ſed per crea-
tura.

turarum considerationem Deus considerari potest ; nam ex Roman. 1. Inuisibilia Dei à creatura mundi per ea quæ facta sunt intellecta conspiciuntur , sempiterna quoque eius virtus , & diuinitas : Et quia supposita fide creationis , & conseruationis omnium creaturarum , & concursus Dei ad omnes operationes omnium creaturarum rationalium , & irrationalium , ac etiam vegetabilium potest fidelis in cuiuslibet horum operum consideratione Dei potentiam , ac sapientiam considerare ; ex hac oratione , & cum hac relatione ad Dei potentiam , & sapientiam euadunt obiecta contemplationis religiosæ , quæ Deum respicit , ac diuinas perfectiones .

Ex his manifestum est , quod loquendo de omnibus rebus extra Deum in ordine naturæ , supposita fide , quod à Deo sint , esse possunt contemplationis materia ; & ita incipiendo ab initio mundi , à primo capite Genesis per totum Pentatheueum , & proseguendo per omnes libros historiales canonicos ; omnia facta , & dicta , quæ in eis narrantur etiam si ordinis naturæ sint , & mere geneologica , considerata , vt à Dei sapientia , & potentia , ac prouidentia proueniunt ; materia , & obiecta contemplationis esse possunt : omne ergo punctum , seu omnis veritas reuelata in Sacra Scriptura pertinens ad ordinem naturæ cadere potest sub contemplationis obiecto ; & sic creatio mundi , Cælorum , elementorum , mixtorum , hominis , &c. & omnia alia historica naturalia in toto Veteri Testamento , cum relatione illa ad Deum , vt facientem , conseruantem , & quo ad modum eius potentie , ac sapientiæ congruentem , sunt obiecta contemplationis .

Dico 4. Omnia creata in ordine gratiæ considerata cum ordine , & relatione ad Deum , vt efficien-

X 2 tem,

Ratio ex
Apoilolo.

Per Crea-
turas co-
gnoscitur
Deus.

Quomo-
do hoc fiat

Corolla-
rium no-
tandum.

Omnia à
Deo facta
ab initio
mundi vsq;
nunc sunt
contem-
plationis
obiecta .

Etiā ,
quæ sunt
ordinis na-
turæ .

164 DE ORATIONE CONTEMPLATIVA

Omnia or
dinis gra
tia sunt
obiecta
contem
plationis.

Quomo.
do opera
gratia sint
contem
plationis
obiectum

Incarna
tio est pri
mum opus
gratia con
templan
dum, &
omnia
Christi do
na, & ope
ra.

Omnia
Christi do
na, & ope
ra sunt co
templatio
nis obie
cta.

Omnia
prodigia
& miracu
la à Deo
facta.

tem, sapientem, misericordem, benignum, &c. sunt obiecta contemplationis religiosæ. Sic dico ad differentiam philosophicæ.

Declaratur, & probatur facile: Omnia ista habent formale obiectum contemplationis, nempe diuinitatem, eiusque prædicata in eis relucet; in operibus enim gratiæ maximè Deus relucet: *nam gratiam & gloriam dabit Dominus psal. 83.* Etsi enim circa opera naturæ delirarunt Philosophi, opera tamen gratiæ suis speculationibus attingere non potuerunt, ideò in eis omninò ignari dormierunt. Ac propterea supposita fide operum gratiæ, non potest aliquis nisi explicito ad Deum gratificantem respectu, aliquod eorum considerare, & sic Deum in opere illo intueri.

Primum autem opus tam respectu efficientis, quàm respectu finis termini, & effectuum, est opus incarnationis; item omnia dona supernaturalia Christi animæ collata, lumen gloriæ, summa gratia, omnia dona Spiritus Sancti, omnes gratiæ gratis datae, eius beatitudo à primo instanti creationis animæ, &c. immò omnia eius opera supernaturalia, & miraculosa, quia à Christo homine Deo fiebant, & ideò theandrica dicta ratione efficientis, ad ordinem gratiæ spectant; & propterea legimus in multis leuasse oculos ad Cælum, & gratias Deo egisse, quia eum semper audiebat.

Præterea omnia miracula, prodigia, portenta, aliaque supra naturæ ordinem à Deo patrata, vel immediatè, vel per Angelos, aut homines in Sacra Scriptura relata, sunt materia, seu obiecta contemplationis: et in his omnibus contemplatiui exercentur.

Dico 5. Quatuor nouissima, vt Deum respiciunt, quod

quodlibet in suo ordine, sunt materia, seu obiecta contemplationis Religiosæ.

Declaratur, et probatur. Nouissimum Gloriæ ex natura sua includit actus videndi Deum, ac illo fruendi, et ipsum Deum vt obiectum. Nouissimum Mortis respicit Deum, vt Authorem vitæ, ac mortis. Nouissimum Iudicii respicit Deum, vt iustum, et severum iudicem. Nouissimum Inferni respicit Deum, vt exigentem poenas pro delictis. Ad hoc etiam caput reduci potest Purgatorium, licet poenæ sint temporales. Cum ergo hæc omnia sint materia ascendendi ad Deum, eumque considerandi ac intuenti sub ratione iusti remuneratoris, quoad præmia, et supplicia, omnia possunt esse contemplationis obiecta.

Dico 6. Omnia reuelata in vtroque Testamento, quocumque modo respicientia Deum, esse possunt contemplationis materia seu obiecta.

Prob. et declaratur. Nihil eis deficit, quin talia sint, nam reuelata, et ideo credita, quod est cuiuslibet meditationis, et contemplationis fundamentum. Deus in eis inuoluitur, velut finis: quodlibet horum est quid diuinum; ideoque contemplabile.

Dico 7. Septem Sacramenta sunt cōtemplationis materia, seu obiecta, et ex S. Bonauentura tota Ecclesia est contemplationis obiectum.

Prob. et declaratur. Sacramenta, excepta Eucharistia, duplici ex capite respiciunt Deum, et vt authorem eorum, et vt effectorem gratiæ, & remissorem peccatorum; Eucharistia autem, ne dum ex his motiuis, sed vt contentum verè, et realiter in ipsa, ideòque omnia sunt materia, seu obiecta contemplationis, sicut Ecclesiæ Hierarchia cum suo capite, & membris à Deo disposita.

Dico

Nouissima
sunt contē
plationis
obiecta.

Ratio om
nium cur
sunt obie
cta Con
templ.

Septem
Sacramen
ta sunt cō
templ. o
biectum.

Item tota
Ecclesia.

166 DE ORATIONE CONTEMPLATIVA

Virtutes
Theologi-
ca sunt eo-
templ. o-
biecta, alia
Dei dona,
&c.

Dico 8. Virtutes Theologicae, dona Spiritus Sancti gratiae gratis datae, auxilia divinae gratiae, miracula, et cetera similia Dei dona sunt materia, seu obiecta contemplationis.

Prob. eodem modo. Omnia haec respiciunt Deum, ut eorum effectorem, & ut concurrentem ad opera supernaturalia; igitur per omnia ista potest mens ascendere ad Deum, & illum fixè, ac simplici intuitu cognoscere, & cum eodem colloqui.

Omnis
res creata
potest esse
contem-
plationis
obiectum

Dico 9. Omnis res creata cuiuscumque ordinis, & conditionis potest esse materia, seu obiectum contemplationis, ut respicit Deum.

Prob. & declaratur. Quaelibet potest considerari, ut opus factum à Sapientia, & Potentia, Dei, vel ex benevolentia, & amore Dei in genus humanum; ideòque poterit ex eis mens ad Deum ascendere, & in eo obtutum figere, quod est contemplari.

Ex Riccar-
do, omnis
materia
meditatio-
nis potest
esse mate-
ria contem-
plationis.

Riccardus de S. Vict. quem S. Thom. & S. Bonav. in hac materia magnificiunt, & sequuntur in lib. de Contemplat. c. 3. unico verbo rem totam huius quaesiti resoluit, inquit, eandem esse posse materiam cogitationis, meditationis, & contemplationis, sed cum alio modo, ut supra diximus referendo integram quamvis prolixam eius authoritatem. Omnia ergo increata, & creata cum respectu ad Deum possunt esse contemplationis obiecta.



CAP.

C A P. XIV.

An in contemplandis præfatis obiectis seruandus sit aliquis ordo.

ADu. 1. sensum huius quæ sit esse hunc. An contemplationi acquisitæ vacantes seruare debeant aliquam methodum, seu ordinem circa obiecta contemplanda, vt nempe prius aliquod genus obiectorum, v. g. corporalia à Deo facta, ac facienda, quæ reuelata iam sunt, contemplantur; deinde pertinentia ad vitam, opera, passionem, ac mortem Christi, & in his per aliquod tempus exerceri: et postea contemplari; spiritualia, animam, habitus spirituales, ac supernaturales, cæteraque opera gratiæ, Angelos, vitam, & mortem æternam; visionem, ac fruitionem Dei, & in horum contemplatione exercitari: deinde in contemplatione attributorum Dei, Potentiæ, Sapientiæ, Iustitiæ, &c. postea in prædicatis constitutivis Dei, Vnitatis essentiæ à se, infinitatis, æternitatis, intellectualitatis, &c. tandem in horum omnium contemplatione versati, debeant contemplari Sanctissimam Trinitatem, & Personarum diuinarum productiones; an, inquam, iste ordo seruandus sit: an indifferenter de quouis istorum fieri possit contemplatio, nullo seruato contemplandi ordine; & de acquisita contemplatione tantum nunc loquimur.

Dico. 1. Regulariter loquendo incipens vacare contemplationi, debet se prius exercere in contemplatione corporalium reuelatorum, in quibus reuelcet aliqua diuina perfectio. dixi regulariter quia posset Deus alicui aliter inspirare; & hic deberet sequi inspirationem.

Sensusque
fieri.

Incipien
tum à con
templat.
sensibiliu.

Prob.

168 DE ORATIONE CONTEMPLATIVA

S. Bonau.
sic docet.

Ordo con-
templan-
dorum.

Prob. ex S. Bonau. in Itinerario mentis ad Deum, c. 1. dicente. Quoniam igitur prius est ascendere in scala Iacob, primum gradum ascensionis collocamus in imo, ponendo totum istum mundum in sensibilem, nobis, tamquam speculum, per quod transeamus ad Deum opificem summum, ut simus cum Christo transeuntes ex hoc mundo ad Patrem, simus sapientiae amatores, quae dicit Eccl. 24. Transite ad me omnes, qui concupiscitis me. A magnitudine enim speciei, & creaturae cognoscibiliter poterit horum creator videri. Relucet autem creatoris summa potentia, & sapientia in rebus creatis: & post aliqua assignat quae in rebus creatis contemplari possint, in quibus diuina relucet virtus sic Aspectus contemplantis res in seipsis considerans, videt in eis pondus, numerum, & mensuram: pondus quoad situm, ubi inclinantur, numerum, quo distinguuntur, & mensuram, qua limitantur. Ac per hoc videt in eis modum, speciem, & ordinem, nec non substantiam, virtutem, & operationem, ex quibus consurgere potest, sicut ex vestigio, ad intelligendum potentiam, sapientiam, & bonitatem creatoris immensam. Secundo aspectus fidelis considerans hunc mundum, attendit originem, decursum, & terminum, nam fide credimus aptata esse saecula verbo vitae: Fide credimus tria legum tempora, scilicet naturae, scripturae, & gratiae sibi succedere, & ordinatissime decurrere; Fide credimus, mundum per finalem iudicium terminandum fore. In primo potentiam; in secundo prouidentiam; in tertio iustitiam summi principij aduertimus. Tertiò aspectus ratiocinantis inuestigans videt quaedam tantum esse, & viuere, quaedam verò esse, viuere, & discernere. Videt iterum quaedam esse corporalia; quaedam partim corporalia, partim spiritualia; ex quo aduertit aliqua esse verè spiritualia, tamquam utrisque meliora, & digniora. Videt nihilominus quaedam esse mutabilia, & corruptibilia, ut terrestria; quaedam mutabilia, & corruptibilia, ut Caelestia; ex quo ad-

uer.

uertit quedam esse immutabilia, & incorruptibilia, vt supercœlestia. Ex his ergo visibilibus consurgit ad considerandum Dei Potentiam, Sapientiam, & Bonitatem, vt existentem, viuentem, & intelligentem merè spiritualement, & incorruptibilem, & intransmutabilem. Hæc S. Bonau.

Immò vt contemplatiuus incipiens, ac proficiens possit facilius, & commodius ex his creatis corporalibus ascendere ad contemplationem alicuius, vel plurium ex diuinis perfectionibus, quæ in hisce sensibilibus relucet, ad supradicta verba, hæc subnectit.

Hæc autem consideratio dilatatur secundum septiformem conditionem creaturarum, quæ est diuinæ Potentiæ, Sapientiæ, ac Bonitatis testimonium septiforme, si consideretur cunctarum rerum origo, magnitudo, multitudo, pulchritudo, plenitudo, operatio, & ordo: origo namque rerum secundum creationem, distinctionem, & ornatum quantum ad opera sex dierum, diuinam prædicat Potentiam cuncta de nihilo producentem, Sapientiam cuncta lucide distinguentem, Bonitatem cuncta largiter adornantem. Magnitudo autem rerum secundum molem longitudinis, latitudinis, & profunditatis; secundum virtutis excellentiam longè, latèque, & profundè se extendentis, sicut patet in diffusionem lucis; secundum efficaciam operationis intimæ, continuæ, & diffusæ, sicut patet in operatione ignis, manifestè indicat immensitatem Potentiæ, Sapientiæ, & Bonitatis trini Dei, qui in cunctis creaturis per potentiam, essentiam, & præsentiam incircumscriptus existit.

Multitudo verò rerum secundum diuersitatem generalem, specialem, & indiuidualem in substantia, in forma, seu figura, & efficacia ultra omnem humanam æstimationem, manifestè trium prædictarum conditionum in Deo immensitatem insinuat, & ostendit.

Pulchritudo autem rerum secundum varietatem hominum,

Species rerum contemplandorum.

Origo rerum.

Magnitudo.

Multitudo.

170 DE ORATIONE CONTEMPLATIVA

Pulchritudo .

num, figurarum, colorumque in corporibus simplicibus, & mixtis, & etiam complexionibus, siue in corporibus celestibus, & mineralibus, sicut lapidibus, metallis, plantis, & animabus, tria prædicta euidenter proclamat.

Plenitudo

Plenitudo autem rerum secundum quod materia plena est formis, secundum rationes seminales; forma est plena virtute, secundum actiuam potentiam; virtus est plena effectibus, secundum efficientiam, id ipsum manifestè declarat.

Operatio.

Operatio multiplex, secundum quod est naturalis, artificialis, & moralis, sua multiplicissima varietate ostendit immensitatem illius virtutis, artis, & bonitatis, quæ quidem est omnibus causa essendi, ratio intelligendi, & ordo viuendi.

Ordo.

Ordo autem secundum rationem durationis, situationis, & influentia, scilicet per prius, & posterius; superius, & inferius, nobilius, & ignobilius, in libro creatura manifestè insinuat primi principij primitatem quantum ad infinitatem Potentia. Ordo verò diuinarum legum, præceptorum, & iudiciorum in libro scriptura, immensitatem Sapientia, Ordo diuinorum Sacramentorum, beneficiorum, & retributionum in corpore Ecclesia immensitatem Bonitatis, ita quod ipse ordo in primum, & summum, potentissimum, sapientissimum, atque optimum manifestissimè manuducit.

Duo docet S. Bonau.

Ecce quod Seraphicus Doctor docet duo: 1. quod incipientes contemplationis exercitium incipere debent à contemplatione sensibilibus, quæ manducunt ad Dei cognitionem, vt dicit Paulus Rom. 1. Inuisibilia Dei à Creatura mundi per ea quæ facta sunt, intellecta conspiciuntur; sempiterna eius quoque virtus, & diuinitas. 2 docet ferè omnia sensibilibus contemplandorum genera, in quibus relucet diuina Potentia, Sapientia, & Bonitas: Immo in eo capite sic concludit. Qui tanti rerum creaturarum splendoribus non illustra.

stratur, cecus est, qui tantis clamoribus non euigilat, surdus est; qui ex omnibus his effectibus Deum non laudat, mutus est qui tantis indicijs primum principium non aduertit, stultus est. Ex his ergo ad Deum ascenditur.

In cap. 2. eiusdem Itinerarij, S. Bonau. refert omnes ferè omnium sensibilium rerum species, ex quibus tamquam ex vestigio potest homo ascendere ad cognitionem, & contemplationem Dei, vt ipse ibi docet.

Dico secundò. Vacans contemplationi, post notabile exercitium contemplandi Deum per sensibilia, in quibus relucet diuina perfectio, *regulariter loquendo*, debet se exercere in contemplatione animæ rationalis, eiusque potentiarum, & perfectionum, in quibustamquam imagine Dei, Deus ipse cognoscitur.

Dixi *regulariter loquendo*; nam posset Deus aliter inspirare contemplanti, vt scilicet contempletur diuina immèditatè.

Prob. nunc Conclusio ex eodem S. Bonau. contemplationis magistro theoricè, & practicè. Is in dicto Itinerario mentis ad Deum, postquam in duobus primis capitibus docuit, contemplantem debere incipere exercitium contemplationis à sensibilibus, prout in eis relucet diuina perfectio, in cap. 3. docet contemplandum deinceps Deum per animam, illius imaginem, naturalibus potentijs insignitam; supposita enim fide, quòd homo factus sit ad Dei imaginem ex Genes. 1. potest homo ex imagine ad prototipum per cognitionem manuduci: et ostendit S. Doctor quomodo id fieri possit. Et quoniam anima dupliciter considerari potest imago Dei; in genere naturæ, & in genere gratiæ, idest, vt donis gratuitis prædita, S. Bonau. in dicto cap. 3. docet, quo-

Quæ in 2. loco contemplanda sunt.

Dupliciter consideratur anima.

172 DE ORATIONE CONTEMPLATIVA

modo ex anima secundum naturalia ascendi possit ad contemplationem Dei: & in cap. 4. docet quomodo ex consideratione animæ gratuitis donis à Deo decoratæ, mens ascendere possit ad contemplandum Deum, dona illa largientem; & dicit, hunc esse quartum contemplandi gradum; & docet à gratuito summo dono Incarnationis filij Dei incipiendum; & proseguendum per omnes actiones, & passiones Christi Domini, quibus promeruit omnia gratuita dona, reparationem, Sacramenta, virtutes Theologicas, iustificationem, & cetera cuncta spiritualia, ac supernaturalia dona; & ex his ascendit homo ad contemplandum Potentiam, Sapientiam Bonitatem, & Charitatem Dei.

Gratuita
dona con-
sideranda.

Dico 3. Postquam contemplans in præfatorum obiectorum contemplatione se exercuit per aliquod tempus, poterit Deum in se immediatè contemplari primò secundum perfectionem primaria, quæ est esse.

Alia se-
ries con-
templan-
dorum.

Prob. ex S. Bonau. qui in cap. 5. dicti *Itinerarij mentis ad Deum*, quod dictis verbis prætitulat, dicit, qui exercitati sunt in primo modo, idest per vestigium contemplati sunt Deum, intrauerunt iam in atrium ante tabernaculum; qui verò secundo modo, idest per imaginem, intrauerunt in Sancta Sanctorum; qui autem tertio modo, idest per gratuita, intrant cum Summo Pontifice in Sancta Sanctorum, ubi supra sunt Cherubin gloriæ obumbrantia propitiatorium, per quæ intelligimus dictos modos, seu gradus contemplandi Dei inuisibilia, æterna, quorum vnus versatur circa Dei essentialia, alius circa propria Personarum. Primus modus primo, & principaliter desigat aspectum in ipsum esse dicens, quod qui est, primum est nomen Dei: & multa dicit de hoc esse Dei, & de essentialibus eius.

Tandem in cap. 6. ait. Post considerationem essentialium, eleuandus est oculus intelligentiæ ad considerationem

Bea-

Beatissima Trinitatis. Sicut autem visionis essentialium ipsum esse est principium radicale, & nomen, per quod cetera innotescunt; sic contemplationis emanationum ipsum bonum est principalissimum fundamentum: Et de Personis diuinis complura contemplanda subtiliter docet.

Hic ergo ordo à contemplatiuis contemplationi acquisitæ vacantibus seruari deberet, vt prius Deum per sensibilia creata cognoscant, & contemplentur; deinde per intelligibilia naturalia, & gratuita, tandem ipsum Deum secundum prædicata essentialia, & Trinitatem Personarum, nisi aliter inspiret Deus.

C A P. XV.

Sub quo conceptu apprehendi debet Deus in contemplatione acquisita.

ADu. I. pro declaratione quæsitæ, quòd ex communi omnium sententia, duobus modis potest concipi, seu apprehendi Deus, scilicet sub conceptu positiuo, & negatiuo; non quidem quòd Deus, vel eius perfectiones sint negationes, vel entia negativa, fatuum enim, & stultum esset hoc somnare: sed sic intelliguntur isti modi. Deus est ens subsistens; est bonus, sanctus, potens, iustus, sapiens, &c. Certum est, quòd intellectus creatus, præsertim in via, cum non adquæretur entitati, & intelligibilitati Dei, non potest concipere, nec apprehendere istas perfectiones Dei, vel aliquam earum quantum est apprehensibilis secundum totam suam latitudinem, seu secundum omnes gradus eius, quia quælibet infinita est. Hoc autem supposito, potest aliquis concipere Dei entitatem v. g. positiuè sicut quoddam ens continens formaliter, velementer omne Ens; sic Sapientiam, vt quam.

Tandem Sanctissimæ Trinitas contemplanda est.

Sensus quæsitæ declaratur.

Cōce ptus posit iuus qui.

174 DE ORATIONE CONTEMPLATIVA

mobat
-mibuat
-inim
-noo
-nibuat
-no

Negati-
uus qui :

quamdam excessiuam virtutem omnes alias sapien-
tias superantem: Immensitatem, tanquam existen-
tiam in omni loco, & ita de alijs, & hoc modo concipitur positiuè. Negatiuo autem modo concipitur si-
cut ens sine imperfectione aliqua ex ijs, quæ videntur
in rebus creatis v. g. Deus ens absque dependentia
ab aliquo, absque mutabilitate, &c. Sapiencia, sed
non vt accidens quodam; non exposita deceptioni; si
concepitur substantia Dei sub conceptu negatiuo,
concepitur non esse, vt sunt substantiæ creatæ, siue
non viuentes, siue viuentes, non vt substantiæ homi-
num, vel Angelorum; vno verbo dicam, quoties con-
cipitur aliqua perfectio Dei sub hoc conceptu, quod
magna quidem sit, & non sicut perfectiones creatu-
rarum, & sine conditionibus, atq; accidentibus ista-
rum, tunc dicitur concipi sub conceptu negatiuo.

Cur hoc
quæstionem
discutitur

Adu. 2. quod quæstio hæc utilis quidem est, sed
merè Theologica; nihilominus fuit explicanda pro
Tyronibus, etiam contemplatiuis, vt sciant, & in
contemplatione, & extra eam (dum aliquem fidei
actum eliciunt) concipere, Deum, quem credunt, &
cui credunt omnia reuelata; possintque conceptum
illum de Deo, eiusque perfectionibus formatum in
sua memoria retinere, in eoque intuitum simplicem,
ac firmum figere, dum contemplantur; sistendo in
conceptu illo, vt denudato ab omni imperfectione;
licet hoc literatorum sit, non rudium, & simplicium.

Vtroque
modo po-
test Deus
concipi.

Dico ergo. Vtroque modo, nempe sub conceptu
positiuo, vel negatiuo, potest Deus concipi, tam in
casu contemplationis, quam extra, sed præcipui Do-
ctores consulunt concipiendum sub negatiuo, quasi
melius explicante perfectiones Dei, à creatura in-
compræhensibiles.

Probare incipiam secundam partem. Qui hoc do-
cent

cent fundantur in authoritate S. Dionisij Arcopagitaræ, qui in lib. de mystica Theologia cap. 5. de Dei conceptu, ait, dicamus ascendentes, quod neque Deus, & anima, neque intellectus, nec ratio, neque intelligentia, nec dicitur, neque intelligitur, nec stat, neque mouetur, nec potentiam habet, neque potentia est, neque lumen, neque uiuit, neque vita est; neque substantia est, nec scientia, aut veritas; neque sapientia, nec vnum, nec vnitas, nec spiritus est, neque filiation, nec paternitas, nec aliud quid nobis, nec alicui entium cognitorum; neque quid non entium, neque quid entium est, neque entia eam cognoscunt, vt ipsa est. Neque ratio ipsius est, neque nomen, neque agnitio, nec lumen, nec error, nec veritas; neque est vniuersaliter ipsius positio, neque oblatio. Omnia quippe incomparabiliter, ac inexcogitabiliter excedit; & nec numero, nec specie, nec genere quidquam cum eo communicat. Vult docere quod nullum istorum adæquatè explicat Deum.

S. Thomas sequitur S. Dionisium in p. parte q. 84. art. 7. ad 3. dicens, Deum autem, vt Dionisius dicit, cognoscimus vt causam, & per excessum, & per remotionem. Clarius autem, & plenius id docet in l. 1. contra Gentiles cap. 14. quod sic prætitulat; Quod ad cognitionem Dei oportet uti via remotionis. In corpore quæsit, ait, est, autem via remotionis vtendum, præcipue in consideratione diuinæ substantiæ. Nam omnem substantiam, quam intellectus noster attingit, sua immensitate excedit, & sic ipsam apprehendere non possumus cognoscendo quid est; sed aliqualem eius habemus notitiam, cognoscendo quid non est. Tantò enim eius notitiæ magis appropinquamus, quanto plurima per intellectum nostrum ab eo poterimus remouere. Tantò enim vnumquodque perfectius cognoscimus, quantò differentia eius ad alia plenius intuemur; & sequitur aliis multis.

Ioannes Gerson Cancellarius Parisiensis in tract. de

S. Thomas
idem docet.

Gerson.

176 DE ORATIONE CONTEMPLATIVA

Optima
Metapho
ra .

de simplificatione cordis, id ipsum docens, quod nempe Deus concipiendus sit, ut ens perfectissimum per negationem omnis imperfectionis, utitur S. Dionisij exemplo de Statuario, qui ut statuam faciat perfectam aufert à lapide omnes illas partes, quæ impediebant formationem pulchræ, & nobilis statuæ; sic dum concipitur Deus, remouendæ sunt omnes imperfectiones, & sic remanet perfectissimus Dei conceptus. Sic autem loquitur. *Exemplum palpabile dat ipse Dionisius, pro manuuctione istius Theologiae mysticæ. Considera fabricatorem statuarum, nonne hic format imaginem, vel statuam, non addens quidquam, sed rescindens, & remouens; ex qua subtractione, remanet agalma, id est simulacrum pulcherrimum, imago pulchrè figurata, vel sculpta; sic agit suo modo meditantis animus, dum ab hoc conceptu vago entis habito ab exterioribus sensatis intus facit abstractionem remouendo ab hoc conceptu vago quidquid est imperfectionis in entibus cognitis per phantasmata; & post aliqua ad idem ait, Qua abstractione facta, dici, nequit quod nihil remaneat, ut abstrahentis animo cognitum, quin potius resultat agalma pulcherrimum, seu remanet conceptus entis perfectè denudatus ab omni imperfectione. Et huiusmodi est proprius Dei conceptus absolutus, licet non intuitiuus*

Dion. Car
thus.

Dionis. Chartus. de mysti. Theol. S. Dionisij refert duas sententias de modo concipiendi Deum per conceptum positivum, vel negativum, id est, per remotionem imperfectionum, & hic secundus ei magis placet, dicens, Deum sub conceptu, entis absoluti concipiendum remotis imperfectionibus; idem de Vita, de Bonitate, de sapientia, de Potentia, & de consimilibus predicatis. *Elesti videtur in istam sententiam Augustinus in pluribus locis præsertim de Trinit. Bonau. quoque in suo Itinerario &c.*

Sed post S. Dionisium, primus omnium, qui docuit,

cuit, Deum conceptu negatiuo meliùs concipi, quàm positiuo, fuit S. Cyprianus, qui in lib. de oper. Card. Christi, in prologo dicit. *Affirmatio quippe de Dei essentia in promptu haberi non potest: neque enim deffinibilis est diuinitas, sed verius, sinceriusque remotio indicat, negando quid non sit, quàm asserendo quid sit: quoniam quidquid sensui subiacet illud esse non potest, quod omnem superat intellectum.*

At S. Bonau. vtramque opinionem refert in tract. Paruum Bonum p. 3. vbi sic habet.

Nota quòd aspectus veritatis debet esse erectus ad incomprehensibilia; & hæc sunt mysteria summæ Trinitatis, ad quæ erigimur contemplando ea, & hoc dupliciter; vel per positionem, vel per ablationem. Primum ponit Augustinus; secundum Dionysius. Per positionem primò intelligimus in diuinis esse quædam, vt communia, quædam vt propria; quædam sunt appropriata; quædam sunt media inter hæc, & illa. Intellige ergo, & contemplare, si potes, circa Deum communia, & vide quoniam Deus est essentia prima, natura perfecta, vita beata, quæ necessariam habent consequentiam. Iterum intende, & vide, si potes, quoniam Deus est aternitas præsens, simplicitas replens, stabilitas mouens quæ similiter consequentiam habent, & connexionem naturalem. Postremò attende, & vide, quoniam Deus est lux inaccessibleis, mens inuariabilis, pax incomprehensibilis, quæ non tantum essentiæ vnitatem, sed etiam includunt perfectissimam Trinitatem, quæ sunt propria diuinarum Personarum.

Deindè subnectit prædicata tam propria, quam appropriata eisdem diuinis Personis; & aliquibus alijs interiectis, sic concludit. *Hæc est igitur erectio per viam affirmationis: & prosequitur. Sed alia est eminentior per viam negationis; quoniam, vt dicit Dionysius affirmationes incompactæ sunt; negationes verò licet videantur*

Z nihil

S. Ciprianus.

S. Bonau. refert vtrâque sententiam.

Declarat vtramque

178 DE ORATIONE CONTEMPLATIVA

Modus ne-
gatiuus.

Perfectior
est.

Modus po-
sitiuus co-
gnoscendi
Deum.

nihil dicere, plus tamen dicunt: & hic modus erectionis est per abnegationem trium; quod in negationibus illis sit ordo, incipiendo ab inferioribus vsque ad superiora. Et cum dicitur Deus non est quid sensibile, sed supersensibile, nec imaginabile, sed superimaginabile; nec intelligibile, sed superintelligibile; nec existens hoc, vel hoc sed super omne ens. Et tunc veritatis aspectus fertur in mentis caliginem, & altius eleuatur, & profundius egreditur pro eo quod excedit se, & omne creatum: & hic est nobilissimus eleuationis modus. Sed tamen ad hoc, quod sit perfectus prae exigit alium, sicut perfectio illuminationem, & sicut negatio affirmationem. Hic autem modus ascendendi tanto est vigorosior, quanto vis ascendens est intimior: tanto affectuosior, quanto affectio proximior, & ideo utile valde est in illo exerceri. Hæc S. Bonau. Cum ergo alter etiam modus S. Augustino placeat.

Prob. altera pars de concipiendo Deum positiuo conceptu ad effectum contemplandi. Quamuis doctis, & versatis in Theologia facile sit Deum, & diuina concipere sub conceptu negativo, & sic eum, eiusque virtuales perfectiones sine vlla difficultate contemplari, tamen Personis pijs quidem in actibus Fidei, Spei, & Charitatis, ac in meditationibus exercitatis, sed illiteratis, esset difficile sic depurare (vt ita loquar) conceptu Dei, & aliarum perfectionum diuinarum antequam intuitum mentis figant in aliquam earum, & contemplantur intuendo ac amando.

Et ex alia parte fideles omnes ab infantia instructi, & assueti sunt concipere Deum, & diuina per conceptus positiuos, & sub eis illa omnis semper crediderunt, quia & in Symbolo, & in Catechismo, & in Sacra Scriptura sub posituiis conceptibus reuelantur, & explicantur. Omnes enim credimus tres diuinas Personas, credimus diuinas perfectiones Intellectum,

*Etum, Voluntatem, Potentiam, Iustitiam, Misericordiam
Charitatem &c. item, diuinas productiones actiuas, &
passiuas, & cætera diuina, quæ quidem nullus puto
fidelis (& à me incipio) quando ista obiecta incæpit
apprehendere, atque credere, & prosecutus est a-
ctus fidei, & meditationis circa ea facere, cogitauit
de conceptibus negatiuis, seu (vt ita dicam) de de-
puratione intellectuali talium obiectorum ab omni
creata imperfectione, vel perfectione; sed ea appre-
hendunt omnes, & credunt, tamquam perfectissi-
ma, licet gradum talis perfectionis non attingant,
sed credunt esse infinita; & nullus Parochus, nullus
Magister nullus Episcopus, nullus Papa, aut Con-
cilium docuit, fideles sub negatiuo conceptu appre-
hendere; aut credere debere Deum Trinitatem, &
ceteras diuinas perfectiones.*

Præterea cum Deus, (vt in Sacra Scriptura
legitur) reuelauit se, aut suas perfectiones, sub po-
sitiuis nominibus, & conceptibus reuelauit. Exodi 3.
14. dicit Moyfi, *Ego sum qui sum*. Quod sit vnus reue-
lauit positiuo vocabulo Deuter. 3. 24. dicens Moyfi,
quod est solus Deus, neque est alius Deus in Cælo,
vel in Terra. Trinitatem reuelauit Christus Matth.
vl. positiuis vocabulis, baptizantes eos in nomine
Patris, & filij, & Spiritus Sancti. Vnitatem Perso-
narum in essentia eodem modo reuelauit Chri-
stus Io: 10. *Ego, & Pater vnus sumus*. Immensita-
tem reuelauit Deus vocabulo positiuo Ierem. 23.
Cælum, & terram ego impleo: Et nimis prolixum
esset referre omnes Dei perfectiones, & attribu-
ta ab ipsomet Deo reuelata sub positiuis conce-
ptibus, vt faciliè mihi esset, at quia non est necessa-
rium, omitto.

Concludo ergo, quod supracitati Doctores opti-

Z 2 me

Praxis co-
gnoscen-
tiæ Deum,
& creden-
tiæ.

Sub posi-
tiuis re-
uelata.

Doctōri
cōcordia-
quæ.

180 DE ORATIONE CONTEMPLATIVA

mè dicunt, quòd magis adæquatè, & magis plenè, ac perfectè conciperetur Deus, si eius essential, & perfectiones positiuæ conciperentur per conceptum negatiuum, idest per actum intellectus, quo remouentur ab eis omnes imperfectiones: At non docent, nec dicunt, quòd non possint aliter, & sub conceptu positiuo concipi, & quòd sub hoc nequeant esse obiecta contemplationis. Quocumque ergo modo concipiantur possunt esse contemplationis obiecta.

C A P X V I.

In quo medio contemplatio intuetur obiecta.

Mens au-
thoris, cur
de hac re
agit.

Qui Theo-
logi, aut
philoso-
phi non
sunt, non
facile hoc
capiunt.

Multi in
hoc pūcto
deficiunt.

Sensus
quæsti
quis sit.
Quomo-
do cogno-
scitur

ADu. quæsitum hoc verè, & propriè ad contemplatiuos Theologiæ, ac Philosophiæ ignaros non pertinere, quia sufficit contemplatiuo, si obiectum meditandum, & contemplandum apprehendens sciat quos cognitionis actus debeat circa illud exercere, & eo modo quo sæpè dictum est, nempe discurrendo in meditatione, & fixè, ac firmiter intuen- do in contemplatione, parum curando de medio, in quo repræsentatur, siue in specie imaginaria phantasia, siue in specie intelligibili intellectus contemplantis. Nihilominus pro contemplatiuis Philosophis, aut etiam Theologis, videtur discutiendum, & pro alijs studiosis, & curiosis, quia puto multos in hoc puncto hallucinari.

Adu. 2. Sensus quæsti esse, an contemplatio fiat in speciebus tantum intelligibilibus, in quibus repræsentari debeant obiecta contemplabilia; ita vt cum fit contemplatio, phantasia, seu imaginatiua tunc otietur, sicut otiantur sensus externi: An phantasia aliquando, & circa quæ obiecta tendere possit, dum
in

intellectus contemptatur: his enim modis fit cognitio absente obiecto.

Adu. 3. hic esse sermonem de contemplatione acquisita, seu naturali dicta, quæ communiter fieri solet, licet ex gratiæ auxilio, sicut meditatio; nam de infusa, seu supernaturali loquar postea, inquiramq; in quo medio fiat, an in eisdem in quibus acquisita, an in alijs.

Dico 1. obiecta merè spiritualia in solis speciebus intelligibilibus sunt contemplabilia, & nullo modo in phantasmatis imaginatiue; & cum intellectus ea contemplatur, imaginatio circa ea nihil operatur.

Prob. & declaratur. Spiritualia cognosci non possunt per sensus externos; ergo neque per imaginatiuam, seu phantasiā; quia hæc non cognoscit, nisi per externos sensus ei immittantur species cognitorum externè; & sic cum phantasia non habeat species spiritualium, hæc nequeunt in phantasmatis repræsentari, & cognosci. At spiritualia de facto cognoscuntur, & creduntur, vt Deus, diuinæ personæ, perfectiones Dei, &c. Angeli, lumen gloriæ, habitus Theologici, dona Spiritus Sancti, &c. item anima ipsa, & alia similia; igitur, si in speciebus imaginarijs cognosci non possunt, in intelligibilibus tantum cognoscuntur.

Quocumque modo ex sensibilibus insensibilia, vt ait Apostolus *Rom. 2.* cognoscantur, certum est, & vnusquisque in se cognoscit, haberi cognitionem Dei, SS. Trinitatis, & diuinarum perfectionum per fidem: ita de Angelis, & alijs rebus spiritualibus. Ista tamen vt dixi per phantasmata repræsentari non possunt, sed per solas species intelligibiles causatas in intellectu possibili per agentem, vt ex libris de Ani-

obiectum
absens.

De acqui-
sita con-
templa-
tione est
sermo.

Spiritua-
lia in solis
speciebus
intelligi-
bilibus
cogno-
scuntur.

Quare per
imagines
seu phan-
tasmata.

Omnes
Deum co-
gnoscunt,
& credū,
& alia
spiritua-
lia.

182 DE ORATIONE CONTEMPLATIVA

ma suppono. Quando ergo legitur, vel auditur punctum contemplabile de aliquo spiritali, vel contemplans sine lectione, vel auditione, sed ex sola recordatione cogitat de illo, & vult illud contemplari, idest figere obtutum in eo obiecto, manifestum est, quod intuetur illud in suo repræsentatiuo; hoc autem aliud non est, nisi species intelligibilis. Immo vt mox dicam, etiam si obiectum contemplandum esset aliquod corporeum; cum tamen hoc eatenus sit contemplabile quatenus dicit respectum aliquem ad Deum; semper est necessaria species intelligibilis in contemplatione, quæ repræsentet Deum. Neque scio, aut capere possum quomodo aliter fieri possit istorum spiritalium contemplatio, seu pura cognitio.

Conf. à paritate actuum credendi, sperandi, & amandi Deum, & diuina. Cum enim homo exercet actus fidei de Deo, & de eius perfectionibus, de beatitudine, de lumine gloriæ &c. ac sperat in illo, vel diligit, certum est, quod eius intellectus, & voluntas habent pro obiecto Deum, & illa alia; at non in se præsentia obiectiue, sed in speculo, & ænigmatè, vt ait Apostolus, idest in speciebus intelligibilibus, quas homo ille formauit de Deo, ac diuinis, cæterisque spiritalibus; quæ species quomodo fiant, dicam postea cum S. Bonau. licet hoc ad rem nostram non faciat: eas tamen habemus. Ideoque cum contemplans spiritalia, eadem prorsus fixè, & simplici intuitu cognoscat, ac intueatur, quæ per fidem credidit, in eisdem pariter speculis intuetur, in quibus prius cognita, fuerunt etiam credita. At non cognita, nec credita in phantasmatibus, quia hæc non possunt repræsentare nisi corporalia, ergo cognita, & credita in speciebus intelligibilibus, seu spiritalibus.

Di

Notabilis
doctrina
quomodo
fiat cognitio
spiritalium.

A paritate
actuum
credendi,
diligendi,
ac sperandi.

Id quod
creditur
contem-
platur.

Dico 2. Si in contemplatione acquisita obiecta contemplanda cum ordine ad Deum sunt corporalia, possunt videri, & cognosci, nedum in speciebus intelligibilibus; sed etiam in phantasmatibus; ita tamen ut Deus, seu eius potentia, aut sapientia, aliæ perfectio, quam respicit illud corporale, cognoscatur in sola specie intelligibili.

Prob. & declaratur. De omni obiecto cognito per sensus in phantasia, seu imaginatiua, seu sensu communi (quæ per me, & Scotum idem sunt) remanent species, seu imagines cognitorum, quæ appellantur phantasmata: & ex his depuratis per intellectum agentem, producuntur species intelligibiles, & spirituales, quæ residunt in intellectu, *possibili dicto*: & sic vtriusque rei corporeæ cognitæ duo specierum genera remanent in homine, sensibiles, & intelligibiles. Hoc posito.

Dico, quod contemplaturus aliquod corporale ut Christi humanitatem, aliudue de illo humanum; vel creationem mundi, iudicium, mortem, poenas inferni, &c. ista videt, seu videre, & intueri potest in vtriusq; speciebus; quia utræque repræsentant illa, & mouent ad intuendum, immo ex illis speciebus phantasticis mouetur intellectus ad cognoscendum intellectualiter, quia ex Philosopho, *oportet intelligentem phantasmata speculari*, seu ad phantasma conuerti; & hic est naturalis, & humanus in hac vita intelligendi modus, ac series.

Si ergo vult quis contemplari creationem Cæli, vel aliud simile corporeum, & in eo, vel ex eo potentiam, aut sapientiam Dei facientis, tunc ex visibilibus iuxta doctrinam Apostoli *Rom. 2.* transit ad inuisibilia, & per speciem intelligibilem spiritualem, quam habet de Dei potentia, ac sapientia intuetur fixè

Quomodo cognoscuntur corporalia cum spiritualibus.

Quomodo causantur in intellectu species eorum omnium.

Quomodo res intelliguntur

184 DE ORATIONE CONTEMPLATIVA

Modus
contem-
plandi per
corpora-
lia.

In duplici
specie co-
gnoscuntur
spiritua-
lia, &
corpora-
lia.

Noranda
doctrina.

Resolutio
multarum
difficul-
tatum ma-
ximè no-
tanda.

Quando
deferendæ
species
imagina-
riæ.

Imagines
seu phan-
tasmata
quando
deferri de-
bent à
contem-
plante.

fixè potentiam, & sapientiam. Immo aduerto, quòd cum quis ista spiritualia ex corporalibus contempla-
tur, semper, vel quasi semper (vt me docet frequens
experientia) duo videt, vnum quasi directè, & prin-
cipaliter, scilicet potentiam, seu sapientiam Dei, aut
Deum, &c. & id in specie intelligibili; aliud quasi
indirectè, & vt ita dicam obliquè, nempe rem illam
corpoream in qua exercita est Dei potentia, & hanc
rem corpoream licet cum minori attentione, & stu-
dio, seu applicatione intuetur in sua specie propria,
vel in ea, quæ residet in intellectu, vel etiam in ea,
quæ residet in phantasia; & ita existimo cognosci,
meditando, vel contemplando omnia spiritualia,
quæ ex corporalibus cognoscuntur, habentque cum
istis connexionem aliquam; & hoc regulariter lo-
quendo. Quòd si quis spiritualia ista sine corporali-
bus illis, vult meditari, vel contemplari, poterit hoc
facere, vim sibi dulciter inferendo, vt relinquat in-
tuitum corporalium relucens in phantasmatibus,
vel in proprijs speciebus intelligilibus, & attendat
ad spiritualia tantum, si potest.

Et hoc est graue illud documentum, quod ex S.
Dionisio Areopagita Mystici tradunt contemplati-
uis, *Deferre imagines, seu phantasmata*; quod sic intelli-
gitur, idest cum contemplaris mere spiritualia, *de-
ferre imagines*, non solum eas, per quas fortasse puta-
res repræsentari posse spiritualia illa, cum hoc im-
possibile sit, sed etiam alias imagines, seu phantas-
mata aliarum rerum quæ perturbare, impedire pos-
sunt intellectum contemplatem, & siste in solo intui-
tu rei spiritualis, Item *deferre imagines*, idest quando
contemplaris spiritualia, quæ connexionem habent
cum corporalibus, siue per modum efficientis, siue fi-
nis, v. g. in exemplo allato de creatione mundi, vel
de

de aliquo Christi opere; si vis Dei potentiam, vel sapientiam, aut charitatē, vel diuinitatem ipsam contemplari, *desere imagines* mundi, Cœli, materialisue Christi operis, & intueri spirituale illam veritatem. At si vis illud spirituale contemplari, vt exercitum, seu in vsu positum illo corporali, non prohiberis hoc facere; neque hoc repugnat contemplationi acquisitæ. De infusa verò loquar postea. Ecce quando, & quales imagines deferendæ sunt à contemplante.

CAP. XVII.

An omnes homines sint capaces contemplationis acquisitæ.

ADu. 1. vnum, quod debui sepè aduertere ad remouendas quorundam mundanorum deridentium contemplantes obiectiones; quòd aliud est actum aliquem contemplationis exercere; aliud verò vitam contemplatiuam ducere: pauciora siquidem requiruntur pro primis, quàm pro secundis; vt dicam de dispositionibus contemplatiuorum, & de requisitis ad eam seruandam.

Adu. 2. quòd aliud est loqui de contemplatione acquisita, aliud de infusa. De prima hic loquor, & in proprio opusculo loquar de secunda, ad quam etiam prima disponere potest.

Dico 1. Omnes homines cuiuscumque status, conditionis, & sexus, si instruuntur, sunt capaces exercendi actus contemplationis acquisitæ.

Prob. 1. Omnes tales, si instruuntur, sunt capaces meditationis, vt in suo loco dictum est; ergo etiam contemplationis. Nam si apto ad meditando dicatur, postquam considerasti, Christi, v.g. na-

A a tiui.

Notabilis doctrina.

Aliud est actum aliquem contemplandi exercere, aliud verò vitam contemplatiuam ducere. De acquisita est sermo.

Omnes instructi sunt apti ad aliquos contemplationis actus.

Quomodo infusa andanda con-

186 DE ORATIONE CONTEMPLATIVA

templatio
ei, qui sci
mediari.
Facile est
docere ali
quem con
templari,
si capax sit
rationis.

tiuitatem, vel flagellationem, non discurras amplius circa circumstantias illius facti, sed siste, & fige oculū mentis in illo vero facto, tamquam si id haberes ante oculos, cum fide ad ipsum: homo sic edoctus, & instructus id facile faceret, si vellet; igitur cum omnes rationis capaces possint sic instrui, omnes fieri possunt contemplationis capaces, sicut & meditationis.

Conf. Capaci meditationis prefatarum rerum dici potest, quod dum res illas considerat, oculum mentis ad Deum dirigat hęc ex sua in nos misericordia ordinantem, cum admiratione, & suspensione animi ab omni alia operatione veritatem hanc intueatur, sicut v. g. intueretur picturam aliquam, vel gemmam aliquam, aliamue similem rem pulcherrimam, etiam absentem, & in sola phantasia presentem cum admiratione, & suspensione animi ab omni alia re videret, seu consideraret. Certè huiusmodi operandi omnes homines sunt capaces.

A paritate
te confide
randi ali
quod gra
ue nego
tium.

Cont. 2. quilibet rationis capax aliquando negotium aliquod graue, & vrgens habet, siue commodum, siue incommodum, & in eo figit cogitatum, & ab eo difficile remouetur. Is autem doceri, & instrui potest, quod sic prorsus facere debet, dum reuelatum aliquid cogitat, seu meditat, ergo erit capax contemplationis, si sic instruatur.

Ex S. Gr.
omnes
sunt capa
ces contē
plationis.

Prob. 2. ex S. Greg. Magno in Ezech. homil. 17. post medium sic dicente. Non enim contemplationis gratia summis datur, & minimis non datur, sed sæpè hanc summi, sæpè minimi, sapius remoti, aliquando etiam coniugati percipiunt. Si ergo nullum est fidelium officium, à quo possit gratia contemplationis excludi; quisquis cor intus habet, illustrari etiam lumine contemplationis potest, ut nemo ex hac gratia; quasi de singularitate gloriatur: & post aliqua.

qua. Non solum alia Ecclesie membra, quae praeminent habent contemplationis gratiam; sed plerumque hoc donum etiam illa membra percipiunt, quae etsi iam per desiderium ad summa emicant, tamen adhuc in imis iacent. Nisi enim & his, qui despecti videntur, omnipotens Deus lumen contemplationis infuderit, fenestrae in vestibulis non fuissent. Nota quod Greg. explicat sensum mysticum templi, quod Ezechiel prophetice viderat, habens fenestras in fronte, & in vestibulis. Priores fenestras Templi dicit esse eos, qui in Ecclesia sunt maiores potestate, & scientia; fenestras vestibuli dicit esse inferiores, qui videntur despecti; & subdit Greg. Videmus itaque alios in summis locis Sanctae Ecclesiae constitutos alta de Coelestibus loqui; miro studio in quantum illustrata mens sufficit superna Patria secreta rimari; fenestrae sunt in frontibus. Alij vero in Sanctae Ecclesiae sinu continentur, & despecti humanis oculis videntur; sed apud se sapientiae studijs vacant, ad Coelestia anhelant, atque in quantum praesentent, gaudia aeterna considerant: isti fenestrae obliquae sunt, sed in vestibulis.

Non ergo alicui tantum conditioni hominum est data contemplationis gratia, sed potest omnibus inesse, si omnes instruerentur, & ad eam exercendam a Deo illuminarentur; saepe enim, ut ait Apostolus I. Corint. I. 26. infirmiores ad huiusmodi sublimia vocantur. Quae stulta sunt mundi elegit Deus, ut confundat fortia; & ignobilia mundi, & contemptibilia elegit Deus, & ea quae non sunt, ut ea quae sunt destrueret, ut non gloriatur omnis caro in conspectu eius. Nul lum ergo hominum genus, nullaque conditio a contemplationis exercitio reiicitur, si de eo instruatur, velitque Deo illuminante, inspirante, & adiuuante, illi vacare.

Conf. omnis homo rationis capax, est etiam ca

Aa 2 pax

Cuiuscumque conditionis homines sunt eius capaces.

Maiores, & Minores in Ecclesia positi sunt ex Dei gratia contemplari.

saepe infirmiores ad eam vocantur.

188 DE ORATIONE CONTEMPLATIVA

pax exercendi actus Fidei, Spei, & Charitatis erga Deum, si de iis exercendi instruantur; qui tamen actus difficiliore sunt: ergo multò magis erunt capaces actuum contemplationis, quæ in Fide, & Charitate præcipue fundantur, si de iis à perito directore instruantur.

Difficul-
tas eluitur

Non est ne-
cessariu
status ere-
miticus,
vel similis
ad exercen-
dum actum
contem-
plationis.

Evidens
ratio con-
tra impu-
gnantes
communi-
tatem con-
templatio-
nis.

Prob. 3. Potior difficultas, quæ videtur obstare, est, quia non omnes, omnis conditionis homines possunt esse solitarii, celibes, sine negotiis, vel curis domesticis, & continuò reperiri in statu gratiæ. Sed hæc difficultas non obstat, quin omnes homines cuiuscumque status, & conditionis possint elicere actus Fidei, Spei, & Charitatis. 2. Non obstat quin possint elicere actus meditationis Mysteriorum Fidei; omnes siquidem recitant Rosarium, & meditantur ea mysteria. 3. difficultas vrgeret, si nunc loquerer de vita contemplatiua, quæ vt dicam infra, plura requirit, quàm communes, & simplices actus contemplandi, qui præfatas condiciones in contemplante non requirunt. 4. est ratio præcedentis, vt aliquis Theologus, vel etiam Philosophus speculetur veritates supernaturales, seu reuelatas, & sistat in earum consideratione, non est necesse, vt sit solitarius, celebs, sine negotiis, aut curis domesticis, & in statu gratiæ, vt notum est: alioquin paucissimi inuenirentur Theologi; sed quilibet Theologus cuiuscumque status, & conditionis potest actus speculandi, credendi, & considerandi Deum, eiusque perfectiones, exercere, & in eis intuitum mentis figere. Ergo idem dicendum de actibus contemplandi pro quolibet statu hominum, si isti à perito directore instruantur, & cum fructu, ac meritorie actus illos facient; si in statu gratiæ facient, etiam si conjugati, mercatores, curiales, agricolæ, aliisue nego-

negotijs impliciti. Nam nec totam diem, nec maiorem eius partem, sed minimam partem, ut mediam horam, vel etiam minorem in contemplatione (si ad eam sint à Deo vocati) sufficiet insumere, sicut in alijs deuotionibus, ac pietatis actibus insumere possunt. Et quemadmodum, si fideles actus pietatis, deuotionis, meditationis, misericordie, aliarumque virtutum, etiam fidei, &c. faciunt extra statum gratiæ, non merentur, sed bona opera faciunt; ita etiam qui actus meditando, aut contemplando faciunt extra gratiæ statum, non merentur, sed actus bonos faciunt.

Dico 2. Non omnes cuiusvis status, & conditionis homines sunt proximè apti, seu capaces vite contemplatiuæ acquisitæ. Dixi *proximè capaces*; quia remotè omnis homo rationis capax, aptus est ad eam, si à Deo vocatus velit ad eam se disponere, ipsoque adiuuante prosequi.

Prob. non omnis homo continuò, vel frequenter se exercet in actibus contemplandi, ut omnibus notum est. At sine actuum frequentatione haberi nequit habitus, ac professio, seu status alicuius virtutis: ergo non omnes sunt proximè apti ad eam, hæc enim exigit frequentationem actuum.

Prob. 2. S. Bernard. *de modo bene viuendi serm. 53.* loquens de vita actiua, & contemplatiua, inquit, *Actiua vita communis est multorum; contemplatiua verò paucorum.*

Prob. 3. ex requisitis, & signis eorum qui contemplatiuam degunt vitam à S. Bernardo in præfato *serm. 53.* allatis, sic. *Audi virtutes vite contemplatiuæ. Contemplatiua vita est, Charitatem Dei, & proximi tota mente retinere, ab exteriori actioni acquiescere; soli desiderio conditoris inhaerere, ita ut iam nihil agere libeat, sed despectis*

Ad con-
templati-
uam

Non om-
nes sunt ca-
paces vite
contempla-
tiuæ.

Proximè
non omnes,
sed remotè
omnes.

Ratio:

Actiua vi-
ta commu-
nis est mul-
torum.

Multa rei-
quiruntur
ad vitam
contempla-
tiuam.

190 DE ORATIONE CONTEMPLATIVA

Ad con-
templ. re-
quisita ex
S. Bernar-
do.

Pauci ha-
bent requi-
sita vitæ
contem-
platiuæ.

Ex S. Bon-
au. sunt
necessaria
pro vitæ
contem-
platiuæ.

Iterum S.
Bonau.

Multa re-
quisita ad
vitam con-
templati-
uam ex eo
dem.

pectis omnibus curis sæculi ad videndum faciem sui creatoris
animus inardescat, ita ut iam non erit carnis corruptibilis pon-
dus cum mēore portare; totisque desiderijs optare hymni di-
cis Angelorum Choris interesse: appetere admisceri celesti-
bus ciuibus, de aeterna incorruptione in conspectu Dei gaude-
re: Et post aliqua sequitur. Quicumque prius in vita
actiua proficit, ad contemplatiuam benè conscendit. Qui hanc
temporalem gloriam, aut carnalem affectat concupiscentiam,
a contemplatiua prohibetur. Hæc Bernardus: sed ne-
dum pauci, verum paucissimi homines his condi-
tionibus, & perfectionibus præditi sunt, ergo nec
omnes, nec multi sunt capaces, seu apti ad vitam
contemplatiuam ducendam. Alia requisita addu-
cuntur infra.

S. Bonau. pluries de requisitis in contemplatiua lo-
quitur: in Centiloquio c. 46. ait. proprietatis contem-
platiui præcipua sunt istæ, 1. Contuitus pulchritudinis diui-
næ maiestatis cum dilectione respectu rationalis. 2. proprie-
tas est quies respectu irascibilis. 3. est munditia cordis respec-
tu concupiscibilis. Charitatem Dei, & proximi retinet, ab
exteriori operatione quiescit. soli Dei desiderio inhaeret, &
calcatis omnibus curis ad videndum faciem creatoris inardescit, & Celi ciuibus misceri.

In tract. de 7. itin. aetern. dist. 2. ferè eadem repetit.
Contemplatiuus debet esse sine peccato, alioquin impeditur,
ne sursum feratur. Debet esse liber à cura temporalium;
quia liber spiritus dimittitur, quando calcatis terrenis desi-
derijs ab appetitione temporalium in securitate mentis exo-
neratur secundum Grego. 3. moral. Debet esse perspicax, &
sanatus, oculum carnis à cupiditatibus auertens, & oculum
mentis in Deo figens, & de hoc oculo dicit sponsus, vulnerasti
cor meum in vno oculorum tuorum & cætera plura dicit
Seraphicus Doctor de his, qui contemplatiuam vi-
tam eligunt, ut sequantur. At nec omnes homines,
nec

nec multis his qualitatibus præditi reperiuntur: ergo non omnes sunt proximè idonei, seu apti ad ducendam vitam contemplatiuam.

Prob. 4. ex dispositionibus alijs multis, quas ad vitam contemplatiuam etiam acquisitam dicemus requiri, siue antecedentes, siue comitantes, siue subsequentes, quæ nec omni homini, nec omni statui personarum possunt regulariter conuenire; v. g. Puritas cordis continua, vel quasi continua, passionum frænatio per exercitium virtutum moralium acquisita; fuga sæculi abstinencia à negotijs curisque mundi; solitudo, taciturnitas; in humanis successibus non lætandum, nec tristandum pro amicis, & cognatis, sed pro eis orandum, sine multiloquio, voce remissa, placido vultu, & paucis verbis loquendum, ac respondendum, diligendum plus audire, quàm loqui: non innitendum propriae prudentiæ, non esse sapiens in oculis proprijs, nec sensibus confidendum; altiora non querenda, & fortiora non scrutanda; numquam otiosum manendum, sed semper legendum, orandum, vel aliquid meditandum; singulis horis singula tribuenda exercitia, considerandum quantum quis proficit, & quòd grandis restat via donec videatur Deus in Sion. Hæc ex S. Bernardo, tract. de octo punctis requiruntur in homine spiritali contemplatiuo, & alia plura, vt dicam infra. Hæc autem in omnibus non sunt; ergo non omnes sunt apti ad vitam contemplatiuam.

Multæ alia dispositiones ad eam requiruntur.

Dispositiones, & conditiones ad vitam contemplatiuam.

Difficile reperiuntur in multis.





OPVSCVLVM QVARTVM.

DE VITA ACTIVA, ET CON- TEMPLATIVA.

CAP. I

In quo consistant, & in quo differant ista vita.



ADVERTENDVM est, quòd de necessitate dubiū hoc soluen- dum fuit, ne fideles audientes tantū laudari, & extolli con- templatione, & videntes se ad eam ineptos, desperet de salu- te, vel perfectione; sed sciāt per aliam viam, atque vitam, ne-

dum posse perfici, & saluari, sed maximis cum meri- tis magnos gloriæ gradus posse adipisci sine contem- platione. Sicut enim Io. 14. ait Saluator, in domo Pa- tris mei mansiones multæ sunt: & ex 1. Corin. 13. 42. sicut Stella differt à Stella in claritate, sic resurrectio mortuorum, quia Deus reddet unicuique secundum opera eius: sic & in hoc sæculo dantur multæ viæ, & multa media, per quæ ad sublimes illas, diuersasq; mansiones perueniri potest, vnus quidem sic, alius verò sic, ait Apostolus. Om- nes autem istę viæ seu viuendi modi (si martirium excipias) reducuntur ad istas vitas, seu viuendi mo- dos,

Necessi-
tas soluen-
di hoc du-
bium.

In vera-
que, & al-
terutra vi-
ta salus.

Plures vię
perfectio-
nes.

dos, nempe ad *actiuam*, vel *contemplatiuam*, vel vt dicit S. Bonau. *mixtam* ex vtraque.

Adu. 2. & suppono, quòd ad salutem consequendam sufficiat seruare præcepta Dei, & Ecclesiæ, & decedere in gratiam, nam *Matth. 19.* Saluator interrogatus à quodam, *Magister bone, quid boni faciam, vt habeā vitam æternam?* respondit, *si vis ad vitam ingredi serua mandata*: & replicante illo; *Quæ*; Christus enumerauit præcepta Decalogi: At in noua Lege adsunt, vt suppono, præcepta Ecclesiæ, &c. Verum ad perfectionem in hoc sæculo, & maiorem gloriam in futuro; ac tutiori medio acquirendam, est necessaria obseruantia consiliorum Euangelicorum, quia in eodem Matthæi loco idem, qui Dominum interrogauerat, subdidit, *hæc omnia* [idest mandata] *custodini ab adolescentia mea, quid adhuc mihi deest?* Dominus respondit; *si vis perfectus esse, vade, vende omnia quæ habes, & da pauperibus, & habebis Thesaurum in Cælo, & veni sequere me*. Hoc est vnum consilium; & alia plura sparsim tradidit in Euangelio, vt de Castitate exemplo *Castrantium* se propter regnum Cælorum, de patientia, cum dixit, *Si quis te percusserit in vna maxilla, præbe ei & alteram* *Matth. 5.* & de mansuetudine, ac contemptu bonorum, ei qui vult tecum in iudicio contendere, & tunicam tuam tollere, *dimitte ei & pallium*. Et quicumque angariauerit te mille passus, *vade cum illo & alia duo*. Qui petit à te, da ei, & volenti mutuari à te, ne auertaris. *Matt. ibidem*: & ita de aliis consiliis Euangelicis. At nota, quòd pro simplici affecutione gloriæ dixit, *serua mandata*. Vt verò ille esset perfectus hic, & haberet *Thesaurum* in Cælo idest maximam gloriam, dixit, *esse vendenda bona, & danda pauperibus*, quod sub consilio est, sicut & cætera nuper dicta. Omnia tamen humana opera bona, siue

Ad salutē
quæ sunt
necessaria

Consilia
obseruan-
tia ad per-
fectōem
acquiren-
dam.

Plura con-
silia euan-
gelica.

Digna cō-
silia pro
perfectio-
ne.

At pro sa-
lute, man-
datorum
obseruan-
tia sufficit

Bb

præ.

194 DE VITA ACTIVA, ET CONTEMPL.

præcepti, siue consilii reducuntur ad vitam acti-
uam, vel contemplatiuam, quæ ex communi Pa-
trum sententia, & præsertim S. Augustini, figuratæ
fuerunt in Martha, & Magdalena sororibus, Christū
hospitari solitis, & in duabus vxoribus Iacob, Rache-
le, & Lya, ista operante, illa contemplante.

Due viræ
ex S. Aug.

Adu. 3. ex S. August. de Consensu Euangelistarum
l. 1. c. 5. sic de Viris istis loquente. *Due virtutes propo-
sæ sunt in anima, vna actiua, altera contemplatiua. Illa,
qua itur; ista qua peruenitur. Illa qua laboratur, vt cor
mundetur ad videntium Deum; ista qua vacatur, & vi-
detur Deus. Illa est in præceptis exercenda huius vi-
tæ temporalis; ista in doctrina illius vitæ sempiternæ. Ac
per hoc illa operatur; ista requiescit, quia illa est in purga-
tione peccatorum; ista in lumine purgatorum. Ac per hoc
in hac vita mortali illa est in opere bonæ conuersationis; ista
verò magis in fide, & apud perpaucos per speculum in enig-
mate, & ex parte in aliqua visione incommutabilis veritatis.
Hæ duæ vitæ in duabus vxoribus Iacob figuratæ intelliguntur.
Lya quippe interpret. laborans; Rachel autem visū princip.
De quo arg. latè loquitur cōtra Fau l. 22. c. 52. & seq.*

Actiua, &
contem-
platiua.

De dupli-
ci hac vi-
ta est tra-
ctatus iste

De his ergo duobus viuendi modis, qui commu-
niter appellantur vita actiua, & contemplatiua, ali-
qua obiter dicemus; vt Tyrones Dei seruitio se
accingentes, considerent, ad quam se videant pro-
pensos, quamque cum Dei adiutorio velint eligere;
& quid ipsius in alterutra sit agendum, ne sine fructu
operentur, & in vanum eorum culpa Dei gratiam
recipiant. Et quia sancti, & pii viri de vtraque vita
multa, & varia dixerunt, breuiori quo poterimus
methodo, plura ex illis afferemus.

Aduerte tandem, & memoriter tene, ne decipia-
ris (quod sciolis quibusdam accidit) ex S. Thom.
2.2. q. 81. art. 1. ad 5. quod Religiosi quamuis dici pos-
sint

sunt omnes, qui Deum colunt, specialiter tamen Religiosi dicuntur, qui totam vitam suam divino cultui dedicant a mundanis negotijs se abstrahentes. Sicut etiam contemplatiui dicuntur, non qui contemplantur, sed qui contemplationi totam vitam deputant: Et ego addo, & omnia alia requisita ad vitam contemplatiuam habent, quæ passim aperientur hic, & prolixius cum de dispositionibus, & aliis sequentibus loquemur.

Dico primò. Vita actiua fidelium, præcipuè consistit in continuo, vel frequenti (pro posse) exercitio operum misericordiæ spiritualis, & corporalis in proximos; & frequenti virtutum exercitio circa suimet directionem erga Deum, ac proximum, siue opera sint præcepti, siue consilii.

Prob. prima pars de operibus misericordiæ in proximos, ex totidem, & distinctis verbis S. Bernardi, qui docens quamdam Dominam de vtraque vita, in tract. de modo bene viuendi serm. 52. ubi rescribit omnia adamussim, quæ sex ante sæculis docuerat, & scripserat Sanctus Gregorius Magnus in homil. 14. in Ezech. dicit, Soror Charissima inter actiuam vitam, & contemplatiuam maxima est differentia. Actiua vita est pauperi esurienti dare; verbum sapientiæ, proximos docere; errantem corrigere; ad viam humilitatis superbientem reducere; discordiam ad concordiam reuocare; infirmos visitare; mortuos sepelire; captiuos, & in carcere positos redimere; quæ singulis quibuscumque expediant dispensare; necessaria unicuique providere. hæc S. Bernar.

S. Thom. 2. 2. q. 181. per quatuor articulos, expedit tractatum de vita contemplatiua, & eadem dicit, quæ S. Bernardus addens, quod exercitium omnium virtutum moralium spectat ad vitam actiuam; quod confirmat ex Arist. Ethic. 10. c. 7. & 8. dicente, Virtutes morales ordinantur ad felicitatem actiuam.

Bb 2 S.Bo.

Non omnes qui Deum colunt sunt Religiosi, sed qui totam vitam tempore sunt religioni addicti. Ex S. Thoma.

In quo consistit vita actiua fidelium.

In quibus opera misericordiæ spiritualis, & corporalis.

S. Bern. ex S. Gregor. Magno.

S. Thom. dicit idem. In virtutum moral. exercitio.

196 DE VITA ACTIVA, ET CONTEMPL.

S. Bonau.
Idem.

S. Bonau. eadem docet cum Bernardo, & præcipue in pharetra lib. 4. tit. de Actione, & Contemplatione. Et replicat in tract. de 7. itin. etern. dist. 6. & 7. ubi de natura, perfectione, & operibus vtriusque vitæ diffusè agit sequens D. Gregorium, & Isidorum.

S. Prosper
ante eos
id docue
rat, & S.
August. &
Ambros.

Ante eos eadem, & pluribus docuerat S. Prosper, seu Iulianus Pomerius in libris primo, ac tertio de vita contemplatiua. Et ante eum hanc primam partem docuerant Sancti Augustinus, Hieronymus, Ambrosius &c. qui de Marthæ, & Magdalene operibus erga Christum in earum domo docentem locuti sunt.

Alia ope
ra mora
lia spectā
tia ad vi
tam acti
uam.

Prob. modò secunda pars de aliis operibus moralibus, quæ circa propriam Personam, vel circa Deum, aut Sanctos, vel circa proximos fiunt, & ad actiuam vitam reducuntur ex S. Bernardo relato à S. Bonau. qui eum sequitur in tract. de Meditat. Vitæ Christi cap. 48. Sic autem dicit Bernardus; Bonam autem vitam ego puto, & mala pati, & bona facere. Arbitror autem, quod tu, qui in Congregatione es, bene viuas, si viuas ordinabiliter, socialiter, humiliter. Ordinabiliter, si in conuersatione tua sollicitus sis obseruare vias tuas in conspectu Domini, & in conspectu proximi, cauens & tibi à peccato, & illi à scandalo. Socialiter, si studens amari, & amare, & blandum te, & affabilem exhibere, supportare, non solum patienter, sed & libenter infirmitates fratrum tuorum, tam morum, quam corporum. Humiliter, ut eam hac omnia feceris spiritui vanitatis studeas exufflare, qui ex huiusmodi nasci solet: & quantumcumque illum senseris, nega omnino consensum. Sic & in patiendò malum, triplicem te oportet habere prouidentiam; quia triplex est: est enim quod à te pateris, quod à primo, quod à Deo. Primum est austeritas punientis. Secundum vexatio alienæ malitiæ. Tertium flagellum correctionis diuinæ. In eo quod à

Ex S. Bo
nau. multa

Directio
sui erga
Deum, &
proximos
pertinet
ad vitam
actiuam.

Virtutes
morales

te

te pateris, debes volūtariē sacrificare. Quod à proximo, patiē-
ter ferre. Quod à Deo, sine murmuratione, & cū gratiarū actio-
ne sustinere. Hęc & alia plura in eo c. de exerc. vita actiua
prædixerat Ber. & cōcludit, & hac de exercitio vita acti.

Ideò S. Bonau. de medit. Vitæ Christi cap. 47. dicit,
Vitam actiuam duas habere partes, vnā, quæ respi-
cit directionem sui, aliam quæ respicit proximorum.
Patet ergo, quod exercitium omnium virtutum mo-
ralium tam principalium, quàm specierum earum-
dem, siue respiciant ipsum habentem in directione,
& correctione suorum morum, siue mortificatione
carnis; siue respiciant Deum, aut Sanctos in latria,
dulia, ac deuotionibus cunctis; siue tandem respiciant
proximos, ad actiuam vitam pertinere dicendū est.

Ex quibus, habes primò, quod omnes homines, qui
aliquid de actiua vita participant (nequi oribus ex-
ceptis, qui nec proximis, nec sibi consulunt) in ali-
quarum moralium virtutum exercitio vehementiùs
laborant. Aliqui tamen plus, aliqui minus; aliqui
in pluribus; aliqui in paucioribus, & aliqui in vno
tantum virtutum genere se exercent frequentius, in
alijs vrgente præcepto.

Habes. 2. quod omnia mortificationis propriæ
vitæ opera, ad vitam actiuam spectant, siue sint ex
præcepto, & obligatione, siue ex consilio, & ex su-
pererogatione; & sic ieiunia, ciliciorum vsus, flagel-
lationes, itinera, silentia, vigiliæ, solitudines, &
similia, quibus corpus affligitur, ad actiuam spectant.

Habes 3. quod omnia misericordiæ spiritualis, aut
corporalis in proximos opera, ad actiuam pertinent;
vt docere ignaros, admonere peccatores, consolari
afflictos, condonare offensas, orare Deum pro De-
functis, pro viuīs, maximè pro hæreticorum, & alio-
rum peccatorum conuersione. Item corporalia, vt
elec-

pertinent
tiam ad
actiuam
vitam.

Vita acti-
ua ex San-
Bonauent.
duas ha-
bet partes
vna respi-
cit dire-
ctionem
sui erga
Deum,
alia erga
proximū.

Corolla-
ria.

Omnes
habent
exercitiū
aliquid
vitæ acti-
uæ.

Omnes
mortifica-
tiones per-
tinent ad
actiuam
vitam.

198 DE VITA ACTIVA, ET CONTEMPL.

eleemosina, seu cibum dare egenis, & esurientibus, potum sitientibus; vestimentum nudis, visitare infirmos, vel carceratos, redimere captiuos, ac sepelire mortuos, alia his similia in proximorum necessitatibus facere ad actiuam spectant vitam.

Habes 4 quod vacare, operibus pietatis in Deum, & Sanctam Virginem, coeterosque Sanctos per laetie, hyperdulie, ac dulie actus, per Sacramentorum, & vocalium orationum frequentiam, vel per alias corporales afflictiones, ac deuotiones ad actiuam spectat, licet dici posset spectare ad mixtam ex actiua contemplatiua, & ob mentalem conperationem, vt dicam postea.

Habes 5. Omnes superiores, siue Ecclesiastici, siue seculares exerceentes iurisdictionem coactiuam, siue etiam solum directiuam in alios secundum rectas regulas vitam actiuam exercere, Deo gratam, vt pote à Deo institutam, quia ex Rom. 13. 1. *Omnis potestas est à Deo, & quæ à Deo sunt, ordinata sunt, & qui potestati resistit Dei ordinationi resistit.* Ideo Episcopi ex August. lib. 9. de Ciu. c. 19. actiuam exerceant vitam, & ipse consultit eis mixtam. Curam animarum exerceentes, inferiores Episcopis, quouis vocentur nomine, siue seculares, siue Regulares vitam actiuam ducunt, & debent mixtam ducere. Item Concionatores, Confessarii, scholarum Magistri; doctrinam Christianam docentes, & huiusmodi animarum directores in Congregationibus, vel extra actiuam agunt vitam. Qui autem aliquod eiusmodi institutum ex voto exercent, maiori cum merito faciunt. Quo verò ad Iudices, et Principes, qui alijs præsunt, vt prosint, et regulas sacras, et ab Ecclesia permissas, in iudicijs, et ordinationibus seruant, actiuam, et rectam vitam ducunt; sin minus, malam; et hæc obi-

Omnia opera misericordie ad vitam actiuam spectant.

Omnes actus deuotionis mortificationis, &c. ad vitam actiuam spectant. Item orationes vocales.

Omnes superiores exerceentes iurisdictionem in subditos, exerceant vitam actiuam si recte operantur.

Ecclesiastici omnes curam habentes ex S. Aug. deberent vitam mixtam ducere.

Directores animarum vitam actiuam ducunt.

obiter de actiua dixisse sufficiat.
 Dico 2. Vita contemplatiua consistit in continua,
 seu frequenti Dei, ac diuinorum, et omnium reuela-
 tionum consideratione, et charitate cum totali abdicatio-
 ne seculi, puritate cordis, ac passionum dominatione,
 &c.

Prob. ex S. Bernard. vbi supra serm. 53. vbi pari-
 titer exarat de verbo ad verbum ea quæ docuerat,
 et scriperat S. Greg. Mag. hom. 14. in Ezech. Con-
 templatiua vita est Charitatem Dei, & proximi tota men-
 te retinere; ab exteriori actione acquiescere, soli desiderio
 conditoris inherere, ita vt iam nihil agere libeat, sed despe-
 ctis omnibus curis seculi ad videndum faciem sui creatoris
 inardescat; ita vt iam nouerit carnis corruptibilis pondus cum
 maiore potare, totisque desiderijs optare hymnidicis Angelo-
 rum choris interesse, appetere admisceri celestibus cinibus,
 de æterna incorruptione in conspectu Dei gaudere: hæc S.
 Bernardus.

S. Bonau. lib. de medit. Vitæ Christi cap. 55. ait in
 contemplatiua vita aliter, & longè aliter in actiua te viuere
 oportet. Contemplator enim soli Deo vacare debet & manere
 in solitudine saltem mentis. Nihil ad eum de aliquibus rebus
 communibus, vel proprijs; nihil ad eum de proximis quan-
 tum ad obsequia corporalia pro illo tempore, sed ratione, de-
 uotione, & compassione intendit ad eos, nihil etiam ad eum
 de seipso. Omnia breuiter debet post tergum projicere, & tam-
 quam insensibilis, & mortuus erit ut soli Deo vacare possit;
 nihil eum necessitas implicet vel inuitum. Oportet enim, quod
 hanc sapientiam discat in otio. Oportet, quod minoretur
 actu, & taceat exemplo Mariæ quantumcumque, & quoties-
 cumque interpellatur; & ipsius exemplo dimittat Domi-
 num respondere, & facere, vt omnia dignissima prouidentie
 sue committat.

Deindè adducit alias condiciones Vitæ contem-
 pla-

Vita con-
 templati-
 ua quæ sit

S. Bernard
 ex S. Greg
 narratque
 spectant
 ad vitam
 contem-
 platiuam
 Multa re-
 quiruntur
 ad vitam
 contem-
 platiuam

Ex S. Bon.

Ex S. Bon.
 purima
 requirit
 vita con-
 templatiua.

200 DE VITA ACTIVA, ET CONTEMPL.

Alia mul-
ta condi-
tiones vi-
tae contem-
platiuae, ex
S. Bonau.

platiuae allatas à S. Bernardo Serm. 5. de Assumpt. B. Mariae Virginis, sic. *Habet Martha, dum agit, formam bene operantis. Maria vero speciem explicat contemplantis, dum sedet, dum tacet, dum interpellata non respondet; sed tantum in Dei verbum toto mentis studio intendit ad solam quam diligit gratiam diuinæ cognitionis, cetera respuens, medullitus haurit, forisque ut insensibilis reditur, dum intus ad contemplanda Dei sui gaudia felicissime rapitur.* Alia plura de exercitio vitae contemplatiuae dixerat Sanctus Bonau. in eodem tract. de Medit. vitae christi cap. 49. & nos multa alia dicemus infra de dispositionibus ad vitam contemplatiuam esse necessaria: Ita quod eam ducens, agens, seu exercens, ita spiritualis esse debet, ut abnegato semetipso, mundo moriatur, & tollat crucem suam, & sequatur Christum.

Addit alia

Alia plu-
ra in vita
contempla-
tiua sunt
necessaria

Tandem in fine illius 55. capitis S. Bonau. ex S. Bern. hæc dicit Contemplatori. *Simplex esto non tantum sine dolo, sed etiam absque multiplicitate occupationum, ut tecum sit sermocinatio eius (id est sponsi) cuius & vox dulcis, & facies decora. Verum caue ne incipias abundare in sensu tuo, & velis plus sapere, quam oportet; ne forte dum lucem sectaris impingas in tenebras, illudente tibi Dæmonio meridiano.* & S. Bonau. de suo addit. *Vidisti quoniam contemplator debet omnia dimittere, occupationes, & exercitia corporalia, quia occupatio recte opponitur vacationi, & est vnum de maioribus impedimentis, quæ possit habere contemplator, nam pluribus modis impedit eum, & non solum cum est in occupatione, sed postea, & primo, reddendo mentem sollicitam, & inquietam circa id quod facit, aut facere habet; etiam, & relinquendo imaginationes & phantasmata.* Hæc Bonau.

Ex his ergo de vita contemplatiua dictis conii-
cere potest qui putat se contemplatiuae addictum,

an

an contemplatiuam agat, necne, si per aliquod temporis spatium aliquando, vel quotidie actum aliquem contemplationis facit: maxima siquidem est differentia inter contemplantem, & vitam contemplatiuam agentem. Quilibet enim instructus potest actum aliquem contemplandi exercere, & fructuosè, si in statu gratiæ sit, etiam si negotiis mundi implicitus; & sine fructu potest pariter contemplari in peccato existens, vt sæpè accidit, & in hæreticis; ac schismaticis semper. At non proinde isti ducunt vitam contemplatiuam, & perfectam, (quæ à Sanctis laudatur, & anthonomasticè *contemplatiua* nuncupatur), si præfatis careant conditionibus.

CAP. II.

De Vita mixta ex Actiua, & Contemplatiua.

ADu. quod quamuis Sancti Patres, vt aduertit S. Bonau. in *tract. de medit. Vitæ Christi* c. 45. vitam humanam moralem ex facto duarum sororum Marthæ laborantis, & Magdalene contemplantis distinguant in vitam actiuam, & contemplatiuam, quæ etiam dici solent actiuosa, & otiosa, non propterea opinandum est, quod istæ vitæ ita sint inter se contrariæ, vt in eodem homine coniungi non possint, & sic ex vtriusque vicissitudinario exercitio maius, & copiosius meritum obtineri: vnde Seraphicus Doctor in *tract. de luminaribus Ecclesiæ*, dicit, tres morales vitas dari, Actuosam, Otiosam, & Mixtam. At quænam istarum sit perfectior, dicetur postea.

Adu. 2. quod S. August. *serm. 17. de Verb. Dom. de vtraque vita*, sic loquitur de Martha, & Magdalena.

Magna differentia inter contemplantem, & vitam contemplatiuam ducentem

Vita actiua potest coniungi cum contemplatiua in eodem subiecto.

202 DE VITA ACTIVA, ET CONTEMPL.

Ex Aug.
utraque
vita lauda-
ta.

In duabus fœminis, quæ suscepunt Dominum remanserunt
duæ vitæ, ambæ innocentes, ambæ laudabiles, vna laborio-
sa, altera otiosa; nulla facinorosa, nulla desidiosa; nulla
facinorosa, quam cauere debet laboriosa; nulla desidiosa,
quam cauere debet otiosa: igitur vnitæ perfectiore mfa-
ciunt habentem ideo.

Potest
quis acti-
uam, &
contem-
platiuam
habere,
eisq; pro-
oportuni-
tate vtj.

Dico. Actiua, & contemplatiua sic possunt co-
pulari, quòd possit homo fidelis, ac deuotus, & spi-
ritualis ab actiua vita ascendere ad contemplatiuam
& cum necessitas vrget à contemplatiua ob bonum
proximi descendere ad actiuam, & postea redire ad
contemplatiuam.

Ab vna ad
aliā as-
cenditur,
& descen-
ditur.

Prob. totidem ferè S. Greg. verbis hom 14. in
Ezech. Ante actiua agitur, vt ad contemplatiuam post
modum perueniatur, sed sciendum est, quòd sicut bonus or-
do viuendi est, vt ab actiua in contemplatiuam tendatur, ita
plerumque vtiliter à contemplatiua animus ad actiuam re-
flectitur, vt per hoc quo contemplatiua mentem accenderit,
perfectius actiua teneatur. Debet ergo nos actiua ad contem-
platiuam trasmittere, & aliquando tamen ex eo, quod intror-
sus mente conspeximus, contemplatiuam melius ad actiuam
reuocare. Quia post visum principium, laboriosa vita boni
operis, non est funditus deferenda.

S. Bernard

Transitus
ab vna vi-
ta ad aliā,
& e con-
uerso.

S. Bernard. de modo benè viuendi serm. 53. idem di-
cit quod S. Greg. Qui prius in actiua proficit, ad contem-
platiuam benè contendit, & infra. Viri Sancti sicut ali-
quando egrediuntur à secreto contemplationis ad actiuam vi-
tam; ita rursus ab actiua vita reuertuntur ad secretum inti-
mæ contemplationis, vt intimè Deum laudent; vbi accepe-
runt vnde foris ad eius gloriam operentur. Sicut Deus vult,
vt aliquando contemplatiui egrediantur ad actiuam vitam,
vt alijs proficiant, ita aliquando vult, vt nemo eos inquie-
tet, sed vt quiescant in secreto contemplationis suauissimæ.
Et hoc est quod dicitur in Canticis, Adiuro vos filiæ ierusa-
lem,

lem, ne suscitetur, nec euigilare faciat animam diuina contemplationi deditam, orationibus, & diuinis lectionibus occupatam, &c.

S. Bonau. in Pharetra lib. 4. cap. de Actione, & Contemplatione multa digna dicit, præsertim ex S. August. de Cinita. Dei lib. 19. cap. 19. sic. Ex tribus illis vitæ generibus, scilicet otioso, actiuo, & ex utroque composito. quamuis salua fide quisque possit in quolibet eorum vitam ducere, & ad sempiterna præmia peruenire: interest tamen, quid amore teneat veritatis, quid amore Charitatis impendat, nec sic esse debet unusquisque otiosus, ut in eodem otio utilitatem non cogitet proximi; nec sic actiuus, ut contemplationem non requirat Dei. Otium Sanctum querit Charitas veritatis; negotium iustum suscipit necessitas Charitatis. Et infra ex Bernardo. Bonum acquirat gradum, qui benè ministraverit proximo; forte meliorem, qui benè vacauerit Deo; optimum autem, qui perfectus est in utroque.

De vicissitudine operandi in utraque vita loquitur Seraphicus Doctor in tract. de medit. Vita Christi cap. 47. sic. Hæc siquidem vera, & casta contemplatio habet, ut mentem, quam diuino igne uehementer succenderit tanto interdum repleat zelo, & desiderio acquirendi Deum quæ cum similiter diligit, ut otium contemplationis pro studio prædicationis libentissimè intermitat, & rursus petita uotis in hac parte tanto ardentius redeat ad ipsum, quanto se fructuosius intermissæ meminerit, & iterum sumpto contemplationis gustu uiolentiùs ad acquirenda lucra solita alacriter recurrat.

Et de his in utraque vita exercitatis, ait S. Doctor, quod æstuant, & fluctuant, quam pro aliquo tempore debeant exercere, sic. Ceterum inter has uicissitudines plerumque mens fluctuat, metuens, & uehementer estuans alteri horum dum suis affectionibus hinc inde di-

Ex S. Bon.

Vitam
mixtam
exaltat S.
Doctor.

Qui utrâ
que habet
perfectior
est.

Vicissim
exercen-
tur illæ
vitæ.

Vicissitu
do in exe
cenda alte
rutra vita

S. Bonau.
ex S. Ber
nardo.

Confiliū
in dubio
exercendi
alteru-
tram.

Ex S. Aug.
quæ vita
exercen
da, &
quando.

strahitur plus iusto inhæreat, & sic in utroque uel modicum à diuina deuiet uoluntate. Et fortassis aliquid tale Sanctus Iob patiebatur, cum diceret, si dormiero, dico quando con-
surgam, & rursus expectabo uesperam, hoc est, & quie-
tus neglecti operis, & occupatus, perturbata nihilominus
quietis me arguo. Vides uirum Sanctum inter fractum ope-
ris, & somnum contemplationis grauer astuare, & in
bonis licet semper conuersantem, semper tamen quasi de
malis pœnitentiam agere, & Dei cum gemitu singulis
momentis inquirere uoluntatem: hæc ex S. Bernard. S.
Bonau.

In his autem casibus fluctuationis, & estuationis
in homine spiritali exercitato in vita actiua, & con-
templatiua, an & quando alterutram debeat exer-
cere, dicit idem S. Doctor ibidem sic. Vnicum quip-
pe in huiusmodi remedium, seu refugium, oratio est, &
frequens gemitus ad Deum, ut quid quando, & quatenus
nos facere uelit, nobis demonstrare dignetur.

S. August. in lib. 19. de Ciuit. cap. 19. præter ea,
quæ supra cum S. Bonau. referente eius uerba, dixi-
mus, commendans mixtionem vitæ actiue cum con-
templatiua, ita prosequitur; In otio non iners uacatio
delectare debet: sed aut inquisitio, aut inuentio uirita-
tis, ut in ea quisque proficiat, & quod inuenerit teneat,
& alteri non inuideat. In actione uero non amandus est ho-
nor in hac uita, siue potentia, quoniam omnia uana sub sole,
sed opus ipsius, quod per eundem honorem, uel potentiam
fit, si recte, atque utiliter fit, idest, ut ualeat ad eam salu-
tem subditorum, quæ secundum Deum est: Propter quod ait
Apostolus, qui Episcopatum desiderat, bonum opus deside-
rar: declarans deinde, quod Episcopus Græcum vo-
cabulum est, quod latine sonat superintendens, idest
vitam actiuam agens circa se, & subditos dirigen-
dos, ut intelligat non se esse Episcopum, qui præesse dilexe-
rit,

rit, non prodesse, subdit. Itaque a studio cognoscenda veritatis nemo prohibetur, quod ad laudabile pertinet otium. Locus verò superior, sine quo regi populus non potest, etsi ita teneatur, atque administretur, ut decet: tamen indecenter appetitur. Quamobrem otium sanctum querit Charitas veritatis; negotium iustum suscipit necessitas Charitatis; quam sarcinam si nullus imponit, percipienda, atque in-
tuende vacandum est veritati: si autem imponitur, suscipienda est propter Charitatis necessitatem. Sed nec sic omnimodè veritatis delectatio deferenda est, ne subtrahatur illa suauitas, & opprimat ista necessitas. Digna quidem, ut de more, dicit Sanctus Magister Augustinus.

Ex his ergo, & ex primis supra cum S. Bonau. al-
latis S. Augustini dictis, plura colliguntur & sancta
documenta. Primum, quod vita actiua coniungi po-
test, & deberet cum contemplatiua. 2. quod pro op-
portunitate, modò in vna, modò in alia potest ho-
mo operari: si non vrgeat præceptum Charitatis,
contemplatiuæ vacet; si necessitas proximi vrget, va-
candum est actiuæ, & illa cessante redeundum ad
contemplatiuam. Tertium est, quod licet aliquæ
dignitates, & honores præsent modum exercendi
actiuam, ut Episcopatus v. g. & aliæ similes, tunc
propter opus illud, seu actiuam vitam exercendam,
appeti possunt, non ex alio motiuo. Quartum,
quod Episcopus, aliique Prælati non debent delecta-
ri, quod præsent alijs, sed quod profunt. Quintum,
quod isti, & actiuæ, & contemplatiuæ possunt, &
debent vacare. 6. quod subditi, qui sarcinam subie-
ctionis portant, si contemplationi vacant, dum eis
à suis superioribus præcipitur, ut proximi neces-
sitati consulant, parere debent, omittendo ad tem-
pus contemplationem; ut postea præterita neces-
sitate succurrendi proximo, ad illam redeant.

Dam-

Episcopi
in vtraq;
vita exer-
cent debet

Modò vna
modò alte-
ra exer-
cenda.

Plura do-
cumenta.
circa has
duas vitas

Plura co-
rollaria
utilia.

Pro Præla-
tis docu-
menta.

Alia pro
subditis.

206 DE VITA ACTIVA, ET CONTEMPL.

A contem-
platiuis
parendū
est Præla-
tis.

Error Illu-
minatorū.

Christus
vtramque
exercitū.

SS. Docto-
res vtriq;
vacarunt.

Hic nomi-
ne contē-
plationis
veniat e-
tiam con-
meditatio

Damnanda igitur, vt de Illuminatis damnata fuit, quorundam fatuorum opinio, asserens, quòd si subditus Religiosus vacans contemplationi præceptum habeat à Superiore de aliquo actiuæ vitæ opere exequendo, non teneatur exequi; vel si eiusdem conditionis vxor præceptum habeat à marito, vel filius à Patre de aliquo domestico opere peragendo, non teneatur obedire. Si quidem ex iustitia tenentur obedire; & tunc in eiusmodi operibus vitam exercent actiuam in suimet directione.

Hinc est, quòd præcipui Sancti, ipsiusmet Domini Iesu Christi exemplo, qui vtramque vitam summe perfectam duxit, vt in sequenti dicam, in vtraque pariter pro opportunitate sese exercuerunt, vt Apostoli, qui in Euangelij prædicatione, & moralium, atque Theologalium virtutum exercitio, verbo, & exemplo in proximorum vtilitatem laborantes, meditationes, & contemplationes diuinarum rerum pro temporum opportunitatibus non omiserunt. Sic de Sanctis Doctoribus Græcis, ac Latinis legimus; et si enim in concionibus, & librorum, quibus Ecclesiam illustrarunt, & mundum docuerunt, scriptione tantum, vt vix credibile sit, defudarunt; contemplationem tamen diuinorum non reliquerunt; immò ex hac illuminati, ad ea prædicanda, & scribenda aptiores, & promptiores sunt effecti.

Notandum autem est, pro fidelium Piorum consolatione, quòd hic, contemplationis vocabulo, intelligitur, nedum pura, ac sublimis infusa, vel acquisita contemplatio, id est simplex intuitus reuelatæ veritatis sine discursu; sed etiam meditatio, quæ cum discursu fit; semper enim, vt exercitati experiuntur, in meditatione alicuius puncti reuelati, aliquis contemplationis, esto per transitum, & modicus saltim,

gra-

gradus interuenit: Immo ad maiorem consolationem fidelium dico cum S. Thoma, quod actus omnes preparatorij ad contemplationem acquisitam, ac ad meditationem, vt examen conscientiae, lectio puncti meditandi, contemplandi, gratiarum actio, & petitio, ad contemplationem reducuntur. Is ergo, qui mundo corde, actiuae vitae operam vacat, & suis temporibus, mentalibus hisce orationibus, vel alterutri incumbit, gradeat in Domino, certusque de maximo praemio, oret Deum, vt vsque in finem in hac mixta, & coniuncta vita perseueret, et aeternam, omnisque laboris, & actuosae vitae experientem, euidentem, ac facialem Dei contemplationem consequatur.

C A P. III.

An Contemplatiua vita sit melior actiua, an e contra, vel mixta ex vtraque.

ADu. quod Sancti Patres vnanimiter vtramque vitam collaudant, & perfectam dicunt, & perfectiorem, immo optimam ex Christi oraculo *Luc. 10.* contemplatiuam. At de meritis earum video illos non vniuniformiter loqui, quanam scilicet earum sit magis meritoria; neque mirum: ideo.

Adu. 2. quod non semper omnis res, omnisque humana actio, quae praecellit alteri in perfectione, praecellit etiam in ratione meritorij: fieri enim potest, vt res aliqua perfectior secundum suam essentiam, nedum non sit ita meritoria, sicut alia imperfectior; sed neque vllò modo sit meritoria; immò vel sit comprincipium actionis meritoriae, vel sit praemium illius, v. g. omnes habitus infusi, Fides, Spes, &

Non semper aliquid perfectum est magis meritorium.

208 DE VITA ACTIVA, ET CONTEMPL.

Exempla
multa.

& Charitas, & alij, si dentur, sunt principia actionum meritoriarum, & comprincipia hominis merentis per earum actus; ipsi tamen habitus nec sunt merita, quia non actiones, neque merentes, quia non sunt supposita viuentia, quibus competit mereri. Ita de lumine glorię, de contemplatione, seu visione, ac fruitione Dei in Patria; perfectissimę, & optimę omnium res, actiones sunt, at non merita, nec meritorię, sed meritorum terminus, ac premium. Ideo nemo miretur si in Authore aliquo, seu sancti alicuius Doctoris libro legat, merita maiora, modò actiuę, modò contemplatiuę, & tamen legatur in eis contemplatiua perfectior.

Omnes
istę, tres
vitę sunt
perfectę,
& meri-
torię.

Dico ergo primò: tam actiuę, & contemplatiuę vitę, quàm mixtę ex vtraque, sunt laudabiles, et meritorię, ac perfectę.

Actiuę vi-
tę à Chri-
sto com-
mendata.

Prob. primò ex dictis in præcedentibus, & ex dicendis in sequenti coclusione, quę ad idem est. 2. prob. de actiuę Saluator præcipit, *estote misericordes, sicut Pater vester Cœlestis misericors est: immò protesta-
tur, quòd de operibus misericordię in proximum, exacta ratio sumenda sit ab ipso in die iudicij, & præ-
mium, ac supplicium ad eorum mensuram sit con-
ferendum, dicet enim, eusuriui, & dedistis mihi mandu-
care; sitiui, & dedistis mihi bibere; hospes eram, infirmus &c.
Venite benedicti Patris mei, percipite Regnum &c. Repro-
bis vero, esuriui sitiui &c. & non dedistis; ignem aeternum, &c. ergo.*

Præcipit
eam.

Idem Saluator ascensurus ad Cœlum præcipit Apostolis vitę actiuę exercitium, *Euntes in mundum
vniuersum prædicate Euangelium omni creaturę, batizantes
&c. docentes eos seruare omnia quacumque mandauimus vobis.*
Illi autem profecti prædicauerunt vbique: & labores quos Apostoli peregerunt, in earum actibus re-
ferun-

feruntur. Hæc autem actiuæ vitæ opera sunt, ergo perfecta est.

De vtraque vita S. Greg. in Ezech. hom. 14. ait, *Bene vtrasque vitas duæ illæ mulieres signauerant, Martha, & Maria, quarum vna satagebat circa frequens ministerium: alia verò sedebat ad pedes Domini, & audiebat verba de ore eius, & dum Martha quæreretur, Dominus dicit, Maria optimam partem elegit, quæ non auferetur ab ea. Neque enim bonam partem dicit elegisse Mariam, sed optimam, ut etiam pars Marthæ indicaretur bona.*

Ex S. Greg.
vtraque
bona.

S. Bonau. lib. 4. Pharetra, ex S. Bernardo vtramque commendat in cap. de actione, & contemplatione, & vtramque dicit ad æternam vitam conducere; & ex eodem subdit. Bonum acquirit gradum, qui bene ministraverit proximo, forte meliorem, qui bene vacauerit Deo: optimum autem, qui perfectus est in vtroque. Omnes itaque perfectæ sunt, sed vna perfectior alia: Mixta autem supra singulas.

Ex S. Bon.

Dico 2. Contemplatiua Vita est perfectior actiua, immò respectu huius optima.

Prob. ex Christi oraculo Lucæ 10. in fine, qui Martha laborante, & Maria sedente ad pedes Christi, & audiente illum docentem, dum Martha doleret, quòd Maria eam non adiuuaret, Saluator dixit, *Maria optimam partem elegit, quæ non auferetur ab ea.*

Contem-
platiua est
perfectior

At quare sit optima, & vnde id sibi competat, videndum est, supposito ex supradictis cum Sanctis Patribus, quòd Maria fuerit figura vitæ contemplatiuæ, Martha verò actiuæ. S. Greg. hom. 14. in Ezech. dicit, contemplatiuam esse optimam ea ratione, quam assignat Christus, *quia non auferetur ab habente: Actiua enim desinit cum temporali vita, at contemplatiua sequitur animam, & manet in æternum:*

Contem-
platiua
optima,
quare.

D d quia

210 DE VITA ACTIVA, ET CONTEMPL.

S. Greg. di-
ci: quod
permanet
post mor-
tem.

quia ait Grego. *hic inhoatur, in Patria perficitur.* Gre-
gorium secuti sunt S. Bernardus, S. Bonau. S. Thom.
Glosa ord. in illud c. Lucæ. Aiple Grego. à S. Augu-
stino noscitur accepisse.

S. Thom.
ex octo
motiuis.
dicit esse
optimam.

S. Thom. 2. 2. q. 182. art. 1. in corpor. docet ob octo
motiua contemplatiuam esse optimam respectu
actiuæ. Primum est, quia exercetur per actus nobi-
lissimos intellectus, & voluntatis, qui conueniunt
homini secundum quod homo est, & circa nobilissi-
mum obiectum, Deum nempe, & diuina: actiua
verò circa exteriora, & per actus inferiores. 2. quia
potest esse magis continua, licet non quantum ad
summum gradum contemplationis; ideo de Maria
dicitur, quod *secus pedes Domini assidue sedebat*; quia
maior est delectatio contemplatiue, quam actiuæ,
ideo Martha tristabatur, ait S. Augustino Maria
vero epulabatur. 4. quia in ea homo paucioribus
indiget, quam in actiua, ideo Marthe dicitur, *tur-
baris erga plurima*. 5. quia contemplatiua propter se
diligitur, actiua propter aliud. 6. quia contemplati-
ua consistit in quadam vacatione, & quiete, &
ideo in psal. 45. dicitur. *Vacate, & videte, quoniam ego
sum Deus*. 7. quia est circa diuina; actiua vero cir-
ca humana. 8. quia est secundum id, quod est ma-
gis proprium homini secundum intellectum, at in
operationibus vitæ actiuæ communicant etiam in-
feriores vires, quæ sunt nobis, & brutis commu-
nes. Nonum additur ex dicto Domini, *Maria opti-
mam elegit, quæ non auferetur ab ea*: hæc, & alias S.
Thom.

Multæ ra-
tiones, ad
idem.

Ex S. Bon.

S. Bonau. de 7. itiner. eternitatis, itiner. 3. dist. 4.
art. 5. inter innumeras huius vitæ perfectiones ex di-
uersis PP. & ex semetipso has enunciat, sic. *Vita con-
templatiua est summum beneficium, quod conferi potest ani-
ma*:

me habet enim sibi annexas perfectissimas, & supremas
 & ultimas delectationes consequentes virtutes, dona, beati-
 tudines, & fructus, magnificatius & contentius, & vni-
 tiuas spiritus creati rationalis, & Dei increati tanto felicius
 quanto immediatius, sicut dicit Orig. signa familiaritatis
 patent in Euangelio. spiritus humanus ambulans per iti-
 nera vite contemplatiue vigili somno quiescat, & illu-
 minatur post luctum vite actiue; sic iacob post luctum dicit.
 Vidi Dominum facie ad faciem, & salua facta est ani-
 ma mea; & infra. Spiritus in itinere contemplationis fa-
 cie pulchrificatur, visu clarificatur, vnde Hugo dicit,
 Contemplatio est deifica similitudo, quia dum per eam
 illuminati lucentes fiunt, quodammodo ipsius luminis lu-
 centis similitudinem accipiunt; & Greg. dicit. Vita con-
 templatiua speciosa est in anima contemplantis, vnde dicitur.
 Toda pulchra es amica mea. Quinto, spiritus humanus am-
 bulans in vita contemplatiua dulciter, & multipliciter refi-
 citur, nam cibatur primo, vt fortificetur; comedere autem
 anime spirituale, est superne lucis contemplatione pasci,
 ait Greg. subdens. Contemplatiua vita amabilis valde dul-
 cedo est, que supra semetipsam animam rapit, celestia ape-
 rit, terrena autem debere esse contemptui ostendit, spiritua-
 lia oculis mentis patefacit, corporalia abscondit, vt contem-
 platrix dicat, ego dormio, & cor meum vigilat. Vigilans
 enim corde dormit, quod dum interius contemplando proficit,
 ab inquieto corporis opere foris quiescit. Neque adhuc ta-
 men præsens Deus in sua claritate conspicitur, sed quedam
 sub ipsa speculatur anima, vnde refecta proficiat, & post
 ad visionis gloriam pertingat. De hac refectioe gloriatur
 anima contemplatiua, Cant. 2. se expertam, fructus eius
 dulcis gutturi meo. Item in hoc itinere vite contemplati-
 uae anima reficitur potu inebriantis gratiae; ideo contem-
 platrix dicit, introduxit me in Cellam vinariam, Cant. 1.

Multa di.
 uer ur de
 contem-
 platiua.

Dignè per
 fectione
 vite con-
 templati-
 uae.

Vnde Glosa ait, quàm citò guttur meum dulcedinem gratiæ eius attingit, ita me recreatam spiritu, & ab amore terrenorum in superna translata sentio, ac si in cellam introducta nouo suo meri odore, & poculo inebriata sim. Item in hac via ambulantibus Deus associatur, & cum eis confabulatur, eosque, vt comes suis confabulationibus releuat: cum eis Deus habet dulcia susurria, ex Origene, quibus tantò fortius clamat, quantò efficacius susurrat, idè contemplatiua dicit, Vox dilecti mei pulsantis, &c. Item ambulans in hoc contemplationis itinere, ultra omnia inferiora mentaliter eleuatur, in cælestibus floribus spiritualiter commoratur, & in Sancta Trinitate ineffabiliter iucundatur, vnde Hugo dicit, Contemplatio Claustrum animæ dicitur, cuius sinu dum se recipit animus, sola cælestia meditat, à terrenis separatur, à turba carnalium cogitationum longè ponitur; dulces carnis refugit effectus, vagos sensuum astringit motus, in Domino delectatur, angelica dulcedine fruitur, legit in libro vitæ; pro silentio pacem tenet, in choro virtutum seruat concordiam morum, summi Patris potentiam considerat; sapientiam Filij intelligit, Spiritus Sancti benignitatem amat. Hæc, & alia plura S. Bon. ex quibus euidenter colligitur excessus perfectionum contemplatiuæ vitæ supra actiuam, cui præfata non competunt.

Dico 3. Vita mixta ex contemplatiua, & actiua est perfectior alterutra.

Prob. ex S. Bernard. quem affert S. Bonau. vbi supra, Bonum acquirit gradum, qui benè ministraverit proximo; fortè meliorem, qui benè vacauerit Deo; optimam autem, qui perfectus est utroque; & ratio euident, est quia cum vtraque vita sit bona, & perfecta singulariter sumpta, si vniantur, maius efficiunt. Et quamuis pars Mariæ appelletur à Christo optima, id intelligitur respectu partis Marthæ, quæ bona erat:

Vita mixta est perfectior.

erat: non quia dari nequeat status perfectior statu Marię, si status iste vniatur cum illo alio etiam perfecto.

Ideò Christus Dominus, Magister, & Doctor noster, virtutum omnium exemplar, ac Prototypus, in vtraque vita perfectissimè voluit se exercere, fuit enim, sicut & nunc est continuus Dei, ac diuinorum omnium contemplator, quia à primo instanti suę conceptionis beatus, Deum clarè, & semper videns, omnesque eius perfectiones, tam ad intra, quàm ad extra, creaturas scilicet in Deo resplendentes; & potentiam, iustitiam, sapientiam, charitatem, misericordiam, &c. per scientiam beatam, ac infusam intuens. Præterea in operibus misericordiæ in genus humanum perpetuò fuit occupatus; etsi enim vsque ad trigessimum annum non legamus eius opera exteriora ad vtilitatem humani generis conducētia; perpetuam tamen eius orationem pro nostra salute, & applicationem suorum laborum, paupertatis, ieiuniorum pro nobis iam ab initio suę formationis in utero matris, omnes pie credimus. Ab anno verò trigesimo, idest à baptismo per Ioannem accepto, & à Quadragesimali ieiunio vsque ad ignominiosam mortem, ac sepulturam, & ab ea vsque ad Ascensionem in Coelum, fide credimus, ipsum in actiua vita pro humani generis salute, & vtilitate continuo exercitatum: omniaque spiritualia, ac supernaturalia, quæ abundè habemus, ad salutem mediā, & ianuā Coeli aperitionem, suis laboribus, & sanguinis effusione, ac ignominiosa morte nobis comparasse.

Saluatorem imitati sunt Apostoli, alijque Sanctissimi viri, ac præcipui Ecclesię Doctores, qui nedum Dei, diuinarumque eius perfectionum, tam ad intra, quàm ad extra contemplationi sedulò vacarunt, &
de

Christus
vtramque
vitam e-
xercuit.

Et actiua
semper.

Apostoli,
& alii San-
cti in vera
que vita
perfecti
fuere.

de illi tot, tantisque libris fideles erudierunt, sed etiam in misericordiae operibus in alios semetipsos assidue exercuerunt, ut notorium est, de SS. Cypriano, Grego. Naz. & Magno Basilio, Chrysostomo, Athanasio, Ambrosio, Augustino, Hieronymo, & de nouissimis Thoma, ac Bonau. ut ceteros omit- tam, & de omnium istorum post Apostolos Antesi- gnano, Dionisio Arcopagita, qui verbo, & exem- plo in vtraque vita præcelluit.

Immò S. Greg. Magnus in Past. rali part. 2. cap. 1. dicit, Ecclesiæ Præpositos in vtraque vita debere excellere. *Sit Rector in actione præcipuus; præ cunctis in contemplatione suspensus.*

Pastores
Ecclesiæ
in vera
que vita
exerceri
debent.

Ante illum S. August. de Ciu. lib. 19. c. 19. primò dicit, ex tribus verò illis vitæ generibus, otioso, actiuo, & ex utroq; composito, quamuis salua fide quisq; possit in quoli- bet eorum vitam ducere, & ad sempiterna præmio peruenire, interest tamen quid amore teneat veritatis, quid officio Cha- ritatis impendat. Nec sic quisque debet esse otiosus, ut in eodem otio utilitatem non cogitet proximi, nec sic actiuus, ut contemplationem non requirat Dei. Deinde declarans illud Apostoli. Qui Episcopatum desiderat, bonum opus desiderat, pluribus, docet, Episcopum vitæ mixte ex actiua, & contemplatiua incumbere debere, & pro oportunitate modò hanc, modò illam exercere, subdens. *Orum Sanctorum quærit Charitas veritatis; nego- tium iustum suscipit necessitas Charitatis. Quam sarcinam (idest Episcopatus) si nullus imponit, percipenda, at- que intuentia vacandum est veritati. Si autem imponitur, suscipienda est propter Charitatis necessitatem. Sed nec sic omnimodè veritatis delectatio deferenda est, ne subtrahatur illa suauitas, & opprimat ista necessitas.*

Vtrumque docet August. & quòd vita mixta sit perfectior, nam per eam Charitas in Deum, & pro

ximum exercetur; & quod Prælati Ecclesiæ, cum sint in statu perfectionis exercendæ, vtrique debent incumbere.

Dico 4. quoad merita alterutrius vitæ (salua pace) ceteris paribus æqualis meriti esse possunt, si tamen Charitas præcellat in alterutra, illa in qua præcellit, maioris meriti dicenda est.

Prob. prima pars ex S. Bonau. in Pharetra lib. 4. cap. de Actione, & Contemplatione in fine, vbi ex S. Bernardi comparante Martham actiuam ad Mariam contemplatiuam dicit. Optimam partem elegit sibi Maria; licet non minoris fortasse meriti sit apud Deum humilis conuersatio Marthæ: de electione Maria laudatur, quoniam illa quidem omnino quantum ad nos spectat nobis eligenda; hæc si iniungitur patienter est toleranda, quæ verba, ut patuit sunt S. August.

Dixi ceteris paribus, id est si duo v.g. æqualiter sint habituati, vnus in vna, alter in altera vita, tunc existimo habere locum S. Bon. ac S. Bernardi dictum de æqualitate meritorum; secus nequaquam.

Conf. hæc prima pars. Charitas in proximum valdè commendatur à Christo, qui Matth. 22. 37. interrogatus, quod est mandatum magnum in lege, respondit, diliges Dominum Deum tuum, &c. secundum autem simile est huic, diliges proximum tuum. In his duobus præceptis tota lex pendet, & Prophetæ. Notandum, quod dicit, secundum simile est huic, quasi diceret, non minoris meriti est observatio huius secundæ præcepti. Deinde notandum est, quod Christus in die iudicii dicit, se rationem exacturum de operibus misericordiæ principaliter, & iis qui eas exercuerunt, se dicturum, Venite benedicti Patris mei &c. iis verò, qui non exercuerunt. Ite maledicti in ignem æternum. Ergo actiua vita magni meriti est,

&

Istæ vitæ
in meritis
possunt esse
æquales.

Ex S. Bonau.

Duo præcepta mandata Charitatis.

216 DE VITA ACTIVA, ET CONTEMPL.

Magna vi-
tae actiue
merita.

& quo magis perfecta, eò maioris meriti. 3. quia vita actiua laborat, contemplatiua vacat: Actiua turbatur, contemplatiua iucundatur. Multi in proximorum commodum, nedum omnia sua tradiderunt, quod ex Christi oraculo ad perfectionem spectat; sed semetipsos pro eorum redemptione vendiderunt; vt S. Paulinus, qui vtrumque fecit. 4. Quia actiui cum ab innumeris conspiciantur in suis actionibus abundare, iis omnibus sunt exemplum ad eandem faciendas, & sic eos facto erudiunt. Magni ergo & æqualis meriti esse potest actiua vita.

Quò ma-
ior est
Charitas,
eò maius
meritum.

Prob. 2. pars. Omne meritum principalius pendet à gratia, & charitate. At fieri potest, vt exercens actiuam vitam maiori polleat gratia, & charitate, tunc autem maius erit istius meritum: nam accidere potest, vt tam actiuus, quam contemplatiuus æquali charitate tendat in Deum: & tamen actiuus maiorem exerceat charitatem in proximum: v. g. exponat se vitæ periculo propter proximum, vt Sancti multi, qui non solum seruituti se subegerunt, vt fratres liberarent; sed & alii plures, vt Virgines aliquas à Tyrannorum prostitutione liberarent, mutatis vestibus, virgines è carceribus exire procurarunt deceptis custodibus, & ipsi intus remanserunt; quam ob rem mortem per Martirium oppetiere, quod quidem contemplatiui in Cellis, vel Eremitoriis non faciunt. Hos autem Saluator maximè commendat. *Maiorem Charitatem nemo habet, vt animam suam ponat quis pro amicis suis; quod adeò verum est, vt Apost. Rom. 9. diceret, Optabam ego ipse anathema esse à Christo pro fratribus meis.* Quod exponens Chrysostomus lib. de Compunctione dicit. Ita totam mentem eius demerserat amor Christi, vt etiam hoc quod ei præ ceteris omnibus amabilius erat esse cum Chri-

Charitas
à Christo
exaltatur.

sto,

sto, rursus idipsum, quia ita placeret Christo, contemneret. Igitur ex magnitudine Charitatis actiua esse potest maioris meriti.

CAP. IV.

De Gradibus Vitæ contemplatiuæ acquisite.

ADu. 1. quòd Doctores, ac Theologi Mystici de diuersitate, seu graduatione Vitæ contemplatiuæ, & ipsiusmet contemplationis, varijs vocabulis loquuntur: quidam distinguunt in genera, quidam in gradus; qui planè modi loquendi rem non variant, vt patebit; nam diuersitas, vel oritur ab obiectis contemplandis; vel ex actuum contemplandi, & affectuum intensiōe, ac feruore; vel à modo concipiendi obiecta præuiis, vel non præuiis sensationibus externis, ac internis; vel ex imperfectione contemplantium, de quibus postea; vel ex alio capite, ideò Mysticorum de hac re loquentium dicta adducam, vt qui huic exercitio incumbit, vel alios in eo instruit, calleat quid faciat, & an contempletur, necne, dum mentaliter operatur, ne decipiatur, aut decipiat.

Variè lo-
quuntur
DD. de
Gradibus

S. Bonau. tract. de 7. itiner. etern. itiner. 3. dist. 4. art. 1. dicit, quòd est aliud loqui de gradibus contemplationis, & aliud loqui de dispositionibus, per quas peruenitur ad contemplationem. De secundis ego nunc non loquar, quia de eis diffusè loquar infra; sed de primis, de quibus ait, S. Doctor, *Gradus contemplationis* (seu vitæ contemplatiuæ) *sunt quidam progressus, & profectus intellectualis cognitionis, & sapientia dilectionis ad contemplandum Deum sub ratione veri, & boni*, Vnde Greg. lib. 12. Moral. ait, *Gradus*

S. Bon. o-
primè di-
stinguit,
& docet.

Ec sunt

218 DE VITA ACTIVA, ET CONTEMPL.

sunt mensura crescentium virtutum. Tales autem gradus perfectum sunt innumerabiles. Ita quidem, quia sicut in ceteris virtutibus, & scientiis vnus est alio doctior, ac perfectior, ita in virtute contemplationis; quia vt ex Gregorio ait Bonau. Nemo de repente fit summus, sed gradatim proceditur in omni professione.

Idem S. Bonau. in tract. de Gradibus contemplationis, in Tom. 2. Opusculi dicit, septem esse. Et sunt, ignis, vnctio, extasis, speculatio, gustus, quies, gloria. Inquiens primo, anima ignita vngitur; vnctur apitur; rapta speculatur, seu contemplatur; contemplans gustat, gustando quiescit; hæc in via possunt acquiri, non tamen subito, sed gradatim. Citius autem hæc experitur, qui frequentius in spiritualibus se exercet. Septimus in Patria confortatur; abundantiùs his quise in præcedentibus gradibus exercuerunt. Deinde incipit gradus istos declarare, quid importent. At quia, vt video, gradus isti spectant veriùs ad contemplationem infusam, cum de illa agam, eos cum S. Doctore referam, & explicabo.

S. Bernardus
aliter assignat.

S. Bernardus gradus diuersos contemplatiue Vitæ aliquando assignat ex parte actuum contemplationi annexorum, & aliquando ex parte Personarum contemplantium. De prioribus loquitur in lib. 5. de Considerat. ad Eug. c. vlt. sic dicens. *Aduerte in quatuor istis, contemplationis species quatuor. Prima, & maxima contemplatio est admiratio Maiestatis. Hæc requirit cor purgatum, vt à vitijis liberum, & exoneratum peccatis, facild ad superna leuet, & interdum quoque, vel per aliquas morulas stupore, & extasi suspensum teneat admirantem. Secunda autem species accessoria est huic: est enim intuens iudicia Dei, quo sanè pavidò aspectu intuens iudicia Dei, dum vehementiùs concutit intuentem, fugat vitia, fundat virtutes, iniciat ad sapientiam; Virtutum siqui-*

siquidem bonum, ac stabile fundamentum humilitas. Tertia contemplatio occupatur, vel potius otatur circa memoriam beneficiorum, & ne dimittat ingratum sollicitat memorantem ad amorem benefactoris: de talibus dicit psalm. 144. Memoriam abundantiae suauitatis tuae eructabunt. Quarta, quae retrosunt obliuiscens, in sola requiescit expectatione promissorum, quae cum sit consideratio aeternitatis, longanimitatem alit, & perseverantiae dat vigorem. Et subdit. Puto, quatuor haec nostra, quatuor illis Apostoli assignare, dum longitudinem comprehendit consideratio promissorum, latitudinem recordatio beneficiorum, sublimitatem contemplatio maiestatis, & profundum inspectio iudiciorum; ubi vides, quod penes diuersitatem actuum assignat Bernardus diuersitatem graduum, seu specierum Contemplationis.

Idem Bernardus homil. infra oct. Epiphaniae ex alio capite distinguit contemplationis, & contemplantium gradus, nempe ex parte obiectorum, sic. Sunt enim multa genera contemplationis: ac spiritualium visio enim, quae tamen omnia, vel ad Dei sapientiam, vel ad Dei benignitatem pertinere noscuntur. Nam si cogitetur Deus respectu omnium, ut causa quorundam ut sint, quorundam autem, ut rationales, ac sapientiae capaces sint, multorum etiam, ut beati sint; primum potentiae, alterum sapientiae, vltimum adscribam bonitati. Et post aliqua. Ergo in rerum creatione contemplamur potentiam, in forma sapientiam, bonitatem in usu.

Deinde docet contemplanda opera Christi, & incipiens à Natiuitate prosequitur narrando, ut contemplationis obiecta, opera infantiae, adolescentiae, & virilitatis, miracula, labores, &c.

Vides ergo, quod etiam corporalia, & imaginaria sunt cōtemplationis obiecta, ut dicunt respectum ad Deum, sicut diximus de Contemplationis obiecto.

Ec 2 Idem

Alio modo S. Bernardus assignat diuersa genera contemplationum.

3. Modo
S. Bernard
distinguit
contem-
plationis
species.

Idem S. Bernardus in tract. de modo bene viuendi cap. 53. distinguit gradus vitæ contemplatiuæ ex parte Personarum, inquit, *Duos sunt contemplatiuorum genera. Alij namque viuunt in communi in Monasterijs. Alij verò sunt solitarij, & ab omnibus separati.* Deinde dicit, aliquos contemplatiuos in necessitate proximi transire ad actiuam prædicando, docendo, &c. & redire postea ad contemplandum. Et è contra multos ab actiua transire ad contemplatiuam, de quo transitu multa diximus, cum de vita mixta loqueremur. Postea subdit, *Multos seculares homines visitat Deus, & per suam gratiam eleuat ad altitudinem contemplationis; & multos contemplatiuos iusto iudicio suo, atque occulto Deus in terrenis actibus lapsos derelinquit.*

Lincol-
niensis ex
S. Bonau.

Lincolniensis relatus à S. Bonau. loco cit. dist. 4. gradus contemplatiuæ vitæ distinguit per maiorem, aut minorem perfectionem, & claritatem intuendi, seu cognoscendi obiectum contemplatum, ex Bonau. sic. *Sicut oculi carnis infirmiores prius suscipiunt lumen solis obscurum, & magis coloribus superfusum; deinde magis confortati suscipiunt illud à coloratis medijs coloribus; & postea visu roborato plus suscipiunt illud superfulgidum coloribus albis; deinde verò plus aucta sanitate suscipiunt illud fulgentibus coloribus superfusum, vt speculis; tandem oculi perfectè sanati, suscipiunt solarem radium, non autem alicui superfusum, sed in se purum ipsum solem in ipso puro solari lumine irreuerberante conspicientes. Sic etiam oportet mentis oculum infirmiore prius assuescere ad contemplandum lumen solis intelligentia in grossioribus, deinde subtilioribus, donec tandem ex ipsa luminis datione multis multipliciter superfusa extendamur, & restituamur in simplicem ipsius radium.*

Ex quibus concludit S. Bonau. ibi, quod tam in radio solamine contemplationis speculatiuæ, quàm in saporoso gustu

gustu contemplationis practica oportet paulatim, & gradatim proficiendo ascendere, & ascendendo clariùs cognoscere Deum, quia Hugo super Angelica Hier. dicit quanto magis crescit ascensio, tanto magis crescit cognitio, donec oculus intellectualis magis, ac magis illuminetur, & confortetur, & affectus mentalis magis purificetur, & inflammetur, & totus homo exterior, & interior in Deum ordinetur, & hoc verius, & perfectius videtur fieri per gradus illos, qui mentem ad similitudinem Cœlestis hierarchie purgant, illuminant, & perficiunt: hæc, & alia multa de hac partitione refert ex Hugone Bonaventura.

Riccardus de S. Victore aliam partitionem graduum contemplationis assignat, vt refert S. Bonau. in eodem tract. de itiner. etern. itin. 3. dist. 4. ar. 2. per actus præuios tendentes ad vltimum, & proprium actum contemplationis. Sic autem loquitur Riccard. Sex sunt contemplationis species, seu gradus. Primus, infimusque gradus est in imaginatione, quæ nõ est actus intellectualis, sed longè inferior intellectu, & affectu, & ab illa ascenditur gradatim vsque ad cognitionem increatæ veritatis; quia ait Riccard. Nos debemus à nouissimis incipere, & per exteriorum notitiam ad inuisibilem cognitionem ascendere, & tunc contemplatio nostra in imaginatione versatur, & secundum solam imaginationem formatur, quando nihil arguendo querimus, & ratiocinando inuestigamus; sed liberè mens nostra huc, illucque discurrit, quòd eam in hoc genere speculationis admiratio rapit, dum imaginamur, quàm sint multa, & varia, & pulchra, & iucunda; tali enim forma, & imaginatio in cōsiderationem adducta inferunt stuporem, & admirationem. Et de imaginatione distinguit, quòd duplex est, bestialis, & rationalis. Prima est quando circa ea quæ ante vidimus, vel fecimus, sine vtilitate, & absque deliberatione, huc illuc vaga mente discurrimus. Rationalis est, quando aliqua imaginamur rationabiliter ex his, quæ vidimus, & illis uti-

mur

Conc. Iu-
sio S. Bon.

Riccard.
aliter di-
stinguic
gradus cō-
templationis.

Ordo con-
templandi per Ric-
cardum.

Primus
gradus est
imagina-
tio.

222 DE VITA ACTIVA, ET CONTEMPL.

mur in contemplatione: & ait Bonau. licet imaginatio non sit aliquis gradus intellectus, est tamen dispositio ad intellectum, & rationi famulatur, ideò aliquatiter gradus contemplationis dicitur. Sic Bonauent. Notent ergo moderni, qui imaginationes, seu phantasmata à contemplatione, tamquam ei contraria reiiciunt, cum tamen ex Bonau. & Riccardo famulentur contemplationi.

2. Gradus ex Riccardo est rationis fundata in imaginatione.

Secundus gradus contemplationis ex Riccardo, & Bonau. ibi, consistit in imaginatione, tamen secundum rationem formatur, & procedit ratiocinando circa ea, quae imaginationi presentantur; quod fit quando ea quae in imaginatione versamus, & ad primum gradum pertinent, ratione quaerimus, & inuenimus, & inuenta in considerationem cum admiratione adducimus: & hic gradus est superior primo, quia ratio in eo operatur, licet cum imaginatione, quae rationi subicitur: imaginatio enim ad rationem non ascendit, sed ei à longe quasi ostendit quaedam ad quae ipsa non potest peruenire. Et hic dicitur gradus contemplationis, quia humanus spiritus magis appropinquat, & ascendit ad veram contemplationem, quam primus gradus.

3. gradus.

Ex imaginatione ratio format speculationem per speciem intelligibilem rei.

Tertius gradus, ex Riccardo, & Bonau. ibi, est, qui in ratione secundum imaginationem formatur. Iste enim gradu tunc veraciter utimur, quando rerum visibilium similitudine (ait Riccardo.) in rerum inuisibilium speculationem subleuamur (id est, ego dico, ex speciebus phantasticis intelligibiles formamus) Haec speculatio in ratione consistit, dicitur autem secundum imaginationem formari, quia ex rerum visibilium imaginatione in hac speculatione similitudo trahitur, unde in rerum inuisibilium inuestigatione animus adiuuetur. Et hic gradus est perfectior praecedentibus, eo quod se extendit ad contemplationem inuisibilium, & spiritualium, licet ex imaginatione visibilium similitudinem trahat, quia inuisibilia Dei à creatura mundi per ea,

ea, quæ facta sunt intellecta conspiciuntur, & subdit Riccardus ex quo colligi potest, quod ad inuisibilem cognitionem numquam ratio consurgit, nisi & sua ancilla imaginatio rerum inuisibilium formam representaret. Et his certè docetur modus, quo intellectus cognoscit spiritualia formans species intelligibiles ex imaginationibus, seu phantasmatibus.

Quartus gradus contemplationis ait Riccard. ex Bonau. ibi, in ratione consistit, & secundum rationem formatur, quod utique fit, cum semoto omni officio imaginationis, animus solum illis intendit, quæ imaginatio non nouit, sed mens ex rationatione colligit, vel per rationem deprehendit. Tali enim, ait speculationi insistimus, quando per inuisibilia nostra, quæ per experientiam nouimus in cælestium contemplationem assurgimus. Et hæc in ratione consistit, quia a motis sensibilibus, intelligibilibus intendit; & hæc contemplatio ab inuisibilibus nostris videtur initium, & fundamentum sumere. Hic gradus dicit San. Bonau. alijs precedentibus videtur perfectior, eo quod tam à corporalibus, quam ab incorporalibus elongatur, & spiritus magis in eo purificatur, & æternis uiuitur; hæc, & plura Bonau.

Quintus gradus contemplationis ait Riccardus ex S. Bonau. ibi, dicitur ille, qui est supra rationem, sed non præter rationem; & est, quando mentis speculatione ascendimus ad ea, quæ per reuelationem cognoscimus, quæ nulla ratione humana comprehendere valemus, nec ulla rationatione intelligere, & inuestigare sufficimus, ut sunt illa, quæ de diuinitatis natura in illa simplici essentia credimus, & diuinarum scripturarum autoritate approbamus. Tunc contemplatione animus ascendit supra rationem, quia humanae capacitatis metas transcendit. At non est præter rationem, quia ei quod per intelligentiæ aciem cernitur, humana ratio contraire non potest, quin potius acquiescit, quia reue-

4. Gradus
contem-
pationis.

5. Gradus
ex Riccar.
qui est su-
pra ratio-
nem, sed
non præ-
ter ratio-
nem.

224 DE VITA ACTIVA, ET CONTEMPL.

reuelata sunt, & subdit Riccardus quædam sunt infra rationem, ut sunt; ea, quæ sensu percipimus. Quædam secundum rationem solam, & sunt illa, quæ ratione inuestigamus. Quædam supra rationem, ut sunt illa, quæ sola reuelatione scimus credendo, & nulla ratione humana, nec experimento, nec intellectu comprehendere possumus; sed veraciter ea credimus.

6. Gradus
cōtempl.
est eorum
quæ sunt
præter ra-
tionem.

Sextus tandem contemplationis gradus ex Riccardo, & Bonau. ibidem, est ille, qui versatur in ijs, quæ sunt supra rationem, & videntur esse præter rationem, seu contra rationem. in hac suprema contemplationis speculatur animus exultat, atque tripudiat quando illa ex diuini luminis irradiatione cognoscit, atque considerat, quibus humana ratio reclamatur. Talia sunt, quæ de diuinarum Personarum Trinitate credere iubemur; de quibus cum humana ratio consulitur nihil aliud, quam contraire videtur. Iste gradus perfectior est omnibus præcedentibus, eo quod in eo pura intelligentia operatur, quæ ad contemplationem diuinæ maiestatis admittitur. Sic Riccardus.

Plures
causæ hu-
ius gra-
dus.

Effectus
illius ex
admiratione.

De hoc supremo contemplationis gradu, quoad magnalia Dei ex eius beneplacito contemplanda mens subleuatur, subdit Riccard. ex Bonau. Hæc subleuatio, quæ quandoque extenditur vsque ad mentis eleuationem, fit ex tribus; quandoque ex magnitudine deuotionis, quandoque ex magnitudine admirationis, quandoque ex magnitudine exultationis. Ex magnitudine deuotionis, quando mens supra semetipsam eleuatur, & tanto celestis desiderij igne succenditur, ut amoris intimi flamma ultra humanum modum excrescat, quæ animam ad ceræ similitudinem liquefactam à pristino statu resoluat, & ad instar fumi extenuatam in suprema eleuet, & ad summam emittat. Magnitudine admirationis anima supra seipsam ducitur, quando diuino lumine irradiata, & summi, ac sum-

summæ pulchritudinis admiratione suspensa, tam vehementi stupore concutitur, vt à suo statu funditus concutiatur; & in modum fulgoris coruscantis ex despectu sui in se ad ima deiiciatur, & tantò sublimiùs, ac celerius per summorum desiderium reuerberata, & supra seipsam rapta in sublime eleuatur. Magnitudine verò exultationis, & iucunditatis mens humana supra se ipsam rapitur, & à se alienatur, quando intima illa eterne iuauitatis abundantia potata, immò plene inebriata, quid sit, quid fuerit, penitus obliuiscitur, & in alienationis excessum tripudij sui nimietate traducitur, & super mundanum affectum sub quodam miræ felicitatis statu raptim transformatur. Hæc ex Riccardo, San. Bonauentura, licet gradus hic vltimus ad infusam contemplationem magis proprie spectet.

Placuit sic diffusè gradus istos à Riccardo assignatos, & à S. Bonau. approbatos referre, vt qui contemplationi incumbit, vel de ea loquitur, sciat quid faciat, & quid dicat; sciat quinam sint actus proprii contemplationis, qui reducti ad eam; quæ uarij sunt obiecta contemplationis, & quod non solum obiecta contemplationis sunt illa diuina reuelata, ad quæ non potest pertingere humana ratio, sed sola fide creduntur, vt Vnitas essentiæ cum Trinitate Personarum, vnio hypostatica, &c. sed etiam alia diuina reuelata, circa quæ humana mens potest ratiocinari, vt diuina potentia, sapientia, iustitia, &c. quæ dicunt perfectionem, & ea tribuimus Deo; sed etiam tandem corporalia, & imaginaria, quæ dicunt ordinem, ac relationem ad Deum, vt diximus de obiecto contemplationis. Et sic vitæ etiam contemplatiuæ status ab eiusmodi graduum contemplandi diuersitate diuersificantur.

Alia vitæ contemplatiuæ partitio, seu graduatio

Ff est

Effectus
exultatio
nis.

Plura con
templatio
nis obie
cta.

Alia diui-
sio vitæ
cōtemplati-
uæ inci-
pientium.

Alia diui-
sio acqui-
sitæ, & in-
fusæ.

Quies
quid sit.

Dea quies
apud Ro-
manos.

226 DE VITA ACTIVA, ET CONTEMPL,
est de incipientibus, proficientibus, & perfectis,
quorum gradum signa per effectus in suo loco ad-
ducentur.

Vltima tandem diuisio, seu graduatio vitæ con-
templatiuæ est in acquisitam, ac infusam: harum dif-
ferentias multas supra adduximus, et in opusculo de
infusa adducemus. At communis, & palmaria, ac
omnibus nota differentia est, quia acquisita ex au-
xilio quidem gratiæ fit cum proprio contemplantis
labore, studio, ac diligentia, sicut meditatio: Infu-
sa verò ex diuino prorsus fauore sine humano stu-
dio. Alias plures differentias supra adduxi, & ple-
nius adducam cum de infusa loquar.

C A P. V.

*At inter gradus contemplationis detur ille, qui dicitur
Oratio quietis, & in quo consistat.*

ADu. 1. quòd tam apud Gramaticos, quàm
apud Philosophos, *quies*, idem est, ac vacatio,
otium, tranquillitas, ac cessatio à labore. Vnde
Romani ex S. August. de Ciuit. lib. 4 c. 16. sicut vene-
rabantur Deam *Murciam*, quæ facit hominem mur-
cidum, & inactuosum, & Deam *Srennam* quæ facit
hominem strenuum, ita Deam *Quietem*, quæ facit ho-
minem cessare à labore, & tranquillam, cui ædifi-
carunt eodem extra portam Collinam: eam tamen di-
cit Augustinus publicè colere noluerunt. Ego puto
id contigisse, eo quòd vellent, Ciues in laboribus,
non in quiete exerceri.

Adu. 2. quòd Theologi mystici cum analogia
aliqua ad quietem Gramaticalem, & Philosophi-
cam, docuerunt, inter gradus, seu actus contem-
pla

plationis, dari actum, seu gradum quemdam dictum quietis, non quia sit sine vilo prorsus intellectus, & voluntatis actu (fatuum enim esset hoc dicere, quia eo ipso, quod est actus contemplationis, est actus intellectus cum saporosa dilectione, vt dicit S. Bonau.) sed dicitur *Quietis* ex alio capite, quia scilicet, cum Deus speciali fauore animam contemplantem visitat lumine aliquo maiori, quo perfectius Deum, & diuina cognoscit, non solum potentię interiores vacant ab omni operatione, sed anima est in magna pace, ac tranquillitate intuendo Deum ipsum, & quod sibi Deus ostendit, eoque fruendo.

Adu. 3. plura hic esse videnda; primò, an in contemplatiuis detur gradus, seu actus iste. 2. an detur in contemplatione infusa tantum; an etiam in acquisita. 3. cum in contemplatione acquisita exerceantur incipientes, proficientes, ac perfecti; videndum est, an omnes isti sint capaces istius gradus, seu idonei ad illum. 4. an dentur gradus *Quietis* diuersę rationis, & speciei, an eiusdem, & in quo consistant gradus isti quietis. Notandum autem, quod actus iste, siue in infusa, siue in acquisita contemplatione, appellatur, *Oratio*, sicut omnis contemplatio vocatur oratio, ex ea generali ratione, quia est ascensio mentis ad Deum, ita est gradus iste.

Adu. 4. quod licet omnis actus contemplationis à Sanctis Patribus, & DD. appelleretur. *Quies* & otium, ex eo capite, quod intellectus, & voluntas per eam quiescant in suo termino iam inuento, in intuitu scilicet, ac dilectione primi veri, & summi boni, vt optimè docet S. Greg. hom. 14. in Ezechiel sic. In contemplatione iam quietis interna gustus contingitur. & infra, cum ergo quies contemplatiua vita agitur in mente, silentium fit in Caelo, quia cum terrenorum actuum strepi-

Et 2 tus.

Quietem
quomodo
sumunt
mystici.

Quietis
diuersi
gradus.

Cur dici-
tur oratio

228 DE VITA ACTIVA, ET CONTEMPL.

Omnis
contem-
platio di-
citur quies

tus quiescit a cogitatione ad secretum intimum auris ani-
mum apponit. Sed quia hac quies mentis in hac vita per-
fecta esse non potest, nequaquam hora integra factum est in
Caelo silentium dicitur, sed quasi media hora, ut neque ip-
sa media hora sentiatur, cum præmittitur quasi, quia mox
ut se animus subleuare cæperit, & quietis intima lumine
perfundi, redeunte citius cogitationum strepitu, de semetip-
so confunditur, & confusus cacatur; & sic patet, quod
ipsa contemplatio est quies; tamen gradus iste quie-
tis, de quo hic loquimur est specialior quies, & pecu-
liari perfectione decoratus.

Datur gr-
dus contē-
plationis
dictus
Quies.

Dico 1. Pro personis spiritualibus perfectis tam in
contemplatione infusa, quam in acquisita perfecta
ex speciali Dei favore datur aliquando quidam gra-
dus contemplationis dictus *Quietis*, in suavi animæ
pace, & tranquillitate consistens.

Ex S. Bo-
nau. solis
valde spi-
ritualibus
competit.

Prob. de infusa 1. ex S. Bonau. in tract. de septem
grad. contempl. inter quos sexto loco ponit *Quietem*.
Declarans postea quid sit, & quibus contemplati-
uis, & quomodo istis competat, inquit. *Quies est*
totius animæ mira quedam, & suavis tranquillitas per in-
fusam nobis ex frequentia orationis dulcedinem concreata:
solis valde spiritualibus experientia huius quietis conceditur
quibus, & datur etiam ipsas supercaelestes substantias trans-
cendere. Super ignota enim bonitas ipsis familiaris seipsam
eis immittit, & ipsi tota virtute dilatato sinu sancti deside-
rii potenter suscipiunt beatas immisiones animalibus, &
presumptuosis omnino incognitas. Sic igitur puris Sancto-
rum contemplatiuorum animabus tam insueto nutrimento
ditissime adimpletis, splendescit ipsorum mens, dulcescit
concupiscentia, hilarescit irascibilis, ex dilectione quorum
Deificam illam quietem non ambigimus emanare. Hæc Se-
raphicus Doctor.

Prob. 2. ex dictis S. Theresiæ in libro via perfectionis
cap.

cap. 31. vbi loquens de *Quiete* inquit. Hæc oratio dici potest quædam amoris scintilla, quàm Deus accendit in anima. Vult enim, quòd diuinum suum amorem cum suauitate experiamur. Hic anima manifestè percipit, sed via non ordinaria, quòd multum accessit ad Deum, & quòd parum est, qui in eum per vnionem amoris transformetur. Non quòd ipsum Deum, vel externis, vel internis oculis videat; sed quia Deus hoc ei mirabili modo, ipsique animæ prorsus ignoto manifestat, & sentit propè se regem suum: quòd tantam in eo causat reuerentiam, vt nihil ab ipso audeat postulare. Et simul cum hac quiete summa satisfactio, & gaudium animæ, maximæque corpori accidit delectatio. Nam anima tam lata ex hoc solo remanet, quòd se propè fontem vitæ sentiat; quòd penè satiata sibi videatur, etiam si nondum biberit; nec reputat aliquid vltra desiderandum; Tam quæta sunt potentia, quòd nec audent se mouere; non quòd suspensæ sint, vel ligatæ, immò sentiunt se propè Deum esse; & memoria, ac intellectus sunt liberi ad proprias operationes; sola voluntas manet captiua, & Deo vnita, sique patitur in hoc statu aliquid patitur, hoc est, quòd ad suam pristinam libertatem, seu proprium operandi modum redire possit. Nollet enim intellectus aliquid aliud intelligere nec memoria in alijs occupari, clarè enim vident hoc vnum esse necessarium, cæteraque omnia extra illud multum inquietare. Nollent quòd corpus moueretur: timent etiam, ne vel minimo eius motu, quam possident pacem amittant. Loqui fastidium parit, & vix spatium vnus horæ dominicam orationem possunt recitare. Hic accidunt quædam lacrimæ dulces, & cum magna suauitate profluentes. Videtur his, quòd non sunt de hoc mundo; nec quidquam aliud videre, vel audire vellent, quàm Deum ipsum. Nihil ipsis causat laborem, nec causare posse videtur. Denique toto tempore quo durat hæc pax, & interna quies, voluntas propter delicias, quibus fruitur, sic manet absorpta, vt nihil

Ex S. The.
refia.

Infuse
quietis ef-
fectus.

Quid fa-
ciunt po-
tentia in,
illa quie-

Voluntas
aliud nol-
let videre
nec audi-
re.

230 DE VITA ACTIVA, ET CONTEMPL.

nihil sibi ulterius videatur optandum, & libenter cum Sancto Petro diceret, Domine bonum est nos hic esse, faciamus tria tabernacula. Hactenus S. Theresia: Sed hæc infusa est.

De eadem oratione Quietis infusa pluribus aliis in locis suorum operum loquitur, & mirabilia dicit eadem S. Theresia, nempe in cap. 14. sup. vitæ, ubi diffusè de ea agit, in mansione 4. cap. 2. & 3. & alibi sæpè.

De hac infusa oratione Quietis loquens Thomas à Iesu Carmelita Discalceatus in l. 3. de oratione infusa, ait. Demum est alia contemplationis species, quæ Quies in Deum vocatur, in qua Deus infusa, ac eminenti amore possidetur, & ipse in anima cum dilectione prolabitur, alterque alterius in possessione, & quiete mutua requiescit. In ea spiritus clarificatur, & totus divina lumine, ac fulgore perfunditur, & Deus cum ipso, & ipse cum Deo mira Charitatis adhesionem, & iucunditatem adinuicem conglutinantur. Hæc iucundissima quies à pura Dei contemplatione provenire solet, estque proxima ad unionem fructuam dispositio.

Prob. 3. ex doctrina insignis, ac piissimi Viri Balthasaris Alvarez Iesuitæ, qui à Ludouico de Ponte asseritur Magister Sanctæ Theresiæ; Is ergo Balthasar ex eodem Ludou. in vita eius c. 13. & seqq. nedum orationem quietis, seu præsentiae Dei mirum in modum commendat, & describit (vt infra) in quo consistat, sed viris perfectis ex singulari Dei favore concedi, & ad Dei gloriam fatetur se post 16. annos. exercitiorum, ac meditationum, à Deo eam obtinuisse, immò quia imperitis quibusdam videbatur noua forma orandi, & exotica, iussu Generalis. Euerandi Mercuriani, vt istius suæ orationi Quietis, seu præsentiae Dei rationem redderet, Commentariolum de hac re scripsit, & ad Ge.

Ex S. Thoma à Iesu quid facit quies illa

Ex Patre Balthasare Alvarez.

Generalem misit, in quo postquam narrauit suae vi-
 re in exercitiis meditationum seriem, de oratione
 Quietis, ait, ex quo largitatem hanc tantam in me Deus
 effudit haec mea praecationis est forma. Diuina illius praesentia
 sisto me, quam mihi intimè; extimèq; spectandam per
 modam habitus permanenter ipse mihi obtulit, cum semel
 ipsius suauitate cum ipso perfruerer. Et cum D. Thomas
 probat multis (de quibus postea) hunc modum oran-
 di cum quiete in Deo, perfectum esse: & sequitur.
 Inter orandum, aliàs diuinorum à sacris paginis verborum
 significata, sensusque arcanos animae mecum ipse commen-
 tor, taceo aliàs, & quiesco: at hoc coram Deo cum quiete
 silentium thesaurus est ingens, Deo enim loquuntur omnia,
 eiusque oculis res nulla non patet: meum cor, mea vota,
 meus animus, conatus mei, quidquid intra me ipsum est,
 quae scio, quae valeo Diuini Numinis oculi sunt, qui mea
 possent euellere vitia, cupiditates meas incendere; alas
 sufficere ad volandum, mei boni, sui que obsequii appeten-
 tiore ipso quam me, &c. plura. Et intra. Id verò illud est,
 quod in praesentia primum spectro, recreorque profecto, quod
 eius oculis, pro quo ipsius voluntate acceptum me, exerci-
 tumque contemplan. Iam verò quandoquidem hanc precan-
 di rationem ingressus obiurgantem intra me sensi, si ab ea ad
 vsus alios ratiocinandi defleckerem, contuli ad Autores, ra-
 tionesque peruestigandas, quibus eam effulcerem: Et nu-
 merat Sanctos Doctores, qui eam commendant,
 quos in suo referam loco. Et post. Hoc enim ferculum
 tam dulce, vacuumque periculo, alia mitti, quam ipsius
 (Dei) manu non potest, Rationes plures adducit, cur
 in Deo inuento quiescendum, quia David inquit,
 Gustate, & videte, quoniam suavis est Dominus, &
 huiusce vitae sublimitas compluribus notis à diuino spiritu
 Sap 8. describitur. Cum primum verò spiritus hic sapien-
 tia in animam influit, tantum illi accedit pretij vt nihil
 apud

Describi
 tur oratio
 quietis.

A Deo ob
 tenuisse di-
 citur.

Consultit
 alios de il-
 la oratio-
 ne quietis

Magna bo-
 ni adducit
 oratio qui-
 etis.

apud mortalium oculos suos fulgore defigat, quo cum possit illa conferri, non aurum &c. omnia eum illa bona subeunt. Suavis est enim Dominus, benignus, locuples &c. cuius gustum, ubi quis ceperit, dimittit ab se omnia, quibus antea seruierat, sui que incipit, esse iuris, ac liber.

Postea assignat plures rationes huius formæ orandi: Prima, ait, licet absit ab ea fermè ratiocinatio, petitio tamen adest; in eaque quàm Deus animæ impertit quiete virtutum plena excogitatio est, ibidem petitio intercedit non in actu signato, sed in actu exercito, &c. ut dicam

postea de exercitio, & usu huius orationis. Alia ratio, quod ea est forma, quæ sentitur de Deo præstantius, hoc verò excelsæ illius Maiestatis par est. Tertia, oratur hoc modo prolixius, compluriumque sanctissimorum virorum preces eiusmodi fuisse probatur mentis enim agitatio defatigat; illorum verò assidua erat precatio. Quarta, quod emendare in anima ratiocinando conuincimur, compendiosius à Deo fieri apparet. Hac via atq; eiusmodi homines studiosiores vir-

tutum sunt, subiectiores Præpositis, suis cupiditatibus maiores, efficacioresque cum proximis.

At subdit. At enim hæc utique via non omnes admittit. Admittit quidem illa, quam sanctissimus Pater Ignatius in Societate constituit. &c. Et postea dicit ipsum quoque S. Ignatium eadem via incessisse, quia de eo in ipsius vita legitur, quod postea erat Patiens diuina: Quod perfectorum contemplatiuorum est proprium.

Et infra Ludouicus de Ponte de Balthasare dicit, Postremò ait, præcelsam illam, in quam euectus est à Deo per orationem ex altissimis fuisse gradibus contemplationis diuinæ; intimus nempe, quo ornari consuevere à Deo per pauci; & in sequenti cap. 14. quia fortè commentarius iste Balthasaris aliquas pati videbatur difficultates, ipsemet Ludouicus de Ponte, eas diluit, assignat.

Prima ratio huius formæ orandi.

2.

3.

4.

Dicit, quod Sanctissimiviri ea vti sunt ex Dei fauore.

Non omnes sunt eius capaces.

Maximus gradus est

gnatque primò cur dicatur, *oratio presentia Dei* 2. cur dicatur *oratio Quietis*. 3. cur *oratio Silentij* de quibus vocabulis, eorumque ethimologijs dicam postea; nunc enim subsistentiam huius orationis in perfectis spiritualibus ab ipsius Magistris discere studuimus, & Deo duce inuenimus.

Cōfirmari potest ex ijs, quæ docet doctissimus, ac pijsimus Pater Philippus de Sanctissima Trinitate in *Theol. mystica part. 3. tract. 1. cap. 2. de oratione quietis* in qua recapitulat omnia, quæ nos ex S. Theresia adduximus, & in *cap. sequenti* adducemus. Et ex ijs, quæ ipse notat signis huius veræ orationis, euidenter colligitur, quòd loquitur de ea oratione quietis, quæ reperitur in contemplatiuis, vel meditatiuis perfectis post longum meditationum exercitium. Signa autem ex ipso sunt ista, Pax interna, remanens etiam transacta illa quiete; profunda humilitas; habilitas, & dispositio ad exercitia spiritualia, lux cælestis in intellectu, & in voluntate firmitas ad bonum, & virtutes, quas Dominus ipse multò ex cellentiores concedit, quàm possit propria industria acquirere, nam humilitas hic concessa propriam generat confusionem, & certam nostræ infirmitatis cognitionem inspirat, qua vellemus nos ipsos coram Deo annihilare, &c. plura; & subdit. Sed inter alios effectus orationis quietis, specialis est, desiderium proficiendi in oratione, & eius exercitium non dimittendi, licet in eo continuando foret multum laborandum. Deinde quædam moralis certitudo propriæ salutis, sed humilitati coniuncta seruilem excludens timorem damnationis, inducit filialem: ibi purum amorem Dei, absque propriæ utilitatis, aut mercedis intuitu anima experitur. Vellet diutius in solitudine remanere, ut abundantius tanto bono frui posset. Nec tunc potest dubitare, quin hac quieta communicatio sit Dei secum familiariter agentis.

Perfectis
Deus illa
concedit.

P. Philip-
pus de SS.
Trinitate.

Signa ve-
ræ oratio-
nis quie-
tis.

Multa bo-
na spiri-
tualia re-
linquit in
anima.

234 DE VITA ACTIVA, ET CONTEMPL.

Singula
ris & pro
prius esse
ctus est gu
stus, &
suauitas a
Deo con
cessa.

Et alii cō
sequentes
plures.

Prosequitur. Sed proprius, & singularis huius ora
tionis effectus est gustus, & mira suauitas, quam ponit in
anima; nam gustus hic à Deo communicatus, quia Deum,
ut principium, & ut finem habet, cor mirabiliter dilatat:
ex hac verò suauitate, & cordis dilatatione procedit, quòd
multum audet, dum aliquid ad maiorem Dei gloriam efficien
dum occurrit, expellitur timor amittendi sanitatem in mor
tificationis exercitio; videt se omnia posse in Deo, qui illum
confortat; non formidat labores, ut antea solebat, sed eos de
siderat; mundi gaudia despicit; tandem in omni virtute pro
fectum experitur. Quæ omnia perfecti spirituales tan
tum experiuntur.

Conclusio ergo horum omnium euident, & firma
est pro nunc, quòd in perfectis spiritualibus, vel
alijs, ex singulari Dei fauore datur oratio ista dicta
Quietis. An verò detur in alijs, & quæ, mox dicetur.

C A P. VI.

An in contemplatione acquisita detur gradus dictus, ora
tio quietis, inferior iam dicto; & in quo consistat.

Sensus
quæritur
quis sit.

ADu. I. sensum huius quæriti hunc esse, an sci
licet præter orationem quietis, quæ, ut supra
patuit, confertur à Deo in contemplatione infusa,
estque magnum Dei donum, quòd proximè disponit
ad perfectam vñionem cum Deo, detur aliud genus
orationis quietis inferius illo, utpote oratio non sim
pliciter infusa, sed dicta acquisita, seu naturalis, quia,
licet ex adiutorio supernaturali efficiatur, tamen ex
studio, & labore etiam nostro fit, & ut infra dicam
ex Balthasare Alvarez, dicitur etiam præsentia Dei:
ac silentij, & ab alijs puræ fidei de hac quærimus, an
detur, in quo consistat; at qui sint eius capaces, dice
tur postea.

Adu.

Adu. 2. vt bona à malis fecernamus, ne pusilli decipiantur, eliminandos omnium primò esse Illuminatorum, & aliorum quorumcumque errores, qui circa orationem mentalem ad hunc vsque diem sparsisunt. Phanatici enim illi homines, inter alia ad negotium nostrum spectantia docuerunt in num. 10. quod orans mentaliter ita se colligere debet, quòd nec discurrat, nec meditetur, nec in Iesu Christi quidem passione, multò verò minus in sanctæ humanitatis cogitatione immoretur, num. 11. quòd nullo modo vnquam sit vacandum imaginibus, vt quis se ad orandum colligat, cum ipsæ tantum, vt blandimenta, & illecebræ censeantur. Alios eorum errores, sicut & Beguardorum, ac Beguinarum retuli in Opuscul. de oratione mentali cap. 4. quos hic referre non est necessarium; sed ibi videantur.

Adu. 3. quòd quamuis aliqui Sancti, & mystici, aliique Doctores variè adumbrarint, ac descripserint gradum istum contemplationis acquisitæ dictū, oratio quietis, vt mox referam; & alij libellos plures pro eius defensione scripserint, nullus tamen, quem legerim, apertis, & clavis verbis declarauit in quo consistat, nisi vnus Balthasar Aluarez pius, & deuotus Iesuita, vt refert Ludouicus de Ponte in eius vita cap. 13 §. 1. Is enim à Generali suo Euerardo Mercuriano compulsus fateri, in quo consistat hac oratio quietis, quam commendabat, & frequentabat, scripsit, vt diximus, summarium, profectò legendum, de toto negotio; & primo dicit. *Hac meæ præcationis est forma; Diuinæ illius præsentia sisto me, quam mihi intimè, extimèque spectandam per modum habitus permanentem ipse mihi tunc obtulit, cum semel ipsius suauitate, cum ipso perfruerer: dicit deinde, quæ in ea fiunt, & quæ facienda occurrunt, vt postea.*

Cauendū
ab erroribus quo-
rundam.

Illumina-
torum hæ-
reses.

Omnes
aliorum
errores re-
lati fuerūt
in opuscul.
de oratio-
ne menta-
li c. 4.

Balthasar
Aluarez
explicat
quid sit o-
ratio quie-
tis.

236 DE VITA ACTIVA, ET CONTEMPL.

Quomodo sit.

In hoc ergo dicitur consistere oratio quietis acquisita, quæ gradus, seu species contemplationis est, ut iustus spiritualis aliquo tempore, vel magno, vel paruo iuxta deuotionis spiritum ab omni temporalium cura se abstrahens, & ab omni alia cogitatione, siue præcedente aliquo meditationis, alteriusue preparationis actu, siue cum sola Spiritus Sancti inuocatione, semetipsum in se, idest in animo suo, recolligens, sibi præfigat in se [sicue re vera est] Dei præsentiam, eamque credendo firmiter, (omne phantasma, seu imaginationem fugans, quia nequit Deus per imagines phantasticas representari) Deo præsentî inhæreat per fidem intuendo, eoque perfruatur amando. In hoc ergo consistit gradus hic acquisitæ contemplationis dictus præsentia Dei, vel silentij, seu oratio quietis. An autem in ea anima per potentias patiatur tantum, vel agat, & quid agat, dicam infra. De hac ergo quærimus, an detur, an bona, & utilis sit; & qui illius sunt capaces, quæ dubia partim hic, partim postea soluentur.

In quo consistat.

Et quòd admittenda sit, & quòd sit bona, religiosa, & utilis, ac mysticis familiaris, nullum potest esse dubium, quia est actus veræ, & puræ contemplationis, sed de modo eam agendi, ac de circumstantijs eius esse potest dubium; quia, & audio, & experior à quibusdam adulterari, & defectibus, ac erroribus multis sic conspurcari, ut non videatur amplius penes ipsos precatio, sed potius imprecatio, nec quietem in eis pariat, sed inquietudinem; & idè in capitibus sequentibus eam ab eiusmodi iniurijs, Deo duce, vindicare conabor.

A mysticis admittitur oratio quietis acquisita.

Dico 1. Gradus contemplationis acquisitæ dictus, oratio quietis, cum suis debitis circumstantijs à sanctis, ac mysticis Doctoribus admittitur; & modis varijs, ad idem tamen tendentibus, explicatur.

Prob.

Prob. & declaratur. S. Bonau. *de stimulo amoris* par. 2. cap. 7. videtur hoc aliud inferius genus orationis quietis docere, sic. *Qui vult cum actiua contemplatiuam vitam habere, vt suum Dominum in omnibus contempletur, videtur mihi, quod via sit breuis, & bona, videlicet, vt se totum recolligens intret ad cor suum, & intima cordis ingrediens, se resoluat in Deum, vt nihil nec videat, nec sentiat nisi Deum.* Sic autem incipit oratio quietis, nempe per recollectionem in seipso: Aliquis orans, relictis omnibus curis, & cogitationibus omnium rerum, recolligit se ad cor suum, & cogitat, atque per fidem credit, Deum esse sibi intimè præsentem per illapsum generalem immensitatis, fide ipse illum intuetur, eoque fruitur amando, & in eo quiescit, tamquam in termino à se optato, quæsito, & inuento. Et hoc modo adumbrata, seu descripta videtur acquisita contemplatio quietis.

S. Bonau.

In qua Seraphici doctrina plura notanda sunt. Primò quod non solum purus contemplatiuus potest ad hunc gradum contemplationis quietis peruenire; sed etiam qui vitam ducit actiuam, & tamen contemplari cupit; quia ait, *qui vult cum actiua contemplatiuam vitam habere, vt suum Dominum in omnibus contempletur.* Secundò debet se totum recolligere, idest de nulla alia re cogitare: dicit enim, *se totum recolligens.* Tertiò, *in cordis arcanum ingredi debet;* quia ait, *intret ad cor suum.* Quartò debet fide Deum sibi inexistentem inuenire, quia dicit, *& intima cordis ingrediens se resoluat in Deum.* Quintò debet Deum solum, & nihil aliud videre, aut audire; quia dicit, *vt nihil nec videat, nec sentiat, nisi Deum.* Ecce quis sit homo positus in contemplatione, seu oratione, quietis: alias circumstantias dicam infra. At quod maximè notandum

In S. Bon.
doctrina
præfata
plura no-
tanda sunt

Est actus
acquisitus

dum venit, est quòd actus iste nō est de infusis, sed acquisitus, labore scilicet proprio electus, licet cum Dei adiutorio, sine quo nihil boni fieri potest; quia ait, qui vult cum actiua contemplatiua habere; ecce electio propria. Proponitur ei via, quam eligat: recolligit se; & sic non recolligitur ab alio: intrat ad cor suum, resoluit se in Deum, quem intuetur, & amat: ecce quòd in omnibus his functionibus homo ille agit, & non agitur, quod esset proprium infusionis.

Sancta Theresia, quę in seculo pręterito fuit magistra contemplationis, pręter orationem quietis intusam in pręcedenti capite relata, videtur assignare aliam quamdam, illa inferiorem, & meo, ac omnium videri acquisitam, seu acquisibilem labore proprio, cum Dei adiutorio, eamque docebat moniales, cęterosque fideles. Patienter legat lector, quę ego ex S. illa Magistra patienter exaro.

Patienter
legenda
quę Au-
thor paciē-
ter ex S.
Theresia
exarat.

S. Theresia de ac-
quisita lo-
quitur sic.

Labore
proprio
parta cū

Primò in capite 14. vite sue comparat spirituales orantem hortulano, qui aquam ē puteo haurit ad miniculo rotę, aut tuborum; in quo casu plus haurit, ac minore cum labore, & non oportet continuo labore, sed aliquantum quiescit; & statim subdit. Hunc ego hauriendi modum similem esse dico orationi, quam quietis vocant, & de illa in presentiarum agere constitui. Hic ergo anima se recoligere incipit, & hic quidam supernaturale quodammodo tangit: Nam quantumcumque adhibeat diligentiam, nullo tamen modo id sibi ipsa poterit acquirere. Fateor tamen, eam se in rota hac versanda, & per intellectum operando, ut tubos aqua replet, aliquantum defatigasse videri; at æqua hic altior est; unde etiam minor in ea educenda labor insinuitur, quàm dum ea ē profundo puteo haurienda est. Dico aquam viciniorem esse, quòd hic gratia se animę clariùs cognoscendam prębeat. Hoc nihil aliud est, quàm quedam potentiarum animę

re-

recollectio intrase, ut maiori cum gustu hac voluptate, & gaudio fruantur. Non tamen propterea hæc, aut perduntur, aut dormitant; sed sola voluntas occupatur, adeo ut nesciens quomodo captiuetur, consensum dumtaxat præstat, ut eam Deus captinet.

Ex quo discursu, quamvis sublimi, ex metaphora tamen haurientis aquam per rotam, aut tubos; applicata orationi quiescit, colligitur, quod labore, & studio proprio, & non grandi, fit hæc oratio: ex recollectione potentiarum, habetur, quod sic orans, ab alijs curis debet esse alienus: ex hoc, quod pauculo labore ex gratiæ præsentia id facit, colligitur, quod auxilium speciale gratiæ concurrat; ex hoc, quod sic orans supernaturale aliquid tangit, & voluntas in eo fruendo occupatur, colligitur, quod Deum per fidem intuetur sic orans, & in eius delectatione quiescit, Ex hoc quod dicit, potentias non perdi, nec dormire, colligitur, quod operantur, intellectus intuendo per fidem cum admiratione, & voluntas cum amore, gaudio, ac delectatione fruatur.

In cap. v. c. 15. eiusdem suæ vitæ, Sancta Theresia rursus ex professo de ea oratione loquitur, sic. Quies hæc, & recollectio animæ maximè sentitur in satisfatione, & pace, quæ ex ea sequitur, cum maxima potentiarum delectatione, quietatione, ac suauissima quadam voluptate. Quod autem anima ulterius non ascenderit, nihil ei videtur esse, quod ultra desideret, & libenter cum Sancto Petro preteret, ut suum ei hic tabernaculum construere liceret: non se vel minimum mouere, aut aliorum reflectere audeat, quod hoc sibi bonum e manibus putet elapsurum, & aufugiturum. Immo interdum, ne respirare quidem vellet; & nescit missella, quod cum per se ipsam bonum hoc ad se trahere prorsus non potuerit; minus multo ipsum diutius, quam Domino visum fuerit, retinere, & conseruare poterit: & cætera plura.

Ex

Dei auxi-
lio.

Ex meta-
phora hau-
ientis a-
quam per
rotam col-
ligitur
quod sit
acquisita.

Alins S.
Theresia
locus in
quo ex
professo
de oratio-
ne quiescit
loquitur.

240 DE VITA ACTIVA, ET CONTEMPL.

Ex specia-
li Dei fa-
uore con-
ceditur o-
ratio quie-
tis.

Aliud arg.
ex S. The-
resia.

Mul-
ti per-
ueniunt
ad oratio-
nem quie-
tis.

De acqui-
sita euiden-
ter loqui-
tur.

Ex qua doctrina duo colligo ad rem nostram, & quod ex speciali Dei gratia conceditur hæc quietis oratio: & quod hæc, de qua hic Sancta loquitur, non est infusa, sed acquisita; quia in illa homo non aduertit quid facit, sed patitur, nec reflectit in se, in ista verò agnoscit quid facit, reflectit ad quod videt, & de quo delectatur, vellet perpetuò in ea stare; nollet eam perdere, non se mouet, aut respirat, ne eam perdat: quæ operationes acquisitæ tantum quieti competunt, & non infusæ.

Eadem Sancta in eiusdem orationis quietis notitiam sic prosequitur suum discursum. *Permultæ sunt animæ, quæ ad hunc quidem statum Quietis perueniunt, pauca verò, quæ vltius ascendunt, & nescio quis hic sit in culpa. Certissimum quidem est, Deo adscribendum non esse. Cum enim hanc Maiestatem eius nobis gratiam præstet, quod ad hoc vsque punctum pertingimus, non credo fore, ut à maioribus, & amplioribus, nobis dandis cessaret, nisi à nostra ipsi parte, per peccata, impedimentum obijceremus.* Et post aliqua, ait, *Rogo, ut quæ ad hunc statum perueniunt, seipsas agnoscant, & per sanctam, & humilem quamdam præsumptionem, magni estimant, quod ad olivas Aegypti non reuertantur.* Ex quibus Sanctæ verbis rursum colligo, orationem hanc quietis, de qua hic loquitur, non esse infusam, sed acquisitam; primò, quia dicit, *permultæ sunt animæ, quæ ad hunc statim perueniunt, & pauca quæ vltius ascendunt.* Cum certissimum sit, ut experientia docet, non permultas, sed perpaucissimas animas peruenire ad infusam contemplationem, & ad perfectiores gradus eius, inter quos est *quies*, quæ iuxta S. Bonau. doctrinam in ascensu est penultimus, seu sextus, nec alius remanet acquirendus, nisi supremus, idest, vnio: idcirco acquisita quies est. 2. quia dicit, *se nescire, cur il-*
læ

lae permultae animae, quae ad statum *Quietis* perueniunt, ulterius non ascendant; nec esse adscribendum Deo; ex quo clarum est, quietem acquisitam esse, non infusam; quia haec totaliter à Deo est, & eam concedit, quando vult. 3. quia perfecti contemplativi ex Dei favore non sic facile cadunt, ut priuentur ascensu superiori, cum iam pollent infusa. 4. quia habentes infusam, paulo plus ascendere possunt: de acquisita ergo in hoc loco loquitur.

Ex multis capitibus colligitur

Prosequitur S. Theresia in eodem cap. 15. suae vitae sic. Haec ergo oratio veluti scintillula est, quam Dominus in anima excitare, & accendere incipit, veri amoris sui; & haec scintillula à Deo veniens quantumlibet parua, magnum tamen excitat crepitum, & fragorem, & nisi nostra culpa extinguatur, luculentum illum in nobis accendere ignem incipit, qui, ut suo loco ostendam, maximi amoris diuini, illius scilicet, quem in animabus perfectis Maestas eius excitat, flamas à se emittit. Haec quoque scintilla signum quodam, vel pignus est à Deo animae huic ad hoc datum, quod illa iam ad tam magna, & ampla deligat, si ad ea vacianda seipsam disponat.

Aliud arg. ex S. Ther.

Ecce quartò eiudens argumentum, & verè palmarium, quod non de oratione quietis infusa, sed acquisita loquatur, dicit enim, esse scintillulam à Deo excitatam, ut incipiat ad amorem suum accendere; et hoc est proprium incipientium, non perfectorum infusa contemplatione pollentium; isti enim non scintillulam, sed flammam magnam diuini amoris possident. 2. dicit esse signum, vel pignus, quod Deus animam illam ad magna, & ampla deligat: igitur incipientium, & acquirentium est, non habituatorum & infusa contemplatione donatorum; quia isti iam pridem fuerunt ad magna, & ampla, nedum delecti, sed iam ad ea promoti, & exaltati: tandem dicit si ad ea se

4. Ratio. quod de acquisita hic loquitur.

Hh

dis.

242 DE VITA ACTIVA, ET CONTEMPL.

disponit, id etiam, incipientium est, non perfectorum, qui, cum habituati magnis sint, disponi non egent.

Aliud argum ex S. Theresia. de actibus animæ in ea quiete.

Videamus modò, quid faciat anima in oratione ista quietis ex S. Theresia. Prosequitur hoc, & diffusè, in eodem capite 15. sic. Nihil autem animam tempore huius quietis facere oportet, quàm vt suauiter, & sine strepitu villo se teneat. Ecce quòd infusa non est, quia in ista anima non reflectit ad se, nec se regit, sed regitur à Deo. Sequitur, strepitum autem voco, per intellectum verba, & considerationes multas hinc inde indagare, ad Deo pro huiusmodi beneficio gratias agendas, & peccata sua, nec non, & imperfectiones velunt acervum cumulare, vt se illorum intuitu nihil huiusmodi promereri colligat. Omnia ista hic velut strepitum intellectus quoque representat, memoria feruet; hæc quippe potentia non rarò defatigant. En aliud evidens signum, quòd oratio ista quietis non sit infusa, quia in contemplatione infusa nullus potentiarum strepitus insurgit, cum actus earum circa alia suspendantur à Deo, & solus intuitus intellectus videntis, & audientis quid Deus loquatur, & actus voluntatis cum amantis, solum permittantur. Si ergo in anima quietè orante possunt potentiæ, vt intellectus, & memoria strepere, acquisita, quæ his perturbationibus subiacet dicenda est, Sequitur. Idcirco voluntas hoc ipso tempore leniter, & maturè sibi persuadeat, nihil tunc, quod Deum per violentiam, & magnam corporis contentionem obtineri. Hæc quippe sunt velut vasta quædam ligna temerè congesta ad scintillam hanc extinguendam. ipsa igitur hoc intelligat, & cum humilitate dicat, Domine quid ego hîc facere possum? Quid ancilla cum Domino, quid terræ cum cælo negotij esse queat? aut alia id genus amorem spirantia verba, quæ occurrent, ita tamen, vt voluntas benè fundata sit, & sciat

Eui lens si gnū quòd sit acquisita.

Aliud signum ad idem.

sciat verum esse id, quod dicit; & de intellectu non magnopere labores, quod is vexator sit, & importunus. Si autem ipsa eum participem facere voluerit eius, quo fruitur, aut eum quietum reddere, & recolligere conetur (sape enim homo voluntatem recollectam, & quietam esse videbit, intellectum verò inquietum, & imbatum) inconsulta faciet, nec proficiet: satius quippe est, ut eum sic dimittat, quam post currendo eum insectetur. Voluntas inquam hac gratia fruens se in quiete teneat, & instar sapientis apicula domi maneant; nam si nulla omnino apis alucare ingredere tur, vel quo se mutuo in alucare cogerent, omnes auolarent, agere admodum mel confici posset. Ideo, cum anima multum amissura sit, si hic se prudenter non gerat, praesertim si ingenio acuto sit, & subtili; nam cum argumenta formare, & rationes inquirere incipit quantumlibet parum si modò ea bona, & convenientes sint, aliquid se putabit efficere. Unica autem, quae hic debet formari ratio, haec est, clare scilicet intelligere, nullam omnino rationem esse, cur tam magnam Deus conferat gratiam, quam unicam ipsius bonitatem, ac considerare, quod ei adeo propè simus. Digna quidem tam sancta, ac à Deo edocta, documenta. Docet interum, in primis, quid sit haec quietis oratio, quid in ea fiat; & in omni fere linea adsunt euidencia signa, quod non loquitur de infusa, sed de acquisita; nam in quouis actu contemplationis infusae, ut in suo loco dicitur, anima sic remanet à Deo absorpta, & suspensa, ut nec se, nec suas potentias, aut actus, aliudue creatum videat; nec discurrat, aut reflectat in id, quod facit, aut patitur. In hac verò de qua loquitur Sancta, haec omnia adsunt, & praeterea colloctiones cum Deo; item & refrænatio voluntatis, aliarumque potentiarum, et discursus multiplex; quae aliena prorsus sunt ab oratione quietis infusa, & à ceteris infusis contemplationis gradi-

Hh 2 bus,

Euidencia
signa ora
tionis
quietis ac
quisitae.

Nulla re-
manet du-
bitandi ra-
tio quod
loquatur
de acquisi-
ta.

244 DE VITA ACTIVA, ET CONTEMPL.

bus, vt cuique mystico notum est.

Aliud ex
S. Theres.
argum.

Quando
diabolus
se immif-
cet in ora-
tione, quo
modo co-
gnoscitur

Signum
quod à
Diabolo
non moue-
tur.

Sequitur Sancta; Intellectus quoque hic excitatur ad consinnas, & benè compositas gratias agendas, sed voluntas est in sua quiete, & ita cum publicano, nec oculos quidem attollere audet, melius fortasse gratias agit, quàm intellectus, quocumque demum rethorico artificio facere posset; Denique mentalis oratio penitus hic omittenda non est, vel nec verba aliqua etiam vocalia, si interdum ea usurpare, aut velint, aut possint. Si enim ipsa quies magna est, vix homo loqui potest, nisi summa cum molestia. Et nunc, vt quidem ego arbitror, sentitur, & percipitur, quando sit spiritus Dei, vel quando ipsi tale quid procuremus: idque ex initijs deuotionis, quam Deus dat. Et primò quidem, vt nos ad hanc voluntatis quietem transeamus, dispositi sumus: tunc quippe nullam spiritus hic edit operationem, sed illicò pertransit, magnamque post se ariditatem relinquit: si verò à Diabolo id perueniat, facile meo iudicio id anima excita- ta intelligit, quod magnam inquietitudinem, & parum bu- militatis, & paruum ad effectus, quos ille qui à Deo est spi- ritus producit, habet dispositionem. Ad hoc nullam in intel- lectu lucem, nec in veritate constantiam post se relinquit. Parum, & fortasse nihil hic Diabolus nocere potest; Si quam anima hic sentit delectationem, & suauitatem ad Deum re- ferat, suasque in eo cogitationes, & desideria colloset. Ni- hil ergo hic malignus spiritus lucrari potest, immò permittit potiùs Deus, vt per illam, qua in anima causatur suauita- tem, & delectationem multum non perdat. Ita enim fiet, ut anima dum sibi à Deo prouenire cogitabit, sæpè se ad oran- dum applicet, idque cum quodam eius habendi desiderio; & si anima humilis, non uerò curiosa, nec delectationum, aut consolationum, (tamen si spirituales sine) appetens, sed è con- tra crucis amica sit, gustus, quem Diabolus subministrat, pa- rum curabit: sed si spiritus Dei sit, id facere non poterit, sed magni eum facere tenebitur. Sed in ijs, que à Diabolo ve- niunt,

njunt, sicut ipse totus mendax est, ita & animam propter gustus hosce, & consolationes se humiliare videat, sapiens ad eam non redibit, uidens quantum inde damnum sibi obueniat. Quando spiritus Dei est, non est, quod multa reuoluamus, & inquiramus, quo humilitatem, & confusionem quamdam in nobis excitemus; nam Dominus ipse eam dat modo longe differente ab eo, quo nostris nos consideratiunculis eam acquirere possemus, quæ sanè meræ cuiusdam humilitatis est luce quadam, quam Dominus hic docet, prouenientis respectu, nihil planè sunt, quæ humilitas tantam confusionem causat, ut homo propè deficiat. Notissimum est, cognitionem, quam Deus in nobis dat, ut cognoscamus nihil nos à nobis ipsis benè habere, intensum nobis ad in oratione progrediendum, quacumque demum molestia nobis occurrente ommittendum desiderium excitare, animam se ad omnia intrepidè offerente. Ex ipsa præterea quadam oritur de futura gloria, & saluationis securitas, humilitate, & metu nixa seruilem quoque timorem statim ab anima expellit, & filialem ei longe iam maiorem, quàm ante erat inserit, Quisquis autem hanc cognitionem habet, quemdam amorem Dei (qui quæ sua sunt, & semetipsum non quærat) in se oriri incipere sentit, vnde, & sapè solitudinem captat, quo bono hoc diutius, & quietius fruatur. Immo tunc temporis non poterit non credere, quin Dominus apud se fuerit, quoad vsque se relabi, & imperfectiones admittere videat; tunc quippè omnia timet. Est & alius effectus huius orationis quietis in intellectu, qui eo quod huic se vicinum videat, tunc maxima claritate perfunditur, ut etiam ego, cum sim, quæ sum, iam tota videar alia, & esto nil penè intelligam eorum, quæ latine lego, præsertim è psalterio; tamen dum in hac quietis oratione sum, non solum quid versus latinus sonaret in lingua materna; sed etiam ulterius progressa sum, sensum illius in lingua hispanica magna cum voluptate recogitando.

Et

Signa, quibus noscitur an à Deo, vel à Diabolo sit consolatio.

Effectus cognitionis à Deo prouenientis.

Alii effectus orationis quietis.

Alter effectus in intellectu.

246 DE VITA ACTIVA, ET CONTEMPL.

Et hic terminat. S. Theresia totum discursum orationis *Quietis* acquisitæ, in quo, & naturam, & modum eam faciendi, eiusque effectus, atque omnia, quæ in ea accidere possunt non minus clarè, quam piè declarat, ut parum addi possit ad eius explicationem.

Parcat lector prolixitatem. Res enim alicuius momenti est, nec ab alijs discenda fuit, quàm à Magistra orationis, à Deo maximè illuminata.

Hæc oratio *Quietis*, quam Sancta Theresia docebat suas moniales, & ipsamet ea utebatur comprobata fuit, ut bona, a doctissimis, & pijs Patribus Didaco Alvarez Dominicano postea Archiepiscopo Tranensi, & Ioanne Rada Fræscano Observante, postea Episcopo Pacensi. Cum enim tempore Canonizationis S. Theresiæ multæ censuræ contra eius scripta opponerentur, 12. erat contra orationem quietis, quasi inutilem, eo quòd docuisset animam in ea nihil agere sed otiosam manere & patitantum; & omnes potentias tunc esse suspensas, &c. Doctores illi de commissione Papæ qualificantes oppositionem ex lectura scriptorum ipsius Sanctæ decreuerunt orationem istam esse bonam & imposturam esse, quòd in ea oratione anima nihil agat; quia Sancta docet, quòd intellectus per fidem tunc Deum intuetur, & voluntas per charitatem Deo fruitur. Tota historia legi potest in *Annal. Carmelit. Discal.* Romæ impressis lib. 2. c. 44.

Quia fuerat accusata.

Est actus contemplationis.

Neque de illa in se spectata cum suis debitis circumstantiis aliqua potest esse controuersia; quia est actus honestus veræ religionis, & vera contemplatio, tam ratione obiecti, quàm ratione principiorum ad eam concurrentium. Sicut enim quis capax, & peritus, in contemplatione acquisita potest contemplari.

templari Deum in se, figendo intuitum mentis in ea veritate, quod Deus sit, cum amando; ita quis præfigens sibi Deum præsentem, potest intuitum mentis in eo figere, illumque amare, in illo quiescere, nil aliud tunc, nec mente, nec imaginatione cogitando. In hoc actu adest obiectum principale contemplationis, Deus ibi præsens, adest intuitus fixus in eum adest saporosa dilectio. Igitur est verus actus contemplationis.

Quomodo purè fieri debet

Præterea per hunc nobilem actum homo Deo adhæret strictius, quàm per alios actus, quàm per solam fidem, & charitatem; hæc autem adhærentia maximè optabilis est psal. 71. *mibi autem adherere Deo bonum est, ponere in Domine Deo meo spem meam.* Et ex 1. Corint. 6. 17. *qui autem adheret Domino, vnus spiritus est,* & ex Augustino in Enchir. cap. 3. *tribus hisce colitur Deus, Fide, Spe, & Charitate.* Et hæc interueniunt in hac à nobis descripta oratione *Quietis*; igitur est vera contemplatio, & verus actus religionis secundum se spectat.

Per eam qui s adhæret Deo.

At quia circa modum, & abusum oratione illa vtentium est difficultas, ideò quæro.

C A P. VII.

Quomodo, ex præfatorum Piorum dictis, Oratio Quietis facienda sit, vt bona sit.

ADu. 1. quod in hoc, & seqq. cap. colligitur fructus præfatorum discursum, & aliorum, qui in multis modernorum libellis de hac materia leguntur; subtiles quidem, & ad disputandum idonei, at non omnium captui ad fructum colligendum accomodati. Vt ergo fructus aliquis colligatur;

Intentum Authoris est bonū proximi.

248 DE VITA ACTIVA, ET CONTEMPL.

Dubia de-
claranda.

tur ; claris verbis aperiendum est fidelibus, præfer-
tim tyronibus, in quo consistat, seu quomodo fiat
Oratio quietis acquisita ; quid in ea agatur ; an sine
villo potentiarum actu manendum in ea sit, sed ex-
pectandum, quòd Deus sic oranti loquatur illumi-
nando, & inspirando aliquid : item, à quibus sic
orans cauere debeat ; & alia plura his connexa ; alio-
quin, vel fieret sine fructu, vel cum errore aliquo, vt
de aliquibus cum dolore accepi. De subiectis, seu
personis capacibus illius, dicam in sequenti capite.

Obiectū
orationis
quietis
quale .

Adu. 2. quòd vt supra, & in præced. cum P. Bal-
thasare Alvarez in suo Commentariolo *orationis*
Quietis notauī, hæc oratio est actus contemplatio-
nis vni obiecto addictus, scilicet *præsentia Dei* ; &
plura sortitur nomina, iuxta plures proprietates, seu
circumstantias : dicitur enim, *oratio quietis, pure fidei,*
& *oratio silentij*. Horum nominum ethimologias fa-
cilè assignabimus ; cū rem ipsam, clarè, sine am-
bagibus, ac sophismis, & ab erroribus immunem de-
clarauerimus ; pro quo peragendo.

Quo mo-
do facien-
da oratio
quietis, vt
bona sit.

Dico I. *oratio quietis* acquisita, vt bona sit, hoc mo-
do facienda est. Fidelis inuocato Spiritus Sancti
adiutorio, præuio conscientia examine, cum dolo-
re peccatorum, etiam venialium, ac proposito non
committendi de cætero, & si adsit mortale, præuia
confessione illius, & si opportunitas non adsit, præ-
uia vera contritione ; meditari poterit aliquod fidei
mysterium, vel saltem mysterium immensitatis Dei,
& elicere actum fidei, quòd Deus est ibi, & sibi met
intrinsecè, & extrinsece præsens. Deinde debet se
intra cor suum, vt dicunt S. Bonau. & S. Theresia,
recolligere, idest ab opere externo, ac ab interna
aliarum rerum cogitatione se retrahere, & sistere
se Deo, idest cogitare, et credere, quòd sit coram

Exordium
orationis.

Deo;

Deo ; eum intimo cordis affectu venerari, mente
dicens, *Adoro te Sanctissima Trinitas, Pater Fili, & Spi-
ritus Sancte, tre Personæ, vnus Deus ; ante Maiestatem tu-
am ex gratia tua me sisto Domine ; dignare illabi cordi meo,
adiuuā me, vt attentè, ac dignè contempler Maiestatem tuam
mibi præsentem, camque humiliter venerer, ac diligam, si-
cut oportet.*

Dico 2. homo sic constitutus ante Dei præsentiam,
non debet manere otiosus, idest nihil prorsus agens,
et quasi dormiens ; sed per intellectum debet fixè,
et firmiter intuitu fidei Deum intueri sibi præsentem,
et per voluntatem amare, illi se resignare, cor suum
coram eo effundere, optare, vt vnus spiritus cum eo
sit : nil aliud cupiat amare, nisi ipsum, internè di-
cens, *Domine ecce me seruum tuum, fac de me quod vis ; in te
summo bono quiesco, & nil aliud quero ; iube quod vis, sed
fac quod iubes.* Et in quiete, ac suauitate horum in-
ternorum actuum morari ; et in fine gratias agere,
et petere salutis suæ necessaria.

Ratio euidentis est ; quia, vt optimè Balthasar Al-
uarez ait, *hec oratio quietis est actus veræ contem-
plationis ; ideòq ; est intuitus obiecti præsentis oran-
ti, cum amore illius ; quia ex his duobus actibus
intuitione, & saporosa dilectione contemplatio con-
stituitur.*

Secunda ratio est, quia est naturaliter impossibi-
le, quòd homo vigilans suspendere possit omnem
actum intellectus : & inter Theologos est accerrima
quæstio, an dari possit pura omissio voluntatis, idest
suspensio omnis actus, etiam per modicum tempus :
quomodo posset homo per mediam horam, vel qua-
drantem ex se suspendere omnem actum, nedum in-
feriorum potentiarum, vt supponitur, sed etiam in-
tellectus, voluntatis ? Certè esset necessarium mi-

Aliq par-
tes oratio-
nis quie-
tis

Euidens
ratio
quòd in ea
homo ope-
rari debet

Suspensio
omnis a-
ctus inaci-
lis, & im-
possibilis.

raculum, quo Deus negaret concursum suum illis potentijs, ne operentur, quòd non facit, neque in contemplatione infusa, in qua abstrahit quidem intellectum, & voluntatem ab omni alio obiecto, deneigans pro eo tempore concursum ad alia; sed detinet eas potentias applicatas ad obiectum, quod contemplantur, intuendo, & amando. Igitur suspensio ista actuum intellectus, & voluntatis in præfata oratione *quietis*, non est excogitabilis; & etiam si esset possibilis, forte inutilis. Ad quid enim homo se constitueret ante Deum, si de eo, nec vellet cogitare, nec cum amare, neque cum eo mentaliter alloqui, petendo, laudando, vel gratias agendo? Meo videri hæc actuum suspensio, si dari posset naturaliter quod non credo, irreuerentia potius esset in Deum, quàm deuotio. Operari ergo debet intellectus intuendo per fidem, & voluntas diligendo per charitatem.

Ratio à
priori.

Tertia ratio est: quia hæc oratio *quietis* ex generica, & specifica ratione orationis est eleuatio mentis ad Deum; alioquin nullum haberet orationis conceptum: eleuatio autem, seu ascensio mentis ad Deum fit per actus mentis, idest intellectus, ac voluntatis. Si ergo actus isti tollantur, nihil de oratione remanet; sed nomine tantum sic diceretur.

A fortiori
de infusa.

Quarta ratio. Oratio *quietis* infusa, vt ex S. Bonau. & S. Theresia patuit, actus intellectus videntis, & voluntatis amantis includit; immò dicunt, quòd in ea remanet voluntas captiuata in dilectione, & delectatione. Ergo multò magis acquisita, qua Deus queritur, vt ametur, & voluntas in eo viso per fidem, amando delectetur.

Quinta ratio. Ipsamet S. Theresia, vt patuitur, docet, quòd in hac oratione potentia non perduntur,

id-

ideſt earum actus; neque dormitant, ſed operantur. Immo ait, quòd tunc anima videns ſe in eo ſtatu quietis delectatur, & gradet, ita vt nolleſt eam relinque, & compellit intellectum, vt in ea perfeueret; ergo, ne in vanum ſe coram Deo ſiſtat, operari debet intuendo, & diligendo.

Sexta ratio. Actus hic orandi eſt actus contemplationis verè, ac proprie. At non eſt maior, nec magis perfectus, quàm ſit contemplatio beatorum, qui tamen intuentur clarè Deum, illum diligunt, gaudent, delectantur, laudant, gratia agunt diuinæ voluntati ſe conformant, & pro nobis orant. Ergo multò minus in hac contemplatione quietis otioſè, & deſidioſè ſtandum eſt, ſed in dictis in conſiſtione actibus, & alijs, à Deo inſpiratis exercendus eſt orator.

Dico 3. Homo applicans ſe actu ad orationem quietis non debet eo fine, & intentione ad eam ſe applicare, vt nihil ipſe agens per intellectum, ac voluntatem, velit expectare, quid ſibi loquatur Deus per illuminationem, ac inſpirationem, vel alio modo; ſed ſolo fine eum intuendi per fidem, & amandi per charitate.

Prob. & declaratur. Aliqui putant, orationem quietis in hoc cōſiſtere, vt differat à ceteribus actibus contemplandi, quòd quis præfigens ſibi Deum præſente, ante illum ſe ſiſtat, eoque humillimè adorato, nihil cogitet, neque de Deo; nihilque amet, neque ipſum Deum, ſed expectet, & ſperet, quòd Deus tunc videns ſuas miſeras, & quæ ſibi ſunt neceſſaria, eum doceat illuminando, inſpirando, vel alio modo loquendo, aut reuelando. Dico hoc nulloatenus intendi deſieri pro fine orationis quietis.

Pro hoc documento (in hac materia apprimè ne-

li 2 ces-

Ex S. The
reſiſta-
tio.

A maiori
de cōtem-
platione
beatorum

A quo de-
bet abſi-
ueri orās.

Non de-
bet expe-
ctare
quòd ſibi
loquatur
Deus.

S. Thom.

Tentat
Deum.

cessaria) firmando, doctrina S. Thomę lib. 3. contra Gentes c. 135. maximè apta est. *Expectare à Deo subfidium, in quibus se aliquis potest per propriam actionem iuuare, prætermissa propria actione, est insipientis, ac Deum tentantis. Hoc enim ad diuinam bonitatem pertinet vt rebus provideat, non immediate omnia faciendo, sed alia mouendo ad proprias actiones. Non est igitur expectandum à Deo, vt omni actione propria, qua sibi possit quis subuenire, prætermissa, Deus ei subueniat. Hoc enim diuinæ ordinationi repugnat, & bonitati.*

Videtur
præsum-
ptio.

Præterea meo videri, hæc esset præsumptio quædam, quòd Deus deberet ei aliquid internè, vel externè loqui; quod cauendum est; quia vt ait S. Bernardus, *non debemus quasi Deum tentando diuina præsumere.* Magna autem dona, & beneficia diuina sunt locutiones, reuelationes, illustrationes Dei in ijs, quæ ad salutem non sunt simpliciter necessaria, et propterea ab eo non sunt præsumenda, nec eo animo, & intentione debet quis ante Deum se exponere, vt ab illo eas expectando exigit.

S. Theres.

S. Theresia in mansione 6. cap. 7. circa medium, improbat meditatiuos, & contemplatiuos, qui dum ariditatem consuetarum illustrationum, & consolationum patiuntur, ad alia opera se non applicant; sed vellent, vt Deus eas conferret, easque expectant, dicens, *Bonum ne esset animam in hac ariditate agentem, ignem à Calo expectare, qui sacrificium, quod illa de seipsa Deo facit, incendat, quemadmodum eum aliàs S. Pater Elias, expectauit? nequaquam. Neque enim consultum est miracula cœlitus expectare. Faciet illa Deus, cum ei placuerit in rem animæ huius.* Sic de his orantibus, & expectantibus allocutiones, seu illuminationes, & inspirationes Dei dicendum est; scilicet, non esse illis benè consultum; sed faciant, quod in se

se est; per fidem fixè intueantur, diligant, & Deo se offerant, vt de eis faciat, quod ei placuerit in eius gloriam vergens.

Dico 4. Sic orans, si ab aliqua extranea cogitatione, aliove imaginario motu abstrahatur, non debet, cum aduertit, otiosus, ac desidiosus manere pro eo tempore, quod solebat in oratione insu- mere: sed debet iterum, & tertio, si opus sit, se remittere ad opus captum per alium actum intuitus per fidem, & dilectionis. Si difficultatem patiatur, iaculatoriè oret Deum, vt ipsum adiuuet; si autem sic vehemens sit distratio, seu tentatio, non cedat totaliter, sed meditetur aliquod fidei mysterium; si non possit, legat in aliquo libro spirituali, aut in Sacra Scriptura, vel oret vocaliter, psallendo, vel coronam, aliasve orationes recitando.

Prob. & declaratur; quia casus iste communis est omni orationi mentali meditatiuæ, & contempla- tiuæ. Dicunt aliqui, & perperam (quia sine ratio- nabili fundamento) quòd si sic orans, ex accidenti aliquo, vt sæpe accidit, distrahitur, non debet ite- rare actum fidei, uel amoris, quia illi primi virtua- liter, vel saltem habitualiter manent, sed debet quiescere, & sine vllò alio actu perseuerare in eo- dem situ per tempus consuetum, & pati tribulatio- nem illam.

Huic dicto contradico omninò, & priùs contra fundamentum, quòd prior ille actus fidei maneat virtualiter; primò, quia in Philosophia, & Theolo- gia permanentia virtualis soli intentioni, seu voli- tioni conceditur; v.g. si quis longo operi se accin- gat, vult illud facere, ac incipit facere, & vtitur medijs ad illud faciendum; si distrahatur, & tamen prosequitur in vsu mediorum, dicitur virtualiter in- ten.

Si distra-
hatur quid
faciet.

Notabilia
documen-
ta.

Virtualis
permanen-
tia quo
modo de-
claratur.

Exempla
virtualita-
tis.

tendere, quia in usu mediorum residet virtus primæ intentionis, v.g. in recitatione officij, aut Missæ, in longo itinere, & ceteris negotijs, si accadat distractio, omnes illæ operationes virtualiter intentæ dicuntur. At hoc non competit ulli alteri actui aliarum potentiarum. Si enim oculus videt, auris audit, tactus tangit, &c. cessantibus hic actibus, nullus eorum perseverat virtualiter. Sic cum intellectus intelligit, vel credit, cessante actu, hic non remanet virtualiter, quia in nullo medio ab illo imperato residet virtus eius. Igitur sine ullo fundamento asseritur remanentia ista virtualiter primi actus fidei iam per distractionem cessantis, nihil enim imperavit, aut fecit, in quo virtualiter sit. Si autem intellectus non intueatur per fidem illam primam, nec voluntas amet; ambo desides manerent, & otiosi nihil prorsus operantes. Quid sic manenti prodesset otium illud? immò multum (ut vereor) noceret, quia expositus proximè esset tentationibus multis; Ideò S. Bern. hominem spiritualem, immò omnem, sic monet, *fac, ut dæmon semper te inueniat occupatum.*

Orator
cur non
debet otio-
sus mane-
re.

Ex Baltha-
sare Alua-
rez.

Prob. modò Conclusio ex documentis Contemplatiuorum, præter ea, quæ allata sunt, in opuscul. de orat. ment. c. 13. P. Balthasar Alvarez tom. 3. p. 2. c. 12. loquens de ijs, qui contemplationis actum incipiunt, & deseruntur à gratia contemplationis, docet quid facere debeant, sic. *Insuper tempore consueta orationis, in quo consueuerat donum contemplationis experiri, ne deses, ne otiosus sedeas, sed communi gratia adiutus, quod est in se faciat. Diuina mysteria Vitæ, & Passionis Domini, vel Diuinas perfectiones, aut beneficia consideret, & in seipsum reflectat, & sancta proposita concipiat, affectus virtutum, & amoris, & gratiarum actionis, & laudis, ut supra exposuimus, eliciat, & illam horam orationi destinatam, sicut*
quan-

quando erat in statu meditantium, utiliter insumat. Id à S. Bernardo didicerat. Nam.

S. Bern. de Scala Claustral. seu de modo orandi §. penult. Hic ostendunt &c. circa finem, dicit. Cum verò mentis humane acies infirma veri luminis illustrationem diutius sustinere non poterit, ad aliquem trium graduum, per quos ascenderit, leniter, & ordinatè descendat, & alternatim modò in vno, modò in altero secundum motum liberi arbitrij pro ratione loci, & temporis demoretur. At tres gradus isti, ad quos remittit Bernardus, & per quos ascenditur ad contemplationem, sunt illi, quos dixerat initio tractatus, scilicet, lectio meditatio, & oratio. Qui ergo, vel in oratione quietis, vel in alio contemplationis actu distrahitur per cogitationes extraneas, aut tentationes, & deferitur à gratia illa, qua in ea detinebatur, non debet otiosus manere, & nihil facere, aut obstinatè deses manere; sed aliquid præfatorum facere debet.

Recordetur de Christo in horto in extremo vitæ periculo certo exposito, & Patrem orante, *ut si fieri posset transiret ab illa calix passionis*. Qui quamuis voluntatiè intermittens duplici vice orationem illam, pergens ad tres Apostolos, cum tamen rediit ad locum orationis, & procidit in faciem suam, non putauit (ad nostram instructionem) sibi sufficere, quod prima vice orauerit, & suum desiderium Patri explicitè ostenderit, ut deinde otiosè coram eo maneret; sed iterum, ac tertio, & prolixius eundem sermonem explicauit. Discat orans, quòd non sufficit sibi primus ille actus fidei, & amoris, si distractus, vel gratia sic orandi destitutus, vult consuetum tempus in ea oratione terere; sed debet, si potest, actus replicare, vel legere, vel meditari, vel vocaliter orare.

Dico

S. Bern.

Cōsiliū
S. Bern.

Exemplū
saluatoris
in horto.

256 DE VITA ACTIVA, ET CONTEMPL.

Quomodo
do uti de-
bet imagi-
nibus in-
ternis.

Dico 5. Licet orans oratione *quietis* in eo actu, & pro eo actu non egeat, nec uti possit internis imaginibus seu phantasmatibus, tamen & antecedenter, & consequenter, immò aliquando etiam comitanter, potest eis uti, & ad ea respicere.

Prob. & per singulas partes declaratur; ideo enim in hoc puncto, sicut, & in alijs actibus contemplationis magnam fieri quæstionem, quæ tamen sine fundamento mihi videtur, si adhibeatur distinctio, quam attuli in c. 16. præc. opusculi, quod est, *de medio, in quo cognoscuntur contemplationis obiecta.*

Diuinitas
non potest
per phan-
tasmata re-
presenta-
ri

Prima ergo pars prob. Dei præsentia, quæ est obiectum orationis *quietis* non potest per imaginem sensibilem, seu phantasma representari, sicut nec ipsa diuinitas, vel aliquod prædicatum, seu perfectio diuina, hæc enim ut supponimus etiam in hac vita per species intelligibiles, ac spirituales tantum cognoscuntur. Ergo oratio ista, ut ad Dei præsentiam tendit, ab eaque mouetur, & ad eam terminatur, nequit uti sensibili interna imaginatione, seu phantasmate: neque de hoc potest esse quæstio. Hoc enim est illud tritum S. Dionisij ad Thimot. & omnium mysticorum documentum, *desere sensus* dum diuina spectacula sunt intuenda; quia sensus ea percipere non potest.

Quando
sunt neces-
saria phan-
tasmata.

Prob. 2. pars de usu phantasmatum antecedenti. Cum enim quis ad orationem istam se applicat, potest, immò debet aliquod mysterium fidei meditari, puta vite, vel passionis, aut mortis Christi, immò & externam aliquam imaginem eiusmodi aliquid representantem studiosè aspicere, vel in libro aliquo legere, ut ad deuotionem se excitet: hic enim ut in suo loco diximus ex S. Bernar. *de Scal. Claustral. initio*, est verus, ac proprius modus ascendendi ad actum

actum contemplandi: nempe per lectionem, meditationem, & orationem; & post hanc homo contemplatur. Non enim video, quomodo possit quis ex abrupto sine aliqua istarum dispositionum praeuia, & excitatione ad deuotionem, statim, & immediate praesentiam Dei concipere, eique se sistere, nisi à Deo specialissimè ad eam vocatus, admissus, & detentus, quod rarissimè, & in viris perfectis accidere potest: regulariter ergo per viam phantasmatum ad contemplationem acquisitam cuiuscumque diuini obiecti acceditur, & sic accedendum est ad orationem *quietis*.

Dispositio-
nes ad cō-
templatio-
nem.

2. Quia ex sensibilibus creaturis existentibus in mundo, & praesertim ex existentia, & replicatione animae rationalis in toto corpore, potest concipi praesentia Dei in omni re creata, & in omni homine per generalem, ut dicunt, Theologi, illapsum, seu immanentiam, & per hanc cognitionem imaginariam, & phantasticam orans transiret ad concipiendum intellectualiter Deum sibi praesentem. Hoc ergo duplici modo possunt oranti in quiete esse necessaria phantasmata, & imagines, nedum internae, sed etiam externae, quod palam est cuicumque rectè ratiocinanti.

Ex modo
cognoscē-
di per cre-
aturas ra-
tio.

Proba. 3. pars de usu imaginum, seu phantasmatum consequenti. Postquam orans contemplatus est Deum, ut sibi praesentem, eumque affectu est profectus, certè gratias Deo aget de beneficijs, vel de aliquibus particularibus; & ab eo aliquid postulat in bonum animae suae, vel corporis, vel vtriusque: Item, ut debet, pro Ecclesia, eius capite, ac ministris; pro Regum, ac Principum pace, pro haereticorum extirpatione &c. haec quidem nullatenus exequi poterit sine phantasmatum adiutorio, igitur con-

Ex conse-
quenti ne-
cessaria
sunt phan-
tasmata.

K k se.

sequenter etiam sunt sic oranti necessaria, ut humanè operetur.

Concomi-
tanter etiā
necessaria

Prob. 4. pars de concomitanti usu alicuius phantasmatis: Contemplans Deum sibi intimè præsentem, necessariò intuetur Deum, ut in ipsomet orante existentem; hoc enim est de ratione præsentis alicui, si cognoscitur, ut præsens, quòd non possit cognosci res præsens, sine eo, cui sit præsens; quia *Præsens* est quodam complexum ex re, & præsentia: præsentia autem est quid relatiuum, quod sine termino, ad quem est, cognosci non potest: id enim est de intrinseca ratione relatiuorum, ut sint cum suis terminis semper simul tempore, & cognitione; ergo sic orans, necessariò præter Deum, quem directè intuetur, oblique saltem seipsum intuetur, ut præsentia Dei terminum, vel ut ita dicam subiectum; sic sui- met phantasmate utitur comitanter.

Argum. à
pari.

Conf. totum hoc à pari. Qui contemplatur aliquod attributum diuinum dicens respectum ad extra, ut potentiam, iustitiam, misericordiam &c. non potest illud intueri sine respectu ad terminum illius attributi, & tunc phantasmate etiam utitur talis termini, si corporeus sit, & ita directè & principaliter Deum potentem, iustum, &c. intuetur in specie intelligibili, ac spiritali, & terminum corporeum comitanter, & indirectè, & oblique in phantasmate illum representante.

Argum.
ab opposi-
to.

Conf. 1. ab opposito. Cùm quis contemplatur Deum, vel aliquod prædicatum eius absolutum nō aliud respicit extra illud, & intellectus quiescit, quia intuetur obiectum sicuti est, sine ordine ad aliud; at quando contemplatur prædicatum respectiuum, intellectus non acquiescit, nisi terminum aliquo modo, saltem confusè, intueatur: hæc enim ex natura obic-

obiectorum, & cognitionum procedunt. Igitur, si quis intueatur Deum præsentem sibi, seipsum comitanter intuetur. Et hæc ad abundantiorē notitiā dicta sint, ne quis ita acriter persequatur phantasmata, sine quibus pauca cognoscimus.

Obligatio
orantium.

Dico 6. Vacans orationi quietis, vel alteri mentali, meditatiue, aut contemplatiuæ, vel vocali, non est exemptus ab obseruantia præceptorum Dei, & Ecclesiæ, & contrarium asserere est hæresis.

Prob. 1. De fide est, & in Concil. Trident. definitū in sess. 4. cap. 19. & 20. quemlibet Christianum ad ea teneri; nam in primo loco sic habet. *Si quis dixerit nihil præceptum esse in Euangelio præter fidem, & cætera esse indifferentia, neque præcepta, neque prohibita, sed libera, anath. sit.* In secundo autem loco qui magis ad rem facit, habetur. *Si quis hominem iustificatum, & quantumlibet perfectum dixerit non teneri ad obseruantiam mandatorum Dei, & Ecclesiæ, sed tantum ad credendum, &c. anathema sit.*

Conci liij
Trident.
d. c. c. x. d.

Conf. Hic erat vnus ex erroribus Illuminatorum, quartus in ordine, quod scilicet nulli superiori sit obediendum, nec Patri, nec Prælato, nec Marito quoties præcipiunt aliquid orationem mentalem impediens. Insana autem eorum ratio in primo errore fundata erat, nempe quod oratio mentalis diuino iure sic est iniuncta, quod per eam solam, omnia diuina, & humana præcepta adimpleantur: Immo orationem mentalem esse Sacramentum quodam sub accidentibus, per quod omnia præcepta seruantur: Similem dementiam docebant Beguardi, quod nempe posset homo ad talem perfectionis gradum peruenire, vt eximeretur ab obseruantia præceptorum Dei, & Ecclesiæ. Infani sunt; dimittamus eos.

Error Illu
minatorū.

260 DE VITA ACTIVA, ET CONTEMPL.

Sic orans
non eximitur
ab obedientia
superiorum

Dico 7. Frequentans orationem quietis, vel quamlibet alteram mentalem, meditatiuam, vel contemplatiuam, aut vocalem, non eximitur ab obedientia suorum superiorum prætextu orationis.

Prob. primò de omnibus superioribus in genere ex Hebr. 13. 17. *Obedite præpositis vestris, & subiace-
tis eis, ipsi enim peruigilant, quasi rationem de animabus
vestris redditur: & ex can. Quæ contra disti. 8. inferior te-
netur obedire superiori. Nullum autem opus bo-
num, nullaque perfectio supererogatoria dispensat
in lege diuina, naturali, aut positiua, vt phanaticè
dicebant hæretici supradicti de oratione mentali.*

Nec paren-
tum.

De obedientia debita parentibus, præter præceptum diuinum *honorandi parentes*, habentur plura loca Sacrae Scripturae de obedientia eis præstanda. Eph. 6. 1. Coloss. 3. 20. *Filij obedite parentibus vestris in Do-
mino, hoc enim iustum est, honora Patrem tuum, & Ma-
trem tuam, quod est mandatum primum in promissione; ita
ad Eph. Immo ex Concil. Gangrensi can. 16. Filij
non obedientes parentibus ex superstitione ob Dei cultum sunt
anathema. Non enim, vt supradixi, ob bonum su-
pererogationis potest quis transgredi diuinum
præceptum: & ideo fuerunt damnati supradicti hære-
tici Illuminati; sed verius cæci.*

Nec domi-
norum.

De obedientia seruorum ad Dominos carnales habentur plura Scripturae Sancte loca. Ephes. 6. 5. *Serui obedite Dominis carnalibus cum timore, & tremore
in simplicitate cordis vestri, sicut Christo. Idem replicat
ad Coloss. 3. 22. Serui obedite Dominis uestris carnalibus,
non ad oculum seruientes, quasi hominibus placentes, sed in
simplicitate cordis timentes Deum. Ideò propter opus
supererogationis, vt est ista oratio, non debet quis
præcepti opus omittere, aut transgredi, vt præfat
docebant hæretici.*

De

De coniugibus verò eiusmodi orationibus vacan-
tibus, cum distinctione loquendum est. Nam vxor
quidem in omnibus licitis obedire debet viro; vir au-
tem solum circa debitum coniugale parere debet
vuxori; & propterea prætectu orationis non potest vir
vuxori non obtemperare quoad coniugale debitum;
Vxor verò neque in isto, neque in alijs rationabili-
bus, prætectu orationis potest viro non obedire.

Quid di-
cendū cir-
ca coniu-
ges.

Probantur singula. Subiectio vxoris ad virum, est
de iure diuino, Gen. 3. 17. *Sub viri potestate eris, & ipse
dominabitur tui;* & Ephes. 5. 5. *mulieres viris suis subdite
sunt, quoniam vir est caput mulieris* Cum autem lex
ista diuina sit, non potest mulier prætectu orationis
cuiuscumque supererogatoriæ se subducere ab obe-
dientia viri.

Vxor sub-
dita viro.

De mutua verò subiectione, & æquali quoad de-
bitum coniugale, clara est lex Apostoli 1. Corint. 7.
2. *Vir vxori debitum reddat, similiter & vxor viro.*
Et rationem assignat, mutuam nempe subiectionem:
*Mulier sui corporis potestatem non habet, sed vir: simili-
ter vir sui corporis potestatem non habet, sed mulier. No-
lite fraudare inuicem, nisi fortè ex consensu ad tempus, vt
vacetis orationi, & iterum reuertimini in idipsum, ne ten-
tat vos Sathanas propter incontinentiam vestram.* Itaque
vir in hoc tantum subiectus est vxori; vt non possit
eam defraudare quoad coniugale debitum prætectu
orationis supererogatoriæ, nisi ex consensu vxo-
ris, & ad tempus: Vxor verò, nedum in hoc est su-
biecta viro, & non potest eum in eisdem actibus, ac
iuribus defraudare, sed nec in vlllo alio, nisi ex con-
sensu illius. Non potest ergo prætectu cuiuslibet, vel
orationis, vel alterius supererogatorij operis, se ab
obedientia viri eximere.

Mutuo cir-
ca coniu-
gale debi-
tum.

De Religiosis respectu Prælatorum suorum, vel
ma-

262 DE VITA ACTIVA, ET CONTEMPL.

Orans Re-
ligio sus
circa su pe-
riorem.

maiorum, euidens est ratio, quod prætextu cuiusvis orationis, alteriusve operis supererogatorij non possunt se ab eorum obedientia eximere. Isti enim ratione voti se illis subdiderunt, & se abnegarunt, suamque voluntatem in manibus superiorum depositarunt. Cum ergo Religiosis imponitur aliquod honestum faciendum, siue sit iuxta regulæ directionem, siue præter eam, dummodo non contra eam, non possunt se ab obedientia subducere, prætextu orationis faciendæ. Oppositum de omnibus hisce obedientijs tam Religiosorum, quam vxorum, seruorum, & similium subditorum docebant iam dicti damnati hæretici, liberando orantes mentaliter ab omni obedientia, etiam Ecclesiæ; quem errorem, vt in suo loco dixi ab Orco elapsis annis reuocarunt pessimi quidam homines, sed damnati sunt.

De omnibus Christianis respectu suorum Episcoporum, & de cunctis, tam Ecclesiasticis, quam sæcularibus respectu Papæ, quod scilicet nullius orationis prætextu sint exempti ab eorum iurisdictione, & obedientia in rebus, & operibus à lege canonica, vel diuina regulatis, probatur; &

Respectu
Episcoporum.

Primò de Episcopis. Nam vt supra dictum est, Paulus Hebr. 13. 17. ait, *Obedite Præpositis vestris, & subiaceite eis; ipsi enim peruiolant, quasi rationem pro animabus vestris reddituri.* Et merito, quia Act. 17. scribitur Episcopis, *Attendite vobis, & vniuerso gregi, in quo Spiritus Sanctus posuit vos Episcopos regere Ecclesiam Dei.* Theophil. dicit, etiam si discipuli sint, est eis obediendum in ijs, quæ ad salutem animæ pertinent; ipsi enim sunt Christi legati, & Patres spirituales fidelium ex Clem. de Pænis. cap. 1. §. *nec super hæc*: & hoc docuit Paulus 2. Corin. 5. 20. *Pro Christo ergo legatione fungimur tamquam Deo exhortante per nos.* Et Episcopi
te.

tenent locum Apostolorum ex *Clem. 1. epist. 1. can. quorum vices dist. 68. & ex Trident. sess. 23. cap. 4.* Subditi ergo eorum, ratione cuiuscumque perfecti operis, nequeunt se ab eorum obedientia subtrahere in spectantibus ad regimen animæ.

De Summo Pontifice, Fides docet, totum Christianum populum in spiritualibus teneri ei obedire, totum enim ei subdidit Christus, Ioan. 21, inquit Petro, *Pasce oves meas*; in Petro autem data fuit etiam eius successoribus potestas, ex *Eug. 4. Const. 17.* in Conc. Florent. *Lgetur*, & Extra. *Vnam Sanctam de Maior. & obedient.* Immo ex eadem, subesse Romano Pontifici est de necessitate salutis; nullus ergo Christianus quavis perfectione præditus à subiectione, & obedientia Romani Pontificis in spiritualibus potest se eximere. Alia innumeras auctoritates pro hoc argumento omitto.

Respectu
Papæ.

Nemo exē
ptus est ab
obediētia
Papæ.

Dico 8. Qui eiusmodi, vel simili mentali orationi, siue contemplatiue, siue meditatiue vacat; alios ei non vacantes, sed vocali, vel alteri deuotioni operam dantes, non spernat, sed Deo de collato sibi dono gratias agens cæteros non iudicet.

Non sper-
nandi, qui
aliter orāt

Prob. & declaratur. Saluator lo: 14. ait, *in domo Patris mei mansiones multe sunt*; sic etiam in Ecclesia ait Apostolus, non omnes Prophetæ, non omnes Apostoli, non omnes Doctores, non omnes gratiam curationum habentes, non omnes loquentes linguis; & concludit, *gmulamini Charismata meliora*, 1. Corint. 12. 29. & in cap. 7. *Diuisiones gratiarum sunt, idem autem Spiritus, qui operatur omnia in omnibus.* Assignat postea nouem gratias gratis datas, quorum vnus habet vnā, alius aliam, & dicit, *Hec autem omnia operatur vnus, atque idem spiritus diuidens singulis prout vult.* Et in eod. c. 7. ait *Vnusquisque proprium do-*

Singuli sin-
gulas gra-
tias habet

num

264 DE VITA ACTIVA, ET CONTEMPL.

num habet, alius quidem sic, alius verò sic. Et Rom. 14.

4. Qui manducat, non manducantem non spernat, & qui non manducat, manducantem non iudicet. Tu quis es qui iudicas alienum seruum? Hoc est spiritualis hominis. proprium, neminem iudicare.

Non sper
neda voca
lis oratio.

De vocali præsertim oratione loquendo, caueat mentali vacans, ne eam spernat, aut deserat, cum Ecclesia illam commendet, eaque vtatur, & illa vsus sit Christus, atq; vsi sint Apostoli, ne in hæresim Illuminatorum incidat; illi enim in 2. errore docuerunt orationem vocalem exigui esse momenti. Moderni verò scelestiores docuerunt vocalem respectu mentalis esse, vt est surfur respectu farinae, & palea respectu tritici, &c.

Sacræ Ima
gines ve
nerandæ
sunt à quo
uis perfe
cto.

Dico tandem. Vacans huic orationi, vel alteri mentali meditatiuæ, aut contemplatiuæ, caueat, ne venerationem, vel conspectum sacrarum Imaginum relinquat, aut abiiciat, quia in maximo errore, & hæresi versaretur.

Prob. & declaratur. Licer, quando quis in actu contemplationis est, ab omni externo corporali obiecto, siue prophano, siue sacro, ne distrahatur, diuertere possit: tamen extra actum illum debet, ac teneretur sacras Imagines reuereri ex Conc. Niceno 2. sicut cæteri Christiani, cum nullo diuino privilegio exemptus sit à legibus Ecclesiasticis, diuinas præsertim declarantibus, vt in casu: Hic enim fuit vndecimus Illuminatorum, & nonus error modernorum.

Hic ergo, & alijs similibus cautelis seruatis, potest homo instructus, orationi quietis, omnique mentali, & contemplatiuæ cum Dei speciali gratia vacare.

CAP.

CAP. VIII.

Qui nam sint capaces huius Orationis Quietis.

ADu. 1. quòd in quolibet orante, vel alia virtutum opera exercente duplex potest considerari capacitas, vna naturalis, alia moralis. Prima consistit in congrua sensuum internorum dispositione, per quam anima sine difficultate potest per sensus operari, apprehendendo, iudicando, & discurrendo de rebus per sensus cognitis, vt accidit in habentibus perfectum vsum rationis, & non obtusis, nec impeditis ex imaginatiuæ, seu phantasie indispositione. Secunda est moralis, quæ in anima consistit; estque qualitas quædam, seu plurium qualitatum complexio ex Diuina, vel Ecclesiastica, aliaue superiorum lege requisita ad aliquod opus faciendum, vt oportet, conformiter ad eam legem. De hac duplici capacitate breuibus hîc loquemur, quia *in primo Opusc. cap. 12. & in opuscu. de oratione mentali c. 9. ac in opusc. de Contempl. c. 1.* de his capacitatibus multa diximus, quæ ad idem sunt, et sufficeret ea dixisse, nisi de hac oratione esset peculiaris difficultas; quia multi ex communi hominum vulgariu cœtu se existimant ad eam idoneos.

Adu. 2. quòd, sicut in locis citatis diximus, vel sermo est de hac oratione facienda cum fructu, vel per vsum, vt dicitur; & sine fructu, vt à nonnullis fieri audio, qui tempus perdunt, & operam, sicut dicitur *Ecclesiastici 18. 23. Deum tentant*, quia sine preparatione, ad Deum in oratione accedunt.

Dico 1. Loquendo de capacitate naturali, omnes homines, habentes perfectum vsum rationis, & non

Duplex
capacitas

Naturalis
& moralis.

Omnes
sanæ mentis
sunt naturaliter
capaces, si doceantur.

L I im-

266 DE VITA ACTIVA, ET CONTEMPL.

impeditum, qui nec sunt duri, & obtusi, & sunt ad alia negotia alicuius momenti apti, si instruantur à perito directore, sunt capaces huius orationis, *quietis*, regulariter loquendo.

Prob. eisdem prorsus medijs, quibus in citatis locis probauimus capacitatem meditationis, & contemplationis, nam S. Gregorius nullam hominum conditionem, neque coniugatorum, excludit à contemplatione, quæ quidem, cum sit actus religionis, omni Christiano instructo debet esse communis. Rationes in ijs locis videri possunt, ne easdem sine necessitate replicemus.

Capaces
moraliter
qui sunt.

Dico 2. Loquendo de capacitare morali, facturus orationem *quietis* cum fructu, debet habere conditiones, & qualitates, quas habere debent ceteri contemplatiui, & omnium primè munditiam cordis.

Prob. 1. Displicet Deo, quòd peccator sine poenitentia ad eum accedat, & de eius perfectionibus loquatur; ait enim David psal. 49. *Peccatori autem dixit Deus, quare enarras iustitias meas, & assumis testamentum meum per ostium?* Quanto magis si velit ei in peccato manens adhærere, & in eo suauiter quiescere? Multa alia sunt Scripturæ loca, quæ deterrent peccatorem ab orando, nisi poeniteat priusquam oret.

Peccato
carere de
bet orans
vel poeni
tere.

Loca scri
pturæ.

Iniquitatem sc̄ aspexi in corde meo non exaudiet Dominus, psal. 65. Longè est Deus ab impijs, & orationes iustorum exaudiet, Prou. 15. 18. Qui declinat aures suas. ne audiat legem, oratio eius erit execrabilis, Prou. 28. 9. Si iniquitatem, quæ est in manu tua abstuleris à te, & non manserit in tabernaculo tuo. iniustitia; tunc leuare poteris faciem tuam absque macula, &c. Scimus, quia Deus peccatores non exaudit, sed si qui Dei cultor est, & voluntatem eius facit, hunc exaudit, Ioan. 9. 31. Charissimi, si cor nostrum non reprehendit nos, fiduciam habemus ad Deum, & quidquid petie

ri-

rimus, accipiemus ab eo, primo Ioannis 1. 31.

S. Bernardus de interiori domo cap. 13. & 14. docens modum contemplandi, omnium primò id ponit, *Tergerere debet speculum anime à peccatis operis, & cogitationis: Deus enim, qui munditia amator est, cor pollutum habitare non potest.*

S. Bern.

Idem docuerunt S. Bonau. & S. Thomas, vt infra, quia omnis actus contemplationis (vt est hæc oratio quietis) dicit S. Thom. 2. 2. quæst. 180. art. 7. procedit à charitate: qui autem est in peccato mortali, ea caret; ergo, nisi pœniteat, capax non est.

Non omittam tamen referre, quòd P. Ioannes à Iesu Maria, refert de quadam S. Theresiæ sententia, sed cautè intelligenda. Is enim in tom. 2. de Myst. Theol. cap. 3. art. ex hoc efficitur diuinam contemplationem nisi ex dono Deo supernaturali nemini contingere: tametsi non illis in culpa mortali iacentibus, ob infinitæ bonitatis magnitudinem contemplationem indulgeri Beata Mater Theresia crediderit. Quòd ego sano modo intelligendum existimo; vel quòd intellexerit de peccatore contrito, vel quòd per contemplationem velit Deus eum vocare, & ad pœnitentiam conuertere, vel quòd de infructuosa contemplatione loquatur: sic enim omnes etiam heretici, schismatici, ipsiq; Ethnici contemplari possunt. At de fructuosa, & religiosa acquisita contemplatione, & quiete intelligi nequit: Peccatum enim cum charitate non manet, Munditia ergo cordis est vnum ex requisitis ad capacitatem moralem orantis fructuosè.

Cautè intelligendū
S. Theres.
dicunt.

Dico 3. alia requisita ad capacitatem moralem pro oratione quietis, sunt illa eadem, quæ pro vita contemplatiua requiruntur, vt remotio à curis seculi, à propria gloria, & mundanorum affectu, & purgatio vitæ cum virtutum moralium usu, iuxta pro-

Alia requisita pro capacitatem morali.

portionem status orantis, scilicet incipientium, proficientium, & perfectorum.

Incipientes quid facient.

Proba. & declaratur. Utens oratione *quietis*, in eo actu, ut sæpè diximus, contemplatur Deum sibi præsentem. Fieri autem potest, ut sit de numero, vel incipientium, vel proficientium saltem, vel perfectorum. Certum autem est, quòd incipientes non adhuc domarunt sensus, vel purgarunt se internè, & externè ab omni vitio, & passione, quia hoc magni temporis opus, est, adhuc tamen, ut possint contemplari, aliqua requisita ex his saltem inchoatiuè habere debent. Hęc dicimus requiri in orante oratione *quietis*, & hæc in hoc loco subnectam ex sanctis, & mysticis Theologis.

Exercere se debent in notatis hic.

S. Bern.

Dico ergo, quòd etiam incipientes vitam contemplatiuam, ut sint ad contemplandum, & quietè orandum apti, & moraliter capaces, debent etiam toto conatu incipere se exercere in ijs, quæ in conclusione hac tertiā dicta sunt, & in eo exercitio progredi, cum nemo possit repenti fieri summus. Nam S. Bernardus ser. 53. de modo benè viuendi, ait. *Qui vult perfectè vitam contemplatiuam tenere, debet ab omni opere terreno cessare, ideò dicit ego dormio, & cor meum vigilat; ac si dicat, iam, à mundanis tumultibus externis dormio; in interiori cogitatione, quæ sunt cælestia, & spiritualia penso. Et infra. Quicumque temporalem gloriam, & carnalem concupiscentiam affectat, à contemplatione prohibetur, Qui in vita actiua proficit, ad contemplationem benè conscendit.*

Idem S. Bernard.

Idem S. Bern. de interiori domo ser. 70. ait *Qui vult contemplationi vacare, debet quiescere non solum ab operibus malis sed à cogitationibus superuacuis, multis; siquidem etsi sciant vacare corpore, nesciunt tamen vacare corde, nescientes facere sabbatum ex sabbato; ideò non valent implere.*

plere illud psalmi, vacate, & videte quàm suavis est Dominus; & alia plura, vt dicetur in Opusc. de dispositionibus requisitis ad vitam contemplatiuam.

S. Bonau. in centiloquio cap. 46. ait, Contemplatio est contuitus diuinæ Maiestatis cum dilectione; est quies respectu irascibilis; est munditia respectu concupiscibilis; Charitatem Dei, & proximi retinet, ab operatione quiescit; soli Deo desiderio inhaeret, & calcatis omnibus curis ad videndum faciem creatoris inardescit, & Cæli ciuibus misceri. Qui ergo in his se exercet capax est contemplationis, & orationis Quietis.

S. Bonau.

Idem S. Bonau. in tract. Paruum bonum particula prima prolixo discursu, quem referam in citato Opusculo de dispositionibus; narrat per extensum omnia requisita in aliquo, vt vacet vitæ contemplatiuæ, & sit contemplationis capax, vbi incipit loqui de incipientibus, qui purgatione vitiorum, & passionum indigent, inquit, Si vis purgari verte te ad conscientie stimulum. Si illuminari ad intelligentie radium. Si perfici ad sapientie igniculum. Deinde de purgatione ait. Ad stimulum conscientie debet homo exercere seipsum, hoc modo; meditando in via purgatiua, vt primò exasperet seipsum, secundò euacuet, tertio dirigat. Declarat postea diffusè quomodo ista fiant, vt in cit. loco dicetur. At omnia consistunt in moderatione passionum concupiscibilis circa omnia mundana, & irascibilis circa omnia displicentia; in omni mortificationum genere, cum dicat Apostolus; Si autem spiritu facta carnis mortificaueritis viuetis. Quicumque enim spiritu Dei aguntur, hi sunt filij Dei. In his ergo, & alijs, vt ibi dicetur, exerceri debent, qui contemplationi, & orationi quietis vacare volunt.

Idem S. Bonau.

Requisita per S. Bonau.

Quenam purgatio facienda.

At, ne fideles turbentur, & diffidant, se non posse vmquam huic exercitio incumbere, qui se nec pur-

Consi-
liū
notandum
pro inci-
pientibus.

S. Bern. or-
do incipie-
di, & pro-
sequendi.

De pro-
ficientibus,
& perfe-
ctis sermo

purgatos, nec spirituales agnoscunt; ideo dixi in
conclusionē *iuxta proportionem statuum orantium*.
Qui propter sciant incipientes, quod pro eis suf-
ficat incipere, & prosequi purgationem istam affe-
ctuum, ac passionum, animo in ea perseverandi;
non enim poterit in modico tempore obtineri, ne-
que regulariter Deus subito vocat ad summum, sed
paulatim: ait enim S. Bern. *de domo interiori cap. 13. &*
14. de his, qui vitam contemplatiuam incipiunt.
Tergere debet speculum animæ à peccatis operis, & cogita-
tionis: Dens enim, qui munditiæ amator est, cor pollutum
habitare non potest. Cor à terrenis retrahere debet. Sic fa-
ciens incipiet ei quædam diuini luminis charitas interluce-
scere, & quidam insolitæ visionis radius oculis cordis appa-
rere, quæ luminis visione animus inflammatur; incipit in
Deum, ac superna conspiciere; Deum diligere, Deo inherere
cunctis suis affectibus renunciat, & amorī Dei incumbit.
Sed ad tantam gratiam numquam pertingit mens per pro-
priam industriam: quia donum Dei est hoc. Per hoc deserit
curam sæculi, & agit curam sui, considerans quid sit, quid
agit, quantum proficit, quibus tentationibus agitatur, &
quomodo superat, & sic poterit ad contemplationem subleua-
ri, & ad contemplationem Dei.

En ergo, quæ necessaria sunt: & pro incipiente
etiam sufficiunt, ut dicatur, & sit capax moraliter
contemplationis, & orationis quietis, & fructuosè
eam faciat.

De proficientibus, & perfectis nil remanet dicen-
dum; ipsi enim, cum purgationem affectuum, ac
passionum iam ex toto, vel parte perfecerint, & pro
reliqua parte incumbant, capacitate morali, ad con-
templandum, & quietè orandum præditi sunt.

E contra verò, qui animam à peccatis operis, &
cogitationis non terunt, & occasiones peccandi
non

non vitant; nec à secularibus, mundanisque negotiis, se abstrahunt (iis tamen exceptis, quæ ad vitam, & sue conditionis statum sine peccati periculo fieri possunt) nec à sensuum voluptatibus se remouent, & purgationi passionum non incumbunt, nec contemplationis vllius fructuosæ, nec orationis quietis capaces sunt.

Concludendum ergo est, quòd illi, qui neque totaliter, neque partialiter passiones domauerunt, nec per morales virtutes habitus vitiorum abiecerunt, & à mundanis negotiis se abstinere non possunt, neque inceperunt hæc peragere, neque de his curant, aut cogitant; neque huius orationis, neque alterius gradus contemplationis fructuosæ capaces sunt; ait enim Apostolus 2. Corint. 6. 4. *Quæ societas lucis ad tenebras? quæ autem conuentio Christi ad Belial?* ita cum proportionē, quæ societas spiritui cum carne, & mundo est. Aduertant ergo, qui orationi huic vacare putant, ne aerem verberent. Inquit enim Cassian. collat. 4. cap. 3. *Frustra ad conspectum Dei tendit, qui vitiorum contagia non declinat. Spiritus namque Dei effugiet peccatum, nec habitabit in corpore subdito peccatis.*

C A P. XI.

De Nominibus, quibus, vocari solet oratio Quietis.

ADu. quòd, vt supra innuimus, gradus iste contemplationis variis vocabulis, appellatur, nempe dicitur oratio Quietis, Præsentia Dei, Puræ fidei, ac silentij; ideo ne exotica videantur hæc vocabula, eorum etymologiam, & rationem explicabimus.

Dicitur primò oratio Quietis, seu vt dicit Ludo-

Quinam non sunt capaces orationis quietis.

Notanda pro hac oratione ventibus.

272 DE VITA ACTIVA, ET CONTEMPL.

Cur dici
tur quiet
speciali
modo.

Ex tran
quillitate
animi in
Deo quie
scentis.

Et ex potē
tiarum in
feriorum
quiete.

Ex Canticis.

Ex Ioanni
Euangelio

Cur dici
tur prae
sentiae Dei.

uicus de Ponte in Vita P. Balthasar's c. 14 §. 1. *Vacationis internae*, non quia anima in ea nihil agat, quia, ut supra diximus, per intellectum praeio actu fidei Deum intuetur, & per voluntatem actu charitatis diligit, & seipsam Deo offert, ut de ea faciat, quod sibi placet; sed ex duplici capite sic dicitur, quia in Deo (qui erat scopus sui desiderij) iam inuento, cum tranquillitate quiescit, & iucundatur. 2. quia nec potentiae inferiores aliquid tunc operantur, & intellectus ipse à cogitationibus alienus, ab actibus componendi, & diuidendi, qui per secundam operationem sunt, & à discursibus abstinet, non solum circa obiecta creata, verum circa ipsum Deum, & solo simplici intuitu fidei, eum sibi praesentem cognoscit, & voluntas nil aliud volens, aut imperans in simplici Dei amore captiuata manet, & in eo iucundatur. Dicitur etiam potest oratio *quietis* ex alio capite, quia nempe, & orans quiescit in Deo, & Deus in eo, sicut inquit Apostolus Ioan. 1. cap. 4. *Deus Caritas est, & qui manet in Charitate in Deo manet, & Deus in eo.* Et Cantic. 3. habetur haec amoris reciprocatio inter animam sponsam Deo caram, & Deum sponsum, inquit enim sponsa, *inueni quem diligit anima mea, tenui eum, & non dimittam, donec introducam illum in domum matris meae, & in cubiculum genitricis meae.* Et sponsus ait. *Adiuro vos filie Ierusalem ne suscitatis, neque euigilare faciatis dilectam, donec ipsa velit.* Et Ioan. 14. 23. Saluator inquit, *si quis diligit me, Pater meus diliget eum. Ad eum veniemus, & mansionem apud eum faciemus.* Qui ergo orans Deo Charitate coniungitur, eum diligit; in eo tamquam centro sui appetitus, quiescit, & Deus in eo tamquam in suo dilecto.

Dicitur secundò, oratio *praesentiae Dei*, ratione proprij

prij obiecti, quod est Deus, vt præsens oranti: hunc enim sibi præfigit orans, & hunc intuetur sub hac præcisa ratione; & tantum bonum, vt præsens, cognitum, & creditum voluntas diligit; & sicut scientia de Deo dicitur Theologia, à *Theos*, idest Deus, & visio Dei in Patria dicitur *beatifica*, quia est de obiecto beato, ac beante, & sic de alijs denominationibus ab obiectis prouenientibus; ita hæc à proprio obiecto talis dicitur.

Ab obiecto.

Dicitur, oratio *Puræ fidei*, non quasi sic orans de cæteris virtutum actibus non curet, & sola fides sibi sufficiat, quasi ipsa iustificet, ac saluet, vt perperam (à Concilio Tridentino iam damnati) docebant hæretici; sed dicitur puræ fidei ex triplici capite; primò quia cum sit contemplatio, hoc singulare habet, vt non sit discursiua de vna re in aliam, vt est meditatio, sed est simplex actus ad Deum, vt presentem, terminatus. 2. quia intuitus ille non est beatificus, sed obscurus, & visio *per speculum in enigmate*, vt ait Apostolus 1. *Corint.* 13. ad differentiam beatorum *facie ad faciem videntium*, vt ibidem dicit Paulus; ideo qui Deum, vt sibi presentem, considerat, fide pura considerat; & hoc verificatur in oratione *quietis* acquisita, in qua fide sola Deus conspicitur: in infusa verò per donum intellectus. Tertiò dicitur puræ fidei, quia anima relictis omnibus obiectis sensibilibus, & intelligibilibus ratione humana quocumque modo cognitis, siue in oratione infusa, siue in acquisita, captiuat intellectum in obsequium fidei; qua velut in lucido speculo, obscure quidem, sed firmiter, ac fixè credens *Deum esse ibi sibi presentem*, intuetur, ac diligit, vt in alijs contemplationibus contingit, vt ex S. Dionisio *mysticæ Theol. cap. 1.* habetur iuxta S. Thomæ intellectum in eo capite, ait

Cur puræ fidei.

Quia simplex actus Deum intuens per fidem, non euidenter

Aliæ rationes cur sic dicatur.

Mm enim.

274 DE VITA ACTIVA, ET CONTEMPL.

enim. Tu verò Thimotee. carissime, intensissima conuendis
spectaculis mysticis exercitatione, & sensus lique, & in-
cellektuales operationes; & sensibilia; & intelligibilia, & que
sunt, & que non sunt omnia, & vt illi ingaris, qui supra
omnem substantiam, & supra omnem scientiam est ignoto
pro viribus te ipsum intende. Enim verò abs te ipso, atque
omnibus libere, & absolute, ac pure exercendo, ad substantia-
lem diuinæ caliginis, radium sublatis omnibus, & absolutus
ex omnibus euolabis.

Ex quibus duo colliguntur, & quòd contempla-
tio, cuius gradus, seu species est oratio quietis, ab
omnibus alijs rebus sensibilibus, & intelligibilibus
diuertens, solis diuinis intendit per puram fidem; &
quòd homo à Deo adiutus potest sua industria ab
his diuerrere, & Deum per fidem intueri.

Dicitur tandem oratio *silentij*, sicut omnis con-
templatio; & hoc non solum quia orans non loqui-
tur vocaliter; nam omnis mentalis oratio, ac me-
ditatio talis est: neque dicitur *silentij*, quasi anima
tunc ab omni actu cuiuscumque potentie, etiam in-
tellectiue, & volitiue sit suspensa; quia, vt supra
diximus, anima cum intellectu per fidem Deum præ-
sentem intuetur, & cum voluntate amat; sed quia
in eo actu nihil, nec intellectuualiter, patit, & cum
admiratione pro obiecti maiestate suspensa illumi-
nationem aliquam à Deo recipiens, ac inflammatio-
nem, vt ex S. Bernardo in capite præcedenti dixi-
mus, stupida tunc quasi magistrum docentum au-
diens ipsa silet; sed perseverat intueri, & amare, cum
Deus illuminando, & inspirando, quasi vt Magister,
aliquando doceat ad cor loquendo; hoc enim modo
regulariter Deum ad cor loquitur, cum ei illumina-
re, & inspirare placet aliquid. Quia ergo sæpè Deus
sic orantem, & similiter se illi offerentem, ac subij-
cen-

Ex S. Dio-
nysio iux-
ta D. Th.

Cur ora-
tio Sile-
rij.

Intelle-
ctus & vo-
luntas in
ea non si-
lent.

OPVSCVLVM QVARTVM. 275

centem illuminar, & inflammari, ipseque orans cum
stupore, & admiratione recipiat, silenter se conti-
ner, postea verò humiliter agit gratias. Quæ
de hoc gradu contemplationis dicto *Qui-
tis* dixisse sufficiat, cum ad alia gra-
dum facere opus sit, quæ pro
exacta contemplationis
acquisitæ notitia exi-
stimo necessaria.



Mm 2 OPVS



OPVSCVLVM QVINTVM.

DE CAVSIS , EFFECTIBVS , AC PROPRIETATIBVS CONTEMPLATIONIS ACQUISITÆ.

C A P. I.

Quanam potentia concurrant ad actum contemplandi.

Sensus
quæritur .



ADVERTENDVM I. quòd; cum contemplatio, siue infusa, siue acquisita, sit actio vitalis, homo contemplans per potentiam aliquam vitalem debet ad eam concurrere; ideo quærimus quænam potentia eam vitaliter efficiat.

Adu. 2. quòd aliud est loqui de dispositionibus ad contemplationem, vel ad vitam contemplatiuam requisitis; & aliud loqui de causis, seu principijs effectiuis ipsius actus contemplandi: de his nunc quærimus.

Adu. 3. quòd aliud est loqui de potentia præparatiua ad contemplationem, aliud verò de effectiua; de hac secunda principaliter quærimus.

Dico

Dico primò, Potentiæ præparatiuæ ad contemplationem acquisitam regulariter sunt sensus, tam externi, quàm interni.

Prob. facile ex sæpè dictis ex S. Bernardo de *Scala Claustral.* seu de modo orandi: Per lectionem, meditationem, & orationem fit transitus ad contemplationem: primæ autem functiones fiunt per sensus externos, & internos; ergo.

Confirmatur: Sæpe numerò ex conspectu horum mirabilium, quæ sunt in mundo, & ex eorum consideratione homo ascendit ad contemplationem Dei primi veri, ac summi boni, iuxta illud Rom. I. *Inuisibilia Dei à creatura mundi per ea, quæ facta sunt intellecta conspiciuntur, sempiterna eius quoque virtus, & diuinitas:* igitur tam sensus externi, quam interni concipientes hæc visibilia, & materialia creata, sunt potentiæ præparatiuæ, seu dispositiuæ ad contemplationem.

Dixi regulariter, quia incipientes præsertim, ac proficientes, & aliquando etiam perfecti, sic eliciunt actus contemplationis, legendo scilicet, vel audiendo, vel per imaginationem, seu phantasiam aliquando reflectunt ad lecta, & audita, & per species illas sensibiles excitantur intelligibiles representantes obiecta contemplanda; hic enim est modus connaturalis, nedum recordandi, sed primò intelligendi quæcumque obiecta. Immò, vt dicam de contemplatione infusa, existimo, quòd dum Deus sine præuia lectione, aut meditatione illuminat, ac excitat aliquem ad contemplandum ea, quæ alijs vicibus contemplatus est, vel simpliciter credidit, aut cognouit, mouet species earum rerum, quæ sunt in phantasia, & istæ excitant species intelligibiles contemplabilium, quæ sunt in intellectu: & in earum

Potentia
præparati
uæ sunt
sensus.

Ex creatu-
ris ascen-
ditur ad
contem-
plationē
Dei.

Regulari-
ter sic fit.

intuitu detinet intellectum fixum ad videndum, & voluntatem ad amandum.

Potentia
immedia-
tè effecti-
ua contem-
pl. sunt in
intellectus,
& volun-
tas.

Concludamus ergo, quod potentia sensitivæ externæ, & internæ regulariter preparant ad contemplationem, sicut preparant ad omnem intellecti-
nem; & de hoc argumento latè locuti sumus in Opu-
sculo de Contemplatione cap. 14. sub titulo, *In quo medio contemplatio intuetur obiecta*: ibi videndum est quod hic deficit.

Dico 2. Potentia propria, & immediatè effectiva causæ contemplationis completæ, ac fructuosæ sunt intellectus intuens obiectum contemplabile; & voluntas amans illud, ac se delectans in illo.

Probata manet hæc conclusio ex cap. 3. in Opusc. 3. quod est de Contemplatione, in quo evidenter ex SS. Patribus, & ex mysticis DD. probatum est, contem-
plationem consistere in actu intellectus, & volunta-
tis, quia est intuitus Dei cū saporosa eius dilectione.

Conf. quia contemplatio in Patria succedit contem-
plationi viæ, immo, ut ex S. Greg. diximus, illa
est eadem cum ista, excepto quod illa est evidens,
hec obscura; & ideo est optima, ut dixit Saluator,
quia durat post mortem, ait S. Greg.

Rationes
evidentes.

Conf. 2. quia ad contemplationem saltem perfe-
ctorum concurrunt duo dona Spiritus Sancti, scili-
cet donum intellectus, & donum sapientiæ, id est
saporis, ac suavis gustus: illud se tenet ex potentiæ in-
tellectivæ, hoc ex parte etiam voluntatis. Præterea,
si hæc dona non conferuntur incipientibus, & pro-
ficientibus, tamen ipsis, ut mox dicam, conferuntur
illuminationes, & inspirationes speciales, illa au-
tem se tenent ex parte intellectus, istæ ex parte
voluntatis.

Arg. ab ex-
tasi.

Conf. 3. Interdum, ut de effectibus Contempla-
tio.

tionis dicam, hæc fit cum extasi, vel raptu, idest cum alienatione à sensibus placida, vt in extasi, vel cum violentia, aut strepitu, vt in raptu. Quando autem homo alienatus à sensibus videt, & vult per alias potentias operari, non potest nisi per intellectum, & voluntatem.

Prob. tandem à Iufficienti. Causæ efficientes contemplationis non possunt esse sensus, nec externi, nec interni ergo intellectus, ac voluntas, aliæ enim cognoscitiue potentiæ assignari nequeunt. Antec. prob. Obiectum principale contemplationis est Deus prima veritas, & summum bonum: At nullus sensus nec internus, nec externus potest Deum sub hac ratione percipere, quia sensus omnes corporalia tantum percipiunt, Deus autem, omnesque eius perfectione piritualia entia sunt: ergo.

Neque obstant, quæ diximus in *Opusc. 3. de Contempl. cap. 3.* quod omnia creata, mundus, Coelum, elementa, & mixta, Humanitas Christi, Ecclesia, Sacramenta, Nouissima, &c. sunt obiecta contemplationis; quæ tamen corporalia sunt, & à sensibus perceptibilia, & ab imaginatiua, seu phantasia etiam indicabilia; & sic ista quoque potentia saltem est principium, seu efficiens causa aliquarum contemplationum. Non obstante, inquam; quia, vt ibi videre est, diximus hæc omnia esse obiecta contemplationis secundum ordinem, quem dicunt ad Deum, vel vt efficientem, vel vt sapientem, vt iustum, misericordem, immensum, omnipotentem, omniscientem, &c. Et sic non ea sunt formale obiectum, ac terminus contemplationis, sed Deus; & propterea in hac prima conclusione dixi, quod potentiæ istæ sunt præparatiue contemplationis, non effectiue.

Arg. à Iufficienti enumeratione.

Resp. ad rationem obiecti.

Corporalia quod non sunt obiecta contemplationis.

CAP. II.

*An ex parte animæ ad contemplationem requirantur
comprincipia, & quæ.*

Sensus
quæſiti.

ADu. 1. Sensum quæſiti hunc esse, an in anima, vel eius potentijs requiratur aliquis habitus supernaturalis, vel aliquid aliud actuale confortans, ac iuuans potentias ad eliciendum actum contemplationis, & cuius generis ista sint, num de genere ordinariorum gratiarum, ac habituum, an de genere extraordinariorum.

Sermo est
de fructuo
sa contem
platione.

Adu. 2. quòd, vt sèpè dixi, sermo esse potest, vel de contemplatione infructuosa, quæ esse potest pænes etiam Gentiles, ac hæreticos, & pessimos peccatores, vel de fructuosa existentium in gratia, & per viam perfectionis incedentium. De prima non curo, quia est actus purè philosophicus, quo Dei perfectiones, & attributa, ipseque Deus consideratur, & fortè etiam amatur, sed loquor de secunda, & quæro à quibus comprincipiis potentias adiuuantibus dependeat.

Adu. 3. quòd hic loquor de contemplatione acquisita, non de infusa; de qua loquor in proprio Opusculo; de acquisita inquam tam incipientium, quàm proficientium, & perfectorum, quia de singulis est diuersa difficultas (ob statuum diuersitatem) in perfectione actuum.

Virtutes
Theolog
ales concu
rant.

Dico primò. In anima contemplantis omnium primò prærequiruntur vt comprincipia contemplationis, tres habitus Theologales, Fides, Spes, & Charitas.

Prob. 1. de omnibus. Contemplatio est actus
reli-

religionis, seu cultus Dei: At Deus ex S. August. in Enchir. cap. 3. *Fide, Spe, & Charitate colitur*, & in lib. de orando Deo ad Probam ait, *Fide, Spe, & Charitate continuato desiderio semper oramus*. Hi autem actus in homine fideli à suis habitibus procedunt. Ergo orans per contemplationem illis præditus esse debet.

Prob. 2. Actus contemplationis, *ut in 3. Opusc.* dictum est, ex his duobus actibus coalescit, nempe intuitu simplici Dei per fidem, & dilectione eiusdem per charitatem; cum his autem connexa est spes unionis cum Deo, & amoris illius, quia per August. lib. de Spir. & Animæ cap. 29. *Fide speramus in Deum*. Nec unquam stare possunt habitus Fidei, & Charitatis sine Spe.

Prob. 3. specialiter de Fide ex Hebr. 11. *sine fide impossibile est placere Deo*; & idem Apostolus enumerat omnes Sanctos Patres veteris Testamenti, quorum omnia gesta virtuosa placuerunt Deo per fidem & S. Aug. tract. 25. in Ioannem. discutiens locum istum ad Herb. ait, *sine fide non valet opus bonum*. Igitur contemplatio, ut est effectus intellectus fide præditi, estque actus verus fidei, quo Deus videtur per speculum in enigmate, ut inquit Apostolus, ab habitu fidei est.

Ratio de
Fide.

Prob. Conclusio de habitu Charitatis ex 1. Cor. 13 ubi Apostolus nullum cuiuscunque virtutis opus existimat bonum si fiat sine Charitate, etiam si quis Angelorum linguis loqueretur; etiam si prophetaret, etiam si omnia mysteria nosset, etiam si fidem haberet, ut montes transferret, etiam si omnem substantiam suam in pauperes erogaret; etiam si corpus suum traderet ad comburendum; hæc omnia dicit nihil esse si absque charitate fierent; ergo multò minus actio ista contemplandi quæ actum dilectionis Dei exigit,

Ratio de
Charitate

Nn vt

vt compleatur, fieri poterit nisi dependenter à Charitate.

Ratio ex
mundicia
cordis.

Confirm. Quia vt ex S. Bernardo, ac Bonau. diximus de capacibus orationis quietis, & dicitur de dispositionibus requisitis in contemplatione, vnum principale est mundicia cordis; hæc autem sine habitu charitatis haberi nequit: ergo.

Ex S. Th.
omnis per
fectio ex
Charitate

Conf. 2. ex singulari S. Thomæ doctrina 2.2. q. 24. ar. 9. Vbi nedum principium, & profectum in contemplatione, sed in via perfectionis, Charitati tribuit; & merito quidem, quia plenitudo legis, vt ait Apostolus, est dilectio, & qui diligit legem impleuit, & Ioan. in 1. Epist. dicit, si hoc fiat sufficit. Ait ergo S. Th. Primus effectus charitatis est, vt homo à peccatis præteritis discedat, & futura præcaueat; & hic effectus dicitur charitas incipiens. Secundus effectus est, vt fiduciam de peccatorum liberatione habens, se extendat ad bonum adipiscendum; & hæc est charitas proficiens. Tertius effectus est, vt homo ad bona quasi conuolutus quodammodo sibi naturalia habeat ipsa, & in eo quiescat, & delectetur, & hoc ad perfectam charitatem pertinet. Status autem medius duo habet. Vnum, secundum quod comparatur ad primum statum quia roboratur contra mala, de quibus charitas incipiens sollicita est. Aliud quod nutritur, secundum quod tendit ad statum tertium, ad semper magis, ac magis bona quasi sibi comparanda. Similiter etiam perfecta charitas duos habet gradus, vnus est, secundum quod in bonis communibus quasi iam securus conquiescit, & secundum hoc dicitur perfecta; alius, secundum quod ad qualibet difficilia manum mittit, & secundum hoc dicitur perfectissima, vel perfectissima quantum ad statum viæ, & perfecta in ordine ad statum Patriæ; & in 2.2. quæst. 180. art. 7. ait. Vita contemplatiua propriè consistit in contemplatione Dei, ad quam mouet charitas: & licet essentialiter consistat in intellectu, principium tamen habet in

Notabilia
charitatis
privilegia

in affectu, in quantum aliquis ex charitate ad Dei contemplationem excitatur. Hæc ex S. Th. Ex quibus evidenter demonstratur, quod ad quemlibet actum contemplandi, siue incipientium, ac proficientium, siue perfectorum concurrat habitus Charitatis, & actualis Charitas ab illo procedens, quæ modò est incipiens, modò perficiens, modò perfecta iuxta contemplantium statum.

De Spe etiam prob. homo siquidem siue contemplationi, siue alteri perfectionis operi se applicans ob desiderium, & spem unionis cum Deo, in via, quidem temporaliter, & in Patria æternaliter hoc facit, nam Rom. 8. 24. spe enim salui facti sumus: & Heb. 7. 18. ait, Confugimus ad tenendam propositam spem, quam sicut anchoram habemus animæ tutam; ac firmam, & insedentem usque ad interiora velaminis, &c. & 1. Cor. 9. 10. ut ostendat quod homo omnia sua bona opera propter Dei gratiam, ac misericordiam, & tandem æternam vitam obtinendam operatur, utitur exemplo agricolæ, sic. Propter nos scripta sunt, quoniam debet in spe qui arat arare, & qui triturat in spe fructus percipiendi. & ad Hebr. 11. Fides est sperandarum substantia rerum, ideo qui per fidem operatur cum spe supernaturalium bonorum operatur, & sic homo, siue deditus sit vitæ actiue, siue contemplatiue omnia opera facit cum spe, vel actuali, vel saltem virtuali. æternæ vitæ; omnes ergo virtutes theologicæ in contemplatiuo requisitæ ad actus contemplationis influunt.

Dico 2. Ad eliciendum actum contemplationis acquisitæ requiritur auxilium Dei supernaturale, speciale, & extraordinarium.

Prob. & declaratur. De necessitate auxilii supernaturalis non est dubium, quia Saluator ait Ioan. 15. sine me nihil potestis facere: & 2. Cor. 3. 5. Fiduciam autem

De Speratio.

Propter vitæ æternæ spem homo operatur.

Auxilium Dei speciale concurre

284. DE CAUSIS & c. CONTEMPL. ACQVIS.

De auxi-
lio super
naturali
non est
dubium.

*talem habemus per Christum ad Deum, non quia sufficientes
simus cogitare aliquid à nobis quasi ex nobis; sed sufficientia
nostra ex Deo est. Et ad Philip. 2. 13. Deus enim operatur
in nobis velle, & perficere pro bona voluntate. Et multa
adsunt decreta Conciliorum, & Summorum Ponti-
ficum de necessitate diuini auxilii, seu gratiæ ad ope-
ra bona, ac sancta elicienda; ex Innoc. I. epist. 24. & 25.
& Cælest. I. epist. 1. ex Concil. Mileuit. c. 5. ex Conc. Afric. c.
8. ex Concil. Araus. per totum; ex Cone. Trid. sess. 6. c. 10.*

Sed dubium est de speciali auxilio, & non com-
muni, sed extraordinario. Mystici enim Theologi
tale auxilium existimant necessarium ad contempla-
tionis actus exercendos. Prima ratio comunis est,
quia quo magis opus est difficile, ac perfectum, eo
maius, & specialius requiritur auxilium: secunda ex
ipsorum dictis summitur.

Ex Ric-
cardo.

Riccard. de S. Vict. l. 5. cap. 2. de acquisita con-
templ. dicit plura: primò, *Aliquando ex sola gratia, ali-
quando ex adiuncta industria proficimus; & post multa.
Sed quod industriæ operatione dicimus, non sic accipi volu-
mus quasi sine gratiæ comparatione aliquid empero possimus,
cùm qualibet industria nostra non sit, nisi ex gratia. Sed
aliud est contemplationis gratiam diuinitus percipere, atque
aliud est de huiusmodi dono Dei quidem cooperatione proprio
exercitio comparare. Vbi nota, quòd gratiam hanc re-
quisitam in contemplatione cum industria, & labo-
re nostro, vocat donum Dei. Et sic speciale quodam est
non commune omnibus operibus bonis auxilium.*

Ratio
quia est
opus dif-
ficile.

Probari potest ex dictis in *Opusc. 3. cap. 10. vbi de
contemplatione acquisita ex S. Bernar. diximus ef-
se ex gratia, & dono Dei: ita in l. de octo punctis pun-
cto primo. Ex S. Bonau. de luminaribus Ecclesiæ ser. 2. de
7. itiner. ætern. dist. 4. a. 3. & 4. Ex S. Th. 2. 2. q. 180. ar. 2.
ad 1. & ad 3. vbi docet, Contemplationi vacare, est ma-
gnum*

gnum sacrificium Deo offerre; & esse expressum signum Charitatis in Christum, & ex Dionis. Cart. de fonte lucis cap. 8. Contemplationi acquisitæ Dei fauore regulatæ in animabus purgatis succedit infusa.

Conf. Contemplatio fructuosa requirit frenationem passionum animæ, & vitiorum remotionem, ut de requisitis ad vitam contemplatiuam in proprio Opusculi dicitur. Ideoque contemplatio est difficilis; & pauci vitam contemplatiuam amplectuntur: ergo requirit maius, & specialius auxilium diuinum, quam cætera pia opera minus difficilia.

S. Bernard. de interiori domo cap. 13. & 14. docens incipientes quomodo incipere debent contemplari, dicit, *Primo tergere debet speculum animæ à peccatis operis, & cogitationis, Deus enim qui munditiæ amator est, cor pollutum habitare non potest, Cor a terrenis retrahere debet.* Concedamus quòd hoc totum fiat per communem gratiam, quod non admitto, at sequitur Bernard. *Sic faciens, incipiet ei quædam diuini luminis claritas interlucere; & quidam insolitæ visionis radius oculis cordis apparere, qua luminis visione animus inflammatur, incipit in Deum, & superna conspiciere, Deum diligere, Deo inherere. Cunctis suis affectibus renunciat, & amoris Dei incumbit, sed ad tantam gratiam numquam pertingit mens per propriam industriam, quia donum Dei est hoc. Per hoc deserit curam sæculi, & agit curam sui, considerans quid sit, quid agit, quantum proficit, quibus tentationibus agitur, & quomodo superat, & sic poterit subleuari ad contemplationem Dei.* Hoc autem lumen, hoc adiutorium, hæc gratia, non sunt de communibus, ut manifestum est, quia pauci ea obtinent.

Conf. ex generali principio Epist. Iacobi omne datum optimum, & omne donum perfectum de sursum est descendens à Patre luminum: at contemplatio ex Christi

Requirit
frenum
passionum

Speciale
auxilium

Euidens
ratio.

Quia est
donum
perfectum

fi oraculo est optima res ; ergo ad eam concurret
Deus per donum perfectum, & datum optimum ;
ideoque supernaturale auxilium ad eam influens
non est de communibus.

Doni duo
Spiritus
Sancti co-
currunt.

Dico 2. Cum anima perfectè contemplante con-
currunt duo dona Spiritus Sancti scilicet donum in-
tellectus ex parte potentie intellectiue, & donum
sapientie ex parte volitiue, modò cum maiori, mo-
dò cum minori illustratione, ac inflammatione iux-
ta Dei providentiam, & statum contemplantium.

Quid sit
donum in-
tellectus.


Prob. & declaratur. Supponendo prius quid sint,
& quid faciant ista dona. Donum intellectus est
qualitas quædam supernaturalis intellectui à Deo in-
fusa, per quam intellectus illustratur ad clariùs, & di-
stinctiùs cognoscendum obiecta fidei: ita S. Bonau. in
tract. de donis S. S. cap. 2. inquit, est lumen superna-
turale, quo velamina dictarum veritatum reuelatarum pene-
trantur, & veritates abscondite manifestantur, quod utiq;
Spiritus Sanctus facit dum donum intellectus nobis inspirat.
Donum sapientie est qualitas supernaturalis infusa
voluntati, quæ saporem, & gustum in ea causas de
re credita, & cognita per donum intellectus, quia
sapientia, ut hic sumitur ex Ecclesiast. 6. iuxta Lyr-
num, à sapore nomen habet, quia facit sapere, & gustare
de rebus cognitis: ideo dicitur, Gustate, & videte,
quoniam suavis est Dominus: In tract. de luminaribus Ec-
clesiæ cap. 5. /erm. de dono intellectus, S. Bonau. ait, In-
tellectus est clavis contemplationum Cælestium: ille trifor-
mis intellectus est proprie donum Spiritus Sancti, igitur ab in-
tellectu inchoemus. ut ad sapientiam veniamus: Id enim est
ordo. In Sapientia legimus, Cibavit illum Dominus pane
vite, & intellectus, & aqua sapientie salutaris potavit il-
lum. Alex. Alem. p.p. quæst. 73. ar. 2. m. 3. ait Sapien-
tia secundum nomen suum est cognitio cum sapore, & sic est
do.

donum Spiritus Sancti. S. Bernar. in tract. de donis S. S. cap. 8. dicit, donum sapientiæ est quidam internus sapor, ac suauissimus gustus, vnde psalmista, Gustate, & videte quoniam suavis est Dominus. His ergo suppositis, quoniam vt infra dicetur, in contemplatione hæc duo, ex Dei fauore sepè obtinentur, nempe cognitio rei reuelatæ clarior, quam habebatur per actum fidei, & sentitur gustus, & dulcis sapor de eadem re; isti effectus proueniunt à propriis causis quæ sunt dona intellectus, & sapientiæ; ideoque ad eos causandos ista duo dona concurrunt.

Dixi modò maiori, modò minori illustratione, & inflammatione iuxta Dei prouidentiam, & statum cōtemplantium: ex hoc enim duplici capite oritur hæc diuersitas. Nam cum sint Dei dona, ea distribuit, sicut secundum altissimæ, ac infinitæ suæ sapientiæ in comprehensibilis iudicium existimat conferre, modò plus, modò minus. Potest etiam hæc diuersitas oriri, non quidem effectiue, sed motiue ex diuersitate statuum cōtemplantium; nam regulariter Deus maiora dona confert magis exercitatis, & perfectis, quam minus exercitatis, proficientibus, vel incipientibus, vt ipsimet cōtemplatiui experiuntur, atque testantur; quamuis aliquando ex sua benignitate, Deus conferat etiam incipientibus dona quædam, quæ proficientibus, & perfectis regulariter confert, ad alliciendum eos in sancto hoc exercitio, vt infra dicam de effectibus cōtemplationis quæ dona postea in eorum humilationem, ac patientiæ meritum subtrahit.

Effectus talium donorum quoniam

Tales effectus modò maiores, modò minores sunt



CAP.

CAP. III.

*De proprietatibus Contemplationis acquisita.*Sensus
quæritur.Quid sit
intrinsecè
contem-
platio.Differen-
tia eius ab
actu fidei.Intuitus
simplex, &
saporosa
dilectio.

ADu. 1. quòd hic loquimur de quibusdam quali-
tatibus, quæ actui contemplationis insunt;
non verò de vita contemplatiua, de qua supra in
proprio loco *Opusc. 4.* locuti sumus: & hac occasio-
ne rursum obiter tangemus in primo loco naturam
præstantissimi istius actus, vt lector sine vagatione
recordetur cuinam actioni cõpetant quæ dicentur.

Dico ergo primò. Actui contemplandi, vt ab
actu credendi, quem supponit, distinguitur, intrinse-
cè competit esse intuitum simplicem, firmum, &
fixum cum saporosa delectatione circa diuinum ali-
quod verum reuelatum.

Prob. & declaratur hæc Conclusio ex *Opusc. 3. cap.*
2. & 3. in quibus ex S. S. Ecclesiæ DD. Thom., ac
Bonan. &c. contemplatio densiùto est, quòd sit *fir-*
mus, & fixus, ac simplex intuitus primæ Veritatis, dico
modò, quòd cum omnis actus contemplationis
semper supponat actualem, aut virtuales assensum
fidei circa verum diuinum reuelatum, differt ab actu
fidei, quia hic est assensus, quo intellectus compo-
sitiue operatur, dicendo *sic est*, quia Deus reuelauit.
Actus verò contemplandi est alius actus, quo intel-
lectus post assensum illum, figit aciem suam, simplici
intuitur firmiter intuendo verum illud iam credi-
tum, sequente ad talem intuitum saporosa dilectio-
ne voluntatis v. g. credit quis Deum esse vnum in es-
sentia, & trinum in personis, si nihil aliud facit, iam
elicuit actum fidei: Si verò vult verum huiusmodi
contemplari, sistere debet in consideratione illius

vc-

veritatis non componendo, nec discurrendo circa eam, sed intuendo illam simplici actu licet obscure, ac per speculum, & cum gustu, seu sapore illam amando. Ideo dicitur in psal. 31. *Gustate, & videte quoniam suavis est Dominus.* Quod si verum hoc appareret euidenter, vt apparet Beatis in Patria, ille intuitus simplex, ac firmus esset visio euidens, ac facialis, vt inquit Apostolus 1. Cor. 14. *Videmus nunc per speculum in enigmate; tunc autem facie ad faciem.* Et hinc est, quod, vt in suo loco diximus ex S. Greg. *contemplatiua vita est perfectior actiua, quia hæc in morte deficit; illa perseuerat:* Sed cum hac differentia, quod nunc est cum simplici quidem, ac firmo intuitu, sed obscuro, & enigmatico, in Patria verò euidenti, & clarissimo.

Dico 2. in omni vera contēplatione primò hæc tria adsunt, stupor, timor, & amor; deinde alia similia.

Prob. ex Gilber. Abbat. prosequente opera San. Bernardi *serm. 20. dicente, Visio comprehendit; timor comprimit; suspendit stupor; rapit, & vnit amor. Animum timor humiliat; stupor quasi infatuat; Amor conglutinat. Cassa visio est, nec contemplationis digna vocabulo, quæ talibus non est vestita affectibus. An illum videre diffiniet, qui de mysterij cognitione non timet, nec stupet, nec ardet? Timore sobrius sit animus; stupore absorptus, amore conseruus, & associatus. Illiusmodi virtutis contemplationis gratia constanti, sed stupore magis, & amore. Nam stupore, & admiratione mens excedit, amore accedit. Timorem existimo reuerentialem.*

Ex S. Th. 2.2. quæst. 18. tres sunt conditiones bonæ contemplationis, reuerentia casta, firmitas indeclinabilis, & amor.

Ex S. Bonau. de septem itiner. æternitatis, itinere 3. dist. 2. hæc aliæ sunt contemplationis proprietates. Quia

O o ex

Tria adsunt in contemplatione.

Stupor, timor, & amor.

S. Bonau. ex Riccardo contemplatio est libera mentis perspicacia in sapientis spectacula cum admiratione suspensa, Dicit S. Doctor, spiritus contemplatiuus debet esse sine peccato; aliàs impeditur, ne sursum feratur; debet esse liber à cura temporalium; debet esse perspicax, idest sanatus, quia oculus contemplantis videre debet quod supra sunt: & remotè ab imaginibus respicit lumen, figit oculos; & hac de causa sponsus dicit, vulnerasti cor meum in vno oculorum tuorum 3. esse debet directus in spectacula diuinæ sapientiæ, & sic non est actus intellectus præcise, sed includit saporosam dilectionem; quia spectacula sapientiæ sunt amor veri, & amor, ac sapor boni, immò dilectio adiuvat cognitionem, & iuxta mensuram dilectionis manifestationis, mensura dispensatur. Et sic duo includit contemplatio, cognitionem, & saporosam dilectionem. Quartum quod est in contemplatione est mentalis suspensio, & admiratio, quæ ex rei visione: seu notitia oritur, quæ est supra spem, & existimationem: ex admiratione crescit attentio, ex attentione cognitio, & ex his suspensio, dum intelligentia diuino lumine illustrata in intelligibilium admiratione, suspenditur in eorum admiratione.

In Centiloquio cap. 46. idem S. Bonau. dicit. Contemplatio est intuitus diuinæ maiestatis cum dilectione respectu rationali: parti. Secunda proprietas est quies respectu irascibilis. Tertia est munditia respectu concupiscibilis. Charitatem Dei, & proximi retinet; ab operatione quiescit, soli Deo desiderio inhaeret; & calcat omnibus curis ad videndum faciem creatoris inardescit, & cali ciuibz misereri.

Ex S. Greg. hom. 14. in Ezech. alia proprietas contemplationis est diuturnitas, quia inquit, hic incipit ut in Cælesti Patria perficiatur; nam amoris ignis, qui ardere inchoat, cum ipsum, quem amat uiderit, in amore ipsius amplius ignescit.

Ex communi sententiâ, & contemplantium expect-

perientia alia proprietas, seu veriùs effectus omnis
contemplationis est delectatio, quæ ex intuitione; &
amore summi veri, & summi amabilis boni, quo frui-
tur contemplans, oritur; quæ excedit omnem corpo-
rale in delectatione, cum enim ex Cicerone, *delectatio*
aliud non sit quàm voluptas, quæ ex suauitate obiecti propor-
tionati appetitui oritur, & Deus per fidem in via cognitus
& dilectus sit obiectum nobilissimum, & proportio-
natum naturæ humanæ eleuata ad eius fruitionem,
dum actus per fidem videtur, & amator, magnam in
vidente, & amante efficit delectationem.

Quid, sit
delectatio

Ex Alberto Magno in 1. adherendo Deo habetur,
hanc esse magnam contemplationis perfectionem, per
quam à Philosophorum contemplatione secer nitur,
quia illa sistit in intellectu, & ideo finis illorum est
sola cognitio contemplantis. At contemplatio fi-
delium non sistit in intellectu, sed est propter amo-
rem Dei contemplati, quia intuitus illi contemplan-
tis transit in amorem contemplati; unde Sancti in
contemplatione sua habent amorem Dei, tamquam
principaliter intentum: hæc Albertus.

Ex S. Th. 2.2. q. 180. art. 7. ait. *Vita contemplatiua*
consistit in contemplatione Dei, ad quam mouet charitas. Et
licet essentialiter consistat in intellectu, principium tamen
manet in affectu, in quantum aliquis ex charitate ad amo-
rem Dei excitatur. Magna ergo contemplationis per-
fectio est, quod ex charitate Dei excitetur, & in cha-
ritate Dei terminetur, & compleatur.

Aliæ multæ sunt proprietates, & perfectiones con-
templationis, seu contemplatiuæ vitæ; quia hæc est
via illuminatiua per quam pergitur ad vnitiuam,
seu ad perfectionem. Omnes siquidem Doctores
mystici, cum S. Bonau. tract. *Paruum bonum, & tract.*
de mystica Theol. vnanimiter docent, tres esse vias,

Est illumi-
natiua vita

O'o 2. seu

Disponit
ad infusā
contem-
plationē.

seu gradus, per quos peruenitur ad perfectionem magnam, quæ haberi potest in hac vita, nempe Purgatiuam, Illuminatiuam, & Vnitiuam. De Purgatiua, quæ est fundamentalis dispositio ad alias duas, agemus *in Opusc.* sequenti. Contemplatiua autem, tam acquisita, quàm infusa, de qua *in Opusc.* 7. ad quā disponit illa, dicitur Illuminatiua via, per eam enim homo illuminatur ad melius cognoscendum Deum, eius essentiam, perfectiones, & attributa, potentiam, iustitiam, bonitatem, misericordiam, & omnia ab eo creata, quæ sunt contemplationis obiecta.

Per eam disponitur homo ad contemplationem infusam, quæ est magnum Dei donum: hæc enim est mystica, idest secreta Theologia, seu Dei cognitio, qua Deus magis clarè, ac lucidè cognoscitur, se, & sua reuelans prout vult, licet semper obscurè.

Disponit
ad perfe-
ctam vnio-
nem cum
Deo.

Per eam tandem disponitur homo ad perfectissimam vnionem, quæ potest cum Deo haberi in hac vita, de qua *in Opusc.* 8. Preclaræ igitur, & amabiles sunt contemplatiuæ vitæ proprietates.

C A P. IV.

De effectibus Contemplationis acquire.

Diuerfi
status con-
templan-
tium.

ADu. 1. quod si sicut in omni virtute, ac professione dantur diuerfi status, incipientium, proficientium, & perfectorum, ita in virtute, ac professione religionis, ac deuotionis acquire. & sicut aliæ virtutes, ac professiones habent suos effectus, & numerari soleant qui sint, licet non semper, nec statim, nec secundum omnem gradum perfectionis reperiantur in omnibus; sed tantum in aliquibus: ita pariformiter dicendum de effectibus contempla-
tio-

tionis, quòd licet multi sint, non propterea in omni contemplante, nec statim, nec omnes, nec in eodem gradu omnes de illis participant.

Dico ergo: absque controuersia effectus contemplationis sunt sequentes.

Primus effectus est animæ tranquillitas; nam cum peruenerit ad suum terminum, quem potest in hac vita acquirere, in eo quiescit: totus enim vitæ huius cursus eò tendit, vt Dei perfecta cognitio, perfectusque amor obtineatur. Ideo sponsa ait, *quæram quem diligit anima mea*, & postquam per vias, & plateas, idest per multos labores, inuenit Sponsum Dominum, ait, *tenui eum, nec dimittam. Fasciculus myrrhæ dilectus meus, inter vbera mea commorabitur*. Tranquillitate magna tunc fruitur contemplatiuus, quia cum Deo manet: Deus autem Charitas est, & qui manet in Charitate, in Deo manet, & Deus in eo inquit Ioan. in ep. 1. cap. 4. & Saluator Io. 15. sic promisit, *Qui diligit me, Pater meus diliget eum; ad eum veniemus, & mansione apud eum faciemus*. Quid autem tranquillius quàm cum Deo manere, cum diligere, & cum eo confidenter alloqui;

Secundus effectus est contemptus rerum temporalium; & desiderium eternorum; dum enim anima spiritualibus bonis frequenter fruitur auersa fit à temporalibus; ideo S. Greg. hom. 14. in Ezech. de contemplatione dicit, *Contemplatiua vita est ab exteriori actione quiescere, soli desiderio conditoris inhaerere, vt nil agere libeat, sed calcatis curis omnibus ad videndum faciem sui creatoris animus inardescat, ita ut iam nouerit carnis corruptibilis pondus cum mærore portare, totisque desiderijs appetere illis hymnidicis Angelorum choris interesse, admisceri cælestibus ciuibus de aeterna in conspectu Dei incorruptione gaudere*. Ad hæc anhelat contemplatiuus, &

Effectus
cōtemplationis qui

Primus,
tranquillitas.

2. Conceptus temporalium.

Tet-

294. DE CAUSIS & c. CONTEMPL. ACQVIS.

3. Tolerantia laborum

4. Libertas Spiritus.

Et omnium laborum tolerantia.

5. Colligatio animae cum Deo.

Tertius effectus contemplationis est tolerantia laborum, & afflictionum huius vitae: credit enim breui transitura, & cogitat cum Apostolo Rom. 8. 18. quod non sunt condignae passionibus huius temporis ad futuram gloriam, & cum Salvatore, quod arcta est via quae ducit ad vitam, & oportet per aspera ad patriam duci.

Quartus contemplationis effectus est libertas spiritus; & superioritas eius ad omnia mundana & carnalia; & per eam omnia mala quae accidunt despiciuntur. Qui enim in hac virtute perfecti sunt possunt cum S. Ignatio Martire dicere, Nunc incipio Christi esse discipulus, nihil de his quae videntur desiderans ut Iesum Christum inueniam. Ignis, crux, Bestia, ossium contractio, membrorumque divisio, & totius corporis contritio, & omnia tota tormenta diaboli in me veniant, tantum ut Christo fruatur. Haec constantia in contemplatiuis perfectis adest; ideo eorum multum martyrium quoque ardentis desiderio cupientes subire, ad loca tyrannorum fidem persequentium se contulere, licet postea aliud de illis iudicauerit Deus, ut patet de Sanctis Francisco, Antonio Parauino, Theresia, & alijs contemplatiuis; mundana omnia, omniaque mala ex spiritus; libertate ac superioritate despicientibus, & nihili facientibus.

Quintus contemplationis effectus est colligare animam cum Deo; non quidem, ut eam reddat impecabilem, semper enim est viatrix, & potens labi, unde Apost. 1. Cor. 10. 12. ait. Qui se existimat stare, videat ne cadat. Et ex Concilio Vien. ac Clem. de Har. cap. fin. Homo in hac vita per quamcumque virtutem, ac perfectionem, acquirere non potest impecabilitatem, ut falso asseriebant Beguardi; & nouissimae renouare intendebant quidam de oratione mentali, quod reddere posset impecabiles: sed dicimus

mus quoddam perfecti contemplatiui colligantur cum Deo, eo modo, quo potest homo admitti inter amicos Dei, ut ita facile non labantur in mortali, quia, ut supra dictum est, manent in Deo per charitatem, & Deus in eis, & Saluator promittit, mansionem apud eam faciemus.

6. Multi-
plex est.

Sextus effectus contemplationis multiplex est ex S. Bernard. in tract. *Meditationes deuotissimæ* cap. 7. in fine sic Nihil in hac vita dulcius sentitur, nil auidius sumitur, nil ita mentem ab amore mundi separat, nil sic animam contra tentationes roborat, nil hominem ita excitat, & adiuuat ad omne opus bonum, & ad omnem laborem, quam gratia contemplationis.

Ex S. Ber.

Et de interiori domo cap. ult. dicit cum S. Greg. Veritatis contemplatio in hac vita inchoatur, in futura iugi perpetuitate celebratur. Per veritatis contemplationem eruditur homo ad iustitiam, consumatur ad gloriam. Gratia contemplationi, cor ab omni mundano amore, non solum emundat, sed sanctificat, & animum ad cælestium amorem inflammat. Qui diuina inspiratione, & reuelatione ad contemplationis gratiam promouetur, quasdam arrhas futuræ illius plenitudinis accipit, ubi sempiternæ contemplationi perpetuo inhaerebit. Et qui plenius cupit omnes contemplationis effectus scire, legat eiusdem Bern. tractatum de Conuersione ad Clericos cap. 21.

Ex eodem
l. p. c.

Septimum effectum suggerit nobis Ioannes Gerson de Mentali Contempl. cap. 27. ubi docet contemplatinos, nedum sibi, sed alijs multum prodesse, sic. Contemplatiui per deuotas suas orationes omnibus alijs prosunt, & accidit sapiens quoddam propter eorum merita Deus faciat quibusdam mundanis, licet etiam mali sint, quoddam maximum bonum puta pacem alicuius Regni, vel consimilia, quia nihil possumus sine gratia Dei speciali, quam citius boni Contemplatiui impetrant à Deo, quam a ceteris.

Ex Ger-
sone.

Mul-

Multum ergo diligendi sunt contemplatiui, & ratione virtutis, quæ in eis commendabilis valde est; & quia alijs possunt prodesse.

CAP. V.

*An in contemplatione acquisita obtineatur clarior cognitio,
& delectabilior dilectio Diuinorum.*

Valde notabilis cognitio.

Sensusque fici.

Omnia contemplationis obiecta sunt obiecta fidei.

ADu. 1. hoc esse vnum ex præcipuis huius materiae dubijs, & de necessitate explicandum: Certum quippe est, quod fidelis homo per fidem cognoscit Deum, & ait Apostolus *videt per speculum in enigmate*, idest obscure cognoscit; in Patria verò videbit Deum, ac diuina euidenter, & in se. Certum pariter est, quod fidelis per charitatem diligit Deum, & diuina, & in ea dilectione delectatur. Nunc autem quarimus, an per contemplationem, fidelis magis videat, ac quomodo; & an per dilectionem magis delectetur de visis, & quomodo.

Adu. 2. & recolo quæ dixi in *Opul. 3. cap. 14.* quod omnia obiecta, quæ cognoscuntur in contemplatione acquisita, illa eadem sunt, quæ prius fuerunt apprehensa, & credita per actum fidei; & consequenter per contemplationem non cognoscuntur in seipsis, sed in suis representatiuis, nempe in speciebus intelligibilibus; vel etiam in sensibilibus, quando obiecta sunt sensibilia, vt ibi fusè explicaui. Et propterea quæritur, an contemplans in illa specie, in qua prius apprehenderat, & crediderat obiectum reuelatum obscure; quando postea illud contemplatur, conoscat illud cum eadem obscuritate; vel si minus obscure, & cum aliquo gradu charitatis, vnde proueniat ista claritas, vel obscuritatis diminutio. Idem de

de suauitate, ac delectatione respectu voluntatis dicendum est; & ideo ad hoc firmandum.

Dico 1. Quomocumque contemplanis cognoscat obiectum creditum, siue minus obscure, siue cum aliquo claritatis gradu, numquam euidenter, & in se illud cognoscit, sed abstractiue, & in specie proportionata illud representante. Hæc conclusio quamuis prolixè probata fuerit in dicto *Opusc. 3. cap. 14.* tamen ob ordinem dicendorum, quæ, vt mox patebit, in ea fundantur, debuit iterum hic replicari.

Prob. ex Vgone Card. in epist. 1. ad Cor. cap. 12. *In contemplatione videt anima pulchritudinem per pulchritudinem, sicut dicit Augustinus, quia adhuc videt eam per imaginationem, sed tantum intenta est pulchritudini illi, quod videtur ei, quod videat eam, non per imaginem, de qua non cogitat: & adducit similitudinem licet fabulosam, sicut Narcissus se per imaginem comprehendens, quod esset imago nullo modo cogitabat.* Notandum autem, quod imaginem non intelligit purum phantasma; sed omnem speciem, siue intelligibilem, siue sensibilem iuxta conditionem obiecti contemplabilis; spiritualia enim, & diuina spiritualibus, idest intelligibilibus tantum representari possunt obscure, atque confusè, & in ijs cognosci; quamuis per sensibilia, vt ait Apost. Rom. 2. ad ea perueniri possit.

Conf. ex 1. Cor. 13. 12. *Videmus nunc per speculum in enigmate, tunc autem facie ad faciem.* Duo dicit; per speculum, idest in aliquo representante; & in enigmate, idest obscure, & confusè; tale quid significat enigma. Super hunc locum Græci pro speculo ponunt vocabulum, quod latinè sonat *introspectorium*, quasi medium alicuius rei videndæ. Neque de hoc est dubium, quia res absentes non possunt aliter

Numquã
contem
plans co.
gnosce
euidenter;
sed sem
per obse
rè, magis.
vel minus

Ex Hugo
ne Card.

Quid per
speculum
& quid
pe enig
ma.

cognosci, quam per proprias species sensibiles, ac intelligibiles.

Per contē
plationē
minus ob
scure vidē
tur res.

Ex Bern

Dico 2. Per contemplationem ex Dei dono obiecta credita, & per eam cognita minus obscure, & aliquantulum clarè cognoscuntur; quam antea per solum actum fidei; semper tamen inevidenter, & in speciebus repræsentatiuis.

Prob. 1. ex S. Bernardo, tract. de inter. domo c. 14. ubi postquam docuit, quòd vacaturus contemplationi tergere debet speculum animæ à peccatis operis, & cogitationis, & cor à terrenis retrahere; ait. Sic faciens, incipiet ei quædam diuini luminis claritas interlucere, & quidam insolita visionis radius oculis cordis apparere. Subdit postea quid accadat in voluntate, ut infra.

Ex eodem
Bern.

Idem S. Bernard. in floribus cap. 5. ait Quanto amplius in celestium contemplatione delectaris, & delectando admiraris, tantò profundius illuminaris semper in illi si nueniens, vnde delecteris, & quod mireris. Nusquam est copiosior materia admirandi, & nusquam utilior causa delectandi: lumen ergo in intellectu contemplantis, & delectatio adest in voluntate.

Ex S. Greg

S. Greg. hom. 14. in Ezech. assignans rationem, cur parum duret contemplatio, præ cæteris ad rem nostram, dicit, ad semetipsam anima protinus reuerberata reuertitur, atque ab ea luce, ad quam respirando transiit, ad suæ cecitatis tenebras suspirando rediit, ergo lumine aliquo potiebatur contemplando.

Ex S. Bon.

Idem S. Bonil. 17. in Ezech. ait, Mentis contemplantium quamuis aliqua tenuitur de vero lumine videant, in seipsis tamen magna amplitudine dilatantur.

S. Bon. de luminaribus Ecclesiæ ser. 3. discurrens de 7. diebus primis in creatione mundi, die quarta, dicit; Intelligentia per contemplationem suspensa intelligitur

in

in opere quart. edici, quando factasunt Sol. & Luna & stel-
lae. Qui non habet contemplationem, non habet ornamen-
tum Solis, Lunae, & Stellarum. Debet anima Sunamitis ami-
ciri Sole, Luna, & Stellis, & in ser. 2. circa finem ait, quod
Dionis. eam vocat intelligentiam tenebrosam propter in-
comprehensibilitatem Dei: & radiosam, quia anima intuens
eam, summe illustratur.

Idem S. Doctor. de 7. itiner. eter. itin. 3. dist. 4. ubi lo-
quitur de Gradibus Contempl. præ cæteris ex Vgo-
ne dicit. Quanto magis crescit ascensio, tanto magis crescit
cognitio, donec oculus intellectualis magis ac magis illustre-
tur, & confortetur; & affectus mentalis magis purifice-
tur, & inflammetur. Igitur semper in intellectu illu-
stratio, & in voluntate inflammatio siue minor,
siue maior, ut in proficientibus, & perfectis, reperitur.

Dico 3. Per contemplationem dilectio Dei, quæ
in actu fidei erat dulcis, ac delectabilis, in ea est dele-
ctabilior; ac dulcior.

Prob. ex S. Bern. loco citato, ubi post illumina-
tionem intellectus per radium illum diuine lucis
subdit, qua luminis visione animus inflammatur, &c. De
Scala Claustali. § 1. ait Contemplatio est mentis in Deum
suspende eleuatio, æternæ dulcedinis gaudia degustans; &
in §. 2. ait, Contemplatio est ipsa dulcedo, quæ iucundat, &
reficit.

S. Greg. hom. 14. in Ezech. ait, Contemplatiua vita
hic incipitur, ut in cælesti Patria perficiatur, quia amoris
ignis, qui hic ardere incipit, cum ipsum quem amat, vide-
rit, in eius amore amplius ignescit: ergo maior amor,
maiorque delectatio, ac dulcedo in contemplatione
habetur, quam antea habebatur.

Idem S. Greg. ibidem infra, ait, Contemplatiua ete-
nim vite amabilis valde dulcedo est; & post multa dicit,
in qua contemplatione iam quietis intima gustus contingitur.

Idem S.
Bonau.

Gustus de-
lectabi-
lior.

Ex S. Bern.

Ex S. Greg.

Ex eodem
Greg.

S. Bon. ex
Gregorio.Multa Gr.
dicta ex
Bonau.Ex S. Bern
S. Bonan.S. Bonau.
de vtro-
que effe-
ctu. os 13
8910

S. Bonau. l. 4. Pharetra cap. 29. ex professo loquitur de gustu, qui in contemplatione percipitur adducens Sanctorum, & aliorum dicta de hoc: ex S. Greg. dum magnò desiderio mens ad cœlestia inhiat, miro modo hoc ipsum quod accipere querit degustat: ex eodem si quis iam cordis ore gustauerit, quæ sit illa dulcedo cœlestium præmiorum, qui illi hymnidici chori Angelorum, quæ incomprehensibilis visio Trinitatis, huic quantò dulce est, quod in his videt, tantò in amaritudinem vertitur, quod foris sustinet: ex eodem, Contemplatiua sapore intimo venturam requiem degustat. Ex August. Fac precor me Domine gustare per amorem, quod gusto per agnitionem, sentiam per affectum, quod sentio per intellectum: ex eodem, Quamdiu sumus in corpore, & peregrinamur a Domino gustamus saltem quàm suavis est Dominus, qui dedit nobis pignus spiritus, in quo sentiamus, eius dulcedinem: ex eodem. Hæc est requies cordis nostris, cum in Dei amore per desiderium figitur, hæc est vita cordis nostri, dum Deum suum contemplatur, & ipsa sua consolatione suauiter reficitur. Mentis visio est intelligentia, gustus sapientia; illa contemplatur, ista delectatur. Ex S. Bernardo. Os meum ad te aperio Domine, & attraho spiritum, & nonnumquam Domine quasi clausis oculis ad te inhianti mittis mihi in eos cordis, quod non licet mihi scire quid sit; saporem quidem sentio, dulcedinem adeò confortantem, vt si perficeretur in me, nihil ultra quererem: hæc, & alia plura ibi adducit S. Bonau. de gustu, & dulcedine contemplationis.

De vtroque autem effectu loquitur idem S. Bon. tract. de 7. itiner. ætern. itin. 3. dist. 4. art. 1. vbi postquam ex Lincoln. docuit, mentem humanam in contemplatione paulatim illustrari, & inflammari, exemplo oculi infirmi qui non potuit radium solis videre; sed paulatim cum incipit sanari lucem minorem, postea maiorem, & cum totaliter sanatus est, videt

ra-

radium solis sine difficultate ; ita mens contemplan-
tis se habet , vt paulatim illustretur , ac inflammetur ;
& quò magis quis in contemplatione exercetur , eò
magis illuminatur , & inflammat . His præsuppositis
S. Bonau. subdit , *Ex prædictis apparet , quòd tam in radio-
solimine contemplationis speculatiuæ , quàm in saporso gustu
contemplationis practicæ oportet paulatim , & gradatim pro-
ficiendo ascendere , & ascendendo clariùs cognoscere Deum ;
Quia sicut dicit Vgo quantò magis crescit ascensio , tantò ma-
gis crescit cognitio , donec oculus intellectualis magis , ac ma-
gis illuminetur , & confortetur ; & affectus mentalis ma-
gis purificetur , ac inflammetur , & totus homo exterior , &
interior ad Deum ordinetur . Et hoc veriùs , & perfectius
videtur fieri per gradus illos , qui mentem ad similitudinem
cælestis Hierachiæ purgant , illuminant , & perficiunt : &
sequitur . Quia ait Vgo mens , quæ Deum vult contemplari-
primum purgetur , postea illuminetur ; deinde perficiatur ;
Et tales quantò magis ascendunt , tantò magis appropinquant
Diuinitati . Quantò autem magis appropinquant diuinitati ,
tantò magis contemplantur .*

Confirmari potest totum hoc ex confessione eo-
rum , qui ex prolesso vacant contemplationi . Fa-
tentur enim , in contemplatione diuinorum , & om-
nium reuelatorum se , licet abstractiuè , & in speculo
(quia fide præuia) ex diuino fauore magis clarè co-
gnoscebat , & gustum , ac suauitatem , seu delectationem in ea sentire , quàm
anteanon sentiebant . Possunt hos effectus in seme-
tipsis experiri , qui mundo corde , purgatis passioni-
bus , vel eas actualiter purgando , volunt contem-
plationi vacare ; & certè confitebuntur , *O quàm sua-
uis est Domine spiritus tuus .*

Exemplū
oculi .

Ex Vgone .

Ex confes-
sione con-
tēpālū

CAP.

C A P. VI.

*An Extases, & Raptus sint effectus Contemplationis
acquisite.*

Authoris
aduer-
tentia.

Quid sit
extasi,
quid ra-
ptus.

Effectus
raptus.

Extasis est
multiplex.

Documen-
tum pro
tyronibus

ADu. 1. quòd de materia Extasis: ac Raptus late-
gei in tomo 4. in tertium sent. disp. 20. art. 23. ubi
dixi, quòd *Extasis* græcum nomen est; latine verò
significat excessum mentis, seu alienationem men-
tis à sensibus. Raptus item pro eodem accipitur; sed
mystici dicunt esse quidem alienationem mentis à
sensibus, sed cum aliquo violento corporis motu,
quod in contemplatione infusa aliquando accidit:
videmus enim sic alienatos in altum eleuari, & in-
terdum sic à terra eleuatos per aliquod tempus ma-
nere; aliquando retrorsum agi, velut volando, &
iterum antorsum ferri: istæ alienationes à sensibus
cum his motibus peculiari nomine dicuntur *raptus*:
sed communi nomine omnes *extase* dicuntur *raptus*.
Cum ergo homotali stupore arripitur, vt maneat
quasi insensatus, vt nullo sensu vtatur (vndecumque
hoc proueniat) vt mox dicam, dicitur *extaticus*, seu
extasim pati.

Adu. 2. quòd, vt in eodem loco fusè dixi, *Extasis*,
seu raptus duplex est; quidam naturalis, quidam præ-
ternaturalis, vel supernaturalis: & vtraq; extasis ad-
huc duplex: Naturalis enim vel est morbosa, vel fa-
na. Præternaturalis, vel est diuina, vel dæmoniaca.
De his omnibus brevis aliqua notitia tradenda est,
ne tyrones contemplatiui aliquando excessum ali-
quem patientes, aut videntes alios pati, decipiantur
incauti, putantes extasim bonam, aut diuinam, quæ
talis fortè non est.

Adu.

Adu. igitur 3. quòd extasis naturalis morbosa est excessus, seu alienatio à sensibus, quæ prouenit ab aliquo morbo; vt quæ procedit à spasmus, ab ebrietate, vel aliquo medicamento somnifero, à phrenesi, vel ab obstinatione melanconici delirij, vt in phræneticis: ita Stephanus Rodericus Lusitanus, in tract. de Asiria cap. 26. Hanc ultimam ex Dei maledictione passus est Nabuch Rex Babiloniæ, qui per tot annos phanaticus ab hominum commercio se abducens in desertis habitauit. & foenum vt bos comedit. De hac extasi non loquimur. Extasis naturalis sana est, quæ oritur ex vehementi apprehensione alicuius obiecti prædilecti, acquisiti, vel perdit, vel alicuius insoliti, ac noliti magni euentus, quorum exempla mox afferam. Causa verò immediata, cur extatici naturales sic detineantur, ex Paulo Zacchia in quest. Medicolegalibus lib. 4. quæst. 6. est, quia in cerebrum confluunt omnes spiritus animales destinati in rebus, & externis sensibus, ac motiue potentiæ; & ideo sic alienati, non operantur, & videntur sibi multa conspiciere, & loqui cum alijs: additque Zacchias, quòd inter somniantes, & extaticos, hæc est differentia, quòd illi in somno, isti in vigilia sunt à sensibus alienati; & quòd mirabile dicit præfatus Stephanus Lusitanus, & causam assignare nescit, est, quòd aliqui voluntariè extasim naturalem in se causant; & S. Aug. de Cinitate Dei lib. 14. cap. 24. adducit exemplum de Presbytero Restituto Calamensis Parochiæ, qui quoties sibi placebat, extasim in se causabat; & efficiebatur insensatus velut mortuus, & longo discursu Augustinus rem narrat. At quid quid sit de hoc, quod fortassè dæmoniæ erat; hoc pro re nostra certum est, quòd naturaliter ex vehementi apprehensione alicuius rei maximè volitæ, vel nolitæ, vel

Extasi
morbosa.Extasi
naturalis
sana.Extaticus
naturalis,
est veluti
somniaansAliqui vo
luntariè in
se causant.

304 DECAVSIS &c. CONTEMPL. ACQVIS.

Exempla
de natura
li ex S.
Scriptur.

grauissimæ, & insolitæ, oriri potest alienatio à sensibus. Sic Isaac Gen. 27. 33. aduertens, quòd pro Esau benedixit Iacob, & hunc constituerat Dominum illius, *Expauit stupore vehementi, & ultra quàm credi potest.* Iacob Gen. 25. audiens, quòd Ioseph, quem per 23. annos tenebat mortuum laceratum à fera, vivebat Prorex Ægypti, *quasi de graui somno euigilans ait,* &c. 2. Paral. 9. de Regina Sabba vidente magnificentiam Salomonis, eiusque sapientiam experiente, dicitur, *Non erat præ stupore ultra in ea spiritus.* Et 1. Reg. 23. de Nabal, qui negauerat Dauidi fugienti victualia, & audierat ab Vxore Abigail, Dauidem esse contra se iratum, dicitur, *emortuum est cor eius intrinsecus, & factus est quasi lapis.* Aliud exemplum extasis naturalis ex timore adducit Plutar. in Bruto, de Portia vxore Bruti expectante exitum coniurationis in Iulium Cæsarem, & per nuncios audiente quæ fiebant, *præ dolore non sustinuerunt ultra corporis vires, sed animo fluctuatione aestuante; & fatiscens &c. repente animi stupor eam corripuit, animi defectus adfuit, color mutatus, vox suppressa, &c.*

De alienatione animi præ gaudio Ioseph Hebr. lib. 19. Antiquit. cap. 2. de Claudio dicit, quòd interfecto Caligola, *cùm metu periculi se abdidisset in angulo latens à militibus ad imperium raperetur, præ gaudio, simul, & metum pedibus insistere minimè valens, sublatus in humeros in castra est deportatus.* Alia multa possent adduci horum excessuum naturalium exempla; sed hæc pronunc sufficiant.

Extasis demoniacæ.

Extasis seu raptus præternaturalis demoniacus, est alienatio mentis à Dæmone sensus obstupefaciente inducta, De hoc enim maximè gloriantur Magi, & Lamiæ, quòd possint homines dementare, & obstupefacere; de quibus loquitur S. August. in epist. 56.

& de Ciu. l. 8. cap. 14. Sic de multis refertur, vt de Plotino, Olimpico, Aurelio, Iamblico, Apolonio Tiano, & alijs multis, qui ope dæmonis eiusmodi extases inducebant: potest enim Dæmon impedire spiritus animales ne è cerebro in sensus externos defluant.

Extasis tandem præternaturalis diuina est alienatio sensuum à Deo alienante mentem à sensibus inducta.

Extasis Diuina.

Exempla istius in scriptura habemus: 1. Gen. 2. Immisit Deus soporem in Adam. Tertull. in l. de Anima cap. 21. & 44. dicit fuisse extasim, & clariùs in c. 46. dicens, Hanc enim extasim dicimus excessum sensus, & amentia instar: sic in primordio somnus cum extasi deductus; & misit Deus extasim in Adam, & obdormiuit, &c. idem dicit S. August. in Gen. ad lit. lib. 9. cap. 19. Item psal. 30. inscribitur Psalmus David pro extasi, versu 23. dicit. Ego dixi in excessu mentis meæ, & v. 28. Benjamin adolescentulus in mentis excessu: & psal. 115. ego dixi in excessu meo, omni homo mendax. Act. 8. Ascendete Petro in superiora, vt oraret, cecidit in eum excessus, & vidit cælum apertum. Et 2. Cor. 12. Paulus ait, scio hominem in Christo, siue in corpore, siue extra corpus nescio, Deus scit, raptum huiusmodi vsque ad tertium cælum, siue in corpore, siue extra corpus nescio, Deus scit, quoniam raptus est in Paradisum, & audiuit arcana verba, quæ non licet homini loqui. Tandem, vt de omnibus Prophetis taceam, & de Moyse in Monte Sinai Deum sibi loquentem audiente, & non vidente; notum est totam Apocalipsim Ioanni Apostolo in Diuina extasi fuisse communicatam; sic enim ipse de se loquitur. Fui in Spiritu in Dominica die, & audiui post me vocem magnam, &c. Interl. in spiritu dicit in excessu mentis; Lyrar. dicit in extasi: idem docuerat Aug.

Diuini raptus.

Innumera leguntur in S. Scrip

Qq

lib.

l. 12. de Gen. ad lit. cap. 2. & in l. de Anima, & eius orig. cap. 21.

His ergo breuiter prælibatis pro noticia extasim, videndum est, an cum contemplatione acquisita coniungatur extasis, saltem in perfectis, aut proficientibus. Quid verò in extasi videatur, dicitur postea.

Nō est necessariē coniuncta extasis contemplationi.

Ratio ex facto posteriori.

A priori ratio ex natura contemplationis.

Dico ergo. Cum contemplatione acquisita non est coniuncta extasis, aut raptus; potest tamen aliquando accidere, ut adeo vehemens sit applicatio, ut naturalem extasim quis patiatur in contemplatione.

Prima pars probatur. Tum ex facto, & à posteriori, quia eiusmodi contemplatiui regulariter non patiuntur talem mentis excessum; tum à priori, quia acquisita contemplatio ex natura sua non requirit tam vehementem applicationem ad obiectum contemplatum, ut omnes animales spiritus confluere debeant ad cerebrum roborandum, & confortandum, & sic in externis sensibus deperdatur motus; sed intuitus fixus in obiectum contemplatum, cum saporosa dilectione sufficit in contemplatione, quacumque, qui quidem actus non requirunt alienationem à sensibus, nec eam efficiunt: & euidenter patet in Theologis etiam profundè speculantibus obiecta reuelata difficillima, ut Trinitatem, Personarum cum Vnitate essentiae, Incarnationem Verbi, Mysterium Eucharistiae &c. qui tamen, etsi fixè speculentur: non propterea patiuntur alienationem à sensibus: ergo neque necessaria est; immò neque accidentaria regulariter in contemplatione acquisita.

Secunda pars quòd scilicet aliquando possit (quamuis rarò) accidere, prob. Ex vehementi consideratione.

deratione alicuius casus lati, aut mesti potest alienatio à sensibus accidere, & homo remanere stupidus, ergo etiam in casu vehementis applicationis in contemplatione. Antec. supra patuit de Nabal Carmeli, qui auditis ab vxore minis David contra se irati ex timore, ac maxore ita obstupefactus est, vt dicat Scriptura, *emortuum est cor eius intrinsecus, & factus est quasi lapis* 1. Reg. cap. 23. Sinardus filius Daniae Regis audito nuncio de morte Patris ab Hella Britannie Rege per abiectiōem illius inter serpē, ex merore sic stupefactus est, vt dū cogitabundus haereret, hastili, quod in manu tenebat, casu suum pedem sine dolore perforauit; ita *Saxo l. 9.* Multae aliq̃ adduci possent stupiditates, & alienationes, seu excessus mentis naturales prophane, quae breuitatis gratia omittuntur.

Consequentia prima, quod nempe accidere possint contemplatio sine miraculo, & naturaliter, prob. à pari; quia applicatio in contemplatione aliq̃ potest esse ita vehemens, quod omnes spiritus vitales in cerebrum confugiant, & sensus externi eis destituti, immoti maneant, non est enim maior ratio de aliis applicationibus vehementibus, quam de ista. Etenim, vt in suo loco dictum est, ad actum fructuosè contemplandi requiratur specialis gratia; quando tamen per eam iam habitam quis in actu contemplationis est, potest etiam suo conatu intensius, immò intensissimè in eo actu applicari, & tunc accidere potest naturalis alienatio, seu extasis, quamuis rarò.

Conf. ex iis quae docet S. Bern. de inter. domo, cap. 18. *Qui in amore Dei ingiter delectatur, & frequenter mentis excessum patitur, ab omnibus praesentibus, & terrenis raptus coram Deo praesentatur; & post multa dicit, Voleo*

Qq 2 ergo,

Aliquan-
dò potest
naturaliter
accidere.

Exempla.

A pari
etiam in
contem-
platione.

Ex S. Ber-
nardo.

ergo, & non deficiat, *volet donec ante Regem perueniat, ibique ploret, & suspiret, &c.* igitur absque miraculo poterit naturaliter accidere extasis.

Ratio alienationis
ex triplici
capite.

Conf. ex Riccardo de S. Viç. l. 5. de Contempl. cap. 1. ubi docet ex triplici capite prouenire posse alienationem à sensibus in contemplatione, scilicet ex admiratione, ex magnitudine amoris, & ex magnitudine delectationis. Ratio primi, inquit, est, quia contemplans ex Dei favore intuetur obiectum aliquo lumine illustratum, & præ admiratione suspensus manet, ac alienatus a sensibus. Ratio secundi, quia, cum obiectum vehementer amatur, amans quasi absorptus ab omni alio actu suspensus, ab amato obiecto rapitur. Ratio tertii est, quia maxima delectatio absorbet contemplantem, & ab omni alia actione suspendit. Immò extases naturales accidunt magis ex debilitate virium, quàm ex nobilitate obiecti; non ita se habent extases diuinæ. Patet ergo, quòd aliquæ extases naturales sunt.

Ex S. Bon.

Conf. 3. ex S. Bonau. de septem gradibus contemplationis, ubi præ cæteris, dicit, *Contemplans gustat, gustans quiescit, hæc in via possunt acquiri; non tamen subito, sed gradatim. Citiùs autem hæc experitur, qui in spiritualibus frequentius se exercet.* Et postea ait, *Amor extasim facit.* Prius autem dixerat. *Extasis est, deserto exteriori homine, sui ipsius supra se voluptuosa quædam eleuatio ad superintellectualem diuini amoris fontem mediantibus sursum actiuis virtutibus pro viribus se extendens. Virtutes sursum actiuas voco humilitatem, & puritatem.* Ideoq; cum possit contemplans exercitatus, suo studio, ac diligentia vehementer applicari in consideratione, & dilectione contemplati obiecti, poterit etiam in eo casu alienari à sensibus, sine miraculo.

Et hinc est, quod, ut iam per annos ferè 30. exper-

rus

tus sum, cū agitur de canonizatione alicuius serui Dei, & fit scrutinium de miraculis, inter ea non adnumerantur extases, nisi euidenti aliquo supernaturali signo sint adminiculatæ; & ratio est, quia, vt dixi, esse possunt naturales; istæ autem, etsi mirabiles dici possint, non tamen miraculosè, vel miracula.

Dico 2. Cum contemplatione acquisita regulariter non sunt coniunctæ extases diuinæ, seu miraculosæ, quamuis ex Dei speciali fauore possint alicui à Deo concedi.

Prob. & declaratur prima pars. Ex nuper dictis regulariter non datur in ea extasis naturalis, quia non est necessariò connexa cum actu contemplandi; igitur multò minus diuina, & miraculosa; conseq. prob. ex Francisco de Maironis in lib. 1. S. Aug. de mirabil. S. Script. c. 20. *Multitudo miraculorum vitanda est, vbi saluari potest Scriptura per pauciora miracula*: in nostro autem casu, nec agitur de saluanda Scriptura, neque de necessitate miraculi; immò vt in *Opusc. de Contempl. infusa* dicam, non omnitali contemplatiuo conceditur extasis diuina.

Riccard. de S. Vict. l. 4. de Contempl. cap. 22. postquam omnes gradus contemplationis, tam acquisitæ, quàm infusæ declarauit, & prolixè de omnibus locutus est, ait, omnia hæc contemplationum genera posse vtroque modo fieri; & modò per mentis excessum, modò sine aliquo mentis excessu exerceri.

Secunda pars, quòd ex sua benignitate Deus alicui extasim concedere possit; & concedat in contemplatione acquisita, facilis probatu est. Potuit concedere, & de facto concessit sine actuali contemplatione omnibus Prophetis cū eos de propheti-

Extases diuinæ non sunt necessariò connexæ cum contemplatione.

Miracula non facile adtribuenda.

Aliquando Deus concedere potest.

310 DE CAUSIS. &c. CONTEMPL. ACQVIS.

Prophetis
concessæ
extales.

cis reuelationibus edocuit, non enim legimus, quòd actu contemplabantur, dum eos se audiendum eleuauit. Igitur sic potest contemplantes eleuare; & sic legimus accidisse Sancto Petro Act. 10. qui fuit adeò eleuatus, vt contemplaretur, *Ascendens enim vt oraret circa horam sextam, esuriuit, & petijt manducare. Parantibus autem illis, cecidit super eum mentis excessus, & vidit cælum apertum, &c.*

Immo docent mystici, quòd sæpe Deus extases, & alias similes gratias concedere solet incipientibus, vt eos in sui amorem, & exercitij frequentiam, & perseuerantiam alliciat; quas tamen in progressu eisdem non concedit; Dominus enim est. At in contemlatiuis perfectis frequentiores esse solent. Non tamen, vt dixi, ex ipsius contemplationis natura, neque ex contemplantis conditione, aut merito, sed Dei ipsius benignitate, ac liberalitate; & interdum sic disponit contemplantem per gratiarum abundantiam, vt velit esse etiam contemplantis merita, quæ sunt sua dona inquit August. & ex eo Concil. Trid. sess. 6. cap. 16. De extasi ergo curare non debet contemplatiuus; neque tristetur si eam non obtineat, sed curare debet de Charitatis in Deum, ac proximum fernore, & de perseuerantia in exercitio contemplationis in via, cui succedet contemplatio in Patria.

Corollarium
notabile.

Dico 3. Interdum contemplatiui decipi possunt per extales Dæmoniacas.

Extases
dæmoniacæ.

Prob. permittit Deus, vt serui sui dæmonum temptationibus subiaceant, vt humiliari discant. Dæmon siquidem, ut ait Apostolus 2. Cor. 11. *transfiguratur se in Angelum lucis*, vt decipiat; potest illudere, & de facto sæpè illudit Dei seruos inferendo in phantasia species aliquas rerum, quæ in re non sunt,

&

& mouere potest in phantasia species inhonestarum rerum; et appetitum sensicium accendere; potest impedire sensus externos, ne operentur, impediendo concursum spirituum vitalium in illos; & sic excessum, & alienationem à sensibus efficere. Vnum sufficiat exemplum è Sacra Scriptura desumptum. Act. 8. de Simone Mago dicitur quòd appellabatur *Virtus Dei*, propter quod multo tempore magis suis dementauerat eos idest Samaritanos; Interl. dicit, fallendo. Gl. ord. ait Dementare est rationalem mentem absentare, Lyran. dicit, cum dementasset eos, idest mentes eorum alienasset. Potest ergo extas in hominibus etiam Dei seruis Dæmon efficere, sicut potest, & externè, & internè decipere falsa pro veris demonstrando; sic autem impudens est, vt putauerit ipsummet Sanctū Sanctorum Christū posse illudere, ac dementare, cum in monte supra quem eum portauerat, tentare præsumpsit, ostendens ei regna mundi in momento temporis promittens ei illa, si ipsum adoraret: hoc autem sic accidit. Quāuis Sanctus Cyprianus tract. de ieiunio, & tentatione Christi dicat, diabolus species imaginarias regnorum, & gloria eorum in Christi phantasia (eo permittente) produxisse, & sic illum illudere voluisse. tamen, quia cum S. Gregorio Magno teneo, omnem Christi tentationem foris, eo permittente, & non intus fuisse, teneo cum alijs, nempe Authore operis imperfecti, cum Eutimio, Toletio, Francisco Burgenfi, &c. id fecisse Diabolus per species visibiles representantes Regna, & gloriam eorum, & per artem Perspectiuæ, vel Opticæ, cuius Dæmon est peritissimus, quia peccando non fuit diminutus in naturalibus. Et sic etiam alterutram sententiam tenendo, (quia vtrumque potuit ex humilitate, & mansuetudine ad suum meritum, & nostrum documentum permittere) patet diabolus, & in visione, ac

Quomodo eas efficiat dæmon.

Simon Magus.

Dæmon tentabat illudere Christum.

re-

312 DE CAUSIS & c. CONTEMPL. ACQVIS.
reuelatione, & extasi posse homines decipere; cum,
(& si frustra) tentauerit Sanctum Sanctorum illude-
re. Cauti ergo sint contemplatiui, ac meditatiui,
immo omnes orantes, ne decipiantur; & in his ca-
sibus probos, doctosque viros consulant.

C A P. VII.

*Quomodo cognoscatur, extases esse naturales, diuinas,
aut demoniacas.*

Discretio
spiritu m.

Magna cau-
tela, adhi-
benda.

Signum ex-
tasis natu-
ralis.

ADu. 1. quod, sicut diximus in tom. 4. in 3. sent.
disp. 19. art. 10. discretio spirituum non solum
tendit ad utilitatem proximi, eo quod sit gratia gra-
tis data, quæ ut ait Apost. 1. Cor. cap. 12. datur ad uti-
litatem, idest Ecclesiæ, ac proximi, sed respicit etiam
personam propriam, ut sciat fidelis semetipsum
regere, quando quædam nouæ cogitationes insur-
gunt, vel apparitiones nouas videt, aut reuelatio-
nes nouas sibi insinuari internè audit. Quoniam S.
Hieron. in dictum locum Pauli ibi, discretio spirituum
ait, ut qualis, vel quo spiritu veniat, aut loquatur, intelli-
gatur, Gl. interl. dicit: ut discernat quod audit, quo spi-
ritu, bono an malo dicatur; quoniam, & diabolus bona seducti-
uè dicit: ita de extasibus dicendum cum proportionem
est; quoniam, & natura, & Diabolus, ut patuit, & Deus
ipse potest eas efficere. Et quoniam non omnes ho-
mines, etiam contemplatiui habent hanc gratiam
gratis datam, ut proprio spiritu ex se possint discer-
nere hæc præternaturalia, aliqua assignabimus signa
discernendi eiusmodi facta. De Visionibus, apparen-
tijs, & reuelationibus loquemur postea.

Dico ergo. Quando in extasi homo contemplans
nil aliud boni, vel mali experitur, nisi quod in alijs
con.

contemplationibus experiebatur, nec cum maiori, aut minori deuotione ex ea extasi ad se reuertitur; signum est, quod fuit naturalis, non diuina, nec dæmoniaca.

Prob. a paritate apparitionum, de quibus postea loquar, ex S. Augustino lib. 12. de Gen. ad lit. cap. 12. *Cum spiritualis visio penitus alienato à corporis sensibus animo imaginibus corporalium detinetur, siue in somnis, siue in extasi, si nihil significant quæ videntur, ipsius animæ sunt imaginationes. Sicut etiam vigilantes, & sani, & nulla alienatione moti multorum corporum quæ non adsunt sensibus corporis, cogitatione imagines versant. Si autem aliquid significant &c.* Ita etiam de extasi dicendum. Si enim nihil noui adducit, quod contemplatio sine extasi non adducebat, nec boni, vt maiorem illustrationem ex parte intellectus, aut dilectionem, delectationem, saporem, vel suauitatem ex parte voluntatis, vel reuelationem aliquam priuatam bonam, vel aliud simile (vt dicetur infra) quæ à Deo semper sunt; dici non potest extasis diuina. Sic etiam è contra, si nihil mali, aut ad malum suadens adducit, vel etiam si bonum, tamen cum malis circumstantiis, vt facere solet regulariter Sathanas, qui *transfigurat se in Angelum lucis*, non est dæmoniaca; restat ergo, vt talis extasis, naturalis censenda sit, ex vehementi nempe applicatione, & imaginatione.

Dico 2. Extasis dæmonica dicenda est, quando in ea, vel consulitur aliquod malum, vel apparet fieri aliquid ad nullum bonum ordinatum, vel etiam si consulatur bonum, non tamen ob finem bonum, vel multum turbat, & turbatum reliquit.

Prob. de singulis. Prima pars de consilio ad malum est euident, quia Deus non consulit malum;

S. Augusti
ni animad
uersio.

Si nil boni
adducit
non est di
uina.

Si nil mali
non est dæ
moniaca.

Extasis
dæmonia
cæ signa.

314 DE CAUSIS &c. CONTEMPL. ACQVIS.

Si malum
consult.

igitur externus ille loquens in extasi, & consulens malum, alius nequit esse, nisi dæmon, qui circuit querens quem deuoret. Et ideo Sathan appellatur, id est insidiator; facile autem cognoscitur, dum manifestè malum aliquod consulit, quod est contra legem, vel naturæ, vel positiuam Dei, vel Ecclesiæ; & hic est vnus casus Dæmoniacæ extasis.

Si dicit
aliquod
nullum fi
nem bonū
habens.

Prob. 2. pars. Ex 2. Cor. 11. Sathanas se transfigurat in Angelum lucis, Interl. dicit, in Christum, vel Angelum, & consulit, seu reuelat aliqua nullum finem bonum habentia; vel aliqua bona, sed ob finem aliquem malum: ideo Gl. ord. in eum locum, dicit. Se transfigurat &c. ad tentandum eos, quos ita erudire opus est, vel ad decipiendum prout iustum est. Ne quisquam, cum Angelos bonos se habere putat; habeat malos dæmones, si eos amicos, eosque tantò nocentiores quantò astutiores, ac fallaciores patitur inimicos. Neque enim sancti, & fideles, veri Dei cultores ab eorum fallacijs, & multiformi tentatione securi sunt. Et post aliqua. Vnde cum Sathan se fingens bonum, ea vel facit, vel dicit, quæ congruunt bonis Angelis, etiam si credatur bonus, non est error periculosus, aut morbosus. Cum verò per hæc aliena ad sua ducere incipit, ne quis post eum eat, opus est magna vigilantia, quod nemo potest absque Deo. At Lyr. in eum locum ait, Multis modis Sathan se transfigurat in Angelum lucis, aliquando visibiliter assumendo corpus apparens, sicut apparuit Beato Martino, & multos alios decepit. Alio modo inuisibiliter, formando vocem audibilem, vt B. Francisco volens eum retrahere à pænitentia rigore; aliquando pervertendo iudicium sensuum, faciens apparere quod non est. Ideo B. Ioannes in epist. 1. cap. 4. dicit Probata vtrum spiritus ex Deo sint.

Varijs mo
dis. dæ
mon deci
pit.

Multa habemus exempla de huiusmodi deceptionibus Dæmonis, modò in extasi, modò in somno,
mo-

modò etiam in vigilia. Ephrem Syrus in vita S. Abraham Eremitæ refert, quòd dum in media nocte diuinas laudes caneret, lux magna apparuit in cella, & vocem vir Dei audiuit dicentem, *Beatus es, nullusque tui similis, qui omnes voluntates meas explesti*; at vir Dei agnoscens fallaciam, ait. *O plene dolo, atque fallacia. Ego homo peccator sum, sed nomen Domini mei Iesu Christi, quem dilexi, & diligo, mihi murus est, in quo te increpto immunde canis, & statim euauit.*

Aliquæ de
ceptiones
Simeonis
referuntur

Eremitæ
Abraham

Et Simeoni Stylitæ in cacumine montis habitanti apparuit dæmon dicens, *Dominus misit me Angelum suum, vt rapiam te, sicut rapui Eliam. Ascende ergo mecum in currum; & eamus in calos, optant te videre Sancti Angeli, Apostoli, Martires, Prophete, & Maria Mater Domini*: At cum Simeon eleuans dexterum pedem, vt ascenderet in currum, signaret se signo crucis, statim dæmon euauit. Ita narrat Antonius discipulus Simeonis in huius vita.

Simeonis
Stylitæ.

In vita S. Pachomii ex Dionisio habetur, quòd quadam vice eo orante apparuit illi Dæmon dicens *Pachomi, ego sum Christus, & venio ad te fidelem amicum meum*. At Pachomius dixit intra se; *Aduentus Christi tranquillius est; ego autem nunc turbatus varijs cogitationibus aestuo*: & formans signum Crucis, ac exuffans in illum, dixit, *Discede à me diabole, quia maledictus es tu, & visio tua, & artes insidiarum tuarum, nec habes locum apud famulos Dei, & relicto satore quodam, discessit*. Id autem, quod solet facere Dæmon in somno, aut vigilia, maiori cum fiducia facit in extasi, quàm ipse efficit in seruis Dei, qui nisi cauti sint, facilius in oratione illa secreta decipi possunt.

Pachomii

Turbatio
magna est
signum de
moniacæ
extasis.

Hic autem effectusurbationis in Pachomio ad loquelam Diaboli, cum cogitationum æstuatione, debet sumi pro vno signo visionis, seu reuelationis,

Rr 2 &

Cautela
de diuinis
apparitioni-
bus.

& extasis dæmoniacæ; Et quamuis aliquando in diuinis etiam apparitionibus, ac reuelationibus so-
leat initio accidere aliqua turbatio, vt accidit Abra-
hæ *Gen. 15.* & Zaccariæ *Luce 2.* cū ei apparuit Ga-
brielle, ambo enim turbati sunt, & sic de alijs mul-
tis; in istis tamen diuinis apparitionibus, ac reuela-
tionibus si initio turbatio accidit, nec vehemens
est, nec multū durat, qui enim his fauoribus di-
gni fiunt, paulò post consolantur, & in delectatio-
ne quiescunt.

Alia signa
dæmonia-
cæ extasis

Hæc ergo in genere dici possunt dæmoniacæ ex-
tasis signa, quando in ea præcipitur, aut consulitur
malum contra legem, fidem, aut mores; vel præci-
pitur, aut consulitur aliquod insolitum, aut etiam
bonum, sed ad malum finem; vel turbat, & turba-
tum relinquit, Ideò optimè faciet qui aliquid ho-
rum experitur, si doctos consulat, & Deo se com-
mendet, ne decipiatur: confidens in Deo, quòd etsi
permittat eum sic tentari, & probari, ipsum non de-
relinquat, nec permittat decipi; sed, vt dicit Aposto-
lus, *faciet cum tentatione prouentum.*

Diuine ex-
tasis signa

Dico 3. Extasis supernaturalis, seu diuinæ, siue
totaliter à Deo productæ, siue partialiter, à Deo sci-
licet concurrente, in contemplatiuo insurgentis si-
gna, sunt animi tranquillitas, suauitas, atque iucun-
ditas, humilitas, deuotio, ad sanctè viuendi deside-
rium, & bona suadens.

Prob. & declaratur: aliquando vel in contem-
platione, vel extra eam, Deus se solo absque appli-
catione vehementi contemplantis facit extasim, seu
excessum, & alienationem mentis in homine: ali-
quando verò ipso homine vehementer applicante in
consideratione obiecti contemplati, Deus cum eo

con-

concurrit ad producendam extasim, seu alienationem mentis: hoc posito; dico, quòd signa istarum extasum sunt illa, quæ in conclusione dicta sunt, & sic ostenditur.

A paritate apparitionum, & reuelationum diuinarum; est enim eadem ratio, quia extases ad illas ordinantur, vt in Prophetis omnibus accidit; etenim extra se positi à Deo audierunt, & eodem operante viderunt quæ scripserunt. De his omnibus dico, quòd licet interdum diuinæ apparitiones, & reuelationes in principio afferant timorem aliquem, vel turbationem; in progressu tamen iucundæ sapidæ, & delectabiles sunt, tranquillitatem in anima adducentes, nam, vt innui in præced. concl. Gen. 15. 12. de Abraham legitur, *Cùmque sol occubisset, sopor irruit super Abraham, & horror magnus, ac tenebrosus inuasit eum* sed statim consolatus est, quia Deus prædixit ei multa, & quòd semen suum, idest Populus Hæbraicus futurum erat peregrinum in Ægypto 400. annis; & in generatione quarta reuersurum erat cum magna substantia in terra Canaan, in qua futuri erant Domini, & quòd Deus ipse flagellaturus erat Ægyptios: ipse autem Abraham in senectute bona abiturus erat ad Patres suos, & alia plura.

De Iacob legitur Gen. 28. quòd cùm iacens in monte Moria in somno vidisset *Scalam è terra ad Cælum innixam, & Angelos ascendentes, & descendentes per eam, & Dominum innixum scalæ*, ac promittentem sibi posteritatem multam, protectionem, custodiam, ac reductionem à Mesopotamia ad eundem locum: primò quidem timuit, & exclamans dixit, *ò quàm metuendus est locus iste*, sed ex largis proffusionibus consolatus est, & erigens lapidem in titulum votum vouit Domino, & prosperatus est.

A paritate

Initio turbant.

Sed postea tranquillū faciunt.

Exemplum primum Abrahæ.

Iacob.

3. De

Iob.

3. De Iob in eius libro cap. 4. habetur, & cum spiritus me presente transiret, inhorruerunt pili carnis meae: At statim subdit, stetit quidam cuius non agnoscebam vultum, imago coram oculis meis, & vocem quasi aure lenis audiui; & sequuntur verba consolationis.

Ex n. o. u. o
testa. Zac-
charia.

Alia triam adducam exempla ex lege noua. Primum habetur Lucae 1. de Zaccharia Sacerdote, qui dum iuxta Aram templi Angelum videret, turbatus est, & timor irruit super eum, at parum durauit, quia Angelus ei dixit, ne timeas Zaccaria; quia exaudita est oratio tua; & vxor tua Elisabeth pariet tibi filium &c. quod eius filius esset futurus praecursor Messiae.

Beate Vir-
ginis ex-
pl.

Secundum exemplum est de B. V. Maria quae salutata ab Angelo, turbata est in sermone eius, & cogitabat qualis esset ista salutatio. At parum durauit turbatio, quia statim Gabriel ei dixit, Ne timeas Maria, inuenisti enim gratiam apud Dominum, & annunciauit gaudium maximum, quod cum virginitate conceptura esset Dei filium.

De Pastori-
bus exem-
plum.

Tertium tandem exemplum, ut alia omittam, sic de Pastoribus turis gregis, quibus vigilantibus de nocte super gregem suum, Angelus Domini statit iuxta illos, & claritas Dei circumfulsit illos, & timuerunt timore magno. At parum durauit timor; quia Angelus dixit, Nolite timere, Ecce enim euangelizo vobis gaudium magnum &c. Et facta est cum Angelo multitudo militiae caelestis laudantium Deum, & dicentium, Gloria in altissimis Deo, & in terra pax, &c.

Omnes di-
uinae exta-
ses conso-
lationem
adducunt
in progres-
su; licet
initio ti-
morem.

Omnes ergo visitationes diuinae, siue mediate per Angelos factae, siue immediate ab ipso Deo, qualescumque sint, vel apparitiones, vel reuelationes, vel alienationes à sensibus, ut in extasi, vel eleuationes hominum in altum, ut refert historia de S. Maria Magdalena, & alijs, licet initio timore aliquem,

quem, vel turbationem efferant, paulò post tamen consolationem, delectationem, & tranquillitatem animi adducunt.

Vnde Incobus in sua Epist. cap. i. 17. ait, *Qua autem de sursum est sapientia, primum quidem pudica est, deinde pacifica, modesta, suadibilis, bonis consentiens, plena misericordiae, & fructibus bonis. Dona omnia, & fauores omnes à Deo in anima alicuius prouenientes eiusmodi effectus producant.*

Item lætitiā, & consolationem, humilitatem, & deuotionem, vt ex S. Scriptura habetur de omnibus, quos dignatus est Deus reuelationibus, vel apparitionibus honorare; vt patet de Abrahamo Patre credentium, Isaac filio, & Iacob nepote, de Moyse, de ipso met licet gentili Iob; de Dauid, de omnibus Prophetis. Et in nouo Testamento, de Zaccaria Patre Baptistæ; de ipso Baptista; de B. Virgine, Iosepho, de Apostolis, cæterisque Dei seruis; omnes enim isti in præfatis Dei fauoribus apparitionum locutionum, seu reuelationum, alienationum à sensibus, eleuationum è terra; animi tranquillitatem, humilitatem, iucunditatem, spiritualem delectationem, deuotionem, desiderium sanctè vendi bona faciendi, & Deo placendi experti sunt.

Humilitatem, deuotionem &c.

Exempla plurium Sanctorum.

C A P. VIII.

An in extasi habeatur aliqua visio, seu reuelatio noua priuata, & quomodo.

AD. r. ex D. Bonau. tract. de luminar. Ecclesiæ ser. 3. de dono intellectus quod visio præternaturalis in sui prima distinctione est triplex, corporalis, imaginaria, & intellectualis: duæ primæ fine

Visio præternaturalis triplex

ter

Corpora-
lisImagina-
riaEt intelle-
ctualisIntelle-
ctualis
multiplexQuinque
species in
tellectu
visionis as-
signat S.
Bonau.

tertia parum profunt. Adducit omnium exempla. Visio Balthasari, *cum vidit manum scribentem in pariete, Mane, Tecel, Phares Dan. 3. 25.* fuit visio merè corporalis, sine intelligentia rei vise, quia eam explicauit Daniel. Visio imaginaria, est illa quæ habetur in phantasia per species sensibiles, vt fuit illa Pharaonis *cum vidit septem boues pingues, & septem macros, bosq; deuorare illos, item illa cum vidit septem spicas plenas, & septem vacuas, hasq; deuorare illas, Gen. 41.* quas Pharaon non intellexit, sed eas declarauit Ioseph de septem annis abundantie, & septem penurie. Visio intellectualis est, quæ habetur de aliquo supernaturaliter quidem ostenso, sed cum intelligentia significati talis ostensi, vt illa quam habuerunt ipsimet supradicti Daniel, Ioseph, alijque Prophetæ, & Ioannes Euangelista in Apocal. &c. Distiguit postea idem S. Bonau. Visionem intelligentiæ in plures species, & sunt; Visio intelligentiæ per naturam indite quia *signatum est supra non lumen vultus Domini.* 2. intelligentiæ per fidem eleuate; quia fidelis perfectius intelligit obiecta fidei communia, quam infidelis; alia verò non communia fidelis tantum intelligit, nullo autem modo infidelis. 3. intelligentiæ per scripturam eruditæ, quia melius intelligit diuina Theologus, vel alius fidelis, qui lectioni, & studio Sacrae Scripturae incumbit, quam cæteri. 4. intelligentiæ per prophetiam illustratæ. Prophetæ enim, dum eis Deus reuelat, vident, & intelligunt illa perfecte; alij autem, quibus Prophetæ ea narrant non, ita. 5. est visio intelligentiæ in Deum absorptæ per raptum, seu extasim; quando Deus vult extrahere, seu raptis, aliquo, licet obscuro, & confuso modo, se demonstrare, vt fecit cum Moyse, & Paulo; qui tamen non viderunt diuinam essentiam clarè, euidenter,

&

& vt in se est Videndum nunc est, an extatici aliquid videant, & quid, & quomodo videant.

Adu. 2. quòd reuelatio aliud non est quàm manifestatio alicuius rei occultæ; siue præteritæ, siue præsentis, siue futuræ. Deus autem aliquando seruis reuelat aliqua in bonum ipsorum, vel proximi, vel Ecclesiæ, vt ex pluribus S. Scripturæ locis manifestum est. Solet autem dupliciter reuelare hominibus, vel immediatè per seipsum, vel per Angelos: habemus periter exempla S. Scripturæ in vtroque Testamento; quamuis S. August. doceat, Deum per Angelos semper locutum fuisse, etiam Prophetis. Item notandum quòd reuelationes fieri solent, vel in somno, vel in extasi, vel extra extasim in vigilia,

Adu. 3. ex S. Bonau. de Processu Religionis cap. 18. quòd tot sunt genera visionum, quot reuelationum ex parte modi apparendi, manifestandi, & cognoscendi, sicut supra diximus: nempe corporales, imaginariæ, & intellectuales. Et notat S. Doctor, quòd omnes cognitiones, quæ per omnes sensus habentur, in sacro textu appellari solent visiones; nam Exodi 26. de hebreis dicitur, *videbant lampades, & voces, & sonitum buccinæ &c.* quid quid ergo per quemlibet sensum cognoscitur, cum præter naturam apparet, dicitur *Visio*. Si verò per species sensibiles, ille eadem, vel alia sensibilia cuiuscumque sensus in Phantasia appareant, dicuntur visiones imaginariæ. Si tandem illa eadem per species spirituales, seu intelligibiles intellectui appareant, dicuntur visiones intellectuales, omnia enim sensibilia hoc triplici modo cognosci possunt, & hoc eodem triplici modo possunt à Deo demonstrari, & eodem triplici modo Deo permittente, possunt à Dæmone deceptore representari.

Sf

Spi.

Reuelatio
quid sit.

Deus reue
lat imme
diatè, vel
mediante
aliquo An
gelo.

Reuelatio
nesunt in
somno, vi
gilij, & ex
tasi.

Omnium
sensuum
cognitio
nes vocan
tur visio
nes.

Triplici
ter appare
re possunt
sensibilia.

Nō sic spi
ritualia.

Spiritualia verò non sic, sed modo spirituali, idest per intelligibiles tantum species representari possunt.

Visiones dicuntur etiam possunt reuelationes
 Adu. 4. quod ipsæmet visiones dici possunt reuelationes, & è contra, si de rebus occultis, siue futuris, siue præsentibus, siue præteritis sint. Ex parte enim Dei, vel etiam deceptoris Dæmonis ostenduntis aliquo ex modis se prædictis dicitur reuelatio; maxime quando adest locutio corporalis, imaginaria, vel intellectualis, his enim omnibus modis Deus reuelauit, & Sanctis, & aliis seruis suis, vt Adæ, Noe, Abrahamæ, Moyse, & Prophetis quatuor maioribus, & 12. minoribus; Iob, Dauid, Salomoni &c. ac Ioanni in Apocalipsi. Ex parte autem recipientis dicitur visio, auditio &c. iuxta modum ostensionis, & tamen appellabitur visio, aut si adsit locutio, dicetur reuelationis receptio seu auditio.

Omnium
 Adu. tandem, quod dum quærimus, an alicui in extasi Deus aliquid nouum reuelet, sensus non est de reuelatione obligante Ecclesiam tamquam articulo fidei, vel alio modo: sed sensus est de reuelatione priuata ad utilitatem ipsius extatici, vel proximi, vel cætus fidelium, sine obligatione aliquid de nouo credendi, sicut per Prophetas multa mala Deus comminabatur Populo, & multa bona facienda hortabatur: & tunc per Ecclesiam examinanda esset talis reuelatio, si ex Deo esset, an ex proprio contemplatiui cerebro; quia etiam per puerum Samuelem Deus comminatus est Eli, & filiis eius multa mala. 1. Reg. 2. 11.

Duo discutienda.

His autem suppositis, duo discutienda sunt. Primum, an extatici habeant nouas visiones, seu reuelationes, Secundum quomodo discernantur, an sint bonæ, ac diuinæ; an malæ, & dæmoniacæ.

Dico

Dico 1. Extasi, raptui, aut simplici contemplationi non sunt semper, aut de necessitate coniunctae visiones, aut reuelationes diuinæ; sed istae conceduntur cui ex sua benignitate vult Deus.

Prob. prima pars. Fauores, seu gratiae istae pendunt à mera Dei voluntate, nuspian autem in sacra Scriptura videntur promissa, aut decreta alicui actionum, aut personarum generi: ergo non sunt de necessitate connexa extasi, raptui, aut simplici contemplationi.

Conf. ex facto, quia contemplatiui quamplures, nec visiones, nec reuelationes habuerunt, vel habent sed simplices illustrationes, iuxta obiecta, quae contemplantur; & qui extasim, seu raptum patiuntur eodem modo se habent; non enim omnes; neque semper aliquid nouum vident, aut audiunt, sed circa credenda, & agenda magis illuminantur; raris autem, etiam in contemplatione infusa, & rarissimis in acquisita, eiusmodi visiones, ac reuelationes à Deo conceduntur, vt docet experientia.

Cont. 2. Visiones, & reuelationes etiam diuinitus concessae non semper sunt signa sanctitatis in eo, qui eas accipit, igitur non fuit necessarium, vt Deus statueret eas concedere contemplantibus etiam extaticis, aut raptis. Antecedens patet de visionibus, quia vt notat S. Bonau. plures Gentiles, & scelesti, etiam visiones diuinas habuerunt: Pharaon enim, vt supra dixi, vidit boues pingues, & extenuatos, spicas plenas, & vacuas; & horum alteras deuorare alias Balaam, Magus, vadens ad maledicendum populo Dei, locuta asina, & renuente vterius incedere, videt Angelum euaginato gladio contra se stantem. Nabuch vidit prima vice statuam magnam vario, & miro modo compositam; alia vice vidit arborem magnam

Extasibus non sunt necessario connexae visionis supernaturales.

Ex facto, & experientia constat.

Visiones, & reuelationes non semper sunt signa sanctitatis.

Pharaon habuit visiones.

Balaam.

Nabuch bis vidit.

Balthasar.

Alij plu-
res.Reuelatio-
nes Diui-
ne etiam
malis factis

Caino.

Pharaoni

Abime-
lech.Cōtempla-
tiuū ali-
quando
Deus con-
cedit visio-
nes siue in
extasi, siue
extra-

gnam per totam Asiam extensam, & animalia sub ea pascentia: quas visiones declarauit Daniel. Balthasar filius Nabuch in conuiuio vidit manum in pariete incognitis characteribus scribentem: & alij plures has visiones cælitus concessas viderunt, qui tamen ethnici erant.

De reuelationibus etiam certum est, quod plures ethnici, & scelesti eas habuerunt. Patet primò de Caino, cui bis locutus est Deus. De Pharaone, cui, rapta vxore Abrahamæ, Deus præcepit, vt restitueret. De Abimelech Philistæo Rege, cui rapta pariter vxore Abrahamæ, Deus dixit, vt redderet; quia erat vxor istius, qui erat Propheta, & oraturus erat pro illo, & parcebat ipsi regi Deus, quia cum simplicitate fecerat; tandem vt alia exempla omittam, patet de Laban idolatra socere, & auunculo Iacob, cui Iacobum insequenti, Deus dixit in somno, *Caue ne quidquam asperè loquaris contra Iacob, Gen. 31.* Patet ergo quod visiones, & reuelationes diuinæ non conceduntur solis sanctis, sed etiam aliis: neque omnibus omnino; sed iuxta Diuinæ sapientiæ dispensationem: & sic mirari non debent contemplatiui, si nec extasi (si quandoque eis accidit) nec extra extasim obtinent visiones, aut reuelationes diuinas; quia non sunt effectus necessariò consequentes contemplationem, aut extasim, sed effectus, & fauores diuinæ prouidentiae.

Dico 2. Aliquando contemplatiui, siue in extasi, siue extra eam Deus concedit visiones aliquas, aut reuelationes nouas in bonum proprium, vel aliorum; & aliquando etiam extra contemplationem in vigilia, aut in somno.

Prob. facilè incipiendo ab ultimo, nempe in somno, vel extasi. Reuelauit Deus Adæ, quod tulerat vnam

de

de costis eius, & edificauit eam in mulierem, & repleuit carnem pro ea. Item, quod matrimonii vinculum esset perpetuum, quia per os Adæ dixit Deus; propter quod relinquet homo &c. & adhærebit uxori suæ, & erunt duo in carne vna.

Exempla
in somno
vel extasi.

In somno Gen. 28. Iacob visionem, & reuelationem habuit, vidit enim scalam terræ fixam, & ad cælum pertingentem, Angelos ascendentes, & descendentes per eam, ac Dominum innixum scalæ. Habuit etiam tunc reuelationes; Deus enim tunc multa illi promisit, vt ibi legere est; & quod in semine eius benedicentur omnes tribus terræ; scilicet in Messia ab omnibus nationibus recipiendo.

In somno
Iacob.

Ioseph eius filius Gen. 37. in somno duas illas visiones habuit, quæ fratribus narratæ fuerunt causa suæ persecutionis, & venditionis. Vidit primò, se cum fratribus in campo ligare manipulos, & manipulum suum flare, & manipulos fratrum adorare suum; alia vice vidit Solem, Lunam, & Stellas vndecim adorare se; quæ post 24. fere annos acciderunt cum in Ægypto Prorex adoratus fuit à Patre, & fratribus.

Ioseph in
somnia vi-
det.

Ioseph Sponsus B. semper Virginis in somno habuit visionem Angeli, & reuelationem, quod eius sponsa erat grauida de Christo, sed opere Spiritus Sancti Matt. 1. In somno pariter exiens è Ierusalem post Purificationem Mariæ, & Præsentationem Christi in templo habuit reuelationem, tolle puerum, & matrem eius, & fuge in Ægyptum; futurum est enim, vt Herodes querat puerum ad perdendum eum. Secunda vice Matt. 2. dum esset in Ægypto, defuncto Herode, iterum apparuit ei Angelus in somnis, & reuelans, Surge, & accipe puerum, & matrem eius, & vade in terram Israel, defuncti sunt enim qui querebant animam pueri.

Ioseph
sponsus B.
Mariæ in
somnia.

Ter habuit
visiones,
& reuela-
tiones.

Visiones,
& reuela-
tiones in
vigilia.

De visionibus, & reuelationibus habitis in vigilia habet.

Adamo.

Caino

Noe.

Isaac.

Iacob.

Moyſi ſapiffimè.

Apparitiones, & reuelationes in extasi.

Extasis Petri. Visio & reuelatio.

habemus innumera S. Scripturæ exempla. Omnium primum est cum Deus creatis Adamo, & Eva eis apparuit, multaue eis dixit simul, *crescite, & multiplicamini &c.* Alia vice, cum post peccatum eisdem apparuit, & multa (proh dolor!) dixit, ac prædixit. Apparuit deinde Caino bis, multaue ei dixit, ac prædixit, Apparuit Noe, multaue ei dixit, ac prædixit, Gen. 6. Apparuit pluries Abraham, & plura ei reuelauit, Gen. cap. 12. cap. 17. cap. 18. &c. Apparuit Isaac Gen. 26. ac multa ei reuelauit. Apparuit pluries Iacob, ſapiffimè Moyſi, vt ex tot libris Exodi, Leuitici, Numeri, & Deuteronomii: alias innumeras omitto. Apparitiones istæ, & reuelationes, vt alias omittam. patet, quòd in vigilia fuerunt. Aduertit tamen S. Augustinus, quòd non Deus immediatè apparebat, sed per Angelum aliquem in persona Dei loquentem.

De apparitionibus, & reuelationibus in extasi aliqua etiam habemus exempla in S. Scriptura. Primum est de Adamo, cum Deus misit soporem in illum, alii dicunt excessum, eique reuelauit ea, quæ supra dixi. Exemplum secundum est de Abraham Gen. 14. cum sopor irruit super eum, & horror maximus inuasit eum; & tunc Deus reuelauit ei multa, vt ibi. De Moyſe in Monte Synai, in quo extra se posito sine cibo, & potu per dies 40. duplici vice Deus ei reuelauit; nedum legem, sed structuram tabernaculi adamussim cum singulis partibus, institutionem, & consecrationem sacerdotis, vestes eius, ritum sacrificiorum, & cætera plura.

In nouo Testamento habemus extases, & apparitiones, & reuelationes factas Petro, ac Ioanni Apostolis: Actuum 10. 10. *Super Petrum cecidit excessus mentis, & vidit cælum apertum, & descendens vas quoddam &c.*

Ecce in quo erant omnia quadrupedia, & serpentes terræ, & volatilia cæli, & facta est vox ad eum surge Petre, occide & manduca &c. ut ibi, quam reuelationem postea ipsemet Petrus narrat in c. 11. 5. quod significabat conuersionem gentium ad fidem. De Ioanne habetur Apocal. 1. quod in spiritu vidit, & audiuit omnia illa mirabilia quæ per 22. capita narrat.

Dico 3. Dantur etiam præternaturales visiones, & reuelationes dæmoniacæ in somno, in vigilia, & in extasi.

Prob. facillè ex dictis de extasi, quia daemō, ut decipiat, transfigurat se in Angelum lucis, ideo Sathan vocatur, idest insidiator, & sicut monet S. Petrus semper circuit querens quem deuoret. Adducam duo solemnia S. Scripturæ exempla, de visionibus, & apparitionibus in vigilia. Gen. 3. Diabolus intrans in corpus serpentis loquitur cum Eua interrogans, cur non comederent de quodam fructu existente in medio Paradisi, & dicente illa, quod prohibuerat Deus, ne fortè morerentur; dixit, Nequam moriemini. Scit enim Deus, quod in quacumque die comederitis ex eo aperientur oculi vestri, & eritis sicut Dii scientes bonum, & modum. Quid nam clarius facto diaboli circa Saluatorem nostrum in deserto, in pinaculo templi, & in monte, ipso Domino permittente, qui dicto, facto, & promissione regnorum, cum ostensione illorum in sensibilibus speciebus, Domino apparens, eum tentauit: si autem Sanctum Sanctorum decipere tentauit, quid faciet cum miseris hominibus, qui deceptionis sūt capaces?

Immo, quod valde notandum est, in hoc gloria-
tur diabolus, quod homines decipiat, & faciat eos
mendacia prophetare suggerens eis mendacia. Ca-
sus notabilis habetur in lib. 3. Reg. cap. 22. 22. Co-
gi.

Extasis &
Ioannis, S.
reuelatio-
nes.

Dæmonia-
cæ visio-
nes

Reuelatio
Dæmoni-
ca facta
Eue.

Promissio
diaboli fa-
cta Chri-
sto.

Notabilis
casus in S.
Scriptura.

Dæmon
gloriat
se decipe-
re.

Deceptio
multorum
Propheta-
rum fallo-
rum.

Notabile
de modo
apparendi
& reuelan-
di.

gitans Rex Iuda Iosaphat cum Rege Samariæ Acab bellum committere contra Regem Siria, consuluerunt Michæam prophetam de belli exitu: hic S. Prophetæ, consulto Domino, dixit. *Vidi Dominum sedentem super solium suum, & omnem exercitum Cæli assistentem ei à dextris, & à sinistris, & ait Dominus, quis decipiet Acab regem Israel, ut ascendat, & cadat in Ramoth. Galaad, & egressus spiritus (idest diabolus) stetit coram Domino, & ait, Ego decipiam illum, cui dixit Dominus in quo? & ille ait, egrediar, & ero spiritus mendax in ore omnium prophetarum eius. Et dicit Dominus, decipe, & praualebis; egredere, & fac ita. Et ita factum est; quia Prophetæ Acab dixerunt, cum repotaturum victoriam, contrarium dicente Michea, propter quod alapam in facie accepit à Sedecia pseudopropheta Acab, & à Rege Acab missus est in carcerem usque ad exitum belli, quod inire voluit ex falsa reuelatione pseudoprophetarum; quod tamen ei pessimè cessit, quia exercitus totus fusus est, & Rex ipse Acab cum alijs mortuus est. En quanta ruina dæmoniæ reuelationis de futura victoria.*

Alias innumeras apparitiones, & reuelationes tam diuinas, quam dæmoniacas ex Chronicis, & vitis Sanctorum excerptas, non curavi hic adducere, licet in præcedenti capite nonnullas adduxerim, quia possunt in vitis Sanctorum legendis passim reperiri, sed curavi canonicas referre, à quibus procul est omnis dubietas.

Hoc tamen pro certo supponendum, quod si apparitiones sunt externæ, & sensibiles, siue Diuinæ, siue dæmoniacæ in corporibus assumptis, vel aereis sunt. Si autem internæ sensibiles, in speciebus imaginarijs, seu phantasmatis, si purè
in.

intelligibiles, per species intelligibiles, seu spirituales, vt de contemplatione purè spiritualium acquisita, vel infusa in suis locis dictum est.

Dico tandem, Signa, quibus cognosci potest, an visiones, aut reuelationes sint diuinæ, vel demoniacæ, sunt illa eadem, quæ assignauimus in præcedenti capite de extasi naturali, diuina, ac demoniaca, ibi videnda.

Ratio est, quia ex eisdem principijs prouenire possunt tam extases, quàm visiones, ac reuelationes: diuinæ quidem ad bonum finem; demoniacæ verò ad malum: Ideo ex fine faciliè dignoscentur. Item, diuinæ rem honestam ostendunt, aut consulunt, vel præcipiunt; secus demoniacæ. At quoniam rem honestam, & propter finem bonum saltem apparentem potest Diabolus demonstrare aliquid in visione, & consulere, aut præcipere in reuelatione, tunc contemplans debet se Deo commendare, vt illuminetur, & doctiores consulere, si res noua sit, & insolita. Si enim cum humilitate, & absque vanitate cupiat edoceri, non permittet Deus eum decipi, *fidelis enim est, & non permittet aliquem tentari supra posse, sed faciet cum tentatione prouentum*, ait Apostolus 2. Cor. 1. cap. 13.

Diuinæ reddunt tranquillum, & quietum; & licet (vt supra dixi) initio interdum turbent, postea tamen hilarem, & quietum reddunt, demoniacæ econtra, vel ab initio turbant, & sic prosequuntur; vel si initio alliciunt, & suaues apparent, in progressu tamen semper turbant, & inquietant, ac inquietum relinquunt. Exempla istorum in præced. capite allata sunt; quæ replicare non oportet. At hoc semper firmum tenendum est, quod apparentiæ inhonestæ ac deformes, semper Dæmoniaccæ sunt. 2. si ad nul-

Signa cognoscendi qualitatis visionum.

Eadem ac signa extasum.

Diuinæ reddunt tranquillū

Notanda plura ad cognoscendum demoniacas visiones, & reuelationes.

Tc lum

330 DE CAUSIS & c. CONTEMPL. ACQVIS.

lum finem, vel non bonum, sint, eiusdem farine sunt. Item reuelationes, vel consilia, si contra legem Dei, vel Ecclesie, vel aliam approbatam, aut contra bonos mores, aut contra consuetudinem Ecclesiasticam, demoniace sunt. Si bona consulantur, sed cum laude, & encomio eius, cui consulitur, suspecta sunt de demoniaco consilio, diuina siquidem consilia, ut dicit Iacobus, *modesta, & pudica sunt, & absque vanitate*. Ab omni autem deceptione Dei seruus liberabitur, si eiusmodi visiones, & reuelationes non ambiat. Et si ad eius probationem, Deus permittat illum aliquas pati à demone, cum de eis dubitat, Deo se commendat, & Angelum suum Custodem, & Sanctos suos Patronos oret, ut pro ipso intercedant à Deo, ne decipiatur.



OPVS.

Consiliū
in eiusmodi
dubijs.



OPVSCVLVM SEXTVM.

DE DISPOSITIONIBVS REQUISITIS AD
VITAM CONTEMPLATIVAM IN-
CIPiENDAM, ET PROSE-
QVENDAM.

C A P. I.

De Vocationes ad Vitam Contemplatiuam.



ADVERTO, & frequenter in
memoriam reuoco id, quod
docet S. Thomas 2. 2. qu 81.
art. 1. ad 5. quod *contemplatiui*
dicuntur, non qui *contemplantur*,
sed qui *contemplationi totam vitam*
suam deputant, non quia conti-
nuè tota die, ac nocte in con-
templatione debeant perseverare, vt hæretici Euchitæ docebant, hoc enim impossibile est; immò S. Greg.
homil. 14 in Ezechiel super illud Apocal. factum est silen-
tium in Cælo quasi media hora, dicit, tanto tempore,
& vix durare posse contemplationem in hac vita,
nam anima à strepitu naturalium cogitationum
perturbata ad eas reuocatur; sed intelligitur sic,
quod per totam vitam debet seruare ea, quæ requi-

Qui sunt
contempla-
tium.

Quomo-
do in telli-
gitur
quod per
totam vi-
tam quis
contem-
pletur.

Tt 2 run-

runtur in homine vitam contemplatiuam ducente, vt munditiam cordis, vitiorum, ac passionum per frequentes virtutum actus abolitionem; Sacramentorum frequentiam, à seculi curis, negotijs, honoribus, ac deliciis abstinenciam, solitudinem, Sacrae Scripturae, ac librorum spiritualium lectionem, ieiunia, ac cetera in sequentibus adducenda iuxta personarum conditionem. Qui ergo hæc per totam vitam exequitur, & statutis temporibus contemplationi vacat, dicitur contemplatiuam vitam ducere, & verè, ac propriè contemplatiuus: non verò qui curis seculi, ambitioni, conuersationibus, ac delicijs dediti, vitamque sicut cæteri non spirituales, sed mundani ducentes, actus contemplationis quandoque eliciunt; his enim contemplatiui nomen nullo modo competit, quod perfectorum, vel etiam supradicto modo proficientium, ac degentium proprium est.

Qui non debent dici contemplatiui.

De his ergo, qui Contemplatiuorum numero adscribi cupiunt in toto hoc opusculo loquar; & ab ovo, vt dicitur, idest à principio, ac deliberatione ad Vitam contemplatiuam incipiendam exordiar; quod quidem à Deo vocante est.

Initiū vitæ contemplatiuæ est diuina vocatio.

Dico ergo, Initium Vitæ contemplatiuæ, primumque omnium prærequisitum ad illam, est diuina vocatio, vel interna tantum, vel externa cum interna.

Omne opus bonum à Deo est.

Prob. 1. ex lo. 15. *sine me nihil potestis facere*, idest nihil boni spiritualis conducentis ad salutem. 2. ex epist. Iacobi, *Omne datum optimum, & omne donum perfectum de sursum est descendens à Patre luminum*, 3. ex 2. Cor. 3. *Non sumus sufficientes cogitare aliquid ex nobis tamquam ex nobis*. Et ideò ex Concil. Araus. 2. cap. 18. in omni opere bono, gratia Dei præcedit, vt fiat; & in can. vlt. in omni opere bono quod facit homo, Deus est, qui

qui incipit; & falsum est dicere, quòd homo incipit, & postea Deus adiuvat.

Dixi, vel vocatione interna; quia sæpenumero Deus excitat, & illuminat hominem ad bonum aliquod faciendum absque eo quòd quis externa voce, vel lectione libri aliquid de illo audierit, vel legerit v.g. ad statum vitæ eligendum, vt religiosum, &c. vel excitat, illuminat; ac inspirat, vt librum aliquem legat, vel personam aliquam adeat, non innuens ei finem, ob quem ad legendum, vel adeundum impellat; & ex lectione libri, vel conuersatione cum persona innotescit sibi aliquod bonum opus, vel status aliquis vitæ, vel exercitium spirituale, quod sibi, Deo inspirationem prosequente, placet, & idem Deo adiuvante aggreditur: ita prorsus multis accidit, qui vitam contemplatiuam aggrediuntur.

Dixi, uel externè, ac internè uocantur; sic enim regulariter accidit, nempe uel aliquo modo speciali per Angelum, ut fecit Deus cum Cornelio Centurione gentili, dum eum uocauit ad fidem, uel mediantibus Prædicatoribus, ut factum est per Apostolos, per discipulos eorum, cæterosque, qui mundum vniuersum conuerterunt ad fidem; immò & per ipsummet Saluatorem, cum per annos tres, & amplius prædicauit, & multos suis concionibus, miraculis, & vitæ sanctitate ad se traxit, vel librorum lectione; vel ex Sanctorum miraculis, vt de tot miriadibus conuersorum legimus. Sic ad contemplatiuam vitam uocantur, qui ei vacant; iis enim mediis eos Deus ad illa vocat.

Dixi, simul cum interna: non enim sufficit externa vocatio per prædicatorem, vel lectionem librorum ad opus bonum supernaturale peragendum & multò minus ad statum vitæ deligendum, vt male

Aliquando vocatio interna Deus vocat.

Regulariter internè, & externè fit vocatio,

Non sufficit externa vocatio.

docuit Pelagius acriter à S. Augustino impugnatus; docebat enim, gratiam Christi, quæ ad bona opera facienda est necessaria, esse legem, seu doctrinam Euangelicam, & hanc cum libero hominis arbitrio sufficere insipienter docebat, & hereticè: requiruntur enim interna excitatio, illuminatio, & inspiratio, & adiuuans auxilium (dum auditur, aut legitur doctrina) ut quis possit benè, ac supernaturaliter operari. Ideò S. August. in epist. 1. S. Ioan. tract. 3. circa finem super illud, Non habetis necessitatem, ut aliquis doceat vos, quia unctio ipsius (idest Spiritus) docet vos de omnibus, multa dicit de internis auxilijs, & vocatibus; Videte magnum Sacramentum fratres. Sonus verborum nostrorum aures percutit; magister intus est. Si non sit intus qui doceat, inanis fit strepitus noster. Magisteria forinsecus adiutoria quædam sunt, & admonitiones. Cathedram in Cælo habet qui corda docet. Propterea dicit in Evangelio, Unus est Magister Christus. Ipse ergo vobis intus loquitur, quia nemo hominum illic est. Interius est magister, qui docet; Christus docet, inspiratio ipsius docet. Vbi illius inspiratio non est, & unctio, forinsecus inaniter perstrepunt verba. Deinde adducit exemplum de agricola aquam fundente circa arborem; qui tamen dare non potest virtutem faciendi poma: Sic & prædicator prædicans doctrinam, non potest dare virtutem exequendi, concludens cum Paulo dicente, Ego plantavi, Apollo rigauit, & Deus incrementum dedit. Neque qui plantat est aliquid, neque qui rigat, sed qui incrementum dat Deus. Semper igitur ad bonum operandum, & statum vitæ eligendum Deo gratum, est necessaria interna vocatio, seu illuminatio, ac inspiratio.

Sicut autem, ut initium detur Vitæ contemplatiuæ, necessaria est diuina inspiratio, sic in prosecutione est necessarium diuinum adiutorium ad singulos actus

hanc illa
etiam ob
etiam non
etiam non
etiam non
etiam non

Interna
semper ne
cessaria
ad opus
bonum.

Ex S. Aug.

Initio, &
dei nceps
pro vita
contempla
tiua est ne
cessaria
gratia Dei

actus bonos, & supernaturales, necessariosq; ad acquisitionem, progressum, & statum Vitæ contemplatiuæ, de quibus mox loquemur, & ad vitiorum resecationem, & passionum, per virtutum exercitium, domationem, tentationum victoriam; sæculi negotiorum, ac pomparum, deliciarumque fugam, & alia his similia superanda per quorum remotiorem, homo de carnali fit spiritualis, Deoque dicatus. Pro his ego omnibus, contemplationi vacaturis, nedum singulis diebus, & horis, sed singulis momentis Dei auxilia sunt necessaria: quæ propter confidenter Deum, ac frequenter orare quis debet, ut illum in suo exercitio, ad quod vocatus est, adiuuare non desinat, & confidat sic futurum, cum saluator sic promiserit, *Petite, & accipietis; quærite, & inuenietis, pulsate, & aperietur vobis. Omnis enim, qui petit accipit, &c.*

Deus frequenter orandus.

C. A. P. II.

An ad Vitam contemplatiuam acquirendam prærequiratur purgatio vitæ, & in quo consistat.

ADu. communem, ut S. Bonau. notat, esse Mysticorum sententiam, quod ad montem Perfectionis, seu ad perfectam, quæ in hoc sæculo obtineri potest, vitam, regulariter per tres vias successiuè, ac ordinatè incedendum est, nempe per purgatiuam, illuminatiuam, & vnitiuam. De singulis istis erit sermo. At de prima, quæ ante alias calcanda est, hic loquimur.

Tres viæ ad perfectionem acquirendam.

Adu. 2. quod sicut ait S. Greg. homil. 14. in Ezechiellem, *nemo de repente fit summus*; ideo quia purgatio vitiorum, ac defectuum in vocatis à Deo ad con-

contemplationem difficillima est ; immò impossibile regulariter, quod fiat illicò, vel in paruo tempore : paulatim, & cum discretione directoris facienda est ; alioquin incipientes, difficultate impotentiae obruti, antequam inciperent, à proposito etiam incipiendi recederent, quæ autem purganda erunt, passim dicam.

Primò curare debet
ut sint sine
mortalis
peccato.

Dico 1. Omnium primò nedum incipientes vitam contemplatiuam, sed & proficientes, ac perfecti curare debent, ut sint sine mortali peccato ; ideò hæc erit prima purgatio.

Qui sine
peccato
sunt con-
templari
valent.

Prob. ex S. Bern. qui tract. de interiori domo cap. 13. ait, Prius tergere debet speculum animæ à peccatis operibus, & cogitationis, Deus enim, qui munditiæ amator est, cor pollutum habitare non potest. Cor à terrenis retrahere debet ; sic faciens incipiet ei quædam diuini luminis claritas interlucere, & quidam insolite visionis radius oculis cordis apparere, qua luminis visione animus inflammatus, incipit in Deum, ac superna conspirare, Deum diligere, eique inherere ; & in ser. 80. Qui vult contemplationi vacare, debet quiescere non solum ab operibus malis, sed à cogitationibus supernaculis. Multi siquidem, etsi sciant vacare corpore ; nesciunt tamen vacare corde, nescientes facere sabbatum ex sabbato, ideò non valent implere illud psalmi, vacate, & videte quoniam suavis est Dominus. Nam, & Saluator ipse Matt. 5. ait, Beati mundo corde, quoniam ipsi Deum videbunt. Contemplatio autem, ut sæpè diximus, est intuitus alicuius diuinæ veritatis, & in maleuolam animam non intrabit sapientia, Sap. 1. nec habitabit in corpore subdito peccatis, & Psal. 9. Peccatori dixit Deus, quare tu enarras iustitias meas, & assumis testamentum meum per os tuum ? Et Sap. 1. Spiritus Sanctus discipline effugiet fictum, idest in peccato existentem. Quoniam ergo homo vacaturus contemplationi, Spiritus Sancti

Ati dona est recepturus, & sapientiæ diuinæ particeps futurus, omnium primò animam à peccatis purgare debet per Pœnitentiæ Sacramentum, & curare cum Dei auxilio sic purgatam conseruare.

Dico 2. Vacaturus contemplationi purgare se debet ab omni habitu vitioso, & ab omni mala inclinatione, vt se purum, & immaculatum quantum fieri potest, coram Deo exponat, iuxta S. Bonauenturæ doctrinam.

Prob. ex longo discursu S. Bonau. qui in tract. Paruum bonum particula prima, de Purgatiua vita, sic loquitur. si vis purgari, verte te ad conscientia stimulum. Si illuminari ad intelligentia radium; si perfici ad sapientia igniculum. Deinde de primò ait. Ad stimulum conscientia debet homo exercere se ipsum, hoc modo meditando in via purgatiua, vt primò se ipsum exasperet, secundò euacuet, tertio dirigat. Nam exasperandus est recordatione peccati, euacuandus circumspectione sui, rectificandus consideratione boni: recordatio peccati sic fit. Arguat se animus de multiplici negligentia, concupiscentia, & nequitia: ferè enim omnia peccata reduci possunt ad hæc tria. Circa negligentiam, recogitare debet homo si in se fuerit negligentia cordis custodiendi, temporis expendendi, & finis intendendi; debet enim benè custodire cor, tempus vtiliter expendere, & finem debitum in omni opere præcogitare. 2. cogitare debet si fuerit negligens in oratione, in lectiōe, in boni operis executione. 3. debet cogitare si fuerit negligens ad penitendum, ad resistendum, & ad proficiendum; debet enim summa cum diligentia deflere culpam commissam, repellere tentationem diabolicam, proficere de vna virtute in aliam, vt possit peruenire ad terram promissam.

Circa concupiscentiam autem, debet cogitare homo si in eo viuat concupiscentia voluptatis, curiositatis, & vanitatis, quæ sunt radices totius mali. Primo igitur recogitan-

Ab omni
vitiū habi
tu debet
purgari.

S. Bonau.

Documē
ta S. Bon
pro pur
gatione.

Exaspera
tio neces
saria, &
quæ.

Concupi
scentia
frenanda,
& quomo
do.

338 DE DISPOSITIONIBVS REQUIS. &c.

Circa de-
licias.

da est concupiscentia voluptatis, quæ tunc in homine viuit, si fuerit in eo appetitus dulcium, mollium, & carnalium, hoc est si homo querit cibaria saporosa, vestimenta delica- ta, & oblectamenta luxuriosa. Quæ omnia, non solum repre- hensibile est appetere cum consensu, sed etiam debet homo respuere in primo motu.

Circa cu-
riositatem

Secundo recogitanda est concupiscentia curiositatis, si vi- uat, vel vixerit in homine. Hoc autem deprahenditur, cum quis appetit scire occulta, videre pulchra, & habere chara. In omnibus his est vitium auaritiæ, & curiositatis. Multum re- prehensibile hoc est in homine.

Circa va-
nitates.

Tertiò recogitanda est concupiscentia vanitatis, quæ tunc viuit in homine, si in eo fuerit appetitus fauoris, laudis, & honoris, quæ omnia vana sunt, quæ hominem vanum reddunt, & ita fugienda sunt, sicut concupiscentia mulierum. Et de omni tali debet conscientia reprehendere cor huma- num.

Circa ne-
quitiam.

Circa nequitiam autem debet cogitare homo, si in eo vi- geat, vel aliquando vigerit iracundia, inuidia, & acedia, quæ faciunt hominem nequam. Iracundiæ nequitia recog- itanda, quæ consistit in animo, in signo, & in verbo, vel in corde, in facie, & clamore; vel in affectu, afflatu, & effe- ctu. Secundò recogitanda est nequitia inuidiæ, quæ in alie- nam prosperitatem tabescit, in aliena aduersitate hilarescit, & in aliena mendicitate frigescit. Tertiò recogitanda est ne- quitia acedia, ex qua oriuntur suspensiones, malæ cogitationes, blasphemia, & detractiones malignæ. Omn's talis nequitia multum detestanda est. Ex hac trifaria recordatione triplici- ter debet exasperari stimulus conscientiæ, & amaricari ani- ma, ut possit homo consequi salutem.

Notabilis
S. Bonau.
doctrina
de purga-
tione ani-
mæ.

Videndum modò est quomodo exacuendus sit stimulus conscientiæ in circumspectione sui. Tria autem debet ho- mo circumspicere, diem mortis imminentem, sanguinem Christi recentem, & faciem Iudicis presentem. In his tri- bus

bus acuitur stimulus conscientie contra omne malum.

Post hæc sequitur S. Bonau. Tria sunt bona medi-
tanda, in quorum acquisitione rectificatur stimulus conscien-
tie, scilicet strenuitas contra negligentiam, seueritas con-
tra concupiscentiam, & benignitas contra nequitiam; his
enim tribus habitis fit conscientia bona, munda, & recta.
Primò igitur incipiendam à strenuitate, quæ viam præbet
alijs, est enim vigor quidam animi excitans omnem negli-
gentiam, & disponens animam ad omnia bona opera facien-
da. Secundo sequitur seueritas, quæ est vigor animi restrin-
gens omnem concupiscentiam, & habilitans animam, ac
feruentem reddens eam ad amorem asperitatis, paupertatis,
ac utilitatis. Tertio sequitur benignitas, quæ est quidam
dulcor animæ excludens omnem nequitiam, & habilitans
animam ad beneuolentiam, tolerantiam, & ad internam
letitiam.

Et hic, subdit Seraphicus Doctor, est terminus pur-
gationis secundum viam meditationis; Nam omnis con-
scientia munda lata est, & incunda. Qui igitur purgari
vult, vertat se modo prædicto ad stimulum conscientie. In
prædicta tamen exercitatione à quolibet præmissorum debet
ineboari nostra meditatio: transeundum est etiam ab vno ad
aliud, & tandiu immorandum, quousque tranquillitas, &
serenitas acquiratur, & percipiatur, ex qua oritur spiri-
tualis incunditas: qua adeptæ, promptus est animus, ut sursum
tendat. Incipit ergo via illa à stimulo conscientie, & termi-
natur in affectum spiritualis letitiæ: hæc, & alia plura S.
Bonau.

Hæc autem purgatio, ut manifestè patet, fit per
exercitium omnium virtutum moralium, idest per
dictamina, & principia eorum, per quæ actus illa-
rum exercentur; passionibus concupiscibilis doman-
tur, ac frenantur, & per frequentationem actuum il-
lorum habitus acquiruntur, quibus acquisitis, adest

Medica-
tio qualis
purgatio.

Terminus
purgatio-
nis est spi-
ritualis læ-
ticia.

Purgatio
fit per vir-
tutum mo-
ralium ex-
ercitia.

in anima pax à passionibus, & fit magis capax diuinarum illuminationum, quæ contemplatiuis solent à Deo concedi.

Nec prætermittendum puto quæ alii Doctores Mystici de eiusmodi purgatione contemplatiuis, præsertim incipientibus, necessaria tradunt; quæ tamen sub aliis terminis, & phrasibus eadem sunt cum relatis ex Doctore Seraphico: At pro deuotorum notitia, breuiter ea percurram.

Exsententia aliorum purgatio quomodo facienda.

Passiones moderandæ quæ, & quot sint.

Amoris moderatio.

Desiderii passio.

Quoniam, inquit, & benè, anima multis modis à passionibus turbatur, & quatitur, non poterit quis contemplationi, nec meditationi, immò nec ulli operi bono vacare, nisi illæ vel superentur per contrarios virtutum actus, vel fræuentur. Sunt autem sequentes. *Amor, Desiderium, Gaudium, Odium, Abominatio, Fuga, Tristitia, Spes, Desperatio, Audacia, Timor, & Ira.* Omnes autem istæ passiones, si secundum regulam rationis moderentur, ad actus bonos inducunt; si contra regulam rationis, ad malos; idèd aliqua de his moderandis regula est assignanda, ne ad malum Inducant.

Amoris passio potest ad malum inducere ratione obiecti, finis, vel modi. Nam multa obiecta mala sunt, ac prohibita, & hæc certè amanda non sunt. Multa vero bona, & licita; tamen amor eorum esse potest malus ratione finis mali, vel ratione excessus, seu modi in amando, v.g. Cognati, amici, bona necessaria ad victum, & vestitum, bona fama, scientiæ, & cetera similia: & amor eorum moderari debet ratione finis, vt propter summum amabile, nempe Deum, amentur, & in eorum amore non excedatur.

Desiderij passio, seu concupiscentiæ, quæ ex amore alicuius rei nascitur, vel est circa rem malam, ac pro-

prohibitam, vel circa bonam, & licitam; hæc etiam, vt passio amoris, moderanda est.

Gaudiū, seu delectationis passio, quæ est motus quidam sensitiui appetitus quiescens in termino, seu obiecto amato, ac possessio, de prohibito numquam debet admitti; de licito verò non debet excedere, sicut dictum est de desiderio, quia hoc est circa absens, gaudium verò circa præsens.

Gaudii
passio.

Odiū passio, quæ est fuga alicuius obiecti apprehensi, vt sibi nociui, sic regulari debet, vt semper omne malum morale, seu prohibitum odio habeatur. Non sic autem omnia mala naturalia, nisi ea, quæ lædunt vitam, membra; bona famæ, ac fortune; quæ tamen si accidunt, ad mortificationem, bono animo; & cum conformitate ad Dei voluntatem sunt acceptanda.

Odiū pas-
sio.

Abominationis, seu fuge passio, quæ provenit ex amore, & concupiscentia sui, timente malum ali- quod sibi inferendum, sicut Odium, debet regulari.

Abomi-
nationis pas-
sio.

Doloris, ac tristitiæ passio, quæ oritur ex ijs, quæ nobis nolentibus accidunt, sicut ex possessione obiecti amati oritur gaudium, & delectatio, cum sit angustia quædam, & oppressio animi, moderanda est, ne sit immoderata, & turbet rationem; omnia enim mala nobis aduenientia, tamquam à Deo immissa toleranda sunt.

Doloris
passio.

Spei passio, cum sit motus quidam appetitiuæ potentie de re absente, & ardua obtineri, & differat à desiderio, quia hoc abstrahit à possibili, & impossibili, spes verò est circa possibile, de malo numquam est permittenda: De bono autem admitti potest sine excessu mediorum, modi, & finis, ne cum anxietate, & inquietudine sit.

Spei pas-
sio.

Desperationis passio, quæ est motus potentiæ irascibilis,

Desp. ca-
tionis pas-
sio.

bilis, quando obiectum speratum redditur impos-
sibile, vel non obtinetur, sic moderanda est; si
obiectum sit bonum, & ad salutem necessarium,
confidendo de Dei misericordia, si verò indifferens,
non curando.

Audacia
passio.

Audacia passio, quæ est motus irascibilis tendens
in rem arduam, non considerata virium potestate,
omniñò frenari debet, nec permitti, vt in actum
exeat: & per hoc differt à fortitudine; quia per hanc
homo ardua quidem licita à ratione dictata aggredi-
tur sed prudenter pensata virium facultate.

Timoris
passio.

Timoris passio, quæ est ægrotudo quædam animi,
quòd imminenti malo resistere non possit, causans
erubesceniam, stuporem, & agoniam; moderari
debet, cum spe in Deo euadendi malum illud immi-
nens, & se conformando eius voluntati, quatenus
euadinequeat, vt de Christo Domino in horto oran-
te legimus sic fecisse in timore mortis.

Ira
passio.

Ira passio, quæ est motus irascibilis tendens in
vindictam alicuius offendentis, vel offensuri, mode-
rari debet per patientiam, ac fortitudinem, sicut de
ipso met Saluatore toties iniurijs, blasphemij, & la-
pidibus appetito, legimus.

C A P. III.

*De alijs dispositionibus, & purgationibus ad Contem-
platiuam vitam necessarijs.*

Ad clario
rem noti-
tiam po-
nuntur.

ADu. quòd licet in documentis S. Bonati, in
precedenti capite allatis contineantur omnes
ferè purgationum, & dispositionum species, quæ
pro incipiente, ac proficiente in vita contemplatiua
necessariæ sunt: tamen ad claritatem, & distinctio-

rem

rem pro tyronibus notitiam dispositiones, & purgationes multas praequisitas, comitantes, & subsequentes contemplatiuam vitam referemus.

Adu. 2. Inter eiusmodi requisita, & purgationes, non inferiorem, aut contemnendum locum, tenere mortificationem, quam enixè commendat Apostolus Rom. 8. *Si autem spiritu facta carnis mortificaueritis, uiuetis: quicumque Spiritu Dei aguntur, hi sunt filij Dei.* Et Coloss. 3. *Quae sursum sunt sapite, non quae super terram.* Mortui enim estis, & vita uestra abscondita est cum Christo in Deo. Et infra, *Mortificate ergo membra uestra, quae sunt super terram.* Ideò de mortificatione tam sensitiue, quàm rationalis partium hìc loquemur, quae alio vocabulo dicuntur mortificationes exterioris, & interioris hominis, quae contentiuo sunt necessariae, vt ad perfectionem perueniat.

Mortificatio necessaria.

Interioris & exterioris hominis mortificatio.

Adu. 3. quòd nomen *mortificatus* à morte deriuatur; sicut enim mortuus homo nullam animi perturbationem, aut sensationem percipit, quantum eumque in illum defœuiatur, ita mortificatus, ac si absque sensu esset, omnia percipit; & rationi, ac legi diuinæ, nec non & consilijs euangelicis conformis, & imperturbatus uiuit, quia carnem, seu partem inferiorem spiritui subiecit. Itaque verè, ac propriè mortificatio est voluntaria castigatio corporis, vel animi, qua appetitus frænatur, non solum à perturbationibus illicitis gaudij, ira, odij, concupiscentiæ, &c. sed etiam multoties à licitis, vt docet S. Gregorius lib. 4. Dialog. cap. 11.

Vade dicitur mortificatio.

Dico ergo 1. Ad contemplatiuam vitam perfectè acquirendam necessaria est mortificatio sensuum, circa omnia sensibilia.

Mortificatio sensuum necessaria ad vitam contemplatiuam.

Prob. S. Augustinus explicans verba Pauli ad Rom. 8. *Si spiritu facta carnis mortificaueritis, uiuetis* ait,

Hoc

344 DE DISPOSITIONIBVS REQVIS. &c.

Hoc est opus vestrum in hac vita, actiones carnis spiritu mortificare, quotidie affligere, euacuare, frenare, interimere. Quam multos enim proficientes non delectant, quia antea delectabant. Quod ergo delectabat, & non ei consentiebatur, quia iam non delectat mortificatum est. Calca mortuum, transi ad vinum, calca iacentem, conflige cum resistente. Mortua est enim una delectatio, sed viuit altera; illam dum non consentis, mortificas. Cum ceperit omnino non delectare mortificasti. Hec est actio nostra, hac est militia nostra.

Conf. ex Rom. 12. 1. vbi ait Apostolus, Obsecro vos fratres per misericordiam Dei, vt exhibeatis corpora vestra hostiam viuentem, sanctam, Deo placentem, rationabile obsequium vestrum. Deinde monet quomodo sacrificium hoc morale sit faciendum. Non plus sapere, quam oportet sapere, sed sapere ad sobrietatem. Et post multa, inquit: Siuo minister in ministrando, siue qui docet in doctrina, qui exhortatur in exortando, qui tribuit in simplicitate, qui praest in sollicitudine, qui misereretur in hilaritate. Dilectio sine simulatione. Odientes malum, adhaerentes bono. Charitate fraternitatis inuicem diligentes, honore inuicem praeuenientes. Sollicitudine non pigri, spiritu feruentes. Orationi instantes. Necessitatibus sanctorum communicantes; Domino seruientes, Spe gaudentes; In tribulatione patientes. Hospitalitatem sectantes. Benedicite persequentibus vos: benedicite, & nolite maledicere. Gaudete cum gaudentibus, flete cum stentibus; Id ipsum inuicem sapientes. Non alta sapientes, sed humilibus consentientes. Nolite esse prudentes apud vos metipsos. Nulli malum pro malo redentes; prouidentes bona, non tantum coram Deo, sed etiam coram hominibus. Si fieri potest, quod ex vobis est, cum omnibus hominibus pacem habentes. Non vosmetipsos defendentes carissimi, sed date locum ira. Noli vinci a malo, sed vince in bono malum. Si esurierit inimicus tuus, ciba illum; si sitit, potum da illi, &c. Placuit to-

tum

Actus mortificationis qui.

Ex Apostolo quomodo fit mortificatio.

Apostolus docet integram purgationem, & mortificationem.

tum hoc ferè caput hic referre ; quia multum facit ad totius hominis tam exterioris , quàm interioris , tam quoad sensitivam , quàm quoad rationalis partis mortificationem , ac humiliationem ; quæ est fundamentum mortificationis ; totiusque spiritualis ædificii , ac perfectionis .

Origenes explicans verba Apostoli consulentis , ut offeramus corpora nostra hostiam Deo viventem ait , hoc fieri per mortificationem corporis , inquit . *Si superbiam corporis tui vincas , & resces , immolas Deo Vitulum : si iracundiam Arietem : si libidinem Hircum : si vagos , & lubricos cogitationum volatus , Columbam , & Turturem .*

Origenes

Mortificatio ergo sensitivæ partis aliud non est , quàm subiecto carnis ad spiritum , non solum per remotionem illicitorum , sed etiam per amputationem licitorum , ac indifferentium , ad quæ appetitus sensitivus inclinatur , quod quidem regulariter fit per orationes crebras , ieiunia , flagellationes , peregrinationes , solitudines , silentia ; vno verbo dici potest , per abnegationem sui , quam consulit Saluator Lucæ 9. *Qui vult post me venire , abneget semetipsum , & tollat crucem suam , & sequatur me .*

Mortificatio sensitivæ partis quæ fit.

S. Bonau. in Pharetra lib. 4. cap. 8. quod est de mortificatione ex S. Greg. ait , *Nisi quisque à semetipso deficiat , ad eum , qui supra ipsum est , non appropinquat ; nec valet apprehendere quod supra ipsum est , qui nescit mactare quod est .* Et ex Augustino ait , *Carnem vestram domate ieiunijs , & abstinentia esca , & potus quantum valetudo permittit , quando autem aliquis non potest ieiunare , non tamen extra horam prandij aliquid alimentorum sumat , nisi cum agrotat .* Et ex eodem August. ait , *Facilius concupiscentia refrænatur , quæ nulla expectatione succenditur .* Et alibi , *amputanda sunt omnia nobis quæ*

Ex S. Bon. mortificatio .

X x

cum-

346 DE DISPOSITIONIBVS REQVIS. &c.

In quo
sistit. cō

cumque igniferi fomitis sulfuratibus flammis. sentiens for-
nax ebullientis carnis exaestuatur, ne vel tenuit quidem scintilla
seruata, maiora consulet incendia. Et ex eodem Augusti-
no alibi, Mori oportet hominem in carne Munda, ne moria-
tur in anima Christo, nam tunc quisque viuere dicitur, si se-
cundum seculum moriens, in solo Deo viuere delectetur. Et
ex Cassiodoro ait, *Vae carni, quæ superata non fuerit.*
Nam quæ in hac conuersatione vincitur, illic sine dubio co-
ronabitur. Et ex San. Bernardo inquit; Durius qui-
dem tractandum est corpus, ne rebellet, ne insolescat,
sic tamen, vt seruire sufficiat, quia ad seruiendum spi-
ritui datum est; nec sic habendum est, tamquam propter
illud viuamus, sed tamquam sine quo viuere non pos-
simus.

Iterum S.
Bonau. de
mortifica-
tione.

Idem S. Bonau. ex Seneca ait. *Vetas me Cælo in-
teresse, idest iubes me viuere capite demisso.* Maior sum, &
ad maiora genitus, quàm vt mancipium mei corporis, quod
quidem non aliter aspicio, quàm vt vinculum aliquod meæ
libertati circumdatum. Et alibi, *Honestum ciuile est, cui
corpus nimis clarum est; agatur eius diligentissima cura, ita
tamen, vt cum exiger ratio, cum dignitas, cum fides mit-
tendum sit in ignes.* Et alibi, *Hanc sanam, & salubrem
formam vitæ tenere, vt corporis tantum indulgeas, quan-
tum bonæ valetudini satis est; durius etiam tractandum
est, nè animo malè pareat.* Hæc Bonau. de corporis
mortificatione, quæ non dedignatur ex aliis disce-
re, & docere.

Cicero de
mortifica-
tione lo-
quitur.

Et Cicero in Tusculanis ait, *Tota Philosophorum
vita, vt inquit Plato, commentatio mortis est.* Nam quid
aliud agimus, cum à voluptate, idest à corpore, cum à re fa-
miliari, quæ est famula, & ministra corporis; cum à repu-
blica; cum à negotio, reuocamus animum; quid inquam
tunc agimus, nisi animum ad se ipsum aduocamus, & se-
cum esse cogimus? *secernere autem animum a corpore non
quid.*

quidquam aliud est, quàm emori discere. Quare hoc commen-
temur, mihi crede, disiungamusque nos à corporibus; id est
consuescamus mori. Hoc & dum erimus in terris, erit illi ec-
lesti vitæ simile, & cum illuc ex his vinculis emissi fuerimus,
minus tardabitur cursus animorū. Vides ergo, quod Eth-
nici etiam Philosophi putarunt mortificationem ad
perfectionem valde conducere.

Ad particularia descendendo, de quolibet sensu
aliqua ad eorum mortificationem necessaria, di-
cenda sunt.

Sensus Visus periculosissimus est, quia vulgò di-
citur, mors intrat in animam per oculorum fene-
stras. Et Ieremias 3. 5 r. ait, *Oculus meus depredatus est*
animam meam. Vnde S. Hieron. in epist. ad Nepotia-
num inquit, *Nec Sampson fortior, nec Dauid sanctior,*
nec Salomone sapientior esse poteris; memento semper, quod
Paradisi column de possessione sua eiecit mulier. Isti enim
per visum decepti errarunt. Mortificandus est ergo sen-
sus visus per abstinentioniam ab aspectu spectaculorum,
mulierum, & omnium similium etiam licitorum,
que ad appetitum eorum allicere possunt; & libro-
rum factorum lectioni applicetur, & hoc modo mor-
tificabitur.

Sensus Auditus mortificandus est primò per fugam
conuersationum, in quibus fieri solet sermo de-
lasciuus, detractionibus, murmurationibus, aliis-
que inhonestis. Secundo auertendo auditum à ridi-
culis, & scurrilibus colloquiis, à nouellis, cæterisque
curiosis successibus.

Sensus odoratus mortificatur per remotionem illius
ab odoribus, & fragrantis; Nam Chrysost. homil. 4.
de Lazaro ait, *Miles spiritualis non dormit in lecto eburneo,*
non oblitur vnguentis, nam ista cura est meretricijs amori-
bus implicatorum, perditorum, mentisque deprauatæ ho-

Particula-
rium sen-
sum mor-
tificatione-
nes.

Visus peri-
culosissi-
mus.

Auditus
mortifica-
tio.

Odoratus
mortifica-
tio.

minum. Te verò non oportet olere unguentum, sed spirare virtutem: Corporis enim fragrantia arguit intus animam graueolentem.

Gustus
mortifica
tio.

Periculof.
simus est.

Sensus Gustus, quia periculosissimus est, seuerè mortificandus est per eum enim genus humanum in Paradiso naufragatum est, statum innocentiae, & immortalitatem amisit, & miseras omnes animæ, & corporis incurrit. Sic autem mortificandus est primò per subtractionem delicatiorum alimètorum. Secundò, vt communia non sumantur ad satietatem. Tertio vt non ad delectationem, sed ad necessitatem sumantur: nam ex S. August. lib. 10. Confess. cap. 30. alimenta, vt medicamenta sumenda sunt, ad necessitatem scilicet, non ad satietatem. Multa enim mala inducunt, excitant enim delectationes morosas, libidinosas, verba scurrilia, inhonesta, & similia.

Tactus
mortifica
tio.

Sensus Tactus, cum ad omnes sensus, totumque corpus extendatur, ex S. Basilio lib. de Virginibus, est omnium periculosissimus, & ideo totum hominem ad illecebras allicit, vt ex experientia constat, si enim aliquis alterius sexus etiam in parte honesta tangatur, etiam ex bono, aut indifferenti fine, flamma concupiscentiae statim insurgit. Mortificari autem debet per remotionem omnium rerum, quæ perturbare, seu inquietate possunt, & flagellis, ieiunijs, aspera veste, cubatione dura, &c.

In hac corporis mortificatione legimus tot Sanctas, Sanctosque multum exercitatos, & quod caput omnium est, ipsummer Sanctum Sanctorum Christum Dominum, de quo quamuis sanctissimo, innocente, impolluto, & à peccatoribus segregato, ac Dei filio, & Deo, pro nobis tamen ait Petrus epist. 1. 3. mortificatus quidem carne, viuificatus autem spiritu. Et Paulus, exinaniuit semetipsum, formam serui accipiens.

Quis

Quis magis Salvatore mortificatus in victu, vestitu, ieiunio, vigilia, itinere, patientia in persecutione, iniuriis, flagellis, spinis, clavis, cruce, sanguinis effusione, ac morte? cur hoc? quia, inquit Petrus, voluit nobis relinquere exemplum, vt sequamur vestigia eius.

Inter puros homines nullus maior Ioanne Baptista, dixit Saluator: hic in vtero matris sanctificatus, ac confirmatus fuit in gratia; & tamen ab infantia vsq; ad annum fœrè trigessimum in durissima corporis maceratione, veste ex camelorum pilis confecta indutus, & excalceatus, continuò in terra cubans, locustis, & mele siluestri nutriebatur.

Ioannes
Baptista.

De Magdalena S. Greg. homil. 13. in Euang. ait, quot habuit de se oblectamenta, tot de se fecit holocausta; conuertit ad numerum virtutum numerum criminum, vt totum seruaret Deo in penitentia quidquid ex se Deum contempserat in culpa.

Magdale-
na.

De Apostolis omnibus pauca quidem ex historiis habemus; sed credimus illos Christi exemplo, & mandato olim sibi imposito vsos, vt irent sine pera, sine baculo, sine calceis, nec æs in zonis haberent: ex quibus magna insurgit corporum mortificatio. Vnde Paulus ad Timot. 3. ait, habentes alimenta, & quibus tegamur, his contenti sumus. S. Petrus ex Chrysostomo solis lupinis plerumque reficiebatur.

Apostoli.

Eorum exemplo tot Anachoretis, tot Eremitis, tot Monachis extremæ corporis mortificationi dedit tot deserta, tot monasteria, & claustra repleta sunt, vt Dei famulatu in sancta meditatione, & contemplatione assuescerent. Inde Paulus primus Eremita, qui veste ex palmarum folijs formata in nuda carne utebatur. Hinc Antonius, Onufrius, ceterique mortificati Anachoritæ. Hinc Stylitæ Simeon, & Daniel, ita dicti, quia in columnis, idest cacumi-

Eremitæ,
& ceteri
religiosi.

Stylitæ Si-
meon, &
Daniel.

nibus montium, herbis tantum nutriti, totam vitam aeris, niuis, ac ventorum inclementiae expositi duxerunt.

S. Franciscus.

Et ut innumeros omittam, qui in Vitis Patrum legi possunt, Sanctum meum Patrem Franciscum (etsi indignus, & minimè ei conformis filius) non omittam. Is enim, ut ex S. Bonau. in eius vita, à suae conuersationis primordijs tanta disciplina rigiditate carnem crucifigebat cum vitijs, motusque sensuales tam stricta frenabat modestiae lege, ut vix necessaria sumeret sustentationi natura; nam cocta cibaria sanitatis tempore vix admitterebat, & raro: admissa verò, aut commixtione cineris interdum faciebat amara, aut aquei superinfusione liquoris, ut plurimum reddebat insipida; & de aqua frigida, cum sitis gestuabat ardore, vix audebat ad sufficientiam bibere. Nuda humus, & sepius, lectulus erat lassato corpusculo, cernical lapis, vel lignum: vestisque simplex, rugosa, & hispida tegumentum, pro eo quod experientia certa didicerat, hostes malignos duris, & asperis in fugam conuerti, delicatis autem, & mollibus ad tentandum fortius animari. Rigidus in disciplina, & custodia imprestabilis thesauri castitas. Plenum tam carnis videbatur affectus dominium, & foedus cum oculis sic pepegisse videbatur, quod non solum carnalem aspectum protul refugeret, sed & curiosum vanitatis cuiuscumque contritum omnino caueret &c. Deinde de eius humilitate, ac paupertate, & omnibus ferè virtutibus illius, quæ perfectum exteriorem, & interiorem hominem repraesentant, mira dicit eius filius Seraphicus Doctor. Et hæc de carnis mortificatione, & purgatione dixisse sufficiat.

CAP.

C A P. IV.

De interioris hominis purgatione, ac mortificatione.

ADuerto, quòd sicut exterioris hominis nomine intelligitur pars sensitiva, idest corpus secundum omnes sensus; ita interioris hominis nomine intelligitur homo secundum esse cognoscitivum, & appetitivum tam rationale, quàm imaginativum. Videndum nunc est, an utraque pars cognoscitiva, & appetitiva sit purganda, & mortificanda, & in quo consistat hæc purgatio, & mortificatio earum.

Interior
homo
quid sit.

Potentie
internæ
mortifi-
candæ.

Dico I. Homo contemplationi vacans, ut ad perfectionem perveniat, debet etiam internas potentias cognoscitivas, & appetitivas purgare, ac mortificare.

Prob. Exterior tantum mortificatio sine interiori non sufficit: primò, quia hæc esset vera hypocrisis; et de hypocritis dicit Saluator, quòd sunt velut sepulchra dealbata, quæ foris apparent speciosa, intus vero sunt plena ossibus mortuorum, & omni spurcitia. Et alibi, quòd apparent in vestimentis ovium, intrinsecus autem sunt lupi rapaces.

Christi
doctrina.

Secundò ex Sancto Cipriano de duplici martirio sic dicente, Neque enim locus desertus, saccus pro veste, legumen pro cibo, neque ieiunia, neque charumena, idest humi dormitiones monachum absoluunt, sub his enim involueris interdum latet animus valde mundanus.

Ex S. Ci-
priano.

Eusebius Emisenus homil. super verbis, Apostoli, Fratres videte vocationem vestram, ait, Venire ad claustrum, aut eremum summæ perfectionis exordium est: sed non perfectè in eremo vivere summa damnatio est. Quid prodest, si locus claustralis, & quietus teneatur, & inquietitudo in corde.

Eusebius
Emisenus

corde versetur? Quid prodest, si in habitatione silentium sit, & inhabitantibus sit uitiorum tumultus; & passionum colluctatio, si exteriora nostra serenitas tenet, & interiora tempestas?

Intelle-
ctus mor-
tificatio
quæ.

Dico 2. mortificari, & purgari debet intellectus circa multitudinem scientiarum, ac subtilitates earum, & maximè circa doctrinas fidei, & humiliter sentiendum quod Sancti Patres docent, vel Ecclesia proponit.

Prob. 1. ex Ecclesiast. 3. 22. *Altiora te ne quæsieris, & fortiora te ne scrutatus fueris, sed quæ præcepit tibi Deus, illa cogita semper, & in pluribus operibus eius reueris curiosus.* Non est enim tibi necessarium ea, quæ abscondita sunt, videre oculis tuis. In superuacuis rebus noli scrutari multipliciter. Et infra, *Multos enim supplantauit suspicio illorum, & in vanitate detinuit sensus illorum.*

Conf. ex Rom. 12. 3. *Dico per gratiam, quæ data est mihi, omnibus, qui sunt inter vos, Non plus sapere, quàm oportet sapere, sed sapere ad sobrietatem.* Nam Saluator dixit, *Confiteor tibi Pater, quia abscondisti hæc à sapientibus, & prudentibus, & reuelasti ea paruulis.* Scientia enim inflat, & charitas adificat.

Quòd verò Paulus specialiter loquatur de abstinendo à curiositatibus, & subtilitatibus rerum fidei, patet ex textu; subdit enim, *Unicuique sicut Deus diuisit mensuram fidei.* Sufficit enim homini spirituali, & contemplationi vacanti (nisi ex officio, ac dignitate aliter sibi competat) scire, quæ necessaria, & quæ utilia sunt ad salutem, & regulas benè orandi, & contemplandi; & circa res fidei scire, cum simplicitate, ea, quæ proponit Ecclesia, & de subtilioribus curare non debet; quia ex Proverb. 25. *Scrutator maiestatis oprimitur à gloria.* Et ex Concilio Tolet. 14. *Fidei mysteria non sunt indicanda, & disputanda,*

da, sed credenda. Spiritualis ergo, & contemplati-
uus intellectum purgare debet, ac mortificare, non
applicando aliis scientiis, ac doctrinis, nisi ijs, quæ
ad salutem, ac perfectionem, iuxta directoris re-
gulas, conferunt; & subtilitates, quæ in his occur-
runt, non inquirat, sed in simplicitate credat, & ope-
retur, iuxta Apostoli documentum ad Philipp. 3.
qui ubi de scientiæ, & fidei cognitione multa dixit,
concludit, *Quicumque ergo perfecti sumus, hoc sentia-
mus. Et si quid aliter sapitis, & hoc vobis Deus reuelabit.
Verumtamen ad quod peruenimus ut idem sapiamus, & in
eadem permaneamus regula. Interlin. dicit, & sic reue-
labit Deus, quod aliter sapimus; & ut regula dicit, fidei do-
ctrina vna.*

Dico 3. Purgandus, & mortificandus est intelle-
ctus circa agibilia, ne nimis sibi fidat in eis dispo-
nendis, sitque suæ opinionis tenax, sed doctiorum
consilio vtatur, & Deum consulat, & in eo confidat.

Prob. ex Prouerb. 3. *Habe fiduciam in Domino ex toto
corde tuo, & ne innitaris prudentiæ tuæ.* Et infra *Ne sis
sapiens apud te metipsum.* Beda ait, innititur prudentiæ
suæ, qui ea qua sibi agenda, vel dicenda videntur, Patrum
decretis præponit. Sapiens verò apud semetipsum est is, qui
in illis, quæ ex Patrum magisterio potuit recte cognoscere, se
se præ cæteris quasi doctior extollit. Et hoc est quod mo-
net Apostolus Rom. 12. 16. *Nolite esse prudentes apud
vosmetipsos.* Et Ecclesiastici 8. 13. habetur, *Non te
prætereant narratio seniorum, ipsi enim didicerunt à Patribus
suis, ut scias in tempore oportuno dare responsum.*

S. Basil. in reg. breu. cap. 25. dicit. *Sicut in vni-
uersum uti propria libertate, arbitrioque, alienum est à re-
ctaratione; ita maioris partis iudicio non stare, est con-
tumaciæ, & perniciæ periculum incurrere.*

S. Bernardus in serm. de Resurrect. inquit. *lepra*

Y y

pro.

Mortifica-
tio intel-
lectus cir-
ca agibi-
lia.

354 DE DISPOSITIONIBVS REQVIS. &c.
proprii iudicii ed perniciosior est, quo magis occulta, &
quò magis abundat. Hec illorum est; qui zelum Dei
habent, sed non secundum scientiam, sequuntur
errorem suum, obstinati in eo, ita vt nullius velint
consilijs acquiescere.

Hi sunt vnitatis diuisiones, inimici pacis, charitatis
expertes, nouitate tumentes, placentes sibi, & magni
in oculis suis, ignorantes Dei iustitiam, & suam vo-
lentes constituere.

Dico 4. Potentia sensitiua cognoscitiua interna à
contemplatiuo est purganda, seu mortificanda.

Prob. & declaratur. Quidquid sit de sensitiua po-
tentia, an sit multiplex, scilicet sensus communis,
phantasia, imaginatiua, & æstinatiua, quas ego
cum Scoto non distinguo penes substantiam, sed
penes officia, & omnes istas appello sensum commu-
nem, ac phantasiam, & omnes earum species voco
imagines, seu phantasmata: dico sensitiuam, vel si
velis dicere sensitiuas, hasce potentias purgari debe-
re per remotionem, obliuionem, & quando insur-
gunt, per reiectionem imaginum, seu phantasma-
tum earum rerum, quæ alliciunt ad concupiscentiam
vel vanitatem, vel curiositatem, vel distrahere, &
alienare possunt a contemplatione, vel meditatio-
ne. Istæ enim species sunt quæ in absentia rerum
turbant, & alliciunt intellectum ad earum applica-
tionem, & voluntatem ad affectum, & sine illis
nunquam posset intellectus recordari sensibilium,
quæ alias cognouit, nec voluntas in ea inclinari,
eque diligere.

Dico 5. Pars affectiua rationalis, idest voluntas
purgari, & mortificari debet à contemplatiuo.

Prob. & declaratur. Voluntas humana, quia ob
originale peccatum sauciata, concupiscentiam in-
cli-

clinantem habet annexam, ad sui amorem, & excellentiam primo inclinata est, & sibi magna cupit, quæ Deo non placent, vnde Augustinus dixit. *Duo amores fecerunt sibi duas ciuitates; Amor Dei vsque ad contemptum sui, ciuitatem fecit Dei. Amor sui vsque ad contemptum Dei, ciuitatem Diaboli.* Hic amor purgandus est, non solum cum illicitus est, vt dicit Saluator. *Qui amat animam suam plusquam me, non est me dignus;* sed etiam circa licita, vt qui amat scientias plures, vel in summo perfectas, vel alios habitus siue naturales, siue supernaturales, non tamē ad salutem simpliciter necessarios, vel magnas illuminationes, vel reuelationes, vel virtutem miraculorum, & cætera eiusmodi Spiritus Sancti dona Purgari igitur circa hæc debet voluntas, subiiciens se in omnibus voluntati Diuinæ, nec plura, aut maiora dona quærere, quam ea quæ placent Deo. Huius desiderij exemplum suis seruis reliquit Christus dicens, *Quæ placita sunt Patri, hæc facio semper.* Et in Horto petens, vt transiret à se calix ille passionis, in qua ex nequitia Iudæorum intercedere debebant multæ Dei offensæ, & multorum damnationes, nihilominus subdit, *Non mea, sed tua voluntas fiat.* Sic ergo spiritualis, & contemplationis homo, amorem sui, & suorum cognatorum, & omnium sic debet moderari, vt non solum supra Christum, idest cum offensa Dei eos non diligat, sed neque multum esto sine Dei offensa; sed conformet se Dei voluntati, vt velit, quæ Deo placent, & sic pro eis obtinendis oret.

Dico 6. Potentia interna sensitiua affectiua purganda, & mortificanda est à contemplatiuo, nedum circa illicita, sed etiam circa licita, ne excedat.

Prob. & declaratur. Potentia affectiua interior,

Yy 2 cor.

Voluntas
per origi-
nale lau-
ciata.

Circa quæ
mortifica-
da volun-
tas.

Quomo-
do dilige-
re, debet
se, & suos

Sensitiua
affectiua
mortifi-
canda est.

correspondet imaginatiuæ, seu phantasiæ, ac sensui communi, sicut voluntas intellectui. Et ipsa est, quæ in omnia sensibilia per omnes sensus externos percepta tendit, siue sint honesta, siue inhonesta, & ad ea modo brutali inclinatur, & nisi à recta ratione ex alicuius virtutis regula dirigatur, trahit voluntatem ad consensum; & hæc est illa sæua, & nobis inimica lex membrorum, de qua loquitur Paulus. Rom. 7. *Video aliam legem in membris meis repugnantem legi mentis meæ, & captiuantem me in lege peccati, quæ est in membris meis.* Fomes siquidem concupiscentiæ, ac irascibilis excitat quidem ad omne appetibile sensibile, sed potentia affectiua vult illud, & nisi frenetur, trahit voluntatem ad consensum. Hæc ergo purganda, seu mortificanda est à contemplatiuo, vt neque circa licita excedat; nam de illicitis est lex communis pro omni homine. Cauere ergo debet ab appetitu honorum, ac dignitatum; & dum ad hæc non petens assumitur, humiliter se gerat, iuxta regulas earum, sincerè, & sine fastu, aut luxu operetur, & ad Dei gloriam, & proximorum commodum continuò se exercent. Sic enim Sancti plures, Doctores, Episcopi, Cardinales, Summi-que Pontifices fecerunt, dignitatem per contemplationem regulantes, & in humilitate se continentes.

Præterea debet contemplatiuus circa alia sensibilia appetitum sensitium purgare, vt circa bona, fortunæ, seu diuitias, aliaque commoda; circa delicias, conuersationes, conuersationes, & alia theatrica oblectamenta, & similia.

Et notandum, quòd, cum Phantasia, seu sensus communis omnium sensibilibus obiectorum species, quæ aliquo sensu aliquando perceptæ fuere, secum

re-

Lex mem-
brorum
inimica
hominum
quæ.

Imaginat-
iuo xia
appetit-
uæ.

retineat, & frequenter ex connexione cum aliqua re de nouo cognita species ille in eadem phantasia reluceant, toties excitatur in potētia appetitiua sensitua motus, seu stimulus appetendi res illas in speciebus phantasticis, seu imaginarijs relucētes. Et sic adest frequens periculum illas appetendi, & trahendi voluntatem, (sine qua nec venialiter peccari potest, aut deliberatē operari) vt ad earum appetitum consentiat.

Modus autem purgandi, aut mortificandi eiusmodi potentias, est diuersio ad aliquod opus bonum, puta ad orationem, saltem iaculatoriam; vel ad meditationem alicuius mysterij fidei, præsertim vitæ, aut passionis Christi, vel ad lectionem alicuius sacri, aut spiritualis libri.

Et hæc breuiter dixisse sufficiat de actiua purgatione exterioris, & interioris hominis.

C A P. V.

De Purgatione, seu mortificatione passiuæ partis sensitivæ.

AD quod directores, & Doctores vitæ spiritualis duplicem purgationem faciendam asserunt, tam in parte sensitua, quam intellectiua; vnā dicunt actiuam, estque illa, de qua hucusque locuti sumus; & dicitur talis, quia propria actione homo eam exercet in corpore, vel anima sua; & aliam passiuam, quam homo nec facit, nec quærit, sed eam patitur tantum, vel à Deo immediate immisam, vel permissam per creaturas in homine, v.g. per morbos, per iacturam bonorum, tamæ, amicorum, & cognatorum, vel per tentationes carnis, aliasue corporales

Modus mortificandi appetitiuam.

Actiua, & passiuæ purgatio in omni potentia hominis.

Quænam sint.

Incipien-
tes solent
initio mul-
tas conso-
lationes
habere.

rales, aut spirituales; ideò de duplici passiva purgatio-
ne agemus, scilicet sensibili, seu partis sensitivæ, &
spirituali, seu partis rationalis.

Adu. 3. ex peritis in arte, quòd contemplatiui in-
cipientes, initio solent multas consolationes expe-
riri, nullamque molestiam sentire, ita vt eis videat-
ur iam peruenisse ad terminum in quem tendebant:
sed progressu temporis, multa experiuntur sensibi-
lia incommoda, quæ hic afferemus; vt sciant, quòd
non sunt à Deo derelicti, neque quòd sua exercitia
Deo displiceant, vt plerumque suspicantur: sed
sciant, quòd per ea incommoda passivè purgantur,
vt humilientur, & non superbiant de præhabitis con-
solationibus, & in patientia, humilitate, oratione,
ac recursum ad Deum exerceantur.

Passiva
purgatio
multiplex

Dico ergo. Contemplatiui, siue incipientes, siue
proficientes, & sæpè etiam perfecti, multis modis
passivè purgari possunt, vt humilientur.

Deus pro-
bat suos
seruos.

Prob. ex peritorum dictis. Contemplationi va-
cantes interdum prolixis laborant morbis, interdum
amissione totali salutis, cæcitate, surditate, & simi-
libus morbis, quibus Deus probat, seu, vt dicit Sacra
Scriptura, tentat suos seruos, vt dicitur de Abrahamo
Gen. 22. 3. *Tentauit Deus Abraham.* Et Psalm. 25. *Proba
me Domine, & tenta me.* Et 1. Cor. 10. 13. dicit Paulus,
*Non permittet vos tentari supra id, quòd potestis, sed faciet
cum tentatione prouentum.* Quia in his incommodis
exercetur patientia iusti, & purgatur à concupiscen-
tia, ac libera inclinatione ad obiecta ijs incommo-
dis opposita, & remanet humiliatus, immò turbatus
cuncta mala patitur, sentit se angustiatum, & affli-
ctum, sæpè examinat conscientiam, & nihil graue
inueniens, gemit, & suspicatur se à Deo derelictum;
verum ita non est, sed Deus illum probat.

2. Pur-

2. Purgatio passiva, presertim incipientium, fit per crebras carnis tentationes, quæ in eis fortes, & vehementes sunt; & cum terribilibus veneris imaginationibus à quibus die, noctuq; horribiliter concutuntur, & in frigore intensissimo existentes, se exæstulare experiuntur; quam tentationem ipsemet Paulus Vas electionis expertus est 2. Cor. 12. *Datus est mihi stimulus carnis meæ Angelus Satana, qui me colaphizet; & assignat rationem, Ne magnitudo revelationum extollat me.* Eandem passi sunt fere omnes Sancti orationi vacantes.

Et quod intolerabilius eis videtur, est, quia in æstu illo magnis cruciantur scrupulis, an ijs carnis illecebris aliquem præbeant consensum, nec ne; & sic multiplici torquentur angustia.

Aliis præterea modis pars sensitiua passiuè purgatur, nempe demonum persecutione; modò enim horribilioribus figuris homini spiritali apparent, ut deterreant; modò eos trahunt huc, atque illuc; modò eos flagellant; modò iniuriis afficiunt, modò derident, modò clamoribus maximis terrorem, ac stuporem incutiunt, modò alijs vijs exasperant, ut in vitis Patrum legi potest: Et adeò vehemens, ac periculosa est hæc purgatio, ut plures incipientes ab incæpto deficiant, putantes se in suorum defectuum penam à Deo esse derelictos.

Solent etiam purgari persecutionibus malorum hominum, & aliquando etiam bonorum, qui bona quidem intentione, licet malè informati, iustos persequantur, eosque mortificant. De malis non est mirandum, quia dicit David. psal. 36. *Considerat peccato iustum, & querit mortificare eum.* At quòd boni eos persequantur, hoc eis videtur durum, & intolerabile; ideo David psal. 54. ait, *Si inimicus meus maledixisset mihi*

Per tentationes validas fit passiva purgatio.

Pauli exemplum.

Persecutione demonum etiam fit passiva purgatio.

Purgatio passiva etiam per persecutionem hominum bonorum.

360 DE DISPOSITIONIBVS REQVIS. &c.

Hæc David
purgatio.

mibi, sustinuissem utique; & si is, qui oderat me, magna locutus fuisset super me, abscondissem me forsitan ab eo: Tu verò homo vnanimis, dux meus, & notus meus, qui simul mecum dulces capiebas cibos, &c. Conquæritur de amicis, dum & ab ipso filio Absalone mortalem persecutionem cum seuo bello passus est.

Hæc Iob.

Hæc fuit maxima in Iob purgatio, cum federet in sterquilinio per septem annos testa saniem radens, & post filiorum, bonorumque omnium amissionem, nedum amici, sed & propria vxor ei exprobrabat, & malè, & quòd esset à Deo derelictus, vnde dicebat, Benedic Deo (idest maledic) & morere.

Purgatio
per amissionem bonorum, filiorum, &c.

Solent insuper iusti purgari, & mortificari amissione bonorum temporalium, cognatorum, filiorum, & vxorum, morte illorum, vel ablatione. Exemplum magnum est casus eiusdem Iob, qui bona fortunæ, filios, ac filias, & sanitatem, Deo sic permittente, amisit. Abrahamo Dei amico his erepta fuit Vxor à Pharaone, & Abimelech Rege Geraræ. Isaac Deo carus, cœcitate percussus, multos annos vixit, & sic interiit. Iacob Ioseph filio (nesciens quomodo) orbatus, per viginti tres annos eum fleuit: Et sic de aliis Dei amicis, qui à Deo his, aliisue modis mortificati, & purgati sūt, vt ex sacro textu, & ex vitis Patrum notum est.

Purgatio
per superiores Ecclesiasticos

Aliqui iusti à Superioribus etiam Ecclesiasticis, & supremis malè informati, (Deo permittente) purgantur, & mortificantur; de quibus, maximè inter regulares, longam possem texere historiam. Sint pro exemplo Sanctus Pater Franciscus, quem Frater Helias Vicarius Generalis Ordinis sic vilipendebat, vt quadam vice coram multis fratribus dixerit, ipsum Sanctum Patrem fore ruinam Ordinis; & Sanctus Antonius, qui ab eodem Fratre Helia maximam passus fuit persecutionem.

Quam-

Quamuis autem his, aliisque modis Serui Dei spirituales, vel contemplatiui, Deo volente, vel permittente, passiuè purgentur, vt perficiantur, & ad Dei vnionem perueniant; ne tamen in eiusmodi duris, & valdè sensibilibus calamitatibus obruti deficiant, aliqua sunt eis proponenda consolationis, & subleuationis remedia, vt confortati resistant, & faciant, vt dicit Apostolus *cum tentatione prouentum*. Hec autem esse possunt remedia.

Cōsolatio
istorum.
quòd à
Deo non
deseran-
tur.

Primò, recordentur, quòd ex *Prouerb. 27.* sicut in fornace probatur aurum, ita insi in tribulatione, & ideo Sap. 3. 5. de iustis dicitur, *In paucis vexati, in multis benè disponentur, quia Deus tentauit eos, & inuenit illos dignos se; tamquam aurum in fornace probauit illos, & in tempore erit respectus illorum; & fulgebunt iusti, & tamquam scintilla in arundineto discurrent, &c.*

Remedia
pro his
mortifica-
tis.

2. Recordentur de promissione Dei, qui verax & fidelis est, & in psal. 90. dicitur, *Clamabit ad me, & ego exaudiam eum, cū ipso sum in tribulatione, eripiam eum, & glorificabo eum, longitudine dierum adimplebo eum, & ostendam illi salutare meum.*

3. In memoriam reuocent quæ docuit Paulus Rom. 8. 28. *Scimus autem quoniam diligentibus Deum omnia cooperantur in bonum ijs, qui secundum propositum vocati sunt sancti.* Et ideo omnia illa sensibilia mala in bonum spirituale cooperantur.

4. Reflectant ad Sanctos, nedum Martyres, sed & Confessores vtriusque Testamenti, ad Abraham, Isaac, Iacob, Ioseph, Populum totum Hæbraicum in Aegypto, & in Deserto per annos 40. ad Dauid, ad Prophetas, & tandem ad clausulam, vt dicit Tertull. Vet. Test. Ioannem Baptistam; qui omnes sæuas persecutiones passi sunt, & aliqui vsq; ad sanguinis effusionem. Reflectant ad Dominum suum Iesum Chri.

Memoria
Sanctorū.

Et Christi
Domini.

Z z stum

stum à 40. natiuitatis die persecutionem Herodis pati incipientem, & deinde toto prædicationis triennio modò iniuriis, modò insidijs, modò periculo lapidationis, & tandem iniusta, dura, ac sæua, & ignominiosa totius passionis catastrophe tribulatum.

Consilia
pro his.

5. Recurrant ad directores, & spirituales magistros, quorum consilijs vtantur; ab his enim discent, quòd Deus hæc incommoda in eis permittit, non in poenam, aut odium ipsorum, sed in probationem patientie, & humilitatis, & vt ad perfectam cum eo vnionem disponantur. Item, vt à dæmonum illusionibus liberentur: isti enim solent quasdam sensibiles consolationes in eis excitare: Item, quòd Deus ea permittit in agnitionem propriæ miserie.

Alia remedia.

6. Recurrant ad orationes iaculatorias, de quibus dictum est in proprio loco: commendent se cum affectu Deo, Beatæ Mariæ Virgini, suo Angelo Custodi, Sanctis suis Patronis; legant libros Sacros, vel Sanctorum vitas ad diuertendum se; nam in *psal. 49.* habetur, *innoca me in die tribulationis, eruam te, &c.*

Fi dei a
ctus ma-
gnum re-
medium.

7. In qualibet ex his tentationibus, tam sensitiuis, quam intellectiuis, recurratur ad actus fidei, sicut docet Petrus, *resistite fortes in fide.* Et Paulus Ephes. *6. scutum sumentes fidei.* Ioannes in Epist. *1. c. 5. Hæc est Victoria, quæ vincit Mundum, fides nostra.* Et Prouerb. *30. Omnis sermo Doi clypeus est omnibus sperantibus in eum.*

Fiducia in
Deum.

8. Habeant fiduciam in Deum, cum consideratione, quòd omnes serui suas patiuntur mortificationes, siue sensitiuas, siue intellectiuas; & quòd Deus tempore opportuno eos subleuat, & consolatur, sicut ait Paulus *1. Cor. 1. Benedictus Deus, qui consolatur nos in omni tribulatione nostra.*

Fuga occa-
sionum

9. Fugant occasiones, quæ inducunt tentationes Vnde S. Bonau. detestatur, quòd Patres spirituales cum

cum foeminis loquentes de rebus spiritualibus, miscent colloquia de affectu etiam honesto inter se, quia discursus isti prouocant tentationes, & cogitationes inhonestas.

Alia remedia ad resistendum, & superandum praefatas sensitiuas tribulationes, habes in sequenti Capite de Purgatione partis intellectiuae, & de remediis pro ea.

CAP VI.

De Passiua purgatione, seu mortificatione partis intellectiuae.

ADu. quodd nomine partis intellectiuae intelligimus partem rationalem. Et quia in hac etiam parte accidere possunt, Deo volente, & efficiente immediatē, vel permittente, multa incommoda, quae turbant, & multum affligunt hominem, per eam dicitur homo mortificari, seu purgari: non enim à se sibi ea causat, aut agit, sed ab alio agente patitur, ideò dicitur passiuā purgatio.

Dico 1. Multis modis accidere potest purgatio passiuā intellectualis.

Prob. Primum purgationis huius genus est priuatio illuminationum, ac inspirationum diuinarum, & deuotionis consuetae, quae quidem magis affligunt, quam sensitiua mala supradicta; nam affligunt spiritum, causant tenebras, ac mortem in mente; & trahunt voluntatem ad alienationem ab exercitio, & desperationem, eo quod non possit eleuari ad meditando, vel contemplanda celestia; & in tenebris uiuitur, quae quidem grauissimē affligunt.

2. Purgatio haec intellectualis fit per tentatio

Z z 2 nes

Pars rationalis passiuā purganda.

Multis modis fit.

Priuatio illuminationum.

2. Per tentationes contra fidem.

364 DE DISPOSITIO NIBVS REQVIS. &c.

nes contra fidem; quia occurrunt quædam subtiles speculationes circa objecta fidei puta circa Trinitatem Personarum cum vnitatem Essentiæ, Incarnationem, Eucharistiam, &c. in quibus intellectus inuoluitur, & implicatur; & sibi vacillare videtur, & manet implexus,

Tentatio
reprobationis.

3. Purgatio fit per grauissimas tentationes reprobationis, & desperationis; & quod vita, & opera eius Deo non placeant, & eò usque nihil profecerit, & sic turbatus, & afflictus, nulli pio exercitio potest applicare.

Per scrupul.

4. Fit per magnam, variamque scrupulorum multitudinem, ut nullum pene opus possit efficere, in quo non urgeatur aliquo scrupulo, quod ex circumstantia aliqua malum puret, quod facit.

5. Per timorem derelictionis Diuinæ, ob scelera, quæ fortè ipse nescit; & putat, quod consolationes, quas de præterito habuit, fuerint illusiones dæmonis; ex quo inconsolabiliter affligitur.

Per tentationem
blasphemandi.

6. Per tentationes, ac blasphemias contra Trinitatem, Iesum Christum, Beatam Virginem, Angelos, & Sanctos, & continuò timet, an eas protulerit, vel internum assensum præbuerit; & dum his ambagibus torquetur, nullum actum pietatis circa eos aude exercere.

Ex S. Bon.
aliæ sex
purgationis
passiue
species.

Per alias tentationum species purgatur anima contemplatiui, quas S. Bonau. in *progressu* 4. religionis reducit ad sex, quarum aliquas retulimus; sunt autem istæ per ordinem. Prima est *substractio*, & *inopia deuotionis*, quæ est refugium in omni tribulatione, & ideo ex eius subtractione contemplatiuius redditur inermis ad omne opus. Secunda est *difficultas ad bene operandum*, sicut qui vult saxum magnum mouere, & non potest; & isti affliguntur, tam ex remorsu conscientie.

Deuotionis
carentia.

scientiæ, quàm ex dolore tardi, & ferè nullius profectus, & ex desiderio vitæ sanctioris. Tertia est *fastidium*, quod experiuntur in omni bono exercitio, tædet enim eos orare, legere, meditari, loqui, vel audire verba spiritus, etiam si cum paruo labore hæc essent facienda, & diffidunt posse ad maiora procedere. Quarta ex præcedenti sequens est *tentatio impatientiæ contra Deum*, quod tam durus, & immisericors sit cum tribulato; quare tam parcus in dando gratiam egeno tam anxie petenti, & tam importunè pulsanti. Quinta magis periculosa est, quando ex longo tempore subtractionis gratiæ, & inter anxia desideria recuperandæ gratiæ solitæ deuotionis homo quasi lassus remittit animum ab intentione querendi, & sub colore patientiæ, desinit vterius querere auxilia; & cum indignante humilitate cogitat, se fore indignum tali gratia, & quod Deus illum ordinauerit ad alia opera exteriora, & sic desinit ab interioribus. Sexta tentatio, dicit S. Bon. plures includit, & est, *hesitatio in Fide Catholica*, vel *desperatio de Dei misericordia*. Spiritus blasphemæ in Deum, & Sanctos, iniiciendi contra se manus, ac perimendi; & perplexitas quarulosa conscientie medicinale consilium contra hæc mala non admittendi.

Sed in cap. 7. vbi legitur sexta præfata tentatio, dicit S. Bonau. quod sunt aliæ plurimæ tentationum species, quas referre longum esset; & sicut plurimi sunt corporis morbi, sic & animæ. In capite tandem 9. dicit dari generalissimam, qua omnes in hoc mari magno quassamur, & hanc posse ad omnem conflictum vitiorum referri; & ita quot passiones, & quot dantur vitia, tot dantur tentationes; & propterea dicitur generalissima, idest genus super premium omnium, quibus omnis homo agitari potest.

Remedia contra has tentationes hæc assignat S. Bon.

Difficultas
benè operandi.

Fastidium
in oratione.

Impatientia in Deo.

Hæsitatio
in fide, &
desperatio.

Plurimæ
tentationes,
sicuti
plurimi
corporis
morbi, sic
animæ.

Contra tē
tationes
remedia
ex S. Bon.

Ex S. Ber-
nardo re-
media.

Alia reme-
dia contra
tentatio-
nes.

Tentati
Christi cō-
sideratio.

raphicus Doctor. Primum, vt qui eas patiuntur, con-
solentur, quod eis magis proficient ad meritum,
quàm ad detrimentum. 2. quod patienter tolerant, si-
cut si Satanas aliquem visibiliter, aut sensibiliter tri-
bularer. 3. de illis non curent, nec ratiocinando eis
resistant; quia ex hoc quasi confirmatæ magis inflam-
marētur, sed ad alia tractāda se conuertant, per quæ
earum passionum obliuiscantur. 4. per orationes pro-
prias, & aliorum bonorum hominum misericordiæ
diuinæ remedium implorent: hæc S. Bon. Et nos alia
similia remedia in præcedenti capite adduximus.

S. Sernardus fer. 15. in psal. *Qui habitat*, super illud,
cum ipso sum in tribulatione, ait, *Omne gaudium exstime-*
mus, cum in tentationes varias inciderimus fratres mei. Non
modò, quia per multas tribulationes oportet nos intrare in re-
gnum Dei: sed quia iuxta est Dominus his, qui tribulati sunt
corde, & humiles spiritu saluabit, ex psal. 7. & multæ tribu-
lationes iustorum, & de his omnibus liberabit eos Dominus,
& si ambulauero in medio umbræ mortis, non timebo mala,
quoniam tu mecum es.

Præterea spiritualis, & contemplatiuus consola-
tionem in his tentationibus inueniet, si consideret
Saluatoris documenta, *Qui vult venire post me, abneget*
semetipsum, tollat crucem suam, & sequatur me: Et quod
hæc oportuit pati Christum, & ita intrare in gloriam suam:
Et quod Apostolus ait de Christo Hebr. 2. 18 & cap.
4. 13. *Christum tentatum, & passum per omnia.* Ab initio
enim vitæ vsque ad finem, tentatum eum legimus
persecutionibus, inuidia, iniuriis, flagellis, spinis,
clauis, crudeli passione; item ter à diabolo formiter
tentatum credimus; in deserto ad probandum si fi-
lius Dei erat per conuersionem lapidum in panes: cre-
dimus, quod tentari se permisit per asportationem
à deserto opera diaboli ad pinnaculum, supremam
tem-

templi partem, ibique tentari iterum, an esset Dei filius, per saltum è pinnaculo ad terram sine læsione; & tertio à pinnaculo tēpli permisit se asportari ab eodem diabolo per plura miliaria ad montem excelsum, ibique tentari ad adorandum flexis genibus ipsum diabolum sub promissione temporalium rerum; & tandem in crucē à Iudæis, dicentibus, *Si Rex Israel es, descendat modò de cruce, & credimus ei*; & ab iniquo latrone Gestas dicente, *si filius Dei es, salua te metipsum, & nos, descende de cruce*.

Multoties
tentatus
Christus.

Et ad imitationem Christi sit contentus illas perpetitationes, quę illi proderunt ad præmium. Et eò magis consoletur, quia Paulus Heb. 2. 18. dicit, *In eo enim, in quo passus est ipse, & tentatus, potens est & eis, qui tentantur, auxiliari*. Et in c. 4. 13. dicit, *Christum pro nobis tentatam per omnia*; & subdit, *Adeamus ergo cum fiducia ad thronum gratiæ, ut misericordiam consequamur, & gratiam inueniamus in auxilio oportuna*.

Cogitet ergo contemplatiuus, vel meditatiuus in tentationum tempore, congruum sibi esse, quòd eas patiatur, ut sui magistri Iesu discipulus sit, & imitator in tribulationibus illis, ut possit deinde particeps fieri consolationum, gratiæ, & gloriæ illius. Nam ait Apostolus 2. Cor. 1. 7. *Scientes, quòd sicut socij passionum estis, sic eritis & consolationis*. E contra autem dicit Thomas de Kempis, l. 2. de imit. Christi c. 12. *Iesu habet nunc multos amatores gloriæ cælestis; sed paucos baiulatores crucis; habet multos desideratores consolationis, sed paucos tribulationis; plures inuenit socios mensæ, sed paucos abstinentiæ; omnes cupiunt cum eo gaudere, pauci volunt cum eo, aut pro eo aliquid sustinere: multi Iesum sequuntur vsq; ad fractionem panis, pauci vsque ad bibendum calicem passionis; & alia plura*. Hæc in corde teneat contemplatiuus, & consolabitur.

Ad Christi
exemplum
dantur
tentationes.

CAP.

CAP. VII.

De Purgatione passiva partis Intellectivæ per ariditatem.

Ratio cur
speciali-
ter de hac
re agitur.

Aduerto 1. quod de hac purgatione placuit mihi speciale caput instituere, quia maximè cruciat spirituales, seu contemplatiuos, ac meditatiuos: licet aliqua de ea dixerim de meditatione loquens, & aliqua pariter in cap. 4. huius tractatus de Purgatione. Hic ergo ex professo dicam, in quo consistat, & quâ ob causam Deus spiritualibus ariditatem istam immittit.

Ariditas
quid sit.

Triplex,
naturalis,
moralis,
& mysti-
ca.

Carentia
illumina-
tionum.

Aduerto 2. quod *ariditas* pænes grammaticos, ac philosophos idem est, ac siccitas, quæ humiditati opponitur, iuxta Ouidii dictum, *frigida pugnabant calidis, humentia siccis*, & significat corpus, seu materiale ali-quod carens humore, siue per naturam, vt lapides, ferrum, aurum, &c. siue per accidens, quia ablati, est ab eo humor, quo pollebat, vel pollere poterat, & ei non infunditur. Tamen metaphoricè *ariditas* moraliter accepta tribuitur hominibus parcis, & parum benignis, carentibus liberalitate, vel facundia, vel abundantia factorum, aut dictorum. Vnde Plautus de *Rud.* in contumeliam cuiusdam eius farinae, dicit, *seruas gloriam ariditatis*. At mystici Theologi cum analogia, & metaphora ad vtrumque, vocant *ariditatem* deficietiam diuinarum illuminationum, inspirationum, vel consolationum, quas solet Deus conferre spiritualibus personis, contemplatiuis, vel meditatiuis. Vnde Num. 11. 6. dicitur, *Anima nostra arida est*. Et Isaie cap. 11. vbi prædicatur Aduentus Messiae cum abundantia gratiarum, habetur, *Repleta est terra scientia*

Do-

Domini, sicut aquæ maris operientes. Et in cap. 35. vbi prædicuntur omnia bona, quæ mundo essent euentura per Messiam, dicitur, *Scissæ sunt in deserto aquæ, & torrentes in solitudine. Et quæ erat arida, erit in stagnum, & sitiens in fontes aquarum.* Hac ergo similitudine vtuntur Mystici omnes, cum loquuntur de anima carente diuinis illuminationibus, quibus antea frui consueuerat; & hanc ariditatem inter purgationis passiuæ species ponunt, quia reuera maxima mortificatio, & afflictio est, vt patientes testantur. Cur autem Deus id faciat, dicitur ex Sancti Patribus infra.

Densæpè
immitit
ariditatē
in animā
contem-
platui.

Dico ergo. Sæpe Deus ariditatem, idest priuationem consolationis, illuminationis, & deuotionis in animabus seruorum suorum efficit, in magnum illorum bonum, & profectum.

Prob. ex æquiualentibus Sancti Bonau. verbis totam hanc thesim docentis in processu septimo Religionis cap. 21. Fit etiam plerumque studiosis deuotionis, vt dum magis conantur habere deuotionis gratiam, minus habeant; & cum vehementius instant, aridiores; & duriores corde fiunt. Et aliqua dat exempla: & infra ait, quare Deus tunc subtrahit bonis, & studiosis deuotionis gratiam, cum eam libentiùs haberent, & instantius quærunt, possunt rationes super hoc assignari. Prima, humilitatio, quia magis humiliatur homo, & confunditur in se ipso. Secunda, purgatio peccati, quia fortè per alia exercitia minus purgatus est, vel aliqua habet delicta, quæ non recolit. Tertia, vt ex hoc eruditior in gratia fiat, quod a Deo sit, non ab homine, & quod non potest homo pro voluntate sui arbitrij hebere, sed Deus, qui dat ex se, quando vult, infundit, & quando vult, subtrahit, prout sibi placet, & prout accipienti iudicat conuenire. Et si daret semper quando quæreretur, putaretur eam dare secundum merita requirentium, & non secundum gratiæ liberalitatem. Ideò quandoque quærentibus negat ex iustitia, & non quærentibus

S. Bonau.

Alia pur-
gatio vti-
lis.

Quare
Deus de-
negat con-
solatio-
nes.

A a a

quan.

Dux ma-
gnæ tenta-
tiones, hæ-
sitatio, &
elatio.

Exemplū
Apostolo-
rum.

Deus mo-
dò conce-
dit, modò
subtrahit
consola-
tiones, &
quare.

Ariditatis
quarta ra-
tio.

quandoque dat ex gratia. Et addit Seraphicus Doctor, quòd duæ sunt tentationes, in nouis, seu incipientibus, & imperfectis; *hæsitatio* scilicet, & *elatio*. *Hæsitatio*, an à Deo sit illa deuotio, an Dæmonis illusio, vel quòd homo per suos motus illam deuotionem procuret; & sic dum deuotionis gratia subtrahitur, dupliciter tribulatur, & de subtractione, & de hæsitatio-
ne, an sit à Deo: & adducit exemplum de Apostolis, qui post resurrectionem Christi, modò de eo consolabantur, & modò vacillabant; ita accidit deuotis, modò gaudent de consolatione, modò tristantur. Ideò autem Deus modò eis concedit, modò subtrahit, donec pluribus iudiciis experiantur veritatem, & vtilitatem suæ visitationis; præsentē gratia gaudent de consolatione, & securi sunt de veritate, absente ea, vtriusque muneris solatio carent. Quòd verò ad *elationem*, dicit, extolluntur deuoti quadrupliciter: quia aut gloriuntur, se præcedentibus suis studiis, ac laboribus eam gratiam deuotionis, & consolationis meruisse; aut præ cæteris, qui eam non habent, se esse à Deo prædilectos; aut maiorem gratiam eis esse datam, quàm sit in veritate; aut se melius ea scire vti; gratius recipere, ac fructuosius impendere, quàm alii, & minus se negligere quàm alii, qui donum illud receperunt: Ideò, ait S. Bonau. Deus subtrahit gratiam deuotionis, seu consolationis, & insurgit ariditas.

Quarta ratio ariditatis. & subtractionis deuotionis, dicit Seraphicus Doctor, est, quia aliquando studiosius queritur, & ex impetuoso cordis conatu libertas mentis obruitur, dum quasi per violentam extorsionem accelerat affectum deuotionis exprimere. Et si non iuxta desiderium cordis statim potest elicere gratiam quæsitam, contristatur, & amplius ex hoc induratur; & quò impetuosiùs cupit se ad deuotio-

uotionem erigere, minus proficit, & amplius drescit. Sicut qui botros in torculari, vel oliuas prelo subito, & nimis vehementer comprimit, liquor magis turbidus, & insipidus fluit, quàm si paulatim, & moderatius compressisset. Quò enim liberior, eò pinguior est deuotionis effectus; idè alio tempore est homo deuotior, quia tunc spiritus sua libertati relictus, se sponte eleuat in sublime. Violenta namque acceleratio praeuocat spiritum in corpore; morosa autem respiratio cordis refrigeratio est.

Quinta ariditatis ratio, ait S. Bonau. esse potest meritum maioris gratiae, & gloriae; dum desiderium non adimpletum affligendo purgat animam, & patientia desolationis, & humilis sufferentia mæroris, quasi lima, reddit animam clariorem, & magis susceptibilem diuinæ, & amplioris gratiae, & gloriae capacem. Vultus enim, & fulgor claritatis Dei non omnibus semper æqualiter effulget; sed quò purior est anima, & à vitio liberior, magis capax lucis est, & illuminationis desuper effluentis, sicut vitrum clarum, vel metallum benè limatum, & politum radios lucis amplius recipit, & splendidius efficitur. Quia igitur afflictio lima est animæ, quæ rubiginem vitiorum abradit, vel deterso peccato, quod sua obscuritate radios Diuini luminis, & fulgoris, velut obex animæ excluderat, lucem gratiae recipere.

Concludit Seraphicus Doctor Purgat Deus aliquando corda deuotorum per subtractionem illius consolationis, cuius carentia, maxima est eis afflictio, vt sic purgati aptiores fiant abundantioris gratiae percipiendæ in presenti, & gloriae in futuro, etiamsi hanc afflictionem specialis culpæ merito non contraxerint.

Remedia autem contra ariditatem, sunt eadem quæ supra. Poterit insuper illam patiens orationibus iaculatoriis sæpè vtī, Deus in adiutorium meum intende. Deus meus, Deus meus respice in me, quare me dereliquisti!

Aaa 2 sal-

Exemplū
exprimen-
tis vinum
ex vuis.

5. Aridita-
tis ratio.

Meritum
maioris
gratiæ.

S. Bonau.
conclusio
de causis
ariditatis

372 DE DISPOSITIONIBVS REQVIS. &c.

Saluum me fac Deus, quoniam intrauerunt aquæ vsque ad animam meam; infixus sum in limo profundi, & non est substantia.

Remedia
contra ariditatem.

Confiden-
dū in Deo
in aridita-
te.

Recordetur, quòd Saluator in cruce his prorsus verbis exorauit Patrem. Non desperet, sed patienter sustineat, quia Deus non permittet eum tentari supra posse; sed dabit ei auxilium in tempore oportuno, & faciet, vt inquit Apostolus, cum tentatione prouentum. Exinde enim humilis euadet, circumspectus, & attentus in suis operibus; vt ne in minimo quidem Deo displiceat, continuò considerans, quòd Deus non deserit, nisi prius deferatur; ne ex parte sua præbeat Deo occasionem deferendi.

C A P. VIII.

An purgationes istæ solis incipientibus sint necessariae; an etiam proficientibus, & perfectis.

Ratio, cui
Auctor de
hoc specia-
liter agat.

ADuerto, quòd necessarium duxi hoc quæsitum exagitare: quia aliqui ex hoc, quòd à Mysticis pro cursu vitæ spiritualis assignari solēt tres viæ, purgatiua pro incipientibus, illuminatiua pro proficientibus, & vnitua pro perfectis; existimant, quòd omnis purgatio, tam actiua, quam passiuæ; tam sensitiua, quàm intellectiua expleatur, & consumetur in solis Nouitiis, seu incipientibus, vitæ spiritualis, meditatiuæ, vel contemplatiuæ, quasi quod proficientes, ac perfecti sint à tribulationibus illis sensitiuis, & intellectiuis exempti; id ergo videndum breuiter est.

Aduertò 2. quòd, vt supra diximus, plures purgationis actiuæ gradus dantur. Primus omnium est

pec-

peccatorum per Poenitentiae Sacramentum amputatio. 2. est habitualium vitiorum per virtutum contrariarum actus remotio. 3. sensuum ab omnium illicitorum obiectis frænatio. 4. occasionum omnium peccandi fuga. Et sic de alijs sensibilibus purgandis fructibus, à quorum amputatione, & purgatione incipiendum est à cupientibus spirituales vitam ducere; debent enim prius spoliare veterem, idest carnalem hominem, vt induant nouum, idest spirituales, cum non possint simul stare; nam ait Apostolus, *quenam pars lucis ad tenebras?* Et ideo purgatiua Vita dicitur incipientium, quia ab hac purgatione initium habet spiritualis vita, sicut qui Syluam magnis, & paruis arboribus, & arbutis, ac vepribus densam extirpare vult, à grossioribus amputandis incipit, deinde facilius alias eruit. At quoniam semper aliquæ remanent profundæ radices, quæ progressu temporis suos emittunt fructes; ideo est tunc necessaria noua, etsi non ita difficilis, purgatio.

Aduerto 3. idem prorsus dicendum esse de actiua purgatione intellectiua; nam omnes ferè defectus, cogitationes, procliuitates ad malum, etsi mortificatæ, non tamen penitus mortuæ sunt; ideoque in proficientibus etiam, & perfectis interdum repullulant, vt ex factis patebit, ac propterea purgandæ sunt.

Aduerto 4. quòd de purgatione passiuâ, tam sensitiua, quàm intellectiua, cum à Deo efficiente, vel permittente proueniat, iuxta altissimæ sapientiæ, ac prouidentiae suæ consilium, ac propositum, dari nequit certa regula, an scilicet solis incipientibus, an etiam proficientibus, ac perfectis sit necessaria, licet à posteriori possit affirmatiue concludi; quia omnes contemplatiui cuiuscumque gradus perfectionis extiterint, passi sunt aliquod passiuæ purgationis genus, tam

Plures gradus purgationis actiue.

Cur purgatiua vita dicitur incipientium.

Sæper necessaria purgatio.

De purgatione passiuâ cur nequit dari certa regula.

in

in sensitiva, quàm in intellectiva parte; & planè pluries, & aliquando vsque ad desolationem, & serè ad tædium, & desperationem.

Omnibus
necessaria
purgatio
actiua sen-
sitiva.

Dico ergo. Purgatio actiua sensitiva, nedum incipientibus, sed omnibus, & proficientibus, & perfectis, quoties fomes subministrat materiam vitiosam, vel ad vitia inclinantem, necessaria est.

Ratione fo-
mitis non
extincti.

Prob. Transcunt à statu incipientium ad alios superiores, non sunt impeccabiles, aut confirmati in gratia, nec extinguuntur in eis fomes omnis concupiscibilis, aut irascibilis, ergo cum possint peccare, & interdum peccent, indigent purgatione, tam ad impedendum peccatum, quàm ad delendum, si accidat. Antecedens pluribus modis prob. nam Prouerb. 24. 16. *Septies cadet iustus, & resurget.* 1. Cor. 10. 12. *Qui se existimat stare, videat, ne cadat.* Ex Concil. Vienn. vt ex Clem. de Hæret. cap. ad nostrum, *Homo in hac vita non potest tantum proficere, vt euadat impeccabilis.* Ex Concil. Trid. sess. 5. de pecc. Orig. *Concupiscentia in baptizato remanet ad agonem.* Omnis autem homo quantumuis perfectus vsque ad exitum vitæ agonizat; ergo semper plus, aut minus ei subiacer.

S. Bernar-
dus.

S. Bernardus ser. 58. in Cant. loquens de Vitiis ait, *Credite mihi, & putata repullulant, & fugata redeunt, & resincta reaccenduntur, & sopita denuò excitantur.* Parum est semel putasse; sapè putandum est; immò si fieri potest, semper, quia semper quod putari potest, si non dissimulas, inuenies.

Ex facto
Pauli.

Prob. 2. S. Paulus perfectus erat, ac vas electionis, & tamen fatetur, se expositum concupiscentiæ tentationi; & timori lapsus rogabat Dominum, vt illum protegeret: ergo multò magis alij proficientes, vel perfecti subiacent eiusmodi passionum periculis; & ideo indigent purgatione, vel curatiua, vel præuentiua. Antec. prob. primò generaliter, postea specialiter.

liter. Rom. 7. 23. inquit Apostolus, *Videō autem aliam legem in membris meis repugnantem legi mentis meae, & captiuantem me in lege peccati, quae est in membris meis. Infelix ego homo, quis me liberabit de corpore mortis huius? Gratia Dei per Iesum Christum.* 2. specialiter prob. ex specialia facto Pauli. 2. Cor. 12. 7. *Ne magnitudo reuelationum extollat me, datus est mihi stimulus carnis meae Angelus Satanae, qui me colaphizet. Propter quod ter Dominum rogaui, ut auferretur à me. Quidquid sit iste stimulus, omnes tamen dicunt, ad concupiscentiam pertinere. Si ergo Paulus, vas electionis, huic subiacebat passioni, quis se ab ea liberum dicet?*

Vnde Author libri de Spir. & Anima, qui est inter Opera S. August. considerans hanc animae captiuitatem, seu inclinationem ad vitia, in cap. 62. ait, *Audi, o anima, qualis sis, onerata peccati, irretita vitij, capta illecebris, affixa membris, confixa curis, districta negotijs contracta timoribus, afflicta doloribus, erroribus vaga, suspicionibus inquieta, sollicitudinibus anxia, aduena in terra inimicorum, coinquinata cum mortuis, deputata cum ijs, qui in inferno sunt. Semper ergo, & in quouis statu vitae funibus, ac laquies istis homo se conspiciat illaqueatum, ut de lapsu timere debeat. Et Paulus ipse tam perfectus, tam sanctus 1. Cor. 9. 27. de se ait, *Castigo corpus meum, & in seruitutem redigo, ne forte cum alijs praedicauerim, ipse reprobus efficiar. Et tamen de se dicebat, Vivo ego, iam non ego, viuit verò in me Christus. & alibi, Adimpleo ea, quae desunt passionum Christi in carne mea.**

Chrysoft. super hunc locum dicit, *Castigo corpus meum; multum sustineo laborem, ut sobriè vinam; siquidem intractabilis est cupiditas, ventris voracitas; verum tamen eam cobibeo, & non trado me affectibus, sed affectus compri- mo, & ipsam naturam multis sudoribus subijcio; haec autem dico, ut nemo à certando desperet pro virtute, nam laborio- sum est.*

Apertè docet Paulus humanam miseriam fo- mitis per- petui.

Miseriae animae.

Timor Pauli, ne à tentatione vincatur.

Chrysoft.

Hinc

Sāctissimi
Monachi
de hoc ti-
mebāt, ne
caderent.

Hinc sanctissimi illi Monachi, qui in desertis habi-
tabant, etli virtutibus magnis præditi, ac perfecti, tot
ieiunijs, & macerationibus sua corpora affligebant,
vt ea in seruitutem spiritus redigerent, & in officio
continenter, ne rebellarent. Videndi sunt Sanctus
Hieronymus in Vitis SS. Hilarionis; Pauli, & Mal-
chizitem S. Athanasius in vita S. Antonij; Theodoretus
in vita S. Simeonis Stylicæ, qui 80. annis super co-
lumna, idest in cacumine montis, die, noctuque vix
cibum, vix somnum admittens, vitam degit.

S. Franci-
scus conti-
nuò purga-
tioni vaca-
bat.

Et Sanctus Pater Franciscus adeò sanctus, adeò
perfectus, tamen adhuc stimulis concupiscentiæ la-
cessitus, modo in niue, modo inter vepres volutaba-
tur, carnem purgans, vt eam in spiritus redigeret ser-
uitutem. Sanctorum Vitæ sunt legendæ, in quibus
videbitur, eos omnes quantumvis virtutibus multis
præfulgentes, contiūo tamen vsque ad vitæ exitum,
in agone, cum cuiuslibet generis concupiscentiis
certantes, siue carnis, siue honorum, siue bonorum
fortunæ, siue aliarum rerum, vitam sensitivam pur-
gasse.

Purgatio
intellecti-
ua, & af-
fectiua,
omnibus
semper ne-
cessaria.

Dico 2. Purgatio actiua intellectiua, & affectiua
nedum incipientibus, sed etiam proficientibus, ac per-
fectis multoties necessaria est.

Quare in-
tellectiua

Prob. Ex dictis in præced. capitibus 3. & 4. Pur-
gatio actiua intellectiua consistit in remotione defe-
ctuum, & vitiorum, quæ in intellectu insurgunt, v.g.
subtilitates, & curiositates superuacuaæ circa altissi-
ma fidei mysteria; & vt ait Apostolus, *non plus sapere,
quàm oportet. sapere.* Et Ecclesiastici 3. *In superuaca-
neis rebus noli scrutari multipliciter; multos enim supplan-
tauit suspicio illorum, & in vanitate detinuit sensus illo-
rum.* Multis actibus potest intellectus peccare, tam
circa credibilia, quàm circa agibilia, possent enim,
quòd

quoddam ad sit, aliquod fidei obiectum negare, vel de eo dubitare. Et circa agibilia potest opiniones aliquas erroneas tenere, & dictare sic agendum; potest de Dei misericordia, vel iustitia circa se vacillare, & alia facere, quæ dicta sunt in c. 2. 3. & 4. quæ intellectui competunt.

At incipientes, & proficientes in contemplatione, & vita spirituali subiacent periculo lapsus in eiusmodi, immò continuò vrgentur tentationibus circa præfata mala, & peiora intellectualia. Ergo egent purgatione curatiua, vel saltem præseruatiua à casu. Exempla multa habemus de magnis, & doctis viris, qui miserè lapsi sunt: considerentur Salomon, Nicolaus, Origenes, Pelagius; immò & Sanctus Cyprianus, qui ante Martyrium tenebat, baptizatos ab hæreticis esse rebaptizandos, & contendebat cum Stephano Papa docente contrarium; sed acquieuit, & illam externam maculam glorioso martyrio eluit. Quilibet ergo incipiens, vel proficiens, vel etiam perfectus in acquisita contemplatiua timeat, & audiat Apostolum, *Qui putat se stare, videat, ne cadat*. Et iterum dicit, *Vereor, ne cum alijs prædicauero, ipse reprobus efficiar*. Quid dicet simplex homo?

Idem dicendum de parte affectiua rationali, in qua insurgere possunt peccata ei propria, vt in cap. 3. dictum est. Quilibet autem, cuiuscumque perfectionis sit, vsq; ad mortem peccare potest, & saltem actu tentatur ad peccata: ergo quilibet per totam vitam eget purgatione medicinali, vel præseruatiua, vel curatiua.

Dico 3. Purgatio passiuæ cuiusque homini spirituali, siue incipienti, siue proficienti, ac perfecto vtilissima, immò ad maius meritum, necessaria est.

Prob. ex factis. Deus enim per morborum, perfe-

B b b

cu-

Tam incipientes. quam alii subiacent periculo peccandi.

Etiam magni viri.

Etiam affectiua purgatio semper necessaria.

Purgatio passiuæ vtilissima omni hominis statui.

Ex factis.

Abra hæ
purgatio
multiplex

Isaac.

Tobiæ pur
gatio.

Iob. 2.

Ezech'æ
Regis san
cti.

Pauli.

cutionum, & diabolicarum vexationum immiffio
nes, seu tentationes probauit, & exaltauit homines
perfectos, fibique caros: ergo. Antecedens exemplis,
etfi aliàs etiam adductis, probatur. Ex Sacra Scriptu-
ra. Deus pluries tentauit Abraham suum dilectum,
Patrem credentium; primò per amiffionem Vxorìs,
quam abstulerat Pharaò. 2. per amiffionem eiusdem,
quam abstulerat Abimelech Rex Geraræ. 3. cum
præcepit ei Deus *Tolle filium tuum, quem diligis Isaac, &
offer mibi in holocaustum super vnum montium, quem mon-
strauero.* Gen. 22. Isaac Sanctissimus per cæcitatem
multorum annorum, & Tobias Sanctus homo, cæci-
tate à Deo immiffa, purgabantur; & ait ibi Scriptura,
*Hanc autem tentationem ideò Deus fieri permisit, vt posteris
daretur, exemplum patientiæ: Iob. 2.* Sanctum Iob, esto
gentilem, tamen perfectum, in innocentia adhuc
permanentem purgauit Deus tot calamitatibus, bo-
norum fortunæ, ac filiorum amiffione, septennij mor-
bi, ac vlcerationis, & in sterquiliniò permanentiæ
afflictione: vnde in cap. 23. de se ait, *Probauit me quasi
aurum, quod per ignem transit.*

Ezechiam Regem tot meritis perfectum, idolatrię
euerforem, legisque Diuinæ pijsimum cultorem
purgauit Deus timore, ac terrore Sennacherib Re-
gis Assyriorum, qui cum 185. millibus militibus ob-
sidebat Ierusalem, & per singulos dies, immò & ho-
ras, per nuncios minis, & ludibrijs eum deterrebat.

Apostolus Paulus 2. Cor. 1. 8. ait, *Non enim volu-
mus ignorare vos fratres de tribulatione nostra, quæ facta est
in Asia, quoniam supra modum grauati sumus supra virtu-
tem, ita vt taderet nos etiam viuere; sed ipsi in nobismetipsis
responsum mortis habuimus, vt non simus fidentes in nobis,
&c. in cap. 7. 5. Cum venissemus Macedoniam, nullam ha-
buit requiem caro nostra, foris pugna, intus timores.*

S. Pe-

S. Petrus in epist. 1. c. 4. ait. Si exprobramini in nomine Christi, beati eritis. Et S. Iacobus in sua epist. cap. 1. inquit, Omne gaudium existimate fratres, cum in varias tentationes incideritis.

Petri, &
Iacobi do-
cumenta.

Enumerat Paulus in Epist. ad Hebr. cap. 11. varias tribulationes quibus Deus purgavit innumeros Veteris Testamenti Sanctos, his verbis, Alij autem distressedi sunt, alij verò ludibria, & verbera experti, insuper & vincula, & carcere, lapidati sunt, secti sunt, tentati sunt, in occasione gladij mortui sunt; circuierunt in pelotis in pellibus caprinis, egentes, angustiati, afflicti, quibus dignus non erat Mundus, in solitudinibus errantes, in montibus, in speluncis, & in cauernis, terræ &c.

Plurimum
Sanctorum
passiuapur-
gatio.

At si vixisset Apostolus usque ad tempora Constantini, & vidisset totam Neronianam persecutionem, deinde alias Domitiani, Traiani, Antonini, Veri, Seueri, Maximini, Decii, Aureliani, Diocletiani, Maximiani, Maxentij, Licinij, &c. qui crudelibus, & inexcogitatis tormentis tot Christianorum miriades persecuti, eos necarunt, pleniori stylo clamasset cum Salomone Sap. 3. 6. Hi omnes in paucis vexati, in multis benè dispositi sunt, quoniam Deus tentauit eos, & inuenit illos dignos se. Tamquam aurum in fornace probauit illos, & quasi holocausti hostiam accepit illos, & in tempore erit respectus eorum. Fulgebunt iusti, & tamquam scintillæ in arundineto discurrent, iudicabunt nationes, & dominabuntur populis; &c.

Ex perfec-
tione.
Christi-
norū ex-
pla-

Hic ergo est passiuæ purgationis iustorum fructus, gratiæ augmentum, fortitudo ad sufferendum, unio cum Deo, & æternæ gloriæ consecutio.

Fructus
passi & pur-
gationis.

Non ergo spirituales, & contemplatiui horreant eiusmodi passiuas purgationes, ac tentationes extrinsecas Deo volente, aut permittente, siue in corpore, siue in anima ammissas; neque ex hoc putent se

Cōsiliū
optimum

380 DE DISPOSITIONIBVS REQUIS. &c.
à Deo derelictos, aut minimè amari, vel odio haberi,
sed cogitent, Sanctos omnes Veteris, & Noui Testa-
menti his modis fuisse à Deo purgatos ad gratiæ, &
gloriæ ipsorum augmentum. Quo verò ad quascum-
que Dæmonis tentationes, recordentur, & seriò re-
cogitent quod dicit S Hieron. *in epist. ad Galat. Si Sal-
uator noster tentatus est; qui potest esse securus, intentatum se
huius vite maria transire?* Recogitet quod dicit Paulus,
faciet Deus cum tentatione prouentum.

C A P. IX.

*Breuis instructio pro incipientibus, ac proficientibus,
ex præmissis octo capitibus excerpta.*

Admoni-
tio neces-
saria pro
incipienti-
bus.

Aduerto, quòd quamuis contemplatiui perfe-
cti, etiam in acquisita, ad omnium præfatarum
purgationum perfectionem peruenire possint, & in-
terdum perueniant ex peculiari Dei dono, vel sal-
tim ad eam accedant: tamen non est necessarium, vt
omnes qui contemplationi vacare intendunt, debeant
prius ad perfectam illam purgationem peruenire; sed
fufficit, si aliquam purgationem perfectè, vel vt me-
lius possunt, faciant; cæteras verò paulatim, ac sue-
cessiuè in dies faciant, si ad apicem perfectæ contem-
plationis, etiam acquisitæ, cupiunt ascendere. Ideò
pro istorum consolatione aliquas regulas ex iam
prolixè allatis pro incipientibus, ac proficientibus
subnectam.

Prima re-
gula.

Prima regula est, vt *tergant speculum animæ*, ex San-
ctis Bernardo, & Bonau. id est si in peccatis sunt, per
Sacramentalem confessionem animam purgent; &
pro viribus in posterum ab eis abstinere curent. Eu-
charistiæ Sanctissimæ sumptione frequenter se mu-
niant;

niant; Dei præcepta, & Ecclesiæ promptè, ac deuotè obseruent. Dei, & proximi dilectioni sedulo incumbant; Missas cum reuerentia, ac pietate auscultent; Sanctorum, & præsertim Beatæ Virginis, sui Angeli Custodis, ac suorum Protectorum precibus, & obsequiis incumbant.

Multa pia
opera.

Secunda regula est, vt in actibus meditandi se exercean per multum tempus antequam contemplationis viam ingrediantur; hæc enim est communis, & regularis praxis spiritualium, vt docet S. Bernardus de *Scal. Claustral. initio*, & nos in *Opusc. 3. cap. 12.* docuimus; immò ex modo loquendi illius, videtur, quòd contemplatiuæ se applicans, non solum debeat esse in meditationibus versatus, sed quòd in quolibet actu contemplandi, debeat prius actum mediandi facere circa obiectum contemplandum; ait enim, hæc per ordinem se habere, *lectionem, meditationem, orationem, & contemplationem*. Et Sanct. Bonau. in *tract. Paruum Bonum particula 3.* inquit, *per meditationem ascenditur ad contemplationem*. Plura de hoc argumento diximus in citato *Opusc. & capite*. Incipiens ergo, & proficiens debet per multum tempus exerceri in via meditationis; & postea quoties vult obiectum aliquod contemplari, debet illud prius meditari, & circa illud discurrere, vt ad deuotionem, & affectum excitetur; deinde illud contemplari, & hunc modum, ac regulam sequi quousque sic habietur, vt statim ac legit, vel audit, vel cogitat aliquod obiectum contemplabile, excitetur animus ad figendum in eo oculus mentis, illudq; statim intueri, ac amare incipiat, nullo præiudicio discursus, ac meditatione.

2. Regula.

Meditatio
necessaria

Exerci tiu
meditationis
debet
esse diuturnum.

Tertia regula incipientium, & proficientium est, vt se in actiua vita exercean, idest in actibus mi-

3. Regula

se-

382 DE DISPOSITIONIBVS REQVIS. &c.

*In vita a-
ctiua debet
exerceri.*
Ex SS.
Bern. &
Bonau.
382 DE DISPOSITIONIBVS REQVIS. &c.
mericordiae Spiritualis, & corporalis; hæc regula est
S. Bernardi in tract. de modo bene viuendi ser. 53. vbi ait,
Qui prius in actiua vita proficit, ad contemplationem bene
conscendit. Et subdit, Actiua vita in operibus misericor-
diae seruit, dum pauperes pascit, recipit, vestit, visitat,
consolatur, & cætera opera misericordiae facit. Idem do-
cet, & fusiùs, S. Bonau. vt in c. 2. huius opusc. & de vita
actiua in Opusc. 4. dictum fuit, quia in actiua exercen-
tur virtutes morales.

4. Regula
Quarta regula incipientium, & proficientium, est,
honores, & gloriam temporalem huius Mundi non
querere, nec appetere, ita docet S. Bern. in tract. de
modo bene viuendi ser. 53. Quicumque ad temporalem glo-
riam affectat, a contemplatione prohibetur.

*Non qua-
rere mun-
di hono-
res.*
Quinta eorundem regula, eaque plena habetur,
ex S. Bern. de interiori domo cap. 14. est cordis acie
superna, & interna conspicer, Deum diligere, Deo inhære-
re; cuncta, quæ adsunt, tamquam non sint considerat, cunctis
suis affectibus renunciat, & totus soli incumbit Dei amori.

5. Regula
Dei amor.
Porro ad tantam gratiam numquam pertinet mens per pro-
prium industriam: donum Dei est hoc, non hominis meri-
tum. Sed absque dubio talem, ac tantam gratiam ille acci-
pit, qui deserit curam seculi, & agit curam sui; qui studet se
frequenter cogitare, & diligenter cognoscere quid ipse est.
Redi ergo ad cor tuum, & diligenter discute te ipsum. Consi-
dera vnde venis, quo tendis, quomodo viuas, quid agis, quid

*De Deo se-
pè cogita-
re, & ei ad-
hærere.*
amittis, quantum quotidie proficis, vel quantum deficis:
quibus cogitationibus magis inuersaris, quibus affectionibus
frequentius tangaris, vel quibus tentationum aculeis à mali-
gno acrius impugnaris. Cum totum interioris, exteriorisq;
hominis statum, & habitum in quantum possibile est, plenè co-
gnoueris, & non solum qualis sis, sed qualis esse debueras,
de cogitatione poteris subleuari ad contemplationem Dei.
Quantum namque in cognitione proficis, tantum ad

altio.

altiora semper tendis. Sic Bernardus.

Sexta regula est, ut incipientes, & proficientes quotidie studeant, ut spirituales euadant, passionibus, & vitiosas inclinationes, quibus vident se affici superando per moralium virtutum exercitium, quarum victoria nequit statim, aut facile obtineri, ideo die-tim debent huic pugnae incumbere.

At S. Bern. in tract. ultimo suorum operum, in scripto *Octo puncta*, per quae peruenitur ad perfectionem vitae spiri-tualis, distinctè declarat quae sunt; & ego compen-diose ea referam in gratiam spiritualium contem-plantium, & maximè incipientium, & proficientium, quia Sanctus iste per eorum obseruantiam magna promittit, sic dicens: *Hac octo si bene excolueris, omnium virtutum perfectionem, & consummationem per gratiam Dei consequeris.*

Primum punctum, ut purè, & integrè peccata tua saepe confitearis cum magno dolore, & proposito non plus faciendi.

Secundum, ut non frangaris in aduersitate, & tentatio-ne, sed sta in iustitia, ac timore, & prapara animam tuam ad tentationem, & cætera plura, quia, ait, D. Greg. permittit Dominus seruos suos lacerari detractio-nibus, ut in humilitate conseruentur.

Fortitudo
in aduer-
sis.

Tertium, ut non misceas te hominibus interioribus, nec exterioribus in quantum potes bono modo; sed tene te solita-rium sponso tuo Christo; & fuge rumores seculi, & vana col-loquia, &c.

Solitudo,

Quartum, Omni tempore debes puritati cordis studere, & cordis ostia à formis sensibilibus, ac terrenorum imagini-bus, quantum possibile est, habea diligenter serata. Puritas itaque cordis inter omnia exercitia spiritualia est quodammodo finalis intentio, ac laborum omnium retributio, quam in hac vita miles Christi emeritus recipere consuevit. Et post

Puritas
cordis.

mul.

Animum
sursum ha-
bere .

Paucissimi
ad perfe-
ctionem
perueniunt
& quare.

5. Amor
carnalis a-
micorum,
& cognato-
rum de-
serendus.

6. Feruor
in oratio-
nibus .

multa , super omnia autem alia tibi semper sit principalis conatus , ut animum semper sursum in contemplatione diuinorum eleuatum habeas , ne diuinis rebus , ac Deo mens iugiter transferatur . Quidquid autem ab his diuersum est , quamuis magna videantur , sicut corporis castigatio , ieiunium , vel vigilia , & similia virtutis exercitia quasi secundaria , & inferiora , iudicanda sunt tantum expedientia , quantum ad cordis proficiunt puritatem . Inde est , quod paucissimi ad veram perfectionem perueniunt , quia in medijs non multum proficiunt tempus , & vires , expendunt . Et post alia multa ait , sapientius contingit , quod illud ; ad quod fortassis homo se in principio astrinxit cum quadam violentia , & difficultate , postea faciliter operabitur ; & tandem cum magna delectatione , dummodo non desistat . Et post prolixum discursum concludit hoc punctum sic . Hæc est , fili , salutis , via , quam tuus Arsenius seruauit , & seruari suis discipulis mandauit . Fuge , tace , quiesce . Hæc , inquam , sunt præcepta salutis . Hæc æterna sapientia ad discipulum . Item statim subinseruit . Fons , & origo omnium bonorum homini spirituali est in cella sua iugiter commorari .

Quintum punctum est , ut non lateris , neque contristeris , aut solliciteris pro amicis , aut cognatis tuis ; sed committe eos Deo , & spirituale subsidium , scilicet orationum tuarum suffragia eis impende te autem mundo crucifixum reputa , & mundum tibi ad interiora extendere , tamquam omnibus amicis orbatus ,

Sextum , ut sis feruens in orationibus , & meditationibus sanctis , & non te pesces . Homo enim remissus si aliquid incipiat , in principio aliquantulum strenue agit , deinde diminuendo procedit ; quia multorum est incipere , paucorum finire ; sola tamen constantia coronabitur sola accipiet brauium . Nulla sine labore virtus , & ad magnam præmia non peruenitur , nisi per magnos labores . Regnum enim cælorum non desides , non remissi , non delicati ; sed violenti rapiunt

piunt illud. Et post multa, Sis discretus, non iudicabis aliorum facta, nec moueas te si videris aliquos minus discretos, alios ignaros, alios indoctos, alios remissos in horis, aut quibuscumque vitiis obnoxios; claudere oculos quantum potes ad aliorum facta perscrutanda; & alia multa, quæ charitatem proximi, & animi tranquillitatem concernunt.

Septimum punctum, Sic tacens, & non multa loquens ubicumque fueris loquendo, vel respondendo leuiter, & remissa voce, placido vultu, disciplinatis moribus, pauca, & rationabilia verba loquaris; plus diligas audire, quam audiri, ut interrogatio magis aperiat os tuum, quam ad non interrogata respondere. Non innitaris tuæ prudentiæ, neque confidas in proprijs sensibus, & non sis sapiens in oculis tuis. Altiora te ue quæstieris, & fortiora te ne scrutatus fueris, sed discretum, modestum, & ordinatum in omnibus te exhibeas, &c.

Octauum punctum. Numquam sis otiosus; nam in desiderijs est omnis otiosus. Ama igitur scientiam scripturarum, & carnis vitia non amabis. Nec vacet mens tua varijs perturbationibus; quæ si pectori tuo insederint, dominabuntur tui, & ducent te ad delictum maximum. Semper igitur legas, aut ores, aut aliquid de sacris meditaberis. Otiositas est mers animæ, viui hominis sepultura, & sentina omnium malorum. Singulis horis singula tribue exercitia; spiritualibus spiritualia, corporalibus corporalia, In omnibus caueas tibi à peccato, & proximo à scandalo. Statim cum sentis stimulari à vana gloria, vel quacumque tentatione principijs obsta, & sis agilis ad quæcumque agenda, quæ ex alicuius admonitione, vel Diuina instigatione intelligas esse facienda. Discas tibi ipsi præesse, & te ipsum regere, non alios. Vitam tuam ordina, mores tuos compone, te ipsum iudica, apud te metipsum accusa, & condemna, nec impunitum dimitte excessum. Tibi ipse esto durus, numquam alijs.

Ccc

Ma.

Silētium.

7.
Loquendi
modestia.8.
Otiifuga.Quid faciendum,
ut otiosus
quis non
sit.

Multa cōsideranda.

Mane, præterita noctis fac à te ipso exactionem, & futura diei tibi indicito cautionem: Vespere, præterita diei rationem. Considera quantum proficias, quantum adhuc tibi restat itineris, grandi enim tibi restat via, antequam videatur Deus Deorum in Sion.

Cōclusio. Concludit tandem, cum in his octo iam præmissis te exercueris, de virtute in virtutem proficiendo, esto cautus contra insidias Diaboli, ne te abducatur ab eis. Et hoc digno fine expliciunt omnes S. Bern. tractatus.

Et hoc ego fine expliciam instructionem incipientium contemplatiuorum. Coetera ex præmissis alijs octo capitibus huius Opusculi accipienda sunt.

De proficientibus De proficientibus autem, nil aliud occurrit dicendum, nisi quod ex diuersis monet S. Bonau. de 7. itiner. atern. itin. 3. d. 4. art. 1. nempe, quod dantur gradus in contemplatiuis, quod, ait, ostendit Greg. lib. 22. moralium dicens, Nemo infima deserens, repente fit summus, quia ad obtinendum, perfectioni meritum, oportet, ut mens quotidie in altum quasi quibusdam ascensionis gradibus perueniat, vnde, & rectè, Psalmista, dicit, Ibunt de virtute in virtutem, donec videatur Deus Deorum in Sion. Et idem Deus in gradibus eius cognoscetur, scilicet, contemplationis, cum suscipiet eam contemplator. Deinde adducit exemplum Lincoln. sicut oculi carnis infirmiore prius suscipiunt lumen solis obscurum, & magis coloribus superfusum, deinde magis confortati suscipiunt illud à coloratis medijs coloribus, & postea visu roborato plius suscipiunt illud superfulgidum coloribus albis deinde verò plius acuta sanitate, suscipiunt illud fulgentibus coloribus superfusum, ut speculis, tandem oculis perfectè sanatis suscipiunt solarem radium, non autem alicui superfusum, sed in se purum ipsum solem in ipso solari lumine irreuerberatè conspicientes. Sic etiam oportet mentis oculum infirmiore affuefieri ad concupiscendum lumen solis intelligētiæ prius in grossioribus, deinde in subtilioribus donec

tan.

tandem ex ipsa luminis datione multis multipliciter superfu-
sa extendantur, & resiliuantur in simplicem eius radium.
Et subdit S.D. Ex pradiſtis apparet, quòd tam in radioſo
lumine contemplationis ſpeculatiuæ, quàm in ſaporoſo
gultu contemplationis practice oportet paulatim, & grada-
tim proficiendo ascendere, & ascendendo clariùs cognoscere
Deum, quia ſicut dicit Vgo ſuper Angelica Hierarchia quan-
tò magis creſcit aſcenſio, tantò magis creſcit cognitio, donec
oculus intellectualis magis, ac magis illuminetur, & inflam-
metur, & totus homo exterior, & interior in Deum ordinetur
& hoc veriùs, & perfectiùs videtur fieri per gradus illos, qui
mentem ad ſimilitudinem cœleſtis Hierarchiæ purgant, illu-
minant, & perficiunt. Ait enim Vgo, quòd mens, quæ vult
Deum contemplari, primùm purgetur, poſtèa illuminetur, de-
inde perficiatur, & tales quantò magis aſcendunt, tantò magis
appropinquāt Diuinitati; & taleſ gradus, dicit Dionyſius, tam
in mente Angelica, quàm in humana eſſe benè ordinatos.

His ergo regulis inſtructus incipiens, Deo adiu-
uante, proficere poterit in virtute contemplationis;
cetera eum docebit Vnctio.

CAP. X.

De Duratione Contemplationis.

ADuerto, quòd de hoc argumento locuti ſumus
in Opusc. 2. cap. 12. loquentes de meditatione;
& ibi dicta ſufficere poſſent; quia tamen poſſet ali-
qua difficultas peculiaris eſſe de contemplatione,
quæ requirit maiorem abſtractionem à ſenſibus,
ideoque laborem maiorem; tyronibus ſatisfacie-
mus. Senſus ergo eſt, quanto temporis ſpatio du-
rare debet actus contemplandi in contemplatione
acquiſita.

Lincol-
niensis do-
ctrina de
ordine
proficien-
di.

Ratio cur
hoc du-
bium re-
plicatur.

Sensus
quæſiti.

Ccc 2 Ad

De omni-
bus con-
currenti-
bus ad
contem-
plationē.

Aduerto 2. quòd duplex esse potest sensus quæsi-
ti, sicut dupliciter sumi potest contemplatio. Vel
enim sumitur pro toto aggregato ex præparatione,
meditatione, (si fiat præuia meditatione) contempla-
tione ipsa, gratiarum actione, & petitione; Vel sumi-
tur pro solo actu contemplandi. Et notandum, quòd
loquimur de contemplatione acquisita; infusa enim
durat quandiu Deus detinet in ea animam, cui il-
lam infundit, ut in proprio Opusculo dicitur.

Actus cō-
templan-
di non
potest
multum
durare.

Dico ergo. Actus contemplandi non potest mul-
tum durare, sed iuxta dispositionem, & habituatio-
nem contemplantis; ad summum autem durare po-
test per mediam horam.

Anima re-
trahitur a
sensibus.

Prob. prima pars ex defectu naturæ à sensibilibus
obrutæ, quæ nequit per multum tempus eorum co-
gitatione, & affectione carere; obstrepunt enim
phantasmata, deficit vigor, & attentio, & anima ad
sensibilia reuertitur; quod mirè confirmat S. Augu-
stinus in epist. 121. quæ est de orando Deo, sic. Dicuntur
fratres *Ægypti crebras quidem habere orationes, sed eas ta-
men breuissimas, raptim quodammodò iaculatas, ne illa vigi-
lanter erecta, quæ oranti plurimum necessaria est, per pro-
ductiones moras evanescat, atque hebetetur intentio.*

S. August.

Iterum S.
August.

Idem S. Aug. Confess. lib. 10. cap. 40. de hac incerti-
tudine durationis in contemplatione dicit. *Aliquando
intromittis me in affectum multum inusitatum introrsum ad
nescio quam dulcedinem, quæ si perficiatur in me, nescio
quid erit, quòd vita ista non erit, sed recido in hæc arum-
nosos ponderibus, & resorbeor solitis, & teneor, & multum fleo;
sed multum teneor; tantum consuetudinibus sarcina digna
est. Hic esse valeo, nec volo; illuc esse volo, nec valeo, miser
utrobique.*

S. Greg.

De qua animæ luctu cum sensibus locutus est
etiam S. Greg. homil. 14. in Ezech. inquiens. *Est autem*

con-

contemplatiua magna mentis contentio, cum se se ad cœlestia erigit, cum in rebus spiritualibus animum tendit, cum transgredi nititur omne, quod corporaliter videtur, cum se angustat, & dilatatur. Et aliquando quidem vincit, & reluctantes tenebras suæ cæcitatis exuperat, vt de incircumscripso lumine quiddam furtim, & tenuiter attingat; sed tamen ad semetipsam protinus verberata reuertitur, atque ab ea luce, ad quam respirando transijt, ad suæ cæcitatis tenebras suspirando redit: & infra. Anima, quæ contemplari Deum nititur, velut in quodam certamine posita, modò quasi exuperat, quia intelligendo, & sentiendo, aliquid de incircumscripso lumine degustat; modò succumbit, quia ex degustando iterum deficit.

S. Bernardus pluries de re ista loquitur: Ser. 51. in Cantic. super illud, fulcite me floribus, quia amore langueo, ait. Ergo ex bonis operibus in fide radicatis recipit consolationem mens affecta quieti, quoties sibi, vt assolet, lux contemplationis subtrahitur. Quis enim, non dico continuè, sed aliquandiu, dum in hoc corpore manet lumine contemplationis fruatur? At quoties, vt dixi, corrumpit à contemplatiua, in actinam se recipit; quoniam sunt inuicem contubernales hæ duæ, & cohabitant pariter. Hoc ergo est pro contemplatiuo remedium, vt si in actu contemplandi nequeat multum durare, in actibus actiuæ vitæ se exerceat, vocaliter v. g. orando, legendo Sacram Scripturam, vel spirituales libros, gratias Deo agendo, petendo à Deo beneficia pro se, aut proximo, & pro Ecclesia.

S. Thomas de hac duratione bis loquitur. primò de omni oratione 2.2. q. 83. art. 14. in corp. dicens, Oratio tantum duret, quantum est vtile ad excitandum interioris desiderij feruorem. Cum verò hanc mensuram excedit, ita quòd sine tædio durare non possit, non est vterius pro tendenda; & refert dictum Sancti Augustini supra allatum de Monachis Ægypti, qui crebras, sed breuissimas

Agitatio
animæ cō
templan-
tis.

Sequitur
S. Greg.

S. Bern.

Notanda
miseria
animæ.

S. Thom.

390. DE DISPOSITIONIBVS REQVIS. &c.

simas orationes faciebant. 2. in quæst. 180. art. 8. ad 2. dicit. *Contemplatio diu durare non potest, tamen quantum ad alios contemplationis actus durare diu potest: id est quantum ad actus antecedentes præparatorios; & quantum ad consequentes, ut sunt, gratiarum actio, oblatio, & petitio.*

Per medii
horam.

De duratione per mediam horam ad summum, omnium primò locutus est S. Greg. homil. 14. in Ezechielem, ubi explicans illud Apocal. 8. *Factum est silentium in Cælo quasi medio hora*, tropologicè de anima contemplante intelligit, dicens, *Cælum est anima iusti quia Dominus dicit, Cælum mihi sedes est, & Cæli enarrant gloriam Dei.* Cum ergo quies contemplatiuæ vitæ agitur in mente, silentium fit in Cælo; quia cum terrenorum actuum strepitus quiescit à cogitatione ad secretum intimum autem animus apponit. Sed quia hæc quies mentis in hac vita perfecta esse non potest; nequaquam hora integra factum in Cælo silentium dicitur; sed quasi media hora; ut neque ipsa media hora plenè sentiatur, cum premittitur quasi; quia mox, ut se animus subleuare cœperit, & quietis intimæ lumine perfundi; redeunte citius cogitationum strepitu, de semetipso confunditur, & confusus cœatur.

Ex S. Gr.

Digna S.
Greg. ob
seruatio.

Iterum
Greg.

Idem S. Gregorius lib. 30. Moral. cap. 12. miro quidem modo id confirmat, & rationem ex conditione naturæ humanæ assignat. Itaque bene conuersantibus, primùm solitudo mentes tribuitur, ut exurgentem intrinsecus strepitum terrenorum desideriorum premant, ut ebullientes ab infimis curas cordis, per superni gratiam restinguant amoris omnesque motus importune se offerentium leuium cogitationum, quasi quasdam circumuolantes muscas ab oculis mentis abigant manu grauitatis, & quodam sibi cum Domino intra se secretum querant, ubi cum illo, e xteriori cessante strepitu, per interna desideria silenter loquantur. De hoc secreto cordis aliàs dictum est. *Factum est silentium in Cælo, quasi*
di-

dimidia hora. Cælum quippe Ecclesia vocatur electorum, quæ ad eterna, & sublimia, dum per subleuationem contemplationis intendit, surgentes ab infirmis cogitationum tumultus premit, atq; intra se Deo quodam silentiũ facit. Quod quidẽ silentiũ cõtẽplationis, quia in hac vita perfectũ esse non potest, factũ dimidia hora dicitur. Nolenti quippe animo, dũ cogitationum tumultuosi strepitus ingerunt etiam sublimibus intendentem, rursũ ad respicienda terrena oculum cordis trahunt. Unde scriptum est corpus, quod corrumpitur, aggrauat animam, & deprimit terrena inhabitatio sensum multa cogitantem. Bene ergo factum silentium non integra, sed dimidia hora describitur, quia hic contemplatio nequaquam perficitur, quamuis ardentem inchoetur. Hæc S. Gregor. Ex quibus duo habentur; & quod parum durare possit actus contemplandi; & quod de acquisita contemplatione loquatur, quia strepitui, & infestationi cogitationum subiecta est, & cessare cogitur; non sic est infusa, quæ tam diu durat, quam diu à Deo conseruatur, & strepitui cogitationum terrenarum subiecta non est.

S. Bernardus de modo bene viuendi ser. 53. ex illo Sponsi Cant. 2.7. Ne suscitatis, neque euigilare faciatis dilectam, donec ipsa velit, tropologice declarat de anima contemplante, sic. Ne suscitatis animam Diuinæ contemplationi deditam, orationibus, & diuinis lectionibus occupatam, & non eam ad exteriora opera inquietare velitis, donec ipsa velit, hoc est donec expleto contemplationis tempore, admonente corpori fragilitate, velit ipsa suscitari à somno internæ quietis, & intimæ dulcedinis. Sed tamen in hac mortali vita nemo potest perfectè contemplari Deum. Et statim adducit dictum Apocal. de media hora, & totam fere periodum explicationis S. Gregorij nuper adductam, quam replicare superfluum est.

Quomodo infelix anima à sensibilibus distrahitur, ne superna cogitet.

S. Bern.

De media hora Bern. refert dictũ S. Greg.

CAP.

C A P. XI.

An honestum, & religiosum sit procurare, & petere à Deo virtutem contemplationis.

Ratio cur
hoc du-
bium di-
scutitur.

Ignari, &
indeuoti
derident
contem-
platiuos.

Honestū
est contē-
platione
appetere.

ADuerto, non sine causa hoc dubium hic propo-
ni. Ratio est, quia quamplures, vt egomet
experimento comperi, quia ignaui, desides, & mun-
do dediti, derident eos, qui sancto contemplatio-
nis exercitio incumbunt; immò & damnant quasi
ex ambitione id faciant, vt pro Sanctis habeantur;
& quòd peius est, vocant præsumptuosos, quia ap-
petunt virtutem solis perfectis à Deo tributam; &
contra documentum Spiritus Sancti, Ecclesiastici 3.
22. *Altiora te ne quæsieris, & fortiora te nescrutatus fueris;*
sed quæ præcipit tibi Deus, illa cogita semper; & in pluribus
operibus eius ne fueris curiosus. Hæc, & similia seruis
Dei contemplatiuis obiciuntur. Vt ergo à calumniis
Dei seruos liberem.

Dico, bonum, honestum, ac religiosum est con-
templationis virtutem appetere, pro viribus procu-
rare, eamque à Deo petere.

Prob. euidenter. Bonum, honestum, immò perfe-
ctum est, Dei cognitionem perfectam, eiusque dile-
ctionem appetere, procurare, & à Deo petere; hæc
duo habentur in contemplatione; ergo &c. Immo
ex S. Gregorio sæpè allato præsentis vitæ contem-
platio, æternæ est inchoatio. Maior prob. Ad hæc
duo collimat mens fidelium; & Io. 17. dicit Christus,
Hæc est vita æterna, vt cognoscant te solum Deum verum,
quia misisti Iesum Christum. Et Matt. 22. interrogatus,
Quòd est mandatum magnum in lege? respondit, *Diliges*
Dominum Deum tuum, ex toto corde tuo, ex tota mente tua.

&c.

&c. Min. prob. ex sēpē dictis in toto tractatu, quod contemplatio principaliter est contuitus Diuinæ Maiestatis per fidem, cum saporosa eius dilectione. Consequentia est euident, bonum scilicet esse hanc appetere, petere, & procurare, sicut aliæ virtutes appetuntur, procurantur, & à Deo petuntur; unde Iacobus in sua Epist. 1. c. 5. ait, *Qui indiget sapientia, postulet à Deo, qui dat omnibus affluenter, & non impropet, & dabitur ei. Postulet autem in fide nihil hesitans, Et Salomon Sap. 7. de se dicit. Inuocaui, & venit in me spiritus sapientia, & intellectus. Peti ergo à Deo potest, quia ut idem Iacobus ait, Omne datum optimum, & omne donum perfectum de sursum est, descendens à Patre luminum.*

Postulan-
da est à
Deo ex S.
Iacobo.

Confirmatur ex Ioanne Gersone de Monte Contemplat. cap. 18. & de Theol. Myst. Consider. 4. qui contra-
damnantes illos, qui ad contemplationem aspirant, ait. *Non est dicendum, quod tendens ad finem contemplationis, hoc est amandum Deum toto corde, nimis in altum tendat, aut presumptuosè agat. Immo Ecclesiastici, & Religiosi, quorum vita ad hoc ordinata est, omnino se dare debent ad hanc potius, quam ad aliam: similiter & Clerici, præcipueque Theologi; aut certè eorum scientia iam non eis auxiliabitur; aut certè inflabuntur, efficienturque vani, & superbi. Ergo bonum est ad contemplationis virtutem aspirare, eamque procurare, & à Deo petere.*

Ioannis
Gersonis.
monitio.

Confirmatur, nam, ut ex Mysticis dicam, etiam contemplatio infusa appeti potest, & à Deo humiliter peti. Siquidem Saluator Matt. 48 ait, *Estote ergo perfecti, sicut Pater vester celestis perfectus est. S. Petrus epist. 1. c. 1. dicit, Ipsi in omni conuersatione sancti sitis, quoniam scriptum est, Sancti eritis, quoniam ego sanctus sum. S. Iacobus in cap. 1. inquit, Ut sitis perfecti, & in-*

Saluator
ad hoc hor-
tatur.

D d d

tegr

tegrum in nullo deficientes. Siue ergo verba ista pertineant ad præceptum, siue ad consilium, nunc parum refert discutere; sufficit scire, quòd cupere possumus tales esse. At Paulus 2. ad Co. 3. 5. testatur, quòd nò sumus sufficētes cogitare aliquid ex nobis, tanquam ex nobis, sed omni sufficientia nostra ex Deo est. Et Salu. Io. 15. ait, Sine me nihil potestis facere. Et Matt. 7. 7. docet nos, vt, à Deo petamus spiritum bonum. Petite, & accipietis; querite, & inuenietis; pulsate, & aperietur vobis. Et infra, Quàntò magis Pater vester dabit spiritum bonum petentibus se. Contemplatio autem est spiritus, nedum bonus; sed optimus ex Christi oraculo dicente de Maria Magdalena contemplante Maria optimam partem elegit, quæ non auferetur ab ea.

Sæpè id facit Christus Dominus.

Exs. Leone quia homo est imago Dei.

Ex s. Gregor. quia homo est de genere Dei.

Homo est similitudo Dei.

Et præclare S. Leo in ser. 1. de ieiunio, docet, hominem curare debere, vt sit Dei imago in perfectionibus, sic. Inuenimus hominem idè ad imaginem Dei conditum, vt imitator sui esset authoris; & hanc esse naturalem nostri seminis dignitatem, si in nobis, quasi in quodam speculo Diuinæ Bonitatis forma resplendeat. S. Gregorius lib. 10. Moral. c. 16. super illud Pauli Act. 27. 28. Nos Dei genus sumus, ait. Genus eius sumus, non ex eius natura editi, sed per spiritum illius voluntariè conditi, & adoptiuè recreati. Tantò ergo ad hanc nobilitatem quisque erigitur, quàntò per imaginè ad similitudinè illius ex imitatione renouatur.

Et hoc est, quod insinuat Apost. ad Ephes. 5. 2. Estote imitatores Dei, sicut filij charissimi. Vnde S. Bernard. in ser. ad fratres de Monte Dei, ait, Est alia imago Dei propinqua similitudo, in quantùm voluntaria, quæ in virtutibus consistit, in qua anima virtutis magnitudine, summi boni quasi imitari gestit magnitudinem; & perseverantiæ in bono constantia æternitatis eius incommutabilitatem. Potest ergo homo licitè, & honestè petere à Deo virtutem contemplationis, omnemque aliam, vt ad Dei perfectionem.

fectionem, quantum homini fas est, iuxta Christi documentum, accedere possit. Et Balthasar Alvarez t. 3. lib. 3. part. 2. r. 13. docet, etiam infusam posse appeti, sic. *Quamuis equum sit, & expediens viris perfectis, à vitis emundatis, & omni virtute pradis, perfectam contemplationem ardentem desiderare, & humiliter petere: nemo tamen debet ad eam conari, aut quasi in ea se ponere; quia non est in potestate humana, sed venit ex benignitate diuina.* Adde, quod vocatio ad eam sine hominis petitione à Deo, est; & tandē si potest homo petere à Deo, & vehementer appetere cōtēplationē Dei in patria euidentē, & æternā; cur non poterit petere obscuram, & temporalem, cui illa æterna succedit?

Ad illud arg. *Altiora te ne quesieris, &c.* dicit Lyrus. idest secreta Diuinitatis, quia scrutator maiestati, opprimitur à gloria. 2. Intelligitur de prophanis rebus, non spectantibus ad perfectionem, alioquin ad nullam perfectionem posset homo aspirare; omnes enim altiores illo sunt; & tamen Christus docet, vt eas procuremus.

C A P. XII.

Pro Dei seruis contemplatiuis, ceterisque spiritualibus, qui à Mundanis iridentur, Consolatio.

ADuertō, quod sicut caro contraria est spiritui, & sicut ait Apostolus, *Caro concupiscit aduersus spiritum*; ita homines mundani, & carnales contrarij sunt spiritualibus, & contemplatiuis; ita quod ridiculis nominibus eos cognominent, & vehementer perturbent, adeo vt pudeat eos cum mundanis conuersari, ne derideantur. Idēd operæ pretium duxi aliquo modo eos consolari; & ad patientiam horta-

Authoris
intentio.

D d d 2 ri,

396 DE DISPOSITIONIBVS REQUIS. &c.

Spirituales deridentur.

ri, quia sancti, & sanctissimi viri talia passi sunt; & quod caput est ipsemet Sanctus Sanctorum eiusmodi se submisit irrisionibus, ut suos seruos, & verbo firmaret, & exemplo; &, ut inquit Petrus, talia passus, *Nobis reliquit exemplum, ut sequamur vestigia eius.*

Consolari debet spirituales, eo quia semper ita factum est sanctis.

Dico ergo primò. Consolari debent spirituales, & contemplativi homines, cum iridentur, & vituperantur; quia omnes serui Dei, Deo permittente ad meritum, semper eiusmodi irrisionibus, & ignominijs fuerunt subiecti.

Prædicta fuit hæc spirituum irrisio.

Prob. primò ex generali quodam dicto sap. 5.4. ubi Salomon introducit eiusmodi spiritualium irrisores damnatos, & scientes gloriam spiritualium, sic dicentes; *Hi sunt, quos aliquando habuimus in derisum, & in similitudinem improprij. Nos insensati vitam illorum aestimabamus insaniam, & finem illorum sine honore. Ecce quomodo computati sunt inter filios Dei, & inter Sanctos sors illorum est. Ergo errauimus à via veritatis, & iustitie lumen non luxit nobis. Ita plane verum dicunt isti; sed sine fructu; derisores spiritualium cæci sunt, &, ut Christus dixit, duces cæcorum.*

Exempla Sacre Scripturæ. Iob irridetur.

Sacræ Scripturæ plura habemus exempla irridentium Dei seruos. Sit omnium primum de Vxore Iob, quæ sanctissimum virum tot miserijs afflictum sic illudebat, *Adhuc tu permanes in simplicitate tua; benedic Deo (id est maledic) & morere.* Sed dignum temeritate, & irrisione retulit responsum, *quasi una de stultis mulieribus locuta es.*

Tobias quoque.

Tobiam Seniore sanctum virum cecitate afflictum eodem modo irrisum legimus Tob. 2. *Sicut B. Iob insultabant reges (Eliphaz &c.) ita Tobias parentes: ubi est spes tua, pro qua elemosinas, & sepulturas faciebas? At Tobias increpabat eos, &c.*

Dauid irridetur ab Vxore.

Dauidem, ante Arcam Domini, cum portaretur à do-

à domo Obededom in Ierusalem, ludentem, saltantem, & propheticè cantantem irrisit Michol vxor eius, ironicè dicens, *quàm gloriosus apparuisti bodie Rex Israel* 1. 2. Reg. 6. At grauius obiurgauit eam Dauid, tamquam filiam Regis à Deo reprobati ob nequitas.

Eliseum prophetam, postquàm miraculosè aquas falsas Iericho dulcorasset, iuuenes quidam deridebant, & illudebant dicentes, *ascende calue*. Sed duo *Vrsi* exeuntes è deserto, occiderunt 4. 2. ex illis 4. Reg. 2.

Ex historijs multa possent adduci exempla sanctorum, ac spiritualium virorum à mundanis irrisorum. Adducam vnum regium Sancti Ludouici Francorum Regis ex eius vita apud *Surinm* t. 4. Nuncius Comitissæ Gheldriæ missus ad Regem pro negotio, reuersus ad illum, & interrogatus, an vidisset Regem Ludouicum, respondit, subsanans, & collum contorquens, *Vidi illum miserum Papilardum Regem grisea veste indutum, ad scapulas caputium gestantem*. Humillimus erat Sanctus ille Rex. Sed vix hæc verba finierat, & ecce facies eius retrorsum acta, & ita contorta perpetuò permansit.

Aliud adducam de S. Ambrosio Mediol. Archiepiscopo ex Paulino in vita eius, & Baron. anno 397. Donatus quidam Afer, sed Mediolanensis Ecclesiæ presbiter, defuncto Ambrosio, in conuiuio quodam deridebat Ambrosium, eiusque sanctitatem; sed subito graui percussus vlcere, è loco, in quo iacebat, per alios subleuatus, in sepulchrum ductus est.

Sed redeamus ad Sacram Scripturam. Paulus Apostolus, vas electionis, organum Spiritus Sancti, Act. 17. Athenis prædicans irrisus est à multis Philosophis Stoicis: quidam dicebant, *Quid vult seminare hic?* & irridebant eum. Quid plura? ludicabatur infans. Act. 26. 25. Præses Feltus dicit ei, *insanis Paulus*.

Eliseus
Propheta
irridetur,
sed sequi-
tur Dei
vindicta.

S. Ludoui-
cus irride-
tur.
Sequitur
vindicta.

S. Ambro-
sius irri-
detur.

Sequitur
vindicta.

Paulus A-
postolus ir-
ridetur.

398 DE DISPOSITIONIBVS REQVIS. &c.

Appella-
tur infans
ob nouam
doctrinam

les multa te littera ad insaniam conuertunt. Alias alibi su-
stinuit irrisiones, & infanum audiuit se teneri, & vo-
cari. Vnde ad consolationem seruorum Dei de hoc
gloriatur, *Nos stulti propter Christum*, idest tales repu-
tamur à mundanis. Comune quidem inter munda-
nos proloquium est, cùm aliquem Dei seruum, ac
spiritualem cernunt, non ambulante per eorum
vias: Est, dicunt, infans, hipochondriacus, hypocri-
ta; energumenus; aliquid internè fouet, &c.

De ipso
met Chri-
sto illoso,
& irriso,
multa e-
xempla.

At quid ultra quærimus exempla spiritualium de-
risorum, & mundanorum deridentium? Conuerta-
mus mentis oculos ad prototypum, ad Magistrum
nostrum, & Saluatorem Iesum Christum; & consi-
deremus quot, qualesque derisiones, & illusiones
ob singularem, præcellentemque sanctitatem, spiri-
tualitatemque, factis, ac verbis ostensam, passus est;
& in eo consoletur spiritualis, cùm irridetur, ac il-
luditur. Quam iniuriam, quam calumniam omnis
generis non audiuit Sanctorum Sanctissimus? Non
tædeat spiritualement audire, quæ ad cumulum meri-
torum, & ad nostrum exemplum audire passus est
Dominus ob sanctitatem vitæ, ac doctrinæ. Nunc
enim ex nouitate doctrinæ vocant eum *Samarita-*

In Christo
consolatio
spiritalis
Christus
has calami-
tates passus
est.

Vocatus
Samarita-
nus.

Infans.

Demonia-
cus Magus

num, idest à fide vera Apostatam, *Samaritanus. e. tu. 10. 9. 18.* Nunc Dæmonium habentem, *Dæmonium habes*,
ibid. Nunc dæmonium habentem, & infanum, *Dæmo-*
nium habet, & insanit, 10. 10. 20. Et exierunt tenere eum,
dicebant enim, quia in furorem versus est: Marci 3. 23.
Nunc calumniantur, tamquàm Magum; & diabolica
virtute operantem miracula, *Beelzebub habet, &*
in Beelzebub principe dæmoniorum eicit dæmonia, Marci
ibid. Nunc vocant peruersorem populi cum sua do-
ctrina, *inuenimus hominem hunc subuertentem gentem no-*
stram, Lucæ 23. 3. Nunc impediens obedientiam
sub-

subditorum ad superiores, & prohibentem tributa dari
Casari, Lucae ibidem. Nunc dicunt eum non bonum
 hominem, sed seductorem; *Alij dicebant, quia bonus*
non est, sed seducit turbas, Ioan. 7. 12. Neque post mor-
 tem Christi, abstinent ab hac calumnia, *Seducitor ille,*
dm̄ ad huc uiueret, Matt. 27. 63. Alij voracem, & vini
 amicum, *Vorax est, & potator vini, Matt. 11. 19.* Alij
 quod malè instruebat discipulos, non faciens eos ie-
 iunare, sicut faciebat Ioannes Baptista cum discipu-
 lis suis. *Matt. 9. 14.* Nunc dicunt illum amicum pesti-
 morum hominum, conuersantem, & manducan-
 tem cum illis, *Publicanorum, & peccatorum amicus; man-*
ducat, & bibit cum publicanis, & peccatoribus. Nunc,
 quod non est verè Propheta; *Hic, si esset verè Prophe-*
ta, sciret relique, quæ, & qualis est mulier, quæ tangit illum,
Luca 7. 39. Erat enim Magdalena peccatrix. Tædet
 alia ignominiosa referre, quibus Sanctissimo San-
 ctorum ob doctrinæ nouitatem, ac sanctitatem,
 quibus Pharisæi, & Iudæi omnes carebant, impiè
 conuiciabantur.

Verum hic non sistuat mundani aduersus spiri-
 tuales: modò derident conditiones personarum,
 quod sint viles, vel artifices, muliones, pastores, vel
 serui, alteriusue vilis conditionis; modò derident
 singularitatem doctrinarum, vel exercitiorum, à
 quibus mundani auersi sunt. At hæc etiam in Chri-
 sto Domino deridebant; dicebant enim, *Nonne hic*
est faber, & filius fabri? Nonne mater eius dicitur Maria,
& fratres eius Iacobus, & Ioseph, Simon, & Iudas? Et Soro-
res eius nonne omnes apud nos sunt? Vnde ergo huic omnia
ista? & scandalizabantur in eo, Matt. 13. 55. & Marci 6.
 3. Quali Deus non potuisset fabrum, & filium fabri
 (etiam si talis fuisset Christus) eleuare ad gradum
 propheticum, qui potuit ad eundem gradum ele-
 uare

Subuersor.

Auertens
a Principis
obedien-
tia.

Malus.

Vorax.
Potator
Vini.Amicus
peccato-
rum.Quod non
esset Pro-
pheta.Aliæ mun-
danorum
persecu-
tiones.In Christo
alia deri-
debant
mundani.

Infimos e
leuat DeusDauid.
Eliseum.Mirantur
de littera-
tura.Scandali-
antur de
multis.Si voluif-
sent, ipsi
etiam face-
re potuif-
sent mira-
cula.Sic faciūt
mundani
cum spiri-
tualibus.

uare Dauidem pastorem ouium, Eliseum actu cum bobus arantem per Eliam manus ei imponentem iussu Dei, & sic de alijs Prophetis omnis conditionis.

Mirabantur serpentes Saluatorem Pharisei, *quomodo hic litteras scit, cum non didicerit?* Quasi non posset Deus scientiam alicui infundere, sicut fecit cum Adamo, Salomone, Isaia, Dauide, & Prophetis omnibus, qui futura in lege etiam gratiæ à Deo didicerunt, & posteros docuerunt. Et sic respondit Saluator, *doctrina mea non est mea, sed eius, qui misit me Patris, Ioan. 9. 18.* quia à Deo sibi erat infusa.

Mirabantur, & scandalizabantur de nouitate doctrinæ, & potestate expellendi dæmones, Marci 1. 27 *Quidnam est hoc? quanam doctrina hæc noua, quia in potestate etiam spiritibus immundis imperat, & obediunt ei?* Quasi non posset Deus communicare potestatem faciendi miracula, qui eam communicauerat Moyfi per annos quadraginta; postea Iosue, Helix, Eliseo, & cæteris. Et ita de alijs multis pharisaicis scandalis circa opera, noua quidem, & grandia Saluatoris. Inuidebant ei, quia ea ipsi facere non poterant; sed ignaui erant, & obsecati ex inuidia; quia si voluissent sequi Christum, facere potuissent similia; nam Christus Ioan. 14. 12. dicit, *Amen dico vobis, Qui credit in me, opera, quæ ego facio, & ipse faciet, & maiora horum faciet.*

Ita prorsus mundani erga contemplatiuos, meditatiuos, cæterosque spirituales faciunt. Contemnunt eos, quod, vel sunt viles personæ, vel famuli, vel illiterati, vel negotijs applicati; vel coniungati, & huiusmodi, quasi solis Nobilibus, vel litteratis, vel anachoretis, vel vxore carentibus, vel alijs determinati status personis, Deus statuerit dona sua.

spi-

spiritualia largiri; & non alijs. Decipitur qui talia cogitat. Non est acceptio personarum apud Deum; non est apud eum distinctio Iudæi, & Græci, ait Apostolus, sed idem Dominus omnium, diuidit singulis prout vult. Immo Saluator testatur, humilibus Personis hæc reuelari, Confiteor tibi Pater, quia abscondisti hæc à sapientibus, & prudentibus, & reuelasti ea paruulis, Matt. 11. 25. & rationem assignat, Quia ita placitum fuit ante te. Et Deus in Exodo 33. 19. ait, Miserebor cui voluero, & clemens ero, in quem mihi placuerit.

Humilib.
Deus sua
confert do-
na spiri-
tualia.

Et hæc est grauis illa S. Ambrosij sententia, quam semper magnificet S. Augustinus contra Pelagium, & sequaces; Deus, quos dignatur vocat, & quem vult religiosum, facit.

S. Ambro-
sij senten-
tia.

Hæc illa Magni Gregorij homil. 17. in Ezechiel. Non enim contemplationis gratia summis datur, & minimis non datur, sed hanc sapè summi, sapè minimi, sapè remoti; aliquando etiam coniugati percipiunt. Si ergo nullum est fidelium officium, à quo possit gratia contemplationis excludi, quisque cor intus habens, illustrari etiam lumine contemplationis potest. Audiant mundani; & spirituales non irrideant, neque iudicent: sed mirentur, & imitentur illos, cuiuscumque conditionis sint, quia Dei serui sunt, & à Deo vocati.

S. Greg.
signa sen-
tentia.

Consolentur, & gaudeant contemplatiui, actiui, meditatiui, omnisque generis spirituales, cum iridentur, illuduntur, ac iudicantur à mundanis; & patienter ferant; participes enim sunt passionum Christi Domini, ac Magistri, qui hæc de seruis suis præuidens, dixit, Si me persecuti sunt, & vos persequentur. Ioan. 15. 20. quia inquit Matt. 10. 24. Non est discipulus super Magi-
Ecc strum,

Spiritu-
alium con-
solatio ex
imitatio-
ne Christi

402 DE DISPOSITIONIBVS REQVIS. &c.

frnm, nec seruus super Dominum suum; sufficit discipulo, si sit, sicut Magister eius, & seruo, sicut Dominus eius. Vobis, ait Petrus epistola 1.

cap. 2. relinquens exemplum, ut sequamini vestigia eius. Saluator enim

Luce 21. in horum solatium

concludit, In patientia

vestra possidebitis ani-

mas vestras.

Amen.

Patientie
præmium
vita æter-
na.



OPVS-



OPVSCVLVM SEPTIMVM.

DE CONTEMPLATIONE INFUSA, AC SUPERNATVRALI.



IERRAM incognitam peragra-
turus, quid de ea, eiusque incolis
dicam, ignoro. Imitabor San-
ctum Euangelistam Lucam, qui
de Christi operibus, ac vita
scripturus, cum eum non agno-
uerit, testatur, se scribere ea,
quæ ab ijs audierat, qui cum eo fuerant conuersati.
Sic & ego, qui altissimam hanc virtutem non sum
expertus; ea de ipsa dicam, quæ ab aliquibus exper-
tis audiui, & ex aliorum libris legi. Distinctè ta-
men, & breuiter rem peragam, illa deuotans, quæ
omnes sciunt, & à præsentī negotio sunt aliena.

CAP. PRIMVM.

*An detur species Contemplationis dicta infusa,
ac supernaturalis.*

ADuerto i. quod vocabula hæc, *infusa*, & *super-*
naturalis, in Sacra Scriptura non leguntur fre-
quenter: cum tamen ex eorum declaratione pen-
deat potior notitia huius excellentissimæ virtutis.

Ecc 2 accu-

404. DE CONTEMPL. INFVSA, AC SVPERN.

Hæ voces
in Sacra
Scriptura
non legū-
tur.

Immissio-
nis exem-
pla.

Difficul-
tas quod
dicatur
infusa.

accuratè sunt declaranda: Ideo notandum, quòd ex Gramaticis, ac Philosophis *infundere* significat rem aliquam in vas aliquod immittere: & cum hac analogia Theologi actionem illam, qua Deus siue in ordine naturæ, siue in ordine gratiæ aliquid immittit in aliquo, appellant infusionem, vt patet de infusione animæ; de infusione habituum &c. De *immissione* tamen habemus exempla in Sacra Scriptura. Gen. 2. 2. *immisit Deus soporem in Adam.* Reg. 4. 19. *Ecce ego immittam eis spiritum.* Psalm. 39. *immisit in os meum canticum nouum.* Concilia tamen Vienn. & Trident. loquentia de productione, & immissione habituum supernaturalium Fidei, Spei, & Charitatis in Baptismo, etiam paruulorum, vtuntur verbo *infusionis*. Videndum ergo, an detur aliqua species contemplationis, quæ à Deo immediatè in aliqua anima immittitur, seu infunditur.

Adu. 2. difficultatem (cum doctis nunc loquor) ex eo oriri, quòd cum quælibet contemplatio consistat in actibus intellectus, & affectus, seu voluntatis, qui cum sint vitales necessariò exigunt produci à principijs intrinsicis; non videtur quomodo possent dici infusi à Deo. Scio, Scotum cum alijs docere, quòd Deus de potentia absoluta potest se solo producere actum vitalem in potentia, hac se habente merè passiuè, & per eum tendere in suum obiectum, v.g. actum intelligendi in intellectu, & volendi in voluntate; tamen hoc non videtur dicendum in hac materia, quia sine causa multiplicari non debent miracula; nec Scotus id concederet, cum crebrò perfecti contemplatiui actus contemplandi exerceant: ideò videndum, quonam modo dicatur infusa contemplatio, quæ à potentijs animæ producitur.

Adu. 3. similem fieri esse difficultatem de vocabulo

su

Supernaturali; quomodo scilicet dici possit supernaturalis absolutè, & quasi anthonomasticè, ad differentiam acquisitæ, cum hæc etiam sit supernaturalis ratione obiecti, ac principij, quia ad eam concurrit auxilium supernaturale, immò speciale, & extraordinarium, sicuti sunt actus Fidei, Spei, Charitatis, & Pœnitentiæ in adultis se præparantibus etiam ad primam iustificationem, quia hi omnes ad hoc vt fiant, sicut oportet, ex *Spiritus Sancti inspiratione*, atque adiutorio faciendi sunt, ex *Concil. Trid. sess. 6. can. 3.* Hoc ergo dubium est discutiendum; & sic paulatim natura contemplationis istius nobilissimæ paucissimis concessæ, facile innotescet: His præmissis.

Difficultas quomodo supernaturalis.

Dico 1. Datur species quædam contemplationis valdè diuersa ab acquisita, quæ dicitur *infusa* à Deo, ac *supernaturalis*. Est communis sententia inter Theologos Mysticos.

Datur infusa contemplatio.

Prob. Datur quædam mentalis diuinorum cognitio, & amor cum tanta illustratione, & claritate ex parte intellectus, & inflammatione, dulcedine, ac suauitate ex parte voluntatis, quæ humana industria, aut labore haberi non possunt; & quæ non omnibus Dei seruis meditationi, aut contemplationi vacantibus, sunt communes, vt isti fatentur, ergo sunt à Deo, immissæ, & sic infusæ. Conseq. est euidentius, id enim vocamus infusum, quod in anima reperitur, & ordinis naturæ non est.

Antec. patet ex confessione Sanctorum, qui eas qualitates in se ipsis experti sunt, & in suis scriptis id testati sunt, sicut S. S. Dionis. Arcop. Bernardus, Thomas, Bonau. Theresia, & alij plures. Si igitur illi talem contemplationem experti sunt, alij vero non; & illa non potest esse à Deemonis virtute, est à Deo; quia ex epistola Iacobi, *Omne datum optimum, & omne donum*

Ex confessione Sanctorum.

per-

406 DE CONTEMPL. INFUSA, AC SVPERN.
perfectum de sursum est; descendens à Patre luminum.

Prob. 2. ex multis qualitatibus antecedenter, comitantur, & consequenter ad hanc contemplationis speciem concurrentibus, quæ non nisi à Deo produci, ac immitti possunt in anima, ut passim ex dicendis patebit: ergo admittenda est hæc contemplationis species dicta *infusa*, & *supernaturalis*; neque vlla est inter Theologos præsertim Mysticos de re ista controversia, sed de sequentibus: ideo.

Cur infusa.

Dico. 2. quamvis actus illi cognoscendi, & amandi, in quibus consistit contemplatio hæc, sint elicita ab intellectu, & voluntate creati, tamen ex connectione multarum qualitarum infusarum, contemplatio dicenda est infusa.

Prima pars clara est, quia omnis contemplatio, etiam Beata in Patria, est visio, & fructio Dei elicita ab intellectu vidente, & voluntate amante; & in toto præcedente tractatu de contemplatione ex his actibus constituta, iugiter locuti sumus: hæc autem, quam dicimus infusam, in essentialibus constitutivis convenit, immò est eadem cum acquisita, utraq; enim est Dei, seu divinorum intuitus, cum sapientia dilectione.

Multa infusa.

Prob. secunda pars, & declaratur partim hic, partim in sequenti capite. Multa infusa à Deo, ut dicemus, concurrunt ad hanc contemplationem. Omnium primò, efficax Dei auxilium, quo Deus retrahit intellectum, & voluntatem contemplantis à consideratione, ac affectu aliarum omnium rerum. 2. infusum, est donum Spiritus Sancti, quod vocatur intellectus concurrens cum potentia intellectiva ad actum intuen- 3. infusum, est donum Spiritus Sancti dictum sapientia, quæ facit sapere, gustare, & delectari de obiecto cognito. 4. infusum, est efficax adiu-

adiutorium, quo Deus concurret cum intellectu ad actum illum intuen-
di, & cum voluntate ad actum fruendi illos; & detinet has potentias in illis actibus, nec permittit eas distrahi ad alia obiecta. 5. infusum, est productio speciei nouæ præsentantis obiectum; vel noua ordinatio antiquæ, si aderat, ad clariùs re-
præsentandum. 6. infusum, est magnum lumen seu magna illustratio in intellectu, itaut quasi euidenter videat obiectum, & magna inflammatio in volunta-
te, itaut sibi videatur ardere. 7. infusum, est vehemens suauitas, iucunditas, ac delectatio sequens.

Ex his ergo tot infusis perfectionibus actibus illis intuen-
di, ac amandi coniunctis, totum hoc comple-
xum dicitur infusum; & sic contemplatio illa iure o-
ptimo dicitur infusa; quia denominatio semper fit à
digniori; quæ quidem qualitates, ac dona infusa non
concurrunt in contemplatione acquisita; ergo ex
hoc capite dicitur infusa.

Dico 3. Quamuis actus intuen-
di, & amandi, in
quibus consistit contemplatio, eliciantur à potentijs
creatis; tamen ratione principiorum ad eos concur-
rentium, aliarumque qualitatum connexarum
naturalium, contemplatio est supernaturalis.

Prima pars patet ex præcedenti conclusione; quia
intuitus obiecti diuini, seu reuelati, elicitur ab intel-
lectu humano, & amor à voluntate; Potentiæ istæ
creatæ sunt, & naturales: idè.

Secunda pars probatur quoque, sicut præcedens:
omnia enim illa, quæ diximus concurrere ad contem-
plationem, & denominant eam infusam, sunt super-
naturalia, quia à Deo procedentia, operante, non in
ordine naturæ, sed ordine gratiæ, igitur actus ab eis
procedentes sunt supernaturales, id est super naturæ
vires elicti.

Septem in-
fusa con-
currunt.

Cur super-
naturalis.

Con-

408 DE CONTEMPL. INFVSA, AC SVPERN.

A parita
te fidei,
&c.

Confirmatur à pari: Actus Fidei, Spei, Charitatis, Poenitentiae, &c. qui proueniunt ab his habitibus supernaturalibus; vel etiam ab auxilijs solis supernaturalibus, vt accidit in prima adultorum iustificatione per Baptismum, communiter à Theologis supernaturalibus existimantur, quia supra vires naturæ facti: ergo multò magis contemplatio, de qua loquimur; cum ad eam concurrant tot principia supernaturalia, & comitentur alia plura supernaturalia.

Paritas de
Beati.

Neque obstat, quòd ad eam concurrat natura, eo quòd sit actus vitalis, & hominis: quia sunt plura, & potiora principia, & comitantia supernaturalia, quæ ad eam concurrunt, quàm sit ipsa natura, ac proinde à dignioribus denominatur; sicut contemplatio Beatorum licet à potentiis creatis sit: quia tamen istæ eleuatæ sunt per habitus supernaturales luminis gloriæ, & charitatis consumatæ, qui supernaturales sunt, & obiectum est supernaturale, beata illa contemplatio, est, & dicitur supernaturalis; ita in casu nostro.

Dices. Acquisita quoque contemplatio pendet à principio, & obiecto supernaturalibus; & tamen non dicitur supernaturalis, sed communiter dicitur naturalis. Item actus Fidei, Spei, Charitatis &c. sic se habent, ergo non datur contemplatio dicta absolutè supernaturalis.

Diuersus
ordo su-
pernatu-
ralium.

Resp. quòd etiam illa, sicut & actus Fidei, & Spei, &c. sunt de ordine supernaturalium communium, quæ regulariter eueniunt. At ista, ad quam tot supernaturalia concurrunt, & rarò accidit, & paucissimis conceditur, supernaturalior (vt ita dicam) est, & anthonomasticè, ac per excellentiam talis dicenda est.

CAP.

CAP. II.

Quibus nominibus describatur infusa hæc contemplatio.

ADu. 1. hanc nobilem virtutem ratione excellen-
tiæ, siue sui siue causarum, siue effectum, siue
proprietas eius, diuersis vocabulis vocari à Mysti-
cis Theologis. Ideò, vt paulatim eius notitia legenti-
bus innotescat, hæc nomina, eorumque ethimolo-
gia explicabo.

Adu. 2. Contemplationem infusam his nominibus
appellari: *Mystica Theologia: Sponsalium animæ cum Deo*
Osculum Dei; Ingressus animæ in diuinam caliginem; Silen-
tium, & Otium; liquefactio animæ; Annihilatio Experimen-
talis Dei cognitio habita de Deo per amoris unitiui comple-
xum. Singula declaremus.

Dicitur *Mystica Theologia*, quod est principale no-
men; quia est secreta cum Deo collocutio; & sic dici-
tur, eo quòd mystica significat *secretum*, & theologia
est sermo Dei.

Mystica
Theolo-
gia cur.

Dicitur *Sponsalium animæ cum Deo*, & desumitur
ex Canticis, vbi de sponsa, & sponso sæpe fit mentio.
Tropologicè autem sumpta sponsa, est anima: spon-
sus verò Christus, & tale dicitur ab effectu, quia per
eximiam Charitatem anima contemplantis vnitur;
ac desponsatur cum Deo. De hoc sponsalio fit sæpè
mentio in Sacro textu Cant. 3. 11. *in die dispensationis*
eius, & letitiæ cordis illius. Osee 2. sponsabo te mihi in sem-
piternum, & infra. sponsabo te mihi in fide.

Sponsali-
tium.

Dicitur *Osculum Dei* ab effectu, & desumitur ex
Cant. primo, *osculetur me osculo oris sui, & in c. 2. atque 8.*
Sponsa, quæ tropologicè est anima, dicit. *Læua eius sub*
capite meo, & dextera illius amplexabitur me.

Osculum

Fff

Di-

410 DE CONTEMPL. INEVSA, AC SVPERN.

Ingressus
in caligi-
nem.

Dicitur *ingressus animæ in diuinam caliginem*, ab effectu, & desumitur ab Exodi 24. *Vocauit Dominus Moysen de medio caliginis die septimo*. Tantum enim est lumen in intellectu, tantaque illustratio, ut obfusceatur, & caliget, à paritate oculi corporei aspicientis Solem, ex cuius lumine obfuscat, & caligat: sic se habet contemplans diuina in tanto lumine, ut postea dicetur, cum hac tamen differentia, quod oculus corporis à tanto lumine læditur, at intellectus à lumine illo Diuino confortatur.

Silentium

Dicitur *silentium*, ab effectu, quia dum anima detinetur in contemplatione, nec vocaliter cum Deo loquitur petendo, laudando, aut gratias agendo, tacet, quasi discipulus audiens suum magistrum Deum ei loquentem, seu reuelantem aliquid, vel simpliciter ostendentem aliquod obiectum, quod anima intues, admirans, & suspensa silenter manet.

Orium.

Dicitur *otium*, ab effectu, non quia anima contemplans nullum actum per suas potentias intellectum, & voluntatem faciat; nam vere, & realiter intellectus vitali modo intuetur diuinum, seu reuelatum obiectum, & voluntas suauiter illud amat; & hæc sunt maiores, & digniores actiones, quas potest anima in hac vita sortiri. vnde S. Bern. ait, *Contemplatio non est otium, sed omnium negotiorum negotium*. Sed dicitur otium animæ, quia dum hæc detinetur à Deo, in contemplatione sui, Dei, vel alterius reuelati obiecti; ipsa non potest vti potentijs inferioribus, neque ipsomet intellectu, aut voluntate ad cognitionem alterius obiecti, vel suimet, nec vllum alium actum potest exercere, & ideo dicitur *otiosa* manere, & propterea à Sanctis Augustino, Gregorio, Bonauent. & alijs vita contemplatiua dicitur *otiosa*, actiua verò laboriosa, figuratæ in Magdalena, & Mar.

Martha, hac laborente, illa otiante, vt in suo loco dictum est.

Dicitur *liquefactio*, ab effectu, & desumitur ex Cant. 5. *Anima mea liquefacta est, vt locutus est, idest, sponsus meus.* Et ex psalm. 21. *factum est cor meum tamquam cera liquefctens*: similitudo sumitur à Sole, vel igne liquefaciente ceram, vel glaciem: sic anima contemplantis Deum, aut aliquid reuelatum à Deo, cum prius velut glacies se habebat, ex Dei auditu, & fervore charitatis in Deum, inflammata, quasi liquefit: & hoc fortasse voluit exprimere Apostolus in 2. Cor. c. 3. *Nos autem omnes, reuelata facie gloriam Domini speculantes, & in eandem imaginem transformamur à claritate in claritatem, tamquam à Domini spiritu.*

Liquefactio.

Dicitur *Annihilatio*, & desumitur à psal. 3. 86. *substantia mea tamquam nihilum ante te*, Quia per contemplationem, & vnionem cum Deo, & transformationem in eum, se habet, ac si non esset, vnde Apostolus ad Galat. 2. 29. *Vino ego, iam non ego, vivit verò in me Christus*; & ideo anima in contemplatione obliuiscitur omnium creaturarum, & suimet, quasi non sit; vt de effectibus contemplationis dicitur.

Annihilatio.

Dicitur à Dionis. Cartus. *Secretissima Dei locutio cum anima; & ardentissima Diuinae Caliginis intuitio; cum sapore magno, & dulcedine.*

Dicitur à S. Dionisio Arcop. de diu. nom. c. 3. *Sapientia, & hoc non solum, quia est altissimorum reuelatorum cognitio, sed quia saporem suauissimum in anima contemplantis adducit, ideò sapida, seu saporosa est contemplanti.*

Secretissima Dei locutio.

Sapientia

A Ioanne Gersono *Alphabeto* 3. sic describitur, *Infusa contemplatio est experimentalis cognitio habita de Deo per amoris vnitui complexum. Vel sapida cognitio de Deo, dum ei supremus apex affectiua potentia realiter per amorem vnitur.*

Alia descriptio.

412 DE CONTEMPL. INFUSA, AC SVPERN.

His, alijsque dignis encomijs describitur, & appellatur sancta hæc contemplatio à Deo infusa, ac supernaturalis.

Non est
scientia,
& cur.

Omnes autem Theologi Mystici, in hoc conveniunt, quòd contemplatio hæc non sit dicenda scientia; quia scientia est discursiva, & evidens cognitio: non sic contemplatio, cum sit simplex intuitus veritatis reuelatæ, cum obscuritate; licet lato vocabulo, & ex alio capite dici debeat scientia, quia est diuinorum certissima, & infallibilis notitia.

C A P. III.

*Quomodo definiiri possit infusa, ac supernaturalis
contemplatio.*

Difficultas
definiendi
eam.

ADu. 1. quòd tales, tantaque sunt huius nobilissimæ virtutis perfectiones, tam ratione principiorum, & effectum, atque eam concomitantium, quam ratione suæ intrinsecè naturæ, ut nullatenus possit rigorosa, seu dialectica definitione per genus, & differentiam tantum explicari. Ideoque, quæ breuiori, & expressiori poterimus descriptione, eam explicabimus pro nunc singulas autem qualitates, principia, effectum, & comitantia illius, in progressu istius operis aperiemus.

Adu. 2. quòd ex duobus præcedentibus capitibus adumbrata fortè videtur infusæ huius contemplationis natura: nihilominus pro faciliiori notitia, breuiori formula, quæ possit memoriter retineri, definitionem, seu veriùs descriptionem eius cum sua explanationem hic subnectam, ideo.

Dico, quòd infusa contemplatio sic potest defini-
ri. *Est simplex intellectualis intuitus cum sapida dilectione
diui-*

diuinorum, aliorumque reuelatorum, procedens à Deo speciali modo applicante intellectum ad intuendum, & voluntatem ad diligendum ea reuelata, & concurrente ad eos actus per dona Spiritus Sãcti, intellectum, & sapientiam cum magna illustratione intellectus, & inflammatione voluntatis.

Definitio
infusa con
templ.

Prob. seu explicatur hæc definitio: dicitur *simplex intellectualis intuitus*; sic enim definitur à SS. Thoma, & Bonau. contemplatio genericè sumpta, cuius hæc est species, vt diximus in *Opusc. 3. c. 3.* ad differentiam meditationis, & Theologiæ speculatiuæ, quæ sunt discursiue.

Dicitur, *cum sapida dilectione voluntatis*, quia, vt in citato loco dictum est, in duobus his actibus intellectus, & voluntatis consistit contemplatio quæcumque; ad differentiam Theologiæ, siue fidelium, siue infidelium, quæ considerat Deum, at sine affectu, seu dilectione: Contemplatio verò de necessitate includit vtrumque.

Particulæ
diffinitio-
nis

Dicitur, *Diuinorum, aliorumque reuelatorum*; quia, vt diximus in *Opusc. 3. c. 13.* hæc sunt obiecta contemplationis genericè sumptæ; ad differentiam scientiarum naturalium, quæ intellectuales quidem sunt; at non habent pro obiecto reuelata diuina, & creata.

Dicitur, *procedens à Deo speciali modo applicante intellectum ad intuendum, & voluntatem ad diligendum ea obiecta*, ad differentiam contemplationis acquisitæ, ad quam proprio labore, & studio, licet cum Dei auxilio, homo se applicat, & distrahit se à cogitatione aliarum rerum. At pro infusa res aliter se habet; nam siue homo legat, siue audiat aliquem loquentem de mysterio aliquo reuelato, siue de illo cogitet, siue illud meditetur: de repente Deus firmat, & figit illum in eius intuitu, ac dilectione, impediens omne aliud, siue causam, siue obiectum, quod possit distrahere; &

in-

interdum sine lectione, auditione, aut meditatione, Deus infundit cogitationem aliquam, mouendo in intellectu speciem alicuius mysterii, & firmat, ac figit intellectum in eius intuitu, & voluntatem in eius dilectione, & sic Deus immediatè applicat has potentias ad eos actus, & prohibet, ne aliò diuertant.

Dicitur, Deo concurrente ad actus illos cum potentiis per dona Spiritus Sancti, dicta intellectus, ac sapientia: Hæc enim, vt dicemus, sunt principia, seu causæ contemplationis infusæ, ad differentiam contemplationis acquiræ, quæ non procedit ex his donis.

Magna in-
flammati-
& illustra-
tio.

Dicitur, cum magna illustratione intellectus, & cum magna inflammatione voluntatis; quia donum intellectus, & sapientiæ hoc efficiunt, vt infra dicitur. Nam, vt Mystici dicunt, per fidem obiectum videtur, tamquam in nocte obscura; per donum intellectus videtur quasi in aurora; per lumen gloriæ in Patria, euidenter, quasi in meridie: & voluntas charitate maxima inflammata obiectum illud sic ab intellectu visum ardentè diligit, & per sapientiæ donum, in eo suauissimè delectatur, & iucundatur. Experientia contemplatiuorum, à quibus ista didici, hæc docet.

Hæc est compendiosa infusæ, ac supernaturalis contemplationis descriptio; hæc autem omnia, sicut & alia plura ei connexa distinctius, & diffusius explicabimus in sequentibus.

Qui ergo cōperiet, hæc prædicta in se certò, & sine vllò dubio verificari; sciat, se à Deo infusam contemplationem eleuatum; idest, si experietur se absque suo labore distractum à creaturarum consideratione & fixum in alicuius diuini reuelati intuitu, & cum gustu, ac dulcedine illud amare, ac lumine magno illuminari, & charitate inflammatum omnia alia contem-
nere,

nere, iufusa contemplatione potitur; sed consulat doctos, ne decipiatur, putans ea habere, & non habeat,

CAP. IV.

In quibus conueniunt contemplatio infusa, & acquisita.

ADu. quòd quamquam in Opusc. 3. in cap. 11. de conuenientia, & disconuenientia harum contemplationum multa dixerimus: ab re tamen non erit si eadem, & alia hic replicamus, vt notitia infusæ contemplationis clariùs elucescat.

Alibi de hoc actum est.

Dico ergo. Istæ contemplationum species, seu gradus, conueniunt primò in essentialibus naturalibus. Ambæ enim consistunt in actibus intellectus, & voluntatis, nempe in simplici intuitu obiecti reuelati, & dilectione eiusdem: neque de hoc est vlla difficultas.

Dico 2. Conueniunt in subiectis earum. Ambæ enim subiectantur in eisdem potentiis immediate, in intellectu scilicet, ac voluntate: quia actus vitales in eisdem potentiis recipiunt; à quibus eliciuntur, cum sint immanentes.

In quibus conueniunt

Dico 3. Conueniunt in aliquibus subiectorum dispositionibus tam extrinsecis, quàm intrinsecis: de primis probatur; quia vtrique contemplantes debent esse exercitati in vita actiua, seu exercitio virtutum moralium. Vtrique esse debent exercitati in meditatione, ac lectione, vel auditione Scripturæ Sacræ, ac librorum spiritualium (regulariter loquendo) nam posset Deus aliter disponere. Vtrique debent esse in vita purgatiua aliquo modo exercitati; ideo dixi in aliquibus; quia plura & maiora præfatorum exercitia requiruntur in contemplatiuis per infusam, quàm

in

416 DE CONTEMPL. INFUSA, AC SVPERN.
in contemplatiuis per acquisitam, De intrinsecis ali-
quibus pariter notum est; quia in vtrisque requiri-
tur munditia cordis, seu status gratiæ, motuum cha-
ritatis, auxilium Dei efficaciter vocantis, & adiuuan-
tis: illustratio aliqua in intellectu, & inflammatio in
voluntate, licet maiores in infusa, quàm in acquisita,
& actus virtutum Theologicalium.

Regulari-
ter requiri-
ta.

Dico 4. Hæc duæ contemplationes conueniunt in
obiectis contemplabilibus, licet ad plura ex Dei fa-
uore se extendat infusa. Ratio primi est; quia omnia
reuelata, & per fidem credita, atque credenda attin-
gere potest acquisita, & infusa, eaq; simplici, ac firmo
intuitu intueri, & affectu prosequi, cum ordine ad
Deum si creata sint, immediatè verò, si diuina.

Eadem
obiecta.

Ratio secundi; quòd scilicet plura ex Dei fauore
respicit infusa, est; quia in hac Deus ostendit aliquan-
do, & reuelat aliqua noua nondum reuelata, spectan-
tia ad bonum priuatum contemplantis, vel alterius,
aut etiam ad bonum publicum agibile, vel si illa, quæ
ostendit iam reuelata sunt, cum aliqua tamen noua,
& adhuc non reuelata circumstantia interdum osten-
dit, seu reuelat in infusa, & alia obiecta noua; in qui-
bus casibus nouarum reuelationum, hæ magna ma-
turityte erunt ab Ecclesia examinandæ, ne adfit de-
ceptio.

In medijs
cognoscē-
di obiecta
conueniūt

Dico 5. Conueniunt regulariter in medijs cogno-
scendi; seu intuenti obiecta. Quia vtrique con-
templantes cognoscunt, seu intuentur obiecta non
in seipsis, sed in speciebus ea representantibus intel-
ligibilibus, & imaginariis: si materialia, seu corpora-
lia sint obiecta in imaginariis; si purè spiritualia in
intelligibilibus vt dictum fuit in *Opusc. 3. cap. 14.* & di-
cetur infra in *cap. 13.* An verò alio modo possit Deus
ea ostendere, quam per species; & an etiam corpo-
ralia,

ralia, vel spiritualia, ex corporalibus desumpta possint sine imaginarijs speciebus, idest sine phantasmatibus, cognosci per solas intelligibiles, vel alio modo infra in c. 13. discutiatur.

CAP. V.

In quibus differant Contemplatio infusa, & acquisita.

ADu, quod in hoc Capite maximè innotescet natura, ac perfectio infusæ contemplationis: & licet in *Opusc. 3. c. 11.* omnes ferè inter eas adduxerimus differentias pro discernenda acquisita contemplatione, quam indocti aliqui negabant, nunc verò pro discernenda infusa, iterum eas referemus.

Dico 1. Prima differentia est, quia regulariter infusa requirit in subiecto contemplante multò plures dispositiones, quàm acquisita, nempe vt per viam purgatiuam transierit, & per multum tempus in ea se exercuerit, donec passionibus concupiscentiæ, & iracundiæ domuerit, & per omnium virtutum moralium exercitium, carnem, seu sensum rationi subicerit; omniumq; rerum, famæ, honoris, gloriæ mundanæ &c. desiderium compresserit, & alias purgationes fecerit, quas in *Opusc. 6.* per plura Capita retulimus; quæ quidem dispositiones non omnes sunt necessariae in acquisita, sed aliquæ sufficiunt.

Dico 2. Secunda differentia est, quia in acquisita, homo proprio labore, & multa cum difficultate, praeuiaeque lectione, vel recordatione, in meditatione alicuius obiecti reuelati distrahit se à cogitatione aliarum rerum, & applicat se ad fixæ, & simpliciter intuendum illud, ac amandum. At in infusa homo legens, vel cogitans, aut meditans aliquod obiectum

Differentiæ plures

Prima.

Secunda.

Ggg

re-

reuelatum, sine suo labore, aut studio à Deo distrahitur à cogitatione omnium aliarum rerum, & ab eodem applicatur, & detinetur sic applicatus ad intuitum, & amorem illius obiecti cum admiratione eius.

Tertia No-
tabilis d f
ferentia.

Dico 3. Tertia differentia est; quòd pro acquisita lumen fidei cum auxilio supernaturali sufficit ad intuendum obiectum reuelatum: At pro infusa hæc non sufficiunt, sed lumen maius concurrit, & adeò magnum interdum, vt intellectus caliget, & obsufcetur; sed ab eodem confortetur.

Quarta.

Dico 4. Quarta differentia, est, quòd pro infusa Deus concedit animæ contemplatiui duo dona Spiritus Sancti in gradu eminenti, nempe donum intellectus, & donum sapientiæ; quæ concurrunt effectiue cum potentijs intellectu, & voluntate ad contemplationem; quæ dona non conceduntur pro contemplatione acquisita. Quid autem faciant ista dona, dicetur postea.

Quinta.

Dico 5. Quinta differentia est, quòd in acquisita rarò accidit extasis, seu perfecta alienatio à sensibus omnibus; At in infusa accidit sæpè.

Sexta.

Dico 6. Sexta differentia, est quòd per acquisitam non agnoscuntur alia obiecta, nisi ea, quæ antea per fidem erant credita; neque acquiruntur nouæ species aliorum obiectorum prius non cognitorum. At pro infusam Deus non ostendit solum ea, quæ ante fuerant credita; sed vel ostendit eadem cum nouis circumstantiis, ac perfectionibus, vel reuelat noua obiecta infundendo nouas eorum species; vt postea dicetur.

Septima.

Dico 7. Septima differentia est, quòd acquisita multum remota est ab osculo Deo, ac perfecta vnione animæ cū Deo, in qua consistit perfectio, & felicitas, quæ obtineri potest à Deo in hac vita mortali.

At

At infusa est valde proxima tali osculo, & vnioni, vt dicetur de effectibus infusæ.

Dico 8. Octaua differentia, est, quod in acquisita, nec statim, nec in magno aliquo gradu sentitur suauis, ac dulcis sapor, & gustus, qui sentitur in infusa: sed potius molestia, amaritudo, & repugnantia sensus, eo quia in illis contemplatiuis adhuc frenatæ non sunt passiones. At in infusa contrariū accidit; quia ea regulariter non conceditur, nisi perfectè purgatis, & sic nulla est in eis molestia nullaque repugnantia, sed perfectæ subiectio rationi, & Deo eam regenti.

Octaua
differentia.

Dico 9. Nona differentia est, quod de adipiscenda acquisita multæ dantur regulæ, & si omnes vellet illam adipisci, eas obseruantes adipiscerentur. Non sic se habet infusa; nullæ enim assignari possunt regulæ, per quas certò, & infallibiliter, si homines vellet, possent ad eam peruenire; sed Deus pro sua benignitate concedit eam cui vult; & licet vita actiua etiam perfectæ, ipsaque acquisita contemplatio sint bonæ dispositiones, à quibus moueri posset Deus ad concedendum infusam; tamen nec necessario, nec fallibiliter ad eam perducunt; ideo rarissimi, vt notum est, ea potiuntur.

Nona.

Dico 10. Decima differentia est, quod per acquisitam homo non ita fit supra se, & extra se, vt dum in ea est, nil aliud, neque seipsum dignoscat, nec reflectere possit supra se: At hoc accidit in infusa, in qua existens, obliuiscitur omnium, etiam sui, nec potest reflectere supra seipsum, nec reflectere in ea cognitione.

Decima.

Dico 11. Vndecima differentia est, quod post actum contemplationis acquisitæ potest homo recordari eorum, quæ contemplatus est, & aliis narrare. At post actum infusæ, qui eam habuit rarissimè re-

Vndecima

Multa di-
gna pro in-
fusa,

420 DE CONTEMPL. INFUSA, AC SVPERN.
cordetur de ijs, quæ vidit; & nescit, nec potest alijs
narrare, vt testantur B. Angela de Fulgineo, S. There-
sia, S. Petrus de Alcantara, & B. Ioannes de Cruce; qui
omnes dicunt se non potuisse distinctè referre, quæ
in ea contemplatione videre solebant, & inuenire
non potuisse verba, quæ ea explicarent; nisi quando
Deus aliqua reuelabat, quæ alijs essent communican-
da; & de eiusmodi contemplatione fortè locutus est
Paulus, 2. cor. 12. quando raptus est vsque ad tertium Cæ-
lum, & dicit, siue in corpore, siue extra corpus, nescio, Deus
scit. Et vidi, & audiui arcana verba, quæ non licet homi-
ni loqui.

Duodeci-
ma.

Dico 12. Duodecima differentia est, quòd modus
operandi acquisitæ humanus est, vt sunt actus medi-
tandi, credendi, sperandi &c. At modus operandi in-
fusæ est supra naturam, tales enim contemplatiui a-
guntur potiùs, quàm agunt; de quibus verificatur il-
lud Apost. Rom. 8. *Qui spiritu Dei aguntur, ij sunt filij Dei.*
Nam à Deo abstrahuntur à consideratione aliarum
rerum; ab ipso rapiuntur, & applicantur ad intuitum
objecti reuelati, & amorē illius; & ab eodem in eius
intuitu, & amore detinentur quantum Deo placet.

De illustratione, suauitate, & alijs effectibus ma-
gnis, & mirabilibus infusæ, loquemur infra.

C A P. VI.

De objecto Contemplationis infusæ.

ADu. 1. Quòd hìc inquirimus quid videat con-
templans per hanc infusam contemplatio-
nem; num sola diuina; num etiam creata, & an
aliquando videat Dei essentiam euidenter, & clarè
vt est in se, sicut Beati.

Adu.

Adu. 2. Quòd Deus, & diuinæ eius perfectiones regulariter duplici modo à fidelibus apprehenduntur, & cognoscuntur, nempe per positionem, & negationem: primo modo per conceptus positiuos, vt ens substantiale, infinitum, immensum, omnipotens, omnisciens, optimum, amabilissimum, &c. Secundo autem modo per conceptus negatiuos, idest cum omnibus præfatis prædicatis, remotis imperfectionibus, v. g. vt ens sine principio, & sine; vt substantia simplex, sine vlla compositione; & sine accidentibus; vt à se sine dependentia ab aliquo, & cæteris similibus. Non puto necessarium de his subtilitatibus hic loqui; quia neque contemplanti necessariae sunt; intuetur enim, & amat obiectum eo modo, quo sibi à Deo ostenditur; & si Deus se ei ostendat sub conceptu positiuo, sic illum intuetur, & amat, sic etiam si sub negatiuo. In acquisita verò eligi potest modus contemplandi, scilicet per affirmationem, vel negationem.

Dupliciter apprehenduntur diuina.

Dico 1. Principale obiectum infusæ contemplationis est Deus, seu Sanctissima Trinitas, cum suis diuinis intrinsecis perfectionibus.

Principale obiectum est Deus.

Prob. 1. ex communis orationis definitione, quæ est *ascensio, seu eleuatio mentis ad Deum*; omnisque proinde oratio Deum primario respicit, ergo etiam hæc contemplatio.

2. Hæc contemplatio est (vt supra dixi) *Secretissima locutio cum Deo*; & ideo dicitur *Mistica Theologia*. Ergo primarium eius obiectum est Deus, ac Diuina.

3. Theologia Scolastica habet pro obiecto principali Deum; quia de eo inquit primario: ergo Theologia hæc Mistica, & experimentalis, vt ait Gerson, Deum principaliter respicit.

4. Per hanc fit sponsalitiū animæ cum Deo, ipse.

422 DE CONTEMPL. INFUSA, AC SVPERN.

ipseque Deus sit sponsus animæ. Ergo ipse principaliter est huius contractus extremum.

Multæ rationis.

5. Hæc contemplatio dicitur, *ingressus caliginis*, eo quod oculus mentis in magna claritate, ac lumine diuini obiecti caligat, & obfuscatur; ergo obiectum hoc Deus est.

6. Contemplatio acquisita habet Deum pro principali obiecto: ergo etiam infusa.

7. Contemplationi isti ex S. Gregorio succedit contemplatio beata in Patria: ergo cum hæc habeat Deum vt principale obiectum, etiam illa.

Obiecta
secundaria.

Dico 2. Omnia facta, & dicta reuelata in S. Scriptura sunt obiecta secundaria infusæ cōtemplationis.

Prob. Omnia hæc sunt obiecta contemplationis acquisitæ: ergo etiam infusæ: Antecedens patuit in op. 3. c. 13. Conseq. prob. Accidere potest vt quis deuotus contempletur, vel meditetur, vel saltem cogitet aliquod ex factis, vel dictis, quæ in Sacra Scriptura habentur; & Deus illum rapiat à sensibus, & applicet ad fixè intuendum tale obiectum maiori cum illustratione, & perspicacitate, atque clariore cognitione per donum intellectus, & maiori cum affectu, ac inflammatione per donum sapientiæ, illud gustet, & ita frequenter his contemplatiuis accedit.

Dico 3. Omnia dogmatica decreta de fide, ac moribus ab Ecclesia stabilita sunt obiecta infusæ contemplationis.

Omnia
reuelata
sunt obiecta
contemplationis
infusæ.

Prob. Hæc omnia potest quis acquisita contemplatione, vel meditatione, vel simplici cogitatione considerare, & tunc posset Deus eum rapere, seu abstrahere à sensibus, & applicare eum per donum intellectus, ac sapientiæ, & cum illustratione, ac inflammatione illud intueri, & affectu in illud ferri, ergo quodlibet eorum esse potest obiectum infusæ con-

con-

contēplationis, hoc enim modo fit hæc cōtemplatio.

Dico 4. Omnia prorsus creata siue facta, siue faciēda, vt dicunt ordinem ad Dei potentiam, vel iustitiam, vel bonitatem, aut misericordiam, sunt obiecta infusæ contemplationis.

Prob. eodem modo, sicut tres præcedentes; quia pro singulis eorum fixè, ac simplici intuitu cognoscendis, & amandis potest Deus intellectum rapere, & applicare, ac per donum intellectus ipsum illuminare, & voluntatem inflammare; & sic perspicuè cognoscere, & ardentè diligere.

Ioannes Cassianus vnico discursu complectitur omnia fere obiecta contemplationis; tam infusæ, quàm acquisitæ, sic enim loquitur in Collat. I. cap. 15. Contemplatio verò Dei multifariè concipitur, Nam Deus, non sola incomprehensibilis illius substantiæ suæ admiratione cognoscitur, quod tamen adhuc in spe promissionis absconditum est; sed etiam creaturarum suarum magnitudine, vel æquitatis suæ consideratione, vel quotidiana dispensationis auxilio peruidetur; quando scilicet cum Sanctis suis, quæ per singulas generationes egerit mente purissima perlustramus, cum potentiam ipsius, quæ vniuersa gubernat, moderatur, ac regit; cum immensitatem scientiæ eius, & oculum quem secreta cordium latere non possunt trementi corde miramur, cum arenam maris, vndarumque numerum immensum ei cognitum pauidi cogitamus, cum pluiarum guttas, cum sæculorum horas, ac dies; cum præterita futuraue vniuersa obstupescere scientiæ eius assistere contemplamur; cum ineffabilem clementiam eius consideramus, quæ innumera flagitia, quæ singulis quibusque momentis sub ipsius committuntur aspectu, indefessa longanimitate sustentat; cum intuemur vocationem, quæ nos nullis præcedentibus meritis gratia suæ miserationis asciuit; cum denique occasiones salutis tribuit adoptandis; cum quodam admirationis intuemur excessu, quod
ita

Cassianus
omnia o-
biecta cō-
plectitur.

Omnia
contemplabilia.

Omnia re-
uelata etiā
creata sunt
obiecta con-
templ. in-
fusa.

424 DE CONTEMPL. INFUSA, AC SVPER N.

ita nos nasci præcipit, vt ab ipsis incunabulis gratia infunderetur nobis, legisque sue notitia traderetur; quod ipse aduersarium in nobis vincens pro solo bonæ voluntatis assensu, æterna beatitudine, ac perpetuis nos præmijs munerat; cum postremò dispensationem suæ incarnationis pro nostra salute suscepit, ac mirabilia mysteriorum suorum in cunctis gentibus dilatauit. Sunt autem aliæ quoque huiusmodi contemplationes innumere, quæ pro qualitate vitæ, ac puritate cordis in nostris sensibus oriuntur, quibus Deus, vel videtur mundis obtutibus, vel tenetur, Hæc illæ.

Omnia ergo creata, & creabilia in quouis rerum ordine, si à mundi initio incipiatur, & nedum ad finem sæculorum, sed vltra eum per totam æternitatem à parte post discussio protrahatur, sunt obiecta contemplationis tam infusæ, quàm acquisitæ; quia in eis omnibus relucet Deus, idest aliqua, aut plures ex eius perfectionibus, vt meritò Apostolus Rom. 1. 19. dixerit. Inuisibilia Dei à creatura mundi per ea, quæ facta sunt intellecta, conspiciuntur, sempiterna quoque eius virtus, & diuinitas.

Si ergo aliqua ex istis creatis rebus quis consideret, cum suo ordine ad Deum, qui eam fecit, aut facit, & in eius veritate proprio labore obtutum simplicem figat, iam per acquisitam contemplationem intuetur: si verò absque proprio labore à Deo immediatè ad eius intuitum applicetur, & in eo detineatur, per infusam contemplatur.

C A P. VII.

De causis contemplationis infusæ.

AD. quòd licet ex definitione contemplationis infusæ sufficienter innotuerint causæ omnes
ad

ad eam concurrentes; tamen clarioris notitiæ gratia singillatim, sed breuiter, denuò de illis loquemur.

Dico 1. Causæ efficientes naturales ex parte animæ sunt intellectus, & voluntas.

Prob. euidenter. Contemplatio quælibet ex sæpè dictis consistit in simplici fixo, & firmo intuitu obiecti diuini, vel alterius reuelati, & saporosa dilectione eiusdem, Hi autem sunt actus illarum potentialium. Ergo.

Causæ infusæ contemplationis.

Dico 2. Causæ efficientes supernaturales concurrentes cum potentiis ad præfatos actus, intuitum simplicem, & dilectionem saporosam dicti obiecti sunt plures mox referendæ.

Prob. Concurrit speciali modo Deus per efficax auxilium vocationis, ac adiuuationis subtrahentis illas potentias à cognitione, & amore aliarum rerum, & detinentis eas potentias in intuitu, & affectu obiecti reuelati; influens in eos actus per dona Spiritus Sancti, intellectus, & sapientiæ illustrantis, & inflammantis illas potentias. Concurrit ipsum obiectum supernaturali modo demonstratum; nam vt docet S. Augustinus, *ex cognoscete, & cognitio paritur notitia*. Alias causas efficientes nemo agnoscit, si lumen quoddam excipias supernaturale.

Supernaturales causas.

Dico 3. Causa materialis, seu subiectiua mediata est anima; immediata sunt intellectus, & voluntas.

Prob. facilè. Anima est subiectus, omnium potentialium vitalium, & consequenter omnium actuum illarum, qui eis insunt, ac inhærent. Ipsa est sponsa, quæ cum Deo loquitur per potentias; ipsa est, quæ per eas Deum videt, & audit loquentem, ac reuelantem ea, quæ ipsi Deo placet loqui, ac reuelare. Neque in contemplatione tantum, sed in omni alia intellectuali functione Anima est subiectum mediatum illius.

Causa materialis quæ.

Hhh

lius.

Anima me-
diata, po-
tentie im-
mediata.

Causa for-
malis.

Ipsamet
cōtempla-
tio.

Causa fina-
lis.

Intrinseca

lius. Secunda pars de subiecto, seu causa materiali immediata patet; nam actus vitales sunt immanentes, & intransitiui, de quorum ratione est, vt recipiantur in potentiis, à quibus emanant; intuitu autem intellectualis cuiuscumque obiecti, & dilectio illius sunt actus vitales immanentes intellectus, ac voluntatis; igitur in eis subiectantur immediate.

Dico 4. Causa formalis infusæ contemplationis est ipsamet formalitas intuenti, & diligendi obiectū reuelatum, tali modo supernaturali producta, taliterque intuens, ac diligens obiectum reuelatum.

Prob. In omni re, vniuersaliter loquendo, illa dicitur forma rei, quæ eam constituit; & facit illam differre ab omni aliare. Sic se habet hic simplex, & fixus intuitus, cum sapida dilectione, & illis aliis circumstantiis in definitione infusæ contemplationis appositis; quia per eas constituitur, & differt ab acquisita, & ab omni alia intellectuali operatione; ergo hæc est causa formalis eius.

Dico 5. Causa finalis intrinseca infusæ contemplationis, est clara illa, & eleuata cognitio, cum feruido illo obiecti cogniti amore. Causa verò finalis extrinseca est vnio illa perfecta cum Deo, quæ in hac vita haberi potest, & est acquisibilis per eam cognitionem, & amorem.

Prima pars prob. Ex Philosophicis, omnis causa finalis intrinseca alicuius operantis, præsertim practicæ est ipsamet operatio, seu opus; hoc enim intendit operans. Pater de quolibet artifice, de quolibet æcono-
mo, & politico; item de dialectico formante syllogismum; de quolibet disputante, formante legitimum argumentum, de quolibet prudente dirigente suas operationes, & de quolibet Christiano eliciente virtutum opera.

Se-

Secunda pars, prob. Finis extrinsecus contemplatiui pro alia vita, est Dei visio, & fructio; at finis extrinsecus pro præsenti vita, est perfectior cognitio, & amor quæ haberi possunt in hac vita; talis est unio ad quam tendit contemplatio; ergo hæc est finis extrinsecus.

Extrinsecus
causa finalis.

CAP. VII.

De donis intellectus, & sapientiæ concurrentibus ad contemplationem infusam.

ADu. communem esse Doctorum Mysticorum sententiam, quod ex parte animæ hæc duo dona ei à Deo infusa concurrant ad supernaturalem, seu infusam contemplationem: idcirco operæ pretium erit, declarare in quo consistant hæc dona; & quæ effectui peculiarem producant in ipsa contemplatione. Et quāuis supra de his donis aliqua dicta sint, plenius tamen hic de illis differetur, sicut & de eorū effectibus.

Communis sententia.

Dico primò. Donum Spiritus Sancti, quod dicitur *Intellectus*, consistit in lumine quodam, quo intellectus fide præditus res à Deo reuelatas ita capit, ac penetrat, ut quasi clarè, & siue obscuritates eas intueatur; ita S. Bon. *De dono intellectus. c. 3.*

Donum intellectus, quid.

Prob. totidem fere verbis eiusdem. *Cum veritates necessariae ad salutem sint nobis absconditæ, & quasi velatæ tam in rerum naturis, quàm in Sacris Scripturis, in Diuinis Sacramentis, & figuris, in tantum, ut intellectus humanus sine adiutorio supernaturalis luminis non possit ad eas apprehendas perungere, necesse fuit ut Spiritus Sanctus intellectui humano superadderet aliquod lumen supernaturale, quo velamina dictarum veritatum penetraret, & veritates absconditas apprehenderet, ut eas, sic nobis manifestaret; quod utiq; Spiritus Sanctus facit, dum donum intellectus nobis*

Ex S. Bon

Hhh 2 in.

428 DE CONTEMPL. INEVSA, AC SVPERN.

S. Bonau.

inspirat. Hæc S. Bon. Et in c. 4. ait Spiritus Sanctus per donum intellectus facit nos penetrare, & contemplari omnia velamina veritatis incarnate, & veritatis increate. In cap. autem 5. loquens de vtroque dono ait, Summa huius differentia est, quod donum intellectus est propriè penetratiuum, sed donum sapientiæ est propriè saporatiuum.

S. Th.

S. Tho. 2. 2. q. 8. art. 1. inquit, proprium esse doni intellectus sub accidentibus naturam rei substantialis, sub verbis significatam, verborum sub similitudinibus, & figuris latentem veritatem, & in causis effectus latentes, & è conuerso contemplari. Hoc donum petebat David. psal. 118.

Apostoli habuerunt.

34. Da mihi intellectum, & discam mandata tua. Da mihi intellectum, ut sciam testimonia tua. Intellectum da mihi, & viam: iuxta eloquium tuum da mihi intellectum. Et ipsimet Apostoli, qui Lucæ 18. 34. dicente Christo se fore flagellandum, conspuendum, & crucifigendum, at post tres dies fore resurrecturum, Nihil horum intellexerunt, & erat verbum istud absconditum ab eis, & non intelligebant quæ dicebantur, post resurrectionem, donum hoc habuerunt, nam Lucæ 24. 35. tunc aperuit eis sensum, ut intelligerent scripturas: id ergo facit hoc donum.

Ex Paulo.

Confirmatur ex Coloss. 1. 9. Non cessamus pro vobis orantes, ut impleamini agnitione voluntatis eius in omni sapientia, & intellectu spirituali. Interl. & Ord. dicunt cognitione spiritualium, quæ sunt contemplatiuæ: Et in cap. 2. ait, instructi charitate, & in omnes diuinitia plenitudinis intellectus in agnitionem mysterii Dei Patris, & Christi Iesu, in quos sunt omnes thesauri sapientiæ, & scientiæ Dei absconditi. Interl. dicit, ut plenè intellectum habeant. Glos. ord. dicit, id est Copias intellectus pleni, ubi perfectè de humanis, ac diuinis habeant intellectum. Et in 2. Timot. 2. 7. ait, intellige quæ dico; dabit enim tibi Dominus in omnibus intellectum.

Hoc etiam dono Sanctos Ecclesiæ Doctores, & Con-

Conciliorum Patres existimamus post Apostolos fuisse repletos, ut abditissima Sacrae Scripturae sensa caperent, eaque Ecclesiam docerent, ad quae Philosophia pertingere minimè poterat; & hoc promiserat Saluator Ioan. 4. 26. cum promisit missionem Spiritus Sancti, *Ille inquit vos docebit omnia, & suggeret vobis omnia quaecumque dixerò vobis.* Et in Apostolis primò verificatum est, cum in die Pentecostes, varijs linguis loquebantur mirabilia Dei, cum piscatores, & illiterati prius essent.

SS. Patres
illud ha-
buerunt.

Conf. ex Ecclesiast. 39. 9. Vbi de Doctores alios erudiente, dicit, *Si enim Dominus magnus voluerit, spiritui intelligenti replebit illum, & ipse tamquam imbres mittet eloquia sapientiae suae, & in oratione confitebitur Domino, & ipse diriget consilium eius, & disciplinam. Ipse palam faciet disciplinam doctrinae suae, & in lege testamenti Domini gloriabitur.*

Item Ecclesiast. 15. De Doctoribus Ecclesiae dicitur. *In medio Ecclesiae aperiet os eius, & adimplebit illud spiritu sapientiae, & intellectus.* Interl. dicit, *ut dicant quae sapiunt, & intelligunt.* Et S. August. lib. 4. de doctr. Christ. c. 15. longo sermone docet, quòd Doctores, ut possint sine errore doctrinam fidei docere, donis sapientiae, ac intellectus indigent.

Hoc ergo donum *Intellectus* Deus infundit iis, quos dignatur infusa contemplatione munerare, ut per illud obiecta, quae iis demonstrat, siue ante reuelata, siue de nouo manifestata, clariùs, seu minus obscure cognoscant: & ut dicit S. Bon. *penetrent quae per fidem cognoscere soliti erant; & qui hoc dono digni ex Dei liberalitate fuerunt, ac sunt, manifestè id testantur: aliqui tamen cum maiori, alii cum minori lumine, ut postea dicitur.*

Effectus
boni intel-
lectus.

Dico 2. Donum Spiritus Sancti, dictum *sapientiae* con-

Donum sa-
pientiae
quid sit.

430 DE CONTEMPL. INFUSA, AC SVPERN.

consistit in qualitate quadam infusa, per quam ani-
ma intuens obiectum reuelatum gustat saporem dul-
cissimum, ac suauissimum de cognitione veritatis il-
lius cognitæ.

S. Bon.

Prob. ex D. Bonau. de 7. Itiner. ætern. itiner. 3. dist. 2.
Præmarium Contemplationis obiectum est ipse Deus sub ra-
tione qua verum, excitatiuum tamen voluntatis ad eius sa-
porosam delectationem, & ideo sapientiæ actus est contempla-
ri Deum, non quocumque modo, sed cum dilectione, & cum
quadam suauitate experimentalis in affectu. Et in tract. de
dono intellectus cap. 5. ait. Summa huius differentiae est, quod
donum intellectus est propriè penetratiuum; sed donum sa-
pientiæ est propriè saporatiuum. Vtrumque donum S.
Bon. cum his effectibus docet ad supernaturalem, seu
infusam contemplationem concurrere.

Conf. ex Glos. in cap. 6. 23. Ecclesiast. Sapientia cum
doctrina nomen est eius, & non multis est manifesta. Lyr. Sa-
pientia, ait, a sapore enim dicitur; Et ideo psal. 32. dicitur
Gustate, & videte, quoniam suavis est Dominus.

Ex S. Scri-
ptis.

Conf. 2. ex multis scripturæ locis, in quibus ver-
bum Domini dicitur suauis, ac dulce sapientibus illud.
Prouerb. 24. 13. Comede fili mi mel, quia bonum, & sanum,
& dulcissimum gutturi tuo; sic & doctrina sapientiæ animæ
tuæ, quam cum inueneris habebis in nouissimis spem, & spes
tua non peribit. psal. 18. Iudicia Domini dulciora super mel,
& fanum. Cant. 2. 2. Fructus eius dulcis gutturi meo; & in-
fra. Vox enim tua dulcis; & in c. 4. Eloquium tuum dulce.
Ecclesiastici 24. habetur, spiritus meus super mel dulcis,
& hereditas mea super mel, & fanum: hæc est dulcedo de
qua loquitur S. Petrus epist. 2. 3. Si tamen gustastis, quo-
niam dulcis est Dominus. Glos. ord. ait, Si quanta est dul-
cedo saporis: nam qui de diuina dulcedine non gustat, non est
mirum si se terrestribus desideriis sordidare non eruitur.

S. Bernardus in lib. de Amore Dei cap. 10. inquit.
Gu-

Gustum autem, qui sit in sapientia, sequitur quædam saporis dulcedo, quam in interiori suo sentiens anima modo quodam singulari cuncta discernit, & indicat, seque, & omnes sensus vegetat, & confortat: & in ser. de fructu Vitis, idest de Passione Domini, ait. Sapientia à sapore dicta est. Qui ergo in libro sapientiæ legerunt, idest, qui saporem internum experti sunt, dicant, & doceant nos, quis sit iste amor, qui, cum sit fortis, ut mors, facit amantes languere usque ad mortem. Et ser. 85. in Cantic. dicit. Nec dixerim reprehendendum, si quis sapientiæ saporem boni deffuierit, quare sapientia à sapore denominatur. Nunc saporem perdidimus ab ipso pene exortu generis nostris.

S. Bernar.

S. Thomas p. p. q. 43. a. 5. ad 2. inquit, hæc propriè dicitur sapientia, quasi sapida scientia, secundum illud Ecclesiæ. flici 6. Sapientia doctrina secundum nomen eius est.

S. Th.

Scotus in 3. dist. 34. ait, Sapientia est, qua sapit mihi Deus in se, & qua sapit ut bonum, nam qui sapit, & saporem in se approbat, & sibi sapit.

Scotus.

Alex. Alef. in p. p. q. 73. memb. 2. ar. 3. inquit. Sapientia secundum nomen suum est cognitio cum sapore, & sic est donum Spiritus Sancti.

Alenf.

S. Aug. seu alius Author. de spir. & Anima c. 11. ait, sapientia est sapor boni, à sapore enim dicitur. Omnes autem effectus huius doni sapientiæ egomet pro viribus recensui in tomo. 4. in 3. l. Sent. Scoti disp. 15. a. 14. ex quo argumenta hæc excepi; principalis autem effectus, ad rem nostram faciens est reddere sapidum, amabile, dulce, ac suauem omne diuinum dictum; & mandatum ab eo reuelatum.

S. Aug.

Hæc igitur duo dona infusa animæ contemplantis concurrunt ad contemplationem infusam, & faciunt ut obiectum à Deo demonstratum clariùs cognoscat, & suauius ac dulcius ametur ab aliis plus, ab aliis minus iuxta mensuram donorum, ut postea dicam.

CAP.

C A P. IX.

De Proprietatibus, & effectibus infusæ Contemplationis.

Aliqui effectus
coniuñti, alij
sequentes.

ADu. 1. quòd aliquæ proprietates, & aliqui effectus sunt connexi cum ipsomet actu contemplandi, & quidam alij sequuntur eum, seu veriùs habitum contemplandi, & contemplatiuam vitam. De his aliqua hìc dicemus: alia in propriis locis, in quibus loquimur de diuersis statibus huiusmodi contemplatiuorum.

Status diuersi.

Adu. 2. quòd sicut in ordine meditatiuorum, & contemplatiuorum contemplatione acquisita dantur tres gradus, seu status, nempe incipientium, proficientium, & perfectorum; ita in contemplatione infusa, vt postea dicetur: ac propterea aliquæ proprietates, & effectus istius contemplationis reperiuntur in omni statu, alia verò in proficientibus, quæ non in incipientibus; alia tandem in perfectis, quæ nec in primis, nec in secundis. Omnes autem eis pro sua misericordia, ac liberalitate Deus concedit, ac distribuit.

Proprietates.

Dico 1. Proprietates, ac effectus, qui à Mysticis assignari solent connexi (cum aliqua proportionem, ac differentia statuum) infusæ contemplationi, sunt sequentes.

Dulcedo amabilis.

Prima proprietas à S. Greg. hom. 14. in Ezech. hæc assignatur. *Contemplatio amabilis valde dulcedo est; quæ super semetipsam animam rapit, celestia aperit, spiritualia mentis oculis patefacit.*

Secunda proprietas est illustratio, & illuminatio intellectus, & inflammatio voluntatis in Deum quæ per dona sapientiæ, & intellectus obtinentur; ideo S. Greg. ibidem ait, *Cum quis quem amat viderit,*

rit, in amorem ipsius amplius ignescit.

Tertia proprietas, quæ plures complectitur, & contemplationi infusæ annexa semper est, à Dionis. Carthus. l. de fonte lucis cap. 13. hæc assignatur. O quam benè, & optimè est tunc anima amorosè contemplantis; quàm serena, quàm incunda, quàm cœliformia, & tranquilla sunt omnia tunc in ea. Nulla tunc nebula visitur, nulli turbines passionum, nullæ inuolutiones phantasmatum, nullæ varietates discussionum, nulla inquietitudo tentationum. A præsentia solis iustitiæ, ac conspectu, & ardore fulgoris sapientiæ fugiunt omnia illa.

Illuminatio, & inflammatio

Multæ simul.

Admiratio, & suspensio.

Quarta proprietas infusæ contemplationi annexa, est admiratio, & suspensio mentis quasi stupidæ, & attonitæ.

Quinta proprietas eidem sepissimè annexa, est raptus, seu extasis, quæ vt in Opusc. 5. cap. 8. dictum fuit, est excessus mentis, seu alienatio à sensibus.

Extasis.

Sexta proprietas eidem annexa, est desiderium, permanendi perpetuò in ea contemplatione.

Desideriū.

Septima proprietas infusæ contemplationi annexa est ineffabilis suauitas, ac dulcedo inebrians animam de qua in psal. 33. dicitur, inebriabuntur ab vbertate domus tuæ, & torrente voluptatis tuæ potabis eos.

Suauitas ineffabilis.

Alias plures, & sublimiores pro statuum Contemplatiuorum sublimitate, in propriis locis adducam.

Effectus sequentes.

Dico 2. Infusa contemplatio multos effectus ab ipso actu contemplationis sequentes, & separatos producit in contemplante; sunt autem sequentes.

Primus, seu vnus; ex Dionis. Carthus. vbi supra, est castigatio carnis.

Castigatio carnis.

2. Ex eodem ibi, est custodia cordis, seu mentis à quo uis genere mali propter Dei amorem filialem.

Custodia cordis.

3. Effectus est gloriatio in aduersis, vnde Paulus 2. Cor. 12. gloriabor in infirmitatibus meis; ex eodem Carthus. 4. Ef-

Gloriatio in aduersis.

434 DE CONTEMPL. INFUSA, AC SUPER N.

Humilitas
profunda.

4. Effectus est profunda humilitas respectu omnium, maiorum, æqualium, & minorum; & nihil de se præsumere: ex eod. Cartus.

Contem-
ptus terre-
norum.

5. Effectus ex eod. Cartus. est contemptus omnium terrenorum, tam fortunæ, quam honoris, voluntarius, & hilaris.

Desideriū
eternorū.

6. Effectus ex eod. est continuum desiderium eternorum. Contemplatiui huiusmodi cogitatio est continua conuersatio in Cælis, vt dicebat Apostolus, & ideo continuè cum eodem, cupit dissolui, & esse cum Christo.

Charitas
perfecta.

7. Effectus infusæ contemplationis, communiter asseritur perfecta Charitas in Deum, & proximum, ad quam sequuntur alij omnes, qui Charitatis soboles genuinæ sunt, eosq; distinctè enumerat Paul. 1. Cor. 13. dicens. Charitas patiens est, benigna est, non amulatur, non agit per per; non inflatur; nō est ambitiosa; nō querit quæ sua sunt; non irritatur; non cogitat malum; non gaudet super iniquitate; congaudet autem veritati, omnia suffert; omnia superat; omnia sustinet, & inclinatur ad omnium virtutum opera.

Securitas
de verita-
te.

8. Effectus huius nobilissimæ virtutis, est securitas de veritate cognita, & tranquillitas animæ in eius cognitione, & amore.

Vulnera-
tio animæ.

9. Effectus est vulneratio animæ, de qua fit mentio, Cant. 1.

Languor
animæ.

10. Effectus est languor animæ præ Dei amore, de quo Sponsa Cant. 5. fulcite me floribus, stipate me malis, quia amore langueo.

Liquefa-
ctio.

11. Effectus infusæ contemplationis, est liquefactio moralis animæ, de qua Cant. 5. Anima mea liquefacta est, vt Sponsus meus locutus est.

Transfor-
matio in
Deum.

12. Effectus est transformatio in Deum, de qua Paulus Gal. 2. Vivo ego, iam non ego, viuunt verò in me Christus.

13. Effectus infusæ contemplationis, est unio perfecta cum Deo, tota enim spiritalis vira ad hanc unio-
nem

nem collimat; quæ est maior perfectio quæ potest in hac vita desiderari, & obtineri. In quo autem illa consistat, postea dicam in suo loco.

CAP. X.

An optari possit infusa Contemplatio, & quibus medijs obtineri valeat.

ADu. quod duo hæc simul inquirimus; quia connexionem habent. Qui enim efficaciter cupit aliquid; media quærit efficacia ad id conducentia: Quod si hæc non quærit, conuincitur, efficaciter non velle, quod velle dicebat. Et quoniam potest accidere, ut quis ex noticia nobilissimæ huius virtutis, & bonorum quæ adducit in anima, alliciatur ad eius desiderium, ne longius euagetur ad quærendum media pro acquisitione illius, & desiderium, quod erat affectiue tantum efficax, degeneret in velleitatem; subiecto media, quibus ex Dei misericordia, ac benignitate possit voti fieri compos.

Ad 2. quod licet, ut sæpè diximus, ac dicemus, infusa contemplatio non dependeat à labore, studio ac industria humana, sed sit Dei, donum, ac fauor ex liberalitate illius promeniens; nihil tamen impedit, quin homo aliquas apponere possit dispositiones ex eodem Dei adiutorio, ad quarum intuitum dignetur Deus illam ex eadem sua liberalitate concedere. Nam ex S. Aug. Concilium Trid. docet in sess. 6. c. 16. *Deus vult esse nostra merita quæ sunt sua dona.* Nullū enim maius donum excogitari potest, quàm æterna beatitudo, & tamen Deus vult, quod per nostra merita, quæ ipsemet dignatur concedere, eam tamquam præmium, & coronam assequamur. De his ergo medijs,

Vnio cum
Deo.

Auctoris
mens.

Cur dispo
sitiones in
uent.

ac dispositionibus loquimur, quibus ad infusam contemplationem peruenire potest spiritualis homo.

Dico ergo primò. Optari licitè potest infusa contemplatio, & à Deo postulari, si sit ad eius gloriam.

Prob. (sicut de acquisita diximus) est bonum honestum, vtile, ac delectabile. Ergo.

Optari
potest in-
fusa contē-
platio.

2. Vnio æterna cum Deo per contemplationem, seu visionem, ac fruitionem beatam, est optabilis, & postulabilis à Deo; neq; vllus homo mentis compos in mundo est, siue Catholicus, siue Hæreticus, siue etiam Gentilis, qui si illam sciret, eam non optet, & totis viribus non postulet. Igitur unio hæc perfecta in via, quæ est arrha illius in Patria, & proxima dispositio ad eam, est optabilis à Deo.

3. Apost. in Ep. I. ad Cor. c. 12. præcipit, *Æmulamini charismata meliora*. Melius autem hac contemplationem non inuenitur; immò ex Saluatoris oraculo *Lucæ 10. est optimum*. De Magdalena enim contemplante dicit. *Maria optimam partem elegit, quæ non auferetur ab ea*. Nam ait S. Greg. *durat vsque ad aliam vitam; hic enim (inquit) inchoatur, ibi perficitur*.

Arg. valid.
Quod pos-
sit licitè
optari.

4. Moyfes, ex Dei oraculo fidelissimus eius seruus, cui Deus ore ad eos loquebatur, Num. 12. tamen enixè petebat à Deo, Exodi 33. *Si inueni gratiam coram oculis tuis ostende mihi faciem tuam*: cupiebat videre eum euidenter more beatorum, nam in caligine per infusam contemplationem iam viderat longo temporis spatio in Monte Sinai per dies 40. prima vice, & per alios totidem secunda vice. Si ergo licitè, & absque peccato licuit Moyfi optare in via Dei visionem, multò magis licebit optare obscuram Dei cognitionem.

Ad acqui-
rendam in-
fusam.

Dico 2. Multa sunt necessaria media, multæque dispositiones, vt quis ad infusam contemplationem perueniat; & sunt sequentes.

Pri-

Prima dispositio, seu medium est efficax Dei auxilium ad eā vocans. *Exodi 24. Dominus vocauit Moysen de medio caliginis die septimo. Et ratio est quia ex epist. Iac. c. 1. Omne datū optimū, & omne danū perfectum desursum est. Et 2. Cor. 3. Non sumus sufficientes cogitare aliquid ex nobis, tamquam ex nobis, sed omnis sufficientia nostra ex Deo. Et S. Ambrosius multū ab Auguſtino super hoc argumento efficacis vocationis laudatus, ait, Deus, quos dignatur vocat, & quem vult religiosum facit. De quo argumento multa dixi in Opusc. 6. cap. 1. ex Cant. 2. Veni formosa mea &c.*

Multa necessaria.

Auxilium Dei efficax

Efficax vocationis.

Secunda dispositio, seu medium perueniendi ad infusam, est purgatio exacta à vitiis, & passionibus iuxta ea, quæ diximus in 6. Opusc. per 9. capita, & continuatum exercitium in contemplatione acquisita. Prob. ex Dionis. Carthus. l. de Fonte Lucis, cap. 8. Contemplationi acquisita in animabus purgatis regulariter ex Dei fauore succedit infusa, in qua consistit felicitas, quæ haberi potest in hac vita de cognitione Dei.

Exercitiū ad acquisitionem.

Tertia dispositio, seu medium ad eam perueniendi, est exercitium orationis, precum, & meditationis, nam S. Bern. de Scala Claustral. ait, Raram, aut etiam prodigiosam esse contemplationem, quam orationis exercitia non præcedunt; & alibi inquit. Nec tamen vel in transitu presto erit (Deus) sic omni animæ, nisi illi dumtaxat, quam ingens deuotio, & desiderium vehemens, & prædulcis affectus sponsam probat, & dignam, ad quam gratia visitandi accessurum Verbum decorem induat, formam sponsi accipiens.

S. Bern.

Exercitiū meditationis.

Quarta dispositio, seu medium perueniendi, est frequens, longumque bonorum operum exercitium ex S. Greg. lib. 6. Moral. cap. 25. Qui ergo carnis contumelias edomuit; superest vt mentem pro studio sanctæ operationis exerceat, & quisque iam mentem per sancta opera dilatat, superest, vt hanc vsque ad secreta intimæ contemplationis extendat:

S. Greg.

Bona opera.

dat: & cap. 27. Si fastigium contemplationis ascendere desideras, prius te ipsum proba in planitie actionis.

Dion. Carth.

Quinta dispositio ex Dion. Carth. lib. de fonte lucis, hæc est. Ab exterioribus abstrahat mentem suam eam recolligat, eius dispersiones, & vagationes abijciendo: sicque iuxta S. Dionisij documenta se conuertat ad radium supernam illustrationem optando, & pro ea orando, seque ad Dei considerationem, aut contemplationem pro viribus eleuando. Et tunc Deus sublimi, qui sapientiæ dux est, & Princeps totius illuminationis videns diligentiam hominis fidelem, ac pium eius conatum, manum applicabit, & porriget adiutricem, mentem per donum sapientiæ illustrando, sicut dicit Isaias cap. 56. Requiem dabit tibi Dominus, & splendoribus implebit animam tuam. ipse enim est sol sapientiæ, ac intelligentiæ, qua in anima splendescente, ac radiante, omnia mox clarescunt, venustantur, & tranquillantur, & ex hilarantur in ea. Sicque Creatoris sui maiestatem immensam, pulchritudinem infinitam, sapientiam, omnipotentiam, ac beatitudinem, perfectionem, & eminentiam prorsus interminabilem, incipit intueri, ac vehementissime admirari, incunide conspiciere, feruenter diligere, ac intime congaudere, & in eo ad horam quiescere. Hæc Carthusianus.

Alia plura faciend.

Riccard.

Riccardus de S. Viç. de præparat. ad contempl. c. 76. arguens contra se de difficultate assequendi hanc contemplationem supernaturalem sine specialissimo Dei fauore, inquit. Quis ascendet in montem Domini, aut quis stabit in loco Sancto eius. Et multa digna dicit; sed præcæteris. In stando quidem labor sed in ascendendo maior; multi quidem in ipsa ascensione defecerunt propter nimium laborem ascendendi; multi ab arduo eius vertice ocius descenderunt propter laborem standi. Hoc fortasse eis intollerabile videbatur, quoniam non solum in hunc montem, nisi per magnum laborem, non ascenditur; verum etiam quia sine magna difficultate ibi immorari non datur. & cætera plura.

Dispositio pro affectione.

Ex

Ex quibus concluditur, quòd dispositiones, quibus ex sua bonitate possit moueri Deus ad concedendum supernaturalem hanc contemplationem, difficiles, ac laboriosæ sunt, & non solum carnalibus, sed etiam spiritualibus arduæ videntur. Purgatio enim à nobis in suo loco recensita ardua est, virtutum omnium moralium, pro opportunitate, exercitium difficile, continua cordis munditia, moraliter impossibilis frequens, ac perseverans oratio, meditatio, vel acquisita contemplatio, molesta, ideò rarissimi ad infusionem perueniunt.

CAP. XI.

An infusa contemplatio esse possit diuturna.

ADu. 1. quòd vt dixi in *Opusc. 12.* de duratione meditationis, & in *Opusc. 6. cap. 10.* de duratione acquisitæ contemplationis, duplex esse potest huius quæsitæ sensus. Primus est, an solum in hac vita detur infusa contemplatio; an etiam esse debeat in alia vita; & de hoc sensu hic non loquimur. 2. est, an actus contemplandi exigit determinatum tempus, quòd duret v.g. per horam, mediam horam, quadrantem, &c. Hic sensus inquiritur.

Adu. 2. quòd quamuis in nuper citato capite assignauerimus determinatum, ac indeterminatum spatium pro meditatione, & contemplatione acquisita iuxta dispositionem meditantis, & contemplantis, pluresque adduxerimus Patrum auctoritates ad tale temporis spatium stabilendum, illæ tamen rationes valere non possunt pro infusa, quæ non subiaceret perturbationi causarum naturalium, sed soli Deo suspendenti earum effectus, ne impediant contemplantem; ideò.

Dico

Difficultas
alleguen-
di unde.

Duplex se-
sus.

Non est ex-
dem ratio
de infusa.

440 DE CONTEMPL. INFUSA, ACSUPERN.

Non durat
semper.

Non durat
multum.

Moyſes 40
diebus, &
noctibus.

Saluator
per noctes
plures.

Ioannes.

Dico primò. Infuſa contemplatio non durat con-
tinuò in contemplante, itaut nil aliud agat, neque
per plures continuos dies, neq; per integrum, aut per
maiorẽ diei partem, neque per mediam diem, aut
magnam partem diei, niſi in raris aliquibus caſibus in
Sacra Scriptura expreſſis, vel aliis ſingularibus iuxta
incomprehenſibile Dei iudicium, forte futuris.

Dixi, niſi in raris caſibus in Sacra Scriptura expreſſis, ob
caſus Moyſis, Saluatoris, & Ioannis Euangeliftæ.
Moyſes enim quadraginta diebus, & 40. noctibus in
Monte Sinai ſine cibo, & potu ſtetit ſub caligine in-
continua contemplatione Dei, Exodi 24. 18. Immo
cũ ob peccatum idolatriæ Populi fregiſſet tabulas
legis, altera vice ex Dei præcepto aſcendit in mon-
tem cum aliis duabus tabulis, & per alios 40. dies, ac
noctes manſit in contemplatione Dei.

De Salvatore noſtro habemus, quòd per integras,
& plures noctes perſeueravit in oratione; ſeu contem-
platione Dei abſtinens ab aliis operibus externis;
quod addo, quia per totam vitam Deum videbat,
contemplabatur, & pro nobis orabat, ſed operibus
externis etiam vacabat; & hoc erat continuum mira-
culum.

De Ioanne Euangelifta legimus Apocal. 1. quòd
fuit in ſpiritu in Dominica die, & reuelata ſunt ei omnia
illa dicta, & facta mirabilia, & ſucceſſiones multas
habentia, quæ in vigintiduo capitibus Apocal. conti-
nentur: quæ non poterat breui tempore audire, &
conſpicere.

Dixi, exceptis alijs caſibus, in quibus vellet Deus ali-
quos eodem modo, & eiſdem temporũ ſpatiis in con-
templatione detineri; Dominus enim, & omnipotens
eſt. Et ſicut per totam æternitatem detinebit Ange-
los, animasq; beatas in euidenti ſui contemplatione,
ita,

ita, & multò magis, potest hìc quanto tempore sibi placuerit detinere in contemplatione obscura.

Ex futuro
arg.

Prob. modò conclusio ex facto. Numquam in contemplatiuis durat, aut durauit, tam prolixo tempore, contemplatio: immò omnes cum S. Greg. conueniunt quòd non duret regulariter plusquam per mediam horam, iuxta illud *Apocal. 8. factum est silentium in Cælo, quasi media hora, ut sæpè diximus.*

Dico 2. Quamuis pro parua duratione tam meditationis, quàm acquisitæ contemplationis, assignari possint rationes naturales ob naturæ defectum; istæ tamen rationes nequeunt applicari etiam pro parua duratione infusæ; sed aliunde ex incomprehensibili Dei iudicio desumenda est ratio.

Prob. prima pars ex ipsomet S. Greg. *l. 3. moral. c. 12.* Eatenus multum durare non potest contemplatio, quia, *corpus quod corrumpitur aggrauat animam, & rerum tam naturalium, quàm mundanarum phantasmata, & tentationes diaboli, vel propriæ concupiscentiæ, aliarumque passionum, mentem perturbant, & retrahunt illam à contemplatione: & sic parum durat: eam dē rationē replicat in l. 5. mor. c. 23. & in hom. 14. in Eze.*

Diuerfa ratio de infusa.

Ante Greg. idem docuerat Cassianus *collat. 1. c. 13.* dicens, *Inhabere quidem Deo iugiter, & contemplationi eius, quemadmodum dicitis, inseparabiliter copulari, impossibile est homini istius carnis fragilitate circumdato.* Idem replicat in *collat. 23. cap. 5.* ubi impugnat eos, qui docebant posse hominem continuè sine intermissione contemplationi diuinorum vacare, inquiens, *hoc esse, impossibile pro statu presentis viæ: sed desiderio tantum, ac voluntate, non exercitio id fieri posse: & sic faciebat, & consulebat Paulus, Nostra conuersatio in cælis est, & sine intermissione orate, id est desiderio.*

Passiones retrahunt.

Ante Cassianum S. August. *l. 7. Confess. cap. 17. Ræ-*

Kkk

pie-

412 DE CONTEMPL INFUSA, AC SVPERN.

S. Augusti-
ni ratio.

Hæ ratio-
nes non va-
lent pro in-
fusa.

piebar à te Domine decore tuo, moxque decipiebar abste pon-
dere meo, & ruebam in ista cum gemitu, & pondus hoc con-
suetudo carnalis est: & in lib. 10. cap. 40. dicit, Domine ali-
quando intronittis me in affectum inusitatum multum intror-
sus ad nescio quam dulcedinem, quæ si perficeretur in me, nes-
cio quid erit; scio quod vita ista non erit, sed recido in hæc
arumnosis ponderibus, & resorbeor solitis, & teneor; & mul-
tum fleo, & multum teneor; Tantum consuetudinis sarcina de-
grauat. Hic esse valeo, nec volo, illic esse volo, nec valeo, miser
vtrouque Omnes Doctores Mystici posteriores, vt S.
Bernardus, S. Th. & S. Bonau. sequuti sunt S. August.
& S. Greg. in assignanda hac ratione, cur multum du-
rare non possit contemplatio, quia homo circumda-
tus est infirmitate concupiscentiæ, & tumultibus ter-
renorū, quæ omnia continuè distrahunt ab oratione.

Secunda verò pars, quòd hæc ratio non potest ap-
plicari pro contemplatione infusa, probatur euiden-
ter; quia pro facienda contemplatione acquisita, ho-
mo labore, studio, & industria sua se subtrahit ab aliis
occupationibus, & cogitationibus; At postea cum
contemplatur, quamuis ipse, nec eas imperet, nec eas
velit, ex se insurgunt, & quia fortes sunt, ac sensibi-
les, turbant, & distrahunt; insuper insurgit tædium,
melancolia, curiositas, & anxietas alterius negotij
peragendi; tentatio carnis, quæ semper est prompta;
tentatio diabolica vanitatis, acedia, & cetera similia,
quæ omnia, & singula distrahunt à contemplatione
acquisita, & ideò parum durat.

At in contemplatione infusa, ista nequeunt habe-
re locum, quia Deus est, qui distrahit hominem ab
omnibus occupationibus, & alienis cogitationibus,
& applicat, ac detinet illum in cognitione, seu intui-
tu, & amore sui, vt dictum est in definitione infusæ.
Nam Cant. 8. 4. prohibet Sponsus omnibus externis,

ne

ne suscitent, ac retrahant Sponsam a dulci colloquio cum Sponso: *Laua eius sub capite meo, & dextera illius amplexabitur me*, ait Sponsa; & subdit Sponsus, *Filia Ierusalem ne suscitetur, neque euigilare faciat dilectam donec ipsa velit*. Interl. *Suscitetur*, dicit, *tumultu carnalium perturbationum à quiete placidissima deuotionis, qua conspectibus sui conditoris aflare delictatur*. Deus ergo impedit portionem inferiorem, omnesque sensus, & omnia phantasmata, omnesque alienas cogitationes, & species, ne perturbent, & distrahant contemplantem; ideo sequitur; quod ratio paruitatis durationis in contemplatione infusa, non sit corporalis infirmitas, vel passionum aut cogitationum perturbatio, aliaue similis à natura præueniens impetio, etiam inuoluntaria; sed aliquid aliud. Ideo

Deus impedit distractione

Tertia pars, quod scilicet sit diuina dispositio, prob. à sufficienti partium enumeratione; cum nequeat aliunde provenire. Et hæc est regula generalis omnium gratuitorum, quæ proveniunt à Dei misericordia, nullis præcedentibus meritis; omnia enim eiusmodi concedit Deus, quibus vult, quando vult, & quomodo vult. Vnde Apostolus 1. Cor. 7. 7. *Vnusquisque proprium donum habet ex Deo, alius quidem sic, alius vero sic*; & in cap. 12. 4. *Diuisiones gratiarum sunt, idem autem spiritus, & diuisiones ministrarum sunt, idem autem Dominus. Et diuisiones operationum sunt, idem vero Deus, qui operatur omnia in omnibus*. Et prosequitur loqui de nouem gratijs gratis datis, dicens quod vni datur vna, alteri altera, & sic de singulis, concludens. *Hæc autem omnia operatur vnus, atque idem spiritus, diuidens singulis prout vult*; & sicut dicemus, quod in contemplatione infusa alij sunt alijs magis illuminati, magisque perfecti in ea; immò, & quod multis Sanctis Deus eam non concedit, & multis minus perfectis concedit,

A Dei dispositione est.

Regula gratuitorum.

Est Dei voluntas.

Kkk 2 ne.

444 DE CONTEMPL. INFUSA, AC SVPERN.
neque potest assignari alia causa, quàm Dei volun-
tas: *quis enim consiliarius eius fuit?* inquit Paulus *Rom.*
11. 24. ita dicendum de spatio, ac mensura duratio-
nis in actu contemplationis infusæ, quod nempe ces-
sat dum Deus subtrahit concursum.

C A P. XII.

Quibus Personis conceditur infusa contemplatio.

Finis au-
thoris.

ADu. quæsitum hoc agitari ad consolationem
piorum fidelium, ne existiment, eos tantum in
Ecclesia esse perfectos, quibus donum hoc à Deo eis
vident concessum; in cæteris autem perfectionem
non reperiri, quos dono isto vident carere.

Adu. 2. quod, vt dixi de Vita contemplatiua in
Opusc. 4. c. 3. licet contemplatiua, iuxta Saluatoris ora-
culum sit optima, & ideò perfectior quàm actiua; nō
propterea in hac sola consistit Christiana perfectio,
vt ibi dixi; rarissimi namque contemplationi vacant,
& maximè infusæ, vt notorium est: innumeri verò
meditationi; & tamen complures perfectos experi-
mur canonizari, licet in processibus pro eis factis de
infusa contemplatione non fiat mentio, sed de alijs
virtutibus in gradu heroico, & de miraculis fiat con-
stans probatio.

Infusa etiā
non perfe-
ctis conce-
ditur.

Dico ergo. Infusa contemplatio interdum conce-
ditur perfectis: interdum etiam nō perfectis; ita quod
positio eius in aliquo nō est præcisum signum perfec-
tionis: nec carentia eius est signum præcisum non
perfectionis, aut imperfectionis.

Prob. 1. auctoritate S. Gregorii, quam adduxi in
Opusc. 3. c. 15. Is enim, *homil. 17. in Ezech.* inquit. *Non*
enim contemplationis gratia summis datur, & minimis non
datur;

datur; sed sæpè hanc summi, sæpè minimi, sæpius remoti; ali-
quando etiam coniugati percipiunt. Si ergo nullum est fide-
lium officium, à quo possit gratia contemplationis excludi;
quisquis cor intus habet, illustrari etiam lumine contempla-
tionis potest. Et post. Nemo ex hac gratia; quasi de singula-
ritate gloriatur, nullum se donum veri luminis existimet ha-
bere priuatum; quia in eo quod se habere præcipuum putat,
sæpè alter est ditior, qui habere apud se aliquid boni non pu-
tat. Hæc ille; Si itaque non solis summis, idest perfe-
ctis datur, sed etiam medijs, & minimis, atque coniu-
gatis, non est præcisum signum perfectionis eius; in
quo inuenitur, nec imperfectionis, in quo non est.

Conf. Ex infra dicendis in his contemplatiuis dan-
tur gradus incipientium, proficientium, & perfectio-
rum. Ergo, cum incipientes, ac proficientes polleant
infusa contemplatione, & perfecti non sint; contem-
platio infusa non est præcisum signum perfectionis,
& negatio eius signum imperfectionis.

Prob. 2. Vnum ex præcisus signis perfectionis,
est illud, quod Christus assignauit. *Matt. 10. 11. Si vis
perfectus esse, vade, vende omnia quæ habes, & da pauperibus
Veni, & sequere me,* quod multi fecerunt, & perfecti
fuerunt. Ergo infusa contemplatio non est præcisum
signum perfectionis; nec eius carentia est signum im-
perfectionis.

Signum
perfectionis à Chri-
sto datum

Hinc est, quòd multis non adhuc perfectis Deus
concedit donum istud; & multis perfectis non conce-
dit: in primo casu, *miseri cordia super exaltat iudicium;*
nam miserationes eius super omnia opera eius, psal. 144. Pro
secundo casu dicendum, quòd *incomprehensibilia
sunt iudicia eius, & inuestigabiles viæ eius; & iustus Do-
minus.*

S. Bernard. in *Epist. ad Fratres de monte Dei*, initio, de
huiusmodi donorum Dei partitione, quæ mirabi-
lis

Ex S. Greg.
clara pro-
batio.

S. Bernar-
di admira-
tio.

lis mundo videtur; plura dicit, Primò, quod in paucis simplicibus (id est Apostolis) totum sibi Mundum subiecit, ipso Mundo mirante, licet enim magna, & diuina planè fuerint miracula, quæ Christus gessit in terris: hoc tamen vnum enituit super omnia alia, & cetera cuncta illustrauit, quod, sicut dictum est, in paucis simplicibus totum Mundum, & omnem sapientia eius altitudinem sibi subiugauit. Secundo Fratres illos consolatur, quod Deus eos elegerit ad sumilia ferè opera peragenda, ex Christi verbis Lucæ 12. Ita Pater, quoniam sic placitum est ante te. Quoniam abscondisti hæc à sapientibus; & prudentibus, & reuelasti ea paruulis. Nolite ergo timere pusillus grex, quia complacuit Patri vestro dare vobis regnum. Tertiò cum Apostolo 1. Corinth. 1. Fratres videte vocationem vestram: vbi sapiens? vbi scriba? Nam etsi aliqui sunt sapientes inter vos per simplices tamen sapientes aggregauit, qui Reges olim; & Philosophos mundi huius per Piscatores sibi subiecit. Et alia plura de hoc modo agendi, ac disponendi Dei adducit. Nulli ergo mirum, si omnibus suis amicis, ac dilectis, quamuis perfectis in omni virtute, Deus infusam contemplationem non concedit; nec mirum, si alijs minus perfectis, immò incipientibus vitam spiritualem, illam concedit. Sed quisque miretur de incomprehensibilitate iudiciorum eius, & inuestigabilitate viarum eius; & cum Apostolo clamet; O altitudo diuitiarum, & sapientia Dei, &c.

Deus con-
cedit dona
cui vult.

C A P. XIII.

In quibus medijs cognoscantur obiecta per infusam contemplationem.

ADu. 1. quòd de hac materia satis abundè, (& pro doctis, non pro simplicibus) loquutus sum

in

in *Opusc.* 3. c. 16. & sensus est, An sic contemplans cognoscat, seu intueatur objecta sibi reuelata, siue antiqua, siue noua in speciebus, an alio modo; & si in speciebus, an in solis intelligibilibus, an etiam in imaginariis, an in vtrisque: De harum specierum diueritate, ac officio, in eo loco multa dixi, quæ nunc iterare non est necesse, ibi videantur. Specialis tamen discussio fit hic de eodem argumento, eo quod infusa contemplatio sublimior est; & forte aliquibus studiosis videtur, quod contemplantes isti, alio, & altiori medio intueantur ea, quæ voluerit Deus eos cognoscere, ac intueri.

Adu. 2. quod, vt dixi in *Opusc.* 3. cap. 13. licet principale obiectum contemplationis sit Deus, eiusque Diuinæ perfectiones, & Sanctissima Trinitas: quia tamen ad cognitionem ipsius Dei, & perfectionum eius secundum aliquem conceptum saltem vniuersalem possumus peruenire per cognitionem creaturarum, vt habetur, *Rom. 1. inuisibilia Dei à creatura mundi per ea quæ facta sunt intellecta conspiciuntur; sempiterna quoque eius virtus, & diuinitas;* ideo diximus, quod objecta contemplabilia quædam sunt creata, quædam increata; non quia intellectus contemplantis figit intuitum in re creata, sed quia ex rebus creatis, vt dicit Apostolus, excitatur, & manuducitur, ad cognoscendum increata; in ijs enim relucet, vt ibi diximus, scintilla aliqua diuinitatis. Ex creatis autem, quædam sunt corporalia; quædam spiritualia; & ex his omnibus, vt cum S. Bon. in eodem *Opusc.* c. 16. & 17. diximus, intellectus ascendit ad cognitionem diuinorum. Ita quod homo, præsertim fide imbutus (quia Apostolus etiam Gentiles comprehendit) ex cognitione Cælorum, Planetarum, & sublunarium, ac terrestrium; & motuum, ac generationum, atque

Sensusque
sui alias
resoluit.

Ex creatis
ascenditur
ad increa-
ta.

cor-

corruptionum ipsarum rerum, venit in cognitionem primæ causæ, & in omnibus factis sensibilibus, quæ in Sacra Scriptura legit, intuetur Deum, qui ea fecit. Ex spiritualibus autem, quæ in nobis experimur, & credimus, venimus in cognitionem perfectionum Dei, potentiæ, iustitiæ, bonitatis, &c.

Quædam
diuina nō
possunt co-
gnosci ex
creatis.

Præterea ex reuelatione cognoscimus, & credimus Dei perfectiones immediate, v. g. intellectum, voluntatem, actus eorum ad extra, & ad hæc cognoscenda possumus ex cognitione nostrarum potentiarum, & actuum earundem peruenire, sicut, & ad cognoscenda omnia alia attributa. At adsunt in Deo quædam perfectiones, ad quarū notitiam peruenire non possumus per creaturarum cognitionem, sed sola fide credimus; vt sunt Trinitas Personarum cum vnitæ essentię, Incarnatio vnius Personę sine alia, cū in essentia sint vnum & idem; Infinitas, Immensitas, Eternitas, Esse à se, &c.

Cū ergo omnia creata, siue in ordine nature, siue in ordine gratiæ, & omnia increata, siue per creaturas cognoscibiles, siue per solam fidem, possint esse obiecta contemplationis infusæ, quærimus, quo modo Deus ea ostendat contemplanti, num in seipsis, vel in seipso; vel in speciebus, & quibus.

Spiritua-
lia in spe-
ciebus in-
tell. cogno-
scuntur.

Dico 1. Obiecta purè spiritualia, siue creata, siue increata, in contemplatione infusa Deus ostendit contemplanti in speciebus spiritualibus, seu intelligibilibus.

Prob. sicut dictum est in *Opusc. 3. cap. 16*. Ista obiecta non possunt repræsentari per species sensibiles, seu imaginarias: nulla enim inter ea adest proportio, v. g. si vellet Deus ostendere contemplanti naturam Angeli, aut animæ, aut alicuius habitus supernaturalis, fidei, charitatis, iustitiæ originalis, luminis glo-

gloriæ, &c. imaginariæ, & sensibiles species nequeunt aliquid eorum repræsentare . Item , si vellet Deus ostendere contemplanti vnionem hypostaticam, vel aliquod attributum diuinum desumptum ex creaturis, vt iustitiam, potentiam, misericordiam, &c. non posset ostendere per speciem imaginariam, quæ improporportionatissima est talibus rebus . Tandem si vellet ostendere contemplanti in obscura cognitione Sanctissimam Trinitatem , seu diuinam essentiam , (quæ sunt principale obiectum contemplationis) vt ea cognosceret paulò clariùs , quàm faciat per fidem, non posset ostendere in specie imaginaria . Et hoc est præceptum S. Dionisij, vt in contemplatione speculaculorum sapientig, deferantur sensus ; nam ad ea sunt improporportionati .

Quæ non possunt cognosciper species sensibiles .

Et hoc est, quod tam vehementer contra imaginaria species, seu phantasmata contemplationi spiritualium, ac diuinorum aduersantia, exagerrat Riccard. de S. Victore lib. 3. de contemplat. c. 1. Quid hic facit phantasmatum corporalium creatrix, moderatrix & reparatrix imaginatio? Recedat procul ab hoc negotio tot phantasmatum formatrix imaginatio, quæ tot corporalium formas quotidie nouas creat, antiquas reparat, & per tam multipliciter, variosque modos pro arbitrio disponit, & ordinat. Nihil hic profunt, immò multum obsunt suorum simulacrorum tam copiosa multitudo. Quid te improbam huic te opere ingeris? quid te in huius contemplationis officium cum tanta importunitate intrudis? Quid tu in hac officina? Quid tibi cum pura intelligentia? Nescis purgare aurum, quæ semper turbas intellectum purum. Ex quibus vides, quòd non solum phantasmata nequeunt spiritualia, & diuina repræsentare; sed quando ista cognoscenda sunt acceri debent omnia corporalium rerum phantasmata, ne turbent intelligentiam (sic vocatur intellectus

Riccardi exagerratio contra phantasmata .

450 DE CONTEMPL. INFUSA, AC SVPERN.
cognoscens diuina per intelligibiles species .] Per
spirituales ergo, seu intelligibiles species cognoscun-
tur spiritualia in infusa contemplatione, sicut in ac-
quisita .

Dico 2. Dum in contemplatione infusa Deus
ostendit, seu reuelat obiecta corporalia; repræsen-
tat, seu potest repræsentare per species imaginarias,
seu phantasmata, vel etiam per species intelligibiles
taliū obiectorum; & per alterutras, siue antiquas
iam existentes in contemplante, siue nouas à Deo no-
uiter productas.

Corpora-
lia per v-
traq; pō-
test Deus
ostendere.

Quomodo
Deus ostē-
dere po-
test corpo-
ralia.

Prob. & declaratur supponendo quod in cit. Opuse.
& Capite diximus, scilicet quod de rebus corporeis
per sensus cognitis, homo habet duo specierum gene-
ra, vnum imaginarium, alterum intellectuale; idest
phantasmata in imaginatione, & species intelligibi-
les in intellectu. Hoc posito, dico, quod si Deus
velit ostendere contemplanti aliquid corporale fa-
ctum, vel factibile, v.g. creationem Mundi, vel homi-
nis; diluuium, sacrificium Abrahæ de Isaac, templum
Salomonis, locum Purgatorii. aut Inferni, & cætera
alia ex illis factis, quæ in Sacra Scriptura leguntur,
aut alia facienda. Item si velit ostendere aliquam
Christi actionem, aut passionem, v.g. gestationem in
vtero matris, natiuitatem in stabulo, iacentiam in
præsepio, & aliud eiusmodi; vel partem aliquam pas-
sionis, & cruciatum, &c. potest hoc facere duplici
modo, primò per species imaginarias repræsentan-
tes ista facta, aut facienda; vel per imaginarias,
quæ adsunt in contemplante; ordinando eas nobi-
liori, ac illustriori modo, ac lumine, vt postea di-
cam; & si non adsint, aut etiam si adsint, velit Deus
alias puriores in imaginatione producere, per istas
potest talia obiecta ostendere; & sic factum esse cum

Pro-

Prophetis docet S. Augustinus, quando eis corporalia reuelauit, siue præterita, siue futura. Sic cum Moyse, dum ei creationem Mundi, Cœlorum, Elementorum, ac mixtorum, & omnia quæ in toto libro Genesis facta narrantur, ei reuelauit. Item & omnia, quæ in Exodo, Leuitico, Numer. libro, & Deuteronomio habentur.

Sic factum
cū Moise.

Potest etiam hæc eadem corporalia per species intelligibiles, siue nouas, siue antiquas illustriores per donum intellectus redditas, ostendere, concurrentibus, vel etiam non concurrentibus phantasmatis: Deus enim in genere causæ efficientis potest facere se solo quidquid potest facere cum causis secundis, seu possunt causæ secundæ cum Dei concursu. At homo per species intelligibiles, quas retinet in intellectu de rebus corporeis potest eas cognoscere per cognitionem abstractiuam in earum absentia, in recordatione illarum, concurrentibus etiam phantasmatis ad talem cognitionem seu recordationem. Igitur hoc idem potest facere Deus, dum talia ostendit, mouendo nempe, si adest speciem intelligibilem talis rei corporeæ, permittendo, quod phantasma etiam illius concurrat, quod est quid supernaturale. Si autem talis species non ad sit in contemplante, posset Deus, vel utramque producere, scilicet imaginariam, & intelligibilem, & permittere, ut utraque concurrat; vel producere solam intelligibilem, & per hanc demonstrare corporeum illud, quod dignatur contemplanti demonstrare.

Potest per
intelligibiles etiam
species exterioriores.

Dionisius Carthusianus apertè utrumque docet in tract. *De Vita inclus.* 19. ubi de perfecta hac contemplatione loquens, ait. *interdum fit per similitudines corporales, interdum per formas imaginarias, interdum verò fit hoc sublimius, purius, atque diuinius per species,* &

Dionis.
Carthus.
idem docet.

452 DE CONTEMPL. INFUSA, AC SVPERN.
radios intellectuales, hoc est per solam intellectualem illumina-
tionem, & spiritualis speciei, aut luminis infusionem.
Sicque contingere solet personis perfectis, heroicis, ac diuinis
quæ sæpè inopinatis excessibus feruntur, seu potiùs rapiuntur
in Deum.

Patet ergo, quòd in contemplatione infusa, obie-
cta, quæ videntur, in his speciebus videntur, sicut
placuerit Deo illa demonstrare, cum debita propor-
tione eorum.

C A P. XIV.

*An in contemplatione infusa interdum videatur essentia
Dei, vt est in se.*

Ratio quæ
fici.

ADu. 1. moueri hoc dubium ab omnibus Mysti-
cis, vt innotescat, ad qualem, quantamque
Dei notitiam peruenire possint contemplatiui in
contemplatione infusa: Et si non vident Dei essen-
tiam immediatè, vt est in se, quid ampliùs videant,
& cognoscant de Deo supra contemplatiuos in ac-
quisita; siquidem isti etiam cognoscunt, & intuentur
Deum abstractiue in specie intelligibili secundùm
conceptus communes cum excellentia supra creatu-
ras, siue per affirmationem, siue per negationem, vt
diximus in Opusc. 6. c. 16.

Adu. 2. quòd licet non inquiramus hìc, an aliquis
homo vmquam viderit Deum, vt est in se, sicut ali-
qui affirmant de Moyse, & Paulo; quia loquimur de
personis non sic à Deo eleuatis, & de iis, quæ fre-
quenter accidere solent contemplatiuis, tamen ad
firmandam communem Doctorum negatiuam sen-
tentiam de contemplatiuis, omittere non possumus
argumentum desumptum à negatione talis visionis,
etiam in illis.

Dico

Dico ergo . In contemplatione infusa nullus , quantumuis perfectus contemplatiuus peruenit ad videndam essentiam Dei vt est in se ; immediatè , & euidenter . Est communis ex S. Th. S. Bonau. Scoto & omnibus, etiam Mysticis .

Nullus cō
templati
uus videt
Deum, vt
est in se .

Prob. primò ex Dei ipsius oraculo dicentis, se non fore videndum ab homine , qui postea victurus esset . Nam Moyse fidelissimus Dei seruus *Exodi 33.* continuò loquens cum Deo, ex cuius colloquio cum descenderet de monte *facies eius erat cornuta* , idest splendens, pluries petit faciem, & gloriam Dei videre, & Deus respondit, *ostendam tibi omne bonum* . Rursumque ait, *non poteris videre faciem meam ; non enim videbit me homo, & viuet* . Et nihilominus paulò ante in eodem capite dicitur, *loquebatur autem Dominus ad Moysen facie ad faciem, sicut amicus ad amicum ; si ergo Deus dicit, se, non videndum ab homine in hac vita, nullus contemplatiuorum sic videt, sed alio modo, vt dicam postea.*

Moyse
quomodo
vidit, &
non vidit
Deum .

Confirmatur ex epist. 1. Io: cap. 4. 12. *Deum nemo vidit vnquam ; Interl. dicit, nec Moyse* . Glosa ordin. dicit, *Nullus purus homo viuens in hoc corpore vidit Deum* . Et ex 1. Timot. 6. 16. *Deus lucem habitat inaccessibilem, quem nullus hominum vidit, sed nec videre potest* . Gl. ord: dicit, *secundùm naturam, qua Deus est, nemo vidit* . S. Hieron. in hunc locum, ait, *lucem habitat inaccessibilem omni creaturæ, nemo enim nouit Patrem, nisi filius ; quem nullus hominum vidit, nemo nouit, sed vnusquisque pro merito intelligit* . Ergo videri non potest .

Ex S. Scrip

S. Hieron.

De contemplantibus autem loquendo, prob. quòd ad hanc altitudinem non proueniunt . Primus omnium, quem viderim expressè id negasse, est S. Greg. Magnus qui *homil. 14. in Ezech.* dicit, *Sciendum est, quia quandiu in hac mortali carne viuatur nullus ita in contem*
pla.

S. Greg.

454 DE CONTEMPL. INFVSA, AC SVPERN.

plationis virtute proficit, ut in ipso intircumscripro luminis radio mentis oculos infigat. Neque enim omnipotens Deus iam in sua claritate conspicitur, sed quidam in illa speculatur anima, vnde reflecta proficiat, & post ad visionis eius gloriam pertingat.

S. Augustinus: etiam aliquando negat.

S. Aug. ante Greg. in l. de videndo Deo, cap. 5. considerans illa duo, Beati mundo corde, quoniam ipsi Deum videbunt, & illud Ioann. Deum nemo vidit umquam, subdit, homines esse intelligendos; nam hoc Apostolus plenius explicans dicit, quem nemo umquam hominum vidit, sed nec videre potest. Sic ergo dictum est, Deum nemo vidit umquam, ac si diceret nemo hominum; in fine illius capitis dicit, igitur, nec Patrem quisquam putandus est vidisse, nec filium, secundum quod Deus est.

Iterum negat. S. Aug.

Et in cap. 8. ait Inuisibilis est natura Deus, Pij cupiunt Deum videre, non ut opinor in eam speciem intuendam, qua re vult apparet, quod ipse non est, sed in eam substantiam, qua ipse est, quod est. Huius desiderij fuit Moyses, ubi ait Deo, cum quo ut amicus facie ad faciem loquebatur, Si inveni gratiam ante te, ostende mihi te ipsum. Quid ergo ille non erat ipse? Si non esset, non diceret ostende mihi te ipsum, sed diceret ostende mihi Deum. Ipse ergo erat in ea specie, qua apparere valuerat. Non autem ipse apparebat in natura propria, quam Moyses videre cupiebat. Ea quippe promittebatur sanctis in alia vita: Vnde quod responsum est Moysi verum est, quia nemo potest eum in hac vita viuens videre sicuti est.

S. Thomas

S. Thomas in 2. 2. q. 180. art. 5. sequutus Gregor. ait, dicendum, sicut S. August. l. 12. super Gen. ad lit. cap. 27. quod nemo videns Deum vivit ista vita, qua mortaliter vivitur in istis sensibus corporis.

S. Bonau.

S. Bonau. in itiner. mentis ad Deum cap. 6. circa finem ubi de perfectissimo actu contemplationis loquitur, qua videtur Deus in caligine supernaturali ex Dionis. dicit quaedam scitu digna, quid nempe videatur de

de Deo, & quid non videatur: Tu amice circa mysticas visiones corroborato itinere, & sensus deferere, & intellectuales operationes ad unitatem (ut possibile est) in seius restituere ipsius, qui est super omnem essentiam, & scientiam, etenim te ipso, & omnibus immensurabilis, & absoluto pura mentis excessu ad superessentialem diuinarum tenebrarum radium omnia afferens, & ab omni absolutus ascendes. Si autem queris, quomodo hæc fiant, interroga gratiam, non doctrinam; desiderium, non intellectum; gemitum orationis, non studium lectionis; sponsum, non magistrum; Deum, non hominem; caliginem, non claritatem; non lucem, sed ignem totaliter inflammantem, & in Deum excessiuis vocationibus, & ardentissimis affectionibus transferentem: & paulo post, ait, post mortem tantum videndum Deum. Qui diligit hanc mortem, nempe in Christo, videre potest Deum, quia indubitanter verum est, non videbit me homo, & viuet. Moriamur ergo, &c.

Multa doceat S. Bon.

Non cura alios authores pro hac sententia adducere, quia omnes id consentientur de contemplatiuis, & ipsimet contemplatiui id fatentur; nec ullus eorum, qui de hac materia scripsit, id asseruit. Esto ergo, quod magnis radiis, & splendoribus illustraretur intellectus contemplantis, & obiecta reuelata clariius videret, quam per fidem videat, numquam tamen Dei essentiam clarè videt.

Contemplatiui etiam id fatentur.

Verum quia in Sacra Scriptura plures casus sunt, & prophetae asserunt, se vidisse Deum, videndum est quomodo id intelligatur.

C A P. XV.

Quomodo Sancti, & Prophetae viderint Deum.

ADu, quod in Sacra Scriptura legimus, quod plures dicunt, se vidisse Deum, & aliquando legimus

456 DE CONTEMPL. INFVSA, AC SVPERN.

Multæ vi-
siones, &
apparitio-
nes ex Sa-
cra Scri-
ptura.

Iacob.

Moyſes, &
ſeniores,

Micheas.

Iſaias.

Multæ ap-
paritiones
Dei.

Ad Adam.

Ad Noe.

Ad Iſaac.

Samueli.

mus Deum apparuisse aliquibus; & de Visione hæc
adsunt exempla. *Gen. 32.30.* Iacob reuertens à Meſo-
potamia, cum in ſomno vi diſſet, ſe luctari cum quo-
dam, qui poſtea dixit ei ſe eſſe Dominum, euigilans
è ſomno, dixit. *Vidi Deum facie ad faciem, & ſal-
ua facta eſt anima mea. Exodi 24.10.* dicitur quod Moy-
ſes, & Aaron, Nadab, & Abiū, & ſeptuaginta de ſeniori-
bus Iſrael viderunt Deum Iſrael, & ſub pedibus eius quaſi
opus lapidis ſaphrini, & quaſi cælum, cum ſerenum eſt:
& infra, videruntque Deum, & comederunt, & biberunt.
3. Reg. 22.19. Micheas Propheta, dicit: *Vidi Dominum*
ſedentem ſuper ſolium ſuum, & omnem exercitum Cæli aſſi-
ſtentem ei à dextris, & à ſiniſtris. Iſaiæ 6. 1. *Vidi Do-*
minum ſedentem ſuper ſolium excelsum, & eleuatum: Se-
raphim ſtabant ſuper illud; ſex alæ vni, & ſex alæ alteri, &c.

De apparitionibus Dei ad homines habemus plu-
ra exempla. Primum autem, & ſolemne eſt de ap-
paritione ad Adam *Gen. 2.* dum iſto iam creato, & in-
troducito in Paradifo terreſtri, dixit ei, *de omni ligno,*
quod eſt in Paradifo, comede, de ligno autem ſcientiæ boni,
& mali, ne comedas &c. Et cum adduxit ad Adam omnia
animantia, vt imponeret ei nomina, quæcumque vel-
let. Et cum formata Eua, dixit eis, *Creſcite, & multi-*
plicamini, & replete terram. Et cum poſt eſum Pomi,
vocauit eum, *Adam vbi eſ?* Et cum vtrumque inter-
rogauit, cur comediffent, & maledixit eis; & indu-
toſ tunicis pelliceis, eiecit è Paradifo.

Gen. 6. Apparuit Noe, & præcepit ei formationem
Arcæ &c. *Gen. 17.* Apparuit Abraham, & iterum *Gen.*
18. apparuit. *Iſaac Gen. 26.* & iterum, atque iterum ei-
dem apparuit *Gen. 13.* Multa apparitiones ad Moy-
ſem legimus ab Exodo vſque ad Deuterou. *Primo Reg.*
3. 21. apparuit Samueli. *3. Reg. 3. 5.* Apparuit Dominus
Salomoni per ſomnium nocte dicens. *Postula à me quid vis*
vt

ut dem tibi. In cap. 9. 2. apparuit ei secundò, &c.

Fieri autem posset, ut contemplanti per infusam cōtemplationem appareret eodem modo Deus, quo Patribus illis, & Prophetis Veteris Testamenti apparuit. Cū ergo in præc. cap. dixerimus, Deum non apparuisse, nec apparere vñquam alicui in propria essētia, nec ita visum fuisse, aut videri posse in hac vita, discutiendum est nunc, quomodo apparuerit, aut appareat, & quomodo visus ab illis fuerit, aut videatur, in qua scilicet forma, aut figura; & an in spirituali, aut corporali. His positis.

Dico. Cū Deus apparuit Patribus Veteris Testamenti, & ab eis visus fuit; non in propria substantia, sed in aliqua specie, siue sensibili, siue spirituali, si cut ei placuit, visus est, & in ea fuit locutus.

Prob. ex S. August. pluribus in locis. Primò ex libro de videndo Deo c. 5. allato in præcedente capite 2. ex c. 7. vbi ait, Illi autem idè viderunt quicumque viderunt Deum, quia eum viderunt sicut voluit apparere ea specie, quam voluntas elegit, etiam latente natura: in cap. 8. inquit, multi viderunt in eo quod voluntas elegit, non quod natura formauit. Et post aliqua subnectens illud 1. Ioan. cap. 2. Cū apparuerit, videbimus eum sicuti est, dicit, non sicut homines viderunt, quando voluit in specie, qua voluit, non in natura, qua in se ipso, etiam cū videretur, latuit.

Idem S. August. tract. 3. in Ioannem, super illud, Deum nemo vidit vñquam, ait, Moyses vidit nubem, vidit Angelum, vidit ignem. Omnis illa creatura typum Domini sui gerebat, non ipsius Domini præsentiam exhibebat. Et post aliqua. Facta sunt illa visibilia corporaliter per creaturam, in quibus typus ostendebatur, non utique substantia ipsa demonstrabatur, & manifestabatur.

Idem S. Doctor in lib. 2. de Trin. c. 17. in fine dicit, Visiones, quæ fiebant, per creaturam commutabilem factæ sunt,

M m m

sunt,

Sēsus quæ
fici.

Quomo-
do Deus
apparuit
SS. Patrib.
Ex S. Aug.

Ex S. Aug.
iterum.

S. Augult.
tertio.

sunt, non propriè sicut est, sed significatiuè sicut pro rerum
causis, & temporibus fieri oportuit.

S. Dionis.

S. Dionis. Areop. in epist. ad Caium Monachum ait, sic
aliquis videns Deum intellexit quid vidit, non ipsum Deum
vidit, sed aliquid eorum, quæ sunt eius.

S. Græg.

S. Greg. quem refert, & sequitur S. Thomas in 2. 2.
quaest. 180. ar. 5. ad primum, in homil. 14. in Ezech. ait. Ne-
quaquam omnipotens Deus in sua claritate conspicitur, sed
quiddam sub illa speculatur anima, vnde erecta proficiat, &
post ad visionis eius gloriam pertingat. Per hoc ergo, quod Ia-
cob dixit vidi Deum facie ad faciem (inquit S. Thom.) non
est intelligendum, quod Dei essentiam viderit, sed quod for-
mam, scilicet imaginariam vidit, in qua Deus locutus est ei.

Ex S. Tho.

Gl. or. Io.

Gl. ord. in illud Ioannis Deum nemo vidit vnquam,
inquit Quod autem legitur Deum apparuisse hominibus, siue
visibiliter carnalibus oculis, siue inuisibiliter prophetici vi-
sionibus; per subiectam creaturam intelligendum est: Visiones
enim Prophetarum, quadam spiritali creatura factæ sunt,
quibus Deum vidisse perhibentur.

Lyrano. &
alij.

Locum illum Gen. Vidi Dominum facie ad faciem, om-
nes cum Lyrano dicunt sic intelligi, vidi Angelum in
corpore assumpto, idem dicit ibi Cornelius à Lapide:
Vidi Deum in specie corporea ab Angelo repræsen-
tatum. Certum est enim, Iacobum hac nocturna, &
obscura specie non vidisse diuinam essentiam, immò
nec Deum propriè, sed Angelum, Deum repræsen-
tatem in corpore assumpto: hæc ille.

Explican-
tur loca
Scripturæ

Locus ille Exodi 24. quod Moyse Aaron, & senio-
res viderunt Deum Israel, &c. vbi supra, variè declara-
tur; at omnes in hoc conueniunt, quod non viderint
essentiam Dei.

Abulen.
quomodo
declarat.

Abulen. dicit, Deum apparuisse in forma nubis lu-
cidæ, intra quam Dei maiestas latere videbatur; ita ut
Iudæi putarent in infima huius nubis parte consistere
pe.

pedes Dei, in parte vero superiori versùs cœlum, cœterum corpus; & hoc respectu dici hîc *sub pedibus Dei*, & fuisse quasi opus lapidis saphirini; quod enim in forma hominis, aut animalis Deus hîc non apparuerit, patet ex *Deuter. 4. Non vidistis aliquam similitudinem in die, qua locutus est vobis Dominus in Oreb in medio ignis, ne forte decepti faciatis vobis sculptam similitudinem.*

Sed alij, vt Caietanus, & Prado relati à Cornelio à Lapide in hoc loco, dicunt, quod in illo casu Deus in humana forma apparuit, nimirum in specie magnifici Principis, & Regis legislatoris; quia in hebreo illa vox *Deus* non importat nomen Dei *Tetragrammaton*, sed *Elohim*, quæ significat *Principem*, *Dominum*, & *Iudicem*; ideò & visus est habere pedes, & sub pedibus habere scabellum saphirinum; quia voluit Dominus hac specie Legislatoris maiestatem, & timorem senioribus, & per hos Populo demonstrare, & imprimere. Hæc ille. Omnes alię apparitiones sic explicantur.

Conclusio ergo generalis est, quòd omnes illæ apparitiones Dei, quę leguntur in Sacra Scriptura factę pluribus, vel fuerunt corporales sensibiles, & sic factę per Angelos in forma corporea humana, nempe in corpore extrinsecè assumpto, aut in alia re sensibili; vel fuerunt imaginarię, quę dicuntur in spiritu, vt omnes apparitiones factę Ioanni in Apocal. & alijs Prophetis Veteris Testamenti; & per species imaginarias, seu phantasticas à Deo in imaginationem eorum productas; vel etiam per species intelligibiles, quia istę quoque possunt repræsentare spiritualia, & corporalia modo spirituali, nam animæ separatæ ea cognoscunt. Quouis ergo horum modorum apparuerit; numquam per suam essentiam; hæc enim apparitio pro alia scelici, & æterna vita reservatur; & ita verificatur dictum Ioannis, ac Pauli, *Deum nemo vidit v-*

In qua
forma ap-
paruit
Deus Po-
pulo He-
breo.

Quomodo
factę
illæ appa-
ritiones.

Essentia
Dei num-
quam visa
in hac vita

M m m 2 quam,

460 DE CONTEMPL. INFUSA, AC SVPERN.
quam, & ipsiusmet Dei, Non videbit me homo, & viuet.

Admoni-
tio.

Si ergo contemplanti, vel meditati, vel aliter oranti, aut etiam non oranti fiat aliqua apparitio alicuius Personæ dicentis, se esse Deum, vel ita loquentis, ac si esset Deus (etiam si diuina, & non demoniaca sit apparitio), sciat, esse creaturam aliquam, in qua dignatur loqui, vel aliud operari Deus, at non esse substantiam, seu essentiam Dei; quomodo autem cognoscatur, an diuinæ, vel demoniacæ sint eiusmodi apparitiones, aut locutiones, iam diximus in *Opusc. 5. cap. 7.*

Consiliū.

Pro coronide autem huius argumenti sciendum est ex S. Greg. *lib. 6. moral. cap. 2.* quod habentes tales apparentias in contemplatione siftere non debent in vmbreis illis, sed considerare debent simplicem veritatem; quia in hoc consistit contemplatio, considerare nempe Deum, & benignitatem eius, & ea quæ tunc dicit, aut præcipit, & eum humiliter venerari, ac diligere.

C A P. XVI.

De gradibus contemplationis infusæ.

Alibi de
hac re ac-
tum est.

ADu. 1. quod in *Opusc. 4. c. 4.* diffusè de hac materia locuti sumus, ibi enim adduximus sententias Mysticorum, diuersimodè assignantium gradus contemplationis acquisitæ, quarum aliquæ possunt applicari etiam infusæ. Aliqui assignant diuersitatem graduum ex parte subiecti magis, vel minus exercitatis; indeq; aliquos dicunt incipientes, alios proficiētes, alios perfectos. Alij assignant diuersitatem graduum ex parte obiecti, ex eo quia, vt dicit S. Bonau. in *itin. mentis ad Deum* incipientes debent contemplari cor-

corporalia, in quibus relucet vestigium Dei, & ex eis manuduci ad contemplandum Deum proficientes debent contēplari animam secundum naturalia, & gratuita in quibus relucet imago Dei; & sic contēplari Deum: perfecti verò contēplari debent diuina immediatē. Alii distinguunt gradus contemplationis ex modo contēplandi: quidam enim contēplantur præuia meditatione alicuius Diuini misterii; quidam verò sine meditatione, sed audito aliquo mysterio ab aliquo legente, vel concionante, vel ex cogitatione, seu recordatione propria, statim eriguntur ad contemplandum illud. Alii distinguunt gradus contemplationis per maiorem claritatem cognoscēdi, & maiorem feruorem diligendi ipsimet actui contemplationis coniunctum. Alij aliter. Videndum modò si infusę applicentur.

Graduum
diuersitas.

Adu. 2. quòd Mystici quidam distinxerunt gradus istos subtiliori quodam modo, sed difficiliori pro comunitate Personarum, infusę nullatenus applicabili, sed referam tamen breuiter. Dicunt in vniuersitate Contemplatiuorū assignari tres Hierarchias, sicut in Angelis; & in qualibet Hierarchia tres ordines, sicut in Angelis: & quòd contemplatiui infimi ordinis infimę Hierarchię, contēplantur corporalia inanimata, & ex ijs eriguntur ad contemplandum Deum. Secundi infimę Hierarchię, animata viuētia tantum. Tertij sensitiua. In secunda Hierarchia, infimi contēplantur digniora &c. sic procedendo vsq; ad diuina, quę reseruata sunt pro tertia Hierarchia; quę longo sermone explicant; & sic patet, quòd per obiecta distinguunt hos gradus. Certè graduationem istam ascendendi ab infimis corporalibus ad sp̄ritualia, & tandem ad diuina à S. Bonau. acceperunt, cuius verba adduximus in *Opusc. 3. c. 14. At S. Do.*

Ingeniosa
sed diffi-
lis diuisio

Non iuuat
hęc diuisio

462 DE CONTEMPL. INFUSA, AC SVPERN.

Doct̃or non meminit ibi de hac confusione Hierar-
chiarum, quæ ideales sunt; & ad infusam non infer-
uiunt, sed ad acquisitam; quia Deus, qui est author
infusæ, non seruat hunc ordinem infundendo con-
templationem, vt scilicet prius infundat contempla-
tionem corporalium inanimatorum; postea viuen-
tium, & sic ascendendo vsque ad diuina immediatè;
sed facit contemplari quod sibi placet.

Adu. 3. cum S. Bonau. de 7. itiner. ætern. itin. 3. dist.

Quid si-
gnificant
gradus.
Ex S. Bon.

4. ar. 1. quòd gradus contemplationis sunt quidam progres-
sus, & profectus intellectuālis cognitionis, & saporosæ dile-
ctionis ad contemplandum Deum sub ratione boni, & veri.
Vnde Greg. lib. 22. Mor. dicit, Gradus dicuntur mensuræ cre-
scentium virtutum: tales autem gradus profectuum sunt in-
numerabiles. Deinde pluribus docet, quòd quidam
sunt gradus disponentes intellectum, & affectum ad
contemplandum, & hos gradus, cum eodem S. Greg.
dicit, esse opera virtutum; & gradus proprios con-
templationis, dicit esse ipsosmet actus contemplan-
di cum maiori lumine, quo magis clare cognoscun-
tur Deus, ac diuina, & cum maiori inflammatione
diligitur Deus. His positis.

Gradū di-
uerfitas ex
S. Bon.

In infusa
datur gra-
dus.

Dico 1. in contemplatione infusa dantur gradus
perfectionis maioris, ac minoris.

Prob. ex communi Mysticorum sententia, quos in
loco cit. allegat S. Bonau. & S. Greg. dicit in cit. loco,
Nemo infima deserens repente fit summus, quia ad obtinen-
dum perfectionis meritum oportet, vt mens quotidie in altum
quasi quibusdam gradibus ascensionis perueniat, vnde, & re-
ctè in psalmo dicitur, ibunt de virtute in virtutem donec vi-
deatur Deus Deorum in Sion; & idem Deus in gradibus eius
cognoscetur (scilicet contemplationis) cum suscipiat eam con-
templator. Hæc ex Greg. Bonau. Deinde adducit do-
ctrinam Lincolnienſis, qui docet necessitatem ad-

mit-

mittendi gradus istos, cum exemplo alijs in *Opusc. 4.*
 c. 4. allato, & inferius iterum afferendo. Tandem ad-
 ducit Ricardum eadem docentem; & omnia ipse
 Sanctus Doctor confirmat. Vnde autem desumatur
 hæc graduum differentia, mox dicetur.

Conf. In omni ordine rerum tam naturalium, cor-
 poralium, & intellectualium, quam supernaturalium,
 dantur gradus perfectionis, vt consideranti patet de
 artibus, scientijs, virtutibus moralibus, & Theologi-
 cis; & de ipsamet Beatifica contemplatione, quæ ex
 S. Greg. succedit contemplationi huius vitæ; immò
 dicit quod est eadem, quæ hic inchoatur, & ibi perficitur,
 hic obscura, ibi clara, & euidens: Nam vt ait Apost. 1.
 Cor. 15. *sicut differt stella à stella in claritate, ita & resur-*
rectio mortuorum, & Saluator Io: 14. In domo Patris
 mei mansiones multe sunt. Interl. mansiones dicit, diuersa
 præmia meritorum; & in psal. 61. *Reddet unicuique iuxta*
opera sua; & Saluator Mat. 16. 27. *Tunc reddet unicuique*
secundum opera eius. Et ideò de fide est, quod Beatorum
 contemplatio, secundum gradus diuersa est in vno,
 ac in alio, accidentaliter tamen, & iuxta gradus me-
 ritorum.

Igitur etiam contemplatio infusa in hac vita ca-
 pax est graduationis, vt modò sit perfecta, modò
 perfectior; non solum in diuersis contemplatiuis, sed
 in eodem, qui ab initio est incipiēs, postea proficiens,
 & tandem perfectus, si Deus id ei concedat.

Dico 2. Diuersitas graduum contemplationis in-
 fusæ, dispositiuè considerata, procedit à diuersitate,
 & graduatione maiori, vel minori in exercitio vir-
 tutum moralium, & Theologicalium, & ipsiusmet ac-
 quisitæ contemplationis, aut meditationis, & cœte-
 rarum pietatis actionum, in quibus ex Dei gratia se
 exercent contemplatiui.

Prob.

S. Gre. S.
 Bonau. &
 Riccard.

A pari.

In patria
 diuersi
 gradus
 beatæ con-
 templa-
 tionis.

Diuersitas
 dispositi-
 ua, vnde.

464 DE CONTEMPL. INFUSA, AC SVPERO.

Prob. ex nuper relatis S. Bonau. & S. Gregorii dictis, & ex iis, quæ diximus in hoc Opusc. cap. 10. de medijs, quibus acquiri possit contemplatio infusa, quò enim magis homo spiritualis se exercet in virtutum actibus; eò magis ex sua benignitate mouetur Deus ad eum consolandum. Ait enim Saluator Io: 14. *Si quis diligit me, sermonem meum seruabit, & Pater meus diliget eum, & ad eum veniemus & mansionem apud eum faciemus*, Et de istis sic laborantibus, vt ad perfectionem perueniant, verè dicitur, *ibunt de virtute in virtutē, donec videatur Deus Deorū in Siō*; quia Deus eleuat paulatim ad contemplationis gradus, regulariter loquendo; nam posset ab initio ad supremum gradum contemplationis aliquem eleuare: sed præcedētibz minoribus, & postea maioribus dispositionibus solet eleuare; & qui in primis añis in minori gradu fuerat eleuatus, in virtutum actibus frequentius, & frequentius in sequentibus annis se exerceat, experitur Deum benignius secum agere, & maiorem contemplationis gradum sibi concedere. Id autem præfati Serui Dei contemplatione infusa, ex Dei fauore, digni experiuntur.

Dei amor
in nos.

Diuerſitas
ex obie-
ctis.

Dico 3. Diuerſitas graduum infusæ contemplationis, obiectiuè prouenit à diuerſitate obiectorum magis, aut minus sublimium, aut imperceptibilium.

Prob. & declaratur. Potest Deus sistere mentem contemplantis in consideratione alicuius perfectionis diuinæ quidem, sed in conceptu aliquo communis cum creatura: et potest sistere in consideratione, ac intuitu obiecti sublimioris, & nullatenus communis cum creatura, v. g. in intuitu Dei infiniti, immensi, & super omnia imperceptibilis, vnius in essentia, & trini in personis: hæc secunda contemplatio obiectiuè est altioris ordinis, quàm sit prima.

Dico

Dico 4. Diuersitas graduum infusæ contemplationis effectiue desumenda est ex diuersitate graduū donorum intellectus, & sapientiæ; quæ ad eā concurrūt.

Ex diuersitate donorum.

Prob. 1. paritate aliarum operationum dependentium à supernaturalibus habitibus Fide, Spe, & Charitate; quò enim intensiores sunt habitus isti, eò intensiores, ac perfectiores sunt actus ab eis procedentes. Prob. quoque paritate luminis gloriæ in Beatis; quò enim maius, ac intensius est, eò maior, & intensior est visio beata; ergo idem dicendum de infusa contemplatione ex parte donorum intellectus, ac sapientiæ effectiue concurrentium ad illam. Non enim frustra Deus concedit cōtemplatiuis hæc dona in gradu diuerso.

Quòd verò dona hæc in diuersis gradibus cedantur, inde probari potest; quia non omnes contemplatiui sunt æqualis perfectionis, sed sicut in cœteris statibus perfectionis, vt ait Apostolus, *vnus quidem sic, alius verò sic*: Sunt enim gradus, sicut in collatione habituum Fidei, Spei, & Charitatis ad sunt gradus, non enim omnes æquæ in illis perfecti sunt; sic etiam in gratijs gratis datis habent plures Serui Dei gratiam miraculorum; at non æqualem; vnus enim habet v. g. gratiam faciendi miracula tertij generis puta sanitatum; quæ processu temporis poterant per medicamenta obtineri. Alius habet circa tales sanitates, & circa alia miracula secundi generis, nempe incurabiles, alius circa vtraque, & circa resuscitationem mortuorū; quia Deus, ait Paulus, *diuidit singulis prout vult*. Sic dicendum de donorum distributione.

Diuersitas donorum in gradibus.

Dico 5. Diuersitas formalis graduum in contemplatione infusa desumenda est à diuersitate ipsorum actuum contemplandi iuxta maiorem, aut minorem

Nnn

in-

Diuerſitas
ex actibus

466 DE CONTEMPL. INFUSA, AC SVPERN.
intensionem, & claritatem in intuen-
do; & maiorem
inflammationem, ſuaui-
tatem, delectationem, ac dul-
cedinem in diligendo obiectum diuinum manifeſta-
tum contemplanti.

Prob. Vniuerſaliter loquendo omnis diuerſitas
formalis in actibus eiusdem potentiae circa idẽ ob-
iectum, deſumitur à formis, ſeu qualitatibus, ac per-
fectionibus, quæ in illis actibus reperiuntur, ſed in
actibus contemplandi infuſis illæ qualitates diuerſæ
inſunt, igitur peneſ illas diuerſificantur. Maior clara
eſt de actibus cuiuſcumque virtutis; nam circa idem
agibile, vnus homo eſt alio prudentior, vnus eſt alio
iuſtior, vnus eſt alio fortior, & vnus alio temperan-
tior: ita de virtutibus Theologicis, earumq; actibus.
Circā idem credibile vnus elicit actum fidei intenſi-
orem alio fideli; ille eſt martirij cupidus, iſte non:
ita dicendum de Spe, & de Charitate, vnus enim
alio fidentiùs ſperat, vnus alio intenſius diligit. Dif-
ferentia inter hos actus licet effectiue proueniat ab
habitibus, & auxilijs diuinis; formaliter tamen proue-
nit à perfectionibus diuerſis in illis actibus exiſtentib.

In eadem
perſona
poſſe eſſe
hec diuer-
ſitas.

Quòd verò, non ſolum in diuerſis contemplati-
uis, ſed etiam in eadem perſona in proceſſu tempo-
ris reperiuntur actus contemplandi infuſi modò mi-
nus, modò magis perfecti, modò minus, modò ma-
gis intenſi, & intuitus obiectorum modò minus, mo-
dò magis clari, & affectus modò minus, modò ma-
gis inflammati, & ſuaues; omnes Myſtici, & exper-
ti conſentunt. Placeat audire S. Bonau. quem aliàs
retulimus pro gradibus acquiſitæ contemplationis.
Iſ enim in tract. de 7. gradibus Contemplationis longo,
ſed digno diſcurſu, de varietate horum graduum hec
dicit. *Contemplatiuorum aquilinos obtutus acui, & ipſo-
rum ſpirituale palatum perfundi dapibus ſupernæ dulcedinis*
af-

S. Bonau.

affectans, septem gradus eò gloriosissimos, quò scientia experientie probatissimos in medium censui deducendos, relatione quorum odorifera confido, quòd tam intellectui splendoris copia, quàm affectui Deifici dulcoris affluentia piissima matris Thearchie exultabit. Primum igitur dicamus, ignem; secundum vnctionem; tertium extasim; quartum speculationem, quintum gustum; sextum quietem, septimum gloriam. Primò igitur anima ignita vngitur, vncta rapitur; rapta speculatur, vel contemplatur; contemplans gustat, gustando quiescit. Hæc in via possunt acquiri, non tamen subitò, sed gradatim. Citiùs autem hæc experitur, qui frequentius in spiritualibus se exercet. Septimus in Patria confertur. Incipit postea declarare proprietates horum graduum.

Ignis est vebemens diuini caloris, & amoris feruor. Huius ignis calor contemplatiui, siue sancti actiui viri animam, eam se ad orandum Deum effuderit, in conspectu Dei subitò eam valde perlucido splendore irradiat, quam plurimum ignit, & ardentes motus, affectionesque accendit, & cætera plura: & concludit quia ait Propheta psal. 38. Concaluit cor meum intra me, & in meditatione mea exardescet ignis; & iterum psal. 72. inflammatum est cor meum, & renes mei commutati sunt.

Vnctio est quidam velut roseus liquor, qui per totam animam se diffundens, ipsammet erudit, corroborat, & confortat disponens eam suauiter ad veritates luculentius suscipiendas, atque pariter contemplandas. Hac calica vnctione perlinitus fuerat, qui dicebat, Vnxit me vnctione misericordie sue, psalm. 132. & post multa sequitur. Ros iste contemplatiui viri mentem; & præcordia tam irrigando sæcundans, quàm sæcundando irrigans, & calorem primi gradus leniter temperans, ne plus ardeat, quàm oportet. Quod enim purificat ignis concremando, vnctio mulcet suam pinguedinem perfundendo, ut capacibilior sit diuinorum pulchriorum radiorum, &c.

Ignis.

Ignis.

Vnctio.

468 DE CONTEMPL. INFVSA, AC SVPERN.

Extasis.

Extasis est deserto exteriori homine sui supra se voluptuosa quædam eleuatio ad superintellectualem diuini amoris fontem mediantibus sursum actiuis virtutibus pro viribus se excedens. Virtutes sursum actiuas voco humilitatem, & puritatem; & cœtera plura.

Speculatio.

Speculatio est Beatorum, & supercœlestium soli Deo scibillum diuitiarum intellectualis, & effectualis pia inuestigatio. Contemplantur autem hi duo, scilicet intellectus, & affectus; sed intellectus longe dissimiliter ab affectu. Cum enim actus contemplatiuus, sensibus spiritualibus suspensis, synderesim in specula aeterna extendit, apex intelligentiæ, & principalis affectio pariter feruntur, mutuo se in diuina promouentes, & aqualiter ascendentes, illa speculari, hæc verò desiderari. Præcurrente autem intelligentia, nec ingredi queunte utique per speculum videns, foris remanet. Affectio verò quæ nescia est speculi intrans vnitur, & secundo illud. 1. Cor. 8. Qui adheret Deo, vnus spiritus est, ingressoque intellectu, qui ante conatu suo ingredi non poterat à supereffentiali, & superintellectuali Deifica bonitate hilariter excipitur affectio ipsa; susceptamque superferuidè ipsam desiderantem, & se sursum pro viribus impingentem ipsam in se profundius trahens, iam intelligentiæ superclarorum radiorum pulchriacem, & superimensi saporis suauiter sanctum desiderium nutriens, suauitatem superlucidissimam elargitur. Postea illis sic gustantibus, illam magis desiderantibus, magis se ipsam diuina bonitas immitcit, & abundantius superfulget, quoniam multam diligunt illam summam veritatem, hoc summum bonum. Felix nimis qui huius gradus collem attingit: Et alia plura subdiæ S. Doctor Bonauentura.

Gustus.

Gustus est superinestimabilis diuinæ dulcedinis persuasiva quædam, & inclita prælibatio ex cellario Sancti Spiritus in sanctorum contemplatiuorum animas distillata. Prælibatio, dico, quoniam permodicum valde est quod ex illa
tām

tam supermagna diuina dulcedinis multitudine tribuitur, quod è superineffabili thearchica bonitate fieri non est dubium. Dum enim stillatim aternis, & supersuauius illis inlusionibus recreamur, frequentius nos ipsos orationibus extendimus, atque ad cumulos omnimodæ plenitudinis anhelamus: hæc, & alia plura de hoc gradu S. Doctor.

Quies est totius animæ mira quædam, & suavis tranquillitas per infusam nobis ex frequentia orationis dulcedinem cōcreata. Solis, & valde spiritualibus experientia huius quietis conceditur; quibus & datur etiam supercælestes substantias contemplando transcendere; super ignota enim bonitas ipsi familiaris seipsam eis immittit? & ipsi tota virtute dilatato sinus sancti desiderij potenter suscipiunt beatas immisiones, & præsumptuosius omnino incognitas. Sic igitur Sanctorum contemplatiuorum animabus tam insueto nutrimento ditissime adimpletis, splendescit ipsorum ratio, dulcescit concupiscentia, bilarescit irascibilis, ex quorum dilectione deificam ita quietem non ambigimus emanare. Hic gradus gloriosior, & pretiosior est, quò ultimo modo, gradui, qui solius Patriæ est, appropinquit.

Quies.

De septimo gradu tutius tacendum censui, quàm loquendum, quoniam nulli viatorum ascensio, siue visio huius gradus patere potuit, nisi illi cælesti Paulo, qui se raptum ad huiusmodi per Sacram Scripturam asserit. Felix certè superdulcissimæ, & felicissimæ B. Mariæ anima, cui hoc datum est in via, quod nulli sanctorum aliquando possederunt: portauit ergo illam gloriam à qua portantur cæteri; ascendit illa gradum hunc per fidei cognitionem; descendens ad eam per carnis assumptionem; Et cetera plura.

Gloria.

Placuit totum ferè S. Bonau. discursum adducere, ut ex eo, non modò diuersitas graduum infusæ contemplationis innotescat, sed etiam ut dignitas, præstantia, inexplicabilis ferè voluptas, atque iucunditas supernaturalis huius virtutis mortalibus

ap-

470. DE CONTEMPL. INFUSA, AC SVPERN.
appareat; vt tamquam ex vngue leonem, coelestis
contemplationis, per quam beati Deum vident, eo-
que perpetuò fruuntur, magnitudinem, excellētiam,
suauitatem, ac delectationem considerent fideles, ad
eamq; diuina fauente gratia pro viribus se disponant.

C A P. XVII.

*De mirabilibus, quæ in hac infusa contemplatione expe-
riri se dicunt Contemplatiui.*

Intentio
authoris.

A Duerto, quòd præter ea, quæ diximus in præ-
cedenti capite, & in cap. 9. huius Opusculi, &
alia iam dicta in Opusc. 4. cap. 5. & 6. de nobilitate,
& proprietatibus, ac effectibus contemplationis;
multæ aliæ dignæ perfectiones de illa à Mysticis refe-
runtur, quas ad laudem Dei, à quo omne bonum,
hic adducere volui, quamuis non omnia, vt breui-
tati consulam.

Dionis.
Carthus.

Dionis. Carthus. in Opere Inclus. c. ult. ait, Contem-
plationem hanc fieri per species, & radios intellectuales, hoc
est per solam intellectualem illuminationem, & spiritualis
speciei, aut luminis infusionem, vt contingere solet personis
perfectis, & heroicis, quæ semper inopinatis excessibus ferun-
tur, seu potius rapiuntur in Deum, qui frequenter benignis-
simè, sic subitò, & ex improviso præuenit mentes illarum
quod absque proprio conamine mirabiliter illustrantur, &
inflammanur à Spiritu Sancto; tumque suauissimè replen-
tur, & consolantur ab ipso, vt ineffabilem Dei circa se cha-
ritatem, pietatem, liberalitatem, ac dignationem nequa-
quam mirari sufficiant; atque tam valdè eleuantur, & affi-
ciuntur in Deum, præ claritate contemplationis, & præ
feruore dilectionis diuinæ deficiant, & à seipsis alienentur,
& corpore infirmantur, vndasque gratiæ superinfluentis
fer-

ferre vix queant sicque Deosuum in eis continuante influ-
xum, a seipsis penitus defluunt, atque in abisso lucis æternæ in
fonte diuitiarum gloriæ infinite demerguntur, ac absorbentur,
& igne amoris diuini quodammodo consumuntur, sicque
dulcissimè in Deo obdormiunt, feliciterque repaudent, &
conquiescunt quousque hæc gratia tanta tollatur, sibi ipsis re-
linquantur, atque ad solita exercitia remittantur. Tales ele-
cti à Deo dicere valent cum Propheta: Inflammatum est cor
meum, & renes mei commutati sunt, & ego ad nihilum reda-
ctus sum, & nesciui. Itemque. Defecit cor meum, & caro
mea, Deus cordis mei, & pars mea Deus in æternum: &
cum Ieremia, factus est sermo Domini in corde meo, quasi
ignis exarsuans, claususque in ossibus meis, & defeci, fer-
re non sustinens, sic Dionysius exaggerans statum con-
templantis in actu contemplationis infusæ.

Vgo de S. Victore in lib. 2. de Anima cap. 20. ex-
plicans statum animæ in contemplatione infusa, præ-
cæteris hæc habet. Cum cæperit meus per puram intelli-
gentiam se ipsam excedere, & illam incorporeæ lucis clari-
tatem tota intrare, & in his, quæ intrinsecus videt, quem-
dam intimæ suauitatis saporem trahere, & ex eo intelligen-
tiam suam condire, & in sapientiam vertere; in tantum in
hoc mentis excessu pax illa, quæ exuperat omnem sensum in-
uenitur, atque obtinetur, ut fiat silentium in cælo quasi hora
dimidia, itaut contemplatis animus nulla altercantium cogi-
tationum tumultuatione turbetur, nihil inueniens, quod vel
per desiderium petat, vel per fastidium arguat, vel per odium
accuset: sed intra contemplationis tranquillitatem torus col-
ligitur, intronititur in quemdam affectum multum inusita-
tum introrsus ad nescio quam dulcedinem, quæ si semper sic
sentiretur, magna felicitas esset. Nihil sensualitas, nihil il-
lic agit imaginatio: sed omnis interior vis animi, proprio in-
terim induatur officio. Purior autem animæ pars in illud in-
timæ quietis secretum, & summæ tranquillitatis arcanum se-
li-

Mira Dēi
dignatio
in con-
templati-
uis.

Vgo de S.
Victore

lici iucunditate introducitur. Viuus quidem sermo Dei, & efficaax, & penetrabilior omni gladio ancipiti, & pertingens vsque ad diuisionem animæ, & corporis. Hæc, & alia plura ibi Vgo.

Dionif. Carthuf. Iterum Dion. Carthuf. in li. de Myst. Theol. S. Dionisij, præ alijs multis, quæ de effectibus infusæ contemplationis dicit, est hoc. Quia in hac Contemplatiua, & sapientialissima, ac feruentissima vnione cum Deo mens acutissimè, & limpidissimè conspicit quàm superincomprehensibilis, & supersplendidissimus, & superamabilissimus, & supergaudiofissimus, & superpulcherrimus sit ipse Dominus Deus omnipotens, & immensus; atque quàm infinitè, & indiuisibiliter à plena illius cognitione, & beatifica eius fruitione, visione faciali immediatè, & clarè intuitiue distet, deficiat, & occumbat, ideo præ admiratione, & amore deficit, & defluit à seipsa, gaudiosè quoque, & dulciter absorbetur, obdormit, & quiescit in superdilectissimo Deo, creatore, Saluatore, miseratore, immò & supergratiosissimo suo sponso totius beatitudinis suæ superpijsimo fonte, omnipotentissima, & liberalissima causa. Hæc, & alia plura Carthuf.

S. Greg. S. Greg. Mag. lib. 4. c. 20. in 1. lib. Reg. de anima sic contemplante dicit, quòd Deum non videt, sed ad quamdam lucem tamen peruenit, quæ non est Deus, sed quam inhabitat Deus, & quia tunc electi anima mirabiliter inflammatur, mirabiliter reficitur; incessabiliter delectatione fruitur, cogitare compellitur, quàm ineffabilis lux, dulcedo, & delectatio sit, qui ipse sit, si tam immensa lux est illa, quam inhabitat, & non est ipse: sic Gregorius.

Riccardus in libro Benjamin minor c. 37. comparat contemplationem viæ ad illam Patriæ, & parua. quidem respectu istius eam dicit, sed multum nihilo minus eam exaltat. Hanc inquit internæ dulcedinis degustationem Scriptura Sacra, nunc gustum, nunc ebrietatem vocat, vt quàm sit parua, vel magna ostendat. Parua quidem ad
com-

comparationem futuræ plenitudinis; magna autem in comparisonem cuiuslibet mundanæ iucunditatis. Præsens etenim Riccard. spiritualium virorum delectatio futuræ vitæ gaudijs comparata, quantumlibet excrescens inuenitur parua; in cuius comparisonem tamen omnis exteriorum delectationum suauitas est nulla. O dulcedo miranda, dulcedo tam magna, dulcedo tam parua. Quomodo non magna, quæ mundanam omnem excedit? quomodo non parua, quæ de illa plenitudine vix stilletam modicam excerpit? modicum quidem de tanto felicitatis pelago instillas; mentem tamen, quam infundis plenè inebrias. Meritò tantillum de tanto gustu quidem dicitur, meritò nihilominus, quæ mentem inebriat, & à se ipsa alienat; ebrietas vocatur. Gustus ergo est, & ebrietas iure dici potest. Gustate inquit Propheta, & videte, quoniam suavis est Dominus; & Apostolus Petrus, si tamen gustatis, quoniam dulcis est Dominus. Et de ebrietate idem Propheta ait, visitaſti terram, & inebriaſti eam. Sic Riccardus. Patet ergo, quòd talis, tantaque est huius contemplationis suauitas, ac dulcedo, vt de Beatorum dulcedine, ac suauitate participet: Vnde meritò dixerit S. Greg. hic in via inchoatur, ibi in Patria perficitur.

S. Bonau. in Processu 7. Relig. e. 14. circa finem ait, Si Sponsi complexibus anima deuota inbianter inheret, incipit inter eius brachia quodammodo consopiri, sicut potatus nobili vino in soporem resoluitur, vt non solùm delectabiliter, sed & tenaciter Deo inhaereat, & quasi vino quodam abstrahitur ab omni visibilium sensu, & memoria, sic tamen temperatè, vt nec plenè suimet oblita, nec tamen verè compos sit sui, iuxta illud psal. 67. si dormiatis inter medios terminos mundi, & cæli. Item Cant. 1. Ego dormio, & cor meum vigilat; est enim talis somnus, sicut illorum qui incipiunt dormire, & tamen videtur sibi ea, quæ circa se sunt, aliquo modo sentire, & intelligere, sed præ sopore non aduertunt. Amor enim Dei cum pura intelligentia cognitus inebriat, congluti-

Ooo nat,

nat, & coniungit; & quanto amor vehementior, & intelligentia lucidior, tanto validius in se mentem rapit, quosque tandem omnium, quæ sub Deo sunt, plenè oblita, in solo diuine contemplationis radio liberè figatur; licet breuiter quasi in quodam corusco lumine cælitus emicante, &c. sic Bonau.

Idem S. Bonau. de 7. itiner. ater. itin. 5. dist. 6. adducit, & sequitur Lincolnensem, qui de felicitate huius contemplationis, præ ceteris, hæc dicit, Omnis ingressus diuinam caliginem ubi apparet Deus, & ei vnitur, per eum, qui est super omnia, constituitur in excellentia, quam nec ratio inuestigat, nec intellectus speculatur; & quasi ab omnibus talibus, & quasi à seipso segregatus, & per vnitionem dilectionis, quæ est effectiua veræ cognitionis, vnitur Deo intellectualiter ignoto, & cum cognitione multò meliori quàm sit cognitio, in eo quod intellectualis est; quia in eo quod cognitionem derelinquit super intellectum, & mentem Deum cognoscit. Alia plura de felici hac cognitione docet S. Bonau. quæ retulimus in Opusc. 4. cap. 4. & fusiùs in 5.

S. Theresia

Sancta Theresia in libro viæ perfectionis cap. 31. quod nos retulimus in Opusc. 4. cap. 5. de hac contemplatione, quam Quietem appellat, ait. Hæc oratio dici potest quædam amoris scintilla, quam Deus accendit in anima. Vult enim, quod diuinum suum amorem cum suauitate experiamur. Hic anima manifestè percipit, sed via non ordinaria, quod multum accessit ad Deum, & quod parum est quin in eum per vnionem amoris transformetur. Non quod ipsum Deum, vel externis, vel internis oculis videat, sed quod Deus hoc ei mirabili modo, ipsique animæ prorsus ignoto manifestat, & sentit propè se Regem suum; quod tamen in ea causat reuerentiam, & in hac quiete, summa satisfactio, & gaudium animæ, maximaque corpori accidit delectatio. Nam anima tam leta ex hoc solo remanet, quod se propè fontem vitæ sentiat, quod penè satiata sibi videatur, etiam si nondum

bi-

biberit; nec reputat aliquid vltra desiderandum. Tàm quies sunt potentia, quòd nec audent se mouere; non quòd suspensa sint, vel ligatæ; immò sentiunt se propè Deum esse; & memoria, ac intellectus sunt liberi ad proprias operationes: sola voluntas manet captiua, & Deo vnita, sique patitur, in hoc statu aliquid patitur, hoc est, quòd ad pristinam suam libertatem, seu proprium operandi modum redire possit. Nollet enim intellectus aliquid aliud intelligere, nec memoria in alijs occupari; clarè enim vident, hoc vnum esse necessarium, cæteraque omnia extra illud multum inquietare. Nolent, quòd corpus moueretur; timent etiam, ne vel minimo eius motu, quam possident pacem amittant: loqui fastidium parit, & vix spatio vnus horæ Dominicam orationem possunt recitare. Hic accidunt quadā lacrimæ dulces, & cū magna suauitate profluentes. Videtur his, quòd non sint de hoc mundo, nec quidquam aliud videre, vel audire vellent. Nihil illis causat laborem, nec causare posse videtur. Denique toto tempore, quo durat hæc pax, & in terra quies voluntas propter delicias, quibus fruitur, sic manet absorpta, vt nihil sibi vltius videatur optandū, & libenter cū Sancto Petro diceret Domine bonū est nos hic esse: faciamus tria Tabernacula, &c.

Multa notanda.

Ioannes Faber in proemio lib. *Trium Virorum*, asserit S. Hieronymum de contemplatione hac, quam ipsemet expertus fuerat, hæc scripsisse (at ego nescio vbi.) Scio quid loquor charissime; nam, vt meam insipientiam fatear; Ego homunculus sic obiectus, sic vilis in domo domini, adhuc viuens in corpore, sepè Angelorum choris interfui, de corporeis per hebdomadas nihil sentiens diuinæ visionis intuitu post multorum ferè dierum spatia, præscius futurorum, redditus corpori flebam. Quid mihi manens felicitatis habebam; quid inenarrabilis dignitatis sentiebam, testis est ipsa Trinitas, quam cernebam, nescio quo intuitu.

Ex S. Hieron.

Qui alios plures huius infusæ contemplationis admirandos effectus cupit scire, legat ea, quæ in huius

476 DE CONTEMPL. INFUSA, AC SVPERN.
*Opusc. c. 9. & in Opusc. 4. c. 5. & 6. diximus: & qui de his
contentus non est, legat vitam S. Theresiæ, cap. 14. 15.
&c. item vitam B. Angelæ de Fulgineo; istæ enim
mira, quæ de infusa contemplatione scripserunt, ex
Dei fauore expertæ sunt, & vt Dei magnalia resera-
rent scripto consignarunt, ad nostram eruditionem.*

C A P. XVIII.

An detur contemplatio dicta in caligine, & quæ sit.

Ratio ad
miratio-
nis.

ADu. 1. quòd omnes Mystici duce S. Dionisio
Areop. in Epist. 5. ad Dorot. docent, dari gra-
dum quemdam contemplationis, dictum *in caligine,*
vel tenebra: quod verò admirationem adducit est du-
plex motiuum: Primum, quia ad contemplationem
infusam concurret lumen supernaturale in dono in-
tellectus, quod hunc illuminat: Secundum, quia Deus
Summa lux est, lucem inhabitat inaccessibilem, & tenebra in
eo non sunt ullæ, ait, Apost. Si ergo ex parte potentiæ,
& ex parte obiecti, adsunt magna hæc lumina, quo-
modo contemplatio talis intellectus sic illuminati
circa obiectum lucidissimum, dicitur *in caligine,* vel
tenebra?

Caligo
quid sit.

Adu. 2. quòd, vt notum est, *caligo* apud Gramaticos
significat nebulam ex vaporibus conflatam, aliquan-
tùm densam, quæ tamen caligare, & obfuscare facit
oculos, ne clarè videant obiectum nebula, seu cali-
gine obuolutum. Et notari debet, quòd in Sacra Scri-
ptura legimus sæpè, Deum aliquas apparitiones, &
demonstrationes gloriæ, & magnitudinis suæ in ca-
ligine, seu nebula materiali fecisse, & ex ea locutum
esse: Exodi 18. dicit Deus Moyli, *veniam ad te in cali-
gine nubis:* cap. 20. apparente iam caligine in monte
Sinai,

Sinai, dicitur quòd Moyſes, *acceſſit ad caliginem*; & in cap. 24. *Dominus vocauit Moyſem de medio caliginis*, & in ea cum Deo manſit 40. diebus, & 40. noctibus. Immo interdū caligo vocatur gloria Dom. 3. Reg. c. 8. 11. cōpleto templo Salomonis cū illud ſanctificaret, & Sacerdotes parati erant ad ſacrificia, *non poterant, quia gloria Domini impleuerat domum Domini*. Hæc autem fuit caligo, vt habetur in 2. Paral. 5. vbi narratur hæc eadem hiſtoria. *Non poterant Sacerdotes miniſtrare propter caliginem; compleuerat enim gloria Domini domum Dei*: & in cap. 6. Salomon, ait, *Dominus pollicitus eſt, vt habitaret in caligine*. Propterea in pſal. 17. dicitur, *caligo ſub pedibus eius*; & pſal. 96. *nubes, & caligo in circuitu eius*, quia placebat Deo in nube, ſeu caligine loqui, & aliquid demonſtrare, ſeu ſibi de aliqua re complacere. Sed numquam ſe alicui nudè, vt eſt in ſe, oſtendit.

In caligine ſape apparuit Deus.

Ex hiſ ergo Dei factis in materiali caligine, & ex effectu materialis caliginis, Myſtici cuidam contemplationis gradui nomen impoſuerunt, *viſionis in caligine*, metaphora inde deſumpta, quia ſicut Deo apparente, ac loquente in caligine materiali, nec Moyſes, nec Populus, nec Salomon, nec Sacerdotes Deum videbant, ſed nebulam tantū, ſeu caliginem, at voces, & præcepta Dei audiebant, ita contemplatiui quidam quantumuis eleuati per lumen intellectus, & ſapientiæ donum ad contemplandum Deum, eum tamen non vident, ſed eius vocem ſpiritualem, nempe reuelationes eius, audiunt, & obiecta, quæ vult eis demonſtrare in ſpeculis, id eſt intelligibilibus ſpeciebus, vident. Secunda metaphora deſumpta ex materiali caligine, eſt, quia ſicut caligo materialis denſa, obuoluens aliquod obiectum, obſcurat oculos, & facit eos caligare, ne videre poſſint obiectum; ita cū aliquis contemplatiuus eleuatur ad cognitionem

Cur dicta viſio in caligine.

Duplex metaphora.

478 DE CONTEMPL. INFUSA, AC SVPERN.

nem Dei per magnum aliquod lumen, mens eius obfufcatur, & caligat; ficut cum oculus corporalis figit aciem ad Solis corpus, obfufcatur, & caligat; ita prorfus accidit in gradu aliquo contemplationis, & hac de caufa dicitur in caligine, & aliqui dicunt etiam in tenebra.

Adu. 3. aliud fingulare dubium effe explicandum, cur non omnis infufa contemplatio dicatur in caligine, cum in omni, aliquo, fed obscuro, & inuisibili modo appareat Deus, adfitque lumen intellectus, & impediatur, ne Deus videatur; & tamen non omnis infufa contemplatio dicitur in caligine.

Dico. Datur moralis ifta, feur Myftica caligo, in qua contemplatiuus ex Dei fauore eleuatus potest Deum contemplari, & eum non cognoscere vt est in fe, & hac contemplatio dicitur in caligine.

Prob. 1. de nomine caligo. S. Dionif. Areopag. in lib. de Myftica Theol. per omnia illa quinque capita illius libri de ea facit mentionem, & primi capitis titulus est, *Quæ Diuina est caligo*. In Epift. autem 5. quæ est ad Dorotheum eam fic describit, & fic ex eo probatur nofta conclusio. *Diuina caligo est lux, ad quam aditus non patet, in qua Deus inhabitare dicitur, quæ quidem nec cerni potest per excellenti claritate, nec adiri propter fingularem diuini luminis effufionem; in hac verfatur omnis, qui Deum noffe, & videre meretur, hoc ipfo quod non cernit, neque cognofcit verè, in eo, quod afpectum, & cognitionem fuperat verfans, atque hoc ipfum nofcens, quod est fuper omnia, & quæ fenfu percipiuntur, & quæ ratione intelliguntur; difcitque illud Prophetæ, mirabilis facta est fcientia tua ex me, confortata est, & non potero ad eam. Vt etiam diuinus Paulus cognouiffe Deum dicitur, cum eum cognouiffet omnem intelligentiam, cognitionemque fuperantem; ob eamque caufam, & inueftigabiles eius vias effe dicit, & infcutabi-*

Datur con-
templatio
in caligi-
ne.

S. Dionif.
describit
caligine.

bilia eiusdem iudicia, & munera inexplicabilia, &c. Hæc Dionis.

S. Bonau. de 7. itiner. ætern. itin. 3. dist. 4. art. 4. de modo cognoscendi Deum in caligine sic loquitur. *S. Bonau.* Verus contemplator est si sursum tractus est super omnia intelligibilia in caliginem ignorantie. Et hic gradus contemplationis est, de quo loquitur Dionisius, dicens, Adhuc restat principalior Dei cognitio, quæ figuratur in eo, quod Moyses separatur ab his, qui locum Dei secum viderant, & subtrahitur illis visio, & intrat in caliginem ignorantie, & vnitur incomprehensibilitati Diuinæ, quam non penetrat intelligentia, quæ verè est omnium clarissima, & in se claudit, & secretissime celat omnes cognitiones comprehensivas, tamquam in causa prima omnium: & per eam omnis vnitus Deo, qui est supra omnes, constituitur in excellentia, quam neque ratio inuestigat, nec intellectus speculatur, & ab omnibus, & quasi à se ipso segregatus, & per vnionem dilectionis, quæ effectiua est veræ cognitionis, vnitur Deo intellectualiter ignoto, cognitione multò meliori, quàm sit cognitio intellectualis, in eo quod cognitionem intellectualem derelinquit, & super intellectum, & mentem Deum cognoscit. Sic Bon. ex mente S. Dionis.

In itiner. 5. dist. 6. post multa, inquit Cessat enim in ista caligine ab operatione cognitionis, sed estuans desiderio solius Dei perfectè, ab ipso incogniti, ipsi soli vnitur, & cognoscens videt, in ista caligine super intellectum, quia ad hoc cognoscendum non posset intellectus humanus, & inoculatus attingere; non quòd intellectus dicatur inoculatus à priuatione potentiæ visuæ, sed à priuatione omnis actus visuui, dum oriatur in illa caligine.

Idem S. Bonau. in itinerario mentis ad Deum cap. 5. multa post initium de hoc modo videndi Deum. ait. Vnde notoriosissime apparet, quòd sicut oculus vespertilionis se habet ad lucem, ita se habet oculus mentis nostræ ad manifeste.

festissima naturæ: quia assuefactus ad tenebras entium, & phantasmata sensibilibum, cum ipsam lucem summi esse intuetur, videtur sibi nihil videre, non intelligens, quod ipsa caligo summa est mentis nostræ illuminatio, sicut quando videt oculus puram lucem, videtur sibi nihil videre. Vide igitur ipsum purissimum esse, si potes, & occurrat tibi quod ipsum non potest excogitari ut ab alio acceptum, &c.

S. Greg.

S. Greg. in lib. 4. in 1. Reg. cap. 20. multa dicit de hac caligine in videndo Deum. Quid est, quod facie ad faciem Moyses cum Domino loquebatur, & tamen Dominum obsecrat, ut faciem suam Dominus ostendat? Sed facies Dei cognitio eius est, cognoscitur autem Deus per speculum, cognoscitur per seipsum; per speculum hic, per seipsum in celo: speculum verò est illa lux, quam inhabitat Deus; ipse autem lux illa, quæ ipse est: Moyses autem qui facie ad faciem Deum videre dicitur, & eius faciem ad videndum postulare, quid rectius designat, quam perfectionem electorum, qui iam speculum illius summæ lucis intuentur; sed tamen ad ipsam lucis veritatem pertingere vehementer cupiant? Ista quidem cognitio lucis, electorum desideria satiare non nouit, sed excitare; illa verò satiare, & excitare. Hæc Gregorius.

Dionis.
Carth.

Dionis. Carthus, super lib. Exodi art. 42. de Moysse Deum in caligine contemplante, ait. Hæc namque caligo eterna, increata, infinitæque lucis diuinæ superexcellens, incomprehensibilis, & superclarissima, abissalis, interminabilis, atque super simplicissima magnitudo, in qua Deus esse, & habitare cõsetur, qui ponit tenebras (id est infinitā hanc lucem) latibulum suum, & ipsæ diuinæ tenebræ comperiuntur, & absconduntur omni visioni, ac lumini ob incircumscriptibilem plenitudinem suam prorsus impenetrabilem, & immensam. Cum itaque æstuantissima charitatis ardore succensa Deo ita coniungitur per contemplationem theoricam, & sapientiam luminosam, flammigeram, vnitiuam, dicitur intrare caliginem, in-

instarque Moysis ab omnibus separari: Vnitur Deo tamquam ignoto; & tamen hoc ipsum sic intueri, est clarissimè, & suauissimè contemplari, speciesque altissima contemplationis huic vitæ possibilis.

Riccard. tract. de gradu violentæ Charitatis, ait Dominus sæpè visitat sedentem in tenebris, & umbra mortis; sæpè gloria Domini implet tabernaculum federis. Sic tamen præsentiam suam exhibet, ut faciem suam minimè ostendat. Infundit suauitatem, sed non ostendit claritatem; suauitas itaque eius sentitur, sed species non cernitur. Adhuc nubes, & caligo in circuitu eius; adhuc thronus eius in columna nubis: est lene quidem, & blandum, quod sentitur, sed nubilum omnino, quod cernitur; nondum namque apparet in lumine. Et quamuis appareat in igne, magis tamen in igne accendente, quàm illuminante. Accendit namque affectum, sed nondum illuminat intellectum; In hoc statu anima dilectum suum sentire potest, videre non potest. Et si videt, videt quidem quasi in nocte, uidet uelut sub nube, uidet denique per speculum in enigmate, nondum autem facie ad faciem. Sic Riccard.

Riccard.

Mira certè sunt, quæ Mystici dicunt de hac verè mystica, secretissima, & quasi imperceptibili contemplatione in caligine, quam vocant etiam modi nesciam. At, quod dolendum est, quia sublimem hunc contemplationis, seu diuini intuitus gradum, non explicant modo à fidelibus, etiam spiritualibus, perceptibili; quid scilicet sit videre Deum in caligine, & quid tunc videatur; & an in aliquo medio, & in quo. Vnum inter tot Mysticos inueni, qui modo perceptibili aliquantulum declarat: Henricus quidam; hic enim in Myst. Theol. lib. 3. p. 3. cap. 23. longo discursu rem istam pro meo captu, & fortè pro captu aliorum declarat. Adducam propositiones, quæ proximè faciunt

Mira de hac caligine dicuntur.

Henricus quidam.

Ppp ad

ad rem, relinquam digressiones, & ampliaciones. Sic rem explicat.

Qui eam
declarat.

Sine vlla
immagine
fit hæc co-
templatio

Dicit primò. Quòd anima contemplatiua assueta contemplari diuina, & Deum ipsum eo modo quo regulariter fit in imaginibus tam corporeis, quam intellectualibus, in quibus diuina, & Deus ipse, non vt in se est, & ex facie, sed tamquam per indumenta quædam cognoscitur, quamuis istæ cognitiones vnitatis Dei, simplicitatis, bonitatis, trinitatis &c. contemplanti, magnæ, & præcellæ videantur; tamen Deum, vt est in se non representant, sed aliquid eius, animæ intelligentiæ proportionatum. At aliquando, etsi rarò, contemplans subleuatur à Deo ad intuemdum, seu cognoscendum ipsum Deum, ac trinitatem sine vlla imagine etiam intellectuali, absque eo quòd Deum videat, sed solam caliginem: quòd sic declaratur.

Dicit. 2. Quòd tunc Deus, qui summa lux est, præsens (vt semper est) suum admirabile lumen in anima contemplante diffundit; quod tamen anima præ nimio fulgore respicere non potest, scit tamen in lumine illo sibi tenebroso, Deum suum dilectum secum esse, eumque videre amorosè anhelat, quasi dicens, *ostende mihi Domine faciem tuam.*

Tria tunc
ad sunt.

Dicit 3. Quòd hæc amorosa anhelatio in ea caligine tria complectitur; nempe *tædium*, *desiderium*, & *spem*. Tædium quidem, sed amorosum, quòd nequit videre illa, quæ sub caligine continetur, sciens quòd dilectus suus in ea manet occultatus, & ex proprio defectu non se sibi ostendit, & ob sui intellectualis oculi debilitatem, nec lumen illud, in quo dilectus habitat, videre potest; sed quamuis lætus, in caligine tamen manere compellitur.

Secundum est *inflammatum desiderium videndi nudam,*

& gloriosam dilecti faciem; eaque fruendi in amoris plenitudine, quam nunc velatam in sua caligine credit, ac diligit.

Tertium est *secura spes videndi Deum facie ad faciem*, cum è corporis carcere liberabitur anima, quæ tunc in ænigmate, & velatum videt, nec ipsum videt.

Dicit 4. quod cum anima in tali caligine constituta Dei faciem videre anhelat, licet non videat, audit tamen verba Dei abscondisti, idest reuelationes, & inspirationes, quas dignatur Deus ei communicare quasi per modum susurri, sicut testatur Iob c. 4. Porro ad me dictum est verbum absconditum, & quasi furtiue suscepit auris mea venas susurri eius. Animæ ergo tunc contemplanti in caligine, dulci susurro illuminando, ac inflammando loquitur Deus. Hæc ex prolixo huius authoris discursu excerpere potui pro istius contemplationis in caligine declaratione theorica.

Restat modo, ut aliquam animam audiamus, quæ practice caliginosam hanc contemplationem ex Dei favore experta est. B. Angela de Fulgineo, de qua P. Lucas Vadigus an. 1309. mira, pro eius vitæ sanctitate, dicit; item de magnis fauoribus spiritualibus ei à Deo collatis, & quod per annos 12. nullo alio cibo, quam Sanctissimæ Eucharistiæ nutriebatur; & usque nunc integrum eius corpus in Ecclesia Sancti Francisci Fulginei asseruatur, & quod iussu Confessarii multa spiritualia, & totius suæ vitæ cursum scripsit, hæc, inquam, in C. 25. suæ vitæ de caliginosa hac contemplatione, sic habet, de septima consolatione, & visione loquens, *Et post istud vidi Deum in tenebra una, & ideo in tenebra, quia est maius bonum, quam possit excogitari, aut intelligi, & omne quod potest cogitari, vel intelligi non attingit ad illud; & tunc data fuit anima fides certissima, una spes secura, & firmissima,*

PPP 2 una

Tedium.

Desideriū

Spe
Secura.

Loquitur
Deus.

B Angela
relatio.

Multa de
illa scri-
bit Vadig-
us.

Vita Ange

Quæ vidit
in caligi-
ne.Defectio
proprie
loquitur.Caligo
maior, &
minor.

una securitas de Deo continua, ita quod abstulit omnem timorem; & in illo bono, quod videtur ita in tenebra, recollegime totam, & effectusum ita securo de Deo, quod nunquam possum dubitare de eo, quin Deum habeam certissimè; & in illo bono efficacissimo, quod videtur in tenebra, est modus spes mea re collecta, & securo. Frequenter igitur uideo Deum illo modo, & in illo bono, quod narrari exterius non potest, nec etiam cogitari corde. In illo inquam bono certissimo, & incluso, quod intelligo, cum tanta tenebra, habeo totam spem meam, & in uidendo, quidquid volo habere, totum habeo: quidquid uolo scire, totum scio, & uideo omne bonum. Nec anima mea in uidendo potest cogitare de discessu illius boni, uel de discessu ab illo bono, sed delectatur ineffabiliter in illo omni bono; & nihil videt omnino anima, quod narrari possit ore, nec etiam consipi corde, & nihil videt, & videt omnia: & quia illud bonum est cum tenebra, ideo certissimum, & magis superans omnia, quanto magis videtur in tenebra, & est serenissimum. Et post multa, sequitur, Quando videtur Deus in tenebra, non apportat risum in ore, nec feruorem, nec deuotionem in corde, nec feruentem amorem; quia corpus non tremit, nec mouetur, nec sic alteratur, sicut consuevit fieri in alijs, corpus enim nihil videt, sed anima videt, & corpus quiescit, ac dormit, & truncatur lingua; quia tunc nihil potest loqui. Et post aliqua. Ad istum autem prædictum modum altissimum & omnino ineffabilem videndi Deum cum tanta tenebra, & supermirabili gratia visionis, est meus mea tribus tantum vicibus eleuata, quamuis multis, & innumeris vicibus viderim istud omne bonum semper cum tenebra, sed non prædicto altissimo modo cum tanta tenebra. Et post alia. Video enim Sanctam Trinitatem in tenebra, & ipsa Trinitas, quam video in tanta tenebra, videtur mihi quod ego stem, & maneam in eius medio, & illud trahit me plusquam alia res aliqua, quam hactenus habuerim, vel aliud bonum, quod viderim, &c.

&c. Placuit dictum hoc diffusè referre, vt appareat, quòd Serui Dei, cum eiusmodi gratiam contemplationis à Deo obtinent, Deum non vident, & tamen cognoscunt, & sentiunt se cum Deo immediatè manere, eum sibi loqui internè, in isto lumine illuminare, magno fervore inflammare, & maxima iucunditate perfundere, talisque ordinis esse eiusmodi dona, vt exprimere alijs nequeant in particulari. Hec autem Dei cognitio in caligine à Mysticis existimatur sublimior, quæ de Deo haberi potest in præseti vita, nec datur alia nobilior, aut perfectior supra illam, nisi quæ habetur de essentia Dei immediatè & in se euidenter visa, vt est illa Beatorum in Patria.

Immò, qui docent Moysem in Monte Oreb, aut Sinai, aut alibi etiam Dei essentiam non vidisse, vt cum innumeris Patribus ego teneo, quia Deus ipse dixit ei, *Non poteris videre faciem meam; quia non videbit me homo, & viuet*, docere tenentur, quòd hoc modo in caligine Deum viderit, & audierit dum in Monte Sinai per dies 40. duplici vice cum Deo tuerit, & legem ab eo acceperit, & reuelationem Genesis, omnium faciendorum in formatione tabernaculi, consecratione Sacerdotum, &c. Tunc enim fuit cum Deo in caligine, nedum materiali, quæ super monte etiam à Populo videbatur; sed fuit in caligine morali, ac intellectuali; quia Deum sibi præsentem speciali modo cognoscebat, illum audiebat sibi loquentem, cum eo colloquebatur, eius lumine perfundebatur, charitatis in eum flamma accensum se sentiebat; & tamen eum non videbat, sed caliginem tantum, vmbra, ac tenebras; ita quòd vehementi desiderio eum videndi inflammatus, quadam vice confidenter dixerit, *Domine, si inueni gratiam coram oculis tuis, ostende mihi faciem tuam, & responsum*

Sic vidi
Moyles.

vt

486 DE CONTEMPL. INFVSA, AC SVPERN.

ut supra acceperit, hoc esse impossibile in hac vita. Si ergo visionem istam eidentem non habuit, in caligine habuit.

Paulus in
caligine
vidit.

Idem existimo, cum S. Dionisio dicendum de visione Pauli, si teneatur, eum in raptu usque ad tertium Coelum, 2. Cor. 12. non vidisse Deum immediate, & eidenter, sicut ego teneo cum alijs, doctus ab ipso, qui 1. ad Timor. 6. dicit, *Deum nullus hominum vidit, sed nec videre potest: et tamen dicit, vidi, & audiui arcana verba quae non licet homini loqui.* Si ergo non fuit visio illa sublimissima, quae est Dei in se, & secundum essentiam cogniti, fuit ista in caligine, quae post eam primum tenet locum.

Et haec sunt, quae audire, & discere potui ab habitatoribus huius regionis in fusa contemplationis mihi incognitae, ut in huius Opusculi initio asserui. Precor Deum, ut Lectori gratiam concedat experiendi in praxi, quae ego in theoria dixi. Amen.




OPV.



OPVSCVLVM OCTAVVM.

DE VNIONE MYSTICA ANIMÆ CON- TEMPLATIVÆ CVM DEO.



POSTQVAM de vijs ducentibus ad
perfectiōem, idest de purgatiua,
& illuminatiua, nempe de Con-
templatione, tam acquisita, quā
infusa, compendiosè pro modulo
nostro egimus; restat, vt de illa-
rum termino pro præsenti vita,
idest de via vnitiua, seu vnione supernaturali animæ
contemplatiuæ cum Deo, quæ est vltima viatoris
perfectio, breuiter agamus: de quo argumento ea
tantum dicemus, quæ à Mysticis expertis auctori-
bus dicimus.

CAPVT PRIMVM.

*An, & quotuplex vnio dari possit inter animam,
& Deum.*

AD. I. quodd tam apud Philosophos, quàm apud
Theologos Vnio significat connexionem, seu
coniunctionem, atque colligantiam, siue phisicam,
siue moralem duarum, aut plurius rerum, aut per-
sonarum inter se; siue vnio importet qualitatem,
siue

Vnio quid
significat.

Exempla
unionum
phificarū.

siue relationem (vt putat Scotus); siue subiectetur in utroque extremo vnito, siue in altero tantum, parum in nostro casu refert. De vnione, & vnitis physicè in naturalibus obuia sunt exempla omnium compositorum, siue elementorum, siue mixtorum, quæ per vnionem coniuncta sunt, & hæc in utroque extremo recipitur, & subiectatur. Patent etiam exempla de vnione accidentali, & de vnitis accidentaliter, vt sunt composita substantialia informata ab accidentibus, vt album, dulce, latum, longum, &c. Patent exempla de vnitis per aggregationem, vt murus, acruus lapidum, exercitus, & cætera omnia similia, siquidem extrema istorum copulantur ad faciendum vnum aliquod.

Acciden-
talis vnio.

Vnio mo-
ralis.

Vnio per
affectum.

Amor vn-

bis p oim
moring

Adu. 2. quod præter vnionem phificam agnoscunt Theologi vnionem moralem inter plures homines, qui ratione vel mutui affectus, vel conuenientia ad volendum vnā, & eandem rem dicuntur vniti, immò vnum. De affectu habemus exempla duo Scripturæ, vnum de impura vnione affectus, aliud de pura: Gen. 34. de Sichem impure adamante Dinam filiam Iacob à se defloratam, de quo dicitur *conglutinata est anima eius cum ea*. De pura, 1. Regum 18. de Ionata filio Saul amante ardentem Dauid præ virtute eius post interemptionem gigantis Goliath, dicitur, *Anima Ionathæ conglutinata est animæ Dauid*, & vt infra dicemus, inter omnes veros amicos hæc adest vnio. Amor enim ex S. August. *copulat amantem cum amato*, & quia reciprocus esse debet, in utroque extremo subiectatur causa nexus; at de hoc postea.

De vnione animorum ex vnitæ voluntatū circa rem eandem eundemque finem, habemus pariter Scripture exēpla. Nam Act. 2. 32. dicitur, *Multitudinis autem credentium erat cor vnum, & anima vna*, & Paulus

ad

ad Gal. 3.18. dicit. *Vos unum estis in Christo Iesu*, quia
vnā, & eandem fidem profitebantur, & per amo-
rem, seu charitatem vniri, & incorporati erant
spiritualiter Christo, & membra corporis my-
stici (scilicet Ecclesie) cuius caput est Chri-
stus; & ideo membra Christi. Videndum ergo, an,
& qua ex his vnionibus anima hominis potest vniri
Deo. Deinde videbimus, an detur in contemplati-
uis perfectis aliqua alia vnio, inter Animam, &
Deum, quę sit perfectior istis, & quę sit.

Vnio vo-
lūtatum.

Adu. 3. quod licet ad nostrum propositum de alia
vnione loquendum non esset, nisi de *Mystica*, & per-
fecta, quę sequitur regulariter ex Dei fauore ad con-
templationem infusam animę perfectę purgatę: ta-
men ad Christianorum consolationem, breuiter di-
cemus aliqua de omni specie, immo de omni gradu
vnionis, quo anima aliqua vnitur, vel physicę, vel
moraliter per affectum, seu amorem, & vnitatem
voluntatis cum diuina, idest volendo quod vult
Deus, & ob eundem finem, ob quem vult Deus; vt
quisque quantum in se est, curet vnionem aliquam
cum Deo habere, sciens, quomodo haberi possit.

Motuum
loquendi
de omni
vnione cū
Deo.

De admirabili autem illa vnione quā cum Christo
habet homo per Sacramentum Eucharistię, quando
hoc sumitur, & quandiu species sacramentales du-
rant in stomacho, hęc non loquor, quia hęc omni-
bus fidelibus nota est, & quisque scit, quomodo ob-
tinanda est: sed de alijs vnionibus non ita notis lo-
quar: ideo.

Dico 1. inter animam, immo quacumque crea-
turam, & Deum datur realis, & phisica vnio per
illapsum generalem Dei existentis in omni re crea-
ta per essentiam, pręsentiam, & potentiam, subiecta
ta in anima, terminata ad Deum.

Vnio illa-
p̄sus inter
omnem
creaturā,
& Deum.

Qq̄

Prob.

Prob. & declaratur prima pars: Deus ratione sue immensitatis diffusus est per totum mundum; est intimè præsens omnibus rebus intus, & extra, vt ex Ierem. 23. 14. *Cælum, & terram ego impleo; & psal. 138. Si ascendero in Cælum tu illit es, si descendero in infernum, ades; & ex Act. Apost. cap. 19. 24. Cum non longi sit ab vnoquoque nostrum; in ipso enim uiuimus, mouemur, & sumus.*

Deus præ
sens int
imè in om
nibus re
bus.

8 Secunda pars, quod nempe vnio ista subiectetur in Creaturis, & terminetur tantum ad Deum, probatur, quia, siue vnio hæc per illapsum, ac præsentiam sit accidens absolutum, siue relatio (vt ego teneo) non potest subiectari in Deo, qui non est capax accidentium, & nouitatis, seu mutationis; quod contingeret, quoties noua creatura in mundo produceretur; quia de nouo esset ei præsens, sed sicut tenemus de vnione hypostatica, quod subiectatur in humanitate Christi, & terminatur ad Verbum; & sicut tenemus de relationibus creationis, conseruationis, iustificationis, &c. quæ subiectantur in creaturis, & terminantur ad Deum, ita de hac vnione, illapsum, ac præsentiam Dei nobiscum dicendum est, eò vel maximè, quia, vt dicemus postea, Deus semper est in nobis per suam influentiam, quæ in nobis recipitur.

Vnio sub
iectatur
in creatu
ra.

Dico 2. Alia vnione reali, & phisica, vna sola res creata, nempe humanitas, corpus scilicet, & anima Christi vnita est Verbo Diuino vnione recepta in humanitate, & terminata ad Verbum.

Humani
tas Christi
realiter est
vnita Ver
bo.

Hæc conclusio supponitur probata in tract. de Incarn. de fide enim est, quod Verbum caro factum est: de fide pariter, quod vna tantum Persona, scilicet Diuina, sit in Christo contra Nestorium. De fide quoque, est quod non sint permixtæ in Christo na-

tura

tura humana cum diuina, ita quòd transferit in
vnam naturam contra Eutichem, sed remanserit
impermixtę, seu coniunctę, & vnitę realiter, ac
phísicę supernaturali. modo.

Quòd autem vnio in sola natura subiectetur hu-
mana, est eadem ratio, quę supra de illapsu; quia
Verbum, cū sit Deus, non pōtest esse subiectum
accidentium, idēd cū realiter sit vnitum, vt ter-
minus est tale, non vt subiectum vnionis.

Termina-
ta ad Ver-
bum.

Dico 3. Omnes alię vniones, quę ex Sacra Scri-
ptura, vel ex Sanctis asseruntur inter hominem, &
Deum, morales, seu supernaturales dicendę sunt per
adhęrentiam affectualem cum eo, ratione amicitię,
filiationis, & hęreditatis, & conformitatis in vo-
lendo quod vult Deus.

Alię vnio-
nes cum
Deo sunt
morales.

Prob. 1. His omnibus modis dantur morales vnio-
nes inter homines, igitur, cū Deus ex sua beni-
gnitate sub eisdem titulis permittat, homines mul-
tos sibi adhęre, dicendum est, moralem vnionem
inter homines & Deum intercedere posse, & prę-
fatistitulis.

Prob. modò, quòd adsint tituli huiusmodi vnio-
num. Omnes homines sunt filij Dei per naturam;
iusti autem sunt etiam in ordine supernaturali filij
Dei per gratiam, igitur habent vnionem filiationis.
De prima filiatione patet, quia Deus est creator om-
nium animarum, & cum genitoribus concurrit prin-
cipaliter ad productionem corporum, hinc meritò
omnes vocamus eum Patrem, *Pater noster, qui es in
Cęlis.*

Ratione fi-
liationis
per natu-
ram.

Et filiatio-
nis per
gratiam.

Sed hæc
phísica.

De secunda filiatione in ordine supernaturali, &
gratię, patet ex Ioan. 1. *dedit eis potestatem filios Dei
fieri his qui credunt in nomine eius.* Et ex epist. 1. eius-
dem Ioannis cap. 3. *Videte qualem charitatem dedit nobis*

Deus Pa-
trem no-
strum se-
dixit.

Deus ut filij Dei nominemur, & simus. Et Rom. 8. 14. Qui spiritu Dei aguntur, hi sunt filij Dei, Ideò de filiis ingratiss conque rebatur Deus Isaie 1. 2. Filios enutri- ni, & exaltaui, ipsi autem spreuerunt me. Et Malachie 1. 6. Filius honorat Patrem, & seruus Dominum suum: si ergo Pater ego sum, ubi est honor meus, & si Dominus, ubi est timor meus? Et Saluator pro hoc Diuini Patris omnium titulo sæpè Apostolos consolabatur: De necessitatibus vestris, ne sollicitis sitis: scit enim Pater vester cælestis, quòd his omnibus indigetis. Item si vos cum sitis mali, nollis bona data dare filiis vestris, quantò magis Pater vester cælestis dabit spiritum bonum petentibus se? & alibi, ut glorificent Patrem vestrum qui in cælis est: item, nolite vocare vobis Patrem super terram, vnus est enim Pater vester, qui in cælis est, & propterea præcepit cum hoc titulo ad Deum recurrendum: Cum oratis dicite, Pater noster qui es in Cælis, &c. igitur adest in homine titulus filiationis, & vnionis cum Deo ex hoc titulo, quæ moralis, & supernaturalis est, & realis.

Vnio ex ti-
tulo hære-
dis cum Deo

De vnione ex titulo heredis, qui consequitur filia- tionem ex Rom. 8. 15. Accepistis spiritum adoptionis fi- liorum, in quo clamamus Abba Pater. Ipse enim spiritus te- stimonium reddit spiritui nostro, quòd sumus filij Dei, si autè filij, & hæredes, hæredes quidem Dei, cohæredes autem Christi. Ex quo filiationis, & hæreditatis titulo, ex S. Petri 1. 4. maxima nobis, & prætiosa præmissa donauit, ut diuinæ effi- ciamur consortes naturæ, fugientes eam, quæ in mundo est concupiscentiæ corruptionem.

Vnio ex ti-
tulo amici-
tiæ cum
Deo.

De vnione ex titulo amicitiae, seu dilectionis, at- que charitatis (quæ idem sunt) prob. quòd hoc titu- lo amoris homo vniri possit cum Deo, & Deus cum homine. Primò ex S. Script. quòd hoc honore di- gnatur Deus homines iustos decorare: Iacobus Apost. in sua epist. cap. 2. 6. ait credidit Abraham, &

re.

reputatum est illi ad iustitiam, & amicus Dei appellatus est. Exodi 33. dicitur, quod Deus loquebatur cum Moyse ore ad os, tamquam amicus ad amicum: Psal. 38. Dicitur, nimis honorati sunt amici tui Deus. Ioan. 13. Saluator dicit, Vos amici mei estis, si feceritis quæ precipio vobis: & infra. Non dixi vos seruos, sed amicos meos. Et de digna eius amicitia nobiscum inquit Saluator, Maiorem hac dilectionem nemo habet, ut animam suam ponat quis pro amicis suis, & de facto ipse pro humano genere posuit. Amicitia autem ab amando derivatur; quia veri amici amant se ex motu virtutis, ut latè docui cum Sancto augustinus in disp. de amicitia in tomo de Virtu. Card. At certum, & notorium est, quod nihil unit, & copulat animos, sicut facit amor. Vnde S. Augustinus li. 8. de Trinit. cap. 10. ait, Amor est quasi iunctura quadam duo aliqua copula, vel copulare appetens, amantem scilicet, & quod amatur: hæc ergo est vera, & potior unio, quæ Deo obtineri potest in via: habet tamen gradus, & peruenire potest ad summum ex Dei speciali favore, ita ut sit incoatio unionis beatificæ, eique similis, quæ Mystica, & secreta est, ut dicemus postea.

De hac unione per amorem reciprocum inter animam, & Deum sæpè loquebatur Saluator, ut animas ad eam excitaret. Primo inquit si diligitis me, mandata mea seruare: deinde Ioan. 14. Si quis mandata mea seruabit, Pater meus diliget eum, & ad eum veniemus, & mansionem apud eum faciemus. Ecce reciprocus amor uniens animam Deo: unde Ioan. in epist. 1. cap. 4. ait, Deus charitas est; & qui manet in charitate, in Deo manet, & Deus in eo. Mirum ergo non est si interrogatus Saluator, quod est mandatum magnum in lege, respondit, diliges Dominum Deum tuum ex toto corde tuo, &c. hoc est primum, & magnum mandatum, sciebat enim, quod, qui diligit Deum

Magnus
honor
amicitia
cum Deo.

Unio ex a
more cum
Deo.

494 DE VNIONE MYSTICA ANIMÆ &c.

Magna
hec vnio
amoris.

Deum diligitur à Deo ; & ita obtinetur vnio hæc
moralis, supernaturalis, affectualis, & amicitia cum
Deo, qui prius, ait Io. dilexit nos, & tradidit seipsum pro
nobis: & Saluator ipse Io. 3. dicit, sic Deus dilexit mun-
dum, vt filium suum vnigenitum daret, vt omnis, qui credit
in ipsum, non pereat, sed habeat vitam aternam. At de gra-
dibus istius vnionis per amorem, seu charitatem, in
sequenti capite loquemur.

Vnio cum
Deo per
conformi-
tatem vo-
luntatis
cum eo.

De vnione per conformitatem voluntatis cum
Diuina, vt anima velit quod vult Deus ; qui quidem
est effectus vnionis per amorem, seu charitatem er-
ga Deum, prob. quòd obtineri possit ex gratia Dei:
ideò hoc orabat Dauid psal. 142. doce me facere volun-
tatem tuam, quia Deus meus es tu ; & in psal. 1. dicit, Beatus
vir, qui in lege Domini meditatatur, & in lege Domini volun-
tas eius, & hoc est quod petimus in oratione Domi-
nica, Fiat voluntas tua sicut in cælo, & in terra, id est fac
Domine, vt nos exequamur voluntatem tuam, & fa-
ciamus, quod tu vis. Et hoc existimo Christum pro
nobis postulasse à Patre Io. 17. Rogo Pater pro eis, qui
credituri sunt in me, vt omnes vnum sint, sicut tu Pater in
me, & ego in te, & ipsi in nobis vnum sint, id est, vt velint
idem, sicut nos volumus ; & inde prouenit, quòd Sal-
uator, vt cordibus audientium imprimeret, esse sem-
per faciendam Dei voluntatem, declarabat volun-
tatem suam etiam humanam, semper velle quod vo-
lebat Pater, Ioan. 2. 14. Veni, vt faciam voluntatem Pa-
tris: idem repetit in cap. 3. cap. 6. & alibi ; & in horto
ter dixit non mea, sed tua voluntas fiat, & adhuc horta-
batur omnes, Matt. 7. Qui fecerit voluntatem Patris mei,
qui in calis est, ipse meus frater est, &c. & 1. Reg. 19. quod
refertur postea à Paulo Act. 3. quia Deus sic lauda-
uit Dauid, Inueni Dauid virum secundum cor meum, qui
facit omnes voluntates meas ; & eiusmodi formulis de

Semper fa-
cienda Dei
voluntas.

con-

conformatione ad voluntatem Dei plenæ sunt Epistolæ, Pauli, Ioannis, & Petri.

Quod verò in conformitate voluntatum detur vnio, & vnitas, patet ex supra relatis. Omnes enim primi Christiani dicebantur habere cor vnum, & animam vnā, id est omnes credebant, & volebant idem, nec vnus quidem ab alio discrepabat in exequendis Christi mandatis, & Apostolicis traditionibus. Ideò qui vult, quod vult Deus, vnā dicitur habere cum eo voluntatem; & hoc est, quod dicit Paulus 1. Cor. 6. *Qui adheret Deo vnus spiritus est*, sed de hoc argumento fufius infra loquemur.

Patet ergo, quod varijs modis, & communibus pro omnibus in istis obtineri potest aliqua moralis, ac supernaturalis vnio cum Deo.

Alius tandem extat titulus vnionis animæ in ista cum Deo, isque nobilissimus, nempe sponsalitij, & matrimonij cum Deo. Anima enim iusta ligitur à Deo in sponsam, Osee 2. *sponsabor te mihi in fide*. Et in Canticis pluries hæc nomina sponsi, & sponsæ tropologice replicantur. Et Paulus, ut clariùs declararet mortalibus hanc unionem, exemplo unionis carnalis viri cum muliere explicat spiritualem unionem, 1. Cor. 6. 17. *Qui adheret meretrici, vnum corpus cum ea efficitur. Qui autem adheret Domino, vnus spiritus est*; hæc autem adhæsiō per fidem, & Charitatem fit, ut postea patebit.

Vnde s. Bern. hanc unionem connubij inter animam, ac Deum considerans ser. 7. in Cant. ait, *Anima, quæ diligit Deum, sponsa Dei vocatur*. Hæc enim duo nomina, sponsa, & sponsus maximè indicant internos affectus; hæc enim omnia communia sunt; vna hæreditas, vna domus, vna mensa, vnus lectus, vna caro. Et post multa ait, *amat sanctè, quia non in concupiscentia carnis, sed in puritate spi-*

ri-

Confor-
mitas ista
facit vnio-
nem.

Anima iu-
sti fit
sponsa
Dei.

S. Bern ar.

ritus, &c. Et proinde Sponsus Cant. 4. ait, *Veni de Libano sponsa mea; vulnerasti cor meum sorror mea sponsa; hortus conclusus soror mea sponsa; ueni in hortum meum sorror mea sponsa, &c.*

C A P. II.

De gradibus vnionis cum Deo per amorem, seu charitatem.

Finis vite
spiritua-
lis est v-
nio cum
Deo.

Vnio fit
per Cha-
ritatem.

Charitas
duplex.

ADu. quod sicut in præced. capite dictum est, & s. Augustinus, & ex eo s. Th. docuit in 2. 2. q. 4. ar. 1. *Finis spiritualis uitæ est, ut homo uniatur Deo, quod fit per charitatem.* Et uterq; ac omnes Theologi hoc didicerunt à Paulo 1. Cor. 13. ubi dicit se sine charitate nihil esse, etiam si linguis Angelorum loqueretur; vel etiam si omnem scientiam, & fidem haberet, ita ut montes transferret, vel etiam si omnes facultates distribueret in cibos pauperum; uel etiam si corpus suum tarderet, ita ut arderet. Et Ioan. in sua prima Epist. tam efficaciter commendat charitatem, ut dicat, quod si hæc habeatur, & exerceatur, *sufficit.* Illa enim (supposita fide, sine qua impossibile est placere Deo, ex Hebr. 11.) viuificat, & vnit animam Deo.

At quoniam charitas duplex est, habitualis, & actualis, id est habitus charitatis, & actus, scilicet dilectio, & utraq; vnire potest; & utraque pariter admittit latitudinem, & graduationem, ut aliquando, vel in aliquo sit maior, aut minor; sequitur, quod diuersos gradus vnionis maioris, vel minoris pariant; ideo de horum graduum diuersitate aliqua dicemus. Quamuis enim vnio per amorem, & multi eius gradus istius omnibus ex Dei gratia esse possint com-

communes, in vita etiam actiua; quia tamen dispo-
nere possunt ad gradum perfectissimum vnionis my-
sticæ in vita contemplatiua, quam hic inquirimus,
quamque Deus perfectis spiritualibus tantum conce-
dit: ideo operæ præmium duxi de communibus his
gradibus vnionis, & de eorum causis loqui. Vnde.

Ratio cur
author de
his vnio-
nis gradi-
bus hic
loquitur.

Dico I. Primus, & fundamentalis gradus vnio-
nis animæ cum Deo (licet respectiue infimus) est il-
le, qui est in paruulis baptizatis, absque propriis
actibus credendi, diligendi, ac pænitendi, recipien-
tibus habitum Charitatis.

Probantur singulæ partes. Quod paruuli baptiza-
ti in baptismo recipiant habitum charitatis, fuit defi-
nitum in Concilio General. Viennen. confirma-
tum in Concilio Trid. sess. 6. c. 7.

Vnio per
charitatē
habitualē
in pueris.

Quod tunc vniantur Deo, prob. ex Apost. quia
tunc induunt Christum, eique incorporantur, fiunt-
que illius membrum. Et ex Concil. Trid. sess. 5. de pec.
orig. per baptismum fiunt dilecti filij, & heredes Dei, cohere-
des autem Christi, ita ut nihil prosus eos ab ingressu cæli re-
moretur. Ideo actu quidem, sed per habitum tantum
sunt Deo vniti.

Quod gradus iste vnionis sit fundamentalis pro-
batur facile; quia sine illo habitu charitatis, nihil in
Christiano ædificio potest superædificari, nullum-
que opus Deo placens, ac meritorium (vt nuper cum
Paulo dixi) potest fieri.

Iste gra-
dus vnio-
nis est fun-
damentū
aliorum.

Quod autem ille solus sit infimus, gradus vnionis,
respectiue tantum, & non absolutè; patet, quia, & sine
vilo actu proprio antecedenti, & sine actu aliquo si-
multaneo recipientis facta est à Deo talis vnio; ad
differentiam vnionis, quæ fit in adultis, qui baptizan-
tur, & Christum induunt; isti enim præuijs, & simul-
taneis actibus credendi, diligendique Deum, ac pe-

Quare est
infimus
gradus.

R r r ni.

nitendi recipiunt habitum illum Charitatis, & sic perfectius vniuntur; habitu nempe, & actus; illi autem infantes solo habitu. Secundo dicitur in finis *respectiue* in ordine ad eundem paruulum postea adultum. Is enim retinens habitum charitatis in baptismo receptum, si dum adolefcit, se, vt debet, exercet in actibus credendi, diligendique Deum, sperandi, & in cæteris virtutum actibus, vt oportet, vnio cum Deo augetur, & qui prius habitu tantum vniebatur, vnitur postea etiam actu proprio. At nihilominus vnio illa per habitum in pueris, absolutè sufficit ad salutem, vt ex Concilio nuper diximus; & si in statu illo moriantur, euolant ad Cœlum, vt vnione beatifica perfruantur.

Dico 2. Maior est vnionis gradus cum Deo in adultis, qui habitum charitatis retinentes, Dei præcepta, fidei, spei, charitatis, & alia decalogi obseruant, & in alijs Cardinalium virtutum operibus se exercent.

Prob. facile ex modò dictis. 2. ex eo quòd Deus id exigit à nobis, vt eum diligamus, & proximum; & hoc fuit etiam præceptum in lege tam naturæ, quàm scriptæ, *diliges Dominum Deum tuum ex toto corde tuo, &c.* & Christus dixit hoc esse *maximum omnium mandatum*. Et Prouerb. 23. 36. Deus dicit, *Præbe fili cor tuum mihi*. Deus enim nec nostri, nec bonorum nostrorum, indiget; exigit autem cor nostrum, & dilectionem nostram, vt per hæc ei vniamur; & hoc testatur Saluator Ioan. 14. *Qui diligit me, diligetur à Patre meo, & ad eum veniemus, & mansionem apud eum faciemus*: ecce vnio, & mansio diuina, quæ per proprios actus dilectionis Dei, & obseruantix mandatorum eius obtinetur.

Dico 3. Maior duobus præfatis est gradus vnionis

Ex dupli
ci capite.

2. Gradus
vnionis
maior.

nis cum Deo in ijs, qui præter habitualementem, & obseruantiam mandatorum, obseruant etiam propter Deum consilia Euangelica.

Prob. facile. Homo perfectè iustus magis est vnitus Deo; quia magis ei adhæret, magisque à Deo diligitur: sed iustus habens habitum charitatis, obseruans præcepta, & consilia euangelica, est perfectus: ergo. Minor à Saluatore docetur: Is enim Matt. 19. interrogatus à quodam, *quid faciendo vitam æternam possidebo?* respondit, *serua mandata;* & declaratis mandatis obseruandis; dixit ille, *omnia hæc seruauit ab adolescentia mea, quid adhuc mihi deest?* Dominus dixit. *Si vis perfectus esse, vade, vende omnia, quæ habes, & da pauperibus, & habebis thesaurum in cælo, veni, & sequere me.* Paupertas ergo voluntaria cadit sub consilio; & facit perfectum: Item Castitas, quia Saluator in præfato loco Matt. ait, *sunt Eunuchi, qui se ipsos castrauerunt propter regnum Cælorum, qui potest capere capiat.* Et Paulus 1. Cor. 7. dicit castitatem virginalem cadere sub consilio: alia multa sunt in Euangelio consilia, quorum obseruantia spectat ad perfectionem, quæ Dominus Iesus Christus, & facto, & verbo docuit v. g. consilium de sufferendis iniurijs, malisque nobis illatis, quorum obseruantia facit hominem magis Deo carum, magisque dilectum; propterea obseruantiam consiliorum eligentes, & exercentes, puta Castitatis, Paupertatis, & Obedientiæ dicuntur Religiosi, id est iterum ligati, & coniuncti Deo. Prima enim vice ligantur, & coniunguntur, ac vniuntur Deo per Baptismum, in quo renunciant Sathanæ, & pompis eius, & incorporantur, ac vniuntur Christo, promittentes præcepta eius seruare: per professionem verò votorum religionis, secundo vinculo se ligant cum Deo, promittendo ex eius amore obseruare etiam

Maiores præfatis duabus vnio.

Obseruans etiam consilia est perfectus.

Sub consilio paupertas voluntaria.

Castitas virginalis

Regulares cur dicuntur religiosi.

consilia. Et sic veri, ac regulam seruantes Religiosi per consiliorum obseruantiam sunt in statu perfectionis acquirendi; & magis vniti Deo, quàm alij, solum habitum Charitatis fidei, &c. habentes, vt pueri, & alij, qui habitus illos habent, & diuina præcepta obseruant, non autem consilia.

Vnio maior præfatis tribus.

Dico 4. Maior his tribus gradus vnionis cum Deo reperitur in illis, qui habitum charitatis habent, præcepta, ac præfata tria consilia obseruant, & alia insuper duriora consilia exequuntur; & vel parati sunt exequi; vel opera alia supererogationis faciunt, quæ sub explicito consilio non cadunt; Deo tamen cara sunt.

Consilia duriora.

Prob. & declaratur quoad singula. Ad sunt in Evangelio duriora quædam consilia. v. g. Matt. 5. & Lucæ 6. dicit Saluator. *Si quis te percusserit in dextera maxilla, præbe ei, & alteram: Et Matt. 14. Si quis vult tecum in iudicio contendere, & tunicam tuam tollere, dimitte ei, & pallium; & quicumque angariauerit mille passus, vade cum illo, & alia duo. Qui petit à te; da ei; & volenti mutuari à te, ne auertaris, & sic de alijs multis, quæ quidem dura sunt, sed cum Dei auxilio facile agibilia sunt; & aguntur; & Saluator noster in se illa comprobauit, nobis, vt ait Petrus, *relinquens exemplum, vt sequamur vestigia eius*, & propterea ad eius exemplum plures perfecti ipsum sunt imitati. Hi ergo habitu Charitatis pollentes, præcepta, & consilia hæc dura seruantes, perfectiores quidem sunt, & Deo magis placentes, cari magis, magisque vniti.*

De supererogatoria exercentibus, si habitu charitatis pollent, ac præcepta obseruant, prob. quod magis vniti sint Deo, quam tres illi primi; sed declaro prius, quæ sint opera supererogatoria: dico ergo esse omnia heroica virtutum opera, quæ præcepta non

non sunt, nec explicitè consulta: v. g. vitam eremiticam degentes, solitarij; macerantes se ieiunijs; ac flagellis, alijsque cruciatibus corpus suum torquentes, & voluntariè alia similia propter Deum facientes; vel patienter sufferentes mala ab alijs in famam, bona, aut eorum vitam illata, exemplo Sancti Iob, & aliorum Sanctorum, de quibus loquitur Paulus ad Hebr. 11. *Alij ludibria, & verbera experti, insuper & vincula, & carceres; lapidati sunt, secti sunt, tentati sunt, in occisione gladij mortui sunt; circuierunt in melotis; in pellibus caprinis egentes, angustati, afflicti, quibus dignus non erat mundus; in solitudinibus errantes, in montibus, in speluncis, & in cauernis terræ.* Hi quidem magis vniti sunt Deo, propter quem talia patienter patiuntur, quàm ceteri, de quibus supra.

Dico 5. Vniuersaliter loquendo, quò maior extat in aliquo charitas actualis, & habitualis, eò maior est in eo gradus vnionis cum Deo; & quia maior omnium charitas in martirio exercetur, in martiribus maior est vnio cum Deo.

Prima pars declaratur, & prob. ex singulari quadam S. Thomæ, quam per extensum retuli in *Opus. 5. c. 2. conclusionem*. Sanctus hic Doctor in 2. 2. q. 4. ar. 9. omne bonum, omneque profectum in vita spiritali tribuit charitati, tamquam parenti omnium bonorum, assignatque præcipuos eius effectus, quando est perfecta. Quò ergo maior est charitas in hominibus actiuam, vel contemplatiuam vitam degentibus, & in plures, ac præstantiores effectus in Deum, ac proximum se extendit, eò perfectior est; proindeque cum per eam magis quis diligit Deum, magisque diligatur ab eo, maior est inter eos vnio.

Secunda pars de Charitate exercita in martirio, prob. ex Christi oraculo Ioann. 13. *Maiorem hac dile-*

Supererō.
gationis
opera fa-
ciētes per
fectiores
sunt.

Ex maiori
charitate
crescit v-
nio.

lectionem nemo habet, vt animam suam ponat quis pro amicis suis. Et factio proprio comprobauit, cum pro nobis ipse Dominus vitam posuit, & occidi passus est, vt à Dæmonis potestate nos liberaret, & eternæ vitæ redderet capaces.

Alia vnionis species in contemplatiuis.

Dico 6. Præter gradus istos vnionis, qui vita actiua obtineri possunt cum Deo; admitti debet aliqua perfectio vnionis speciei in perfectis, & heroicis contemplatiuis, pro qua sit.

C A P. III.

An in Perfectis contemplatiuis detur vnio specialis cum Deo, quæ Mystica dicitur.

Mystici aliam vnionem admittunt.

Quis sit perfectus contemplatiuus.

Dari potest vnio perfecti.

ADu, quod inter Theologos Mysticos communis est sententia, nec ab ullo impugnata, dari in perfectis contemplatiuis vnionem quamdam cum Deo, ita perfectam, qua darinequit perfectior, in hac mortali vita: perfectus autem contemplatiuus regulariter ille est, qui in vita purgatiua, & illuminatiua, id est meditatiua, & contemplatiua, diu exercitatus, ex specialissimo Dei fauore ad infusam contemplatiuam euectus est: Hunc autem dicunt hac perfecta vnione à Deo donari. Hic ergo prius videbimus, an vnio ista peculiaris admittatur; postea videbimus per quas causas efficiatur, & in quo consistat; & quæ sint eius proprietates, & effectus transeuntes, & permanentes.

Dico ergo. Datur in contemplatiuis perfectis specialis quædam vnio cum Deo, *Mystica dicta*, id est secreta, & præstantissima, ac supernaturalis.

Prob. S. Dionysius *De Mystica Theologia cap. i.* ad hanc procurandam hortatur Timotheum. Tu autem, Timothee

thee carissime, pro maxima mysticorum spectaculorum exercitatione, &c. teque ad eius, qui omnem essentiam, omnemque scientiam superat, coniunctionem, & unitatem pro virili parte clam excita.

Hanc unionem significat osculum illud, quod anima Sancta, Sponsa Dei petit a Sponso Cant. i. Osculetur me osculo oris sui, S. Greg. in hunc locum, ait, Dicit ergo Sponsa desiderio astuans, & in amplexum sponsi sui inardescens, osculetur me osculo oris sui, ac si diceret; ille, quem super omnia, immo solum diligo, veniat; qui dulcedine suae inspirationis me tangat, quia cum eius osculam sentio, subito mutatione me derelinquo, & in eius similitudinem illi me liquefacta transformor. Et post aliqua, Osculum sponsi querit, quia si ille gratissimi amoris vinculo hanc non trahit; haec in super molestissimae grauedinis miseria detenta, quomodo se ad illum conferat omnino non inuenit, sed prius sponsus anxietatem eius senties, amorem diligens, votum eius exaudiens osculum porrigit; & ne desiderio lassescat, gustus suae suauitatis lenit, & dum suam praesentiam exhibet, ad maius dilectionis osculum accendit.

S. Gregorius Nazianz. in Orat. 21. nedum hanc unionem animae sanctae admittit, sed varijs exemplis eam explicare conatur, inquit. Quomodo stillicula aquae modica, multo infusa vino à se tota deficere videtur, dum & saporem vini induit, & colorem; & quomodo ferrum ignitum, & candens igni simillimum fit, pristina, propriaque forma exutum: & quomodo solis luce perfusus aer, in eandem transformatur luminis claritatem, adeo ut non iam illuminatus, sed lumen ipsum esse videatur: sic omnem tunc (id est eo tempore quo anima Deo est intimè vnita) in sanctis humanam affectionem quodam ineffabili modo necesse erit a se ipsa liquecere, atque in Dei penitus transfundi voluntatem: Hæc Nazianzenus.

in S. Bernardus de hoc osculo multa dicit ad rem

ma inter
animam,
& Deum.

Hæc unio
est osculū
quod petit
Sponsa.

Effectus v-
nionis ex
Gregorio.

Unio ex
Gr. Naz.

nostram, sed magis clarè in ser. 9. in Cant. osculetur me, &c. ait, Hoc vnum, quod mihi reliquum est, efflagito, vt perfctè per Spiritus Sancti infusionem, meo vniam dilecto.

Idem in Epist. ad fratres de monte Dei inquit. Hæc est, de qua aliquanta dicta sunt, in tantum propriè propria, vt iam non similitudo, sed spiritus nominetur, dum sit homo cum Deo vnus spiritus, non tantum vnitate volendi idem, sed expressione quadam vnitate virtutis (sicut dictum est) aliud nolle non valendi. Dicitur autem hæc vnitas spiritus, non tantum quia efficit eam, vel afficit ei spiritum hominis Spiritus Sanctus; sed quia ipsa est Spiritus Sanctus Dei charitas, cum per eum, qui est amor Patris, & filij, & suauitas, & bonum, & osculum, & amplexus, & quidquid commune potest esse amborum in summa illa vnitate veritatis, & veritate vnitatis, hoc idem homini, suo modo sit ad Deum, quod cum substantiali vnitate filio est ad Patrem, vel Patri ad filium, cum in amplexu, & osculo Patris, & filij media quodammodo se inuenit beata conscientia, cum modo ineffabili, incogitabilique meretur fieri homo Dei; non Deus, sed tamen quod Deus est ex natura, homo ex gratia. At post aliqua, subdit; Quidquid tamen de visione, & cognitione Dei hic fidelibus impartitur, speculum est, & enigma tantum distans à futura visione, & cognitione, quantum à veritate distat fides, vel tempus ab aternitate, &c. Et ser. 31. in Cant. idem de Anima Sponsa, ait, Nisi speciali prerogatiua intimis illum (idest sponsum) affectibus, atque ipsis medullis cordis cælitus illapsum suscipiat bebeatque præsto, quem desiderat, non figuratum, sed infusum, non aparentem, sed efficientem, non quiescit.

Prob. 2. hæc est vnio ex amplexu, quam sponsa, idest anima sancta, expectabat à Deo Cant. 2. 6. La-ua eius sub capite meo, & dextera illius amplexabitur me; quem locum, vt ibi notat Cornelius à Lapide, Contemplatiui Mystici omnes intelligunt de vnione ani-

mæ

S. Bern.

Quomodo
anima vni-
tur, & fit
vna cum
Deo.

Idem Bern.

Vnio est
amplexus

mæ cum Deo, quæ habetur in summo contemplationis gradu, quo anima intimè Deo per contemplationem intellectus, & per ardorem voluntatis vnitur; cum quo quasi duobus hisce brachijs stringitur, & habetur, tunc enim Deus cor afficit, suisque quasi illuminationeis, & inflammationis brachijs mulcendo trahit ad altiorem quemdam, & puriorem amoris amplexum: hæc ille.

S. Basil. in lib. de vera Virg. de hoc amplexu, & vni one animæ sanctæ cum Deo, inquit. Quo circa anima, quæ Christo copulata est, tãquam sapientia Verbi Dei sponsa, sapiens, ac prudens sit necesse est, ac omni stultitiæ, & insipientiæ nota (iugi diuinarum rerum meditatione) explosa; sapientiæ cui coniuncta est ornetur pulchritudine, donec æternâ sapientiam sibi penitus iungat vnumque cum eo cui adhæsit effecta, ex corruptibili fiat incorruptibili, ex imperita prudens, ac sapientissima, tamquam Verbi cui adhæsit; costa & quæ; vt breuiter dicam, ex homine mortali; immortalis Deus, sicut ille, cui coniuncta est omnibus manifestetur, hæc & alia plura Basilius.

S. Basil.

Prob. 3. Hæc vnio facit unum ex vnitæte spiritus, quem acquirit anima cum Deo ex 1. Cor. 6. 17 Qui adhæret meretrici vnum corpus cum ea efficitur, & qui adhæret Domino vnus spiritus est.

Ex vnitæte Spiritus.

S. Bernard. seu alius author de Vita solit. inquit: Vnitas spiritus cum Deo hominis cor sursum habentis proficientis in Deum voluntatis est perfectio. Cùm iam non solum vult, quæ Deus vult, sed sic est non tantum in affectu, sed in effectu perfectus, vt non possit velle, nisi quod Deus vult, hoc est iam esse quod Deus est, cum iam velle, & esse idipsum est. Sed de hoc argumento vnitatis spiritus animæ cum Deo iterum recurret sermo, cum de termino resultante ex hac vnione loquemur.

Probari potest hæc vnio quartò ex eo quòd anima

Sff ma

Ex trāsfor-
matione
in Deum.

ma sancta transformatur in Deum, & 2. Cor. 3. 18. Nos autem omnes reuelata facie gloriam Domini speculantes in eandem imaginem transformamur à claritate in claritatē tamquam à Domini spiritu. Quæ quidem tranformatio non est essentialis, vt fatuē putauit Almaricus, sed accidentalis, & affectualis, vt in sequenti dicetur, per modum perfectæ cognoscentis, & cogniti, perfectæque amantis, & amati.

Ex adhesionē
cum
Deo.

Adhesionē
fit per co-
gnitionē,
& amo-
rem.

Probari quoque potest quintò hæc vnio, ex adhesionē cum Deo per meditationem, seu contemplationem, atque amorem eius. Id enim Deus exigebat à Populo, vt scilicet de eo frequenter cogitaret; eumque diligeret: nam Deuter. 11. 18. sic habetur. Ponite hæc verba mea in cordibus, & in animis vestris, & suspendite ea pro signo in manibus, & inter oculos vestros collocare. Docete filios vestros vt illa meditentur: quando sederis in domo tua, & ambulaueris in via, & accubueris, atque surrexeris; scribes ea super postes, & iannas domus tuæ, & post alia præcipit dilectionem Dei. Dili- ges Dominum Deum tuum ex toto corde tuo &c. Hoc ergo modo paterat homo vniri, & vnitus cum Deo manere: Ideo Dauid in psal. 1. inquit: Beatus vir, qui non abiit in consilio impiorum, &c. Sed in lege Domini voluntas eius, & in lege eius meditabitur die, ac nocte, & omnia quæcumque faciet prosperabuntur. In his autem se exercebat Dauid, & meruit illud Dei elogium, inueni Dauid secundum cor meum, qui faciet voluntates meas. Id docuit Salamon Ecclesiastici 3. 22. Quæ præcepit tibi Deus, hæc cogita semper. Deus autem præcepit, Vnum cole Deum, diliges Dominum Deum tuum ex toto corde tuo: hoc ergo modo frequenter scilicet cogitando de Deo, eiusque lege, eumque diligendo, vnitur homo cum Deo, & in vnione perseverat.

Cum autem tot modis (sed pro multis commu-
ni-

nibus) possit haberi aliqua vnio cum Deo, videntum erit, quæ nam sit illa vnio perfectorum amicorum Dei, quæ à Misticis tantum laudatur, & exaltatur; ideo sit.

C A P. IV.

*In quo consistat Mistica hæc vnio contemplatiuorum,
& quæ sint illius immediatæ causæ.*

ADu. 1. hæc duo simul quæri; quia de ratione cuiuscunque vnionis, est inter duo saltim esse; cum quælibet sit habitudo quædam relatiua vnitati ad terminum, cui vnitur, & capi, ac intelligi nequit vnio vlla, nisi capiatur fundamentum, seu ratio, & causa produciens, seu efficiens vnionem; seu, vt philosophicè loquar, id ex quo resultat vnio et sic intellectus causis nobilissimæ huius vnionis, facile intelligitur eius natura.

Cur duo si
mul quæ-
runtur.

Adu. 2. quòd hic loquimur de causis immediatis, & proximis vnionis, non verò de mediatis, ac remotis; de his enim agetur postea: cum autem vnio hæc sit affectualis, & vitalis; causæ eius vitales esse debent.

Sermo est
de causis
immediatis.

Adu. 3. quòd, cum vnio hæc mystica intercedat inter animam iustam contemplatiuam, & Deum, & sit reciproca; ex parte vtriusque multa sunt supponenda. Nam ex parte Animæ vniendæ supponendum est, quòd debet esse in statu gratiæ, & ornata donis Spiritus Sancti (regulariter) exercitata in operibus virtutum Cardinalium, & Theologicalium, & in meditatione, ac contemplatione; quæ dicemus postea esse principia, seu causas, ac dispositiones remotas istius vnionis. Ex parte autem Dei, cui ani-

Vnio sup-
ponit mul-
ta.

Ex parte
Dei quæ
supponun-
tur.

nia vnitur, supponendum est, quòd effectiue, ac terminatiue ad talem vnionem concurrat: Effectiue quidem per influentiam ad opera, ex quibus nascitur unio, & ad vnionem, quæ in anima recipitur, vt mox declarabitur; terminatiue vero, quatenus est terminus talis vnionis, sicut nos diximus in cap. 1. & omnes Theologi docent de vnione Dei ad Creaturas per illapsum generalem, ac per immensitatem; de vnione hypostatica Verbi cum humanitate Christi; & de vnione beatifica Dei cum Beatis; in quibus vnionibus creaturæ sūt subiectū vnionū, Deus verò efficiens, ac terminus earum; his positis.

Ex parte
animæ cau-
sæ vnionis
sunt con-
templatio
perfecta,
& amor
Dei perfe-
ctus.

Dico 1. Ex parte animæ iustæ contemplatiuæ vni-
tæ, seu vniendæ mysticè, ac supernaturaliter cum
Deo, causæ morales, ac immediatæ talis vnionis re-
gulariter sunt duæ, scilicet perfecta contemplatio,
ac perfecta charitas, seu amor Dei quando autem
istæ actiones sint perfectæ dicam postea.

Dixi ex parte animæ, quæ est vnum extremum
vniendum, aut vnitum, quia ex parte Dei est alia
causa, vt mox dicitur. Dixi, *causæ morales*; quia
totum, quod est in creatura, respectu supernatura-
lium donorum, quæ Deus ex sua liberalitate conce-
dit creaturæ, cum non sit causa efficiens physica, re-
stat, vt sit moralis, idest talis conditionis ex Dei
voluntate, vt ad eius positionem statuerit Deus do-
num aliquod concedere sicut dicimus de Sacra-
mentis respectu gratiæ, de meritis respectu premij,
de precibus respectu fauoris, ac beneficiij obtenti:
Ita se habent operationes illæ respectu vnionis cum
Deo. Dixi *regulariter*, quia posset Deus absque ma-
gna exercitatione in contemplatione, & amore ip-
sius, admittere hanc perfectam vnionem animæ
iustæ secum: his ergo prænotatis.

Prob.

Prob. quòd illæ sint causæ vnionis mysticæ, ac supernaturalis animæ iustæ cum Deo. Primo à pari. Illæ duæ sunt causæ vnionis beatificæ in Patria ex parte animæ: ergo etiam in via. Anteced. est clarum. Eo enim modo Angeli, & animæ beatæ sunt perpetuò vnitæ cum Deo, scilicet per visionem, ac fruitionem, seu charitatem consummatam, aut amorem, quæ idem sunt. Conseq. est euident, nam ex sepe dictis, cum S. Greg. hom. 14. in Ezech. beatitudo in hac vita per contemplationem inchoatur, & in alia vita perficitur ergo eadem sunt causæ vtriusque ex parte animæ.

Arg. à paritate vnionis beatificæ.

Prob. 2. ex Theologis S. Th. in 3. p. q. 6. ar. 6. ad primum inquit, Vnio naturæ cum Deo est per operationem in quantum scilicet cum cognoscimus, & amamus. Et in 3. sent. dist. 2. quæst. 1. ar. 3. q. 1. ad 3. dicit, Coniunctionem animæ cum Deo per fruitionem, consistere in operatione intellectus, & voluntatis.

Ex S. Thoma.

Dionis. Cartus. de fonte lucis cap. 12. de causis vnionis loquens, inquit. Itaque via perfectiua, seu vnitiua est studium, occupatio, seu actio ad serenissimæ charitatis ardorem, ad Deitatis extaticum, flamigerumque amorem, ad mysticæ sapientiæ æstuantissimum, quietissimum, & secretissimum tendens intuitum, consistit namque hæc vis vnionis in hoc, vt ex contemplatione Dei per negationem mens diuino amore tota accendatur, velut ignita, ac seraphica efficiatur seque ipsam, & cuncta creata relinquens, transcendens, ac obliuiscens, superincomprehensibili Deo, tamquam prorsus ignoto per hierarchicæ lucis illapsum, per occultissimæ inspectionis alloquium, per supersplendentem caliginem, ac sapientissimam ignorantiam vnitur: igitur duæ illæ operationis intellectus, & voluntatis, intuitus nempe, seu contemplatio, & amor Dei sunt causæ istius vnionis: neque quælibet contem-

Ex Dion. Carthus.

Contemplatio perfecta, & amor perfectus causant vnionem.

pla-

platio, aut quilibet amor, sed perfecta contempla-
tio, ac perfectus amor, ut in conclusione dixi, &
infra dicam, idest infusa contemplatio in caligine,
quæ maxima est: & ardentissimus amor, ut postea
dicam.

S. Bonau.
de vtraq;
causa v-
nionis lo-
quitur.

S. Bonau. de vtraque causa admirabilis istius vnio-
nis sæpè loquitur, sed præcipuè in tract. Paruum
bonum particula 1. cap. 3. quod inscribitur de vnitiua,
& perfectiua, sic habet, Postremò sequitur qualiter nos
exercere debemus ad igniculum sapientiæ. Hoc autem facien-
dum est hoc ordine. Iste igniculus sapientiæ est primò sollicitè
ac diligenter congregandus: secundo inflammandus, tertio sub-
leuandus, Congregatur autem per reductionem affectionis ab
omni amore creaturæ: quia omnis affectio debet ab amore
creaturæ elongari: Secundo, inflammandus est igniculus iste, &
hoc ex conuersione affectionis super amorem sponsi, & hoc fit
comparando, vel ad effectum supernorum ciuium, vel ad
ipsum sponsum. Tunc autem hoc fit, quando attenditur, quod
per hunc amorem suppleri potest omnis indigentia, & quod
per amorem est in beatis omnis boni abundantia, & per amo-
rem habetur summi boni presentia, & hæc inflammat affe-
ctum. Tertio subleuandus est igniculus iste; & hoc supra om-
ne sensibile, & imaginabile, & intelligibile hoc ordine, ut
homo immediatè de ipso, quem perfectè optat diligere, primò
meditando discat, quod ille, quem diligit, non est visibilis: au-
dibilis, aut odorabilis, immò totus gustabilis, tangibilis,
& desiderabilis 2. cogitet quod ille, quem diligendo querit,
non est terminabilis, figurabilis, numerabilis, circumscriptibi-
lis, commutabilis, aut imaginabilis, sed totus desiderabilis.
3. cogitet, quod ille, quem diligit non est demonstrabilis,
definibilis, opinabilis, æstimabilis, inuestigabilis, aut in-
telligibilis, sed totus desiderabilis. Ex his autem liquide
patet, qualiter ad sapientiam Sacræ Scripturæ perue-
niri potest meditando circa viam purgatiuam, illumi-
nati.

natiuam, & perfectiuam: et non solum Sacra Scripturae continentia, immo omnis meditatio nostra debet circa ista versari. Et prosequitur, quod omnis meditatio nostra in hoc consistere debet, nempe in considerando magnitudinem Dei, & quod haec est vera sapientia; nam in huiusmodi meditatione ratio percunctando affert propositionem, synderesis sententiando profert definitionem, conscientia testificando infert conclusionem, & voluntas praeligendo deservit solutionem: haec S. Bonau. Ex Seraphico ergo Doctore patet, quod ad vnitivam viam idest ad unionem cum Deo acquirendam, Dei meditatio, seu contemplatio, eiusque amor in gradu perfecto sunt praecipua, ac proxima media, ad quas unio illa consequitur, seu sunt ipsamet actualis unio.

De charitate, seu amore hac virtute pollente S. Dion. Areop. Diuin. nom. c. 4. ait, est quaedam virtus viuifica conuertens, mirificeque commiscens.

S. August. de Trin. lib. 8. cap. 10. ait, Quid est autem dilectio, & charitas, quam tanto opere scriptura diuina laudat, & praedicat nisi amor boni? Quid est ergo amor nisi quaedam vita duo aliqua copulare appetens amantem scilicet, & quod amatur? & hoc etiam in extremis, carnalibusque amoribus ita est. Sed, ut quid purius, & liquidius hauriamus, calcata carne, ascendamus ad animum: quid amat animus in amico, nisi animum? amor igitur Dei aptus est copulare, ac vnire hominem cum Deo. Ideo Confess. lib. 6. c. 5. tam enixe cum Deo copulari optabat, inquiens, Quis mihi dabit, ut venias in cor meum, & inebries illud, ut obliuiscar mala mea, & vnum bonum meum amplectar. Noli abscondere faciem tuam. Moriar, moriar, ut eam videam.

Idem S. August. multa, & praecleara docet de effectibus dilectionis Dei ad vniendum hominem cum eo. In lib. de Spiritu, & Anima, qui inter eius opera insertus est, cap. 16. ait, Dilectione anima vnitur Deo. De Fide,

S. August.

August.
cupit v-
nionem.

de, & Symbolo cap. 9. dicit. Dilectione reconciliamur Deo, qua etiam filij Dei appellamur. In lib. de substantia dilectionis cap. 3. ait. Per dilectionem Deus sibi copulauit creaturam, ut ei semper inhaerendo ipsum (quo beatificanda erat) bonum, ex ipso quodammodo per affectum suggeret; & de ipso per desiderium biberet, & in ipso semper gaudium possideret. De Ciuit. lib. 10. cap. 6. inquit, Dilectionis diuinæ succensam animam, esse sacrificium Deo. In lib. 12. contra Faustum cap. 14. ait, dilectionis, seu charitatis ardorem esse bitumen violentissimum colligans diligentem cum dilecto; & cetera plura.

Multa Aug.
gult. loca.

S. Ambr.

S. Ambrosius in psal. 118. ser. 6. ait. Anima iusti Sponsa est Verbi. Hæc si desideret, si cupiat, si oret, & oret assidue, & tota intendat in Verbum, subito vocem, sibi videtur eius audire, quem non videt, & intimo sensu odorem eius diuinitatis agnoscit. Replentur subito naves animæ spiritali gratia, & sentit sibi præsentis eius flatum aspirare quem querit, & dicit ecce ipse est, quem requiro, ipse, quem desidero.

S. Greg.

S. Gregorius in cap. 1. Cant. de hac vnione per dilectionem inquit. Ergo Sponsa desiderio astuans, & in amplexum sponsi sui inardescens, ait, osculetur me osculo oris sui, ac si diceret, ille quem super omnia, immò solum diliggo, veniat; qui dulcedine suæ inspirationis me tangat, quis cum eius osculum sentio, subita mutatione me derelinquo, & in eius similitudinem illud liquefacta transformor.

Dionis.
Carthus.

Dionysius Carthusius in comment. Myst. Theol. S. Dionysii ite-
rum loquens de duplici vnione Animæ cum Deo, utramque per feruidum amorem obtineri dicit: Porro viri fideles heroici, & perfecti longè sublimiùs mysticam Theologiam experiuntur per supernaturalia charismata Spiritus Sancti: quod dupliciter accidere solet. Primò per eorum præparationem: cooperationem, & conatum ad hoc dando se ipsos ad abstractionem à cunctis creatis, & ad feruidam vnionem cum Deo per recollectionem mentis suæ ad intra, & per

per affectuosissimam diuini inuocationem auxiliij, ac considerando diuini inflammatiua amoris. Secundo fit istud modo mirabili, & eminentiori, quamuis forsan non magis meritorio semper, videlicet dum feruens amor absque conamine proprio preparationeque prauia repēdē praeuenitur, prestringitur, inflammatur, & super se extollitur contemplatione, que exuberante perfunditur, praecupatur, & vincitur, vt si velit resistere, nequeant neque euadere super gratissimum amplexum sponsi. Hæc Carthus.

Dico 2. Causa immediata vnionis cum anima iusta ex parte Dei, est influentia ipsius Dei in animam contemplantem, qua se illi ostendit speciali modo in caligine, per dona Spiritus Sancti, illuminans intellectum ad se sublimiori modo cognoscendum, & inflammans voluntatem ad se ardentiori modo amandum, simulque animam illam amans.

Ex parte
Dei causa
vnionis.

Dixi causa immediata, ex qua confurgit vnio, quia mediata est ipsemet Deus, vt eleuans, seu abstrahens intellectum à sensibilibus omnibus, atque intelligibilibus creatis, applicans eum, & detinens in contemplatione sui, infundens animæ talis iusti contemplantis dona Spiritus Sancti, intellectum, & sapientiam, &c. Ista autem dico esse causas medias ex parte Dei; quia per eas dignatur dispo- nere animam contemplatis ad suscipiendam influentiam illam obiectiuam, qua sublimiori modo se ei ostendit, & inflammatiuam voluntatis, qua amatur; estque in manifestum inditium, quod ea specialissima beneficia animæ concedens, eam multum amat.

Ratio effi-
cax con-
clusionis.

Prob. nunc conclusio. Nisi Deus cum singulari illa influentia in intellectum, & voluntatem contemplantis concurreret, non resultaret perfectior illa vnio, quam inquirimus: nam non omnes contemplatiui, neque etiam exercitati in contempla-

Ttt tio.

tione infusa, eam obtinent, vt dicam infra, sed vel obtinent unionem communem, vel paulò perfectiorem; non autem hanc perfectissimam, quæ paucissimis conceditur; nec potest alia assignari ratio, nisi quia Deus non omnibus sic se ostendit in ratione perfectè cognoscibilis, nec omnes adeò sublimiter diligit, vt eorum voluntates adeò intense inflamet, vt eum adeò ardentè diligant.

A sufficien
ti enume
ratione
arg.

Prob. 2. facili ratiocinio, discurrendo de omni genere vnionis. Homo iustus in quolibet gradu iustitiæ, idest gratiæ, habet aliquem gradum vnionis cum Deo, quia adhæret Deo per fidem, & dilectionem; & Deus est vnitus cum illo per hoc; quia dat ei, posse credere, & credere, insuper dat eidem posse amare, & amare Nam *Deus ex Philipp. 2. 13. dat velle, & perficere pro bona voluntate.* Qui iustior, seu sanctior est, perfectiorem vnionem cum Deo habet per viuaciorem, & quasi minus obscuram fidem, & magis feruidum amorem: et Deus dicitur, estque ei magis vnitus in hoc genere gratiæ; quia in illos perfectiores actus magis eum diligendo influit. Præterea, qui exercitatus in meditatione, & contemplatione acquisita transit ad infusam, magis vnitur Deo, quia per fidem, & donis Spiritus Sancti peditus, quasi clarè, seu minus obscurè Deum cognoscit, & voluntas feruentius amat; & Deus animæ illi dicitur, estque magis vnitus in hoc genere gratiæ, quàm sit vnitus illis prioribus per hoc, quòd ne dum dona illa in eo producit, sed quia ad actus illos cognoscendi, & amandi ex speciali dilectione influit in gradu illo perfectissimo pro hac vita. Igitur, cum causa immediata ex parte Dei in alijs vnionibus in genere gratiæ sit influentia specialis ad actus cognoscendi, & diligendi Deum, eadem erit di-

Conclusio
euidens.

dicenda causa immediata huius perfectissime vnionis ex parte Dei, nempe influentia ad actus illos perfectissimos cognoscendi Deum in caligine, & feruentissimè diligendi illum; influentia inquam procedens ex specialissima Dei dilectione: si enim sic non diligeret, ad eos actus non influeret.

Prob. paritate vnionis beatificæ, Beati enim vniuntur Deo, hoc modo, quia scilicet per actus videndi, & amandi tendunt in Deum sibi presentem per modum obiecti: Deus autem vnitur illis per influentiam obiectiuā clare, & vt in se est, se illis ostendens, & per inflammationem voluntatis ad sui fruitionem perfectissimam, consummatam, & externam: Ergo hoc etiam modo, cum proportionem in contemplatiuis perfectis Deum contemplantibus, & diligentibus sit vnio ex parte Dei.

Conf. ex S. Thoma in 3. p. quæst. 2. art. 7. ad 1. doctente, dicitur *Deus vnitus Creaturæ, ex hoc quod Creatura est realiter vnita Deo, absque eius mutatione.* At in 1. p. q. 9. art. 1. ad 3. dicit, *Deum appropinquare ad nos, in quantum percipimus influentiam bonitatis eius & in q. 8. art. 5. docuerat sic, Deus est in rebus, non sicut accidens, aut sicut pars essentia, sed sicut agens; & quia agit ipsum esse, profundissimè, & intimè est in rebus.*

Dico 3. Theologicè loquendo consequenter ad dicta, Vnio mystica contemplantis cum Deo, formaliter sumpta, consistit in illa colligantia, seu habitudine, ac relatione insurgente ex actibus illis perfectè cognoscendi, & amandi Deum, fundata in ipsismet actibus animæ, & terminata ad Deum.

Prob. & declaratur. Actus illi cognoscendi, & amandi Deum perfectissimè, ex iam dictis, vniunt animam contemplantis cum Deo quasi efficienter, & sic faciunt vnionem, ideoque non sunt ipsa forma-

Arg. à pari
de beatifi-
ca vnione

Ex S. Thoma.

516 DE VNIONE MYSTICA ANIMÆ, &c.
lis vnio, sed quasi materialis. At nihil aliud remanet inter actus illos, & Deum cognitum, & amatum, nisi relatio illa, & habitudo subiectata in anima mediantibus ijs actibus, & terminata ad Deū: Illa igitur habitudo, seu relatio, vel (si velis dici) spiritualis qualitas, copulans, seu colligans, & vnians in amore, est formalis vnio.

C A P. V.

Quinam sit terminus resultans ex hac vnione anime cum Deo, qui dicitur vnus spiritus.

Sensus que
fici.

ADu, quodd, sicut in primō Capite huius Opusc. diximus, ex qualibet vnione duarum rerum fit, seu resultat aliquod vnum, v. g. ex vnione materie cum forma fit vnum compositum; ex vnione anime, & corporis fit vnus homo; ex vnione Verbi cum natura humana, vnus Christus; ex vnione plurium lapidum iuxta se positorum, vnus aceruus; ex vnione plurium hominum cohabitantium in aliquo loco, vnus Populus, &c. Cū ergo vniantur Anima, & Deus modo prædicto in præced. Capite, aliquod vnum ex his vnitis resultare debet: sicut ex omni alia vnitorum vnione: Cū pariter dicat Apostolus 1. Cor. 6. 16. *qui adheret meretrici vnum corpus efficitur, quia erunt duo in carne vna: Qui autem adheret Domino, vnus spiritus est;* quærimus, quale, seu quid sit hoc vnum; licet hoc quæsitum sit purè Theologi, cum, & contemplatiuis parum inseruiens.

Almarici
heresis fu-
gienda.

Adu. 2. esse omninò exhibilandam Almarici hæresim, seu verius insaniam, quodd nempè per hanc vnionem, anima conuerteretur in aliquod diuinum, siue in idēam sui, quæ est in mente Dei; Nulla si-
qui.

quidem in hac nobilissima **unione** fit conuersio, seu mutatio essentiae animae, **aut** Dei, sed utrumque extremum permanet impermixtum, & tamen unita aliquod vnum sunt, seu, ut melius, & sanius dicamus, in aliquo uno conueniunt: ideo.

Adu. 3. quod licet in omnibus vnionibus, & unitis creatis naturalibus, extrema unita se habeant per modum partis componentis vnum totum, siue essentiale, siue accidentale, & vnum extremum se habeat per modum subiecti, alterum verò per modum formae, hoc non potest asseri in hac *Mystica* vnione, siquidem, licet ex parte animae non repugnaret, & de facto in ea recipitur, nedum vnio, sed causa vnionis, tam ex parte sui, quam ex parte Dei, quia cognitionem, & amorem erga Deum in se recipit, nec non influentiam ipsius Dei: repugnat tamen ex parte Dei, qui esse nequit subiectum recipiens vnionem, neque forma informans animam sibi unitam, ideo alius modus faciendi hoc vnum, seu unitum indagandus est, & pro Theologo tantum loquor in hoc puncto.

Adu. 4. Non posse asseri, quod ex hac vnione, & ex his unitis fiat aliquod vnum, sicut per vnionem hypostaticam ex natura humana, & Verbo factus est vnus Christus, quia vnio in Christo fuit, & est quidem physica subiectata in humanitate, & terminata tantum ad Verbum, at non fuit, nec modo est aliqua operatio vitalis vitaliter procedens ab humanitate Christi, ac vitaliter vnians. Secus est de hac *Mystica* vnione; quia ut dictum est per operationes vitales intellectus, ac voluntatis creatae ex parte animae, per influentiam pariter vitalem ex parte Dei fit haec vnio mystica, & fit hoc unitum, quod quaerimus.

Adu.

Extrema
non sunt,
vt subie-
ctum, &
forma.

Non est si-
milis vnio-
ni hypo-
staticae.

Non con-
sistit in v-
nitate ope-
rationum.

Adu. 5. Hoc vnitum, ac vnum morale, ex my-
stica hac vnione coalescens, non posse saluari per
vnitatem intellectiōis, & amoris, quod scilicet ca-
dem formaliter sit intellectiō, & amor animæ cum
intellectiōe, & amore Dei. Nam contemplatio,
qua anima intuetur Deum, & amor, quo eum
amat, sunt operationes creatæ, & non mutantur,
aut transeunt in increatas: sic intellectiō, & amor
Dei, operationes increatæ sunt, & non commu-
tantur in creatas. Dixi *formaliter* non sunt eædem
cum diuinis; nam obiectiuè possunt esse, cum res-
piciant idem obiectum, sed sunt similes aliquo mo-
do, vt patebit, his ergo suppositis.

Qua vnita-
te sūt vnū

Dico. Ista duo, anima, & Deus vnita moraliter
per mysticam hanc vnionem, faciunt, seu sunt vnum
vnitate aliqualis similitudinis in operando, & vnita-
te volendi idem obiectum, & ob eundem finem.

Vnitas est
fundamen-
tum æqua-
litatis &
similitudi-
nis.

Prob. & declaratur. Supponatur prius commu-
nis illa Philosophi doctrina; quod illa dicuntur si-
milia, quorum qualitas est vna; & illa sunt æqualia,
quorum quantitas est vna; & illa sunt eadem,
quorum substantia est vna; prima vnitas faciens si-
militudinem nobis hic sufficit, nam duæ albedines,
v. g. in duobus subiectis sunt similes, & tam ipsæ,
quam subiecta alba dicuntur vnum vnitate specifi-
ca, & similia sunt propter eam vnitatem; hoc au-
tem benè intellecto, facilè intelligitur vnitas simili-
tudinis inter perfectè contemplantem, seu intuen-
tem, ac perfectè amantem Deum, cum ipso Deo
perfectissimè se amante, ac diligente. Nemo enim
sic assimilatur Deo in suis perfectissimis operatio-
nibus intelligendi, ac amandi se, nisi perfectus con-
templatiuus, qui contemplatione infusa non in ali-
qua specie, sed in caligine Deum per dona Spiritus
San-

Sancti intuetur, eum sibi colloquentem audit, & intense, atque ardentem amat, ideò in hoc quantum patitur creata condictio similis Deo est in eo cognoscendo, & amando. Analogus ergo modus ille perfectissime cognoscendi, & amandi Deum (quamuis non omnimodè idem in analogatis Deo, & perfecto contemplatiuo) vnus est, ideòque similitudinem in extremis fundans, itaut extrema ista sic vnita per cognitionem, & amorem sint vnum unitate similitudinis.

Ista anima, & Dei similitudo in quo consistit.

Prob. 2. pars (in qua omnes conveniunt) idest de unitate volendi idem obiectum: Anima enim vnita iam Deo, praeuia contemplatione perfecta, & amore perfecto, ex Dei gratia, & tunc, & postea in omni sua operatione se conformat Deo, & vult, quod vult Deus, non solum quoad principale, & primum obiectum, quod est Deus, sed quoad omnia secundaria, & sic in unitate volendi, sunt similes, & unum, & hæc est illa unitas, de qua loquitur Paulus 1. Cor. 6. *Qui adheret Domino vnus spiritus est: Interl. dicit, semper eius faciens voluntatem.* Lyran. ait, *Vnus spiritus, non secundum rem, sed secundum affectionem.* Et S. August. tract. 14. in Ioannem hunc locum expendens, ait, *vnus spiritus est per charitatem* adducitque in exemplum id, quod de Apostolis dicitur Act. 4. *Multitudinis autem credentium erat cor vnum, & anima vna,* ait August. *per charitatem. & fidem, quia id, quod credebant, & amabant, ac volebant vnus eorum, credebant, amabant, & volebant omnes alij, & pro hac unitate charitatis rogabat Christus pro Apostolis: Rogo, vt sint vnum.* lo. 17. Igitur ex vniõne illa mystica inter animam Deo copulatam (per contemplationem perfectam, perfectumque amorem) & ipsum Deum, vnum quod ex istis extremis refuleat, est

Vnitatis volendi.

Vnitatis animarum per charitatem.

Vnitatis obiecti.

520 DE VNIONE MYSTICA ANIMÆ &c,
est vnum, seu simile in operando, & volendo vnum
& idem obiectum, tam primum, quam secundarium; quia vt ex sequenti Capite de effectibus vnionis
istius patebit, anima sic vnita, tota in Deum absor-
pta, ac transformata est, quasi stupida, & vt Mystici
dicunt, ebria, de nullo creato cogitat; sed rerum
omnium, & suimet oblita, solum cogitat de Deo,
& quomodo possit ei placere, voluntatem ipsius in
omnibus, quantum fieri potest, adimplendo.

Vnitas fi-
nis.

Tertia pars de vnitate finis pariter probatur: vnus
enim, & idem finis respicitur ab anima vnita Deo
in operando, quem Deus ipse respicit, nempe ipsemet
Deus, qui ex *Prou. 16. omnia propter semetipsum operatus
est.* Anima autem sic vnita Deo semper propter Deum
operatur, vel actualiter eum respiciens, vel saltem
virtualiter, & hoc modo implet Christi preceptum,
oportet semper orare, & numquam deficere, Lucæ 18. &
Pauli Thessal. 5. *sine intermissione orate*. Neque ego
video, in quo alio saluari possit hæc vnitas, quam
faciunt hæc duo moraliter vnita, anima, & Deus.

C A P. VI.

*De proprietatibus, & effectibus præcipuis mysticæ
Vnionis.*

ADu, quod Mystici, siue propria experientia,
siue ex confessione seruorum Dei, qui effe-
ctus huius vnionis cum Deo experti sunt, multas,
dignasque illius referunt proprietates, quæ perfe-
ctum, & heroicum describunt hominem viatorem
Deo unitum: Et quia aliqui aliquas proprietates,
& effectus referunt, alij alios, eorum dicta breuibus
referemus, aliqua hic, & alia postea.

S.

S. Bonau. in processu 7. Relig. cap. 13. hæc de vnione ista refert. Hæc est hominis in hac vita sublimior perfectio ita vniri Deo, vt tota anima cum omnibus potentijs suis, & viribus ad Deum collecta vnus spiritus fiat cum eo, vt nihil meminerit, nisi Deum, nihil sentiat, & intelligat nisi Deum & omnes affectus in amoris gaudio vniti in sola Conditoris fruitione suauiter quiescant. Imago enim Dei in anima in his tribus potentijs expressa consistit, videlicet in ratione, memoria, & voluntate: Et quamdiu ista, non sunt ex toto Deo impressa, non est anima Deiformis; Forma enim animæ Deus est, cui debet imprimi, sicut sigillo signatum. Hæc numquam plena est, nisi cum ratio perfectè iuxta capacitatem suam illuminatur ad cognitionem Dei, qui est summa veritas, & voluntas, perfectè afficitur ad amandum summum bonum, & memoria plenè absorbetur ad intuendam, fouendam, & tenendam summam felicitatem: & quia in horum consummata adeptio ne constat gloria beatitudinis, quæ perficietur in Patria; licet istorum perfectæ inchoatio sit perfectio viæ in hac vita. Hæc S. Bonau.

S. Bonau. multos effectus refert.

S. Bernard. ser. 9. in Cant. de Anima Sponsa, Deo vnita, petente osculum sponsi, id est perfectionem, ac perseuerantiam vnionis, inducit eam sic ad sponsum alloquentem (multis alijs præmissis.) Rogo supplico, flagito osculetur me osculo oris sui, & interim narrat sponsa quid operatur. In gratia ipsius multis iam annis castè, sobrièque viuere cura lectioni insisto: resisto vitijs, orationi incumbo frequenter; vigilo contra tentationes; recogito ânos meos in amaritudine animæ meæ, sine querela me arbitror quantum in me est conuersari inter fratres. Superiorem Potestatibus subdita sum, egrediens, & regrediens ad imperium Senioris. Aliena non cupio, mea potius, & me pariter dedi. In sudore vultus mei comedo panem meum. Mandata forsan utcumque adimpleo, sed anima mea sicut

S. Bernard. refert alios.

Anima, vt Deo vnita

Vuu terra

tur quæ fa-
cere debet

terra sine aqua in illis. Ut igitur holocaustum meum pingue fiat, osculetur me osculo oris sui. Hęc ergo omnia bona operatur anima habitualiter Deo vnita, cupiens frequentiam vnionis actualis, & osculi diuini.

Gerson.

Per eam
habetur
beatitudo
huius vi.

Ratio à
priori cur
anima in
hac unio-
ne sit ali-
quo modo
beata.

Ioannes Gerson de *Myſt. Theol. consider.* 42. mira de huius vnionis perfectionibus dicit, & præsertim, quod Beatitudo, quæ in hac vita haberi potest, per hanc vnionem obtineatur: referam eius verba. Per prædictam amorosam vnionem, in qua Mystica Theologia consistere videtur, anima quietatur, satiatur, & stabilitur in Deo; quod facile est in primis ex priori deducere. Et assignat rationem horum, quæ dixit inquit. Nam cum res sit in quiete, dum perfectionem suam adepta est, illique coniuncta, & spiritus noster vnitur, & coniungitur in hac vnione summo perfectibili per amorem perfectum, ut exinde quietetur satiatur, & stabilatur necesse sit: sic materia forma habita, sic lapis in centro positus, sic res qualibet in adepto fine suo quietatur. Anima quippe rationalis, dum coniungitur, & vnitur Deo; copulatur suo summo bono. Est enim Deus summum bonum eius, est centrum eius, finis totaque perfectio: & post multa, inquit. Per coniunctionem cum suo supremo appetibili, anima rationalis realiter satiatur, quietatur, & stabilitur; nam si delectatio in bono conuenienti, & voluptatis suauitate queritur, qui de anima voluptate (beata maxime) sentiendum est, audiamus quid Propheta dicit ad Dominum: Torrente voluptatis tue potabis eos, Et post alia sequitur. Deus ergo finis est animæ, & eius vltima perfectio. Ipse est velut centrum, & locus naturalis omnium desideriorum suorum, Dum ergo se deſigit anima in salutare Dei velut ad nihilum redacta nulli iam alteri, nec sibi innotuit, sed soli Deo; ut suæ dulcedini, ut suæ veritati, ut suæ glorificationi, dicens pro primo, Renuit consolari anima mea, memor fui Dei, & delectatus sum, dicens pro secundo, nihil arbitratus sum me ſci-

re,

re, nisi ipsum Christum, factus stultus propter ipsum, dicens pro tertio, utinam qui gloriatur in Domino gloriatur. Ac proinde non habens quod ulterius tendat, aut quid ultra requirat, quietatur anima in Deo, atque stabilitur, possidet in eo omnia, cetera contemnens, atque parui pendens. Ita Gerson. Hæc ergo sunt bona, quæ connexa sunt mysticæ vnioni animæ cum Deo, nec aliter esse, aut dici potest: nam anima beata vnita Deo per visionem, & fruitionem, seu amorem eius, possidens Deum, possidet omne bonum; & ideo ex Boetio, beatitudo est status omnium bonorum aggregatione perfectus, quia per eam possidetur Deus infinitè bonus, continens eminenter omnia alia creata, & creabilia bona; igitur si perfectus contemplatiuus, ut supponitur, vnitur Deo per talem cognitionem, & talem amorem, quibus dari non possunt perfectiores in hac vita, possidet Deum infinitè bonum, eo modo, quo potest perfectius in hac vita possideri, & sic beatitudinem viæ possidet, ut arrham beatitudinis Patriæ, & in ea vnione perfectè, pro via, quietatur, nihilq; remanet, quod possit ab eo desiderari.

Alia plura de effectibus mysticæ huius vnionis dicit Gerson, in tom. 2. ser. de Spiritus Sancto confid. 2. sic Hæc est pax, quæ exuperat omnem sensum, quam mundus dare non potest: solus spiritus Domini, est qui replet in bonis desiderium nostrum, qui dat manna absconditum, quo Prophetæ pastus eructat, Quam magna multitudo dulcedinis tunc Domine, quam abscondisti timentibus te. Hic est calculus filiorum Israel, habens nomen scriptum, quod nemo nouit nisi qui accipit. Hic in diuinam caliginem instar Moysi vocatur spiritus, hic in sibilo aure tenuis sentitur Dominus, hic in thalamo dormit, & requiescit Salamon pacificus, & Beniamini adolescentulus in mentis excessu; hic gustatur fauus propter illuminationem intellectus, propter dulcorationem

Paritas de
beatitudi-
ne celesti.

Alia Ger-
sonis dicta

Præclari
vnionis ef-
fectus.

effectus. Hic Moyses mysticus ducit gregem virium suarum in interiora deserti; hic sedet solitarius, & leuat se supra se, vbi Dominus loquitur ad cor eius, hic dicit Petrus, bonum est hic esse, hic Philippus, sufficit, & Magdalena, vidi Dominum, & dixit mihi, hic introducitur anima in cellam vinariam, vbi bibit ebriam sobrietatem spiritus, vbi suspirabunda Epithalamium cantus verba dimidiat, dilectus meus mihi, & ego illi, ego dormio, & cor meum vigilat, hic oblectatur dilectus de dilecta, adiuro vos filie Ierusalem, ne suscitetis vel exigilare faciatis dilectam donec ipsa velit. Magna certe, sed digna sanctæ huius vnionis elogia hæc sunt.

Alia plura
alibi re-
fert Gerf.

Mira bona
coniunctio
cum vnio-
ne.

Greg. Naz.

Sed alia plura idem Author huius coniunctionis animæ cum Deo recenset encomia, dum in tom. 3. super Canticum Magnificat. inquit sic. Vnio hæc dicitur mansio Dei in homine & hominis in Deo; dicitur viuificatio, & habitatio vitæ animæ, saltem in radice, vt hic, & viuet in æternum, quia spiritum Sanctum habet, dicit autem Apostolus quod gratia Dei est vita æterna. Dicitur osculum oris sponsi quod perit sponsa. Dicitur lac, & vinum, & unguentum, & oleum effusum. Dicitur introductio in cellaria, coniunctio dilecti inter vbera sponsæ, tamquam fasciculus mirræ. Dicitur suus decor, sua quies in lectulo florido. Hoc est donum perfectum de sursum descendens, non ascendens de deorsum. Hæc est sapientia diuinitus inspirata cum laudibus uniuersis. Hoc diuinum silentium: hic sibilus auræ tenuis, hic susurium Verbi absconditi; & ut ad unum colligamus innumera quidquid sonat mansionem, uel habitationem, vel inhesionem uel unitatem unius corporis, & unius spiritus, anima cum Deo sponsa cum sponso, unica cum unico, in hac coniunctione sunt.

S. Gregorius Nazianzenus, ut retuli in cap. 3. in Oratione 21. inquit, talem esse huius sanctæ vnionis virtutem, vt sicut stilla aquæ multo vino infusa, a se tota deficit, & saporem vini induit, & colo-
rem;

rem; & sicut ferrum ignitum, & candens, igni simillimum fit, pristina; & propria forma exutum, & sicut aer solis luce perfusus in eandem claritatem luminis transformatur, ut non tam illuminatus, quam ipsum lumen esse uideatur; sic concludit: anima Deo intimo unita, in sanctis, omnem humanam affectionem à se elongari necesse est atque in Dei penitus transfundi uoluntatem.

Plura de effectibus istius sancte unionis cum Deo narrat diuersis in locis S. Macarius: primò in hom. 4. post multa, ait, Anima illum ignem celestem diuini atque spiritualis amoris consecuta, tunc uerè à mundo exoluitur, & ab omni uitio affectionum liberatur, & cuncta procul à se repellit, mutato naturali ipsius habitu, atque peccati duritie, reliqua omnia pro superfluis habens, in solo sponso celesti, quem recepit, quiescens per ardentem, & inenarrabilem ipsius dilectionem. Et post alia sumpto argumento de carnali amore, qui hominem adeò mutat ut quasi infatuetur, ait, Si ergo carnalis dilectio sic hominem soluit ab omni alio amore mundi; quicumque digni habiti sunt, ut sancti: celestis, & semper amandi illius spiritus uerè particeps fierent, & cuncta videbantur eis inutilia, qui uicti sunt à desiderio celesti, & in ipso casu illi spiritui uniti; nam quæ illic sunt desiderant, & cogitant, illic uiuunt, illic cogitationes inambulant, ibi mens assidue versatur diuino, & celesti amore, atque desiderio spirituali superata. Secundò in homil. 8. addit, Interdum lumen ipsum cor illustrans, aperit interius, & profundius latens lumen, ita ut totus homo absorptus ab illa suauitate, & contemplatione non sit ultra sui compos; sed sit tamquam stultus, & barbarus huic mundo propter immensam dilectionem; ac suauitatem, atque recondita mysteria, ita ut tunc temporis homo liber perueniat ad perfectum gradum, sitque purus, atque immunis à peccato. Tertio in homil. 10. ait, Huiusmodi

Compara
tiones Gre
gorij,

S. Macarij
dicta.

Anima uni
ta Deo.
quid ope
retur.

Omnia bona opera
que facit
videntur
ei parua,
& nullius
momenti.

modi animæ, quæ tam ardenti, ac insatiabili dilectione
flagrant erga Dominum, dignæ sunt vita æterna; quare
merentur ab affectionibus redimi, accipiuntque perfectam
illuminationem, & participationem sancti, & æterni spiritus,
ac mysticæ societatis in plenitudine gratiæ. Quartò in ea-
dem humil. post multa, inquit. Porro anima, quæ
Deum, verèque Christum colit, etiam si infinita iustitiæ
opera ediderit, ita se habet, perinde ac si nihil egisset prop-
ter inexplicabile desiderium, quod habet erga Dominum:
quæ licet ieiunijs, aut vigilijs corpus consumpserit, ita affe-
cta est, ac si nondum quidquam agere cepisset, quod ad vir-
tutes pertineat. Et si varia spiritus charismata, aut reue-
lationes, ac mysteria cælestia consequi meruerit, propter
immensam, & insatiabilem erga Dominum dilectionem,
ita se gerit apud se, ac si nihil adhuc obtineret; sed quotidie
esuriens, ac sitibunda per fidem, & charitatem perseuerans
in oratione immodicè ad mysteria gratiæ, & ad omnium vir-
tutum gradus aspirat cælestis spiritus amore vulnerata, ar-
denti desiderio erga sponsum cælestem per gratiam, qua præ-
dita est, agitata; desiderans habere perfectè mysticam, &
artanam cum eo societatem in sanctificatione spiritus reue-
lata animæ, fixis semper oculis intuens sponsum cælestem
facie ad faciem beneficio spiritualis, & mirabilis luminis
in eo per dulcedinem fidei plenè demersa, configurata menti
ipsum præ summo desiderio, quo sperat perpetuò pro Chri-
sto mortem appetere, confidens sine dubio per gratiam spiri-
tus se plenè liberatam, à peccato, & tenebris affectio-
num, ut purificata per spiritum, & anima, & corpore
sanctificata vas purum euadere mereatur ad suscipiendam
cælestem vñctionem, in qua manere dignetur cælestis; ac
verus Rex Christus: hæc ille.

S. Greg. Magnus de hac mirabili coniunctione
animæ cum Deo, eiusque effectibus pluries loqui-
tur in Cant. cap. I. Osculetur me osculo oris sui, dicit, Ac
si di

si diceret ille quem super omnia immo solum diligo, veniat, qui dulcedine sue inspirationis me tangat; quia cum eius osculum sentio, subita mutatione me derelinquo, & in eius similitudinem illico liquefacta transformor; Fastidit quippe sancta mens omnia, quæ per corpus sentit, & in illa spiritualia tota transmutari concupiscit, & dum ista obstreperunt, in illa fugit, atque abscondere, ne hæc sentiat, appetit, ideòque osculum Sponsi querit; quia si ille grauissimi amoris vinculo hanc non trahit, hæc illo suæ molestissimæ grauedinis detenta, quomodo se ad illum conferat, omnino non inuenit; sed pius sponsus anxietatem eius sentiens, amorem diligens, votum exaudiens, osculum porrigit; & ne desiderio lassescat, gustu suæ suauitatis lenit, & dum suam præsentiam exhibet, iam ad maius delectantis osculum accendit, vnde hæc illum sentiens, ad eum se conuertit, & quem præsentem habet, mox gaudens, voce mutata alloquitur, & dicit, Quia meliora sunt vbera tua vino fragrantia vnguentis optimis,

S. Greg. pluries, & plura de hac vnione dicit.

Iterum idem S. Greg. in lib. 24. Moral. cap. 6. de effectibus Sanctæ huius vnionis hæc habet; Prius à mentis acie, exurente tristitia interposita malorum caligo detergitur, & tunc resplendenter aptim coruscatione incircumscripti luminis illustratur; quo vtrumque conspectu, in gaudio cuiusdam serenitatis absorbetur; & quasi post defectum vitæ præsentis ultra se raptâ, in quadam nouitate aliquo modo recreatur. Ibi mens ex immenso fonte, infusione superni roris aspergitur, ibi non se sufficere ad id, quod raptâ est contempletur, & veritatem sentiendo videt, quia quanta est ipsa veritas non videt. Cui veritati tantò magis se longè existimat, quantò magis appropinquat, quia nisi illam vtramque conspiceret, nequaquam eam se conspiceri non posse sentiret; & cætera plura ibi dicit Greg.

Secundò idem S. Greg. de vnione loquitur.

Vgo de S. Victore lib. 2. de anima cap. 20. inter alia, quæ dicit de hac vnione animæ cum Deo, & de illius effe-

Vgo de S.
Victore.

Magna v
nionis vis

Ricard
alia multa
ac mira di
cit de hac
vnione.

effectibus mirabilibus, sunt hæc, Nihil sensualitas, nihil agit imaginatio, sed omnis vis animæ proprio interim (idest dum supernaturaliter contemplatur, & diligit ardentem Deum) viduatur officio: purior autem animæ pars in illud intimæ quietis secretum, & summe tranquillitatis arcanum felici iucunditate introducit. Vnius quidem sermo est Dei, & efficax, & penetrabilior omni gladio accipiti, & pertingens vsque ad diuisionem animæ, & spiritus. Et ideo nihil in creaturis hac diuisione mirabilius cernitur vbi id, quod essentialiter vnum est, atque indiuisum, in seipsum scinditur, & quod simplex in se est, & sine partibus constat quasi quadam partitione diuiditur. Neque enim in homine vno alia essentia est eius spiritus, atque alia est eius anima, sed prorsus vna, eademque simplicis naturæ substantia: sed gemina vis eiusdem essentiæ, vna superior per spiritum altera inferior per animam designatur. In hac itaque diuisione anima, & quod animale est, in imo remanet: spiritus autem & quod spirituale est, ad summa euolat, ab infimis scinditur vt ad suprema sublimetur. Ab anima scinditur, vt Domino vniatur, quoniam qui adheret Deo, vnus spiritus fit cum illo. Felix diuisio, & mirabilis separatio, vbi quod corpulentum, & faculentum, est, deorsum, remanet, quod spirituale, & subtile est, vsque ad speculationem diuinæ gloriæ sublimatur, & in eandem imaginem transformatur. Pars inferior componitur ad summam, pacem, & tranquillitatem; pars autem superior ad gloriam, & iucunditatem. Hæc munera sunt vnionis Mysticæ proprietates, ac effectus ex Dei dono.

Alia, & multò clariora, ac stupenda de hac vnione dicit Ricard. de S. Vict. in psal. 4. versu, In pace in idipsum dormiam, & requiescam, inquit. Pax illa, per quam, & in qua anima obdormit per quam exteriorum omnium interim memoriam amittit, per quam ipsa sibi in obliuionem venit, per quam seipsam supergressa, tota in Deum

Deum transit : Pax inquam illa quid aliud esse videtur , quàm , internum illud bonum , & plenum gaudium ? quædam (vt sic dicam) superfluentia spiritualium deliciarum ; mira scilicet , & ineffabilis quædam satietas cælestium desideriorum : & post multa , inquit , Contemplationem admiratio , admirationem verò sequitur exultatio . In hac exultatione perfunditur anima mira quadam , & ingenti dulcedine , quam nullus sensus potest æstimare , nullus sermo valet explicare . Cum enim cælestis ille Sponsus Sponsa sue charitatis amplexibus coniungitur , & ad eius osculum inclinatur , ad eius attractum subito cælesti quadam dulcedine anima perfunditur , quam quidem sentire potest , sed nulla sermonis latitudine explicare potest . Ille enim diuinorum labiorum fauus distillans fixis Sponsa labijs fortiter expressus incipit distillare dulcedinem , & emanare suauitatem . Influens itaque ille cælestis suauitatis dulcor , incipit quidem primò sponsa interiora replere , postmodum autem vsque ad os effluere , tandem verò per labia emanare , in tantum vt à sponso suo statim audire mereatur , mel , & lac sub lingua tua fauus distillans labia tua , eò quod ex abundantia cordis os loquatur . Hæc Riccardus .

De hoc osculo sponsi pluries , & distinctè loquitur Ioann. Gerson. cum hoc osculo declaratur Mystica unio , eiusque effectus tam in actuali , quam in habituali vnione . Primò enim in Cant. consid. 3. ait , Amor expositus in Canticis Canticorum , fruitio Dei , vel osculatio oris nominatur aptissimè , non solum habitualis , & tepida , sed actualis feruens , & extatica , & præcipue seraphica , cuius est immediatè ferri in Deum , quamuis ex parte animæ concurrat multitudo habituum , & influentiarum . Omne præterea datum optimum , & omne donum perfectum descendens à Patre luminum . Quæ omnia tamquam virtus vniuoca (tradente Dionisio) replent , & restitunt , & conuertunt ad congregantis Patris unitatem , & deificam simi-

Dulcedo ,
& suauitas
vniõis
explicari
nequeunt.

Per osculū
declaratur
vniõ , & il-
lius effe-
ctus .

Xxx

pli-

Quid fit
osculum:
& quid fa-
cit in ani-
ma.

plicitatem, ubi tunc apex Seraphicæ mentis ineffabili, & ignoto Deo infallibiliter, & ignotè coniungitur. Ignotè quidem, quia infinitè, & immensè, cum virtus cognoscentis, & natura sint finita. Et post pauca, osculum Sponsi, vel osculatio est dignissima impressio cuiusdam suauitatis, & intimæ consolationis per illapsum secretum in anima. Et infra, & in statu presenti Deus gerit amicitiam circa animam Sanctam, quia communicat illi seipsum, & amorem suum, & dona sua ad fruendum, & vtendum, & vniuersaliter pertractandum, quantum ipsa rationabiliter voluerit, & potuerit accipere plus, vel minus pro varietate statuum, in quibus est constituta.

Ratio cur
vniō tan-
ta bona ef-
ficiat in a-
nima.

Idem Gerson. tract. in Cant. Simpsalmate 1. de hoc osculo, & vnione, & amore Sponsi ad Sponsam, & e contra, ait, Amor non est nisi conuenientia, & adaptatio ad suum conueniens. Porro nullum est obiectum conuenientius Sponsæ, quam ipse Deus summum bonum, ad quod capiendum, & possidendum facta est. Quare superest dum sibi coniungitur, inheret, & vnitur tanta propinquitate, quanta sunt os, & os osculantia se mutuo, quare causatur ex hac vnionis perceptione delectatio, non qualiscumq; sed in suo genere suprema, quia superius esse bonum non potest, propterea quietatur, gaudet, & satiatur in hac vnica operatione, nullum aliud obiectum petens, quamuis ipsius continuationem, possessionemque secutam amare non cesser.

Sepè de
effectibus
vnionis lo-
quitur.
Gerson.

Idem Gerson. tract. super Magnificat, parte 4. de hac vnione, eiusque dignis effectibus sic loquitur. Mansionis huius conuenientiam gratuitam profectò felix, qui possederit habitualiter, felicior, qui actualiter cum habitu, sed felicissimus, qui reuelata facie transformatus fuerit in eandem imaginem de claritate in claritatem, tamquam à Domini spiritu actus, ductus, & tractus, ita quod sentiat per illuminatos cordis oculos
sicut

sicut precatur Apostolus, supereminentem scientia charitatem Christi, hoc est gratiam hanc coniungentem, & charam unitatem ad simplicem Deitatem. Multi quidem sunt, qui habent in habitu, sicut pueri nouiter baptizati, multi, qui in actu possident, & exercent, dum merentur, sed paucissimorum est sentire distinctè, & apertè nexum istum, mansionem istam, vocem istam, propter occurruntiones curarum in memoria, phantasmatum in intelligentia, & concupiscentiam in affectiua. Sentiant hanc gratiam inhabitationis Christi, & Spiritus sancti qui cum Apostolo mente excedunt Deo: praterea sentiunt operationem intra se Verbi Dei: hæc Doctissimus Author: & alia plura in aliis locis diffusè de hac vnione, & effectibus eius refert.

Modus diuersus habedi vnionem.

Qui verò plura de sanctæ huius vnionis effectibus, ac proprietatibus scire vult ab expertis in ea, legere poterit, quæ se expertas fuisse, suorum Confessoriorum iussu scripta reliquerunt Beatæ Virgines Angela de Fulgineo, & S. Theresia de Abula, quorum fragmenta retulimus in Opusculo 4. cap. 5. & Opusc. 7. c. 17. & 18. Angela enim præter ea, quæ dicit in cap. 27. suorum scriptorum de visionibus, & modo videndi in contemplatione, & de difficultate enarrandi illa visa, & modum videndi (quæ certè mirabilia sunt, & maxima cum humilitate relata) in cap. 52. refert effectus mirabiles, qui ex Dei dono in anima perfectè Deo vnita producuntur. Sic autem ait. Sciendum, quòd venit Deus in animam quandoque non vocatus, nec deprecatus, seu rogatus ab ipsa, & ponit in anima vnum ignem, vnum amorem, vnā suauitatem aliàs inconfuetam, in qua multum delectatur anima, & gaudet; & credit, quòd sit à Deo sibi præsentialiter operante: tamen hoc non est certum. Item cognoscit anima Deum

Angela de Fulgineo.

Quæ beneficia diuina ex vnione experiebatur.

Dubium
deceptio-
nis.

Quomo-
do certifi-
catur,
quod Deus
loqueba-
tur.

Effectus
varii.

esse in ea; quia quamuis non videat, ipsum esse in anima, videt tamen gratiam suam esse in ea; in qua multum delectatur. Sed adhuc remanet aliquod dubium quamuis sit paruum: adhuc enim anima nec perfecte, nec ex toto est certa, si Deus est in anima; quia tales locutiones, etiam cum sententis possunt fieri ab alio spiritu, remanet enim dubium sibi: & videtur mihi, quod hoc accidat, aut propter malitiam, & defectum eius, aut propter Dei voluntatem; quia non vult Deus eam facere magis certam, nec securam. Certificatur autem anima, quod Deus est intus in ea, quando sentit eum aliter quam consuevit, & sentit cum notabili, & duplicato sentimento; & cum tanto amore, & igne diuino, quod aufertur ei omnis amor animae, & corporis, & loquitur, & cognoscit, & intelligit ea, quae numquam audiuit ab aliquo mortali, & intelligit ea cum magno lumine; & est ei maxima poena tacere illa; & tacet propter zelum, ne displiceat amanti, & non scandalizet, & propter humilitatem; quia non vult dicere ista altissima, ne notetur. Item, in illo sentimento, quo anima certificatur, quod Deus omnipotens est in ea, datur animae ita perfecte velle, quod concordat in hoc tota anima veraciter in omnibus, & omnimodè & concordant cum anima omnia membra corporis, & sunt vnum cum anima, nec repugnant voluntati eius, & vult perfecte ea, quae Dei sunt, quae tamen ante veraciter, & non ex toto volebat. Et illud velle datur per gratiam, quo cognoscit anima, Deum omnipotentem esse in se, & dat ei securitatem. Datur enim animae velle Deum, & quae sunt Dei veraciter ad similitudinem amoris veracis, sicut Deus dilexit nos, & sentit anima, quod Deus immensus est

est mixtus secum, & facit societatem cum ea.

Item quando venit Altissimus Deus ad animam rationalem, quandoque datur ei, ut cum videat sine forma corporali, & clarius quam possit homo mortalis videre alium hominem: Oculi enim anime vident vnā plenitudinem spirituales, de qua non possunt aliquid loqui, quia deficiunt verba, & imaginatio. In illo autem videre delectatur anima delectatione ineffabili; est enim quod replet animam inestimabiliter, & illud videre est ita profundè, quod doleo, quia nequeo aliquid manifestare non enim est res tangibilis, nec imaginabilis, sed est inestimabilis.

B. Angelæ
relatio.

Sequitur narrare mirabilia Dei quæ in hac vnione accidere solent, inquiens: Cognoscit anima, quod Deus est in duobus modis. Vnus est vnio, quæ ita renouat animam, & omnia corporis membra sic redit mansueta, & cum anima concordantia, quod non potest tangi, vel lædi ab aliquo, quo turbari possit anima in modico, & sentit, & audit, quod loquitur ei Deus: et in illa tanta, & ineffabili vnitione intelligit anima certissimè, et sine dubio, quod Deus omnipotens est in ea, illud enim non potest facere aliquis Sanctus, vel Angelus de Paradiso; et multum doleo, quod non possum aliquid dicere in comparatione; et ex toto corde libenter manifestarem aliquid de bonitate eius, si possem, et Deo placeret.

Vnio quid
operatur.

Alius modus, quo anima cognoscit Deum esse intus in se, est vna amplexatio, quam facit Deus animæ, quia numquam Pater, et Mater filium, nec aliqua alia persona cum tanto amore amplexari potest aliam personam, sicut Deus omnipotens amplexatur animam rationalem. Cum tanto enim amore Dominus noster Iesus Christus amplexatur ani-

Duo modi
cognosendi
Deum.

Amplexus
spiritualis

Expressi
nō possū
quæ expe
ritur ani
ma perfe
ctē vnita
Deo.

Aliq uos e
fectus pa
rit in cor
pore.

animam, & cum tanta dulcedine, ac suavitate, quod non credo, quod aliquis homo de mundo possit dicere, nec exprimere, nec credere expertis; et quamuis forsitan posset aliquis credere aliquid, non tamen eo modo, apportat enim Iesus Christus in anima amorem suauissimum, quo tota ardet in Christo, & apportat secum nouum lumen tam magnum, quo intelligit tantam plenitudinem bonitatis Dei omnipotentis, quam probat in se, quod multo plus intelligit, quam experiatur in se, & tunc assecratur, & certificatur, quod Iesus Christus est in ea: sed nihil dicimus de omnibus istis in comparatione ad ea, quæ sunt; Tunc autem anima non habet lachrymas, nec lætitiæ, nec doloris, nec alicuius alterius generis, nec status. Item apportat Deus secum in anima tantam super plenitudinem lætitiæ, quod anima nescit plus petere, immo si duraret, hic haberet vnum Paradisum. Et hæc lætitia redundat in omnibus membris corporis, & omnis iniuria quæ infertur, aut dicitur, habetur pro nihilo, & efficitur dulcis, & propter talem alterationem factam in corpore aliquando non potui latere sociam meam; neque alios; quia aliquando efficio, (ut dixit mihi socia mea) resplendens, & tota rubicunda, & oculi mei lucentes ad modum candelæ, aut pallida quasi si fuisset mortua secundum varietatem visionum, aut reuelationum.

Hæc, & alia plura B. Angela fatetur suo Confessario, se expertam, ex summo Dei beneficio ob vnionem sibi à Deo impertitam in actibus contemplandi, & diligendi sanctissimum, & dulcissimum suum diuinum sponsum.

Nec minoris considerationis sunt quæ alia Christi sponsa, eique perfectè vnita, Sancta refert The-
re sia

OPVSCVLVM OCTAVVM. 535

resia in sua Vita, & Via perfectionis, quorum aliqua
retulimus in *Opusc. 4. cap. 5.* & *Opusc. 7. c. 17.* In mansio-
ne *5. cap. 1.* dicit postquam Deus animam redit insi-
pientem, hoc est alienam à sensibus, ut altiori modo
fiat particeps veræ sapientiæ, itaut pro illo tempore,
quo extasim patitur, quod est breuissimum, nec vi-
det, nec audit, nec intelligit, itaut Deus ipse affigi-
tur, & inhæret interiori illius animæ parti, ut ad seip-
sam reuersa omninò sit certa, Deum in se, & ipsam in
Deo fuisse. Et hæc veritas ita firma, & stabilis ma-
net, ut etiam si numquā ampliùs similem à Deo gra-
tiam recipiat, numquam tamen obliuiscatur. Dein-
de obijcit sibi: dices, qua ratione anima nostra
Deum vidit, aut intellexit, si in hac vnione, ut dictum
est, nihil videt, aut intelligit? Respondeo, me non
dicere, quòd in vnione ipsa tunc videat Deum; sed
quod transacta vnione aperta videat Deum in ipsa
fuisse; non quod ista sit visio, sed potiùs quedam
certitudo; quæ in anima manet de illo contactu,
seu vnione, quam certitudinem solus Deus potest
infundere animæ. Et ille, in quo hæc certitudo non
manserit, verè affirmarem non peruenisse ad perfe-
ctam vnionem. Et in *mans. 7. cap. 1.* de hac vnione pa-
riter loquens, inquit. Tandem, cùm Deus incipit
misereri afflictionum, & laborum, quos anima,
quam spiritualiter sibi in sponsam elegit, passa est
propter amorem suum, antequam celebretur matri-
monium spirituale (quod licet in hac vita ingens sit
donum, non tamen ex omni parte perficitur, quia
in hac vita à Deo semper separari potest) eam in
sua mansione collocat, qui eodem modo in cælo, ac
in anima propriam mansionem; in qua ipse immo-
retur, sibi elegit; non autem diuina Maiestas, sicut
ante in raptibus præfatis collocandam assumit; quia
etiam si

S. There-
sæ relatio
de effecti-
bus perfe-
ctæ vnio-
nis cum
Deo.

Signum
perfectæ
vnionis.

Quæ facit
Deus ani-
mæ vnio-

Sponsaliū
à matrimo-
nio spiri-
tuali diffi-
rentia.

etiamsi verum sit, quòd in ipsis, ac etiam in oratione vnionis prælibata hanc mansionem præoccupat Deus, ac tunc ipsam animam secum copulat; non tamen animæ visum est ad hoc vocari, vt ad centrum suum, ac si alia esset; sed tantum partem superiorem ingrediatur. At parum refert, an hoc fiat vnio, vel alio modo. Illud scitu dignum erit, magnum videlicet inter spirituale matrimonium, & sponsalia discrimen versari, sicut versatur inter sponso, & inter eos, qui ab inuicem sperari nullatenus possunt. Has appono comparationes, non idè, vt hic aliqua de corpore detur recordatio, eodem modo, ac si anima in illo non esset, sed tantum in solo spiritu; ac multo magis in spirituali matrimonio, quoniam in interiori centro animæ hæc arcana vnio celebratur, vbi Deus ipse perpetuò inhabitat: Hæc ibi S. Theresia.

Quæ infe-
runtur ex
S. Theresia

Ex quibus patet, quòd duos perfectæ huius sanctæ vnionis modos admittit, vnum alio perfectiorem, magisque vnientem, & alligantem, vnum, ferè insolubilem, alium solubilem, eosque comparat matrimonio, & sponsalibus, quorum primum indissolubile est inter homines, posteriora, verò solubilia, quæ quidem S. Theresiæ dicta in consolationem contemplatiuorum sunt valde ponderanda, cum possit aliqua anima in hac vita ex Dei gratia ita Deo vniri, vt ex eiusdem Dei beneficio hic nunquam, aut difficilè ab illo etiam in hac vita separetur. Prius tamen dixit, quòd quælibet vnio potest seperari, & ita est.

Deinde in eadem mansione & capite declarat discrimina inter has duas vniones, scilicet sponsalitij, & matrimonij animæ contemplatiuæ perfectæ cum Deo, inquit. Primum discrimen erit, quòd in raptu, siue vnione, potentiæ suspenduntur, anima
coe-

coeca, & muta remanente, nec percipere valet, quæ,
 & qualis est gratia, qua fruitur, quoniam illa ingens
 delectatio, (de qua supra mentio facta est) quam
 anima experitur, quando conspicit, se habere Deum,
 cum iam ipsi copulatur, nihil penitus sentit, cum
 potentia omnes deperdantur. Hic valde diuersæ res
 se habet; vult siquidem ibi Dominus Deus squamas
 ab oculis euellere; & vt de gratijs, & donis ab ipso
 collatis aliquid anima, & videat, & intelligat, etiam
 si modo mirabili id fiat, & quod in hac mansione,
 (in qua Deus per matrimonium copulatur) consti-
 tuta vnione intellectuâli per modum representatio-
 nis veritatis, & Sanctissima Trinitas, idest tres Per-
 sonæ, eidem manifestantur cum quadam inflamma-
 tione, quæ prius spiritum eius ad similitudinem per-
 lucidissimæ nubis perlustrat, ac admirabili quadam
 noticia vnus substantiæ, vnus potentia, vnus sa-
 pientia, ac vnus diuinitatis tres Personas esse cogno-
 scit: & ita id, quod fide intelligimus, ibi anima, vt
 ita dixerim, visu percipit: non tamen oculis corpo-
 ris hæc visio efformatur, cum non sit imaginaria vi-
 sio: neque hoc tantum; sed ibi totæ tres Personæ ei
 communicantur, & eandem alloquuntur, & Euan-
 gelij verba (& Pater meus diligit eum, & ad eum
 veniemus, & mansionem apud eum faciemus) ei-
 dem experientia ipsa manifestantur. Hæc Sancta
 Virgo Theresia, & alia multa dicit in sua vita c. 14.
 & 15.

Ex quibus omnibus sanctorum, & aliorum pio-
 rum dictis clarè patet, quanta sit, & excellentissi-
 ma dignitas mysticæ vnionis istius, quam acqui-
 rit anima perfectè purgata, & illuminata per con-
 templationem infusam, quæ prædita dono intelle-
 ctus, & dono sapientiæ in caligine, absque specie

Differentiæ duæ in-
 ter has vniones.

Vnio di-
 cta matri-
 monij
 quos effe-
 ctus cau-
 sat.

Dignitas
 mysticæ v-
 nionis.

Yyy re.

538 DE VNIONE MYSTICA ANIMÆ &c.
repreſentante intuetur Deum ignotum, ideſt obſcu-
rè, perfectiſſimo modo, quo poteſt in via intueri, &
ardentiſſima charitate eum diligit, eum loquentem
internè audit, & quaſi tangit, licet clarè non vi-
deat. Hæc inquam eſt præcellentiſſima vnio, quam
prælectæ animæ experiuntur, & quia non omnes
eodem modo, nam Deus prout vult exaltat, ideo ſic

C A P. VII.

*An hac vnio myſtica admittat gradus; ſed magis,
ac minus.*

Diuerſi
gradus my-
ſticæ vnio-
nis.

ADu. quòd omnes Myſtici docent in vnione hac
myſtica dari gradus quosdam minoris, aut
maioris perfectionis, qui ex effectibus cognoscun-
tur; eo quia ex Dei liberalitate pro diuerſitate ta-
men ſuorum incomprehenſibilium iudiciorum, ali-
cui animæ vnitæ aliquos, & ſublimes impertitur fa-
uores, alteri plures, ac ſublimiores, tam in cogno-
ſcendo, quàm in amando, ſeu fruendo; tam in ele-
uatione à creaturis, & in obliuione ſui met, quàm in
adheſione ad ipſum Deum. Ideo ipſi met Myſtici af-
ferunt, quòd vnio iſta myſtica ex perfecta, ac
infuſa contemplatione, vt ex perfecto, ac infuſo
amore, ſeu fruitione Dei exorta, aliquando ad ta-
lem peruenit gradum, vt dici debeat ſpirituale ſpon-
ſalitium tantum inter Deum, & animam ſic contem-
plantem, & amantem Deum: aliquando verò ad
altiorem, & magis copulantem gradum, vt dici poſ-
ſit ſpirituale matrimonium, ex ſimilitudine talium
contractuum inter homines.

Adu. 2. ex eiſdem Myſticis, quòd ex vnione
hac myſtica per dictam infuſam perfectam contem-
pla-

platione, perfectumque amorem tales in aliquo ex Dei fauore oriuntur effectus, vt quædam anima dicenda sit *sobria*; in alio verò alios diuersos effectus, per quos dicenda sit *ebria*, deducta similitudine à potantibus vinum ad sobrietatem, vel ebrietatem, quibus tropis vtitur Scriptura, vt patebit, & sponsa ipsa tropologica, nempe anima dilecta à Deo, hac phrasi vtitur, nam Cant. 1. ait *introduxit me in cellaria sua*. Et in cap. 2. *introduxit me in cellam vinariam*, ordinauit in me *charitatem*, &c. vt infra. De his ergo diuersis vnionibus, diuersisque earum effectibus, breuissimè hic ex Mysticorum doctrina, loquemur. Ideò.

Dico. 1. Aliquando vnio hæc mystica talis naturæ ex Dei dispositione est, vt spirituale sponsalium tantum inter animam contemplatiuam, & Deum dici debeat: est comunis inter Mysticos; & omnium postrema, sic docit S. Theresia, vt in fine præcedentis Capitis retulimus.

Prob. exemplo eorundem. Sponsi ardent se amant, vellent semper sibi præsentem esse; absentia eos affligit, continuò de se alteruter de altero cogitat, quilibet ex sponsis studiosè meditat, quid facere possit, quod alteri placeat, omnem mouet lapidem, vt alterius votis satisfaciatur; de alterius virtute, dotibus corporis, ac animi sæpè cogitat, sæpè de eisdem cum alijs loquitur, loca quærit in quibus alterum videre, eumque alloqui possit; ita vno verbo dicam, sic vehementer se diligunt, vt alter in altero potius quàm in se viuere dici possit. *Anima enim*, dixit Pphilosophus, *magis est vbi amat, quàm vbi animat*. Sed hac maxima animorum conuentione non obstante, contractus ille sponsalium ex aliquibus capitibus solubilis est.

Ita prorsus se habet aliqua etiam per contempla-

Quædam
vnio so-
bria, quæ-
dam ebria

Aliqua v-
nio cum
Deo dici-
tur sponsa-
licium.

Sponsorum
affectus
qui.

540 DE VNIONE MYSTICA ANINAE &c.

Iea facita.
nima san-
cta cum
Deo, &
Deus cum
ea.

Anima
Sponsæ er-
ga Deum
sponsum
affectus.

Sponsi er-
ga sponsā
affectus.

tionem infusam, perfectumque amorem exorta inter animam, & Deum mystica vnio; sponsa quidem Dei facta est anima illa sic contemplans, & amans, sponsum ardentem diligit, ab eo diligitur, illum incessanter videre quærit, & viso gaudet, commendat eius bonitatem, famam, pulchritudinem. Cant. 1. Osculetur me osculo oris sui; meliora sunt ubera tua vino fragrantia unguentis optimis. Oleum effusum nomen tuum, propterea adolescentula dilexerunt te. Trahe me post te, in odorem curremus unguentorum tuorum. Indica mihi quem diligit anima mea, ubi pascas, ubi cubas in meridie. Fasciculus mirræ dilectus meus mihi inter ubera mea commorabitur: in cap. 2. sicut malus inter ligna sylvarum, sic dilectus meus inter filios, sub umbra illius, quem desideraueram, sedi, & fructus eius dulcis gutturi meo. Introduxit me in cellam vinariam, ordinavit in me charitatem. Fulcite me floribus, stipate me malis, quia amore langueo. Læua eius sub capite meo, & dextera illius amplexabitur me: in cap. 3. In lectulo meo per noctes quæsiui quem diligit anima mea; quæsiui illum, & non inueni. Surgam, & circuibo Ciuitatem, per vicinos, & plateas quæram, quem diligit anima mea; Paululum cum pertransissem, inueni quem diligit anima mea, tenui eum, nec dimittam. Dilectus meus mihi, & ego illi. Et alia plura in omnibus illis octo Canticorum capitibus, in quibus apparet, quanta diligentia, & anxietate sponsa spiritalis anima quærit suum sponsum Deum, quantoque amore eum diligit, & quanto desiderio eius colloquium, & conuersationem exoptat.

Et è contra in eisdem Canticis legitur reciproca spiritalis sponsi in sponsam dilectio. Nam in cap. 1. post præfata sponsæ verba inquit sponsus, Si ignoras te ò pulcherrima inter mulieres, egredere, & abi post vestigia gregum, &c. Equitatu meo in curribus Pharaonis

affi-

assimulaui te amica mea: pulchra sunt genae tuae sicut turturis,
collum tuum sicut monilia. Murenulas aureas faciemus ti-
bi vermiculatas argento: Ecce tu pulchra es amica mea, ecce
tu pulchra es, oculi tui columbarum. in cap. 2. Ego flos cam-
pi, & lilium conuallium, sicut lilium inter spinas, sic a-
mica mea inter filias. Adiuro vos filiae Ierusalem, ne susci-
tetis, neque euigilare faciatis dilectam, donec ipsa ve-
lit, Surge, prospera amica mea, speciosa mea, columba
mea, & veni: & alia multa in eisdem octo Cantico-
rum capitibus, in quibus manifestissime apparet
qualis, quantaque sit inter sponso spirituales, ani-
mam sanctam, ac Deum reciproca dilectio, at-
que vnio, quam ex parte in postremis duobus
Opusculis declarauimus; Mirabiles enim sunt effe-
ctus quos Deus in anima dilecta producit, & quos
ab anima ipsa facit producere, vt ex interpre-
tibus libri Canticorum legere licet.

At quoniam vnio hæc est sponsalitium tantum,
& non matrimonium, id est habet conditionem, seu
naturam sponsaliti, quod solui potest, sponsa
Dei, id est anima dilecta, & euecta ad infusam con-
templationem, & amorem Dei perfectum, timere
debet, ne vnionem hanc ex sua culpa amittat;
Deus enim non deserit, nisi prius deseratur, dicit August.
& ideo inquit S. Theresia in *Mans. 7. cap. 1.* vt in præc.
cap. retulimus, quod aliqua mystica vnio compara-
tur sponsaliti, quia separari, seu perdi potest. Quod
Sanctæ Theresiæ dictum sic intelligendum puto;
non quod detur aliqua mystica conteplatiuorum
vnio cum Deo, quæ solui, ac separari non possit,
& faciat eos impeccabiles, vt falsò dicebant Illumi-
nati, seu verius cæci illi, hæretici, nullus enim homi-
num per quoscumque etiam perfectos virtutis cuius-
cumque, etiam frequentatos actus euadit impecca-
bilis,

Mirabi-
les vtriul-
que effe-
ctus.

[Omnis v-
nio est so-
labilis.

bilis, nisi à Deo sit confirmatus in gratia: Sed fortè dicere vult S. Theresia, quod aliqua vnio cum Deo in contemplatiuis dicitur sponsalitiū, quia facilius potest solui, & amitti, alia verò datur perfectior, quæ comparatur matrimonio, vt mox dicam, estque talis, vt difficilius soluatur, quàm prima, quæ tamen, vt ipsamet Sancta dicit, absolutè solui potest.

Datur vnio, quæ est spirituale matrimonium.

Dico 2. Datur quædam vnio mystica inter animam contemplatiuam perfectam, & Deum, quæ dici potest spirituale marrimonium: est communis inter Mysticos:

Prob. Aliquando ex specialissimo Dei fauore anima contemplatiua sic vnitur Deo, vt vnio illa ex eodem Dei fauore inamissibilis sit; & sicut coniuges secuto matrimonio non possunt separari, ita Deo sic interdum fauente alicui perfecto contemplatiuo, hic illi vnitur, vt numquam ab eo separatur, & hæc vnio vsque ad exitum vitæ perseuerans commutetur de perfecta in perfectissimam, de amicitia, & notitia cum obscuritate in euidentem, de temporali in æternam in Patria.

Vnio matrimonialis per Bernard.

De hac vnione sub symbolo matrimonij S. Bernardus in ser. 83. in Cant. de unione matrimonij spiritualis sic loquitur. *Talis conformitas maritat Verbo, cui similem se exhibet per uoluntatem, diligens sicut dilecta est. Ergo si perfectè diligit nupsit. Et post aliqua. Verè spiritualis, sanctique conubij contractus est iste: parum dixi contractus, complexus est; Hic nexus vincit etiam quod natura arctius vincit, vinculum parentum ad filios; & propterea ait: relinquet homo patrem suum, & matrem suam, & adharebit sponsæ. Et infra, Propterea sic anima nupsisse est; quoniam non potest sic diligere, & parum diligere, & parum dilecta esse, vt in consensu duorum integrum stet, perfectumque connubium, quod non est aliud quàm*

quàm amor sanctus, & castus, amor suavis, & dulcis, amor mutus, intimus, validusque, qui non in carne vna, sed vno planè in spiritu duos iungat; & duos faciat, non iam duos, sed vnum; & ser. 85. in Cant. ait, Quando videris animam relictis omnibus, Verbo votis omnibus adherere, de Verbo concipere quod pariat Verbo, quæ possit dicere mihi viuere Christus est, & mori lucrum, puta coniugem, Verboque maritatum.

Magna
huius ma-
trimonij
encomia.

S. Theresia mans. 7. cap. 1. vt in præced. cap. retulimus, sic habet. Cùm Deus incipit misereri afflictionum, & laborum quos anima, quam spiritualiter sibi in sponsam elegit, passa est propter amorem suum, antequam celebretur, & consumetur matrimonium spirituale (quod licet in hac vita ingens sit donum, non tamen ex omni parte perficitur, quia in hac vita semper à Deo separari potest) eam in sua mansione collocat; qui eodem modo, ac in cælo, in anima propriam mansionem, in qua ipse immoretur, sibi elegit. Et post aliqua sic prosequitur. Illud scitu dignum erit, quod magnum inter spirituale matrimonium, & sponsalia discrimen versatur, sicut versatur inter sponso, & eos qui ab inuicem separari nullatenus possunt. Et ne fortè pusilli scandalizentur, hanc Sancta Virgo apponit cautelam. Has appono comparationes; non ideo vt hic aliqua de corpore detur recordatio, eodem modo, ac si anima in illo non esset, sed tantum in solo spiritu, ac multò magis in spirituali matrimonio, quoniam in interiori centro animæ hæc arcana vnio celebratur, vbi Deus ipse perpetuò inhabitat. Deinde assignat differentias fauorum, & gratiarum, quas Deus concedit animæ in vnione matrimonij ab ijs, quas concedit in vnione sponsalitij; & ait Sic igitur primum discrimen erit, quod in raptu, seu vnione potentie suspenduntur, anima ceca, & muta remanente, nec percipere valet, quæ, vel qualis sit gratia, qua fruitur, quoniam ingens illa dilectatio (de qua

Differetia
inter spo-
salia, &
matrimo-
nium.

S. Theres
cautela.

Differen-
tię gratia-
rum in
sponsali-
tio, & ma-
trimonio.

544 DE VNIONE MYSTICA ANIMÆ, &c.

qua supra mentio facta est) quam anima experitur, quando
conspicit se habere Deum, cum iam ipsi copulatur, nihil
penitus sentit, cum potentia omnes deperdantur. Hic (id-
est in matrimonio) valde diuersę res se habet. Vult si-
quidem ibi Dominus Deus squamas ab oculis euellere, vt
de gratijs, & donis ab ipso collatis aliquid anima, & vi-
deat, & intelligat, etiam si id modo mirabili fiat; eo quod
in hac mansione (in qua Deus per matrimonium copulatur)
constituta visione intellectuāli per modum representationis
veritatis, Sanctissima Trinitas, idest tres personę eidem ma-
nifestantur cum quadam inflammatione, quę prius spiritum
eius ad similitudinem perlucidissimę nubis perlustrat, ac ad-
mirabili quadam notitia vnus substantia, vnus potentia,
vnus sapientia, ac vnus diuinitatis tres Personas esse cogno-
seit. Et ita id quod fide intelligimus, ibi anima, vt ita
dixerim, visu percipit, non tamen oculis corporis hęc visio
efformatur, cum non sit imaginaria visio. Neque hoc tan-
tū; sed ibi totę tres Personę ei communicantur, eandem
alloquuntur, ac Euangelij Verba (& Pater meus diliget
eum, & ad eum veniemus, & mansionem apud eum facie-
mus) eidem experientia ipsa manifestantur. Hęc, & alia
plura S. Theresia.

Vnio so-
bria, & e-
bria.

De actuali
est sermo.

Dico 3. Vnio hęc Mystica perfectā contemplati-
uorum diuiditur secundō in sobriam, seu actiuam,
& ebriam, seu passiuam, aut extaticam. At no-
tandum, quod loquor de actuali vnione, quę in
actibus consistit, & ijs cessantibus cessat; non de ha-
bituali, quę radicata iam est in contemplatiuis
perfectis, & aliquando iuxta Dei voluntatem in
actualem vnionem sobriam, seu actiuam, aliquan-
do in actualem ebriam, seu passiuam, & extaticam
prorumpit.

Prob. & declaratur hęc conclusio. Contemplati-
uus perfectus, qui ad infusam contemplationem à
Deo

Deo fuit eleuatus, dicitur habitualiter Deo vnitus, etiam quando actu non contemplatur. Iste autem aliquando ex Dei gratia proprio studio, ac labore se recolligens (sicut dicimus de acquisita cum S. Bon.) contemplatur Deum, & actum dilectionis pro suo posse erga Deum, summum bonum, summèque amabile elicit, & in ea contemplatione aliquantisper moratur, quia tales perfecti contemplatiui non semper, & in omni actu à Deo rapiuntur, seu distrahuntur, sed aliquando sic, aliquando non: illa contemplatio proprio actu procurata à Mysticis vocatur sobria, & actiua, quia ipsi agunt, & sobria, quia non totaliter excedens statum naturæ ipsius contemplantis; est etiam actualis, quia in actu consistit, & transeunte actu transit.

Ebriam autem, seu passiuam, & extaticam Doctores Mystici appellant eam actualem, quæ oritur ex actu contemplationis infusæ, quando scilicet Deus, absque studio, labore, ac operatione ipsius contemplatiui eleuat illum distrahendo, & alienando à sensibus, applicando eius intellectum ad sui contemplationem, & voluntatem ad sui amorem: hanc dicunt actualem quidem unionem, sed passiuam, quia eam non agit anima suo labore, sed patitur quoad illam distractionem, & applicationem, ac detentionem; non verò dicitur passiuam quoad ipsum actum intuendi, & amandi; quia isti sunt vitales, qui à potentijs ipsis eliciuntur; dicitur *ebria* quia eam patiens, extaticus extra se fit, sicut fiunt ebrij à vino; & propterea ebrij spiritu vocantur: hac similitudine vititur sponsa tropologica, seu moralis Cant. 2.4. *introduxit me in cellam vinariam; ordinauit in me charitatem: statimque quasi ebria spirituali amore, subdit, Fulcite me foribus, stipate me malis, quia amore langueo.* Gl. ord.

Zzz S.

Sobria cū proprio labore.

Ebria quæ per rapitū

Cur passiuam.

Cur ebria

S. Ambrosius

S. Ambros. V. cellam vinariam, ait, Quam citò guttur meum dulcedinem gratiæ eius attingit, ita me recreatam spiritu, & ab amore terrenorum in superna translata sentio, ac si in cellam vinariam introducta, noui sim meri odore, & poculo refecta.

Et S. Bern. ser. 49. in Cant. ait, habito pro votis dulci admodum, familiarique colloquio cum dilecto; illo abeunte, sponsa regrediens ad adolescentulas aspectu, affatuque ipsius ita refecta, atque accensa, quatenus ebria apparere; & quatenus illis stupentibus nouitatem, & querentibus causam, respondit; mirum minimè esse, si vino æstualet, quæ in cellam vinariam introisset. Et secundum literam ita: secundum spiritum quoque non negat se ebriam, sed amore, non vino, nisi quòd amor uinum est: hæc Bernardus.

Et idem Sponsus ad hanc ebrietatem inuitat fideles Cant. 5. Comedite amici, & bibite, & inebriamini carissimi. Interl. inebriamini, ait, integra charitate me amplectendo.

De vtraque hac vnione sobria, & ebria sub nomine & proprietate actiue, ac passiuæ, seu extaticæ, loquitur S. Bernard. ser. 1. de Ascens. sic. Quidam trahuntur, qui dicere possunt, Trabe me post te: nonnulli ducuntur, qui dicunt, introduxit me Rex &c. Quidam rapiuntur. Et primi quidem felices qui in patientia sua possident animas suas; secundi feliciores, qui ex voluntate sua continentur Domino; tertij felicissimi, qui in profundissima Dei misericordia, quasi sepulta arbitrij libertate, in diuitias gloriæ in spiritu ardoris rapiuntur, qui spreto, ac supergresso adminiculo rerum, ac sensuum, non ascensorij gradibus, sed inopinatis, instantaneisque excessibus feruntur in Patrem. Et sic patet, duas primas vniones actiuas esse, quia cum proprio etiam labore efficiuntur, tertiam verò passiuam, quia à solo Deo rapiente fit.

Dionisius Carthus. in comment. S. Dion. Arco-
pag.

De vnio-
ne sobria,
& ebria lo-
quitur Ber-
nardus.

Actiua, &
passiua v-
nio per
Bernard.

pag. de hac duplici vnione sic loquitur: *Viri fideles* heroici, & perfecti longè sublimius mysticam Theologiam sortiuntur. Experiuntur, & venantur supernaturalia charismata Spiritus Sancti; quod dupliciter accidere solet. Primo per eorum preparationem, cooperationem, & conatum, ad hoc dando seipso ad abstractionem cum Deo, per recollectionem mentis suæ ad intra, & per affectuosissimam diuini inuocationem auxilij, ac considerando inflammatiua diuini amoris. Secundò fit istud modo mirabili, & eminentiori, quamuis forsan non magis meritorio semper, videlicet, dum feruens amor, absque conamine proprio, preparationeque præuia repente præuenitur, præstringitur, inflammatur, & supra se tollitur, contemplationis luce exuberanter perfunditur, præoccupatur, & vincitur, ut etiam si velit, resistere nequeat, neque euadere possit, supergratiosissimi spiritualium amplexum sponsi, à quo in regione luminis infiniti transfertur, in quo verè idem sunt regio, & habitator.

Iterum de hac duplici vnione loquitur idem Dion. lib. de fonte lucis cap. 14. eadem ferè referens verba de ijs, qui proprio conamine cum Dei gratia ad eam vnionem se disponunt contemplando, ac intensè amando, & hæc est actiua vnio; & de ijs, qui sine sua operatione à Deo trahuntur, & rapiuntur ad contemplandum, & ardentè amandum, & hæc est vnio passiuæ. Et adducit exemplum Fratris Rogerij Ordinis mei Sancti Francisci, qui dicebat de viro quodam (& erat ait idem) dicente facile esse rapi à Deo ad contemplandum, sed non posse resisti raptui, quantacumque adhibeat vis; & quòd Deus tantum se communicabat animæ suæ, quòd præ nimia dulcedine non valeret eum sustinere: sed compellebatur dicere, Domine recede à me, quia sustinere non possum multitudinem dulcedinis tuæ &c.

Et quoniam passiuæ vnio mystica dicitur etiam

Dion. Carthuf. de duplici vnione actiua & passiuæ.

Passiuæ quo modo fit.

Iterum Dionis. de duplici vnione.

F. Rogerij dictum.

548 DE VNIONE MYSTICA ANIMÆ, &c.

extatica, licet de extasi plura dicta sint in *Opusc. 5. &c.*
 5. vsque ad *octauum* inclusiue, quia tamen non om-
 nis extasis, etiam supernaturalis, ac diuina eodem
 modo perfecto, animam cum Deo vnit, aliqua insi-
 nuanda sunt. Primò, quòd extases, quas Deus in in-
 cipientibus viram spiritualem, & contemplatiuam
 efficit, non faciunt perfectam mysticam, de qua lo-
 quimur, vnionem; quia hæc perfectorum est, sup-
 ponens in anima perfectam charitatem, & dona Spi-
 ritus Sancti, intellectum, & sapientiam in gradu ex-
 cellenti, quæ non supponuntur in incipientibus, ac
 proficientibus. 2. quia hæc perfectorum supponit
 perfectam purgationem passionum, quæ non sup-
 ponitur in illis. 3. effectus extasum perfectorum sunt
 excellentiores, & sublimiores, & multò plures,
 quàm sint effectus eorum. 4. quia hæc perfectorum
 vnio extatica difficilius acquiritur, & perditur, quàm
 illa.

Secundò supponendum, quòd extasis perfectorum,
 cum alienatione sensuum aliquando (Deo sic
 efficiente) procedit ob nimium lumen, seu illustra-
 tionem intellectus, in quo casu Deus plura, & di-
 uersa, & clariori modo ostendit contemplanti, sed
 non cum tanta inflammatione voluntatis: aliquan-
 do extasis procedit ex maxima inflammatione vo-
 luntatis, sed cum minore illustratione intellectus;
 aliquando tandem ex maxima illustratione intelle-
 ctus, & pari inflammatione voluntatis; & hæc tertia
 sublimissima extasis est, & spiritualis contemplatio,
 perfectissimam pro mortali vita vnionem efficiens.

Aliam, omniumque supremam animæ contem-
 platiue cum Deo vnionem admittunt, & exaltant
 Mystici, quam dicunt osculi, sed inquit esse ex-
 plicatu difficilem, S. August. tract. 7. in Ioan. & lib.

Non om-
 nis extasis
 eodem
 modo per-
 fecto cum
 Deo vnit.

Differen-
 tiæ plures.

Aliud no-
 tabile de
 extasi.

83. quest. 60. ait fieri ineffabili, & incogitabili modo. S. Bern. ser. 8. in Cant. ait: Hodie de summo oris osculo disputare propositum est; audite attentius quod sapit suavius, & gustatur rarius, & difficilius intelligitur. S. Thomas Opusc. 60. inquit, Cum senseris tactu, qui cognoscis de proximo labia illa tesu animæ tuæ labia non abominari, sed mirabiliter ipsis imprimi, ineffabiliter osculari. Et intra hoc autem gradu anima, admodum, & indicibili modo rapit, & rapitur; tenet, & tenetur; stringit, & stringitur, & una uni per amoris copulam sociatur.

Vnio oscu-
li.

S. Thom.

Alij, gradus alios admittunt, vt contactus diuini, illaptus &c. quæ quidem differentie subtiles sunt, quas illi tantum exprimere possent, qui eas experiuntur, dummodo possint, experimentalis etenim notitia est, sed arcana, quæ communi eloquio exprimi nequit, nisi quantum Deus ad sui honorem, & gloriam (Confessariorum, ac Prælatorum talium contemplatiuorum iussu) manifestari permiserit, vt de B. Angela, & S. Theresia præ cæteris, in præcedentibus vidimus; ita vt merito exclamandum sit, O quanta, & quam mirabilis est benignissimi Dei nostri in animas se timentes, quærentes, inuenientes, ac diligentes dignatio! cui gloria in sæcula. Amen.

Aliæ sub-
tles differ-
entiæ.

Difficile
explica-
tur, ac in-
telligitur.

C A P. VIII.

*De statu, & vita perfectè Vnitorum, transacta actuali
vniione cum Deo.*

ADu. 1. declarari non posse sufficienter sensum huius dubij, neque sufficienter solui, nisi explicitè supponantur aliqua, quæ quidem quasi implicitè in toto hoc Opusculo dicta sunt. Suppono igitur, quod perfectus contemplatiuus, idest infusa

Aliqua
supponen-
da.

con-

Multæ v.
niones in
p. r. f. cto
contem
platiuo

Habitualis
per habi
tum gratiæ

Vnio actualis
per a-
ctus.

Habitualis
vnio ex a-
ctibus con-
surgens.

contemplatione à Deo donatus, multiplici vnione considerari potest vnitus: cuiusque gradus sint istæ vniones, nunc non curo. Prima vnio est per habitum gratiæ, & claritatis, quia vnione gaudent omnes iusti, & hæc, vt sæpè dixi, dicitur habitualis. Secunda est vnio alijs etiam iustis communis, quam quis acquisiuit per proprios actus virtutum in actiua Vita, & in contemplatione acquisita; licet ista in rigore dici non possit secunda vnio, sed intensio, seu augmentum primæ per habitum gratiæ, ac charitatis obtentæ; quò enim plura, & maiora virtutum opera quis iustus exercet, eò magis Deo vnitur; ideo Apocal. 22. 11. dicitur, *Qui iustus est iustificetur adhuc, Sanctus sanctificetur adhuc.* Et Saluator Matt. 5. c. inquit. *Estote ergo & vos perfecti, sicut Pater vester cælestis perfectus est:* sicut autem crescit perfectio in anima, ita adhesio, seu vnio cum Deo; & ita prior augetur.

Tertia vnio, quæ consideratur in contemplatiuo, infusa contemplatione pollente, quæ est propria, ac specialis eiusmodi heroicorum hominum, est vnio illa actualis, quæ habetur per actus contemplandi, & diligendi Deum, perfectos, vt pote procedentes ab ijs potentijs intellectu, & voluntate, & donis Spiritus Sancti intellectus, ac sapientiæ, ac specialissimo Dei concursu ad eos actus: cuiuscumque gradus sint, & qualescumque secum effectus in anima afferant, parum refert, quia semper vnio illa actualis est perfectissimi, & supernaturalis ordinis. Vnio ergo illa consistens in illis actibus, seu resultans ex illis dicitur, & est actualis mystica.

Quarta vnio, quæ in contemplatiuo perfecto considerari potest, est habitus quidam consurgens ex frequentatione talium nobilissimorum actuum contemplandi, & diligendi per infusam contemplationem.

nem. Cum enim in cuiuslibet virtutis exercitio habitus aliquis efficiatur; & in exercitio virtutum supernaturalium, puta Fidei, Spei, & Charitatis, Deus quidem augeat habitus illos, tamen operans per eos habitus, promptitudinem, habilitatem, & facilitatem quamdā ad eos actus eliciendos acquirit, quam antea non habebat. Ita de contemplatio perfectio videtur dicendum, quod ex frequentatione illorum actuum supernaturalium, à Deo augeantur quidem in illo principia vnionis, ipsaque vnio, & remaneat in eo aliquis habitus, seu habilitas, promptitudo, & facilitas, vel ad similes actus faciendos, vel ad aliquos alios ad statum eius perfectionis spectantes.

His autem suppositis, duo querimus. Primum, Ad quid faciendum inclinant, ac disponunt actuales illæ vniones, (quibus interdum potitur contemplatiuus) post actus contemplandi, & amandi? & si aliquis habitus ex illis generatur, ad quid faciendum inclinatur, & disponit, aut concurrit? Secundum, quod queritur, est, quomodo talis vnio se gerere debeat cum Deo, & cum hominibus? de hoc vero loquemur postea.

Dico igitur primò. Homo, qui post purgatiuam, & illuminatiuam acquisitam eleuatur à Deo ad contemplationem infusam, post actualem vnionem contemplandi, ac diligendi Deum perfectè, & post actuales fauores, gratias, delectationem, suauitatem, iucunditatem, & cætera in superioribus relata, quæ in his duobus actibus, Deo largiente experitur; virtute talium actuum, & habitualis vnionis ex eorum frequentatione iam genitæ, ex eiusdem Dei benignitate remanet in statu mox dicendo quousque ad alios similes actus contemplandi, &

Queritur
sensu.

Post actualem contemplationem, quæ remanet in contemplante.

diligendi denuo eleuetur, & sic deinceps.

Status ani-
mæ sic vni-
tæ.

Status ergo illius, cessantibus actibus illis vni-
tiuis, est iste regulariter, Deo fauente. In anima
illa remanet pax interna, etiam transacta contem-
platione; remanent profunda humilitas, & dispo-
sitio ad exercitia spiritualia; lux quædam celestis in
intellectu; & in voluntate firmitas ad bonum, & ad
virtutes, quas Deus ipse concedit multò excellen-
tiores, quàm anima possit propria industria acqui-
rere: et humilitas hîc concessa propriam generat
confusionem, & certam nostræ infirmitatis cogni-
tionem adducit, qua homo vellet coram Deo se anni-
hilare: ita docent Mystici.

Specialis
effectus.
vñionis.

Specialis tamen huius vñionis effectus, est desi-
derium proficiendi in oratione, et eius exercitium
non dimittendi, etiam si multum foret laborandum:
Deinde quædam spes moraliter certa de propria
salute ex Dei misericordia; sed coniuncta humilitati,
excludens seruilem timorem, adducens filialem,
purumq; Dei amorem, absque intuitu mercedis,
propriæque vtilitatis.

Gustus in
D. i serui-
tio.

Alij effectus in tali anima remanentes, sunt gu-
stus, & suauitas in Dei seruitio, & virtutum operi-
bus; quia anima illa Deum, vt principium, & vt
finem habet, cor dilatat; ex qua dilatatione, ac
suauitate procedit, quòd multum audet; quando
aliquid ad maiorem Dei gloriam faciendum occur-
rit, expellitur timor amittendi serenitatem in oratio-
nis exercitio; videt se omnia posse in Deo, qui illam
confortat, non formidat labores, vt antea solebat,
immò eos desiderat; mundi gaudia despicit; & in
omni virtute profectum experitur: hæc P. Philippus
de Sanctiss. Trinitate, quæ alia vice in Opusc. 4. cap. 5.
retuli.

Alij

Alij Mystici magis distincte conantur declarare effectus, & fauores, ac beneficia, quæ Deus dignatur concedere animæ contemplatiuæ transacta vnione actuali habita per contemplationis infusæ actum, seu extasim. Dicunt enim, quod transacta extasi, in intellectu remanet lumen quoddam, seu splendida notitia rerum agibilium, & continua quasi illuminatio, ac inspiratio ad opera virtutum omnium pro opportunitate exercenda; & istæ animæ verè Spiritu Dei aguntur, vt dicit Apostolus, & habent promptitudinem ad considerandum, & contemplandum extra extasim, & raptum diuina mysteria, & omnia reuelata; & ad operandum quodlibet opus virtutis ac perfectionis, nec aliud cogitant, aut cogitare posse eis videtur. In voluntate verò, transacto, vt dixi, extatico contemplationis exercitio, & magno illo, ac suauissimo, & fructuoso amoris actu, in quo vnio mystica perfectissima consistit, remanet magnus charitatis ardor, ex quo anima manet quasi ebria, & stupida; quieta tamen, ac tranquilla, Dei voluntati conformis; qui quidem amoris in Deum æstus, quasi habitus quidam in ea perseverat, reddens illam ad omnem Dei nutum, ac inspirationem promptè mobilem, ac vertibilem.

Riccardus de Sancto Victore diffusius declarat statum animæ contemplatiuæ, transacto extatico contemplationis actu, in tract. de Gradibus violentæ Charitatis, sic. *Cùm anima in hunc modum diuino igne fuerit decocta, medullitùs emollita, penitusque liquefacta; quidnam supererit, nisi, vt proponatur ei, quæ sit voluntas Dei bona, beneplacens, & perfecta, quasi quædam, ad quam informetur consummata virtutis formulæ sicut enim Excussores liquefactis metallis, propositisque formulis, quamlibet imaginem pro voluntatis arbitrio excudunt, & vasa*

Aaaa quæ.

Alij plures effectus.

Riccardi sententia.

Patitas nobiliis de Metallo liquefacto

quolibet iuxta modum congruum, formamque destinatam produciunt; sic anima in hoc esse ad omnem Diuinam voluntati nutum facile se applicat; immò spontaneo quodam desiderio ad omne eius arbitrium se ipsam accommodat, & iuxta diuini beneplaciti modum omnem voluntatem suam informat, & sicut metallum liquefactum, quodcumque ei aperitur facile ad inferiora curendo delabitur; sic anima in hoc esse ad omnem obedientiam se humiliat, & ad omnem humilitatem, iuxta diuinæ voluntatis ordinem inclinat. In hoc igitur statu animæ eiusmodi proponitur forma voluntatis Christi, qui cum in forma Dei esset, &c. humiliavit semetipsum factus obediens vsque ad mortem, mortem autem Crucis. Hæc est forma Christi humilitas, ad quam conformare se debet quisquis supremum consummate Charitatis gradum attingere vult. Hæc ergo sunt bona Deique dona, ac beneficia, quæ consequuntur ad actualement mysticam vnionem, quam fortitur anima cum Deo per exercitationem actuum contemplationis, perfectique amoris Dei.

Alios plures effectus narrat Riccardus.

Neque hic sistit Riccardus, sed multò post de effectibus sequentibus ad actualement illam vnionem extaticarum contemplationum prosequens, inquit, tales contemplatiuos ex Dei fauore ita fortes, ac vabiles in Dei amore, & habituali vnione remanere, vt cum Apost. Rom. 8. dicere possint, Neque mors, neque vita, neque Angeli, neque Archangeli, neque Principatus, neque Potestates, neque Virtutes, neque instantia, neque futura neque fortitudo, neque altitudo, neque profundum, neque creatura alia poterit nos separare à Charitate Dei, quæ est in Christo Iesus: isti enim ait Riccardus illata damna non sentiunt, & semper ad omnem illatam iniuriam hilarescunt, & quidquid eis infertur ad pœnam, totum præsumunt ad gloriam, iuxta Apostoli sententiam 2. Cor. 12. libenter gloriabor in infirmitatibus meis, vt inhabitez in

me

me virtus Christi. Propter quod complacer mihi in infirmitatibus, in contumelijs, in necessitatibus, in persecutionibus in angustijs pro Christo. Et ad Philipp. ait. Omnia possum in eo qui me confortat. Et alibi ad Cor. 13. Charitas omnia suffert, omnia credit, omnia sperat, omnia sustinet; Charitas benigna est, patiens est, non est ambitiosa, non quaerit quae sua sunt.

Neque hic finiunt secundum Riccard. effectus remanentes in perfectis contemplatiuis post perfectos illos extaticos actualis vnionis actus, sed erga proximum quoque extenduntur. Tanta siquidem est in eis erga proximum Charitas, vt cum Apostolo dicere possint, omnibus omnia factus sum, vt omnes facerem saluos; immo anathema à Christo fieri cupiebat pro fratribus suis. Et subdit Riccard. Quid ergo dicemus, nonne hic gradus videtur animum hominis in amentiam vertere? Et exagerrans excessum Charitatis ergo proximum, multa praeclara dicit, tam de Paulo, qui anathema cupiebat esse à Christo pro fratribus, & de Moyse, qui vt liberaret Populum idolatram ab ira Dei, quamuis iusta, Exodu 32. dixit ad Deum, Aut ignosce illis hanc noxam; aut dele me de libro, quem scripsisti.

Alia quaedam notat Dionis. Carthusianus tract. de Fonte Lucis cap. 15. de eiusmodi perfectis contemplatiuis, qui extaticis contemplationibus, actualibusque his vnionibus à Deo donantur; hi enim perfecte purgati à vitijs, & passionibus opponuntur, & mundo corde. De his ergo ait Dionisius. Cum amor priuatus sit radix omnium vitiorum, constat, quod eo euulso, cuncta eradicentur peccata. Quo facto, insunt cordi interna munditia, Charitas Dei pura, fortis, fixa, & seruida, sicque ad omne bonum, & illuminationes altissimas, ac frequentes, & quasi continuas; ad inflammationes aestuantissimas, ad transformationem Deificam, ad raptum, ad extasim, ad exercitatio-

Alij permulti effectus.

Etiam in proximi.

Alios effectus refert Dion. Carthus.

nem secretissimam, tranquillationem dulcissimam, immò ad vitam Angelis proximam est anima tunc disposita, statque velut in contactu continuo solis æterni, solis iustitiæ, solis sapientiæ infinitæ, vt exuberantissimè, ac indefinenter illustretur, calefiat, penetretur, impleatur, & inundetur ab illo, & instar speculi tersi, ac politi, luminosi, atque clarissimi, obiecta, substrata, ac applicata est superlucidissimo soli immenso. Idcirco non cessat sol ille liberalissimus stillicidia gratiæ, fluentia sapientiæ, & claritatis scintillas in illa diffundere. Hæc Carthus. *Fœlix ergo homo ille, qui ad talem deuenit, & actualis, & habitualis ex ea sequentis vnionis statum, & eiusmodi donis, & gratijs ex Dei liberalitate potitur.*

Notabile
dignum:
non dici-
tur conce-
di impecc-
cabilitas.

At valdè notandum est, quòd quamuis præfati, & alij Authores doceant, quòd perfecti etiam contemplatiui præfato modo per actus contemplandi, & diligendi Deum actualiter, pluries, immò & frequenter, cum Deo vniantur, & postea habitualiter quasi, post actus illos vniti remaneant, & ad omnia virtutum opera inclinati, vt hucusque dictum est; nullus tamen eorum dixit, quòd remaneant confirmati in gratia, vel omninò impeccabiles, vt falsò erratice docebant Beguardi, damnati in Concilio Viennensi, & postea Illuminati, seu verius cœci, & tandem nefarij quidam elapsis annis, qui simplici orationi mentali impeccabilitatis donum, vel saltem maximè difficultatis ad peccandū priuilegium concedebant; at hi omnes damnati, sui erroris pœnas luerūt.

Nullus ergo, siue contemplatiuus simplex, siue infusa contemplatione pollens, putet se quantumuis hoc, & alijs donis à Deo donatum, ad statum impeccabilitatis peruenisse; sed cum humilitate, timore, & tremore, vt ait Apostolus, suam salutem operetur. Et si enim Deus non deferat, ait Augustinus, nisi

prius

prius deferatur, potest à quocumque viatore deferi per peccatum mortale, & ita illum deferet Deus. Et proinde Apostolus 1. Cor. 10. 12. ait *Qui se existimat stare videat ne cadat*. Gl. ord. quæ tribuitur Augustino dicit, *superbiam amputat, ne tentetur, sicut Iudæi tentati sunt, & periere*. Interl. dicit, *ne cadat peccando, vel peccate faciendo*. Et si Deus id permittit, facit ad bonos probandos, & malos puniendos, Clarius August. in lib. de Bono Patientiæ cap. 8. dicit, *Utile est omnibus, vel penè omnibus, nam quales futuri sunt, scire non possunt, ut quisque dum nescit, an sit in bono perseveraturus, humiliter, & sollicitè Dei gratiam imploret, cum eaque casum cauere, & in gratia perseverare satagat*. Et ipsemet Apostolus multum de suo casu timens 1. Cor. 9. 29. dicebat, *Vereor, ne cum alijs prædicauero, ipse reprobus efficiar*. Sed de hac cautela, ac timore iterum loquar infra. Omnes ergo de casu timeant.

Nullus per
cōtempla
tionem
evadit im
peccabi
lis.

Semper ti
mendum
de casu,
seu pecca
to.

C A P. IX.

An licitum sit hanc mysticam unionem desiderare, & procurare.

ADu. 1. quòd hæc difficultas eadem ferè est cum illa, quæ fuit resoluta in Opusc. 7. c. 10. de infusa contemplationis desiderio, & procuratione: Hæc enim Mystica unio, ut in præcedentibus patuit, vel est ipsamet contemplatio infusa, & amor, vel sequitur regulariter ad infusam contemplationem, perfectamque Dei dilectionem. Ideo eisdem ferè principijs erit resoluenda.

Adu. 2. quòd licet Unio hæc perfecta cum Deo, non sit simpliciter ad salutem necessaria, sicut neque infusa contemplatio, neque acquisita; quia ad salutem sufficit unio per habitum Charitatis tantum.

Quomodo
acqui sibi
lis, cum sit
supernatu
ralis.

pro

pro infantibus decedentibus; in adultis verò habitus idem Charitatis, cum actibus eiusdem, nec non Fidei, ac Spei, & obseruantia mandatorum Dei, & Ecclesiæ tamen vnio hæc adeo perfecta maximum bonum est, amabile, & appetibile ratione sui termini, cui animam vnit, nempe Dei, qui est summum, ac infinitū bonum; & rationalis natura summè inclinatur ex Dei elevatione ad supernaturalem ordinem.

Licetum
est optare,
& procurare vnio-
nem perfe-
ctam cum
Deo.

Dico igitur. Licetum, & bonum est optare, & sanctis operibus procurare vnionem quamcumque cum Deo, etiam mysticam, & perfectissimam; quæ per infusam contemplationem, vel alio supernaturali modo solet à Deo perfectis hominibus concedi.

Evidentes
rationes.

Prob. eisdem argumentis, quibus cum alijs vsi sumus pro desiderio, & procuratione contemplationis infusæ, & acquisitæ. Bonum, & honestum est optare, & procurare statum gratiæ, & charitatis per infusionem talis habitus, cum quo habetur primus gradus vnionis cum Deo, etiam in pueris: & qui talem vnionem non procurat, est in statu damnationis. 2. Bonum, & honestum est, immò de necessitate salutis pro adultis actus Fidei, Spei, & Charitatis pro aliquo tempore elicere, & præcepta diuina, atque Ecclesiastica obseruare, negatiua quidem semper; affirmatiua verò pro certo tempore: per hos autem actus homo magis vnitur Deo. 3. Bonum, & honestum est cum habitu Charitatis, & obseruantia præceptorum obseruare etiam consilia euangelica, per quorum obseruantiam homo magis quam in duobus primis modis vnitur Deo. 4. Bonum, & honestum, immò laudabilius est, cum habitu Charitatis, & obseruantia præceptorum, & consiliorum exercere opera supererogatoria, quæ nec præcepta sunt, nec explicitè consulta propter eorum arduitatem. Per

hæc

A plurib.
Pariati-
bus argu-
menta.

hæc autem omnia opera homo magis vnitur Deo, quam per tres modos tantum, & quo maiora, & duriora, seu difficiliora sunt opera, eò maior est vnio. Igitur si isti gradus vnionis optari possunt, & procurari, omnes alij superiores quoq; optari, & procurari possunt, cum non sit maior ratio.

Conf. Perfecta, Dei cognitio, perfecta que dilectio, quæ in hac vita obtineri possunt, desiderabiles sunt: sed ex his duobus actibus insurgit perfecta, & mystica vnio, seu sunt ipsamet vnio: Ergo si actus illi sunt optabiles, ac procurabiles, etiam sequens vnio.

Conf. 2. Vnio realis cum Christo in Sacramento Eucharistiæ est optabilis; ac procurabilis; quæ tamen maxima est. Ergo etiam quælibet alia moralis, & affectualis cum Deo vnio.

Vnio in
Sacramen-
to Eucha-
ristiæ.

Conf. 3. Vnio beatifica in Patria optabilis, & procurabilis est; totaque humana vita, omnisque eius actio ad eam ordinatur. Ergo etiam vnio maior, & maxima, quæ in hac vita potest obtineri, optari potest, ac procurari.

Vnio bea-
tifica.

Prob. 2. In nulla lege prohibitum reperitur, ne quis desideret, aut procuret esse Dei amicus, aut amicissimus, cum omni conatu diligendo, & in qualibet sua actione ei placere procurando. Immo in ytroque Testamento reperitur positivè etiam præceptum, quòd diligatur Deus *toto corde, tota anima, ac tota virtute*; per hac autem dilectionem homo fit Dei amicus, eique vnitur. *Qui enim manet in charitate, in Deo manet & Deus in eo*, inquit Ioan. Apostolus.

Prob. 3. In Sacro textu pluribus in locis præcipitur, vel consulitur acquisitio perfectionis, ac sanctitatis; nec limitatur gradus, vt tanta, vel tanta, acquiratur, & ultra non procedatur; igitur cum hæc vnio perfectionem importet, optari, & procurari po-

potest Antec. clarum est, Matt. 5. 48. *Estote ergo perfecti, sicut Pater vester celestis perfectus est, & Sanctus Petrus epist. 1. c. 1. inquit. In omni conuersatione Sancti sitis; quoniam scriptum est, Sancti eritis, quoniam ego Sanctus sum.* Et Paulus ad Ephes. cap. 1. *estote imitatores Dei, sicut filij carissimi.* Et ex Apoc. 22. *Quis sanctus est sanctificetur adhuc, & qui iustus est, iustificetur adhuc.*

Ex facto
Sanctorū,
qui pro ea
laborauerunt.

Prob. 4. ex facto. Complures sancti pro ea acquirenda multum laborauerunt in vita actiua, in purgatiua, & illuminatiua per acquisitam contemplationem, & ex ea peruenierunt ad infusam; per istam enim ait Dionis. Carth. *de fonte lucis cap. 8. Deo fauente perueniri potest ad infusam.* At in infusa contemplatione obtinetur perfecta, & mystica vnio cum Deo; igitur, si totis viribus, quantum in se erat, & ex Dei speciali gratia contendebant ad perfectam contemplationem, cōtendebant ad perfectā vnionē.

Reliqua argumenta, quę pro hoc puncto adduci possunt, in *Opusc. 6. cap. 11. & in Opusc. 7. cap. 10. videri possunt.*

C A P. X.

Quibus medijs obtineri possit perfecta hæc vnio cum Deo.

Eadem ratio quę de infusa contemplatione.

ADu. quodd solutio huius quæsti affinis, & quasi eadem est cum solutione quæsti, *Quibus medijs obtineri possit contemplatio infusa*, de qua locuti sumus in *Opusc. 7. cap. 10.* eo quodd per hanc obtinetur vnio ista. Nihilominus pro maiori commodo lectoris etiam hęc de medijs, quibus ad vnionem hanc perfectam perueniri potest, aliqua ex eodem Capite replicabimus, & alia adijciemus.

Adu. 2. quodd nemini debet admirationem parere, si querimus, quibus medijs acquiri potest vnio hæc

hæc perfecta, cum supernaturalis sit, à Dei voluntate, ac omnipotentia totaliter dependet: siquidem omnia Dei supernaturalia sunt huius generis; & tamen affignata sunt media ex parte hominis, quibus possunt ea obtineri. Pro exemplo sit primò, iustificatio in baptismo per infusionem gratiæ, & donorum: supernaturale quidem donum est, & tamen dispositio datur ad illud in adultis ex Trid. Concil. sess. 6. cap. 7. *disponuntur autem ad ipsam iustificationem*, &c. idem dicendum de iustificatione per poenitentiae Sacramentum, ita de receptione augmenti gratiæ in omnibus alijs Sacramentis, pro quibus necessariae sunt dispositiones aliquæ ex parte recipientium. Idem diximus de infusa contemplatione, immò etiam de perfecta acquisita; quæ quidem omnia Dei dona sunt; & tamen media, seu dispositiones ad ea acquirenda adhiberi debent. Ratio autem generalis horum omnium est, quia benignissimus Dominus, qui pro nobis, nostroque beneficio vult bonum aliquod tamquam finem nostrum, concedit etiam media ad finem illum, alioquin non vellet efficaciter illum finem, ad quem non possemus nostris viribus pertinere, dicente Paulo 2. Cor. 5. *Non sumus sufficientes cogitare aliquid ex nobis, tamquam ex nobis, sed omnis sufficientia nostra ex Deo est*: Saluator enim Io. 15. dixerat, *sine me nihil potestis facere*: & idem Apostolus ad Philipp. 2. 13. hortans eos, *Cum metu, & tremore vestram salutem operamini*; subdit singulare quoddam, quod Deus ipse non solum dat nobis posse velle, & facere, sed velle, & facere, inquit, *Deus enim operatur in vobis & velle, & perficere pro bona voluntate*. Et sic adiutus, & munitus homo Diuinis supernaturalibus adiutorijs, potest aspirare ad alia supernaturalia bona. Et quamvis hæc etiam supernaturalia adiutoria, qui-

Quomodo
procurari
possit, cum
sit superna-
turalis

Ad omnia
Sacramenta
sunt neces-
sariæ dis-
positiones

B b b b bus

cum
Adiutorio
Dei possu-
mus om-
nia facere.

Deus vult
esse nostra
merita:
quæ sunt
sua dona.

Illæ, quæ
sunt media
ad contem-
plationem
infusam,
sunt etiam
media ad
unionem.

Media ad
contem-
plationem
infusam,
& unio-
nem.

bus dona illa consequimur, Dei etiam dona sint; quia tamen benignissimus largitor *vult esse nostra merita quæ sunt sua dona*, vt cum Sancto Augustino dicit Concilium Tridentinum *sess. 6. cap. 16.* confidenter dicimus, opera hominis facta cum supernaturali Dei auxilio in ordine ad dona supernaturalia, gratiam, &c. ipsamque beatitudinem æternam, esse media ad ea consequenda: his ergo positis.

Dico. Omnia opera, omnesq; dispositiones, quas *in Opusc. 7. cap. 10.* diximus esse media ad obtinendam à Deo contemplationem infusam, sunt etiam media ab obtinendam unionem mysticam, seu perfectam cum Deo, & sunt infra scripta.

Prob. euidenter. Contemplatio infusa, idest fixus, & simplex Dei, aut diuinorum, reuelatorumque intuitus, cum saporosa dilectione est vel ipsamet actualis unio cum Deo, vel est immediata illius causa: ergo media pro obtinenda contemplatione infusa à Dei benignitate donata, sunt etiam media pro obtinenda unione, ex cummuni axiomate, quòd causa causæ est causa causati.

Dispositiones autem, seu media, quibus ad infusam contemplationem, & consequenter ad hanc unionem potest homo peruenire, ex Dei misericordia, ac benignitate, sunt ista, Efficax Dei vocatio, quia, vt ex Ambrosio docet August. *Deus quos dignatur vocat, & quem vult religiosum facit*: Et Saluator Io: 15. *Nemo venit ad me, nisi Pater meus traxerit eum*: Apost. Rom. 8. *Qui spiritu Dei aguntur, hi sunt filij Dei*. Secunda dispositio est munditia cordis, idest status gratiæ, quia *Deus non habitat in anima subdita peccato*: Sap. 14. Tertia dispositio est perfecta purgatio à vitijs, & passionibus tam sensitiuis, quàm intellectualibus ex eodem Capit. Quarta dispositio est frequens exerci-
tium

tium in contemplatione acquisita, quia, vt ibi diximus ex Dionis. Carthus. de fonte lucis cap. 8. *Acquisita contemplationi in animabus purgatis regulariter ex Dei fauore succedit infusa, in qua consistit felicitas, quae haberi potest in hac vita de cognitione Dei.* Quinta dispositio est frequens exercitium orationis, precum, & meditationis, seu, vt nuper diximus, contemplationis, ex S. Bern. de Scala Claustr. vbi ait. *Rarum, immo prodigiosum esset sine hoc exercitio ad infusam peruenire.* Sexta dispositio est frequens, & longum exercitium in vita actiua, ex S. Greg. lib. 6. moral. cap. 25. dicente. *Qui carnis contumelias edomuit, superest vt mentem per studia sanctae operationis exerceat, quisque iam mentem per sancta opera dilatat, superest vt hanc vsque ad secreta intima contemplationis extendat.* Et in cap. 27. ait, *si fastigium contemplationis ascendere desideras; prius te ipsum proba in planitie actionis.* Septima dispositio ex Dionisio Carthus. de fonte lucis, est multiplex. Abstrahere se ab exterioribus negotijs, mentem recolligere, vagationes, ac distractiones abijciendo, conuertere se ad radium, supremam illustrationem optando, pro ea orando, seque ad Dei contemplationem pro viribus eleuando, & cetera plura, vt in dicto c. 10. retulimus. Ex ijs enim ait Dion. *Pius Dominus mouetur ad eleuandum hominem ad perfectiorem cognitionem, cum infusa contemplatione, & consequenter ad sui perfectam vnionem.*

Et Riccardus de S. Viç. vt ibidem diximus tract. de Preparat. ad Contemplat. cap. 78. considerans difficultatem perueniendi ad perfectam, seu infusam contemplationem, vnionemque cum Deo dicit, *sed quis ascendet ad montem Domini, aut quis stabit in loco sancto eius?* Respondet, & multa dicit, sed præ ceteris. *In stando quidem labor, sed in ascendendo maior. Multi quidem in ipsa ascensione defecerunt propter nimium laborem ascendendi. Multi*

Septem dispositio-
nes requi-
sitæ ad vnionem
cum
Deo.

Ex Ricca.
dispositio
nes ad con
templatio
nem.

Documen
tum nota
bile pro
spirituali
bus.

Quomo
do Deus
eleuat ad
vnionem
hominem
iam dispo
situm.

Magna
Dei bene
ficia colla
ta anima
vnitæ.

ab arduo eius vertice descenderunt propter laborem standi. Hoc fortasse eis intolerabile videbatur: quoniam non solum in hunc montem, nisi per magnum laborem ascenditur, verum etiam, quia sine magna difficultate ibi stare non datur. Notabile documentum pro omnibus spiritualibus, etiam qui perfecti sibi videntur, vt caueant sibi, Deumque continuè precentur, vt eos protegat, ne cadant; ista ergo sunt media ad infusam contemplationem, perfectamque vnionem ex Dei benignitate, ac misericordia obtinendam.

Hominem ergo spiritualem, ita dispositum, ex Dionis. Carthus. de Fonte lucis cap. 16. vt alibi etiam diximus, explicans illud Iob. 36. In manibus Deus abscondit lucem, & præcipit ei vt rursus adueniat, Deus ex sua liberalitate ad infusam contemplationem, perfectamque vnionem sequenti modo eleuat. Deus sublimis, cum uiderit mentem hominis spirituali zelo iustitia penetratam, charitatem flammigeram, puritate, ac omni virtute fulcitam, ad diuina fortiter aspirantem, mox dignantissimè, exuberantissimè, amorosè, ac frequentissimè ei occurrit, succurrit, ac cooperatur, seque ei communicat, manifestat, infundit, eam ad se eleuat, intra se rapit, deosculatur, amplectitur; atque se intuendum, gustandum, fouendum offert, ac exhibet, habetque complacentiam magnam in ea; ac tamquam amicam, ac sponsam apprehendit, fecundat, ac sibi adstringit, eandem lucem quoque, quam in manibus suis tenebat absconditam, ei preparat ad horam, aut horulam, prout sibi sapientissimo moderatori placuerit. Et post aliqua sequitur, in quo lucis huius reditu annunciat Deus per allocutionem internam dilecto, cum quo gratiosè operari dignatur, quod lux ista possessio eius sit, ita vt possit stabiliter possidere; & si ad horam amiserit, ad eam rursus recuperandam possit ascendere, & per eam ad lumen gratiæ peruenire, insuper lucem contemplationis theurgicæ, ac mysticæ vnionis

ra-

radium tenens Deus in manibus eandem lucem pulcherrimè
 radiantem ad libitum suum menti purgatæ nunc pandit, &
 influit; nunc retrahit, & abscondit, sicque lux ista venustis-
 sima ad tenentis Dei arbitrium latet, ac patet; & nunc co-
 piosius, clariùsque refulgens, nunc minus. Et post alia
 multa insinuat, quid operatur Deus in anima illa sic
 per contemplationem, lucem illam, inflammatio-
 nemque sibi actualiter vnita, inquiens: Cùmque hanc
 lucem Omnipotens menti ostenderit, mox mole magnitudinis
 suæ, actualitate, ac excellentia maiestatis, perfectionis, ac
 luciditatis suæ immensæ, mentem in momento, in ictu oculi,
 in puncto, sic dulciter vincit, & opprimit, vt ipsa defluat,
 atque deficiat à seipsa; & victa amore, & stupens præ ad-
 miratione eius, quam contemplatur, maiestatis, ac clarita-
 tis immensæ, præ Deitatis, quam cernit, delitiosissima sere-
 nitate, nesciat de se ipsa. Sic quidem repente tam validè il-
 lustratur, ac inflammatur, vt prorsus succumbens, vires,
 & sensus corporales amittat. Tunc mens in increata lucis se-
 cretum inducitur, in infinitæ lucis abyssu demergitur, in æter-
 næ fœcilitatis oceano rapta deperditur, in amoris immensi
 igne resoluta comburitur, atque in superuastissimæ, ac super-
 planissimæ solitudinis impertransibili, ac immensa amplitu-
 dine securissimè errat, feliciter deniat perdens seipsam, ne-
 sciens vbi, vel quando. Deinde admonet, quod hæc
 visio, ac delectatio, alijque præfati diuini fauores ani-
 mæ vnitæ non durant continuè, sed interpolatè à
 Deo conceduntur, inquiens. Verùm in hac intuitione
 tranquillissima, ac Cherubica mens humana, vt plurimum
 non in eis desigitur, sed Deus lucem, quam paulò ante in-
 fudit, retrahit, & abscondit manibus, atque post modicum
 denuò præcipit ei, vt menti adueniens, oriatur maiori non-
 numquam claritate, quàm ante. Qua luce menti fulgente,
 mens iterum in ipsa splendet, ignescit, alteratur, miratur,
 opprimitur, ac deficit. Tuncque Deus amenitatis immen-
 se

Mira Dei
 in vnium
 hominem
 dignatio.

Visio hæc.
 & vnio a-
 ctuales pa-
 rum durat

sa annunciat dilecto, idest feruido amatori, quod possessio eius sit: hæc Dionis. Carthus. Placuit has periodos referre, quia dignæ sunt.

Alii fauores, & honores animæ vnionis alibi relati sunt.

Alij autem fauores, & honores, ad quos euehit diuina dignatio illos, qui ex eiusdem misericordia, ac liberalitate per iam dicta media se disponunt ad mysticam hanc, perfectamque vnionem, relati sunt, & in toto *Opusc. 7.* & in præsentī, maximè autem in *cap. 6. & 7.* quos omnes, oro Deum, vt & mihi, & omnibus eum diligentibus largiri dignetur. Amen.

C A P. XI.

De modo viuendi hominis vniti Deo.

ADu, quod hucusque locuti sumus de vnione mystica, seu perfecta hominis contemplatiui perfecti cum Deo; de eius effectibus, cum actu existit; item de effectibus, quos relinquit in vnito postquam cessat: remanet modò videndum, quomodo gerere se debet ex parte sua homo, qui tali gratia vnionis à Deo honoratur, vt possit in tali honore perseuerare ex Dei gratia, & eo non priuari; & sic documenta valdè vtilia pro viris spiritualibus & alijs spiritualibus trademus.

Monitum primum est, vt humiliter viuat.

Dico primò. Homo contemplatiuus, qui per infusam contemplationem, perfectamque dilectionem ex Dei benignitate solet actualiter cum Deo vniri, cessante actuali vnione, in reliquo vitæ tempore magna cum humilitate viuere debet.

Prob. 1. Sacræ Scripturæ locis in quibus humilitas etiam perfectis præcipitur. Ecclesiastici 3. 20. *Quantò magnus es, humilia te in omnibus, & coram Deo inuenies gratiam, quoniam magnam potentia Dei, & ab humi-*

OPVSCVLVM OCTAVVM.

567

milibus honoratur : c. 13. humiliare Deo, & expecta manus eius; Attende, ne seductus in stultitiam humilieris; Pron. 11. Ibi est humilitas, ubi est sapientia. Iudith. 9. dicit Deo, Humilium, & mansuetorum semper tibi placuit deprecatio. Isaia 57. 15. Hec dicit excelsus, & sublimis habitans eternitatem, & cum contrito, & humili spiritu, ut vivificet spiritum humilium, & cor contritum; & alia plura suppetunt loca ex Veteri Testamento.

Ex Vet. test.

Etiam perfectis præcipitur humilitas.

Prob. ex Nouo. Matt. 5. dicit saluator; Beati pauperes spiritu, quoniam ipsorum est regnum celorum, & in cap. 18. Nisi efficiamini sicut parvuli, non intrabitis in regnum Celorum, & quicumque humiliauerit se sicut parvulus iste, hic est maior in regno Celorum. Lucæ 18. Qui se humiliat, exaltabitur. Et in cap. 1. B. Virgo dicit, de posuit potentes de sede, & exaltavit humiles.

Ex Nouo test.

Conf. ex 1. Petri, 5. 6. Humiliamini sub potenti manu Dei, ut vos exaltet in tempore visitationis. Ibidem. Omnes autem inuicem humilitatem insinuate, quia Deus superbis resistit, humilibus autem dat gratiam.

S. Petrus.

Conf. 2. ex Paulo Rom. 12. Non alta sapientes, humilibus consentientes, &c. ad Coloss. 3. induite vos, sicut electi Dei viscera misericordie, humilitatem, &c. Ad Philipp. 2. Hoc enim sentite in vobis, quod & in Christo Iesu, qui cum in forma Dei esset, humiliavit semetipsum, formam servi accipiens, &c.

. Paulus.

Conf. 3. ex Epist. Iacobi c. 4. Humiliamini in conspectu Domini, & exaltabit vos.

S. Iacob.

Prob. exemplo servorum Dei, etiam perfectorum, qui ei erant uniti, & maxima cum humilitate Deum deprecabantur. Gen. 28. 47. Abraham sic ait ad Dominum, Quia semel capi, loquar ad Dominum meum, cum sim pulvis, & cinis. 2 Reg. 6. 22. David reprehensus à Michol vxore, quod malè tecisset virum se faciens, & fuisset quasi vnus de scurris nudatus ludens

Exempla Sanctorū. Abraham. David.

dens ante arcam Domini, respondit, *Et ludens; & vilior fiam plusquam factus sum, & ero humilis in oculis meis & gloriosior apparebo.*

Ex Nouo Testamento, Paulus Vas electionis ait, *Ego suum minimus Apostolorum, qui non sum dignus vocari Apostolus:* Et Ephes. 3. 8. ait, *Mibi omnium sanctorum minimo data est gratia hæc;* B. Virgo audiens à Gabriele, quòd esset iam electa Mater, humiliter respondit *Ecce ancilla Domini, fiat mihi secundum verbum tuum.* Deindè factum narrans Elisabeth, ait, *quia respexit humilitatem ancillæ suæ: ecce enim ex hoc beatam me dicent omnes generationes;* & Saluator ipse humiliatus in forma serui, obediens usque ad mortem, cum in præcedenti sero abluisset pedes Apostolorum, inquit. *Si ego magister, & Dominus vester laui pedes vestros, quantò magis debetis alter alterius lauare pedes. Exemplum enim dedi vobis, vt quemadmodum ego feci, ita & vos faciat.* Et sæpè hanc virtutem Apostolos docebat, præsertim Matt. 11. 19. *Discite à me, quia mitis sum, & humilis corde, & inuenietis requiem animabus vestris,* Et sæpè testabatur, quòd humilibus tantum (quos nomine paruulorum appellabat) confert dona sua; eisque reuelat, illuminando, ac inspirando secretiora sua ad salutem necessaria, & vtilia, inquit Matt. 11. 25. *Confiteor tibi Pater, quia abscondisti hæc à sapientibus, & prudentibus, & reuelasti ea paruulis.* Et sæpè dicebat, *nisi efficiamini sicut paruuli, non intrabitis in regnum celorum.* Et hoc est, quòd per Isaïam prædixit Deus in cap. 66. 2. *ad quem respiciam nisi ad pauperculum, & contritum spiritum, & tremementem sermones meos?* Et Dauid psal. 132. *Quis sicut Dominus Deus noster, qui in altis habitat, & humilia respicit?* & psal. 137. *Excelsus Dominus, & humilia respicit, &c.*

Humilibus Deus confert dona.

His ergo doctrinis eruditus Dei seruus, Deo vnitus

tus per infusam contemplationem, perfectamque dilectionem Dei, cum ab illis actibus recedit quousque iterum ad eos à Deo eleuetur, humilis permaneat, ac si vilissimus inter homines esset, & illis Dei fauoribus indignum se existimet, omnesque in Dei misericordiam, ac liberalitatem refundat, timens, ac tremens, ne ex propria culpa in sui confusionem conuertantur.

Dico 2. Contemplatiuus iste tali fauore contemplationis, & vnionis à Deo donatus, debet secreto, & cum silentio, fauore illo frui; neque alijs propagare, nisi sui superioris aut directoris iussu, ad Dei gloriam, ei præcipiatur manifestare ea, quæ habet dona; & tunc humiliter, sine ambitione, aut affectatione, aut gloria aliqua id debet exequi.

Prob. ex Tobia 12.7. vbi Angelus Raphael postquam incognitus tot beneficia contulerat iuniori Tobia, custodiendo, protegendo, liberando à pisce, & Saram coniugem à spiritu maligno, & cum felle piscis cæcitatem Patris sanando cum parentes, ipseque filius vellent eum donis remunerare, putantes esse hominem; Raphael recusans munera, dixit, *Benedicite Deum cæli, quia fecit vobiscum misericordiam suam. Etenim Sacramentum Regis abscondere bonum est; opera autem Dei reuelare, & confiteri honorificum est.* Considerans autem, quia manifestare secretum illud cedebat in gloriam Dei, paulò post, dicit. *Manifesto ergo vobis veritatem, & non abscondam à vobis occultum sermonem:* & reuelat, quis ipse sit, quid pro eis fecerit, quare Deus Tobiam senem cæcitate afflixerit; quare ipsum Angelum Deus ad eos miserit; quòd orationes eius, & opera misericordiæ in viuis pascendis, & mortuis sepeliendis, semper Deo obtulerit; & his, alijsque dictis ab oculis eorum euauit.

Cccc nec

2. Monitū:
absconde-
e debet
ea dona.

Angelus
Raphael
docet se-
creta tene-
da Dei do-
na.

nec amplius eum videre potuerunt. Magnum do-
cumentum est hoc pro spiritualibus, vt interna be-
neficia, visiones, aut reuelationes occultas, si quas
aliquando à Deo obtinent, non promulgent, sed
in corde abscondant, nisi ad Dei gloriam ex dire-
ctoris, seu Confessarij, aut Superioris iussu manife-
stare compellantur.

Idem habetur ex Isaïæ 24. 16. qui cum multa
mala futura, nedum Popolo Iudaico, sed toti hu-
mano generi prædixisset, ait, *secretum meum mihi*; &
replicat, *secretum meum mihi*. Prædixerat ante, *A finibus*
terre laudes audiuius, gloriam iusti, deinde ait, *secretum*
meum mihi. Interpretes dicunt quòd tunc prædixit
gloriam Messia cum promulgatione Euangelii per
vniuersam terram: At quale esset hoc secretum,
pauci declarant. Caldaicus textus, sic vertit, *Se-*
cretum Premium iustorum monstratum est mihi, secreta
vindicta impiorum reuelata est mihi. Væ iis, qui vim faci-
unt quia vim patientur, & direptoribus, quia ecce diri-
pientur.

Isaïas idē
dicit in fa-
cto.

S. Hieronymus aliter vertit, *Secretum &c.* in-
quiens. *Non possum cuncta narrare, quæ cerno; hæret*
lingua faucibus meis; Vox dolore concluditur. Væ mi-
hi, quantus ordo pœnarum ante oculos meos versatur.
S. August. in psal. 7. & cum eo alij dicunt hoc secre-
tum, quod reuelare noluit, aut non potuit Isaïas,
fuisse mysterium reprobationis Iudæorum, & voca-
tionis Gentium: quocumque modo intelligatur,
grande documentum est pro veris contemplatiuis,
vt arcana, quæ Deus eis manifestat aliquando, se-
creta teneant, alijsque non publicent, sed ijs fru-
antur, Deoque gratias agant.

Secretum
Isaïæ qua-
le erat.

S. Bernardus pluries insinuat viris spiritualibus,
vt bona sua spiritualia abscondant, quia possidens
the-

thesaurum illū non manifestat, & in ser. 4. de Aduentu, ait, *Inspiciens tu qui merces congregas in seculum per-
tutum, qui thesaurum tuum alieno in ore constituis; ignorans
quod arca ista non clauditur, nec seras habet, quā melius sa-
piunt, qui thesaurum suum sibi seruant; aliis non committunt.*
Et post aliqua. *Propterea dico vobis carissimi, vtile est
magis abscondere, quā ostentare, si quid habemus boni; si-
cut & mendici, cū elemosinam petunt, non pretiosas ve-
stes ostendunt, sed seminuda membra, aut vlcera, si habue-
rint, vt citius ad misericordiam videntis animus inclinetur,*
Ibique etiam ostendit, quod in aliquo casu ad Dei,
non ad propriam, gloriam, bona ista spiritualia
manifestanda sunt. Et in epist. ad fratres de Monte
Dei in calce, dicit, *spiritualem hominem ex amore crea-
toris debere esse subiectum omni creaturæ, exhibere corpus suū
hostiam viuētem sanctam, Deo placentē, rationabile obsequiū
suū; Præ omnibus autem, non plus sapere, sed sapere ad so-
brietatem, Et concludit epistolam sic: Et secundū da-
tam à Deo mensuram fidei bona sua non ponere in ore homi-
num, sed celare in cella sua, & recondere in conscientia, vt
hoc quasi titolare, & in fronte conscientie, & in fronte cellæ
semper habeat, secretum meum mihi, secretum meum, mihi.*
Idem confirmat in tract. de septem gradibus Confessionis,
post medium, vbi de actibus mortificationis loquens
ait, *hoc autem occultè faciendum est, vt nesciat sinistra tua,
quid faciat dextera tua. Non enim est in ore hominum tanti
boni reponenda custodia, sed in absconso cordis tui, vt sit
gloria tua testimonium conscientie tue. Est optima qui-
dem viuendi regula pro spiritualibus præsertim; dif-
ficile enim esset, absque alicuius vanæ gloriæ gradu
bona illa, fauoresque illos adeò sublimes aliis mani-
festare.*

Dico 3. Contemplatiuus iste tali fauore contem-
plationis, & vnionis cum Deo, donatus, continuè

Cccc 2 ti.

S. Bernard

Valdè in-
culcat se-
cretum.

Optimum
documen-
tum.

3. Monitū
amor ca-
sus.

timere, & cauere debet, ne ex culpa sua fauore illo priuetur.

Ex Apo-
stolo.

Prob. Nullus viator, quantumuis sanctus, & perfectus, nisi sit confirmatus in gratia, euadit impeccabilis, aut est infallibiliter securus de sua salute; & oppositum falso, & erroneè docebant Beguardi in Concilio Vienn. damnati: ideo quilibet quantumuis iustus, ac sanctus, timere debet, ne cadat: hoc monet Apostolus 1. Cor. 10. 12. *Qui se existimat stare videat ne cadat* Interl. *cadat*, dicit, *Peccando, vel peccare faciendo, & si fiat hoc*, permittit Deus, ad bonos probandos, & malos puniendos. S. Hieronimus in eum locum dicit; *qui se existimat stare, videat ne cadat, per hoc ipsum cadat, quod se stare formiter gloriatur.*

Idem A-
postolus
timebat
casum.

Conf. Ipsemet Paulus Apostolus vas electionis, tot donis, tantaque perfectione à Deo exaltatus, cadere adhuc timebat, quod pluries testatur; nam 1. Cor. 9. 27. inquit, *Ego igitur sic curro, non quasi in incertum; sic pugno, non quasi aerem verberans, sed castigo corpus meum, & in seruitutem redigo, ne fortè cum aliis prædicauerim, ipse reprobus efficiar.* Gl. Lyr. dicit, licet ipse sciret, se esse de numero electorum, tamen non debebat omittere aliquid de contingentibus ad salutem. S. Hieron. ait, *ne fortè, &c. Non faciendo, quæ dico.*

Iterum ti-
met.

Idem Apost. in 2. Cor. 12. 7. inquit, *Ne magnitudo reuelationum extollat me, datus est mihi stimulus carnis meæ Angelus Sathana, qui me colaphizat, propter quod ter Dominum rogaui, vt auferretur à me: timebat ergo de extollentia, seu vanagloria de magnis suis reuelationibus. Si ergo Paulus à Deo sic sublimatus cadere timet, quanto magis alij timere debent. Et ipsamet Sancta Theresia, quæ vnionem mysticam, & perfectam cum Deo distinguit in vnionem sponsa-*
lium,

lium, & matrimonij, esset tamen utramque esse solubilem. Cum autem ex parte Dei adesse non possit causa solutionis, quia ait Apostolus Rom. 11 20. *sine penitentia sunt dona Dei*, & ex Concilio, atque Augustino, *Deus non deserit, nisi prius deferatur*, ex parte hominis, & defectu, atque culpa eius adesse potest causa solutionis talis unionis: ac propterea quilibet quantumvis in contemplatione perfectus, ac Deo habitualiter vnitus, cauere debet quantum ex sua parte potest, peccatum, ipsasque peccandi occasiones; & frequenter orare debet, ac dicere, *Et ne nos inducas in tentationem, sed libera nos à malo. Amen.*

Dico 4. Contemplatiuus iste, & Deo sic vnitus seruare ea debet, quæ docet S. Bernard. *in tract. de octo punctis*, per quæ peruenitur ad perfectionem, & perseveratur in ea Dei fauore; & sunt sequentia; quæ quidem alia vice *Opusc. 6. cap. 9.* retuli: at quoniam valde proficua sunt, non piget iterum hic referre.

Primum, ut sæpè confiteatur peccata cum magno dolore, & firmo proposito amplius non peccandi.

Secundum, ut non frangatur ab aduersitate, vel tentatione; sed stet in iustitia, ac timore, præparetque animam suam ad tentationem; quia tota hominis vita est militia super terram; & consideret cum S. Gregorio, quod Dominus permittit electos suos lacerari detractionibus, ut in humilitate conseruentur.

Tertium, ut non misceat se cum hominibus, nec interioribus, nec exterioribus quantum potest humano modo, sed teneat se solitarium, & cum sponso suo Christo, fugiat rumores sæculi; vana, & sæcularia colloquia; quia mentem distrahunt, & inquietam reddunt, & in pace esse non permittunt.

Quar.

Omnis vnio est separabilis.

Octo S. Bernardi monita seruanda a contemplatiuo.

Fortitudo

Sollicitudo.

Puritas
cordi . con-
tinua

Semper
eleuatum
habeat sur-
sum .

Sollicitu-
do circa
amicos est
abijcien-
da .

Perseue-
rantia in
bono ope-
re .

Quartum . Omni tempore debet puritati cordis studere , vt continuè , videlicet clausis sensibus carnalibus , in semetipsum conuertatur ; & cordis ostia à formis sensibilibus , & imaginibus terrenorum , quantum possibile est , habeat diligenter serata . Et post aliqua , ait . Super omnia autem alia , sibi semper sit principalis conatus , vt animum suum semper sursum in contemplatione diuinorum eleuatum habeat , vt in Diuinas res , ac Deum mens iugiter transferatur . Quæque autem ab iis diuersa sunt , quamuis magna videantur , sicut corporis castigatio , ieiunium , vel vigiliæ , ac similia virtutis exercitia , quasi secundaria , & inferiora iudicanda sunt ; tantum expedientia , quantum ad cordis proficiant puritatem . Et post multa , inquit ; siue igitur comedat , siue bibat , siue aliud faciat , semper hæc vox Pii parentis resonet in auribus suis . *Fili mi ad cor tuum reueas , ab omnibus quantum possibile est teipsum abstrahendo , mentis oculum semper in puritate , & tranquillitate custodias* Hæc , & alia plura in eo puncto docet Bernardus .

Quintum , ne contristetur , vel lætetur , vel sollicitetur pro amicis , & cognatis suis ; sed committat eos Deo ; & spirituale subsidium , id est orationum suffragia , eis impendat ; se autem mundo crucifixum reputet , & mundum sibi ad interiora extendat , tamquam omnibus amicis orbatum .

Sextum , vt sit feruens in orationibus , & meditationibus sanctis , quia sola perseuerantia coronabitur , & nulla sine labore virtus ; & ad magna præmia non peruenitur , nisi per magnos labores : Regnum enim cælorum non desides , non remissi , non delicati , sed violenti rapiunt illud . Hæc , & alia plura in eo puncto docet Bernardus .

Septimum , vt sit tacens , & non multiloquus ; ubi-
cum

OPVSCVLVM OCTAVVM. 575

cumque fuerit loquendo, vel respondendo, leniter, morose, remissa voce, & placido vultu, & disciplinatis moribus, pauca, & rationabilia verba loquatur. Bis ad limam veniant verba, quam semel ad linguam; plus diligat audire quam audiri. Non innitatur suę prudentię, neque confidat in proprijs sensibus, neque sit sapiens in oculis suis. Altiora se non scrutetur; sit discretus, modestus, & ordinatę in omnibus se exhibeat; quia super humilem, & ordinatum, & quietum requiescit spiritus Domini.

Forma loquendę.

Octauum, & vltimum, vt numquam sit otiosus: nam in desideriis est omnis otiosus. Igitur amet scientiam scripturarum, & carnis vitia non amabit; semper legat, aut oret, aut aliquid de sacris meditetur. Multa enim mala docuit otiositas; est mors animę, & viui hominis sepultura, & sentina omnium malorum. Singulis horis, & diebus sua tribuat exercitia, spiritualibus spiritualia, corporalibus corporalia. In omnibus sibi caueat a peccato, & proximo a scandalo: statim ac sentit, se stimulari a vanagloria vel quacumque tentatione, obstat principijs; sit agilis ad quęcumque agenda, quę ex alterius admonitione, vel diuina inspiratione intelligit esse facienda. Discat sibi ipsi pręesse, & non regere alios; propriam vitam ordinet, se iudicet, se apud semetipsum accuset, & condemnet, nec impunitum dimittat excessum. Sibi sit durus, numquam aliis. Manę pręteritę noctis faciat a se ipso exactionem; & futurę diei sibi indicat cautionem. Vespere pręteritę diei rationem exigat, & superuenientis noctis faciat indiCTIONem; sed sit cautus contra insidias Diaboli, ne ab exercitijs harum virtutum ipsum abducatur: hæc S. Bernard.

Orium fugiendum.

Orium est malorum omnium origo.

Et pro coronide harum monitionum pro eiusmodi

576 DE VNIONE MYSTICA ANIMAE &c.

Apostoli
monitio
de agen-
dis.


di contemplatiuis Deo sic mystice vnitis, non omit-
tam referre monita, quæ Paulus insinuat Philippen-
sibus in c. 4. suæ ad eos epistolæ, vt eisdem vrantur
contemplatiui, immo & meditatiui, cæterique spiri-
tuales. Nihil, ait, solliciti sitis, sed in omni oratione, & ob-
secratione cum gratiarum actione petitiones vestræ innotē-
quæcumq; pudica, quæcumq; iusta, quæcumque sancta, quæ-
scant apud Deum. De cætero fratres quæcumque sunt vera,
cumque amabilia, quæcumque bonæ sante, si qua virtus, si
qua laus discipline, hæc cogitate, &c.

De aridi-
tatis reme-
dijs alibi
actum.

Quoniam verò nedum contemplatiui, sed medi-
tatiui, omnesque spirituales, ac serui Dei mirum in-
modum cruciantur per ariditatem, seu defectum de-
uotionis, & naturalem repugnantiam ad consueta
exercitia spiritualia, quæ quidem crebrò accidere
solet, Deo permittente ad probationem, ac eorum
monitionem, agendum esset de remedijs opportunis
contra ariditatem. At quia de eis sufficienter locuti
sumus in Opusc. 2. c. 13. & in Opusc. 6. c. 7. in ijs locis
studiosus lector illa inueniat, ne eadem frustra repe-
tantur.

Quæ de oratione Christiana ad Dei gloriam, &
animarum salutem, breuiter dixisse sufficiat.

F I N I S.



005645954

